



《續修四庫全書》編纂委員會編

續修四庫全書



上海古籍出版社

五三五・史部・傳記類

本朝分省人物考一百十六卷（卷六十四至卷一百）

〔明〕過庭訓撰

2670/05

人物考卷之六十四目錄

江西吉安府二

陳廉 附陳昌

孫鼎

胡廣

楊士奇

陳雷

彭豫

彭琉

梁洞

陳循

錢習禮

余學夔

朱與言

羅汝敬

郭循

李禎

李時勉

本朝分省人物考 卷六十四目錄

周忱

羅通

劉髦

劉子輔

劉益

劉廣衡

劉球

鄒緝

羅肅

嚴樞

張洪

羅俊

張宗璉



本朝分省人物考卷之六十四  
江西吉安府二

陳廉 陳昌

陳廉字孟潔泰和人幼時穎敏過人讀書日千餘言通其大義十二治詩經下筆為文章桀然有聲譽於長者其事親能適其心未嘗得一錢以入私室父孔碩從子有怨家欲報孟省孟省已卒則構誣詞嫁禍孔碩廉憤曰無父焉用我為伏訴闕下孔碩得白不陷於誣孔碩沒撫育弟妹甚厚宗戚故舊有急趨赴之恒恐不及平生為人排難解紛不可數計而不為勞磊落豁達喜交際四方賢士大夫過泰和者必造其廬傾倒而後去永樂乙酉以國子生中應天府鄉試明年中會試禮部擢第二甲進士授翰林庶吉士與脩永樂大典為校正官性嗜酒雖紛冗不廢嘗曰王猷愛竹豈比我哉竟坐是致疾疾革壺觴猶在牀榻間卒年四十五從弟陳昌字孟京登永樂四年進士第授翰林庶吉士時 朝廷廣召文學之士纂修永樂大典孟京與編校晨入晚出未嘗以私廢其博達明審老師宿儒多讓之性孝友家素貧幸仕得祿而薄甘旨未嘗充其母甚樂也愛其弟恒約已

本朝分省人物考 卷六十四

江西八 李郁



以裕之卒之時家徒四壁顧其妻曰死生常道勿戚戚身後事其在諸兄汝惟善視兩兒不可令斷絕讀書種子耳不一言及他事卒時年三十有六

孫鼎

孫鼎字公宜廬陵人永樂間以鄉舉歷江浦松江學博士甚得士心楊文定溥薦為監察御史督南畿學政立教以德行為本而文藝次之置本原錄錄諸生善行以身為率不事譏防行部令勿先知單輿猝至諸生集輒閉門面試一文或破題數首隨閱隨定畢便開門呼名而出案牘隨之先後允愜私囑者無所

本朝分省人物考 卷六十四

江西

李郁

曆手時應天苦旱饑甚奏免其租什七賑濟萬二千餘石全活甚眾庚午秋 上北狩詣闕上疏請隨所用以效死不報乃自矢於文信公祠去蒞所部道過金尚書濂慷慨對泣有萬里丹衷扶日月兩人清淚對山河之句其忠憤如此金陵王林朴以賢良徵鼎薦以自代不允而擢林朴僉事董廣學政會勅封鼎父母得告歸省父聞 恩命至騎以迎鼎塗行控御甚虔觀者榮之明年還朝念親老請致仕歸後祭酒司業缺當道屢欲論起之不果歸六載卒

胡廣

胡廣廬陵人初名廣廷試傳臚更名靖永樂初復舊名字光大齋居名晃菴因以為號十數歲喪父已有志問學內浸漬其母訓外則受從祖子貞之教故德器不凡既冠薄遊閩中前輩率忘年與交歸而從黃伯器講論得所歸宿之地而日進焉以進士第一為翰林修撰永樂入正大統陞侍讀二年陞右春坊四年進文淵閣大學士又三年卒贈資善大夫禮部尚書謚文穆國朝文臣有謚自姚廣孝與廣始 仁宗嗣位加贈榮祿大夫少師廣居官敬慎在 上前承顧問必據理對而以忠厚為本未嘗及人過於奉

本朝分省人物考 卷六十四

江西

王國瑞

旨制勅視草即有所見必具可否以聞多見采納事太宗十有七年周訥建請封禪 上不聽獨廣言與上意合既退作却封禪頌奏之丁母憂召還 上問百姓安否對曰安但郡縣窮治姦惡外親為民厲遽召罷之兩考京畿鄉試四為廷試讀卷鑒別公明奉勅修 高皇帝實錄及五經四書性理大全皆為總裁志於扶植名教獎掖善類於利不苟取與於匪人不苟比小人有不滿公者屢造言毀之 上不聽遽黜毀者而廣執之愈堅意度蕭散雖身處榮祿未嘗一日忘山林幽澹閒遠之趣退惟閉戶讀書而已其

學博究經史百氏下逮醫卜老釋之談亦皆旁通爲  
文援筆立就頃刻千百言沛然行雲流水之勢賦詩  
取適其性情近體得盛唐之趣工書法行草之妙卒  
年四十九所著有晁菴扈從集

### 楊士奇

楊士奇名遇以字行泰和縣人幼孤力學越章貢浮  
琴江艤鄂渚登黃鶴樓與蔣隱溪子立遊慨然有幽  
人貞士之志已而赴試吏部將官之尚書張統讀其  
策喜曰明達時務有用之才不但文詞之工而已列  
名第一授王府審理副會 成祖卽位遂擢爲翰林

本朝分省人物考

卷六十四

四

江西八

院編修與解縉黃淮胡廣胡儼楊榮金幼孜進內閣  
典機密尋陞侍讀 上嘗諭士奇曰朕知爾文學親  
擢置此爾但盡心勿自疑畏士奇感 上知遇忠勤  
不懈以修其職 仁宗爲皇太子又以本官兼左春  
坊左中允益見寵任侍講學士王達講乾九四舉儲  
貳爲說 皇太子疑其言問士奇對曰此宋儒胡瑗  
說也曰與常人言亦舉此說乎對曰程子常曰卦中  
六爻人人有用無所不通王昭素嘗爲宋太祖言之  
矣講臣非有據豈敢妄出意見哉饒州士人朱季友  
獻所著書斥濂洛關閩之說 上覽之怒曰此儒之

賊也時禮部尚書李志剛及士奇等侍側 上示以

其書士奇曰當盡燬所著書庶幾不誤後人遣行人  
押季友還饒州悉索其所著書盡焚之五年廣東布  
政徐奇朝京師載嶺南土簞諸物將以饋廷臣或得  
其單目以進 上閱視無士奇名獨召士奇問故將

以私交罪之士奇曰奇自都給事中受命赴廣時衆  
皆作詩文贈之故有此餽臣不與名者以當時病未  
有作不然亦不免今衆名雖具然受否未可知且物  
微甚當無他意 上意解命中官燬其目一無所問  
本年陞左春坊左諭德仍兼侍講禮部尚書鄭賜爲

本朝分省人物考

卷六十四

五

江西八

侍郎趙昶所問憂鬱感疾勉強奉職如平時忽以卒  
告上疑其自盡召翰林諸臣問之士奇進曰臣觀賜  
病數日但未敢卽安昨晚同立右順門下賜忽仆地  
旁人怪賜無人氣臣遽命其屬官掖出午門外 上  
聞士奇言曰微汝言幾誤疑賜賜本君子顧才不足  
耳命工部與棺禮部往祭七年車駕巡狩北京 皇  
太子監國 上命蹇義金忠黃淮與士奇職輔導義  
於事多疑少斷常持兩端曰事當熟慮不然必有後  
憂士奇曰事豈得不思但多思則惑惟據理而行  
皇太子聞而笑曰自今議事擇當理者從之不必多

思致惑也春坊贊善王汝玉每以詩法進 皇太子  
 皇太子以問士奇對曰殿下明經講道之暇娛意文  
 字兩漢詔令皆可觀非但文辭高古亦可裨益治道  
 詩非所急也 皇太子曰儒者亦作詩否士奇曰儒  
 者固皆作詩然儒之品有高下有德行之儒有經濟  
 之儒專意詞章謂之俗儒已耳九年 上還南京一  
 日退朝召士奇問曰爾輔東宮久果何如士奇以孝  
 敬對 上使言其實對曰凡有事宗廟祭器皆親閱  
 去年將時享頭風作醫言當汗殿下曰汗即不敢蒞  
 祭左右請遣人代斥之曰 上以命我又可遣人代  
 平遂親祭畢汗徧體無藥疾自愈每進御用物皆  
 躬閱封識遣行不輕信下人車駕北征不敢寧居恒  
 月中是始食駕還而後能安 上曰此子道當然士  
 奇曰古聖賢亦皆盡其當然者耳殿下天資高明有  
 過未嘗不知知之未嘗不速改又且存心以愛人爲  
 本將來必不負 陛下付託之重 上悅十二年正  
 旦日食先數日 上問禮部及翰林諸臣正旦日食  
 百官行賀禮乎尚書呂震曰日食與朝賀不同時當  
 賀士奇對曰日食天變之大者也宋仁宗時元正月  
 食富弼請罷宴撤樂宰相呂夷簡不從弼曰萬一契

丹行之爲中國蓋後有自契丹還者言虜是日罷宴  
 仁宗深悔今誠宜免賀 上曰君子愛人以德士奇  
 言是也遂免賀及宴十四年 上聞高煦有異志還  
 京師欲發其事疑未決獨召士奇問之士奇對曰臣  
 事東宮外無敢與臣等言者但漢王始封國雲南不  
 肯行改青州又不肯行今知將徙都北京惟欲留守  
 南京天下皆疑其心惟 陛下善處之使早有定所  
 上默然起還官遂命削其兩護衛處之樂安州周  
 王楚王來朝謁 孝陵 上命東宮皇太子太孫及  
 翰林諸臣拜位當何如衆疑未有言  
 士奇對曰二王尊屬當分列在前東宮稍後居中  
 皇太孫又後亦居中諸皇孫與太孫同班分列兩旁  
 上出片楮所書位次與士奇言合然下有十六字未  
 書授筆命士奇足之遣鴻臚寺丞周昇持赴陵俾  
 率行之少頃復命以宸翰上 上遂以與士奇寶藏  
 之十五年 皇太子命士奇纂周易本義要旨爲一  
 編既進 皇太子悅賜名周易直旨踰年輯成又名  
 曰周易大義本年陞翰林院學士仍兼諭德會 上  
 巡北京命輔 皇太子監國二月有疾 皇太子  
 賜諭并以寶鈔酒米給之二十二年八月 成祖北

本朝人物考 卷六十四

六

江西

本朝人物考 卷六十四

二

江西

征上賓學士楊榮歸自行在以聞 仁宗卽遣皇太子孫往迎梓宮時京兵皆隨征在外城中空虛慮趙府兵爲變因秘未發喪 皇太子然之頗急未有所與以問士奇士奇言 上所用東宮圖書今請暫假之行此一時之權歸卽進納 上卽取付太孫曰有啟事以此封識未久當歸汝汝就留之旣而謂士奇曰卿言誠是昔大行臨御儲位久未定浮議喧騰吾今就以付之浮議何由興士奇曰殿下嗣位事無大小皆當盡公此收拾人心之機也恩之所及必先扈從征行之臣九月癸未尚書呂震言於 上曰今喪服已踰二十七日請如 太祖倣漢制易吉服 上時未有答震退徧語羣臣明且易從吉士奇謂震曰今未可比此例蓋洪武中有遺詔今 上於皇考可遠卽吉乎明且上素冠麻衣經出視朝文臣惟學士武臣惟英國公如 上所服罷朝 上諭左右大臣曰呂震昨奏當易服梓宮在殯吾豈忍易士奇所執是也士奇以華蓋殿大學士陞少保翰林以士奇所受誥草進呈 上取筆親增二語曰勿謂崇高而難入勿以有所從違而或怠顧謂士奇等曰此實朕心卿其勉之士奇對曰 聖德能容臣等敢不勉忠盡職

本朝分省人物考 卷六十四

江西八 陸昌

有言願不以同異爲喜怒不以喜怒爲用舍成湯改過不吝所以爲聖人茲願 陛下常以古人爲法本年十二月加少傅洪熙元年正月命士奇兼禮部尚書尋改兵部尚書士奇辭曰臣爲少傅大學士已踰涯分尚書一職更不敢當 上曰黃淮金幼孜皆三職鄉獨二職卿勿辭士奇請辭俸 上曰卿於朕勞勤二十年故賜以此祿何用辭士奇曰尚書月俸六十石可養壯士六十人臣受二俸已過分安敢再加 上曰朕成卿志乃聽辭 上監國時御史舒仲成嘗以事忤旨後已陞爲湖廣按察副使矣及卽位尚書蹇義因以他事奏仲成卽命都察院逮治之士奇上疏曰向來小臣得罪者多 陛下卽位皆有之今追理仲成卽詔書不信漢景帝爲太子召衛綰不赴卽位用綰前史建之 上喜卽罷治仲成賜士奇米及鈔幣且降勅獎諭曰卿導朕以仁助朕以德欲朕爲唐虞之君誠忠良股肱之臣也有卿如此朕復何憂二月 上以田二頃賜士奇時蹇義先已受賜士奇懇辭 上曰卿事朕表裏一誠資益良多朕心不忘卿前辭祿今又辭田何執之固也士奇曰臣起自寒微今受恩踰分豈可不知止足幸少延殘喘得更

本朝分省人物考 卷六十四

江西八 劉光



事 陛下二三年獲全歸山林受賜多矣 上甚嘉悅時有上書頌太平者 上以示士奇對曰 陛下恩澤已敷但流徙尚有未歸瘡痍尚有未復遠近猶有艱食之人須休息二三年庶幾人皆得所 上笑曰誠如卿言事有未當皆須直言可也大理少卿戈謙數言事過於矯激尚書呂震等交奏其賣直沽名上頗厭之士奇進曰謙雖昧大體蓋亦感恩圖報耳古人有言王聖則臣直惟 陛下容之 上以衆言猶不憚因免謙朝而使視事如故士奇又進言曰陛下有詔求言言不當者不加罪今謙因言取咎

本朝分省人物考 卷六十四 江西八 劉光

朝臣皆以為戒且四方朝覲之臣咸在豈能盡知謙過夫若傳之遠人將謂朝廷不能容直言 上惕然曰朕非怒謙言事其言自有過實者卿可以朕心諭衆人士奇曰此非臣言能使之信當以璽書開諭可也 上遂命士奇書勅引過而待謙如初令百官言事毋以謙為戒 上以士奇匡輔力多特賜璽書褒其功併賜御製楊貞一印一枚使藏於家傳之後世嘗論科舉須是取南北士 上曰北人學問不逮南人士奇曰長材大器多出北方今試卷例緘其姓名請於外書南北二字如當取百人則南六十北四十

南北人材皆就用矣議定未上而官車晏駕宣宗即位遂行之宣德元年高煦反車駕親征罪人既得尚書陳山迎見 上請乘勢移師彰德襲趙王則朝廷無憂矣 上以問士奇曰事當有實天地鬼神其可欺乎今日宗室惟趙於 陛下最親當思保全之豈可惑羣言 上曰吾亦思之 皇考於趙最友愛且吾惟此一叔奈何不愛今思所以保全之道欲封羣言示之自處士奇曰更得一璽書諭之尤好遂遣廣平侯袁容都御史劉觀持勅往諭且示以衆言趙王得書喜曰吾生矣即獻護衛上表謝恩而言者頓息

本朝分省人物考 卷六十四 江西八 劉光

上待趙王日親厚因薄陳山竟疎斥之二年十月黎利遣人進前安南陳王嫡孫暲表乞立為陳氏後嗣甚懇切 上亦厭兵欲從之大臣有言此黎利之譎當發兵誅之或以為與之無名徒爾示弱 上召士奇謀之士奇曰初求立陳氏後者 太宗皇帝之初心求之未得乃郡縣其地數年以來兵民困於交趾極矣此皆 祖宗之赤子體 祖宗之初心保祖宗之赤子正 陛下盛德何謂無名漢棄珠崖前史以為美何謂示弱 陛下勿疑 上意遂決五年上以四方屢有水旱欲下寬恤之令獨召士奇議

之士奇曰百姓積欠薪芻及採買諸物官府但知督責而民不能輸官額重民困無聊多有委棄逃徙者當量與減除部府坐徵買辦諸物不問其地有無一槩取辦民費價十倍不能完年來刑獄不清旱澇恐由於此宜戒飭法司敦用平恕務求實情四方工匠丁男皆徵集京師役於公者無幾受私役者十六七身既勞困而妻孥失顧未免怨嘆當命官察治丁多免其半單丁者皆免老病無丁者除其籍其本非匠誣引爲匠者察實除之今軍民苦漕運而倉廩無關防姦盜相繼恬不畏法宜命風憲官巡察 上稱善即書勅明日行之民大感悅六年七月日既夕上微行至士奇宅傳呼范太監來士奇叩首曰 陛下奈何以宗廟社稷之身自輕至此擾擾塵埃誰識至尊者變起倉卒何以備之且天子尊居九重恩澤未洽幽隱萬一有冤夫怨婦窺伺竊發誠不可不慮也後果獲盜如士奇言 上歎曰愛朕莫若卿朕自今不復微行矣 上問士奇今事之當寬恤者安在士奇曰逃移之民朝廷旣赦使復業而家業盡喪又有公適私債之擾所在官司不能恤則必逃聚山林相結爲非請下有司凡逃民願歸者郡縣善撫恤免

本朝分省人物考

卷六十四

十一

江西人

其征徭不願歸者聽於所在附籍給以閒田爲經營居處免徭役三年庶使得安 上曰在彼在此皆吾民但得人安足矣又曰各處課程先因鈔法不行加倍徵收蓋一時權宜今鈔法頗通宜減倍徵之額天下課程皆納鈔惟湖廣廣西浙江商稅魚課舊皆納銀請裁爲一例 上命納銀一兩折鈔百貫士奇又言方面及郡守請令京官三品以上及布政按察薦舉務取公廉端厚能爲國爲民者吏部審其可用奏授以官後以賊犯罪併坐舉者凡因保舉授官而有指告其罪者先逮問餘人有驗然後及之庶不爲小人所誣年來吏員太冗多有昏愚不通請令六部都察院翰林院同考試選擇而用之軍民中有文學才行卓然出衆智謀才勇精於武略者亦宜察舉唐虞之世罪弗及嗣今極刑之家有賢子弟例不許進用今除謀反大逆外其餘犯者子孫有文學才行並宜聽用 上悉從之 英廟卽位之初士奇惓惓以天下爲心率其同列首言當整肅軍政飭邊防以奠安百姓南京雖有襄城伯李隆守備其老成忠直如尚書黃福當令參贊軍務有事同議而後行庶幾無關湖廣山東河南江西去年旱災人民艱食慮有嘯聚

本朝分省人物考

卷六十四

十一

江西人

為非者宜委文武大臣各一人往鎮之事定而歸官  
員冗濫宜從吏部及內外風憲官考察近 詔寬恤  
軍民內外諸司當體朝廷之意凡事務從減省宜令  
條奏事有應議者取自 上裁詔皆如所言又上疏  
請於山陵畢日早開經筵以廣聖學 上嘉納焉遂  
告諭士奇等專以擇講臣為務尋陞少師同知經筵  
事士奇又念今遣御史清軍南北水土不相調習南  
人死於寒凍北人死於瘴癘去鄉或萬里或七八千  
里道路遙遠困於無資多致死亡臣愚欲今清出山  
西山東河南陝西北直隸軍丁皆發甘肅寧夏延安  
本朝分省人物考 卷六十四 江西八 經坤  
十四  
大同宣府遼東諸處雲南兩廣貴州四川湖廣江西  
福建浙江南直隸軍丁皆發四川雲南貴州兩廣及  
邊海衛所補足其缺有以填腹裏之空則兵備有實  
下人不困 上命公侯大臣議行之天下便焉又言  
太祖皇帝篤意養民其餘備荒皆有定制天下郡  
縣悉出官鈔糴穀各於四鄉置倉貯之因時斂散又  
相其地宜開濬陂塘修築圩岸以備水患天下之民  
各安其業此萬世之利歷歲既久姦弊日滋豪猾侵  
漁倉穀盡毀凡諸水利亦湮廢或被占奪稍遇旱災  
民無所賴風憲不舉守令漫不加心事雖若緩關繫

甚切請令戶部擇遣京官廉幹者往督理糧課豐稔  
州縣各出庫物平糴儲以備荒陂塘閘壩皆令修復  
其實奏聞若有災之處則候稔歲而後行郡縣官考  
滿兼以廢舉為殿最庶幾官有實績荒歲人民不致  
狼狽 上曰此祖宗之良法美意命戶部亟行之或  
言方面官及府州縣正官專用保舉即是思出於下  
欲如故事皆令吏部選除士奇等上疏曰 宣宗皇  
帝勅令大臣舉保多得其人間有一二非才葢緣舉  
主審察不至亦或實是徇私所司不行糾舉以至如  
此且眾臣舉保吏部審實具名奏請聖意允俞然後  
本朝分省人物考 卷六十四 江西八 經坤  
十五  
授官不允即不得除授恩實非出於下也但所舉之  
人後有犯賊必須明正舉主之罪則人知警畏不敢  
濫舉官必得人詔如士奇議六年麓川蠻不馴當道  
有貪功者希太監王振意決策征勦士奇爭之不省  
其後師竟無功八年士奇子稷坐事逮繫給事中廖  
莊等御史陳員韜等劾士奇不能教子齊家何以服  
人事上 上優旨留用九年士奇不自安 英宗賜  
璽書以慰之士奇感泣積憂遂不起卒年八十贈太  
師謚文貞士奇久在朝廷惟以忠誠結主屢進密疏  
所言周王求藥等事與啟 太后命史官修建文一

朝實錄及弛收方孝孺片言一字之禁又存心忠厚  
急於爲善嘗爲塾師有儒士過館下士奇詢之聞其  
母老無所養乃分其徒之半與之俾得束修奉母三  
朝史事皆任總裁是是非非悉徵諸實每與同例曰  
天下萬世之事當以天下萬世之心處之如有一毫  
出於私意不論厚薄皆當獲罪神明所舉賢才列於  
中外者五十餘人皆能正己恤民蓋取人必先德行  
而後才能無問識與不識博詢於衆而信乃舉不得  
者怨誹忿興不卹也永樂宣德中有同列譖士奇於  
上者皆賴 上聖明不聽士奇聞之亦不爲憾待

本朝分省人物考

卷六十四

十一

江西八  
列仲文

其人如初嘗省展自江西還朝所過餽送一切不受  
耿九疇時爲兩淮運使餽雞四翼如一盤卽受之且  
携手而行其激揚之義默寓於交際如此所著有沙  
羨稿石臺稿文籍志法書志東里集行於世當士奇  
訃聞時 上適有事時祭聞之震悼不已急諭禮部  
賜祭工部營葬遣行人護喪歸一切贈賻悉加優渥

陳雷

陳雷字士啟以字行泰和人永樂元年興賢 詔下  
士啟選中江西鄉試明年中禮部會試召入翰林爲  
庶吉士修永樂大典超擢禮部祠祭郎中授奉議大

夫呂震爲尚書屬官諂附者率得近尹昌隆不爲諂  
附以罪去之卒擠以死同列以是惴惴士啟獨任直  
道不苟徇或舉尹戒之答曰人各有命吾恭勤於職  
以聽命耳枉已媚人以求容不能也呂雖惡之卒不  
能害丁內艱去服闋還舊職無幾陞山東布政司右  
叅政士啟寬厚愛民於事必盡心而襟宇濶達不察  
察以爲名不苛急以責效待下常采其所能而舍其  
小過數行所部督徭賦不嚴期約民得自便故事集  
而不擾青州歲歉郡具饑民之數 上聞朝廷遣使  
偕士啟如數賑之粟比至而饑民之數倍增使者再

本朝分省人物考

卷六十四

十七

江西八  
列仲文

議奏俟報士啟曰民命在旦夕若再奏俟報旬浹間  
餓死多矣請發奏卽出粟脫有罪請自任不敢以累  
遂獨具奏 朝廷從之三載考最賜誥命授中大夫  
高煦潛謀不軌稍覺士啟適至青州聞之暮夜馳歸  
語三司同具密奏罪人旣得士啟從陽武侯兵部尚  
書錄其餘黨撫安人民遂同署名以進命清理山東  
諸郡軍籍之其姦者無所容枉者賴以直宣德六年  
八月卒於官年六十六

彭豫

彭豫字與志泰和人自幼岐嶷稍長讀書以明道爲

務從學安成劉雲章久而益有所得豫既孤特寡偶持之愈堅數年就聘萬安訓導以上書言事擢香山丞香地遠俗器為縣者率尚苛猛豫一務寬大緣海諸衛屯兵暴橫為民害往往擇民膏腴田誣以荒廢據占自利郡縣不能制豫毅然曰奪民欺上著在國典屯不還所侵田必執不貸兵知不可犯悉還之瀕海歲旱眾禱不應豫曰豈有為文具而能格天者乎即自齋沐致禱越二日大雨霑足縣民舍火且延及官廨豫叩頭虔禱風反火滅永樂六年以七十卒於京居家事親孝執喪三年不御酒肉人未嘗見其啟

本朝分省人物考

卷六十四

十八

江西八

走求錄之

彭 珣

彭珣字毓敬安福人永樂甲午首領鄉薦戊戌登進士第觀政憲臺時營建京營大臣以珣才薦珣督工集事纖私不染應天諸郡咸服其廉令出無敢後期者吏受賄立置於法夫道亡者當械珣以誠感之日能自首者免於是首者十人而九溧水有虞真素以

本朝分省人物考

卷六十四

十九

江西八

才力自雄為梗珣列其惡狀真計窮而出曰爾所以安於豐產者皆君上之賜也獨不知為報邪真叩首媿服自後無敢梗者明年以山東夫役緩於運木復委督之令甚嚴眾為之危珣如期而還時侍郎李友直統其事嘉其能而延譽之名益著明年冬以親民職重擢知政和縣御史李霖時巡銀場懼珣不容其家人奸利乃妄致其罪謫徙沛中處之泰然自得洪熙改元用薦者授臨清教諭珣作新士習具有程法諸生莫不悅服感激奮勵多底成才珣在師席凡三典文衡楊文貞高其學行薦陞翰林編修日是職不易稱也益勵學志倦雖置不恤預修五倫書及 宣廟實錄同事者服其精勤正統改元賜勅階文林郎時朝廷留意人才乃簡儒臣學行淳正者十三人授以憲職提督天下學校珣與選中陞廣東按察司僉事既蒞任立教條嚴考課歲歷郡邑開導諸生凡費舍廢缺者增修二十餘所書籍不備者咸刻而傳之嶺南士風為之不變科目之盛幾於中州復兼督農桑黜陟官屬奉法不撓人服其公朝廷嘉之尋陞山東按察司副使仍理學事景泰初罷提學改任湖廣奉勅督理廣西軍務益孜孜不憚勞涉未幾引疾致

仕五六年忽疾作不能言昇至正寢精神不亂意欲永訣乃秉筆以書有曰內不見已外不見人又曰保躬全歸始終不移書畢而卒天順戊寅六月所著有備忘錄慎菴等集若干卷藏於家

### 梁洞

梁洞字挹之泰和人永樂乙未進士擢北京行在戶曹主事改刑部既滿陞郎中宣德己酉十一月十五日卒於官年四十六初為進士奉命賑徐州饑民時蕭碭二縣民亦多饑者洞亦欲賑之有司以未有命沮者曰民皆王民可坐視其死耶有罪吾自任之

本朝分省人物考

卷六十四

二十

江西八

遂發粟賑濟多所全活事聞

太宗皇帝嘉之而有

司皆以坐視民患得罪其後洞詣北京至徐州二縣民服役河上見洞呼曰此吾父也嘗活我我無以報凡百十人環之拜且泣洞慰諭遣之乃得行衣不問故新必鮮潔完好居官出入騶從亦整飭如儀法曰吾不能醒醒自汗以取名人以是疑之及病卒餘財無幾田園亦不加於舊他之仕者外若循謹往往出高貨市良田深池構大厦無賴子弟恃此立聲威凌善柔鄉里怨苦之然後信疏之行非衆人所能及也

### 陳循

陳循字德遵江西吉安府泰和縣人蚤有文名永樂甲午舉鄉試第一名十三年乙未會試擬第一考官梁潛以鄉曲避嫌改取林文枯又以枯字罕見改取洪英曰此洪武中英才也而循第二及廷試擢第一授翰林院脩撰太宗時重儒臣賜第萬寶坊十六年駕幸北京命循往南京取載秘書自一部至百部以上各取一部詣行在遂留用之十九年三殿災循上疏多見采納洪熙改元轉侍講宣德初年與楊溥專直南宮備顧問又賜第於玉河西五年庚戌擢侍講學士時御史張楷上詩涉時政忤旨循力救之獲免六年辛亥御史陳祚出按江西上疏勸讀大學衍義書疏中有左右讒淫嗜欲邪佞等語涉譏訕上不悅遣官校逮繫并籍其家時命廷臣會問循對曰是書述帝王修己治人之要誠所當讀俗士迂濶且處遠外不知聖上嘗讀之矣怒之誠當但緣於忠愛所發無他也上意稍解竟緩其法正統元年命兼經筵官甲子命入閣擢陞戶部尚書仍兼學士循奏復翰林官於早朝時當立於金臺左側於午朝時當先諸司奏事從之本年土木之變也先擁駕入關索大臣于謙胡濙王直出迎衆知其詐循奏請勅各

本朝分省人物考

卷六十四

二十一

江西八

邊精騎入衛京師又多發榜文招諭以疑其心也先計窮復遁及也先遣使請和循等請勅諭阿剌并賞來使令回以緩其譎詐之情仍勅在京各營各邊關整棚軍馬以備從之未幾虜悔過送 上皇還京循等奏請遣使迎復還居南宮景泰八年正月 上染疾不朝十二日禮部會內閣及羣臣議請復立茂陵未及上而奪門之兵起矣徐有貞以功入閣助石亨輩謫循戍遼東鐵嶺衛未幾詔還鄉以壽終循久在詞垣深知典故應酬揮筆立就入閣掌機務典冊制命皆出其手屢為考官去取精當所著有芳州集

錢習禮

錢幹字習禮以字行吉水縣人自幼喜學凡所師友者見其文敏而思深且多出腹藁莫不奇其才永樂六年江西鄉試第一明年會試第十時 車駕幸北京廷試不果由是從遊京師間縱觀 聖朝政化之美聲名文物之盛四方萬國謳歌朝覲之會同而才益進九年廷試賜進士入翰林為庶吉士尋陞檢討叅史職甲辰會試命為同考八月 仁宗即位一新庶政陞翰林侍讀與知制誥洪熙元年勅同修 成祖實錄及 仁宗升遐 宣宗正大位又勅同修

本朝分省人物考

卷六十四

三十一

江西人 劉汝德

仁宗實錄詔許展墓焚黃承命以往丙午促召還京命完修實錄二年春闈命為同考官三年戊申元夕賜文武近臣觀燈萬歲山賜宴及文臣賦詩以進賜之鈔四年八月應天府鄉試命為考官十二月朔霜寒甚 上命光祿賜在廷羊酒以禦寒五年兩朝實錄成賜金織襲衣銀幣考禮部會試陞翰林院侍讀學士七年主考北京鄉試十年乙卯春 宣宗晏駕英宗即位二月上 宣宗尊號賜白金秋九月詔修 宣宗實錄十二月賜文綺丙辰正月改元正統大臣建議開經筵詔可其奏命為講官二月 上臨

本朝分省人物考

卷六十四

三十一

江西人 高濂

軒策士命讀卷勞以羊酒賜宴於禮部戊午四月進 宣宗實錄 上御奉天門慰勞甚至賜白金文綺織金衣襲陞翰林學士賜宴於禮部八月應天府鄉試命為考試官四年充廷試讀卷官六年掌院事尋考北京鄉試七年為行婚禮賜紗衣紗帽金廂香帶等物九年三月大新國學成 上祇謁先聖躬行釋奠禮幸彝倫堂命祭酒司業以書易進講從臣坐聽命與其列七月上章乞致仕弗允十年禮部春試上復命為考官二月進五倫書蒙賞賚冬十月 欽陞禮部右侍郎縉紳往賀之對曰吾今任有司職矣

何以賀為時朝廷稽古右文事多由禮部兼署  
事益敬畏偶因病求去益切詔許之公卿大夫饋  
出都門皆有詩乃獨取歸去來辭長歌以自快為人  
孝友忠信篤於倫誼待姻戚故舊曾無悖於理者歷  
官三十餘年以文章議論為士類所敬樂於教人學  
者亦樂從之遊生平雅負山水之樂遇佳時暇日擇  
勝往游長篇短章發於歌詠以揚太平之盛美及老  
而歸鳳老之堂子孫侍教者十五年比所著述論思  
聯為大卷有應制集詞垣續藁歸田藁藏於家天順  
九年卒年八十九謚曰文肅

朝分省人物考 卷六十四

二十四

江西八  
高深

余學夔

余學夔泰和人永樂甲申進士選為庶吉士累官侍  
講宣德間預脩兩朝實錄書成當選學夔上疏乞致  
政歸平生負直氣非所當得一毫不取家無餘資而  
博古好學孜孜不倦以終其身云

朱與言

朱與言萬安人永樂壬辰進士歷官湖廣僉事四川  
副使凡所舉措極得憲體擢副都御史立朝侃侃有  
氣節每有封章皆切時政多見嘉納後以疾乞歸卒  
于家

羅汝敬

羅汝敬吉水人永樂甲申進士選為庶吉士預修實  
錄陞侍講以言時政改監察御史交趾友廷議舉汝  
敬陞工部侍郎往諭以順逆禍福交人震恐巡撫陝  
西一方仰賴尋致仕卒所著有寅菴集

郭循

郭循廬陵人永樂中進士擢刑部主事尋遣往南京  
錄囚於枉抑多所伸雪嘗論列政務極言營繕之事  
因改工部官至廣東叅政

李禎

李禎字昌祺僑菴白衣山人運甓居士其號也廬陵  
人父伯夔力學工詩名聞當時禎成童屬對賦詩語  
出驚人一時才俊若禮部侍郎曾棨輩相與頡頏聲  
名不相上下舉永樂癸未進士翰林庶吉士會脩永  
樂大典禮部奉 詔選中外文學之士禎在選中凡  
經傳子史以及稗官小說悉在收錄同事者推其該  
博擢禮部主客司郎中尚書呂震有巧佞才狠復自  
用僚佐少忤其意輒中傷之而待禎特異始終不少  
衰 駕幸北京洪熙以 皇太子監國兩命權知部  
事行在吏奏藩憲員闕 上命簡兩京朝臣有才望

本朝分省人物考 卷六十四

二十五

江西八  
朱崇



者補之於時舉禎等若干人應召宴於禮部子道里費至卽陞爲廣西左布政使尋丁外艱去先是河南連歲旱蝗民多死徙 上震怒被災郡縣有司不以上聞者悉逮寘於法思得人以撫安其民改禎往蒞河南既至宣布 主恩疏滯舉賢救災恤患繩豪猾去貪殘居數月政化大行丁內艱歸河南薦饑本司累奏起禎治之 上命奪情乘傳赴官爲治如初勤勞倍之因感風疾往往增劇不待引年堅乞致仕既歸而先廬僅庇風雨服食清約如寒士伏臘不充處之裕如居雖密邇近城足迹未嘗至公府守長於政

本朝各省物考

卷六十四

江西八

李時勉

李時勉名懋以字行安福縣人五歲卽知學七歲小學四書皆能成誦甫成童言動以禮既長大肆力於學夜以達旦隆冬盛暑無間永樂甲申成進士選庶吉士預修 太祖實錄守制服闋起復授刑部主事仍與纂修書成轉侍讀三殿災 詔求直言時勉條陳十五事 成祖嘉之未幾被讒下獄既而宥之癸

卯以楊榮薦復其官洪熙初上疏言事忠讜切直上怒命武士以金瓜捶十數下傷肋幾死明日改監察御史又明日下午錦衣衛獄 宣宗卽位謂左右曰李時勉能直言忠臣也召對於萬歲山 命誦前所上疏時勉誦至六事少止曰 天威嚴重不能詳記上微笑曰正事難言耳問奏稿在否已焚之矣 特命宥之宣德五年修 兩廟實錄成進侍讀學士一日 上幸史館撤金錢於地衆爭取之時勉端立不動 上親取袖中餘錢賜之正統三年戊午陞學士掌院 上御經筵命兼經筵官每當進講必盡誠敬

本朝各省物考

卷六十四

江西八

冀有所感悟 上亦爲之傾聽聞者莫不稱善以爲范惇夫其人也六年遷國子祭酒既蒞任崇廉耻抑奔競剔賢否示勸懲士習丕變諸生有疾躬爲醫療至於貧不能娶死不能殯者皆爲營辦恩義兼盡不啻父子七年七月疏奏歷事監生永樂間惟循入監年月次第撥歷往歲祭酒陳敬宗奏准惟筭在堂年月淺深其言已行矣然兩監仍以監生省祭丁憂在家月日准作坐堂此所以延任至十餘年也及其起程則捏稱丁祖父母或繼母嫡母憂府州縣保送赴部復監卽將取撥做做成風不可遽止今後惟以坐

堂年月深淺循序撥歷其省親祭祖丁憂俱不准作  
坐堂月日如此庶以革宿弊息奸詐正人心而學校  
之政自修矣 上命禮部議以丁憂省墓一二次已  
復監者照前准作坐堂月日自正統六年十一月又  
奏言以後復監者丁憂省墓俱不准筭併行南監從  
之八年疏請修太學王振怒坐以擅伐官樹枷號監  
前監生石大用上章救之獲免九年三月朔日 車  
駕視學行釋菜禮退御羹倫堂祭酒當以經進講而  
時勉久病嗽人疑之至是升堂愈敬順色溫氣定賜  
坐西南隅講尚書闡明帝堯所以親親仁民協和萬  
本朝分省人物考 卷六十四 二十八 江西人 劉光

周忱

周忱字恂如吉水縣人永樂甲申登進士第時選庶  
吉士楊相等二十八人應二十八宿入翰林讀書忱  
自陳年少願進學 文皇喜其有志之士命加二十  
九人授刑部主事預修五經大全諸書陞員外郎北

京新建太倉命忱督運南北畿郡之賦洪熙遷越府  
長史擢工部右侍郎巡撫南直隸初蘇州府稅糧負  
欠六七年約七百九十一萬石常松亦然忱至詢問  
父老皆云蘇松民俗大戶不出加耗以致小戶連累  
納欠忱乃使大小戶一例加耗奏行南京工戶鑄造  
鐵斛發屬縣依造木斛較勘烙印給與糧長收繫於  
是出入均平舊糧長每區設正副三名每歲七月赴  
南京戶部關領勘合及糧完又皆親賫繳部往來動  
經半年率多科歛盤費忱奏減區留正副二名輪流  
赴京領回勘合糧完有司差人類繳甚為省便蘇州  
本朝分省人物考 卷六十四 二十九 江西人 劉光

糧額二百九十餘萬石宣德間 詔官田一斗至二  
斗以上者減十分之二三斗以上減十分之三戶部  
移文止減抄沒官田古額不准減除忱又同蘇州知  
府况鍾奏言洪武永樂年間抄沒官田人力猶可以  
勝其所不勝者正在古額官田乃減八十餘萬石舊  
例不許團局收糧糧多自家徵收忱曰此負欠之由  
也遂令各縣於水次置團編團或四五區或六七區  
總聚一處推行止糧長一人總之名曰總收所收者  
有六七十萬石或十數萬石定與加耗總徵平米上  
本朝分省人物考 卷六十四 二十九 江西人 劉光

糧頭團戶各一名管收千石或六百置立

撥運文簿支撥赴運若支撥羨餘存留在倉號曰餘米次年餘多則令加六徵收又次年益多止令加五除依前撥運外有餘多乃令各縣造倉一所名曰濟農將逐年撥運剩米運入以備賑濟或農民缺食及運糧遭風被盜者賑給借納秋成抵斗還官修築圩岸開挑河道人夫官給口糧以助之往時裏河運糧軍民相半軍則官為打造淺船分長短中三運長運於淮安廣寧倉中運於徐州廣運倉短運於臨清廣積倉經年往復多失農月枕乃與平江伯陳瑄議奏軍民令於淮安瓜州等處水次對船交兌令衛所出

本朝分省人物考 卷六十四 江西八 劉光

給通關付還銷繳兌船在江或遭風患忱又令州縣支糴餘米蓋倉二十餘版於瓜川江畔遇到船糧搬入收貯聽候交兌畢日量支餘米顧入看守又北京文武職官俸糧皆領票於南京戶部關領當米賤時一兩可買票米七八石忱因會議奏准折收金花銀兩納官每兩准米四石解運京庫交收折支京官俸糧其嘉定崑山等處折納官布每疋准正糧一石忱奏布疋斤重紗麤其價返賤紗細布輕其價乃高乞不拘斤重務在長濶如式兩頭織造色紗以防盜剪之弊從之正統初淮揚地方被災鹽課虛欠忱奉

詔巡視乃奏令蘇州等府將撥剩餘米每縣量撥一二萬石運赴揚州各鹽場收貯照數出給通關准作下年預納秋糧其在場聽令竈戶將私鹽於附近場分上納即照時價給還糧米食用於時米貴鹽賤官得鹽課積聚民得食米安生上下賴之五年轉本部左侍郎八年大水為諸郡患忱預奏量留官糧一二萬石賑濟其年各處坻圩岸塍俱被衝塌時水利等官先已裁革忱奏取曾經任過辦事官量撥一二十員准其歷俸年月管修田圩開塞河道畢日送回吏部未半載事完俱復舊十四年邊事緊急工部移文

本朝分省人物考 卷六十四 江西八 劉光

成造盛申腰刀撒袋以數百萬計其盛俱要水磨明亮忱取餘米依數成造且計水磨明益非遲歲月不可暫令擺錫以濟急用處事周而敏多類此本年入覲陞戶部尚書尋改工部仍任前職忱在南圻凡二十二年景泰二年乃致仕兩遭喪皆起復視事力辭不允在事克盡心於所職為人謙恭不立崖岸言若不出口謀慮深長善采衆論徵輸皆有常度貢賦未嘗稽欠且有贏餘遇屬郡有荒歉即便宜從事撥餘米以補不足之數凡官府織造供應軍需之類盡出於所積餘米蓋民賦歲一石五斗之外漠然不見他

役之及已而官府無復科索之擾諸縣學校先賢祠各郡橋梁河道多所脩葺濬治一切取諸餘米人爭爲立生祠沒因以祀之年七十三謚文襄其後戶部言濟農餘米失於稽考奏遣曹屬盡括歸之官於是徵需雜出逋負自若人益思忱焉

羅通

羅通吉水人永樂十年進士授御史巡四川有風節永樂十九年奉詔言事與六科官並謫邊知州正統元年爲戶部員外郎理宣府邊餉陞兵部郎中三年從尚書王驥甘肅征阿台朵兒有功十四年冬虜報

本朝分省人物考

卷六十四

三十一

江西八

至通守居庸關給事中孫祥守紫荆關廷議並授僉都御史時景帝初卽位面諭吏部誤云副都御史二人竟得爲副都御史通守關有方畧才警敏擒虜酋那吉帖木兒提精兵五千南襲虜至拘羊山斬捕虜有功召入叅贊軍務理院事疏乞勅石亨楊洪各率精銳馬步官軍亨自紫荆出大同洪自居庸出宣府沿途巡哨提督官軍堵塞關口修理墻榨勦除賊寇防護畊種又言邊軍妄報首功虛張虜勢得勝今虜近在都門斬殺幾何陞六萬六千有餘又言腰玉珥貂者皆苟全性命忌能憎賢時于公謙上言口外

軍民連歲被兵不能種藝恐擄寇野無所掠擁衆以

送駕爲名突至太原則山西搖動而淮南淮甸之間

亦可憂矣宜選有謀畧文職大臣往鎮山西上以

命通時昌平侯乞差文武大臣率兵出鴈門用鹿角

擡營護山西餽運大同上仍令通往三年冬上言

虜恃馬力出入塞下今也先使臣有馬四萬宜增價

酬之價重則馬益至不數年胡馬自空此挫弱強虜

之策也是年督兵逐虜懷來至長安嶺又斬首有功

龍門鵬鶚諸城殘破守將撤兵內徙遺芻糧數萬上

言虜來有鄉導欲奪芻糧守則軍力不足運則民財

本朝分省人物考 卷六十四 三十三 江西八

不足焚則國用不足乞廷議戶部尚書金濂奏下通

及總餉侍郎劉璉總兵朱謙共計以上已而虜退請

班師還京協贊軍務四年上命通訓練將士是秋與

蕭維禎並陞左右都御史天順二年致仕弘治十八

年隆慶父老奏已巳之變通守關有保障功勅祠居

庸關

劉髦

劉髦永新人永樂戊子鄉試易魁後不果仕教授鄉

間學博行莊不干榮利事母以孝稱鄉人化其德所

著有易傳撮要脩身箴履說集以子貴贈司經局洗

馬

劉子輔

劉子輔廬陵人永樂中自太學生擢監察御史持身  
謹行儉約如布衣時用法公平嘗按臨浙江者三年  
不見聲色而浙江之人善者愛之橫者畏之時憲使  
周新持風裁不苟許與獨數稱子輔為賢御史九  
載考最陞廣東憲使到官數日丁家艱去服闋左遷  
交趾諒江知府不鄙夷其民撫綏如子民咸愛戴之  
叛寇黎利攻圍諒江城時寇勢猖獗他郡縣賊多已  
陷子輔與守將倡民兵效死數月寇增眾攻城城中  
食且盡而人心益固又踰月寇攻益力遂破城城中  
兵民盡力鬪以死無一人降者子輔知事不支曰吾  
奉命守郡郡人與義不可汗賊手即自經死一子  
一妾皆先子輔死事聞贈子輔布政司叅政遣官賜  
祭復其家

劉益

劉益吉水人進士第授兵科給事中封駁彈劾務存  
大體嘗旱祈雨隨注人以為誠感已巳北虜寇邊往  
山東募民兵以備民賴以安陞湖廣叅議未幾 召  
拜祭酒卒於官

本朝分省人物考 卷六十四

三十四

江西人 剛性

劉廣衡

劉廣衡字克平萬安人永樂甲辰進士歷官至陝西  
右布政使景泰改元進都察院左副都御史同西安  
侯鎮關中條奏時政數十事隣境偏頭乏糧山西不  
能給廣衡督運綏德倉米數萬石由口外往餉之軍  
士感悅 召還理院事關浙間鉅盜鄭懷冒王孝忠  
嘯聚官臺山為亂廣衡奉 命討平之以官臺山險  
絕而曠遠山銀鑛易致盜非伐山通道立縣以制之  
不可於是請以山之楊梅村置壽寧縣定兵壯戍守  
之法示銀宥啟閉之令民稱便立報功祠祀之尋擢  
斬處州寇祝岳等命巡撫遼東天順改元以刑部左  
侍郎 召還見便殿論之曰用法無避嫌遷刑部尚  
書明年以疾乞休未行而卒廣衡敦歷中外執法三  
十餘年仁明剛決一統志稱其清修簡朴不事浮靡  
近古人云子喬登進士知歸安擢監察御史持風裁  
陞福建副使有奸人習通私番射利者遇貢船輒給  
夷人餽遺鎮守三司科取珍貝事發眾欲貸之喬曰  
不可是示外夷以貪使輕中國也必寘諸法歷陞湖  
廣右布政使卒

劉球

本朝分省人物考 卷六十四

三十五

江西人 剛性

劉球字廷振安福人永樂十九年進士授儀制主事  
 正統初 詔求文學之士胡濙薦之使同脩 宣宗  
 實錄錄成改翰林侍講時虜數請貢球深以為憂會  
 麓川不靖王振議大舉伐之球請罷兵屯田遣使招  
 降專事西北以防虜患八年夏震奉天殿應詔陳十  
 事勤聖學總乾綱別賢否隆祀典嚴吏治慎刑罰罷  
 營作定法守息兵威脩武備數千言振以球疏所云  
 總乾綱意詆振乃大怒曰必殺之會脩撰董璘自陳  
 願為太常卿而球前疏言太常官須用儒臣馬順附  
 振喜曰此可并殺遂榜笞璘使誣服球為畫此疏者  
 本朝分省人物考 卷六十四 三十一 江西人 劉九

矯旨逮球於朝班中猝之去球不知何坐縛至暗獄  
 中居數日振令馬順夜偕一小校推獄門入球同璘  
 臥急起小校前持球球知有變大呼曰 太祖 太  
 宗靈在天汝何敢擅殺我小校以刀斷球頸流血被  
 體屹立不動順以足踢仆地曰死猶強項復支解之  
 璘從旁拾球一裙密以遺球家始知球死行求屍順  
 故糜之弗得也而順有子年二十餘病屨久矣歛起  
 持順髮拳且蹴之曰我劉球也得請於帝殺汝順再  
 拜謝罪不可俄而子死順越數年亦被殺殺球小校  
 者盧氏人也耿九疇以其為鄉鄰且美少年素暱之

小校既殺球久不至後復至九疇視其貌絕不類昔  
 訝之曰汝病耶小校媿且泣曰吾無病悔為馬順誤  
 耳順欲殺劉公令懷短刃至獄我初不知為順所迫  
 比聞劉公忠臣小人逆天死有餘罪愧見公小人從  
 此長逝不復詣公矣因慟哭悔恨去尋果平球天性  
 孝友忠潔寬平議論堅正慷慨常依名節沉思積學  
 文詞鏗鏘金春玉應人共寶之如月蟾天犀也 景  
 帝卽位謚球忠愍贈翰林學士二子鈺鉞皆舉進士  
 球之死也餘姚人名成器者於龍泉山巔為壇以祭  
 而述古今權奸害正凡二千餘言為文哭之人名其  
 本朝分省人物考 卷六十四 三十七 江西人 周性

地為祭忠臺云

鄒 緝

鄒緝字仲熙吉水人自少力學博極羣書為文不尚  
 雕繪自學官用薦陞國子助教 仁宗卽位擢翰林  
 侍講尋兼左春坊左中允秩滿陞左庶子仍兼侍講  
 與修 太祖高皇帝實錄及永樂大典居官勤慎小  
 心國學缺祭酒屢奉命署監事嘗患背疽 上特命  
 中官督醫往療仍賜名藥緝務持正議與眾辨論不  
 苟為異同與朋友交必輔引於正或淪患難必極力  
 濟之性澹泊祿食三十年儉素不改布衣時所嗜獨

書籍及卒家無餘資藏書數千卷而已

羅 肅

羅肅江西吉水縣人永樂進士選侍講改浙江道御史黎元利反交趾陞工部侍郎往探交人遣使入貢賜金衣寶楮復使交趾取回被留官軍還復賜犀帶牙香等物召入問元利事情力止聖怒再征差河南山西陝西賑濟陞都御史總督陝西致仕

嚴 樞

嚴樞江西萬安縣人正統十年進士除湖廣道御史巡按陝西廣西與藩王許奏降麗水縣典史陞長興知縣告病回籍卒

張 洪

張洪江西安福縣人正統十年進士除湖廣道御史巡按四川從駕北征死于土木之難

羅 俊

羅俊字彥華江西泰和縣人正統十三年進士除湖廣道御史景泰元年巡按四川三年丁憂復補浙江道建言降新會縣典史陞仁化知縣潯州府知府調南雄府卒


張宗璉

張宗璉吉水人同知常州府事喜為民興利行視水教蓄泄躬履壘畝察種植而勸率其勤不職者或時坐阡陌間與民相爾汝如家人未嘗笞詈人遇老病鰥寡尤加恩焉新學校正士習民甚戴之會以直民忤清軍御史憤憤發疾卒宗璉生平澹泊毫不苟取自舉進士入翰林吉士為刑部主事春坊中允已乃出未嘗以家累自隨一室蕭然及疾病醫入室索燈燭無之僅出取膏油一盃入望見以為從外入也謝卻之其操如此卒之日老壯奔歸哭奠者累日柩行白衣冠而送者數千人

本朝分省人物考 卷六十四

李九

江西人



人物考目錄卷之六十五

江西吉安府三

劉敬

周叙

羅璋

李湘

李圭

劉實

廖莊

康榮

蕭鎡

蕭維禎

吳節

李紹

曾翬

王鑑

李茂

劉定之

本朝分省人物考

卷六十五目錄

一

陳文

劉觀

劉儼

羅如壙

王槩

劉孜

彭時

劉宣

劉敷

馬聰

馬體乾

伍希淵

羅慶同

李宗拭

本朝分省人物考卷之六十五

江西吉安府三

劉敬

劉敬字子欽吉水人自少嗜學研覃經傳矻矻不少  
休落筆爲文動有思致儕輩推服刻苦自勵永樂癸  
未以書經中江西鄉試第一明年甲申禮部會試第  
一廷試登曾祭榜進士第時所取四百七十三人  
太宗文皇帝命近臣拔其尤異者二十八人敬在選  
中賜名庶吉士俾入文淵閣日讀中秘書以增益其  
學食於大官月給膏燭費燕閒之項 上親臨問時  
舉僻書疑事以驗其學激厲而期待之者甚至朝野  
之人竦然謂上作新人才以大興文治士君子曠世  
奇遇交口歆豔不置敬與同升之士人人感奮夙夜  
淬勵以圖報稱 仁宗昭皇帝嗣位命廷臣凡經術  
之士謫居戍伍者舉任教官祭時爲翰林學士以敬  
應詔起爲臨江新淦縣學訓導教有師法生徒多所  
造就歷聘福建湖廣應天鄉試去取精當物論帖然  
無譁歲滿力請致仕以歸常時足跡未嘗入公府惟  
干政體及表賢勵俗卽入言之守貳皆見聽用晚而  
文思不衰四方有來求者應之不倦人遂所欲而去



達之懷老而不改其度故舊交門生尊酒相歡意豁如也卒前一日出應賓客笑語如平時是夕漏下四鼓奄然而逝生以洪武戊申十月四日壽八十有八

周敘

周敘字功敘吉水人生而岐嶷十一歲有燈下客圍膝兵危將不危太平無事日車馬華山西之句衆咸異之永樂間以璧經中江西鄉試榜會試廷試皆實前列入翰林爲庶吉士承命作黃鸚鵡賦大見稱賞未幾陞翰林編修母病上章乞歸省仁宗念以

本朝分省人物考

卷六十五

十一

宣

江西

愛親之故特許馳傳南往再乞封母氏有司援例以父爵崇不宜授乃陳母老疾狀辭甚切遂獲所請舉修太宗仁宗皇帝實錄及君臣故事書成陞翰林修撰復修宣廟實錄正統初命司春闈考取得人充經筵講官擢翰林侍讀賜遊萬歲山有作以紀其盛首言修大學勸農桑用人材三事天早上疏言敬天恤民雖本於人君實在人臣能修職與否分祀南嶽致澍雨之應主考京闈鄉試陞南京翰林侍講學士修宋遼金史繼修詩學梯航吉安郡志唐詩類編應詔言時政六事復言謹始安邦八事英宗

皇帝正大位上書言致治保邦十二事其意以爲天子建中和之極成繼治之效不過勤政恤民所致於是復上中興太平十四事上嘉納其誠批答褒美敘亦自感激期以供職自效會有疾致政金陵有妖婦身著紋異幻惑時流厥甥某由婦驟登太常寺丞賀者接踵敘獨不往曰物與妖非祥且當遠矧可賀耶嘗謁冶城卞忠貞公廟睹南唐陳公宋忠襄楊公等四神座列真左右慨然曰四人者皆死國事何處之卑下如此也捐貲爲倡構祠令道士主祀事親爲之記其先世嘗有言宋遼金史當以宋爲正統遼

本朝分省人物考

卷六十五

三

宣

楊林

金附書者敘因作書言諸先輩不果用正統中復言諸朝詔許其自修敘得請日夜纂輯極勞苦不厭

羅瑋

羅瑋字宗器吉水人汝敬之孫賢而有文以蔭補大學生試銓曹優等授四川布政司經歷專理邊儲尋以母喪起復補福建擢知賓州同知常州府所至清慎有善政初居母喪廬墓於螺子山下三年常隨一白犬主哀亦哀主息亦息山故無虎至是一虎渡江來周旋坐次與犬狎而不害孝子病而廬卧所杖竹

倚壁生枝葉一白鴉爲鳩鳴久而不去及將禱再  
異夢越三日廬火有毒蟲死者五當是時墳生芝荷  
華生於原他日在福建有鶴五來翔與鴉同其所感  
亦異矣

李湘

李湘字永懷泰和人少端重謹飭嗜學入鄉校從師  
授春秋經業成上北京太學永樂中選治刑都察院  
以才能稱擢東平知州斷斷以持已愛民爲務常祿  
外非其義一無所苟取而勤于公旦暮治事不少休  
視民如子非甚悖不輒施笞罰徭役必驗力厚薄民  
皆悅服州城之東有大村壩源出泰山雨溢數爲民  
患奏發民丁築隄捍之患乃已州及所轄五邑地曠  
多蕪廢課民墾闢倉廩充實歲歉賑貸咸有備前守  
待罪去後以宥復擢用召還民懷之不置羣訴于朝  
請復任從之 車駕北征虜詔山東西民隨軍給餉  
運道遠多死亡湘率東平民行撫綏有道訖完民以  
歸在東平十餘年始終一致正統初詔廷臣舉郡守  
陞懷慶知府懷慶有兵衛素挾勢厲民湘隨事裁制  
不動聲氣而兵帖然不敢以肆郡人以安年五十七  
卒

本朝分省人物考

卷六十五

四

吉三

楊林

李圭

李圭字君信泰和人洪熙初以賢舉授清河縣知縣  
清和縣小而當衝要官船餽道赴北京者日相銜後  
夫動以千計前之爲縣者不能辦言于朝得沐陽五  
百人爲助然去家遠窘于衣食至是圭請以清河人  
代之而令彼代輸清河浮征三之二兩縣皆便焉官  
船主者每以役夫善逃爲名收其衣資掩有之役夫  
有寒餓死者圭命各爲牌書其目納于主者收放以  
牌爲驗害乃免清河民好乘夜縱火或發塚以逞忿  
圭爲教戒之詞十三條俾各里書于大牌篤實者掌  
之每朔望警訓焉且令書其民勤惰善惡以聞俗爲  
丕變宣德中歲旱民艱食飛蝗蔽天主禱于城隍神  
而蝗不入境滿九年陞知蘄州清河民五百餘人詣  
闕乞畱命以知州理縣事縣民有湖田數百頃淮安  
衛卒奪其利民代輸稅者六十年圭爲奏之詔覈實  
以還民民有因饑攘人一牛殺食之事覺御史以爲  
強盜一家應死者八人圭曰以八人償一牛可矜也  
言之 上六人得免死留守衛卒有姬泰者自福建  
還挾重貲爲同舟所害過縣以病死告冀得公文以  
自掩飾圭疑不予使人廉得實發其奸舟人皆伏法

本朝分省人物考

卷六十五

五

吉三

內洋

縣民有事不遣卒追呼但與為期皆自赴有爭訟者以理論之令退省以俟命多感服而罷治清河凡九年視民如子淮水屢漲淮民絕粒圭亦屢請于上官願及時賑濟若俟奏報民殍盡淮民賴其惠歲饑民無以輸稅而官府急催科淮南北之人皆鬻兒女以應又言之上官當緩催科急賑濟以固邦本民兒女皆得完以薦知處州進耆老問風俗禁民間生女不舉有喪不葬而焚棄者擇城北閒地數十畝為義塚葬遺骸年六十三卒

劉實

本朝分省人物考 卷六十五

江西

劉實字嘉秀安福人宣德五年進士改庶吉士自陳才薄親老乞教職會有詔汰庶官累千人實意且得之竟為同知金華在金華三年不携妻子廉操直節綽有聲稱郡有顏孝子宗忠簡呂東萊祠墓悉為修葺鄭義門合爨久不能給又買馬出力給傳山西為疏乞免其後擢順天府治中景泰中召修元史見他人書不合已意輒大笑聲徹閣陛聞者驚愕相戒勿以藁示實擢南雄知府未數月中貴使嶺外至南雄意得重賄不得苛辱之去至韶韶人為言南雄守且驛言中貴橫索賂辱太守事貴懼急傳馬馳奏

實抗勅使致勅大不敬詔逮實至京下獄獄中上書言臣蒙恩仕宦三十年不以妻子自隨食粗衣敝欲為國家愛養小民不忍勞費以是觸忤天使無所逃罪上不復更窮治不數日竟卒獄中居恒善著書尤長于春秋中夜有得蹴童子然燈起書為人清強甘心貧窶彭文憲稱其躬過人之操履立絕俗之儀矩利誘不回勢惕不沮蓋實錄也

廖莊

本朝分省人物考 卷六十五

江西

廖莊字安止吉水人幼時卓犖不凡弱冠舉江西鄉試中宣德五年進士八年選工科給事中十年擢刑科都給事中正統六年陝西饑命往賑之率以便宜從事全活甚眾比還多所建白時東里楊公士奇當國家人有不律者率同列抗章論其不職或曰獨不為楊公地乎曰此所以報公也八年擢大理左寺丞十一年陞南京大理左少卿景泰五年上疏請朝謁南宮及加恩禮於憲廟大意謂仕中朝十餘年間見上皇臨朝遣使冊命於邸邸歲時令朝臣謁賀於東廊恩禮隆洽羣下感動今上皇臨南內問安侍養大典曠闕是非所以篤忠愛友悌之誼慰天心而召和氣也且上皇之子猶子也宜令親近儒臣

講明義理輔成德器以端國家之本以繫天下之心由是忤旨留中不出明年丁母憂入見命擬於廷幾死明日謫河州定羌驛丞輿曳就道天順元年英廟復位召還爲大理寺左少卿時母服未闋聞外艱遂以情自陳命賜祭營葬蓋特恩也服闋調南京大理寺五年陞南京禮部右侍郎七年調南京刑部成化改元御史有言莊於朝者遂引咎請老上獨知故斥不聽而遷刑部左侍郎且曰莊大節可取莊益竭誠奉職踰年以疾不起贈刑部尚書謚恭敏莊爲人直易表裏坦然性剛急詞氣激烈少不當意輒本朝分省人物考卷六十五 八 直 江西

康榮

康榮字孟嘉泰和人少勤學雖貧志操卓然宣德中舉賢良爲廣西按察知事言行不苟勤於職務按察使謝瑾及寮佐皆賢之瑾嘗語人吾輩以友道待孟嘉未嘗以屬而孟嘉事其上官皆謹施於下吏者亦咸見敬愛三載考最刑部尚書魏公前未識孟嘉採諸輿論薦爲監察御史益明法意究大體用刑能恕而致勤夙夜操行益嚴不肯枉道徇物嘗巡按浙西歲餘人皆稱其嚴而不察公而有體得憲體之正都御史陳智怙勢騁私昵邪讐正或導孟嘉孟少枉以取容孟嘉曰彼所爲若是將不自容何能容人無幾智及其素昵者皆以罪罷黜如孟嘉言孟嘉爲人和厚坦易廉潔公正與物無競其卒士君子皆嗟悼之年四十有八

蕭鎡

蕭鎡字孟勤泰和縣人幼失怙恃成童穎悟絕倫登宣德丁未進士需次于家初宣宗欲選進士之尤者績學以備官僚既命楊溥掄宣德五年進士得三山薩琦等八人與列作養後又勅通取二年五年八年進士召試于文華殿取二十人鎡爲首通前二十

八人如永樂間應二十八宿之數正統元年授翰林院編修三年與修 宣廟實錄成陞侍讀十二年國子監祭酒李時勉乞休命鑑代陞國子監祭酒景泰元年以老疾辭監丞鮑相合國子生三千人請留如陽城故事 景皇可之仍復舊尋命充經筵講官二年 景帝幸學命坐講鑑講書經臯陶篇天聰明一章稱旨尋進戶部右侍郎兼翰林院學士入閣三年羣臣議易儲鑑曰無易樹子伯者所禁況天朝乎不聽尋加太子少師時 上已立沂王為皇子鑑因天變上疏指切時政自是不復召見七年會修天下郡

本朝分省人物考 卷六十五

十一 宣 江西 于西

志通鑑剛目續編成命兼戶部尚書仍兼翰林院學士明年 景帝不豫太監興安詔羣臣請復立東宮僉謂 上皇子固宜復之惟王文之意不在此陳循輩知之侍郎李賢因會議問鑑鑑曰既退不可再於是人疑內閣有異謀而奪門之兵起矣 英廟復立削鑑為民退居八年築別墅于南臯號曰尚約人因稱尚約先生所著成均集詞垣集尚約集藏于家

蕭維禎

蕭維禎廬陵人初名兆以字行宣德庚戌進士授刑部主事正統初有旨汰冗官維禎在遣尚書魏原奏

留之嘗錄囚直隸等處全活甚眾未幾陞郎中又陞大理寺寺丞扈 駕北征土木師潰維禎得亡歸時潰卒多未復者有令過期不首罪之維禎言方今人心洶洶招徠之猶恐不至若反罪之是逼其歸路也從之是年冬陞少卿明年進卿尚寶丞楊壽極死家奴刑部坐以死維禎曰殺奴而死則殺平人者何以加之遂得釋壬申加太子少保明年陞都察院右都御史 英廟復辟調南京遂陞南京刑部尚書已而調兵部參贊守備機務成化元年以病致仕尋卒賜祭葬如例謚文昭維禎精敏強毅有才幹讀書通大

本朝分省人物考 卷六十五

十一 宣 江西 陳元

畧其掌憲度尤持重僚屬敬憚之參贊留務鎮靜知大體為時所稱

吳節

吳節字汝儉安福人宣德庚戌進士選翰林院庶吉士授編修秩滿陞侍讀景泰初陞南京國子監祭酒滿九載加從三品祿 上初即位修 英廟實錄以節嘗預修 宣廟實錄知典故召為副總裁既至改太常少卿兼侍讀學士書成進本寺卿兼官如故未幾丁母憂賜祭葬服除詣闕謝恩遂乞致仕時年已七十餘既請家居十餘年卒年八十五計聞遣官祭

葬節爲人平易質直信人不疑爲文如其爲人初治春秋與同學劉球齊名又同入翰林學春秋者多師二人而節之徒尤衆後進宗之安福春秋遂茲於天下其爲祭酒承陳敬宗之後敬宗師道嚴甚節矯之以寬士類多悅服云

李紹

李紹字克述安福縣人自幼失怙有立志年二十領宣德丙午鄉薦癸丑會試中經魁觀刑部政是歲奉使雲南歸遇宣帝銳意儲才合臨御以來三科拔其尤者應二十八宿爲翰林庶吉士讀中秘書優禮

本朝分省人物考 卷六十五 十二 江西

給賜一循永樂甲辰之典仍賜御製詩以示勉勵

乙卯英宗皇帝嗣位擢翰林檢討與修宣廟實

錄戊午書成賜白金文綺加祿秩并賜宴西死已

未以剩員賜歸鄉里期年大學士楊士奇卧病

英宗遣內官詢人才舉紹等五人以對召復任克經

筵官丙寅丁內艱已巳服闋之官踰月滿九載陞修

撰是秋北虜寇邊六師敗績於土木朝士多遣家南

徙紹曰主辱臣死奚以家爲卒不遣庚午景泰紀元

兼經筵講官辛未同考會試壬申陞司經局洗馬兼

修撰甲戌主考會試兩持文衡去取公當士論翕然

推服尋奉命祀南嶽舟至洞庭阻暴風爲文禱於

神俄頃風息舟行無虞丙子預修寰宇通志成賜

白金綵幣進右春坊右庶子兼翰林侍講天順丁丑

改尚寶司卿兼侍講尋掌院事冬陞學士賜二品

金織衣戊寅奉命與諸學士更番侍講讀於文華

殿陞禮部右侍郎及卽任公卿往賀尚書王公鞠舉

酬曰天選侍郎也蓋以前此倖進者多旨授故云

已權貴不平伺間譖其奏事多南音上曰大臣以

德選何以聲音爲是年國子祭酒陳詢致仕去吏部

舉翰林二人未用乃請命兼領之上謂王翱曰禮

部不可無此人其別選代之翱退與同列曰我不知

李侍郎見重於上如此已卯夏四月賜諸大臣

遊西苑且命內臣陪宴盡歡中有醉失儀者紹執禮

益恭謹歸復爲文記之癸未會試知貢舉防範慎密

一洗場屋宿弊有怙勢請託者却之弗顧甲申憲

宗卽位令翰林纂修英廟實錄命爲副總裁越二

年成化丙戌疾上章力求解任上察其誠許之疾

愈足跡不履城市或諷之曰疾愈矣何不出耶紹曰

吾老矣出將何爲辛卯春國子祭酒爲其屬所搆去

姚夔議曰國子監成賢化俗之地必得學行老成有

本朝分省人物考 卷六十五 十三 江西

名望如李紹者居之則師道立矣乃授例起為祭酒  
 疏入 上即日降勅遣人乘傳促之命未及門而卒  
 紹體貌豐偉識見明敏刻苦問學少壯至老未嘗一  
 日去書不觀自六經子史下至地理醫卜方技之書  
 靡不精究聞四方有異書及古碑文字必構求之故  
 積書甚富其為文力追古作規矩嚴謹有得於歐為  
 多其字畫出入晉唐間參以蘇長公之剛勁奇逸自  
 成一家與人論文評書必先法度見人制作稍不合  
 則曰是無師承不足觀也察後進有志於學者獎掖  
 稱譽惟恐不至處僚友以誠勸善規過言直意盡雖  
 本朝分省人物考卷六十五 十四 三 江西

曾 輦

曾輦字時升泰和縣人幼穎敏嗜學宣德壬子中江  
 西鄉試明年會試中第二名廷對賜同進士出身觀  
 政工部奉部檄往陝西治永興王葬事規畫有方事  
 竣如期潘臬故舊饋送悉拒不受歸謁少師楊文貞  
 極加獎慰除刑部山西司主事治獄證逮訊鞫務求

其情老于法家者自以為不及丁父憂去服闋改刑  
 部浙江司正統七年海寇作亂沿海衛所多以無備  
 債事 英廟命戶部侍郎焦公宏往飭兵備焦公奏  
 以輦從行凡將士有罪者悉屬治之而守戰方畧惟  
 言是用及還焦公語朝士大夫曰曾主事有猷有為  
 可大用也文貞聞焦公言亟欲薦擢會薨不果九年  
 陞陝西司員外郎大司寇金公濂以諸司奏牘浩穰  
 僉與之獄有關權貴者諸司或踟躕不敢治金公常  
 以屬之無所左右惟斷以法由是賢聲益著秦府誣  
 奏巡撫都御史陳僖敏公私於樂婦朝論疑駭乃建  
 本朝分省人物考卷六十五 十五 三 江西

本朝分省人物考卷六十五

十五 三 江西

餘云

樂人治之立得其情遂劾奏者妄而白僖敏之誣尋  
 陞湖廣司郎中時有劾方面有缺 命大臣各舉所  
 知時何文淵為吏部侍郎薦陞廣西布政司右叅政  
 廣西租賦多逋徵督苛急民不堪戎伍逃亡而冒支  
 糧餉如故乃稽逋租之籍諭令漸輸戎伍實數停其  
 冒給由是邊儲漸克思明土官知府黃錄與都指揮  
 黃鉉族兄弟也鉉殺錄父子詐言為盜所殺獄久不  
 決奏臺檄會勘鉉以黃金二十斤賄請緩其獄輦拒  
 不納具奏其罪會鉉以陰謀得脫且徵用之眾為危  
 之不動太平府與交趾鄰永樂中運鹽以餉征交之

師及兵罷鹽留太平者歲撥民丁看守民苦之輦曰  
樹已生於鹽屯消耗多矣奈何猶累守者邪具奏以  
鹽折俸而罷遣守者民皆歡呼丁郭淑人憂去服闋  
改河南時清軍御史務多得軍以補伍輦以共事歎  
曰兵民異籍豈可誣也有可辯者取爲辯之會言事  
者謂天下多冤獄請委官審辯河南以屬輦精察詳  
審多所平反 英廟復辟來朝因言每歲允軍糧運  
至臨清倉復出允軍出納多弊乞改水次交允爲便  
上允所請至今行之南陽諸縣多流民衆議一切驅  
逐人情洶洶輦曰彼不過避徭役耳急之且變生遂

本朝分省人物考

卷六十五

十六

吉西

與巡撫協謀止之衆乃安天順五年陞山東右布政  
使所居官署相傳有妖前任者不敢居乃居之不疑  
既而妻子歿於署衆因勸它徙對曰死生命也妖何  
能爲山東舊苦塞河之後又洊罹水旱殫心賑恤凡  
河役所需多方區畫不以煩民曹州奸氓有指民新  
墾田爲無糧者以獻戚畹部使者檄丈量輦曰舊令  
許民墾荒永爲世業今欲丈量起科得無不可乎部  
使者深然之遂止成化元年轉河南左布政使河南  
人皆喜曰吾父母來矣荆襄盜起念朝廷出師征討  
必道河南預期命郡縣儲糧餉具芟芻兵至給之民

以不擾歲飢民缺食而賞軍需銀數萬兩公私無所  
措乃會計開封倉糧甚多出官糧百餘萬石平價糶  
出飢民賴以濟軍賞亦無缺四年陞刑部左侍郎仍  
給從二品俸明年 憲廟命巡視浙江許便宜行事  
至則偏歷郡縣問民疾苦考吏治得失庶官以不職  
黜者數百人皆服其當所旌異者後皆爲名臣省重  
後減官租適奸吏禁刁訟局匠死絕者減其歲造之  
額銀場礦地者停其歲輸之課官司冗濫者革之巡  
徼當役者增之民皆稱便踰年乃歸中貴怙寵殺人  
事覺具奏建治奏 上不報越三日奏下卒從其請

本朝分省人物考

卷六十五

十七

吉西

孫明

部臺科道皆吐舌以爲難九年自陳老疾致仕既抵  
家跡不至城府每風日清美徜徉泉石間歌詠以自  
適巡按藩臬議歲撥皂隸四名送家供役辭不受會  
有 詔文臣致仕者五品以上進一階廉且貧者歲  
給半俸有司以告奉例進階資善大夫卒辭俸及得  
微疾子孫侍者覺稍異問所言笑曰吾今日得正而  
斃矣誦曾子啓手啓足之言溘然而逝

王鑑

王鑑字欽正吉水人自少端正秀穎篤孝友之行而  
嗜問學不煩督勵朝夕自進其功宣德壬子以書經



選江西鄉貢第一明年會試禮部中副榜當授教官  
宣廟意有遺才在副榜命廷臣即文淵閣覆試之得  
二十有四人賜冠帶給校官祿令進學國子監而鑑  
預焉後三年鑑中會試廷試賜進士出身入翰林為  
庶吉士為人簡靜端潔溫恭坦夷論事悉中理所蹈  
必由於義其中泊然居京師數年未嘗一濡足勢要  
之門公退閉戶閱書以求古人之心間為詩文自適  
所志往還皆詩書行義之士其將易簣也獨以親老  
不獲終養自慟卒年三十有六

李茂

本朝分省人物考

卷六十五

十八

宣

江西

李茂字萼茂吉水縣人登正統乙未進士擢大理寺  
評事已巳陞寺丞景泰初奉勅考察南京百司風采  
凜然尋陞右少卿又往南京審錄重囚多所平反遂  
調南京大理寺天順初召赴京進左少卿大祀齋宿  
于朝房一夕暴病卒命所司諭祭茂持身廉慎斷獄  
詳明益無愧所職云

劉定之

字主靜吉安府永新縣人自幼天資絕倫過  
目成誦父石潭公日授以書不令作文字定之每私  
為之一日病石潭公於床褥間得所作祀竈文詠桃

漿諸詩大驚異然亦未嘗口許之自是稍以文辭進  
然每進輒斥之一日又以所作文字進石潭公曰此  
子有八面受敵之才宣德乙卯中鄉舉正統元年丙  
辰會試第一名賜進士及第三名授翰林院編修四  
年已未京城大水 詔求直言定之上十事其一曰  
號令之出宜求其大公至正久而無弊信賞必罰不  
為苟且其二曰公卿侍從宜時常召見俾承清問因  
以觀其才能察其心術而進退之其三曰降胡近處  
京畿宜漸分其類移近南地其四曰宜以京官出任  
郡縣使民得蒙循良之政其五曰宜倣唐制朝官陞

本朝分省人物考

卷六十五

十九

宣

江西

任之時舉賢良自代其六曰武臣子孫宜習韜畧其  
七曰守令宜加詳察其八曰宜鋤富恤貧其九曰延  
臣丁憂宜令終制其十曰宜過僧尼奏留中不下十  
年秩滿陞侍講十四年已巳北虜犯驛適 景帝登  
位定之上十事 上嘉納之景泰三年壬申陞司經  
局洗馬時北虜遣使來朝固邀廷臣往報居言職者  
以為虜懷窺伺之心宜絕之而勿往執政柄者以為  
苟不往報恐開邊釁乃上疏屢數十百言備陳前代  
所以待夷狄之道與今國勢之強弱事理之順逆以  
為宜暫遣使以羈縻之使我得以益修內治備我以

和往彼以惡來則足以增我師之直氣 朝廷雖從  
言官之議而亦以定之所言曲盡事理云七年丙子  
陞右春坊右庶子天順元年改通政司左叅議兼侍  
講是冬進學士甲申選太常少卿兼侍讀學士修實  
錄充副總裁官成化丙戌簡入閣叅預機務明年秋  
陞工部右侍郎又明年轉禮部右侍郎俱兼學士定  
之明習練達備嘗世故居內閣再進密疏皆國家大  
計凡處事公正而操履嚴謹視昔有加一日使傳旨  
命製元宵詩定之據几不停揮頃刻成七言絕句百  
首以進其敏速如此惜未究其所施而卒

本朝分省人物考

卷六十五

二十

直

陳文

陳文字安簡廬陵人文自幼秀拔異常七歲即知向  
學說書大義鄉長老莫能難父祖咸喜曰大吾門者  
其在是乎十五遣游邑庠既而憲司論秀陞補郡庠  
弟子員夙夜淬礪學業大進同輩咸讓其能宣德乙  
卯以詩經中江西鄉試第一明年正統丙辰中禮部  
會試入對大廷擢第一甲第二名授翰林院編修時  
翰林三楊公負天下重望目文儀觀偉然遇之甚厚  
文貞公且爲易其字安固曰安簡云一考最賜勅命  
進階文林郎即日奏乞歸省重慶在堂鄉黨榮之辛

西復任癸亥丁外艱去丙寅起復與修五倫書丁卯  
有 詔簡翰林之臣才器優等者十人俾進學東閣  
蓋期以大用文其一也一日修撰商輅侍班 上諭  
學士曹鼎曰商輅着展書宜選一人爲對初選修撰  
王玉弗稱旨再選文乃允尋侍經筵與商輅爲偶已  
已秩滿陞侍講景泰庚午秋考順天府鄉試去取公  
明防範周密輿論稱之辛未少保高穀上疏言文才  
識兼優內可居六卿之佐外可任藩臬之正特陞雲  
南右布政使雲南地遠民罷每歲供餉貴州勞費尤  
甚乃畫策令商賈代輸而增值以給之于是商民兩  
便歲省民費十之五所屬課鈔近百萬爲典守侵欺  
者多即痛革其弊課以羨溢他如按籍均徭興學勸  
士葺貢院修地誌與凡益官便民之事靡不興舉逾  
年政教大行一考滿巡撫僉都御史鄭顥言其政蹟  
卓異天官請賜誥命示旌勸焉丙子冬入覲至京師  
丁丑春還會 英廟復辟見商輅曰曩經筵與卿爲  
偶長而偉者爲誰其人安在輅曰陳文今任雲南右  
布政使廣東左布政使以丁母憂不果赴戊寅驛召  
授詹事仍食從二品祿乞終制弗允入侍 東宮癸  
未學士曹鼎卒 上問大學士李賢誰可代者賢曰

本朝分省人物考

卷六十五

二十一

直

便歲省民費十之五所屬課鈔近百萬爲典守侵欺  
者多即痛革其弊課以羨溢他如按籍均徭興學勸  
士葺貢院修地誌與凡益官便民之事靡不興舉逾  
年政教大行一考滿巡撫僉都御史鄭顥言其政蹟  
卓異天官請賜誥命示旌勸焉丙子冬入覲至京師  
丁丑春還會 英廟復辟見商輅曰曩經筵與卿爲  
偶長而偉者爲誰其人安在輅曰陳文今任雲南右  
布政使廣東左布政使以丁母憂不果赴戊寅驛召  
授詹事仍食從二品祿乞終制弗允入侍 東宮癸  
未學士曹鼎卒 上問大學士李賢誰可代者賢曰

柯潛可賢出吏部尚書王翱問內閣之缺賢曰已干  
上前舉潛矣翱曰潛固好陳文年資皆深用潛置文  
于何地賢默然曰業已舉之矣翱曰復見 上言之  
何妨明日賢見如翱言 上乃陞文禮部右侍郎兼  
學士叅預機務及文入閣與賢爭事曰吾非汝所屬  
也士論短之甲申 英廟上賓 憲宗嗣位一時禮  
儀政令皆文與二三大臣裁定以舊恩陞吏部左侍  
郎兼職如故是時詔下罷貢獻停造作以及開言路  
賑貧養老諸事多文等弼成之尋命同知經筵事纂  
修 英廟實錄為總裁官成化紀元乙酉侍 上祀

本朝分省人物考

卷六十五

三十一

直

江西

十四

南郊耕籍田幸太學屢蒙厚賚三月特陞禮部尚書  
兼學士尋進階資政大夫正治上卿丙戌三月充廷  
試讀卷官逾月奉命持節為副使冊封賢妃八月冊  
封親王復命為副使俱賜銀幣寶鈔有加丁亥八月  
奉命釋奠先師孔子會實錄成陞太子少保兼文淵  
閣大學士尚書如故賜宴禮部并賜白金綵幣衣服  
鞍馬戊子二月釋奠先師孔子是月晦吏部以文三  
載滿聞 上遣中使齋賜寶鈔羊酒于家是日遽得  
疾 上復遣使臨問賜予加厚仍命太醫院官視療  
再踰月竟不起年六十四計聞命工部具棺管墳遣

禮部尚書姚夔致祭贈榮祿大夫少傅謚莊靖文為  
人志氣豪邁才識通敏自入翰林雖專文學然于時  
政弛張輒能言其當否故每以治才自負人亦以是  
稱之無異辭其自方伯入為官臣職清務簡名其燕  
居曰需軒賓客過門輒置酒款延相與賦詩論文談  
笑以為樂比入內閣甚自矜持正色鮮言不少假借  
又篤于故舊有在患難者必極力拯之聞有一善必  
稱道獎與惟恐其不著惟嫉惡過甚取于太嚴人多  
議其剛愎其為詩文敏妙雄健似其為人所著有聚  
齋稿需軒稿若干卷藏于家

本朝分省人物考

卷六十五

三十一

直

江西

劉觀

劉觀字崇觀吉水人生有異質自少有巨人志既就  
傳經傳子史靡不淹貫下筆辭氣逸發率屈其名宿  
正統戊午舉江西鄉試第一明年登進士第未幾以  
疾告歸尋丁內艱服除遂堅臥不起杜門謝客以讀  
書養性為事四方來學者日衆隨才造就縣尹劉成  
為築書院於虎丘山題曰養中取劉子受天地之中  
以生能者養之以福之義因箴以見志所居四壁書  
儒先入德造道修己治人之事以備觀省復列責志  
恒心二圖置座左右又大書誠明敬義四字各為箴

以示教嘗語諸學者曰小學一書是教人做人樣子到老須以此立脚又曰吳文正嘗云一舉作狀元便謂事業了當者鄙人也斯誠確論又曰吾幼見青紫赫奕知進士之貴輒慕爲科舉之學既卧病京師讀儒先諸性理書乃知科舉上更有此學又輒慕爲之今殊覺進士非貴也或請著述曰朱子吳文正之言尊信足矣何復言間取勤儉恭恕作四箴以教其家取呂氏鄉約表著之以教其鄉冠婚喪祭悉如朱氏禮家有孤嫠不能自存者隨力周養之觀爲人尚質行終其身飯脫粟服澣袍澹約不異貧生每旦祇謁

本朝分省人物考

卷六十五

二十四

吉

江西  
吳士美

先聖畢即凝坐一室竟日無懈容隆寒盛暑不少輟嘗有詩云願做好人清節苦要圖快活令名汚康齋吳與弼嘗誦其言以語人曰觀此足以知其操矣書院之退居曰卧廬學者稱爲卧廬先生

劉儼

劉儼字宣化吉水縣人爲人端介自幼不凡勤學厲行父退菴知有遠大志遣從族之先達時年十六七爲文必主理雖舉子業耻爲口耳之學務探底裏嘗曰讀書豈但皮毛而已年二十四遂領鄉薦春闈中乙榜不就而還潛心林下正統壬戌乃得雋春闈

廷對有鯁直忠愛之詞遂擢進士第一授翰林修撰位既顯學益進遂以古文明天下八年與修五倫書獲賞賚十一年充經筵講官賜勅命景泰初進侍講三年遷右春坊大學士兼舊職階奉議大夫四年與修君鑑書有白金文綺之賚五年選進士十八人爲庶吉士與狀元孫賢等屬教之六年賜誥命是年修寰宇通志爲副總裁繼續宋元通鑑綱目復領之七年志書成進太常少卿兼侍讀錫賚益厚尋主考京闈大學士陳循王文之子欲僥倖科名儼持公道落之遂誣以重罪賴大學士高穀救之獲免 英皇復

本朝分省人物考

卷六十五

二十五

吉

江西  
張文

位獎用忠良命署翰林院事將有寵任之漸尋疾卒於官性孝友初二親垂白在堂伯兄早亡仲兄優游文翰間惟儼綜理家務雖公私多故而二親安其養族人數千指稱無間言凡窘者葬其喪貧者成其配寡弱者扶之得所及上春官鄉人有貸者悉焚其券嘗慕范文正之爲人立義倉於先祠之左貯粟以周其乏且自爲記以見志在朝言論侃侃所交必正人回邪者必折之不少假用是直聲大振訃聞 上悼惜不已特贈禮部左侍郎謚文介勅工部營葬事復遣官諭祭其家享年六十有四

羅如壻

羅如壻字本崇廬陵人自少穎異讀禮記垂成乃嘆曰詩吾世業也遂學兩經太守陳聞而召之見試以長江萬里圖賦壻援筆立成累千言皆新奇有深意公奇之以爲邑庠生正統七年由鄉貢登進士除行人司行人十四年秋虜入寇逼宣府城告急者日數至 太上皇帝時在御親率六軍往拒之分官扈從而行人司則司正尹君昌行人羅君如壻濱行約同行於尹君所凡四人與陳文居相比如壻過文曰適與妻子別論曰從駕出征危事也非使命時比萬一本朝分省人物考卷六十五 王木直 江西 張文

不幸我必死以報國我死其抱吾二子徵狀元劉先生編修陳先生文以著吾不朽文驚拒之曰何爲出此言也壻笑曰死分也及敗績報至文往問其家道臨別之言如出一口文乃痛哭曰如壻必死無歸矣其臨別之言可信也明日尹君昌自軍前遣歸其僕至於行裝中得詩凡十八首皆與如壻及刑部員外某相倡和其詩大率傷奸臣擅權軍無紀律情以不虧臣節相勉期其後同行四人三有詩者果不還因以是知土木之役有棄義而逃者有雖知義而迫於不得已者有如吾如壻其志素定所謂從容就義者幾

矣及是朝廷旌其義詔其子鑑入太學以揆擢用如壻若温然和易而其中剛介明白人不得而欺故所至人皆敬而畏之平生孝於親友於兄弟於朋友急其難雖禍患有所不避其文章辯博暢達喜往復然皆有法度而宿於理其材贍故求無不應者卒之日年四十六

王槩

王槩字同節廬陵人正統七年進士敏達有才暢習吏事初授刑部主事歷陞員外郎郎中屢遷河南按察使所至案無留牘獄無冤詞天順初被誣下獄會襄憲王入朝 上問所過官吏賢否王對曰臣過河南百姓遮道訴王廉使冤且言王廉使清勁鋤豪猾善有恩有威賊下幸爲百姓奏 皇帝還我王廉使上喜立命法司雪誣還任尋陞右副都御史巡撫陝西設法救荒全活數萬人流徙歸業天順七年遷大理卿出入十年凡兩法司及畿藩獻奏參錯情法多所平反時吏諳律比者類多深刻爲明槩獨持明允濟以長厚諸所審駁會文切理倫要簡暢轉相傳錄類成卷籍成化八年遷刑部尚書疏陳時政十事上嘉納商文教知槩薦代姚文敏吏部主議者不喜

本朝分省人物考卷六十五

二十七

江西

南人竟用尹同仁十年卒謚恭毅子臣成化五年進士翰林侍講廣西叅議

### 劉孜

劉孜字顯孜吉安府萬安縣人正統乙丑進士授監察御史十四年巡按遼東自指揮而下殘虐部曲者洗雪殆盡本年九月也先犯京師攻遼東孜躬督邊將嚴翼抗禦監軍中貴潛與虜通即劾罷之遼東城堡尚完固而京師洶洶有爲南遷謀者孜持章乞斬言遷者首以安人心議與廷臣合於是遷議遂止景泰四年進山東按察使劾章一上郡守指揮多罷誅

本朝分省人物考

卷六十五

二十八

吉三

江西

軍民稱快治行爲天下第一天順四年入覲賜宴禮部受文綺之賚陞山東左布政使本年入爲右副都御史巡撫南畿修文襄廢墜之政時松江府有積荒田四千七百餘頃皆重額久廢不耕稅加於見戶孜奏請召民開佃不論原籍肥田畝稅米三斗瘠者二斗謂之官租不起科不加耗民驩趨之蕪穢盡闢不二年見戶加耗皆復舊又歲積羨米二十萬以備凶荒召佃始於周文襄而成於孜立法周密至今行之松人謂是時秋糧加耗華亭每石始七斗至四斗五升上海每石始八斗五升至六斗金花銀一兩初

准米三石八斗其後准四石至成化六年皆然又歲積餘米二十萬比蕪蕪開闢之效也八年陞南京刑部尚書以嚴率其屬久亦安之成化四年以疾休致歸舟至嚴州富春山而卒

### 彭時

彭時字純道安福縣人自小端重寡言不與羣兒狎戲惟奮勵讀書治春秋從叔父憲副彭琉學屬文輒有驚人語琉喜謂他日必爲宗工及領鄉薦入國學祭酒李時勉尤以公輔期待之正統戊辰會試第二廷對賜進士第一初謝恩以夜坐久誤入朝被劾

本朝分省人物考

卷六十五

二十九

吉三

江西

上惟命錦衣衛尋索而已及就鴻臚習儀大鴻臚厲色詰其誤事之由時舉止殊從容但唯唯謝過人以是服其量已巳秋英廟北狩郕王監國被命同商輅入內閣與陳循諸老遊時雖晚進積學素履爲上所眷注時繼母余卒乞終喪不許尋陞翰林侍讀景泰元年賜金帶及五品服復上疏力求終制從之三年壬申服除遷左春坊大學士兼侍講七年寰宇通志成遷太常寺少卿仍兼侍讀英廟復辟之元年九月召見文華殿令近榻前問曰爾是正統十三年狀元耶時對曰臣不才誤蒙聖恩拔擢至今感

戴不忘因叩頭者三又問曰第二名陳鑑第三名是岳正對曰然又問今年幾何對曰臣犬馬齒四十二上笑曰正好用事出外與酒飯去時叩頭退已而命下復入內閣典機務以前職兼翰林院學士上方倚任李賢有事數召面議賢退必謀諸時則竭忠據理以告之有不可者不肯詭隨初或意相忤久之心服其諒直語人曰彭時真君子也戊寅春二月上皇烈慈壽皇太后尊號 詔誥天下 詔草已進訖時謂李賢曰此事前所未有宜有 恩典及人李曰一年兩赦數赦非所宜時曰非謂赦也但行優老之本朝分省人物考 卷六十五 三十 江西

政爲宜若朝官父母年七十者與誥勅百姓年八十與冠帶是卽老吾老以及人之老意思如此恩典斯與上徽號相稱李賢喜曰是卽擬仁政數條進呈上大悅命卽行之乙卯四月六日賜時等遊西苑五月五日賜文武官走驃騎於後苑七月賜時同內閣學士三人及尙書馬昂遊南城俱宴畢而回庚辰春廷試後數日 上召李賢諭曰永樂宣德中咸教養待用今科進士中可選人物正當者二十餘人爲庶吉士止選北方人不用南人南方若有似彭時者方選取賢出以語時時曰立賢無方向分南北賢曰果

上意也柰何是日賢與三人同詣吏部考選得十五人南方止三人而江南惟張元禎得與天順末錦衣衛指揮使門達日見寵任忌文達與相軋陰中傷之上日李且得罪行專用彭某中貴以語時愕然曰李公何遽至此因爲力辯其誣語聞文達得釋又河南有衛官頗強橫凌人竟坐以謀反門達煇煉成之時日人可輕殺耶言於 上竟得從未減活其家數十人一日病咳 上遣太監牛玉視疾牛嘆其居室朴陋入言之 上欲爲營第適駕晏不果自甲申正月朔日以後 上不豫猶每日裁決萬機如常至初十日疾大漸乃處置後事命太監牛玉執筆口占使書其一東宮卽位過百日成婚其二定后妃名分其三命勿以嬪御殉葬其四殯斂器服語意詳盡皆合天理當人心書畢且命牛玉曰將去閣下看令爲朕潤色之旣至時等驚愕曰何至是牛玉曰 上意亦謂事不可測且說下不用何妨時等欽誦畢皆嘆曰所言關大體非 上英明不能及此而止殉事尤高出古今真盛德事也不須潤色言畢時不覺下淚牛玉備以前言復命且曰彭時尤悲愴 上聞之亦隕涕已而曰且收着待我去後遵行次日玉出道其詳因

日 上英偉從來不墮淚今若此事可知矣至十七日 駕遂崩及 憲皇嗣統進吏部右侍郎兼職如故二十三日議上 兩宮徽號內臣夏時懷逢迎心倡言曰錢久病只尊所生母為太后李賢曰今日合尊 遺命景泰間事例不可法時曰今日事與宣德年間不同胡后曾上表讓位退居別宮故正統初不加尊號今日名分固在豈得不尊夏曰既如此便照例寫上表牛亦助其言時曰正統天順初未曾如此行今日誰敢擅寫為人臣子者若阿諛從順是萬世罪人也同議者心知不可皆不發言夏時諸人不言

本朝分省人物考 卷六十五 三十一 宣 江四 張六

乃作色厲辭曰你每偏會懷二心恐追究來不好時拱手向天曰 太祖 太宗神靈在上誰敢有二心錢娘娘已無後何所利害而為之爭所以不敢不極言者為欲全 皇上盛德非有他意若推大孝之心則兩宮同尊為宜夏再入請 命良久出曰得 上再三勸諭已蒙俞允矣時執筆將書又曰須照 上聖例加二字不然無分別夏曰既是同尊如何又要分別時曰二字好稱呼非有寓尊卑於其間也眾曰然乃以慈懿二字加其上後數日太監單包至閣下言曰同尊二母是 上位本心但屈於親母有難言

者而不知禮之人且欲逢迎於其間非二先生力爭幾誤大事為大臣正當如此彼默默者徒享厚祿何為時同僚有未發言者面聽單語深有慙色至營造山陵時與同僚李賢陳文計曰前日事費周折如此今玄宮宜從權作三位庶日後兩全其美李曰然遂具疏言之已而內臣傳 聖旨曰所言固有理但洪武以來制度只雙宮未可輕易仍令諸大臣同議及議夏太監堅言不可眾顧望不言乃已秋命同知經筵成化元年加兵部尚書二年丙戌乞歸省詔馳驛往抵家未踰月手勅促還朝丁亥二月至京 上

本朝分省人物考 卷六十五 三十一 宣 江四 張六

慰勞之六月以四川宣府遼東地震上疏陳六事皆規切時政八月總裁 英廟實錄仍進太子太保兼文淵閣大學士尚書如故會 慈懿太后崩 詔大臣議葬所眾相視莫敢先發時曰 梓宮當合葬裕陵主當祔廟此一定禮無可議者其疏引漢文帝合葬呂后宋仁宗合葬劉后故事乞念綱常之大體先帝之心必求其至當此實綱常典禮萬一有違在廷百臣將有言之宗室親王將有言之天下之大萬世之遠亦將有言之豈得保其終無據理改而從正者乎 上猶重違后母之意未允時與在廷文武羣



臣伏文華殿以請或至嗚咽泣下 上為之感動卒  
 從禮制是秋彗星見越三台時上疏乞痛加修省而  
 謂外庭大政固所當先官中根本尤為至急望正名  
 分均恩愛以廣繼嗣為宗社大計又言大臣進退皆  
 宜斷自宸衷不宜專任臣下如平昔察知其人或召  
 吏部面議或召臣等參詳庶權出於 上皆加納之  
 七月間陝西奏報平涼府屬縣土達滿四糾眾劫掠  
 四出勢甚張皇時疑此徒服役既久今忽反必有不  
 得已者請 勅鎮守官追問激變之故適參將劉清  
 禦賊敗績報至兵部請命陝西寧夏延綏三處合兵  
 討賊已而聲息益急復請調京軍往以都督劉玉總  
 兵副都御史項忠提督軍務賊聞朝廷遣將出師遂  
 退保石城山劉項領兵近山分為七路圍之有副將  
 毛忠恃勇輕攻復敗劔京師聞失副將益危懼兵部  
 尚書程信恐劉不勝任輒請 命撫寧侯朱永再領  
 京軍及遣兵四萬以往 命已下時欲止之然難於  
 遽止請令姑整軍裝待有急報放行 上命太監召  
 兵部於閣下計議兵部程謂事宜急行不可緩時曰  
 前者賊若四出攻劫誠可駭懼今入山自保我軍圍  
 守甚固不一兩日賊必窮困可擒取也京軍何用再

本朝分省人物考 卷六十五

三四 江西 張玉

行程意不平日項今退在平涼亦不可知何謂圍守  
 耶時曰彼分布已定無故何以退且京軍行何時可  
 到程曰來年二三月時曰如此則緩不及事矣事之  
 成敗只在歲終然以項奏詞觀之勝可必矣京軍不  
 行為宜諸太監皆曰然因問邊軍去否時曰邊軍亦  
 不必去商曰邊軍去無害也乃令邊軍行留京軍而  
 住營將不遣程又請差錦衣衛千戶一人去看動靜  
 已准行矣時聞請止之曰去看無益徒失將士心程  
 忿忿出危言曰項忠軍若敗必斬一二人然後發兵  
 去眾不察羣然附和以為止軍不行必失關中至十  
 一月二十邊捷至知以十月二十一日執滿四等賊  
 寨悉平羣言始息次年正月解滿四等三百餘人至  
 京太監親問之乃云被劉清并指揮馮傑剝削不過  
 且又追捕為盜不得已遂反非有他也因下劉清馮  
 傑於獄鞫問得失誅之中外稱快 上喜賜俘奴一  
 人改吏部尚書五年己丑冬無雪上疏言自古災皆  
 由下民困苦怨嗟之氣感動天變而致近日光祿寺  
 之買辦各城門之抽分倍尅太甚而獻珍珠寶石者  
 私賄估值之人倍增其直以規取府庫以萬民之供  
 輸而為奸人之所侵奪伏望盡革其弊以惠生民

本朝分省人物考 卷六十五

三五 江西 劉坤

上是其言京師爲之踊躍七年十一月彗復見上疏  
陳德政之要凡七款 上嘉納之有大監劉永成沒  
或言其曾立軍功宜追封爲伯時力爭之或曰自古  
有封王侯者時曰此豈盛世事耶 祖宗成憲具在  
誰敢違之事遂寢八月壬辰天下水旱相仍時復上  
疏言時政闕失乞放歸田里不許十一年乙未正月  
陞少保尋復病益自己丑以後凡七在告 上輒命  
醫視疾遣內臣致酒米之賜踰日不出則必再遣焉  
三月病革衣冠端坐徐言曰死生常理不足驚但冒  
居大位上不能報國下不能養老父耳無一語及私  
本朝分省人物考 卷六十五 三六 吉三 江西

臣間爲新進所媒孽者必反覆辯折且以愛惜人才  
之意上達言官或過被譴亦必委曲言其不足深罪  
賴以全者甚衆

劉宣

劉宣字紹和安福縣人八歲而孤嘗值家難力學不  
輟父成盧龍徒步學于京師正統八年北虜假貢獻  
圖窺伺宣上疏言虜不可信宜豫爲備後六師失利  
嘗從武官守天津密贊戎事景泰元年以正軍舉順  
天鄉試第一人明年登進士選爲翰林院庶吉士三  
年授編修七年修寰宇通志成進修撰天順四年同  
本朝分省人物考 卷六十五 三七 宣 江西

問之亦不應是夕遂不起贈太師謚文憲時資稟既  
異加以學問之純自少至老敬謹如一日尤不喜紛  
華先後蒙賞賚白金幾千兩綵幣數百鈔十萬緡冠  
帶衣服書籍器玩鞍馬飲食之類有加而時處之泊  
然終歲不一二宴會會未嘗有音樂於物尤愛惜雖  
片楮寸墨未嘗輕擲然非其義一毫不苟取與人接  
有和色無疾言無喧笑謔諧聲至於論辯事理則確  
然有不可拔者交朋友久而益敬人有善稱道之唯  
恐其不章論薦人才未嘗私以語其人常一典應天  
府鄉試一主考會試四爲廷試讀卷官皆稱得士大

不平宜聞之躬至華家而數之曰李公等皆正人汝輩駕空排陷誣枉至此其如天理何將來或有謂吾吉安人皆如若等之存心陰險者獨不畏此清議乎宣坐是得罪當道五品侍從轉南京散地然人益以重其為人矣宣尤熟本朝典故成化初禮部議慶成宴坐序尚書姚夔以問宣宣歷舉舊制某官坐其所夔據奏行之為文務理勝有冲澹集藏于家

劉敷

劉敷字叔榮永新縣人少孤力學有遠志景泰元年舉順天鄉試辛未第進士授南京貴州道御史嘗於

本朝分省人物考

卷六十五

三十九

三

江西

安慶等處巡江捕盜有錦衣衛官校同差者漁利虐民即奏革之采石龍江有劇盜殺掠人設方略捕斬之南京沐駙馬梅駙馬等府各以奸吏奏許久不決敷片言折之皆服天順元年陞湖廣按察司僉事湖湘旱饑常遭尤甚巡撫都御史白圭委以救荒之策敷悉心區畫活饑民數十萬五年遷貴州按察司副使成化二年轉湖廣按察使以母喪去位五年服闋改任福建有盜起海濱敷與憲副何喬新定計直搗其巢穴而禽獮之六年遷福建左布政使明年述職於京值彗星見奏疏十有二條皆切時事八年浙江

海潮暴溢漂廬舍溺死人畜無算 憲宗憫之特陞敷右副都御史巡撫兩浙乃舉周禮荒政宜於時者推行之昏墊之民數千家皆不至失所浙鎮巨璫席勢牟利敷鉅束之使不得逞奏革濫受民詞遂著為令十年移撫湖廣兼理軍務以荆襄分封日滋營造民力日屈奏請定制府第大小會計工價多少給領各府從宜繕修為便朝議是之遂通天下為定例有中貴至常德等府採辦金課乃極言其弊上為罷之靖州苗賊作亂 勅敷與總兵官李震等會兵進討攻破大小賊寨六百餘所生擒斬獲甚眾捷奏進左

本朝分省人物考

卷六十五

三十九

三

江西

副都御史先是荆襄流民為患既討平之朝廷圖久安之策委與右副都御史原傑議處奏設鄖陽府及行都司以統治之荆襄可久無患十五年以疾致仕歸二十二年陞右都御史涖院事具辭 上曰卿練達老成特茲起用宜勉就職不允所辭 孝皇即位復加優禮賜白金文綺至再未幾以人言請老還鄉弘治五年 詔進階原官一級十年卒于家年八十二為人有才性度坦夷闊達不詭不激事有窒礙處之綽然雖居倉卒應之裕如故歷官中外焯有聲績至退處於家作祠堂置祭田合族義興禮讓其治

行多類此

馬聰

馬聰永新縣人景泰五年進士除山東道御史建言下獄謫處州府推官陞河南叅議卒

馬體乾

馬體乾字自強永新縣人天順元年進士除陝西道御史建言謫靈壁知縣丁憂復除華容縣陞黃州府同知陝西提學僉事疏請終養

伍希淵

伍希淵字孟賢安福人天順甲申進士授刑部主事

本朝分省人物考

卷六十五

四十

吉三

江西

千

歷員外郎中決南畿重辟及錄浙江繫囚多所開釋復薦為大理寺丞不果有中貴臣銜命獄尚書以下禁莫敢抗執論侃侃麾之不肯退坐是賈怒尋以誑誤出為廣州府同知會後山有劇寇承檄與按察使陶魯分路進捕多所擒獲勾稽軍籍陳便宜二十事御史為下列郡行之民相與語曰非伍貳守幾不可為郡矣傳聞京師擢知府益自展布嘗相水作陂堰多積穀為儲蓄置保忤使民自相扞衛徵科差役審定丁戶弘治己酉九載考績擢廣東右叅政諸路習聞淵名皆安其教令不敢犯乙卯遷廣西右布政

使取道歸省節丁內外憂家居數年謝事不復任年七十五

羅慶同

羅慶同字嗣慶吉水人洪先曾祖也性寬博易良治藥劑以給人不計直出繼為從父後所從父後有三子同皆為之畢婚復自割產益之間鄰有以田售者聞有急即陰增其直不自言一日天大雪夜半聞扣戶聲起問之則他境儒生來為母市藥者也延入坐嘆曰夜市藥者多矣率皆急其妻若子未有為其母者子容怛然良苦孝矣為酒饌飲食之儒生出金釧

本朝分省人物考

卷六十五

四十一

江西

質藥問母命之乎曰病困不知也慶同曰母病間聞市藥去釧當鬱鬱是益其疾也亟持去手授良藥與之復遣人護之行里中長老有宴集率視其語默進退為準雖以家難故廢學而淹書史工草書客至飭館授壺矢觴豆依依旬月不能舍蓋篤厚類此比卒顧無多藏獨顧曾孫洪先曰吾不乳子也今八十有二矣復何憾雖然吾所以至此者有道平生未嘗以錙銖故動怒亦未嘗以錙銖故動人怒汝識之遂瞑目而逝

李宗枳

李宗栻字敬甫安福人家武功山中好古而苦學童子時與羣兒戲父怒之取紙一幅畫為百空格跪之祠下責之曰汝即不願學遣汝農願則書百願字宗栻乃蒲伏握筆作九十九願字而署其尾曰學未就不敢盡書遂自勵於學題讀書處曰單鎗匹馬做去無靠他人烈火紅爐煉成方為已物蓋治心之語也入縣庠嘆息曰先生設庠序以明倫復性豈徒為科舉發迹即思近來着已以求放心為宗扁其室曰寤室深潛與伏自容止食息倫理必以古聖賢為則而篤於孝其事親動循古禮服勤浣濯必勞力不敢委

本朝分省人物考

卷六十五

單平

江西

千

諸人日有錄自省致其心之隱微所至與所未至也取思義怒思懲而兢兢於慎獨曰求放心於朱子格物之義所謂察之念慮致之事為者為多惜三十二而卒

人物考目錄卷之六十六

江西吉安府

蕭翼

鍾同

劉喬

彭華

尹直

劉鈺

伍驥

傅韶

張敷華

彭教

劉震

周孟中

羅璟

張達

康驥

楊珺

本朝分省人物考

卷六十六目錄

一

阮玘

宋儀望

蕭禎

羅倫

劉彬

彭禮

羅璞

伍符

劉丙

王禎

馬鉉

劉戩

周魯

彭杰

何孟春

趙璜

陳

江西

本朝分省人物考卷之六十六

江西吉安府

蕭翼

蕭翼永新人正統間由進士知潛山改知長垣黃河漂民舍十常八九翼浚河築堤身先衆役發粟賑貸踰二稔而水定民安任滿老稚遮留不可爭祠祀之陞順德知府歸裝惟一琴而已

鍾同

鍾同字世京永豐人景泰二年進士三年冬爲監察御史同當易儲時每獨坐深思泣下已而懷獻太子

本朝分省人物考

卷六十六

江西

卒同入朝待漏與禮部郎中章綸論儲位事慷慨流涕五年九月因遂上疏請復立沂王東宮以固宗社并陳時政闕失疏入縛下詔獄械繫極苦杖之不死又下獄六年八月又杖闕下下獄竟死獄中時年三十二骸掩園土莫敢收葬 裕陵復辟日鍾同忠誠節義可貫金石贈大理左寺丞官具一子通政知陵又憐其以忠受慘禍祿妻羅氏官具一子通政知事啓上疏請遺骸得出園土歸葬時效久矣血漬簪間洗出倍鮮好成化二十三年啓按綸例請諡得諡恭愍

劉喬

劉喬字述憲萬安人景泰癸酉用廢爲國子生遂舉京闈鄉貢第二人成化丙戌登進士第知湖之歸安歸安壯縣喬應手剗析獄無滯囚苗死澇而鄰邑旱不可植乃教民市其苗植之穫再倍每東作躬歷田野徒步入里舍問民疾苦默詢其家豐吝人賢不肖賦稅獄訟率視此爲據吏不得售其姦禮禁喪俗士家以佛齋致饋却弗內富民送葬妓樂數十則則罰以示戒癸巳召爲河南道監察御史按廣西荔浦循叛檄藩司守臣平之柳慶田三府多警凡所指畫動

本朝分省人物考

卷六十六

江西

中機會還按京畿稽諸司卷籍無所縱壬寅擢福建按察副使發匿摘伏屬吏畏服有大俠私番射利盤結下上莫能制亟斷遣之弘治戊申以外艱歸服闋擢湖廣按察使持法甚謹庚戌用刑部尚書彭惠安薦遷右布政使辛亥轉左布政使壹尚寬簡盡除苛厲人或訝之曰牧道固是也會修三王府極力綜治民不告怨勘諸府獄事皆得理蓋自筮仕至是勤勤舉職未嘗少逸間代祀南獄力疾以往還至蘄州卒

彭華

彭華字彥實安福縣人生負異質年十九領鄉薦景

泰甲戌會試第一登進士第選為翰林院庶吉士七年修寰宇通志成授編修天順元年奉使靖江王府還戊寅與修大明一統志以多支廩餼坐除名賴大學士李賢救免八年憲宗嗣位入侍經筵成化三年丁亥英廟實錄成纂修校正功遷侍讀四年

戊子充講官五年己丑進侍講八年壬辰擢侍讀學士攝詹事府事賜金帶十三年修續資治通鑑剛目成選翰林院學士孝廟出講儲官華首講大學尋掌院事十五年用內閣萬安薦超擢詹事仍兼學士十八年御製文華大訓成進講儲官加從二品

本朝分省人物考 卷六十六 三 高 江西 戴洪

祿嘗主考兩京秋闈再典會試文衡兩充廷試讀卷官藻鑑詳明得人最多方復考會試有貴家子在選殊墨卷不合華黜之失志者欲中傷之竟不能為害二十二年陞吏部左侍郎仍兼學士入閣預機務制誥冊命多出其手本年驟得風疾上疏辭不允進太子少保禮部尚書辭亦不允賜麒麟服丁未懇辭得俞旨歸就醫藥與疾出都城過闕門匍匐稽顙泣下沾臆歸未至以上太皇太后徽號恩誥贈祖考如其官贈祖母母妻俱為夫人華才識超邁而深沉嚴重人莫窺其際實則坦亮可親平居不

妄語笑及論畫國是從容應酬有餘裕窮計極慮者殆未之及焉然阿附萬安與妖人李孜省相比以故肆讒投間亟亟若狂如尚書李秉王恕馬文升秦紘侍郎邢讓祭酒陳鑑與其同鄉劉宜羅璟相繼斥逐華之力居多未幾卒諡文思

尹直

尹直字正言別號寒齋泰和縣人直在孕蕭夫人夢巨螭入室其將誕也族祖仲玉仲謙見其家紫氣騰上以為失火既聞直生相顧賀曰亢吾宗者必此子也兒時穎異過人稍長為文奇逸儕輩皆出其下景

本朝分省人物考 卷六十六 四 高 江西 洪

泰癸酉領江西鄉薦明年甲戌中禮部第二廷試賜進士出身改翰林庶吉士與修寰宇通志丙子五月除編修天順改元奉命祭南海戊寅與修大明一統志憲宗御極充經筵講官與修英廟實錄初景皇帝名號未定或欲從昌邑更始例直力辯不可成化丁亥實錄成陞侍讀上言典章制度必大備于文明之朝著述纂修當不廢于承平之世我祖宗神功聖德雖登于秘史其儀文法制未載于全書雖有諸司職掌然遺略尚多更草不一欲示永久曷萃大成乃若通鑑剛目起自周威烈王迄于五季

茲宜續修以成巨典 上是其言是年與校貞觀政  
要已丑春祀四陵以秀王主祭陪祀官循舊分行直  
言往者兩大臣主祭故陪祀者可分王今徧詣四陵  
陪祭者尚可分耶禮官愕然從之壬辰陞侍講學士  
所講必傳時政辭意誠懇 上每為感悟乙未陞禮  
部右侍郎南京地震廷臣疏請修省屬直具稿所陳  
多觸時忌同列頗難之直請獨任其責番夷入貢愬  
往年有遺賞數以萬計咸謂夷情宜勉徇直言給賞  
據當時名籍豈有遺者若一墮小人欺冒之計將來  
何以繼之未幾來者果踵相躡衆益服其明決宣府  
本朝分省人物考 卷六十六 五 高 江西 徐仁

往勘卒以撫定是年九月改戶部左侍郎兼翰林學  
士入內閣參典機務尋加太子少保陞兵部尚書  
賜麒麟衣一襲直以首相萬安為知己遇事裨救為  
多一時 制語典冊亦多直手丁未 皇貴妃萬氏  
薨 上諭欲飲以黃且用后堊直與同官力爭乃止  
時占城王子古來為安南所逼棄國至廣求援該部  
議令守臣送之還國直言遠夷為強國所侵其來愬  
者恃我能為之主也若徒遣之歸而一無所處是棄  
之矣宜令大臣至廣審度事宜且 勅責安南敦睦  
隣好庶不失以大事小之體因薦都御史屠滂往由  
本朝分省人物考 卷六十六 六 高 江西

是安南欽哉古來得領封還國邊情緩急直臨事以  
意籌之多中肯綮夏不雨直與同官疏致旱之由  
上為輟建寺工役省禁中齋醮放宮女三百餘人逾  
二日雨各 賜官扇一上繪魏徵像書御製良臣賦  
蓋旌其言之善也尋以 皇太子冠為宣祝使遂  
賜玉帶八月 憲廟上賓遺詔中有欲加一二語者  
其所關甚重直取天順甲申舊章示之乃止 孝宗  
既嗣大寶知直善萬安一日有 旨欲召用內監舊  
臣懷恩之在南都者直謂此非初政急務而其機已  
不可遏乃上章引避不允懷恩既至直與萬安益不



再復畱矣直歸老于澄江之上猶日以講學為事二大夫過者必被容接未嘗厭倦晚年氣體益壯步履如飛少年或不能及蓋居林下者二十七年八十有五而卒謚文和直身長偉貌望而知其為台鼎之器襟宇濶略議論英發文章豐蔚雄噲其氣充然與丘文莊公彭文思公舉進士為同年以博雅更相推服嘗同考會試者二考兩京鄉試及會試者各一鑑別精確得人最多若謝文莊羅一峰程篁墩吳文定尤號稱魁傑之士平生著述甚富其傳者有澄江集名相贊南宋名臣言行錄皇朝名臣言行通鑑明良交本朝分省人物考卷六十六 七 高 江 高 陳元

泰錄瑣綴錄或謂江右李孜省用事直密與通而實不然觀其斥中使李毅之誣辯御史吳珍之寃夫豈狗附者哉

劉 鈺

劉鈺字仗和忠愍球之子安福人自幼穎敏過人忠愍躬教之時姚文敏學于忠愍之門鈺與之上下議論文敏每歎服之稍長從學于禮部侍郎李克述學益大進會忠愍以諫受禍哀痛毀瘠幾不能生服闋讀書養母無復仕進意 景皇帝即位臺諫言忠愍之寃詔贈官賜諡且祀于郡之忠節祠刑部侍郎楊

彥謚巡撫江西召鈺語之曰而翁忠節已獲昭雪子可以仕矣乃赴江右省試以春秋魁多士甲戌登進士第改翰林庶吉士預修寰宇通志書成擢廣東道監察御史未幾出巡福建畿郡遼東于時同官者務擊搏以峙聲威鈺惟慎憲度理冤獄察吏治巡歷所至訪民利病而興革之不求赫赫名人皆為得憲體真定有婺婦不安其室其族長恥之合羣從毆殺之有司坐以謀殺論死者七人鈺曰此羞惡之心也何可深罪具以上請遂皆免死福建都指揮僉事錢輅與其長劉姓者有隙劉密白鎮守中官誣以罪乘夜以兵圍其第輅覺而逃中官遽以輅反聞廷議遣官會鈺覈其事輅亦自首鈺具奏輅懼罪而逃非反也輅得釋每語人曰微劉御史吾族夷矣汀州豪民欲奪隣之墳地以葬其親鄰不與豪怒言于朝云其地當出帝王 英宗遣中貴人會鈺驗之曰八閩遐且僻寧有帝王地邪真妄言者于法既還臺同官以私忿欲劾大臣且誣以閨門之私以章示鈺鈺曰言事當顧大體奈何以曖昧之事汙讒大臣其人慚而削之天順甲申陞浙江按察司副使奉聖書提督學校比至則明教條嚴考較進茂良 肅情錄是兩浙文

本朝分省人物考卷六十六

八 高 江 高

風丕振成化辛卯遷按察使尋丁憂服闋改雲南按察使雲南荒服之地外與哀牢交趾接因俗爲治寬其禁令馴以恩信蠻獷畏而懷之

伍驥

伍驥安福人景泰甲戌進士授監察御史出按于閩上杭巨寇謀作亂驥單騎從數十人直抵其穴降之斬其渠魁餘皆爲置牛具給種子令各就農衆大悅納命卒于京杭人肖像祀于城樓仍命建廟祀之予希閔成化乙未進士歷官福建兵備僉事再平上杭漳寇民德之配享父祠姪希淵天順甲申會魁進士官至廣西布政祀于名宦祠希齊弘治庚戌進士卒于黃州府推官有治蹟一門累葉以春秋擅名于時

傅韶

傅韶永豐人登進士授刑部郎中剛明有執嘗攝大司寇事時太廟被盜金盆珠冠西臺繫至數百人韶承命往聽得其盜逮繫者得以全活遷黃州知府益勵清操力折豪強庶務爲之修舉

張敷華

張敷華字公實安福縣人父洪爲監察御史預土木

本朝分省人物考卷之十六

九 吉西 江西 栢五

之難景泰初以死事蔭爲國子生少負氣節七歲時里社有竹木之祟乃指揮群兒斬伐殆盡識者知其不凡既受蔭入太學益淬礪問學有經世之志於天順中甲申進士改庶吉士大學士李文達公賢彭文憲公時皆重之欲留官翰林敷華與劉東山公大夏力辭不就成化改元乙酉俱授兵部主事敷華在車駕郎中留心罔牧及講究九邊險易兵將強弱以自考鏡歷員外郎進郎中公廉執法不肯少有所跛倚事于時貴或欲軒輕之個個不輒撓又以抗法連忤中璫或令邏者捃摭亦竟無所得而罷時敷華隱然

本朝分省人物考卷之十六

十 吉西 江西

負公輔望十一年擠出爲浙江叅議監溫處二府銀課景寧有礦盜聚至數千人鎮巡官議進兵敷華曰此可撫而定也乃刻日使自歸身往泣之賊露刃以待及諦視曰果我張公也皆駢首聽命遂執其首惡十二人餘悉宥之則又廣恩信以柔其不可爲異之心自是賢聲著兩浙終爲忌者尼之久羈不遷十年以秩滿進浙江右叅政益孜孜民隱清賦平徭養老恤孤每行部進諸生誨之修身進業之道士民躍然懷服未幾陞浙江右布政使屢斷疑獄又令里甲不足遁相繼補民用稍舒弘治元年轉湖廣左轄浙人

追思遮道不忍其去雖在浙久之不受人一介人亦不輕以一介溷之至楚歲大饑給粟散粥藥病埋死增價致買遣使告糴因修學宮以備直資饑者所活不可勝計四年進都察院右副都御史巡撫山西民不忍釋如浙人道聞母喪六年服闋仍舊任歲復歉奏暫增解池鹽課以補王府歲祿會霖雨躬禱於神池獨不壞歲給大同邊餉多用折納乃請太原以北可通車者運米民亦便之未幾改撫陝西禁婚娶論財喪葬不得舉樂有妖僧據山為逆群議洶洶兵部尚書馬公文升曰張公實在必有處分比報至則已

本朝分省人物考

卷六十六

十一

吉四

江西列

受計令父老生縛之矣九年改南京兵部右侍郎十二年陞都察院右都御史總督漕運首黜武臣部運尤無良者權貴干請悉拒弗納近例漕司多假太倉官銀少免利息敷華謂逋負乃下剝上攘所致而官為借貸大非政體峻為之禁高郵諸湖隄久且壞乃為深溝數道以緩湖水寶應地多平墜又趣令築隄隄成而水行至又奏准江西南兌糧二十五萬石折銀每石六錢又因久雨奏改京倉糧五十萬石於通倉收又因運河爭競奏准運船與王府官校船兩岸分十四年改南京都察院右都御史掌院事振揚風

紀鈴束各道無緣法為市務崇大體慎廉隅又介特嶄然不輕言笑與林公翰林公俊章公懋一時稱為南都四君子十八年進南京刑部尚書尋以人望召改左都御史掌院事至則正身肅度表率百僚請嚴天下有司貪酷奔競之禁會讞重獄有寵臣坐法或疑當未減力執不可卒從重議正德改元有旨令致仕即日上海歸後逆瑾又矯詔指敷華與大學士劉公健等為朋黨頒示天下逾年卒於家瑾誅贈太子少保謚簡肅遺命謂不以倖貨為子孫累蓋至死不亂也

本朝分省人物考

卷六十六

十二

吉四

江西列

彭教

彭教字敷五吉水人自幼穎悟出羣未能言時父兄戲指齋堂題額語之明日試問焉即能歷指以復四五歲教之書捉筆書點畫不爽口占韻語輒成章天順己卯舉江西鄉試第一越四年會試中第二又明年廷試擢第一授翰林院修撰承務郎預修英廟實錄編校精勤成化丁亥進儒林郎賜勅褒嘉并封父母妻是秋書成進侍講賜白金文綺戊子丁外貶辛卯起復壬辰同考會試尋丁內艱丙申起復丁酉考順天鄉試己亥始侍經筵於是已沾疾矣成化

庚子七月病卒敷五博學強記窮探力索必得乃已  
爲文章奇氣逸發光彩奪目而章鍛句鍊典則森嚴  
評論今古是是非非確然不可拔於事無微鉅動欲  
方駕古人居篤孝友執親喪哀毀骨立蔬食苦寢  
非杖不能起見者莫不動容父在殯鄰火倉皇遷避  
有頃二百餘家俱灰燼獨殯遷室得無恙人以爲孝  
誠所致山澤湍悍作舟以濟且規爲經久計其它所  
欲爲者尚多敷五莊重英毅崖岸嶄絕言動不苟抱  
負遠大初自書生不四五年間進位侍從銳意天下  
事若無難者俯視功業可拾取也既連遭喪優游無  
事若無難者俯視功業可拾取也既連遭喪優游無  
事若無難者俯視功業可拾取也既連遭喪優游無  
事若無難者俯視功業可拾取也既連遭喪優游無

本朝分省人物考 卷六十六 十三 高 姜洪

劉震

劉震字道亨安福人六歲其父遣從叔父德育受業  
出就數里外蹶蹶然挾書以往不以遠辭凡其父遺  
書訓教藏置惟謹長入縣學爲弟子天順壬午登鄉  
舉及會試屢不偶人爲淹滯惜則愈自奮發志不少  
衰竟擢甲科高等初授翰林編修秩滿進侍講會國  
子缺司吏部求其人不得擢震右諭德管司業事秩  
將滿始再擢南京祭酒爲人氣剛而色毅言直而情

真與人處不詭隨遇事不合於理拂然不從人有善  
輒稱之不善必斥之不吝見朝士好進取者尤薄其  
爲人故居官始終自守竟老于監官而無援之者其  
爲教以身率先諸生不少縱逸日課李試必嚴至於  
歲遣歷事諸司人無敢忤其序者其居師席望其容  
貌若不可親然篤於恩義見寒窶者多周濟之南監  
廬舍歲久甚敝節縮公用修治殆徧諸生餘其學政  
相與作詩紀之初擢監官適 上視學與祭酒賜坐  
堂上次當講易詞義明暢 上爲聳聽翌日被賜襲  
衣仍 勅宴於禮部人以爲榮遇平生文思敏贍下  
筆數百言不蹈襲陳語所著文稿藏于家

本朝分省人物考 卷六十六 十四 高 姜洪

周孟中

周孟中字時可廬陵人自少志趣不羣十六補郡學  
弟子員成化乙酉預計偕明年春試弗利江西提學  
僉事李君興教白鹿書院聘中爲之師取程端蒙董  
銖所爲學則并朱子洞學舊規嚴率諸生皆翕然知  
所向方負笈至者甚衆尋與南康守不合遂罷歸已  
廿中進士第授南京吏部文選主事戊戌轉僉事提  
學福建至則端士習培士氣一以教於白鹿者施之  
品藻進退付之至公不爲權勢所撓於宗諸儒祠墓

徧加修葺甲辰改貴州僉事會夷寇出沒鎮巡議加  
 職減中推誠撫諭率多懷服歸款丁未陞副使提學  
 廣西嶺表逢掖稀少作興有道士始知學所歷郡縣  
 凡吏治之臧否間閭之利病夷情之向背山川之險  
 易兵糧之虛實靡不究知弘治乙卯轉按察使戊午  
 轉浙江右布政使未幾轉廣東左先是海船中官歲  
 例採珠造櫃并僉大戶解納侵尅不貲至是商賈之  
 利復籠取殆盡悉加裁革地方安靖民間婚嫁後期  
 喪葬不舉皆有禁俗爲之變中學本於主敬窮理以  
 朱子晚年謂敬字之義惟畏字近之故號畏齋以天

本朝分省人物考

卷六十六

十五

吉國

江西

千四

性過剛恐福急害道取西門豹佩韋之意別號韋菴  
 性至孝太安人晚病風痺寢興湯藥躬視弗懈俸祿  
 所入舉以建先祠置祭田周宗戚平生砥礪名節爲  
 詩文有關涉發明要不徒作有畏齋彙藏于家致仕  
 抵家越四月而疾作年六十六卒

羅璟

羅璟字明仲泰和縣人將誕之夕父夢雀栖堂中璟  
 生而天庭有痣如丹砂人咸異之天順八年進士及  
 第第三人授翰林院編修預修實錄成陞修撰成化  
 初陳厲聖志樂聖學接群臣辨賢否容諫諍崇節儉

六事以修績資治通鑑綱目成陞司經局洗馬侍  
 東宮講讀璟與吏部尚書尹旻子侍講龍同娶于孔  
 氏學士彭華尹直嘗欲因璟私交於旻璟正色拒之  
 華直由是怨璟二十二年璟以服闋至京其鄉人侍  
 講王臣方謀侍 東宮侍講恐璟補之乃與華直共  
 嗾李孜省指璟爲龍黨內批調璟南京禮部員外郎  
 遂詰責尚書耿裕當璟以憂去何不補缺時孜省黨  
 工部尚書李裕欲奪其位故并責之未幾耿裕亦調  
 南京禮部而李裕果轉吏部士論爲之不平弘治初  
 陞璟爲福建提學副使尋陞南京國子監祭酒居五  
 本朝分省人物考

卷六十六

十六

高國

江西

千

年致仕卒璟坦夷率直議論持正與人交不設城府  
 爲文章詞旨暢達雖爲人中傷調官實非其罪獨爲  
 提學祭酒時傷寬緩然亦無大過云

張達

張達字時達泰和人天順八年進士授工部主事遷  
 郎中權應天府丞丁憂起復改南京鴻臚寺卿轉南  
 光祿卿弘治十三年擢工部右侍郎卒賜祭葬如例  
 達純朴不事表飾待人周密有禮平生罔有失色者  
 居官勤慎守法鮮玷缺可議晚年言官有論其禮儀  
 粗率者達方對客聞之笑曰我固粗率人言者之論

諒哉其性度渾厚類如此

康驥

康驥泰和人拜監察御史天順初宦官武將竊威弄權致賣官鬻爵以干憲度驥抗章論其奸狀群小交相泣訴于上下驥獄拷掠備極而詞氣侃侃不少性既得恩釋奸黨縮首以避後巡按山東北直所至風紀肅然吏民畏憚後陞福建轉運使卒于家

楊琚

楊琚泰和人兵部主事出鎮山海關政令多著為例轉武選郎中紀功陝西嘗奏改延綏城堡及建言軍民利病上多采納尋陞參議奉命撫治荆襄築老龍隄疏竹筒河及荆改劉家隔雷峰切等水驛巡司皆有利于民而開勦鄖陽功尤居多以參政總督糧儲致仕卒

阮玘

阮玘天順進士授行人所至不辱君命拜監察御史貪暴不敢肆侵漁董葉運河決隄令有司與民為期約民悅事集尋以巡視鹽場冒暑得疾至京卒歛殯不能自舉鄉舊共賻僅得歸視玘平生篤行動以古人自期其孝友尤為人所重云

本朝分省人物考

卷六十六

十七

吉四

江西

徐云

宋儀望

宋儀望字望之永豐人由進士為吳縣令念諸區所苦者長賦長賦所苦者長運往往破家望倡諸區各出公田以贍之所出田畝計本受田為差次即貴勢無得免者民以不困虜大入寇餉不給大司農計專官併責吳舊賦人洵洵且竄望白郡榜慰而條處其緩急竄者復矣乃與比邑合而置義塚於六門之郭禁毋得水火葬吳俗幾變為御史時上書論大將軍仇鸞擁勁兵居肘腋挾虜自重無人臣禮未幾鸞死事露戮屍及妻子望意發舒陳時務十二策出按河東離移疾歸病痊復為御史司大計時望之鄉人幸相有暱子橫而貪望欲糾之不果因論邊事遂及東南而以督臣胡之淫侈撫臣阮之婪荒請攝治之二臣暱子之心膂也以是不悅望會望督視三殿大朝門又中貴人議工直日一銀望不可又欲悉易殿趾石望又不可第易其燬弗堪者而暱子私賈人五千金屬工部歐陽尚書者辟與工事望又不可於是眾怨叢矣其遷大理丞暱子自以為功望無所報謝而以請急歸適風霾變幸相欲有所廢樹及大計吏而尚書遷吏部與暱子比謀謫望兵備霸州移閩監軍

本朝分省人物考

卷六十六

十八

吉四

江西

云

與大帥戚合策破倭入與棘事所撰程式義冠一時藉藉稱望有文武才而計吏之謫復下望方從容賦詩歸屬邊事棘以薦補四川按察僉事復為副使視福建學政自是參其省政佐太僕大理皆不久遷其撫南直隸九郡則自相國張知之望故令吳務為寬大而於雲間金壇溧陽豪貴人之匿賦而以重累單亦者無所縱貸時海警稍懈諱言兵獨與兵使者益修餘艦練卒伍飭戎器申嚴賞罰無幾倭至遣舟師三覆之於外洋會有詔雪靖難死事諸臣望謂金陵其死事所也建表忠祠聚而祀之鄉人宋楊邦又以本朝分省人物考卷六十六 十九 吉西 范街

不屈女直死江寧墓且湮行求得之為置封樹因故祠陞宮而歲饗焉坐與御史論相異同遂決意不復出卒年六十五生而有大人志讀宋史秦檜陷岳武穆而歎父怪之對曰令兒生其時不飲血而碎檜首者有如日又讀唐史裴度傳賊滅則朝天有期賊在則歸闕無日大嗟泣曰壯哉男子當如此耳從聶貞襄豹遊得聞王陽明良知之旨時方議以陽明從祀孔廟而拘儒或難之望曰是未易以口舌爭著或問謂堯舜開道心精一之傳未嘗求理於物特心於外孔門大學首言明明德明德即道心之靈覺不昧者

然則明明德之功要在致知而訓詁之士乃謂致知者推極其知識是求之物而皓之外也陽明指而示人曰致吾心之良知而已是知也孟子之所謂孩提之知愛知敬顏子之有不善未嘗不知也然得大學之本旨而上遡堯舜精一之傳者無如陽明或問出見者爽然後十餘年陽明卒從祀所著有陽山稿華陽館集

蕭 頌

蕭頌字彥祥泰和人幼失怙生有高資能自奮於學期必取科第遊學於外族人有隸尺籍蜀中者往依本朝分省人物考卷六十七 二十 吉西 范街

之學成弟子多從受業然益困無所遇儻然西歸舟行峽江隅墮深淵中自分必死矣忽若有物扶其足而起適得漂櫓負而登岸人異其事謂後當顯達竟以儒士舉於鄉天順甲申登進士第成化乙酉授南京刑部貴州司主事己丑陞湖廣司員外郎治獄明決爭訟者一訊輒得其情據律剖斷庭無留獄人皆稱之壬辰擢湖廣按察司僉事分巡一道明決如在刑部時所至郡縣興舉廢墜尤好獎進人才敦勸民俗不專以簿書為事俄苗寇竊發詔出兵剿之文武大臣或不相能頌適以事在軍中曰自古未有大臣

不和而能成事者况用兵又事之大者乎爲反覆開  
解大臣感悟寇卒平禎當紀功則有以婦女首級微  
功者辨其僞斥之及奏捷加四品俸吉王建國長沙  
禎復督工役一時夫匠被人擾害者賴以安巡按御  
史累奏其治績辛丑擢本司副使丙午再擢按察使  
於是蒞湖廣者歲久治績愈著名益起明年遂遷河  
南左布政使至則宣上德究民隱尤不肯以公錢曲  
奉權貴人人以爲難弘治戊申會陞巡撫陝西右副  
都御史得便宜行事陝西當凶荒之餘民初復業禎  
加意安輯流移者至乃內務蓄積外爲備禦兵民晏  
然西方無事歲當慮囚得可矜疑者悉置輕典奏  
上囚多免枉死作全命錄以著朝廷欽恤之意而是  
時一裨帥犯法素有聲勢爲請托者多卒論如律復  
以平寇功有文綺寶鈔之賜辛亥遷南京工部右侍  
郎甲寅改刑部丁巳始有工部尚書之命南京爲舊  
都凡壇廟宮闕城垣橋道歲久漸圯修治無虛歲禎  
計夫匠量材物役用必當未嘗妄費權貴人有乘時  
求利者往往無所得每土功告成輒蒙恩賜蒞事三  
年以老疾去而卒禎少時羅夫人憐其幼弱析與田  
產特厚後夫人卒禎悉讓還二兄取舊券焚之親黨

本朝分省人物考 卷六十六 吉西 江西 徐五

若故刑部尚書劉廣衡而下率譽以爲不可及壯且  
貴痛念父母不及祿養過塋域輒慟哭如初喪居家  
作敦本堂及置祭田供合祀祖先之費至于處宗族  
待故舊無不歸於厚者若其歷官四十年田廬僅足  
服食不侈於物無所玩好稍暇惟讀書賦詩而已

羅倫

羅倫字彞正永豐人性慷慨樂善補郡庠弟子員勵  
志聖賢之學嘗曰舉業非能壞人人自壞之耳郡守  
張公瑄嘉其學行而惜其貧命有司周之謝弗受景  
泰丙子領鄉薦癸未赴春闈遭火患呼曰吾平生無  
毫髮得罪于天今乃至此柰吾親何須臾火滅僅獲  
免成化丙戌舉進士第一對策頃刻萬言指切時弊  
拳拳以格君務學爲說中引程正叔語人主一日之  
間接賢士大夫之時多親宦官宮妾之時少執政欲  
節其下句毅然不從直聲震于時授翰林院修撰會  
東閣大學士李文達公遭喪朝廷畱之倫告以不可  
李公始以其言爲然既數日復上疏歷陳古今起復  
之非是且曰如其不然必准富弼故事終喪及劉珙  
故事反覆數千言一本于天理人心之不可已者疏  
奏落職提舉泉州市舶司士論榮之終倫之世大臣

本朝分省人物考 卷六十六 吉西 江西 徐五



未嘗有起復者明年召還修撰改南京尋以疾辭歸開館受徒日以註經爲業邑有山名金牛在萬山中非人所居倫與從學者築室讀書其中至未數日中嵐氣而卒倫嘗欲做古置義田以贍族人或助之堂食錢謝而弗受或衣之衣行遇乞人死于途輒解之以覆客晨至留客飯妻語其子曰瓶粟罄矣貸之傍舍比舉火日已近午亦曠然不以爲意李文達卒商文毅公復入閣言於上始復官適廬陵陳公文亦卒士有爲詩悼之者末二句云九原若見南陽李爲道羅生已復官時論之負不平也如此

本朝分省人物考 卷六十六 壬午 江西 省自

劉 彬

劉彬字素彬未豐人與羅倫同師及同授春秋於鄧表年所或經年乃一歸以德業相勵鄉俗目爲迂儒嗤之曰羅古人劉古人且有欲破其交者倫詩有浪拍洞庭君山不動之語彬笑曰君山豈足喻吾交君山靜而不動吾交動靜不違倫告之曰科名文詞皆淨洗而痛決之不使亂吾之念慮一意從事聖賢之學必至於成人而後已榮華與道謬永貽身後嗤胡可以有盡之身而貽無窮之辱乎仕止久速各當其可此孔子所以聖也彬曰一峯平生故人今墓木拱

矣生年不滿五十其出處語默進退如是吾敢負一峯乎白沙先生曰別駕自審去就何與一峯也彬貌癯骨秀心純正五歲而孤母張撫育之時從巫用甕匱關於祠案下謂十五出關時破甕名曰破關所可生彬默用石碎之母怒跪曰壽夭在天非巫可求天感母德吾自可生母宜安心勿感異端舉進士授潮州程鄉知縣痛俗薄惡撤賭場禁酒肆逐娼優出境民不復破產部民王慎德彬直其誣軍數年之枉以黃金十五兩包香茶中跪送彬揮之去曰生汝者吾父母之心豈愛報乎考績赴部老穉追攀道左彬曰

本朝分省人物考 卷六十六 壬午 江西 省自

若等母慮吾行不出半年耳去任未三月鄰邑饒平賊發城陷奔屯程鄉深谷中官民大懼時彬過家臥病聞之明日卽力疾陸趨四日及境四野歡喧卽白行軍布政陶魯軍衆邑小乞散之鄰邑以紓民困陶擒賊五百餘真偽相半彬力爭民命不可輕陶不聽且曰君不亦當立功乎彬厲色曰吾爲民父母坐視子弟命絕何謂立功卽白巡按御史雪其無辜者過半九年考績方伯劉大夏署云無能事之虛名有牧民之實惠彬旣去百姓塑像立祠陞雷州府同知設地畧如程鄉士民亦樂趨教以疾解官民謠曰知府

似爛泥通判似豆腐去了劉同知倒了雷州府 武廟嗣位詔進朝請大夫以疾終於家年七十七

彭禮

彭禮字彥恭安福縣人內閣彭文思弟也成化壬辰進士十年授兵部職方司主事十八年陞本司員外郎二十年陞本司郎中二十三年陞太僕寺少卿弘治三年禮奏言近奉 勅凡州縣倒失寄養馬匹立限責償遇赦不宥禮以為欲惇不赦之信莫若寬假自今四月以後責償如例弘治元年正月至今每馬一匹令償銀三兩則人樂輸官易於徵求又人情納銀易納馬難若每孳生一匹令納銀七兩解貯本寺聽候買馬給軍則催徵之中常寓寬恤之意馬不致大耗矣四年禮又言自古牧馬多在監死未聞寄養民間今寄馬駒歲課無窮而民間戶丁生長有限以有限之丁責無窮之駒民困無由而蘇請今定種馬之額為十萬匹歲取駒二萬五千永為定額不增駒存其高壯者以備歲用不堪者變價貯之太僕寺以俟他用如有倒失即令補足遇赦不免可為久遠之計兵部尚書馬文升覆奏行之於是兩京種馬始有定額五年陞太僕寺卿八年命管易州山厰本年陞

本朝分省人物考

卷六十六

五十五

江西

陳元

工部右侍郎仍舊管山厰十一年四月改都察院左副都御史總督蘇松糧儲巡撫應天等府地方十五年同知府劉琬改定加耗例未幾致仕卒於家

羅璞

羅璞字宗溫號石齋吉水人汝敬子成化甲午領鄉書弘治己酉就銓試授紹興府同知同知以清戎為首務初至歷稽前政率無可攷乃出己意創造歸衛歸姓二冊一覽即洞見本末弊無所容當道善之下其法于列郡山陰民有婦弗檢事覺自盡其父誣壻殺之獄成令手璞當覆訊具得其情謂其令曰此律有明文自當勿論可濫及無辜邪其誣遂白蕭山塘圮承檄董千夫往築計丈分授之令簡慮周功以時成而高壯可久海濱之民大蒙其利擢思南知府府治依山無城郭盜賊虎狼積為民患首設方畧築土城以為固甃其四門置兵守之前患頓息撫民以寬御土官一以法土官有張羽者以餽茶為名中藏金銀器數事輒斥去威令大行踰年苗賊米魯等作亂朝命大臣總川湖雲貴兵討之璞被選督餉一夕查城驛偵知賊中陰謀亟伏兵要地為備夜二鼓賊果至伏兵起而擊之獲其酋黃實熊大輔喜動軍門進

本朝分省人物考

卷六十六

五十五

江西

陳元

至關索嶺馬驚逸墜崖下息僅屬信宿小愈即強起  
治事比賊平芻粟未嘗乏供以平賊功陞貴州左叅  
政致仕歸正德己巳盜起于鄉與曾憲副協謀創立  
保伍以折其勢辛未流賊逼境復尋初約聲勢張合  
羣兇竟莫敢犯一鄉賴之嘉靖壬辰壽九十適遇國  
慶覃恩誥封中憲大夫

伍 符

伍符字朝信安福人父希淵會試舉春秋第一累官  
右布政祀于廣之宦祠符年十九母劉氏卒于廣州  
匍匐歸其喪成化癸卯鄉試亦舉春秋第一丁未登

本朝各省人物考

卷六十六

二十七

吉西

江西

陳元

進士選入翰林學士汪傅並稱奇才會有忌者竟授  
刑部主事大司寇屠寔器之命典司章奏法比精詳  
轉員外郎會嘉興寧波並缺守司寇欲為嘉興得之  
乃冢宰屠曰我方秉銓而不能得一賢守乎竟以補  
寧波到郡即以古循吏自效自公庭以至屬邑莫不  
整整時有監生袁孟恪貲豪顯壻殺人無忌有楊大  
王怙勢橫暴吞噬細弱官司不敢問符捕殺之篤意  
黷校課講習資膏薪所獎拔如聞淵輩為時名卿他  
如均徭役治水利減筵宴戒戲劇禱雨禳疫察冒賑  
訊黥盜章卓甚矣會當考察科道疏舉天下守一十

七人符為首嘗歲侵民不聊生令民得下海網捕為  
活海道以令不自己怒之嗾御史劾逮郡士民七千  
餘人連名赴闕疏太守為民得罪之故 孝皇寤而  
釋之反坐言者乙丑九載考績擢浙江左叅政風動  
列郡已巳轉雲南右布政到任甫三月逆瑾以宿憾  
傾之繫獄瑾敗乃免歸辛未起湖廣右布政會父喪  
服除未起銓部輒補四川右布政蜀值兵後百計撫  
綏會松藩寇警督餉著勞捷聞賜金幣乙亥陞福建  
左布政使丙子入覲銓部考天下方面官獨與張時  
峻最焉戊寅陞南京光祿寺卿代事者已半月豪軍  
假以缺糧倡亂會鎮守市舶西內臣以不見禮害符  
適錢寧竊柄逮捕詔獄既而得白已乃補直隸巡撫  
甫持節 武皇甫南巡細鉅畢辦 上嘉悅舉銀觴  
賜之武將劉暉宦官張忠並以寵倖前驅竊弄威福  
正色與抗卒莫之逞畿輔要衝王師絡繹民心凜凜  
多方鎮定六郡三關宴然安堵 駕旋僅拜銀牌之  
賜不阿左右故也連疏乞休 温旨慰留 世宗御  
極懇乞骸骨五疏始得九年六十三卒

劉 丙

劉丙字文煥安福縣人成化丁未進士改翰林庶吉

士授監察御史遷福建按察司提學副使以憂去服闋調四川左布政使進右副都御史巡撫湖廣擢工部右侍郎兼右僉都御史督採大木丙操履清介喜於有為政尚嚴勵無所貸縱雖頗取怨而法令修舉士民畏之及膺採木之任親入山谷冒嵐瘴遂致疾卒訃聞贈工部尚書謚恭襄賜祭葬如例

王禎

王禎吉水人夔州府通判荆襄劇賊石和尚反禎領民壯與戰大敗之越三月賊大集禎曰今日當以死報國復領兵壯衝賊鋒殊死戰援兵不至遂為賊所獲禎奮罵不已賊殺之 詔贈夔州府同知錄其子

廣于太學

馬鉉

馬鉉永新人成化進士授工部主事律身廉約治事周密時役夫多病疫癘鉉親為察脉而藥之盡獲甦愈民祠祀之再陞廣西叅議會古田苗賊猖獗自將往勦出其不意斬獲過半班師歸為伏兵夾戰竟死之事 聞諭祭贈叅政錄其子

劉戡

劉戡安福人成化進士及第授翰林院編修進侍講

孝宗皇帝嗣位充正使使交趾時吞占城侵緬甸頗嘔驚僉難其行戡承命乘肩輿從兩僮道南寧直抵其境交人驚曰豈天人耶館候視昔倍恭餽遺一無所顧交人謝表有廷臣清白之語又為建却金亭於思明道中後以春坊右諭德終所著有晉軒集

周魯

周魯吉水人成化進士授監察御史出按雲南彈劾不避抽分盧溝權貴杜絕時有以司馬遷冢宰者十三道以為不可欲言之而無肯當先者魯曰言官畏言耶即首署其名冢宰憾之後與都憲公論差法不本朝分省人物考卷六十六 三十一 江西十

彭杰

彭杰字景俊吉水人與從弟叅政桓少同學穎敏強記人奇之號為二彭弘治己酉舉鄉試庚戌賜進士出身第四人學有師承多讀書為文章汪洋恣肆而準于義理嘗負大志以為天下事無不可為者故入仕三十四年所在必稱其官多於難能者談笑舉之而氣不能下人亦竟以此屈抑不能大顯初釋褐為刑部取案牘繙閱數日笑曰刑名止若是乎於是操劄即踰老吏以為治獄當得人情而不可拘於律令

當先權要而不可過求於寡弱凡所奏讞雖隆貴子弟無所回避人竟莫有難者及為知府文案山積手自批答吏胥拱手無敢舞文而所屬州縣皆得別其賢否使得以已意為治大率主於愛民而不取具文法四川十八寨熨夷叛杰以叅政督餉出險道師賴以捷歸至叙州宣慰使冉儀所部安有所掠按察僉事郭公某廉其首咎之儀部下鼓譟且叛城門晝閉杰時適至行其營呼儀曰若與吾非征熨夷來乎柰何復以身家效熨夷儀感悟復為畫計謝郭得全軍歸初熨夷為人挾誘頗悔禍杰欲撫定之而議者貪

本朝分省人物考 卷六十六 三十一 吉西 江西 陶文

功遂致用兵士卒死者十六七乃得小捷當道始多之事聞朝廷特賜白金文綺故事上官父老子代者必納賄諸司始得請緣是上官狎諸司征調輒為無狀播州宣慰使楊斌病請代而賂不至數年為諸司所格杰至即奏代以金謝不受涕泣持去其為雲南司鹽法在湖廣宗室甚繁歲入祿米多羨餘二者人咸籍以自利杰一無所染而下州所產丹砂蛇艾諸物當道有物色者皆不應劉瑾用事威虐中外畿內郡邑皆歲有所獻杰為廣平止具三帕瑾笑曰是非清苦太守耶飯其使遣之雲南黔國公沐紹勛禮絕

方岳杰與分廷相抗武定侯郭勛鎮湖廣肆武斷二司不敢馳中道行杰強其門以入二人者竟亦無所報少嘗慕范文正義田恨不能給每割產分俸以思效家居貧薄絕跡公府處隣里親友不異儒生性喜飲飲必擇酒酒必引滿醉則掀髯高論若無與伍冬月能飲水數升經年不浴身無垢穢往在南京仙人尹蓬頭常來乞食每假宿戲語他貴人邀之即不去杰享年至八十有五強壯不衰人遂以為得仙一日偶病酒檢遊仙詩日自默誦已而索修真書忽不能視遂瞋目寢家人驚問曰有分付否微應曰分付何

本朝分省人物考 卷六十六 三十一 吉西 江西 陶文

用又問曰心明白否瞠目應曰比汝更明遂逝

何孟春

何孟春字子元先世廬陵人遷于廣元有為都統鎮柳桂者因家柳祖俊雲南按察僉事父說刑部郎中孟春少穎異稱奇童長游李文正之門文正器之弘治癸丑進士兵部主事員外郎中馬端肅劉忠簡大見器重嘗使山陝清馬政還上五事併劾撫臣不職朝論建之為河南叅政權太僕少卿究極馬政利害兵部著為例 武宗朝嘗欲取馬價他用孟春力言不可竟止晉正卿拜都察院右副都御史巡撫雲南

多所興革討十八寨叛逆立永昌府增五長官司五  
守禦所歲增賦若干石召為南京兵部右侍郎尋改  
吏部以引拔人材為已任與喬太宰宇林司寇俊彭  
司馬澤汪少宰俊同心謀議焉嘉靖甲申議大禮孟  
春前後三上疏勸從初議復詣百官伏闕以請調  
南京工部旋引疾歸及明倫大典成詔削籍年六  
十三而卒謚文簡孟春博究經史歷數兵法皆所精  
研著作甚富有何文簡公文集行于世

趙璜

趙璜字庭實號西峯安福縣人五歲失恃即英發有  
本朝分省人物考卷六十六 三十三 吉高 江西  
巨人志時父恒齋官蜀之黔江過石首舟觸漲濤璜  
墜水流半里許不溺見者驚異十歲父補富順教諭  
就傳死馬龔公維嶽舉業日有造詣嘗讀書僧寺有  
賈憇佛殿遺一囊盡琥珀珠物璜拾之踰時賈索囊  
驗實還之賈探囊以謝麾之而去幼治詩經歸安福  
專治春秋作解願若干卷學者心服執經門下者日  
益以眾成化丙午以儒士中鄉闈亞魁錄經義為程  
式弘治庚戌登進士援例歸省癸丑授都水司主事  
督呂梁洪置夫數千半為土豪隱占甚至侵偏署傍  
隙地璜召至諭以法豪憚威革心無敢後者往來中

饋餽送悉卻之供應廩米之外蔬果不入丙辰秩滿  
改兵部武選勵清操精選法吏胥斂服罔敢售其奸  
戊午遷職方司員外郎大司馬鈞陽馬公極器重之  
遇重務每咨籌稱善草疏多出璜手薦堪大用已未  
典會試文衡秉公竭明以得士稱庚午陞山東濟南  
府知府府有積年舞文為政蠹守莫能制璜預選吏  
農性敏者教之法律親為改習擬踰月得可役者二  
十餘人遂盡逐之宿弊犁然以革處同僚以和每救  
正弗逮或有變故者從厚周之作興學校誨以作文  
讀書之法士子成才科第倍昔辛酉甲子兩與簾外

本朝分省人物考卷六十六

三十四 吉高 江西

程文多出璜筆每遇旱災憂形於色積誠祈禱輒應  
乙丑郡告蝗蝻璜曰此吾咎也修省額神限期蝗絕  
凡七年濟南無歉歲海豐有殺人而逃者誣逮者籍  
戍久之潛歸有司獲以解府璜察非其罪密使人緝  
得渠惡伏辜戍者獲釋撫按藩臬凡有大政疑獄悉  
以什璜如漢庶人牧馬草場舊係屯田給佃於民息  
入官王府屢行奏乞百姓苦之數經勘處依違弗決  
璜竟歸於民感念至飲食必祝鎮守中貴舊蒞臨清  
欲移鎮省城以張威納賂璜白撫按以計寢之而民  
獲安堵尋有二巨璫以選婚至郡皆憚璜弗敢肆虐

徃行無留獄府庫積銀至二十萬有奇廩粟三倍之  
 冊載詳明無毫釐爽後雖逆瑾查盤羅織竟不能中  
 傷丁卯春陞順天府丞瑾責賂於璜弗得逮繫詔獄  
 民號呼攀挽車不能前竟奪職歸田里環堵蕭然瑾  
 誅臺諫論薦召復舊衙署京兆印治多中貴及勢要  
 田土有司不勝其凌逼乃懲其一二自是驕恣者屏  
 跡辛未陞右僉都御史奉 勅巡撫宣府有權貴擅  
 監利攬納軍儲事發奏逮數百人璜親鞫之置諸法  
 逮者盡釋之壬申山東寇起廷議推調巡撫奉 勅  
 以行父老歡迎感動璜擇藩臬中賢能者分賑之脇  
 本朝分省人物考 卷六十六 三十五 江西 銜全  
 從聽撫橫死者掩遺骸表節義以敦風化凡徭役徵  
 輸悉曲計處之民困大甦黃河退灘地數百里最為  
 沃壤璜令有司集流氓使墾為田許復其業番僧怙  
 寵奏乞起科充齋糧旗校肆威恐嚇有司莫能制璜  
 以去就爭之得免乙亥黃陵岡河變運道幾危擢工  
 部右侍郎兼憲職奉 勅總理受 命之二日即趨  
 河上躬率官民三月旃胝水勢稍退貽文河伯與共  
 責任數日狂流壅沙護岸三埽告成人以為神逾年  
 白洋河口警報沓至奉 命經略罷斥曠瘠舉謀勇  
 將領計捕權貴陰庇宿寇以戢內梗軍容於是整肅

設法賑濟活饑孺甚眾還朝佐理部事奉 勅督選  
 大木營建乾清坤寧兩宮設法舟運省費不貲辛巳  
 兩宮成辭錦衣世襲之蔭受飛魚麒麟金帛之賜  
 世廟踐祚迎扈至河南還賜羊酒膳饌嘉勞加俸一  
 級具辭不允是年轉本部左侍郎署部事奏毀鎮國  
 府玄明宮并香房酒店保安洪福諸寺院泊諸權奸  
 廬舍以備國用以紓民力修濬城池街道溝渠以至  
 宗人府詹事府國子監城隍廟凡圯壞衙宇一新葺  
 之京師改觀嘉靖壬午陞本部尚書侍經筵工曹錢  
 糧百需所在出入頻繁設無稽考璜令司廳四司各  
 本朝分省人物考 卷六十六 三十六 三十五 江西 銜全  
 立文簿互相稽察宿弊釐革殆盡凡 朝廷有大興  
 作皆自計畫裁損居多乙酉冬二品三載績奏 上  
 遣中官賜羊酒累沐 恩賜文獻通考敬一箴資治  
 通鑑 御製洪範序 獻皇帝睿筆皆一時殊遇也  
 世廟工成再領金幣之賜議處營建 仁壽錢糧幾  
 百萬皆取之府庫不徵派于民天下陰受澤率類此  
 然秉公持正多忤貴人意由是去志益堅丁亥懇辭  
 休荷 優詔褒榮仍給驛還鄉歲隸六名月米五  
 全名完節士林高之明年遇例進榮祿大夫璜每  
 激 國恩惟焚香過祝冀 聖壽無疆 前星早

耀而已家居凡五年臺諫累章薦起壬辰夏四月工部缺尚書特旨下吏部起復任使及門璜捧檄流涕具疏以疾辭不允竟未及赴而卒訃聞命官諭祭營宅兆贈太子太保諡莊靖年七十

本朝分省人物考

卷六十七

江西

人物考目錄卷之六十七

江西吉安府

徐穆

羅欽順

歐陽德

陳鳳梧

鄒賢

劉玉

劉昶

羅循

魯直

楊必進

周煦

呂翀

歐陽重

梁葵

鄒守益

羅僑

賀鈞

戴冠

歐陽瑜

毛伯溫

王思

趙可與

歐陽必進

王時柯

周仕

曾翀

彭黯

曾于拱

劉週

本朝分省人物考 卷六十七目錄



本朝分省人物考卷之六十七

江西吉安府

徐穆

徐穆字舜和吉水縣人弘治癸丑進士第二人授翰林編修秩滿遷侍讀與修歷代通鑑纂要宋元論斷多出其手同考會試者再得倫文叙董玘皆為榜首及其他名士尤多人服其藻鑑 上即位命克正使頒朔于朝鮮及境駟告國王迎詔不郊迎不道踞穆援古證今反覆折辯卒能以禮屈之王屢遣陪臣代質疑義剖析不遺凡所饋獻悉拒弗納國人皆歎服

本朝分省人物考卷六十七

江西十一

與修 孝廟實錄克經筵講官劉瑾專政托擴克政務名調諸翰林為部屬穆時以丁憂去猶不免擬為南京禮部員外服除改兵部未至任瑾敗復為侍讀比內閣以翰林春坊多闕員疏其資望深者陞補穆名在疏中特進侍讀學士翊日遽卒穆才性明敏下筆千百言若不經意者博通經子史於凡國朝故實兵民利病以及四方地理險易俗尚薄厚歷歷如指諸掌每稠人廣坐中議論英發略無諱避穆素所自負蓋欲一試以就功業年僅四十有四而卒人皆惜之

羅欽順

羅欽順字允升泰和人弘治癸丑進士及第歷官南國子司業此缺懸而不補者七十年監規積弛士多放逸每遇差撥爭論紛如欽順謂放心宜收非管攝之嚴不可爭風宜息非稽考之精予奪之公不可持此三者甚力始而怨謗交集終亦安之六館肅如繼轉吏部侍郎攝篆不動聲色別白忠邪條上之咸當人心有夤緣內監以求進者奏論其交通害政請付法司定罪竟沮之嘉靖年都御史席公自湖廣馳疏請起遠庵楊公總制三邊吏兵二部議如所請順曰

本朝分省人物考卷六十七

二

江西十一

遂庵舊相即起必以禮辭往返須數月今邊報孔亟李亞卿方在彼行事利害所繫恐宜三思遂庵由是不果起嘗語所親曰遠庵素知予子尊仰之但入京踰年物論藉藉今所言非惟事體當然亦欲以忠于知已耳尋改吏部尚書致仕家居二紀足跡不履城市惟已丑秋視季第西野公病及喪葬纔一再出不下樓數載以終贈太子太保諡文莊向官兩都時留冢子視家訓飭相繼如日勢位非一家物須要看得破又曰愛好人窮貪嚼不爛人以為確論仲子謁選未嘗通書故舊瀕行訓之曰前程分定惟安義命便

是比授官有欲圖南以便音問者乞一達相知日數  
字本不惜但似乎信命欠確耳竟不與惟作行誨授  
之諄諄於忠信篤敬之說嘗曰人立身居業必先打  
破義利關否則擾擾直到底其教人每以是致嚴云

### 歐陽德

歐陽德泰和人字度弘粹孳孳講學務以真知實踐  
為主接引後進如恐不及其才具敏贍施於有政卒  
當事理協人情措畫所及即可傳之永久官禮部尚  
書當議建儲二王婚禮雖時上章忤上意上察  
其持正卒優容之沒後謚文莊

### 本朝分省人物考

#### 卷六十七

三

江西士  
范肖

### 陳鳳梧

陳鳳梧字文鳴號靜齋泰和人生五歲父東菴命就  
社師所即能勤勉同社生祀先聖即取古聖賢列名  
號祀之弘治乙卯二十一鄉試中式丙辰登進士選  
入翰林戊午授刑部廣西司主事清寧宮災應詔言  
時政壬戌陞浙江司員外郎癸亥奉命江南審錄重  
囚多所平反初巡按御史誤決要囚部擬梧往勘  
孝皇遣中官問內閣輔臣曰員外能勘御史事否輔  
臣曰須員外有風力者梧以囚當死特失候命耳今  
既遷官宜從給錄法上允之梧嘗曰仕優則學必

先審刑獄精律例方可及考一時主事王守仁潘某  
鄭某皆名士也講學論文或至分夜當時或稱西翰  
林云九月陞湖廣按察司提學僉事仰體勅諭一以  
崇正學迪正道爲己任推行聖制爲十八條目爲三  
十一條刻行郡縣爲諸生規品士維公一字一句必  
加評品曰一卷一人之功名也吾一人可受不明即  
士子屈負恨矣日四生更迭在門諸生來參兩生引  
至堂唱者某處生某人以某事見日非特尊崇師道  
亦示無私謁也陞山西副使督學政撫按不得預試  
事制也巡按多侵越梧曰是尊御史不尊朝廷如

### 本朝分省人物考

#### 卷六十七

四

江西士  
范肖

職守何初湖廣當試期梧預白之巡按巡按達大體  
者李天賦從之後至山西則巡按已檄下二司矣梧  
自度不可以言語爭乃具疏兼程上聞上報曰如  
制巡按乃不試初湖廣時湯巡撫送黜退生且欲復  
廩翁巡按送民生十數入學梧皆黜革之守武當者  
韋太監故司禮監也又正德時故事二司皆坐旁席  
梧謁韋府門中扇梧報日開中門則入否則投刺回  
及入據正席韋前席辛未擢湖廣右叅政壬申聞母  
韋訃抵家哭幾絕初邑城新築有喪者率入城梧曰  
制喪不入城吾導靈輸入非易簣意也豈葬之以禮

服闋擢山西按察使丙子廷議起都御史王雲鳳  
整理鹽法薦名賢七人代而梧預焉王篤道莊肅少  
與可俯視一世者也乃推讓梧五月聞父東菴訃戊  
寅服闋已卯補河南按察使辛巳谷闈大用迎已世  
廟入繼大統谷正德中入黨之梟素擅權驕貴視公  
卿如僕隸副使王縉出謁人曰谷素尊大當長跪土  
守道士也曰君子寧身被窘辱不徇人以非禮之恭  
大用果怒辱之河南二司聞之大懼議接見禮梧曰  
三司方面無跪人禮在禮當留茶話眾皆默默梧曰  
王公見辱勢孤耳今吾三司俱在彼雖恃勢亦不能

本朝分省人物考 卷六十七

五

江西 姜洪

加至則長揖再拜大用果答拜茶話如禮 皇上初  
登寶位上疏言時務陞山東左布政使一切銀兩付  
之右布政陳奎凡收支秤扣分毫不經手曰士之清  
猶女之節豈惟身不可失男羣亦不可入陞右副都  
御史巡撫山東朝廷上 章聖皇太后尊號覃恩進  
階通議大夫初梧以山東差役繁重民流田蕪比之  
他省為甚凡事務從節省安靜不擾其大者奏聞臨  
清倉夫級管倉內官剝削需索且拘雷數年不得脫  
應是役者往往傾家甚怨苦之梧奏徵銀募役年終  
更替官馬之養死補備驢馬戶至賣子鬻產不能償

梧亦因事奏令每馬徵銀二十兩解太僕寺買馬補  
伍改南京都察院攝院事八月丁祭先師故事五  
品官前一日常服至文廟四拜禮回梧檄各官祭服  
陪祀先赴監察御史報名以為常改南吏部侍郎遷  
右都御史總理糧儲巡撫應天十一府地方時寧國  
府宣寧五縣愚民相率擾亂凌辱官府據守城門內  
外不通蓋高淳縣原養官馬五百匹而淳民日困腴  
田多為宣城五縣富民買去淳民屢奏貧困賣田狀  
先撫臣議覆撥淳馬五百匹派宣城五縣本均平法  
當時有司處之失當故致變報至人心惶惑然是時

本朝分省人物考 卷六十七

六

江西 姜洪

符驗關防書吏俱未至梧從權諭撫令各解散保身  
家養馬事別議處分五縣民即時聽命乃會南太僕  
及應天巡按共議馬匹仍淳民領養以淳之驛傳銀  
改派五縣奏下如擬而淳及五縣民心俱服以疾乞  
休不允辭蘇松等處稅糧甲天下逋欠者多大家梧  
下令曰租五十石不納者各戶自解人畏自解爭完  
報於是大家率怨主守民多侵欺轉販重坐至破家  
不革梧檄府候三四起差官督解而侵欺之弊絕再  
疏乞休 上温旨勉留以顯貴不悅論罷抵家閉門  
掃軌不輕接謁進修著述無間時日辛丑年六十七

卒贈工部尚書所著有修辭錄毛詩集解困知記集  
定古易靜齋奏議學以聖賢爲師範不屑屑詞藝整  
菴羅欽順曰公手不停披集解六經多至百卷旁搜  
約取率有定見而不爲苟同近世異言滿耳離真失  
正終莫自悟後生小子或分一席寓一榻於斯以日  
聞公之緒論而弗迷其所向又非幸歟

鄒賢

鄒賢字恢才安福人業春秋以經術著主師席嘗病  
學者或務新奇或勦陳說不得聖人作經之意迺與  
諸生論辨窮極根本發其大義及諸言行而履之甚

本朝分省人物考

卷六十七

七

江西十一  
陳日升

確曰此吾夫子正人心之書舍忠信而可以苟讀者  
未之有也諸生翕然信服莆田黃視學政與諸生講  
析理學雅知賢一日謂曰孔子與顏子語終日而論  
語止二章惜也對曰問仁者天德也問爲邦者王道  
也此內聖王外之學聖人之蘊盡是矣黃矍然稱善  
弘治乙卯領鄉薦丙辰舉進士奉命修大臣禮于闕  
已未授南京大理寺左評事其獄獄多忠厚惻怛之  
意有勳貴子干法賢怒杖之其人號曰獨不念我先  
人乎曰吾以爾爲不念先人也若能念之固善爾先  
人以法定國是而爾乃顛覆使其有鬼爾尚得食粟

乎民張姓者死無後其婿托言有遺命使後之族人  
訟于官官之長主婿而賢主族人退復爭以手書發  
明神不歆非族之義甚辯乃卒從賢壬戌應詔上疏  
條陳六事其三事曰近見內外問刑衙門凡遇本夫  
拘執姦夫姦婦而歐殺者比依罪人已就拘執而殺  
者處絞夫本夫之殺之者義也雖已拘執而擅殺之  
然其情亦可矜也合無今後比依夜無故入人家已  
就拘執而擅殺至死者律庶幾情罪協中而刑可爲  
勸大臣議是著于令 太皇太后之喪 先皇帝未  
忍盡從吉仍宮中衰經終三年制賢疏乞定爲典禮

本朝分省人物考

卷六十七

八

江西十一

傳示萬世以洗易月之陋又言文廟從祀之禮如顏  
子曾子子思子乃先父食爲未安乞推今日不忍之  
心別議廟制乙丑又應詔條陳憲綱律例七事其二  
事時估鈔法之弊曰律五刑贖罪各贖銅錢若干貫  
是國初兼以銅錢估貫而非專以鈔估貫明矣後來  
鈔輕而錢猶舊宜斟酌錢鈔輕重之中以估貫定罪  
今止因鈔輕而錢亦爲之紛更往時估鈔千文爲貫  
今則千文估八十貫矣往時監守盜錢千文止杖八  
十今盜錢五百文者遂得斬罪往時常人盜錢千文  
止杖七十今盜錢千文遂得絞罪矣何輕重懸隔如

是耶夫法不在密而在適中今監守盜銀五錢亦斬盜五十兩亦斬常人盜銀一兩亦絞盜一百兩亦絞果刑當罪罪當刑乎此徒傷民命而不足以懼眾也乞會議將錢鈔相兼估貫庶不失立法之本意皆不果行丁卯繼丁家艱庚午服闋授福建按察司僉事專理汀漳軍務時逆瑾竊柄責方面官入幣以辭公謀于所知曰吾平日攻苦食淡有目不見權貴今歸即歸耳安能為衣食俛首乎竟不往至則減里甲供應之煩重官軍擾民之法偶病風痺乞致仕居家敦孝友始學時會家有區長役勞費百出口是不可以

本朝分省人物考 卷六十七 九 江西十一 李文

劉玉

劉玉字咸栗萬安人弘治丙辰進士為輝縣令力拯凋弊歲饑請賑不待報發粟已而郡官閱廩民恐為玉累爭先歸粟墾田勸耕奏蠲虛稅民復業者累千

計召為御史輝人為立生祠因天變陳六事曰端治本清化原親大臣厲庶官擇內侍攘外夷 武宗嘉之玉復疏劉瑾等入黨扇奸宜寘之法而顧命大臣劉健謝遷當委任疏入瑾大怒尋詔逐黨人遂罷歸復構誣輸粟者三凡四百餘石旋逮下詔獄凡四月始免還璫誅起為河南督學僉事轉福建副使督學如故敦本黜浮表揚靖難之節招降山海之寇召為大理少卿所讞疑獄以卑幼引盜劫尊應從重論得俞旨著為令己卯改南京僉都御史提督江防聞寧藩變傳檄致詞以舟師往援安慶及宸濠就擒嘉靖

本朝分省人物考 卷六十七 十 江西十一 李文

劉禔

劉禔字持美吉安人弘治辛酉舉江西南秋第一正德辛未第進士試政天官卿時盜起淄青歷河洛淮泗民嗷嗷無食居家宰石淙楊發策諸進士禔持條部尚書謚端毅

六事其一欲徙淮陽總漕行臺于彭城以殿南北之衝楊批策曰是契吾懷蓋默以經濟器之會給事中關員遂奏補兵科踰月以才幹分守安定門壬申遂奉詔按獄嶺南初獄起時相賊殺百餘人根株勘報經數載弗決言者乞簡風力近臣復覈之衆率蹙躅而視獨毅然不自避或危之曰吾奉天子命以櫛垢剔蠹憲程具可覆是紛紛者誰能恤之竟讞其實以聞卒年四十有三

羅循

羅循字遵善吉水人洪先父爲人魁碩廣額巨目隆

本朝分省人物考

卷六十七

十一

江西十一

準方願美鬚髯長尺餘吐聲如鐘性剛嚴慷慨急于義而厭猥屑十四五爲文章卽有繩準長老輩見而竒之於是長史李勳許妻以女弘治乙卯舉鄉試第三人已未登進士第觀政刑部諸進士登第者率假貸飾僕馬服舍循布袍蔬食不異平日是時尚書閔珪侍郎白昂皆精法家令諸進士試閱獄日幾狀循時時持刑書就長人問所疑有所註誤一一取長官可否閱狀已卽又代閱諸進士狀已而代長官署獄事莫不當法遂以刑名聞于時辛酉授南京刑部廣東司主事廣東司主京城內外獄訟號繁冗部決無

滯丁父憂歸起服補工部都水司主事管徐州洪故事役夫輓上供及漕索漕舟羨米而民舟則予募錢官爲哀分懷墨者因減其算甚則指他費盡沒入之諸舟爭道日起訟循至首罷漕米總役夫以甲乙而什伍之民舟先後次步下人所募數役自甲乙持籌往已事受錢于舟還籌而休終則復始官府宴然常以暇日治隄防水植木其上以固之役夫往來不知道署代歸轉武庫主事循謁許冢宰襄毅進謂曰爾知所以得此乎汝能絕外交故以媿競進者已署車駕員外卽巡視皇城時逆瑾當權 武皇帝好微行

本朝分省人物考

卷六十七

十二

江西十一

中官義子出入禁內循故虞其變每夜偵伺防守嚴門析堦鉦嘗立馬風雪中鬚冰結衣領上不敢懈陞員外郎署武選郎中瑾私人多在武衛武衛陞罷必關白始行弘治間有已革乳母官二百人援瑾求復循駁其不可復者五事以爲內降非制名器宜惜議出劉大夏不可輕改且恐啟倖門慶歲給奏竟寢會考選武衛而金吾右衛指揮張某等二十餘人爲瑾爪牙循罷其管事尚書王敞以副入告瑾大怒罵曰汝老悖獨不知張某等可用耶敞曰郎中輩爲之敞不知也則又罵曰不能制郎中安用尚書爲敞請曰

幸無怒即更奏矣敵歸召循怒曰汝後生不曉事乃令我輩受辱萬一召禍汝獨得免乎即濡筆巖奏循走前持奏曰勿毀成牘但示姓名足矣敵不得已以別楮書二十餘人投循循退召書史數十人將別為奏上時瑾氣談傾中外稍違意即置之死循分必就逮其存初奏與所書別楮冀自明也後四日瑾敗敵拂曙入部口囁囁向循索初奏上之以脫已且曰謝爾早見不令毀奏也瑾既誅敵亦罷去同官以是多循是時天下被瑾害盜賊竄起松江為甚有 詔選賢守令要害地以弭亂楊文襄為冢宰故知循乃為

本朝分省人物考 卷六十七 十三 江西十一 李文

屈常調擢鎮江府知府鎮江當饑饉凋敝之後循歎曰是尚可以應緩急乎為之去奸胥縮浮費捐官州清夙弊積贖金甃垣壁備弓弩明年巨寇劉上等自南京流入境鎮江郭外居民皆奔城而指揮使閉門自守循聞之罵曰是誠人耶為城將以衛民未聞棄民嬰空城也乃斧扁鑰納之迨夜乃止復多為旗幟江上諸山復以小舟載砲石發葦洲中為疑兵循自乘城鳴砲鼓令老弱各執戈矛擊釜鈔助軍勢呼聲震天地寇遙望不敢逼未幾 朝廷遣四將軍將北邊軍來而總督諸大臣十餘人且至凡軍行芻糧器

仗舟艦馱馬物賞費盡取之府諸僚佐多避事引疾循日初出仗謁諸司致供餼受命今日晏始徧出則促辦諸費不就寢者四十餘日鬚髮為白已而狼山奏捷上功賜大紅衣一襲復以才堪保障調淮安前守劉嘗辱于寇而諸縣殘破尤甚循以寬厚休養之始錄囚縱釋九十餘人訟者令持詞往逮至則自相引證情服則薄遣毀其詞以去于是獄無累繫御史驟見疑之比久以為庶幾囹圄空虛之效上治行諸郡第一擢山東按察司副使奉 勅整飭徐州淮陽等處兵備徐州既習循行事令下不嚴而肅時宸濠

本朝分省人物考 卷六十七 十四 江西十一 李文

懷不軌沂邳間私販橫行循以南北咽喉不可無堅城壯軍遺其衝乃跡境內諸盜面授將士方略往必擒所得衣糧錢帛甚眾則為召募武士凡射穿札力舉重及超乘抵距者悉得應募既與歲給而旬日輒再閱試試有重賞於是遠近聞者莫不景赴久之得武士數百人一可當百會河決西岸城有圯者乃益發其瑕隙為墊而崇厚其墉乙亥以繼母憂歸比去積金銀五千六百有奇布帛雜物稱是既歸而代者為私囊於是武士皆解散去起服補密雲兵備密雲去京師百里餘 武皇帝出遊日至

其地兵備官被戎服擁橐韃伏迎界上有所幸卽令  
前導趣馬行且跛曳中官益馳驟相逼或以馬箠敲  
朴爲戲必入賄中官乞憐乃復騎而其地去古北口  
邊五十里中官監軍事者肆武斷股削士卒士卒困  
甚有警猝不可用循聞之歎曰此皆非所堪也今願  
得之其命矣夫雖然吾以憲臣奉 聖書行事不出  
尺寸力何以報 天子卽日就道是時鎮守太監張  
信驕橫嘗密請勅得節制兵備官聞循氣岸不相下  
必不利已乃入疏以兵備官爲冗員請省之撫巡臺  
臣爭不能得循上官止一日而報者至遂促裝不復

本朝分省人物考

卷六十七

十五

江西十一

待次吏部棄官歸寓縣城終歲杜門以詩書課子已  
又還鄉之故居日與田夫野老談耕牧事鄉人見者  
笑曰憲副公乃親農人事也耶循應曰我固農人不  
知憲副者誰也吏部用薦者復除山東按察副使檄  
且至循曰吾老矣譬之棧舟已有定步又向風波行  
耶引疾力辭已丑長子洪先舉進士及第第一人爲  
書以戒曰吾無厚德遺汝汝徼祖宗餘惠蒙 天子  
厚恩何以自處今而後勉爲完人以圖稱塞始以進  
士試給事中上姓名第三公卿賀者踵至明日奏下  
得之者同年張某也張爲中人養子事以賄成有相

告者循不對其後當遷員外郎而競進者又攘之諸  
曹不能平嗾循曰曷自明循曰彼之進必以賢也主  
事年久且爲員外郎何汲汲耶于是時論鄙二人而  
益多循當會試時身故貧一日亡其囊中爛褐同舍  
唐君鵬內不自安物色其人給循訪之比入坐唐故  
戲探其囊出褐示循曰是不類君家物耶循目逆曰  
汝母戲言唐又持褐相辨循趨出向其人曰物固相  
類唐醉語也唐歸怒曰君失褐不取何也循曰不然  
吾失褐不甚損彼張惡名尚得爲士人乎唐始遜謝  
不及始如白河嘗從商舟泊襄陽旅舍有來奔者循

本朝分省人物考

卷六十七

十六

江西十一

佯若不諭意促之出曰此非子宜留也其人吐實則  
忿怒脫走比舉鄉試出棧道郵亭亭長告曰惡地不  
可留也強入之夜半戶開月色中美女婷婷來坐榻  
上循意其奔也不之答遂熟寢少頃從者作魘語起  
問之已爲鬼物所侵返視戶戶固扃也明日以告亭  
長亭長曰此妖殺人多矣而莫能動公公福德未可  
量也此二事較之魯男希文何所軒輊

曾直

曾直字叔溫號三符吉水人弘治壬戌進士平生剛  
介寡合遇事直前不知畏忌勢軋利浼寧死弗移當



進士奉使歸日持律就叔父憲使昂講說疑義假獄  
詞斷議如為諸生除縣未上鄞諸椽留京者百七十  
人率卑禮問所宜行諸椽感其義人投所知滿數篋  
直擇可信者出入袖中至鄞有所行罷動中幽隱關  
瑾煽虐民多為盜瑾舉連坐無辜者踵擊於道新城  
去京城甚邇直上盜狀多以野處為戒瑾遣二校實  
之直曰土廣人稀始便為盜何更實為二校不能迫  
張銳者主東廠大閱也其私人馬宗以指揮違法當  
罷銳百計求免不聽且數詈銳銳怒甚代奏誣直入  
罪不審下法司久乃得釋為大理慶陽伯有甥張柱

本朝分省人物考 卷六十七 江西十一 清三

驕橫歐人母死為東廠錦衣衛所覺既伏辜法司以  
賊移獄坐其子朝議謂廠衛乃 天子私人不可偏  
聽致輕法司直言當計是非不當有所向背 上先  
後遣人偵知之大怒為罷尚書都御史大理卿各一  
人用直議奪武臣兵柄削保傅衛及其祿三之一而  
竟誅柱且日滿朝之人惟曾某孤立無黨致仕歸卒  
年八十一

楊必進

楊必進字抑之號南樓吉水人舉弘治甲子鄉試正  
德辛未進士授行人選南京山東道監察御史出為

廣西按察司僉事擢副使奉勅整飭府江兵備去官  
二十七年卒于家年七十六為御史破削規繩能彈  
壓人 武皇帝時關人怙虐莫敢嬰觸進疏劉喜畢  
真竟抵于法屢疏建儲巡狩及發諸隱秘事宸濠難  
作南都震恐進在江上急遣人以鏡組扼賊舟且授  
防禦策沿江諸郡而提督江防都御史顏某聞變宵  
遁進疏奪其官比論功安慶守備楊銳以進策上白  
會 武皇崩不果議長江有黠盜積歲捕治不得進  
出計擒之至則語之曰若能為我靖羣盜乎當貸若  
命遂縱之如是至再盜復見擒謂邏卒曰吾何面目

本朝分省人物考 卷六十七 大 江西十一

復見楊公凡二十人皆扼吭死嶺南猺獞居險阻  
多賄士吏為耳目士吏既不用命益蔓延不可制會  
兩廣聚兵攻古田鳳凰寨三月不下進猝至其地閱  
獄出囚之壯者二百人許其自効陰部勒之使分箠  
火自間入諸囚攀木仰登出寨後焚其巢諸司夜見  
寨火爭踴躍相賀及明見諸囚出詢故始愧謝不及  
蓋進未嘗與軍事也功上獲厚賞而都御史蕭翀因  
以府江兵備薦自古田告捷諸猺轉相傳語畏進如  
神進以為府江管密道遠不可驟以兵入馴虎兇要  
必有誘之者首以恩信結其心始諸猺疑其言又冀

有以緩禍間出數十人嘗試進召之堂下言語嘔嘔比遣歸遺之醪肉或幘巾其後稍稍率諸婦來見進既與夫人計令諸婦入見夫人又食以精餌以少針線女紅分給之諸婦出其夫咸感激誓死不敢背德於是得其死力以爲鄉導岑猛之變畏進且至先納金三十有奇求解進密囊金公帑而伴諾其使意欲以此鈎猛而忌者疑有所泄遂被論去當其往來田州見南平村迫於盜停車徒步相地勢令築連堡自衛分地刻期踰旬而成土人以楊公僂呼之

周煦

本朝分省人物考卷六十七

十九

江西十一

周煦字啟和號弓岡吉水人父諱梯雲卒之四十六日煦始生母許年十九卽厲節孀居煦方年六歲穎異絕人弱冠有文名弘治甲子領鄉薦許疾侍衣不解帶祈以身代迨卒號泣幾絕斂葬咸如禮在禫不御酒肉食必哭曰吾母苦孤孀天或少壽逮吾祿養茲棄背奈何正德辛巳登進士卽疏母貞節於朝母終年四十九或疑格於例上特俞賜旌隨授行人三年授監察御史清戎雲貴適土夷犯順逼雲南會城時巡撫關煦檄總鎮三司長守巡指畫方略一時討平事聞璽書獎勵尋刷南都卷旣畢事掌院誠齋

汪復以東廣煩之行曰吾送福星入廣也未代陞大理寺丞轉少卿歷都察院左右僉都左右副都御史七年風節如一日嘗署院事適權貴犯悖事下院煦直任無撓獄詞出其手或危之竟得俞允嘉靖二十四年卒于官忠信孝友痛母許抱節以沒在貴顯時衣食少涉甘美者流涕却之曰吾母未嘗享此也著三窮圖備述先世孤苦以有今日

呂翀

呂翀永豐人登弘治進士正德初任刑科給事中以忠諫獲譴受杖闕下時武廟卽位踰年宦瑾盜國柄擅威福以劫制天下驅逐不附已者于時內閣劉健謝遷輔導孝宗致太平受顧命榻前朝野賴之同日罷去臺諫相顧莫敢先發翀一夕草疏上之人服其敏及讀疏詞氣剴切事理明盡罔不感動有泣下者于是傳錄風行四方瑾嚙之甚嗣是稍有論列者旣而留都臺皆有言瑾大怒矯詔皆逮至京并獄治妄言罪乃痛捶于廷繫除其名瑾伏誅乃起爲雲南按察司僉事尋陞四川按察司副使聽訟明決屢伸冤獄士民稱訟西番僧奉旨迎活佛所過有司望風迎奉沿途騷然人無籍竄入者迨千人至蜀索

本朝分省人物考卷六十七

二十

江西十一

潭藏銀以萬計未有處會 武宗計報紳時司臬事  
 謂茲髡獲罪 先帝所過殘害新政必誅宜急收之  
 或欲減其所索銀物縱之出境紳獨勒兵擒其首惡  
 置獄中請 旨俱逮至京遂正其罪灌縣江都大堰  
 圯決淤蝕數十年軍民受病紳奉勅往視疏濬淤塞  
 鑄鐵為梁以捍上流灌溉千萬餘頃俱為沃壤蜀民  
 大悅稱呂公堰天全六番賊寇淮茂等州兵憲吳希  
 由以失機待罪撫按檄紳督軍士時聞賊有神術先  
 知故官兵未至輟逃去潛伏要害竊發屢敗我軍紳  
 擇指揮何定授以方略刻期進兵遂獲渠魁餘黨悉  
 平紀功申奏 詔賜內帑銀兩段疋內閣楊廷和姪  
 舉人楊愷倚勢殺人紳按其大罪十數事抵於法楊  
 以書請貸其死竟弗從嘉靖二年春齋表入賀萬壽  
 卒於途嘉靖二十年本縣祀入鄉賢祠

歐陽重

歐陽重字子重廬陵人弘治戊辰進士授刑部主事  
 累官至都察院右僉都御史巡撫應天等處又改巡  
 撫雲南居官刻厲謹約嘗曰先民有言君子全身遠  
 害惟有不仕而已既為官又避禍有是理乎故自入  
 仕以來未嘗一日不治事亦未嘗一事不守法法有

本朝分省人物考卷六十七

二十一

江西十一  
陶文

所在即朝儀曲為解宥不敢聽法有不可雖俗情習  
 為隱忍不能甘始為刑部逆瑾擅國百官除拜必詣  
 私宅叩頭如廷謝禮瑾兄死百官往哭必四拜以序  
 班重獨不往瑾敗其黨張銳以他事中之下廷尉索  
 贓不得還職安銓之變重奉命入滇銓授首上以銀  
 幣勞重重謂前都御史傅以死勤事而身享其成不  
 可上疏固辭總兵沐紹助與鎮守巨璫杜唐表裏為  
 奸培克境內重上疏劾之未幾為兩人所中致仕去  
 復上兩人交構狀以為佞人不可不遠累數千言明  
 已非輔臣黨人願弛前日黨禁復諸逐臣蓋已離滇  
 久矣不以去位為嫌而以從政為慮不以去為辱而  
 以完名為榮云

梁 蔡

梁蔡字叔車泰和人進士授刑部主事陞員外郎時  
 尚書魏源性嚴毅人莫敢近獨蔡遇獄有疑者輒與  
 之辨不歸於至當不已若蘇民倪阿雙坐同謀殺人  
 稱寃在獄二十五年經十三司不能決部特委蔡蔡  
 取成案閱其所犯坐減死由是名大著陞廣西按察  
 司副使陞廣西布政司右布政使一日他所洞蠻入  
 柳州界劫掠人民男女官軍追及之以所掠男女悉

本朝分省人物考卷六十七

二十一

江西十一

殺之以要功發知之謂其首師曰今後官軍但得被掠男女一人人生者准功一級自是男女得生者莫計其數田州土官岑鑑兄弟互相讐殺經年不解時都御史馬公鎮守其地謂發曰此事非公往諭欲其二家帖服不能既至曉以大義洎申 朝廷之大法二人卽叩首曰不敢不奉教卽帖然服迨還二家各以黃白金共數千兩爲謝悉却之曰得爾兄弟和氣如初尊奉 朝廷卽是我受惠也及一女土官梗化與巡按御史侯爵偕行處治侯以風紀律之其徒擁衆咆哮不服蔡起叱之退徐徐以禮法曉之衆皆叩首

本朝分省人物考

卷六十七

壬午

江西十一

曰唯公之教是遵不敢更犯違天憲侯曰公何以得其心如此始昔人所 范老子胸中有數萬甲兵者邪陞浙江布政司左布政使述職 上賜宴禮部及賜襲衣旣歸以廣西與浙江歷任歲月通政九載赴吏部併陳年已七十乞致仕卒著作有泊菴集行於世

鄒守益

鄒守益字謙之安福縣人父賢進士仕至福建按察司僉事年十七舉江西鄉試正德辛未會試陽明先生爲同考賞試之拔爲第一廷試及第第二人授翰

林院編修踰年告歸壹意問學嘗讀中庸歎曰程朱補格致傳而中庸首言慎獨不及格物者何耶積疑于懷會陽明先生開府虔臺往謁相與論辯反覆者月餘風疑冰釋曰道在是矣自是從陽明先生擒宸濠周旋兵間者久之嘉靖初起赴職復謁陽明先生于越陽明戀戀不能別門人問曰曾子所謂有若無實若虛犯而不校謙之近之矣會大禮議起上書忤旨下詔獄謫判廣德州從未歷吏事而蒞官臨民務以誠心相感發奸摘伏人稱神明顧常自訟曰如保赤子愧未能也撤藩祠建復初書院延同門王心齋

本朝分省人物考

卷六十七

壬午

江西十一

良暨諸賢講學興禮風動隣郡徽寧池太間志學之風至今冠江左丁亥陞南主客郎中踰年文成卒于師服心喪三年在部日與湛甘泉呂涇野聚講辛卯請告趨會稽哭文成存撫其孤聚同門講學于天真書院戊戌起南京吏部考功郎中己亥奉旨簡宮僚召入爲司經局洗馬克經筵講官應詔上薛文清公從祀議時與徐文貞階羅文恭洪先唐荆川順之相資切士類興起甚衆居頃之陞太常少卿兼侍讀學士掌南院葢當事者忌而遠之也尋改南監祭酒遵成憲申章程立號冊俾出入相友淑慝相勸歌詩習

禮六館士相慶得師居無何 九廟災大臣當自陳  
 疏中寓交傲意護者因中傷之竟解官歸壬戌年七  
 十有二九月中寢疾召家人訓飭之諸子扶坐正衣  
 冠而卒隆慶初贈南京禮部右侍郎諡文莊集若干  
 卷行于世嘗語學者曰人心之靈萬古一日目分黑  
 白口辨甘苦鼻別香臭今之人有異三代乎是非在  
 人猶黑白甘苦謂人無是非之心誣其心者也夫孩  
 提而知愛敬入井而知惻隱噉蹴而知羞惡豈待教  
 而後能哉心之靈明知是知非若黑白甘苦井然不  
 爽自慊自欺在已而已又曰良知一也自其無昏昧

本朝分省人物考 卷六十七

十五

江西十一

謂之覺自其無放逸謂之戒懼自其無加損謂之平  
 等工夫一也所從言之異耳若以覺與平等為簡易  
 以戒懼為起意非惟誤認戒懼亦誤認覺與平等矣  
 益之持論蓋如此平居與學者接不言而使人意消  
 說者謂溫良恭儉讓之風感人動物有出于言語作  
 為外者師門一時相推重不虛耳子善太僕卿孫德  
 誣按察僉事德溥太子洗馬皆知學能世其家

羅 僑

羅僑字維升長為邑弟子員有文聲是時弟子員拘  
 制業咸有門戶牽綴試目窮年不得休息而南昌張

元禎以道術鳴僑往從之居半載盡得其說以歸自  
 是授生徒輒以收放心為言乙卯舉鄉試已未舉進  
 士癸亥授廣東新會縣知縣已巳內召補大理評事  
 是時閩人劉瑾擅王命用濫刑遇歲早上封事其略  
 曰臣聞人道理則陰陽和今日夕齋戒而雨澤尚滯  
 臣竊以為天心仁愛未已也夫先王視朝遊觀咸有  
 常度故賢妃有鷄鳴之警召與陳卷阿之詩今 陛  
 下日昃不朝戲狎羣小殆非所以承大業矣宰相諫  
 官者將以輔政通蔽者也今文法太深誅求太急盜  
 賊白晝殺人流移載道元氣竭矣而宰執諫臣噤不

本朝分省人物考 卷六十七

十五

江西十一

為語安得不致壅蔽為大患哉是以黥劓之刑上於  
 大夫竄戍之罪加之耆舊如劉大夏忠蓋置之行伍  
 潘蕃謫遠幾無生還 陛下置而不問是豈勸大臣  
 之道歟先朝律例裁酌古今咸足以禁奸而懲罪今  
 往往比附深巧隱中善人臣之所不忍也詩云迨天  
 之未陰雨徹彼桑土綢繆牖戶今日防患如護巢然  
 防不密則巢傾天下固大器也愛惜預防可不如鳥  
 平時瑾肆虐立威疏上瑾將處之極刑大學士李東  
 陽力解得免官歸其年秋瑾敗於是御史凌相上疏  
 謂評事羅僑燭事幾之未露遏氣燄於方張君子之

所難也宜大用以勸忠直明年復大理評事病作復告歸已卯宸濠反都御史王守仁起兵吉安討之聘僑居守吉安濠既擒王奏功疏僑名而前後臺諫亦交薦辛巳世宗卽位有召旨就道數日檄至陞台州府知府布衣張尺賢而貧延之上坐訪民間何所疾苦尺具以所聞對乃爲尺置僮僕給侍成衛食倚各郡餉前守漁其中卽溢取嗇出之入覲治裝咸苦民僑首除羨餉而覲行自給無他與於是吏部上天守令殿最以僑第一賜襲衣牢醴旌異之癸未二月巡撫延綏都御史姚鏌奏擢廣東布政司左叅政

本朝分省人物考

卷六十七

二十七

江西十一

八月以故事引年得請既歸杜門謝客日對書史著潛心錄探索理道謂學須寡欲則心中無事東廓鄒子講學青原山中時與往來議論而洪先居喪不廢業僑獨以爲不應古禮責以書九月五日卒

賀鈞

賀鈞字信夫廬陵人正德丙子鄉舉性敦厚端謹居父母喪哀毀苦塊三年家人嘗失火亟取累世神主奔出他一無所問爲麗水令除苛弛刑而重德教見上官不能俯仰隣郡內閣張方赴召馳傳絡驛鈞獨不一見改應天教授日與諸生講學必依於孝弟忠

信聞者畏服贊儀悉却之有強之受者則曰吾聞諸生中某貧某病某不能婚葬若能助給之卽惠我也他日諸生受助者來謝則大喜以爲古道友誼今乃復見又嘗自捐俸以賑寒士南宗伯霍渭厓聞其賢深加敬禮贈以文稱其辭不飾以屏僞禮不縟以崇質俗不諧以自立儀不炫以衷孚誠求自得而無外羨云所著有龍岡摘稿子經舉進士官至廣西按察副使解組歸乃執贄布衣劉兩峰先生之門士論高之垂老益勤蓋能承其家學者

戴冠

本朝分省人物考

卷六十七

二十八

江西十一

戴冠字仲鵬號邃谷吉水人由進士授戶部主事憂國用不足冗食者衆上疏曰臣聞立國以仁聚人以財祖宗以來百六十年倉庫積蓄未見其有餘軍國經用未見其不匱海內虛耗物力頓屈今宣大陝西諸邊數有警報戶部運送之使相繼告急之不絕加之北直隸河南山東徐淮之境水亢爲災小民逃亡不知陛下亦嘗少念及於此乎臣惟古人論理財皆務去冗食臣見京師勢要之家子弟家人苟竊爵賞錦衣官屬萬餘次者係籍勇士投克監局匠役不可數計實皆國蠹昔國家漕運每歲四百萬所入

足供所出尚有贏餘近年水旱相仍所入不及前數而歲支過當繫計此輩所費三分之一 陛下何忍以赤子膏血養此蠹乎又曰臣聞兵貴精不貴多邊軍生長邊土習于戰陣今一遇有警便遣京軍彼居則惡其奪食戰則恐其奪功烏肯盡其死力虜退京軍掣回矣宜府兌調官軍二千餘名累經臣下論列堅不肯從不知 陛下何所顧慮而不從此乎又曰臣聞 天子藏富於天下者也若務鳩聚為帑積之積是匹夫商賈之計比年逆瑾既貶所籍財產不歸之有司而貯之豹房遂創新庫夫供御之物內有監

本朝分省人物考 卷六十七

二十九

江西十一

局外有部司不知此庫何所用之疏 上大忤貶廣東烏石驛丞居七年種蔬自給益肆于學嘗赴廣州夜行海賊入舟冠惶懼投水若有人捧出者三乃獲生嘉靖改元起戶部員外半道陞延平知府延平幾年適當入覲冠弗治行一日肩輿出城隸人問何之曰直從北路歸爾一郡大驚其廉直如此尋改蘇州數月拜山東按察司副使提學未履任遭父喪服闋卒

歐陽瑜

歐陽瑜字汝重安福人自少端慤鮮嗜慾從陽明先

生雅見器異將別請益先生曰常見自己不是此五六字符也瑜奉令承教終身力踐之既舉于鄉歷數科不就公車曰有老親在王天下不易也丁外艱守制不處內者三年既葬廬墓側虎每環廬而號不為動服闋授通州學正萃諸生講論剖析幾微及門之士多所成就值州守缺署篆數月雪冤抑獎良善輕罰節費民甚安之陞南博士去通士立碑紀其德政比至南雍大司成松谿程故重之與為忘分交瑜又以所學授南雍士如其在通州尋以博士被內召入京不見權貴或諷以薦賄可致清要曰吾平生所

本朝分省人物考 卷六十七

三十

江西十一

學謂何竟得南大理評事蒞任釋大冤十數尋晉本寺正陞雲南僉事起艱補廣西清積贖逐娼優禁龍舟密捕真盜釋冤獄二十餘人所至相與尸祝之尋奉勅整飭左江道兵備南寧土官故驕悍為地方患然善伺上官意指一中其餌遂束手不敢動而獨不能伺其隙以故慄縮不得逞其私未幾陞四川叅議遂拂袖歸山在官二十餘年所士民感德其去也莫不哭而送之以至誠待物不設城府故雖無赫赫之名而思之者久益不置既歸壹意講學以興起後進歲時會聚雖隆冬盛夏無不赴其所開導力守師說

不為奇僻語至其謙虛受人則後生來學有所陳說  
亟稱賞不容口性寬厚鄉人或侮之至詬辱絕不為  
校其自持甚堅少時或有欲敗其守者誘致妓館中  
鑰其門去瑜燃燈達旦動以羞惡本心妓亦感泣具  
道其不得已之故及明敗瑜守者啟鑰視之燈瞳瞳  
未滅妓含泣道故其人乃媿謝陸宗伯稱瑜宦遊廿  
載恒產不及中士年九袞守身恒如處子蓋得其近  
似矣至其好學不倦拳拳焉開示來哲視民瘼若痼  
瘵在身而言之惟恐不盡斯蓋其大者云

毛伯溫

本朝分省人物考

卷六十七

三十一

江西十一

毛伯溫字汝厲吉水人娠時母晝見寶塔色相俱備  
稍長輒有異識正德丁卯舉鄉試明年第進士授紹  
興府推官辛未徵拜河南道監察御史巡按福建左  
布政某用賄入為大理卿溫論劾不貸郡縣征民賦  
率廣額外羨日舟車耗息幾埒正算籌校釐正必復  
故常丙子巡按河南禁諸司人和買諸司有所科遣  
必親校勘如均徭大戶皆酌丁稅為準鎮守太監孫  
某往在山東許御史得罪人多畏之至是市猾羅求  
匿府中為奸利溫發其罪狀窮遠頗急孫怒謂人曰  
是甘我將甘心溫聞之一日至其府謂曰吾未

朝食曷食我食我必宴樂醉飽始得孫不能測強具  
食食半謂曰外間聞公有言故來相就能待吾食已  
耶孫驚曰是何言是何言公 天子法官也吾何敢  
溫晒曰我固知無是事聞公在山東許御史費金二  
萬乃得直御史為公許遂有名人多憐之公既失利  
且誰不切齒者吾知若有懲也相與大笑痛飲而罷  
戊寅巡按湖廣壽王軍校凌官吏虐民一繩以法仍  
請詰治輔導官無所縱洞庭水寇出沒湖中而剽掠  
多在郡縣巡徼與邏湖官軍互相抵諍寇不可弭溫  
移守備武臣居岳州兼統之患以漸息明年宸濠反

本朝分省人物考

卷六十七

三十一

江西十一

督兵九江斷上游奔逸已而果獲殘黨賜勅加俸辛  
巳 世宗即位太監張銳張忠十九人奸罪敗露論  
獄當斬其黨陰庇假汗奏牘冀得易辭溫上言忠銳  
輩在正德間濁穢朝政誤國不忠使 先帝聖德不  
光人人痛憤 陛下即位之詔歷數其惡天下鼓舞  
如日再中今復緩於行刑坐視詭法豈新政所宜有  
哉此必司禮太監蕭敬章霖同惡相濟默與貨緣蓋  
其利害相關欲與掩飾臣謂敬霖不誅恐明詔不信  
於天下也疏入中官為之屏氣壬午擢大理右寺丞  
甲申轉左寺丞丁亥擢都察院右僉都御史巡撫寧



夏寧夏北隣套虜恃兵為命首罷衙前標軍三百人歸營諸司無敢以兵自衛檢屯田沒於河者獨其軍租夏地早寒禾黍未實而霜隕禱於神仲冬始霜歲大熟未幾大獄事起以溫嘗在大理例當坐論未受代宗室以下三十餘人上疏乞留不報戊子罷職歸壬辰九月用薦者復起奉勅提督鴈門等關巡撫山西未行十月改提督薊州等處邊備巡撫順天未上十一月以理院事明年三月陞右副都御史四月同吏部考察京朝官六月以註誤復罷歸丙申 皇太子立將詔諭外國 上以安南久缺朝貢詔使不通

本朝分省人物考 卷六十七 江西十一 相五

議興師責問而難其人廷臣舉溫可任大事丁酉春以右都御史召溫起復懇辭不允復遣官促上道不得已拜命五月至京師上疏言朝貢不至由莫登庸爭亂所致宜馳檄問罪而赦其脇從交酋且獻誠矣其或不恭必行天討則諸方略不可不圖謹上六事以廷議不果行有旨理院事十一月陞工部尚書奉命勅提天壽山工程諸陵石柱道遠車摧勞費千萬溫以意制八輪車前後聯絡隨地險夷為仰昂工作易就 上聞之喜賜繡囊銀勺各一戊戌復議安南陞兵部尚書兼右都御史上五事欲均管轄以便行

庫處錢糧以濟急用備官屬以供委任破常格以作銳氣懸重賞以激人心徐以議不果協理院事己亥春 聖駕南巡慮宜大諸方切近畿甸勅溫總理整飭宣天山西三關軍務溫至邊簡將帥嚴間諜峻關隘增斥埃均犒賞而請邊靖大同之北川原漫衍難以守望往年巡撫張文錦議建五堡參將賈鑑不能和拊士卒激禍隕身是後論者競以五堡為諱溫謂昔之憤事由處置失宜勞逸不均非堡之害於是即舊弘賜鎮川二堡廣之於鎮川東增堡曰鎮邊弘賜之西增鎮虜鎮河二堡堡相去各二十五里募新軍

本朝分省人物考 卷六十七 江西十一 相五

三千實其中燬廢田之租使之屯耕以一參將督五指揮分守之先是虜入大同無虛歲至是五堡橫峙聲援易及警報鮮至五月還院八月 上決意南征加溫參贊軍務九月同總兵官咸寧侯仇鸞南行庚子夏至廣徧求計畫安南者始安南黎利代陳而王四傳至暎為陳嵩等所殺暎無嗣國內爭亂其臣莫登庸父子割據其地黎氏舊臣鄭惟賸等告變且以黎寧為請登庸懼納表乞降 朝廷遣官廉之未得至是 勅溫得以便宜行事且視誠偽為行罷議者多主黎氏欲乘釁取故地郡縣之溫既廣集羣策遣

人宣布 朝廷威德反覆利害夷民上狀為莫登庸  
送款者甚多温懼夷性叵測未可輕信下令籍諸省  
土漢狼達水兵二十餘萬兩廣分三道以入一自憑  
祥一自龍州一自思陵而以歸順欽州烏山三哨援  
之雲南分三道自蓮花灘以入利兵儲糧刻期待發  
九月至南寧擇地布營登庸聞益懼屢使請罪且言  
黎氏已絕無可推擇 朝廷曲赦其死願歸欽州四  
峒故地世世奉朝貢正朔如制辭極悲懇温念南安  
罹禍已久 聖天子全覆宇內不忍一夫失所平其  
毒亂豈以貪利土地為心且窮治大宥非羈縻遠夷  
之道遂定計以十一月納降鎮南關至期築壇具儀  
登庸率屬繫頸徒跣北面蒲伏獻降表俟命遣姪莫  
文明代詣 闕下温為疏請 上從之以登庸為安  
南都統使分治其地處惟瞭等內地厚予田宅訪黎  
氏之裔館之他州進温太子太保加賜銀綺詔班師  
明年八月促入院九月自陳乞休不允壬辰正月至  
京師辭免進秩 上慰諭有加温益感激舉時弊當  
釐革者列為八事意以近世刑獄任情民多冤死官  
司上下相蒙多承風旨伺喜怒剝民為供張鈞取機  
利御史既不能辨奸偽日肆貴賤他習風靡俗流漸

本朝分省人物考

卷六十七

五十五

温

温十一

温

不可長請一一覺察如制 上報曰民不得所皆有  
司貪酷所致御史舉劾失實都察院不嚴考覈吏部  
不公黜陟給事中不能糾正國家何賴焉卿言切中  
時弊其令所司務實舉行是時巡按遼東御史胡某  
縱左右受賄温劾罷之 朝廷紀綱為之稍振北虜  
犯邊兵部有所建白必令温覆議以上虜嘗越三關  
畿輔震恐温以都城無郭恐一旦倉猝無備欲做南  
都為輔城以衛軍民疏上不果行十二月理兵部事  
往時諸邊將領轉遷計納賄厚薄為遲速莫不稱貸  
以行謂之債帥帥不能償輒假科條沒入軍士衣糧  
本朝分省人物考 卷六十七 五十五 温 温十一 温

本朝分省人物考

卷六十七

五十五

温

温十一

温

卽斯卒皆得盡言以是將領勇怯賢愚無不周知應劇九轉不少執吝諸邊兵力財用不足疏至卽議遣發無遙制之患甲辰六月以一品滿考進光祿大夫柱國十月巡撫順天都御史朱方以邊境無事乞罷戍兵已而戒嚴方得罪温亦坐是罷爲民歸家二月卒壽六十有四

王思

王思字宜學泰和人八歲能詩十歲能文弱冠而舉于鄉及卒業南雍與天下士磨礪手書矯輕警惰于座求信國文公像奉以出入及遭外艱葬祭不愆于

本朝分省人物考

卷六十七

三十一

十一

禮正德辛未第進士選入翰林讀中秘書每試輒先同列獨不爲應酬文字曰美其辭以悅人吾所不能悅人以美辭而眩是非吾所不敢先達嘉其志甲戌秋上封事以爲 孝宗敬皇帝之子惟 陛下一人當爲天下萬世自重宜親享 太廟孝養兩宮總攬乾綱緝熙聖學豈可嗜酒以荒志好勇以輕身維是任喜怒移威柄弛紀綱摧士氣召天變言甚切至忤旨貶潮州三河驛驛丞便道省母以二僮自隨郡守關景韓書院居之一時俊傑咸從之游陽明王公鎮虔檄使贊軍議曰志行高古學問淵源直道難於趣

時長才堪以濟用思感其知與李君子庸偕至尋寧藩變作褻裳宵赴軍門功成亟歸口不言勞庚辰再入湖請業者益盛隨材曲就語臺臺不倦諸生傳錄而宗之正德改元召諸以直諫謫罷者咸復其位秩於是自三河入翰林加從六品俸又錄寧庶人功帶支九品俸預修 先帝實錄同考癸未試事克經筵講官夙夜寅恭隱然負公輔望甲申大禮議起與同列疏諍不報既而文端公瑩有水患得請改葬七月之望復預伏闕號諫下獄杖朝堂十四日遂不起甯其居不售無以爲殮公卿察舊相率賻而殮之以歸

趙可與

趙可與字令中安成人在襁褓乳媪不戒忽失手墜江中頃之浮水出不死聞者驚異甫九歲卽善屬四六閣老彭文思亟稱許之長乃從尚書趙莊靖游得三傳宗旨正德癸酉領鄉書再上春官不第授蓬萊教諭蓬萊海上邑無逢迎而山海奧奇可與益肆力問學勸教事攬櫛之暇發爲文章閱肆淵博方伯姚鏞見而偉之辟修齊魯通志已復被聘校文關中簡樞皆名士故事校官歷六年得復會試乃當路交

本朝分省人物考

卷六十七

三十一

十一

居四年以經明修行徵擢兵部主事歷員外郎  
中甚為尚書遜菴李幸菴彭所重諸大章疏多出其  
手既而擢守三衢衢人多魯士先嚮學每行學令諸  
生橫經質難條析疑義人人解頤已復選五邑之雋  
就正師資而躬自課督科甲斌斌在列在郡時多異  
政尋轉福建都運時御史某見可與伉儷守高不為  
屈甚嗜之誣可與陰事事自當復任乃遂懸車在林  
下垂三十年壽七十有七所著孤樹哀談青石遺稿  
行於世

歐陽必進

本朝分省人物考

卷六十七

三十九

江西十一

歐陽必進字任夫吉安人正德癸酉鄉薦丁丑進士  
觀政兵部同舍有癘疾者門無轍跡進視其藥既而  
視其斂人自以為不及初授禮祠祭主事歷員外郎  
中出為河南叅議四川副使廣西叅政浙江左右布  
政使撫治鄖陽撫應天督兩淮運督兩廣軍務晉留  
臺晉工部尚書加太子少保改刑部尚書復改工部  
陞太子太保加少保乞歸不允轉都察院左都御史  
轉吏部尚書以吏部尚書致仕中外四十六年越二  
十二遷云禮部曹分祀之議進疏稽典禮引援切當  
其毀淫祠清尼僧少者有家老者不重於無歸太醫

冗員盡汰之藩叅時河南運官至京師賃屋每八十  
金乃買屋一區以待運者自是歲官運至如歸左右  
轄時淹浙中五載而清問馳薦章七上撫治時有殺  
人棄之道傍者一婦見捕卒過急入而扃戶遂執婦  
人至訊之庭不勝痛楚而自誣其夫獄成進獨疑務  
欲釋之懸賞竟得殺人者有稱禮部差遣儒士者結  
巷武當為國老祝福又大刻於崕石動多踰分眾以  
其怙勢率曲事之令毀石逐道士人快之蘇松饑賑  
卹有方而活者眾縣官有盛供張者竟黜之劾郡守  
與巡院異巡院以是得罪圻甸懷之兩廣軍餉舊類

本朝分省人物考

卷六十七

四

江西十一

解軍門令人梧州庫而移文動支安南內亂其族目  
莫中正率眾來奔逆黨范子儀謀挾之以爭立因誘  
海東諸蠻殘州掠地者數年軍門出兵禱其巢先是  
料賊窮必遁約交趾而遏之竟如其算黎獍毒珠崕  
乞師奉命討之前後斬獲數多面縛者幾千人不二  
月班師奏功既而南丹州官之族偽稱岑韋串田州  
目逐主母瓦氏乃誅之田州寧夷民生祠之縉紳先  
生有為夷民勒石而祀之者曰茲一舉有南顧之紓  
有死事之恤有除暴之猛有存孤之慈有辯偽之明  
初為司空仇鸞正專擅請造邊地營房造銅人面軍



器抗議折之遂沮前後大工逢鼎革之會值建置之難竭心力受 上隆眷賜賚雷古和論於朝曰仰體聖衷下悉民隱酌物料寬人力禁科擾裁耗冒供輸估值之類不畛域不膠柱至於量才分任虛心以責其成或變出叵測有震撼駭愕之狀則又相機揆策委曲求濟而有假公規私者毅然持之陰伐其謀求利國家不爲身謀爲太宰風裁嶷峻袁給事洪愈論萬太宰者耿御史定向論吳太宰者皆板之會夏旱詔大計在廷之臣進奉 命簡其不任職者十數人即日大雨既而又拔其淹滯者若干人薦其可用者

本朝分省人物考 卷二十七 四十一

若干人下至諸小吏凡有黜陟惟公論是視士夫翕然稱之 上亦以老成端慎褒焉爲太宰僅數月會禮部湛尚書若水應贈謚以題忤 上意上怒令致仕歸隆慶丁卯九月初八日卒所著有白雲山稿

王時柯  
王時柯字敷英萬安縣人正德十二年進士由行人選河南道御史嘉靖三年以議大理廷杖爲民卒贈光祿少卿

周仕  
周仕字用賓號草岡江西廬陵人由進士嘉靖壬辰

授平湖知縣剛正嚴明介然有守事上官不阿亦不避強禦詞無妄受受則幽隱畢撤是以少訟尤重學校士民至今思之奉母氏至孝母終扶柩登舟徒步數里哀號不輒送者多爲之墮淚後令句容尋陞工部主事

曾翀  
曾翀字習之泰和縣人嘉靖八年進士由南刑部主事改河南道御史劾冢宰汪鋈與薛宗鎧同下錦衣獄杖於午門傷甚見者揮涕慰藉翀神色不渝徐曰臣言得行臣罪當誅越日而死隆慶元年贈太常少卿

本朝分省人物考 卷二十七 四十一

彭黠  
彭黠字道顯安福人嘉靖癸未進士授祠祭司主事改光祿丞陞少卿遷太常就統職事不敢懈陞僉都巡撫山東適妖賊猝熾乃先以撫緝剪其兇渠遷副都御史撫河南河數徙其故道爲灘田沒於王府者盡括之官歲得數十萬頃之入以代虛稅至其疏處歲祿則極其寬厚周詳貧宗德之權刑部侍郎會王聯獄起株連士大夫至數十人委曲奏貸多從未減轉兵部侍郎巡撫應天值倭寇迫太倉兼程趨蘇蘇

城門晝閉卽下令盡開諸門以納奔潰復制機宜爲  
驅勦計先後擒斬千餘級陞南工部尚書月餘寇復  
至言者反咎以先事激變觸上怒逮詔獄罷爲  
民以歸比卒人莫不哀慕之

曾于拱

曾于拱字思極號魯源泰和人嘉靖辛丑進士授工  
部主事歷員外郎中晉副使參政歷左右布政擢太  
僕卿以病疏歸薦補南太僕擢右副都御史總督糧  
儲致仕爲副憲時川東隣酋陽石砭黥中諸夷甚爲  
邊氓苦籌畫撫循氓夷兩安天津燕薊重地兵務日

本朝分省人物考

卷六十七

甲三

江西十一

弛賓客糜至供臆煩劇因創爲規曰飭兵戎以壯威  
嚴守備以防患抑冒破以清郵節迎送以甦艱著爲  
令齊魯間勾補間左株蔓莫可窮詰白御史檄所屬  
詳覈之民得免勾板之苦其藩閩也當倭訐諸道兵  
雲集餉弗洽輒脫巾以誨高目焦思百計取盈假刺  
俸括羨緩士各宿飽居嘗謂平賦均徭莫善條鞭弭  
盜安民莫善保甲移風易俗莫善鄉約故所敷歷之  
處必舉行之有文集若干卷藏于家

劉週

劉週吉安萬安人爲人好澹素惡褻媒卑鄙語或觸


之如避穢臭於財利澹然而事母李孺人以孝聞李  
痰而痞遇寒輒甚週十餘歲已能左右扶掖及有室  
猶晝夜侍榻前孺人卒哀毀動人有友人子弗順避  
於野一日忽邀週泣曰吾已不容於天地理宜死柰  
吾父何公仁人也敢以死請週許之明日子果死週  
爲治其喪葬數年友人死亦如之嘉溪李具顯病且  
死慮其後盡籍其田廬屬之週曰吾與君昧平生又  
居相遠力不逮柰何顯泣曰小人知公公乃不幸憐  
小人耶週不得已諾之每歲行跋涉經紀其家有梁  
士誠者廢疾人也待妻以爲食遭誣訟將鬻妻週聞  
而憐之以其金界焉諸焚券已責者甚衆晚聞越中  
致知之學肫肫服習建梅陂書舍以待學者後談學  
者言徑超頓悟陋持守羣然和之週兀兀衆中獨求  
寡過若已訕然已而言頓超者多躡困自愧屈而週  
一未嘗自多聞人過爲亟掩未嘗出諸口也可謂篤  
行矣

本朝分省人物考

卷六十七

甲四

江西十一



人物考目錄卷之六十八

江西吉安府 六

龍光

郭詡

楊訓

周賢宣

胡行恭

劉文敏

劉陽

劉魁

羅洪先

蕭廩

周延

胡未成

朱衡

楊載鳴

尹臺

劉逢愷

本朝分省人物考 卷六十八 目錄

周子恭

劉元卿

劉澗

王爾康

李勳

鄒叔敬

補遺

王思湛

張衡

劉祿

彭與明

劉遜

王學孔

劉慈

傅應禎

劉臺

曾乾亨

劉應秋



本朝分省人物考卷之六十八

江西吉安府 六

龍光

龍光字冲虛吉水人因其子履祥見陽明王先生于虔臺光為人跌宕慷慨喜交游大起庭宇常歌舞飲燕為豪絕不類吉水士人然與之策事尤轉機發莫能相難貌清古昂鼻多髯頗似陽明陽明悅之以為軍門參謀携之巡視閩中至豐城聞宸濠反同事者錯愕口噤莫知計所出光贊陽明易舟南趨吉安又慮濠速發南都無備或詐為兵檄以撓其進止或偽

本朝分省人物考 卷六十八

江西

書反間離其心腹陰謀秘計多諸將士所不與知後九年陽明有田州之役復檄以從時將撫盧蘇王受而二酋方疑其給已陰持兩端擁眾二萬人投降實來觀濠陽明遣光諭意光單騎入營眾方露刃環之數十里呼聲震天光坐胡床引二酋跪宣朝廷威德與軍門寬厚不殺之意辭懇聲厲意態間雅二酋俯首獻款誓不敢負議遂定自陽明擒濠以來權閭肆讒公卿猜忌光為之詭辭款凶遠偵防變得于目授意使而應于謾對立談之頃有高才弟子所不能為力而獨寄心腹于光者陽明既卒功賞不行光抱

耿耿無所向而世亦莫知光之爲奇士也卒年八十有五

郭詡

郭詡字仁弘泰和人稱曰清狂魁岸瑋麗身肥白如瓠少從事學官弟子業稍試粲然賢于昔業者忽置冊歎曰夫務浩觀者遂其瑰瑋之思也立極藝者著夫周流之跡也拘學則不然循咫尺之諷誦市榮當世此與蛭蝥何異喪四方之志矣遂去而體極其能于畫于是南窺九疑踐衡嶽轉溯建康東入吳越折北經汶泗弔古齊魯之鄉觀容夫子之堂極抵帝里

本朝分省人物考

卷六十八

二

江西

過代汴以歸曰畫在是乎何譜也其後肆意手摸卽成畫畫已題詩其上詩不盡又肆爲畫畫不盡又盡于詩間畫抱膝辟穀等圖又多以自實其逍遙之想世莫之測也天下競傳清狂畫購之百金與人處造次輒鏡其人有隆貴欲多其畫詡心謬之瞠目數屋梁不對又盤金固索遂踉蹌狂趨叫泉跳號而去隆貴笑謂之狂生竟不怪中常侍蕭敬異其能唱以錦衣衛世官詡言平生不任拘檢且托日者言福薄無貴相苟貴必不利遂力却之 孝皇十五年壬戌詡取天下名畫士郡中推擇詡應詔重遊京師諸學士

聞詡多蘊藉不買藝先後慕覩其狀貌各誠門下苟清狂至無間昕夕無畱門旣而謁入權甚起迎之門延入座數擊鮮賞旨酒飲之詡性難酒然驩其人每竟酒至醉醉輒呼紙揮灑以故諸學士倍貯清狂畫然不計酬值直去去十數年率不過舟過不報訊先是寧康王荆和王好術學招致賓客以百數詡爲首至奉百金爲飲食具輒散與昆弟朋友及當意者所得亦緣手盡家人諷之子貨金錢豐生產怒麾去間爲蹋踰關奕走馬參猿效少年之戲以示不拘宸濠嗣王敬詡嘗召與語詡見其羯羴寡慮易發怒欲去

本朝分省人物考

卷六十八

三

江西

正德五年庚午宸濠疏請中和之曲詡愕然曰是謀將凌其上以此無貴種矣吾不可與之俱整水火也故露拙業托微罪得去去後宸濠益猖獗固不可勝數已卯反大有端矣詡度其反必劫已居嘗默默不得志念右貴惟王都御史智權足解脫已王都御史者名守仁以學爲世儒宗工時假節提軍汀贛乃敬往依之懸畫題詩見志陽明悟其志尋與之符牒令辟耳目他遊遂沿間道達武昌至則通訊率又貴俠者乃候虛無人顧窮船絕跡入德安界六月宸濠殺孫都御史許副使以反其黨言得郭詡勝得一敵國



然又况能慷慨借軀乎乃潛使人齎幣書約給以好語入見有如逗梗縱殺之其人跡至武昌搜及細微家不得遂返時論謂適有天幸故窘難得脫陽明高其善解脫對客亟稱之曰鴻鵠橫絕非清狂斯人邪庚辰詔返鄉里髮鬢然矣每語人吾僅僅脫虎口以先知退也愈益為恭敬未嘗乘車行縣衙竟以壽考終豈非布衣嘉遯哉

楊訓

楊訓字汝學泰和人文貞公之玄孫也年十歲即能記憶文貞公言行十四為諸生有名家又故多賜中

本朝分省人物考 卷十八

四

江西

秘書于是益廣覽古今學士家言習聞國家故實明當世之務故文詞數試高等諸生皆避讓而性剛鯁不妄交遊後進者益憚之已見坦直無誑也又多親就甲午選貢上禮部以高等得教諭華亭持已嚴重立規條數十督正諸生諸生不敢餽遺諸被獎與者率取高等而又以義氣倡諸生一時恃為緩急有司卒無敢凌轢諸生者每御史行縣至皆重其文行注上考顧以不能折節鄉貴人以爲簡已以故久不遷既仲子載鳴舉進士為潮州府推官以爲能守先太師之祀也遂益無復仕志時自華亭遺載鳴書曰夫

推官者法吏也法生殺人易耳能不枉者難也今用法者鮮能自鑒也即能自鑒者又不能違上官意指也若是則法安得無枉哉爾小子慎無以爲也久之遷黎山王教授歸過里中無何卒五十七後載鳴陞吏部得贈訓考功員外郎而訓故號天柱山人今縉紳中置教諭考功郎不稱稱天柱山人以志業高官不足稱云所著有執齋朝天教吳指衡稿凡十餘卷

周賢宣

周賢宣字仲含萬安人歐陽文莊高弟由進士授繕部主事權刑稅搜刮弊孔商民咸稱利藩校有小艇

本朝分省人物考 卷十八

五

江西

百餘潛行劫掠號滿江紅者盡收之繩以法往來無梗遷郎中會建三殿取材川廣宣建議材料積而不用侵損實多奈何復苦諸省之民中貴人難之宣不少遷屈竟得請故事大役一興中貴人視爲利窟蠅集其中相緣爲奸宣酌估精覈羣閭側目竟出爲延平守至郡以厚風俗正士習爲首務時時引博士弟子誦說經義而一歸於實踐屬島夷弗靖烽火相望山澤亡命乘隙竊發宣用間諜募敢勇潛擣其虛寇患悉平考績擢海道副使其爲海道會倭寇逼城宣帥師敗賊衆於漳浦民用無恐廣賊逋誅入漳即帥

舟師親躡行陣大破其巢還良家婦女擄者二百餘  
口是時兵革倥傯方率諸士講道芝山書院辨義利  
崇正學訪修潔之士躬禮其廬遷按察使特抑豪右  
患苦小民者擢右布政會有修卻者假拾遺劾罷之  
既解綬與同郡諸君子結社白雲之巔訓迪後進不  
爲奇僻語惟根諸日用倫常使人自求自悟以是賢  
愚各獲其益嘗曰生生之謂易天地之大德曰生此  
聖學宗旨也素恥干謁而邑有大利病則未嘗不盡  
誠以告邑大夫每信而行之

胡行恭

本朝分省人物考

卷六十八

六

江西

胡行恭字民敬泰和人幼孤穎敏強記家貧爲童子  
師取資供母晨起櫛沐伺寢門問所宜苦以爲常母  
既沒家無餘資或竟日絕炊手一卷坐中庭曠然若  
不爲意性好讀書貧不能購則時時從人乞假手錄  
至數十部殫思天人之際究極物理之原每有意會  
輒箋疏其義故善里中刑部郎周尚化周砥節剛廉  
乃獨推重行恭一日貽書議及詔旨裁抑生員可否  
行恭報書至再極陳其不可狀且曰裁抑之說起於  
青衿之子請謁公事假私蹊以備員此固流弊之甚  
僕則以爲周士之貴秦士之賤皆有繇來非可以一

一罪士也夫欲導爲射示人操矢欲導爲御示人執  
轡今盡以科舉而督實行是猶誨射而示轡誨御而  
示矢也豈可值乎故科舉之外必行薦舉則篤行之  
風倡必坐舉主則憑私之路塞就有儉邪之人懷無  
狀之心者不得刺其間矣乃欲爲定額以抑之不亦  
後乎周得書歎服且曰使薦舉法行則首詣公車舍  
行恭其誰耶行恭雖伏蓬藜不忘當時其誨子以實  
行爲學而戒務名富貴利達一不置諸口子天鳳能  
遵其教嘗從雩都何公泰黃公弘綱聞陽明先生之  
學初疑信半久之中夜體認瞿然有悟曰是有本之  
儒之誤云

劉文敏

本朝分省人物考

卷六十八

七

江西

劉文敏字宜克吉之安福人所居東南有兩山屹立  
並峙學者既瞻望其素養之高不可及以兩山之秀  
而特起也足以配其德遂稱之曰兩峯先生云文敏  
自幼凝重端確不妄言笑飲食出入必稟命於父母  
比就塾竟日劬書無少嬉惰既長不治家人生事矜  
莊堅勵實天植之歲壬午年二十有三則與其族弟  
師泉共學思所以自立於天地者或至夜分不能即

梳一夕語族弟曰學苟小成猶不學也蓋亟省之已而讀陽明王公傳習錄所論格物致知之旨與宋儒異展轉研思恍若有悟遂決信不疑躬踐默證久之惟覺動靜未能融貫乃歎曰非親承師授不可則買舟趨越中見王公執侍門墻往復三歷寒暑歸而與師泉砥切于家其學一以致知為宗而殫精畢志操存克治一瞬一息不少懈逸語默作止事無鉅細必蹈準繩深以未學馳騫空談遺忽實行為痛戒每與學者言知體虛明皎如赤日但依此知自照自察以祛習氣滌凡情纖理勿畱意念感應生生化化務協

本朝分省人物考

卷六十八

八

江西

天則雲銷日朗垢盡鑑明天全而性復矣其教人大指如此不涉多岐詞簡而義切貌肅而衷懇及門之士敬畏誠服已在未言之先同郡東廓鄒公雙江聶公念菴羅公時時聚處共證所學雙江公獨揭未發之中與海內同志往復辨詰而於文敏最所欽伏間舉主寂相質文敏曰發與未發非判然二也能致其知則寂在其中矣嘗七宿松原與念菴公極論盡洩底裏念菴初覺未一已乃傾信既別貽以詩曰嘆息卓爾域千載能幾諧目擊中有存意會言無乖歲壬申五月當誕辰諸子姓上壽畢文敏退居一室稱微

疾一日忽語其孫弘傑曰吾了當而歸矣明日遂逝文敏早遊邑庠已擅文章之譽廩食需貢有期矣一聞正學即棄去不復應試布袍蔬食韜光晦景沒齒不求人知滁陽朱遜泉教寧州乃具薦於學憲存齋徐公曰劉某養深學粹見大志遠孝友刑家身任斯道安於躬耕無慕世用乞賜錄拔必有補於當時徐公嘉之然徐檄聘已先下且欲召之貢文敏竟辭焉文敏雖投跡林壑遜世不悔而實修彌著撫院學臺郡侯邑長往往引重知其不可招致則降牒遺緘問老衰賢以寓其傾企之誠蓋數數然也其教人惓惓

本朝分省人物考

卷六十八

九

江西

馬一循其本然之知以省克於念慮而實踐於倫物不為奇僻險曠之語歲已巳年八十猶陟三峯之巔坐百餘日已而語門人王時槐曰夫道本自不離非力挽之使不離也又曰知體本虛虛乃生生虛者天地萬物之原也吾道以虛為宗汝曹念哉與後學言即塗轍不一慎勿違吾宗可耳卒之踰月即殂豆于賢祠

劉陽

劉陽字一舒安福人兒時端重若成人恥私食食必廣坐年十三請焚先世積券弱冠從彭石屋劉海源

兩先生受學深器之陽明王公撫虔時陽亟慕之而梅源先生故王公弟子間示之語錄則益嚮往遂專如虔除夕泊舟風雪齒牙上下指麻木不得伸陽顧津津喜且日見王公稱弟子王公視其修幹踈眉飄飄有世外之態顧謂諸生曰此子當享清福已又謂陽曰若能甘至貧至賤者斯可為聖人陽跪受教自是日兩謁見退則與冀君元亨等互相稽切越數月辭歸先是督學使與王公持論不合則發策詆之陽明正學以為言衆皆謂陽且殿而竟首選嘉靖四年舉鄉試任碣山知縣盜警無虛日乃捕殺其魁桀奸民警懼於是表孝閭祭節墓民俗丕變邑苦河患陽齋沐七日率父老子弟精禱遂自疏濬二十七里待僚佐如昆弟居碣四年九被薦入拜福建道御史世宗時改建萬壽宮為永信仙宮百官表賀諸御史推陽陽毅然曰此當諫不當賀已而廷臣有密促賀表者以天威巨測衆洶洶歸過陽陽曰即有譴請自當之已而迄無患故事部院接疏中官持疏南面陽謂同列曰疏在中官手北面可爾既授疏猶侈當尊謂朝廷何竟東向揖中官中官雖甚恚然迄不敢出一語官舍蕭然日恒蔬食頃以病乞休執親喪墓棲三

本朝分省人物考

卷六十八

十

江西

年既除被召尋陪點光祿少卿辭不起日與邑士人談學不倦嘗會復真群公夜講罷門弟子就陽遮牀跌坐退若有得也體氣清癯嘗登泰山絕頂游衡嶽夜半坐祝融峯被羊裘觀海日晚開雲霞館於三峯翠微坐半雲洞天與諸同志講道悠然樂之發為詩文自成一家言皆根極理道關切人倫與人言依於踐履嘗曰美堯舜之孝弟而無稱於鄉黨小温公之誠實而不踐其然諾言獨言幽乃無忌於可指可視言著言察乃未及平行之習之蓋深中學者之隱衷云又每語人曰孔子之學率十年一進藉令其壽加本朝分省人物考

卷六十八

十一

江西

乎七十又當有進於從心所欲不踰矩者即是語推之陽所以孜孜不懈者尚未涯也尋卒鄉人相與祠祀之

### 劉魁

劉魁字煥吾泰和人由舉人嘉靖間判寶慶五年守鈞州七年貳潮州陞工部員外郎上安攘十事皆嘉納有 詔徙雷壇禁中魁上疏自分獲譴先授家奴囊金三兩治後事日蕭然布袍一家奴隨邸中爾疏入震怒杖之廷入獄創甚有百戶戴經者藥之得不死日與楊侍御爵周給舍怡泮礪以不能積誠意感

悟自責諸校為之感動其年八月神降于箕乞宥三  
 臣得 旨釋放為民未踰旬復遣速速者至魁猶在  
 道先繫第元北行魁至螺川得聞即買舟馳赴或勸  
 潛歸不可賦詩以寄家人有孤臣此日勞 明主萬  
 里何心保此生之句抵京復上疏願獻愚衷以死報  
 國事其言切指執政奉 旨仍舊監着明年祈雪不  
 應獄禁加嚴不得食有校尉楊棟者食之得不死明  
 年宮禁火赦還家魁自幼稟父訓躬操古行既學於  
 陽明先生堅志反觀動有依據羅念菴題其墓曰公  
 自放歸蕭然一布袍共倚宗盟用嚴觀省又曰公大  
 節炳炳如柱障川而小物隱衷具可撰述雖用不究  
 韜晦逾密而流風海宇有功於師門也唐伯元曰仗  
 忠仗節之士世未嘗無而往往徒激于一時者或非  
 其質也乃若近代則又有譽謬于朝著而顧營苟于  
 閭巷者其人益不可知矣

羅洪先

羅洪先字達夫吉水人自幼端重不為嬉弄年五歲  
 夢至通衢市人肩摩自知為夢呼曰汝往來者皆在  
 吾夢中尙自攘攘何耶拍手大笑遂覺以告母李宜  
 人識者知非埃埴人也十一歲讀古文慨然慕羅一

本朝各省人物考 卷六十八

十三

江西

峰公之為人年十五聞陽明王公講學虔臺心即嚮  
 往遂卑視舉子業常歛目端坐同舍生誚之曰是羅  
 道學先生耶比傳習錄出奔假手抄玩讀至忘寢食  
 年二十二舉于鄉時同里谷平李公家食往師事之  
 嘉靖八年廷試 世宗親閱所對策 御批云學正  
 有見言謙而意必忠宜擢之首 賜進士及第第一  
 人授翰林修撰明年告歸已而丁外艱哀慟深至苦  
 塊蔬食不入室者三年一日讀楞嚴經得反聞之旨  
 遂覺此身在太虛視聽若寄世外友人覩其顏貌驚  
 服忽自省曰得無誤入禪耶乃反求諸孔孟與同郡  
 鄒文莊公及諸同志切劘無虛日 召改左春坊贊  
 善疏請預定 東宮朝儀忤 旨罷為民家居削跡  
 城市應酬禮文辭受取與一裁以義不徇時局人不  
 敢干以私親賢問道撝謙求益未嘗以言詞先人然  
 瞻其容止者非僻為之潛消遊衡嶽僧楚石密授以  
 外丹拒而不受里中得石洞故為虎穴荆芥鬱鬱開  
 之可容百餘人命曰石蓮自是多洞居時出聚友于  
 雪浪閣四方縉紳士人請益者日衆贛江水漲宅舍  
 漂沒假宿田家撫院馬公森以其家貧窶而嘗卻臺  
 省餽坊數千金貯縣帑檄縣取為構室助竟辭之荆

本朝各省人物考 卷六十八

十三

江西

川唐公以兵事起官約借出曰天下事爲之非甲則乙某所欲爲而未能者得兄任之卽比自效可也奚必我出時相亦貽書致意答書願畢志林壑年踰五十謝客屏居止止所製半榻默坐榻間不出戶者三年事能前知人或訝之答曰是偶然不足道比荆川計至哭始下榻邑當造賦冊念詭灑重爲民病戒里中按畝收賦督冊憲使卽以邑冊請任之于是宿弊頓革貪者懼若更生比疾作子世光適赴省試家人問何言答曰兒歸但語以莫厭窮窮固自好諸生環侍以意示令扶起危坐正巾歛手端默而卒年六十

本朝分省人物考

卷二十八

十四

江西十三

有一其爲學也始致力于踐履中歸攝于寂靜晚徹悟于仁體丁巳學憲王公宗沐訪石蓮洞中問靜曰君可聞者吾之言也所從出此言者君不得聞也豈惟君不得聞吾亦不得而聞之茲非至靜爲之主乎故曰君子思不出其位至靜無思之位也王公畿以專靜不達順應爲疑訪于松原問近日行持何似曰近覺一切無有雜念卽感應處便自順適龍溪曰工夫有先後否答曰卽如均賦一事終日紛應吾未嘗憎厭執着放縱張皇褻侮偏黨自朝至暮惟恐一人不得其所一切雜念不入亦不見動靜二境自謂卽

靜定工夫非專以默坐時爲靜而動應時無靜也又曰世間豈有現成長良知良知非萬死工夫斷不能得也今人誤將良知作現成看不知下致知工夫奔放馳逐茫蕩一生有何成就又曰吾輩所以必須學者皆緣習氣作梗要得消磨蓋自有知以來積染成習如油入麵未得脫離誠不可以平日虛見爲得手須是終日應酬終日收斂不使習氣乘機潛發始不負一生耳語具所作松原志晤中明年錢緒山公德洪以陽明王公年譜成請序序曰善學者竭才爲上解悟次之聽言爲下蓋有恃妙契而不知反躬至不副

本朝分省人物考

卷二十八

十五

江西十三

夙期者多矣甲子郡節推周弘祖問學公手書冊曰落思想者不思卽無落存守者不存卽無欲得此理炯然隨用具足不由思想得不由存守來此中必有一竅生生自然不類又曰此非可以倖至也却從尋求中得由人識取蓋卒之先一月也始歸田攻苦淡鍊寒暑躍馬彎弓考圖觀史其大若天文地志儀禮典章漕餉邊防戰陣車介之事下逮陰陽卜筮靡不精覈至人才吏事國是民隱彌加諏詢曰苟當其職皆吾事也年垂五十觀時事日非乃絕意仕進然饑渴由已捷市引辜之衷未嘗一日忘天下士想望其

出以下治平而竟不果隆慶元年 詔贈光祿寺少卿謚文恭

蕭 廩

蕭廩字可發號允嶠萬安人幼穎異嗜古於學無所不窺已聞良知之說於鄒歐兩文莊所自是墮黜見聞潛心理與嘉靖己酉舉於鄉乙丑舉進士隆慶中由行人拜御史首因地震疏請加禮中宮又引律爭貴人秘獄及論球忤 旨御史某臺議重之會有詔簡風裁御史覈諸邊鎮兵食數時趙相貞吉行大夫事度次用廩陝右至則疏停三鎮入衛兵汰諸募

本朝分省人物考 卷六十八

十六

江西

府所占標下卒數萬令無得影射以蠹軍屯罷固原楚府所遙隸護衛出所隱歿田二頃以實還而歲饒邸八千金是役也減內帑費歲二十萬餘而什伍不知大司農憮然心折還視苑牧陝故有牧苑七前使者多私右之至占邊氓土田數倍而孳息加縮廩請以苑僕卿貳兼本地藩臬官以絕偏右之弊而盡覈所泮額均賦之歲贏萬七千金而民牧稱兩利去尋又奏減被褐織造歲鉅萬計又上培養景命疏直以宮掖太廣恩幸太博為諫 先皇帝初手其疏怒甚俄而報聞已萬曆紀元首奉 簡命按兩浙吏贖山

積廩至立決如神手雪冤獄以百數奏黜墨吏蠹民者若干人諸所行罷咸可軌後尤加意教本次第新宋文憲方正學以下諸公祠又請祀王文成於學宮不果則肖其像天真書院而群髦士講肄焉時柄國方厲講學之禁又疏爭諸司所增歲課及白諸註誤曠徒寃意相左得 旨以不諳法律切責然以其名御史卒亦無以中之尋有京營之命俄改視京畿遷太僕寺少卿督京邊馬政故事薊昌諸鎮季上馬數太僕大帥欲專其事議罷之廩引祖制力爭而止尋轉太常遷南京太僕寺卿奏減江北馬價歲五萬緡

本朝分省人物考 卷六十八

十七

江西

改光祿寺卿復以僉都御史巡撫陝右屬歲大稔再疏請賑又請借沿邊積糧授法哺食所全活無慮百萬會有 詔大覈天下隱田當事競以增賦希柄臣意廩令如額而止又緬夷以拾麥群行間有所盜竊衆議欲遂勦殺為功廩曰彼逆虜耶奈何禽雜而獸獮之諭令縛獻首惡戮之因約拾麥不得群十人又不得以兵器從緬夷皆感泣如命乃以所處分疏聞復得 旨以玩寇廢事切責乃賦詩自哂有十年迂氣未消融之句蓋指前浙事云俄又以副都御史巡撫兩浙先是浙兵謀轅門至辱都御史某群不逞效

尤為姦大標城中至擒斬數十人乃定而兵迄用輕  
典驕悍如初時議稍減罷之又議置中軍卒以相防  
制廩曰卒吾卒耳吾時餉而法馭之何惡之敢生而  
藉此紛紛為益令下而諸反側肩息矣是歲以捕倭  
功 賜白金文綺先是廩令海上卒即倭非大舉必  
生致之以防偽級既而遙覘若倭船者數十迫而擒  
之皆闌出捕魚民也悉解從之遷南京工部侍郎尋  
改刑部右侍郎改兵部乞休不允遂以四月二十四  
日卒於位

周延

本朝分省人物考 卷六十八

十八

江西 朱秀

周延字南喬吉水人嘉靖癸未以進士為潛江令尋  
調新會戊子召為兵科給事中時議奪新建伯王守  
仁爵上疏言守仁堅直節於逆瑾構亂之時糾義旅  
於 先帝南巡之日且其倡道東南四方慕義建牙  
閩廣八寨底平今欲以一青盡棄生平非所以存國  
體昭公論也忤 旨謫判太倉州丁外艱起補宿州  
歷陞閩廣藩臬值南交議起贊畫居多而中使採珠  
者畏其禁令不敢苛暴以右副都御史巡撫應天首  
清海洋林成之擾次復溧陽水次之允以兵部侍郎  
兼統督兩廣軍務節冗費杜倖功疏止番舶交易罷

瓊萬烏石諸驛歲省數千金召還刑部累陞南吏部  
尚書改南兵部叅贊機務乙卯特 召為左都御史  
考察天下述職諸臣者再在廷諸臣者一涉明黜瑕  
私莫敢干獨立朝著望者歛容臺綱為之一肅延方  
峻謹潔無他嗜好面顏寒峭人不易合一介不苟取  
燕坐一室儼如對賓妻子不敢輒至其前官益尊顯  
而清約自守交游屏絕門外蕭然不異在下寮時嘗  
自贊其像曰退然若畏鈍今似迂然其不違義不趨  
利不隨俗不靡風者殆之死而不敢渝也平贈太子  
太保諡簡肅維風編云周中丞公延初第時與其里  
中進士曾某同觀政刑部共僦一寓租一馬更乘出  
入一日公先入部方回馬趣迎曾曾未及至而司寇  
公適蚤至鳴鐸升座矣司寇視班行中曾不至詢其  
故延前以實對司寇公大詫曰今進士俱乘馬耶亦  
大異矣予觀政時一僮携冠服徒步至三法司門乃  
服之入也今士風乃至于此為之三慨嘗語今蕭右  
司寇廩云蕭公亦吉州人也使司寇公親今士習慨  
又何如

胡永成

胡永成字思貞安福人嘉靖己丑年進士授澄縣知

本朝分省人物考 卷六十八

十九

江西 朱秀



縣四年用薦者入為刑部主事諱和州同知遷徽州府同知南雄知府復用薦擢廣東按察司副使整飭瓊崖兵備卒于官年四十有九大要政事必欲其是非斷於已而不能以毀譽徇乎人已以為是雖貴宦尊官沮之不止也已以為非雖甘言游說強之不從也以是其能著而人亦多忤涇巖邑也民喜訟匿不受捕乃為條教使民知令意不在根株有枉抑來自言即可得理於是訟者無敢囂傲時儉菴梁公為司徒畿內儲蓄多不及數恐一旦緩急無所仰下議郡縣行之郡縣多虛文相給獨涇以宿儲廩庾皆實民本朝分省人物考卷六十八 十一 江西三

所隱稅既不得幸而歲漕所屯厥舍舊在邑者更置灣沚水陸交便比滿考再至涇歲果大饑施給有序涇民得以不困嘗署其廩曰積之者誰散之者誰知我者此罪我者此其為遠慮又若此南雄當江嶺襟喉天順間於太平橋權稅助軍餉而郡司其管郡不得人往往有所沒入前守同邑劉實獨以節介鳴於時時人號曰鐵板未成至嘆曰吾縱不能為劉鐵板將不得為木板乎既以權委他倖季一易人以防蠶漁得請因著為例而民間稅額歲虧者復分遺所屬覈之瓊崖之役本以備黎永成則曰凡病吾民者即

黎也何黎之責不此之詔而但欲備黎黎將我有辭矣且黎亦人也使吾有以處之彼食其土烏庸絕乎於是籍墨吏之效尤與彊宗之怙勢者必抵于法

朱衡

朱衡字士南萬安人初生有群鶴盤空迴翔舍上幼有異質出就外傳日誦數千言年十一補邑弟子文詞嫻美崑山周玉崖手書朱童子銘褒之十四廩于學官嘉靖辛卯舉江右明年壬辰成進士授福建尤溪知縣年二十一居一歲改婺源聲名日遠故太宰汪公鉉家在婺源邑有御史行臺太宰以居第近從使者請使者命衡衡執不可使者弗能奪也太宰之子納婦假閑署置酒召客衡聞樂聲而愕命吏遷之太宰聞狀不樂而薦書日至無以謝衡會徵天下令長入補臺諫則謂衡年少不中格罷母召已乃擢為刑部主事遷員外郎父疾上書請告里居六年癸卯詣闕復除故官轉本司郎中乙巳奉命錄囚江南會父卒服闋補禮部主客司郎中擢福建提學副使衡藻識精管初試閩邑拔陳公謹為首輒以天下士期之明年廷對第一太宰李公默聞人也子弟家居張甚與同邑生構率奴客市毆生墨其面而曳之吏

本朝分省人物考卷六十八

十一

江西三

不敢省衡曰幸奉尺一為學吏令貴強辱諸生至此  
立捕諸李子弟窮治得狀論上御史御史難之曰此  
獨某為之不敢以累使君御史不得已從衡而諸李  
子弟跳之長安為太宰訢狀太宰噉之積四歲遷為  
四川叅政會母卒服闋補河南叅政戊午遷山東按  
察使已未歷左右布政使故事諸郡邑從藩司入賦  
藏吏以鈞石低昂解戶償補及文書稽滯道理之費  
或至破產衡命懸秤于前召解戶自兌銖銖之贏皆  
以予之藏吏負牆而立莫敢竊窺文書朝暮出關無  
停旅得全產者無算庚申拜都察院右副都御史巡  
撫山東其年蝗為災下計郡邑民有得蝗一斗者以  
斗粟償易之又遣使糴徐市穀麥舟輸河上以貸貧  
民明年辛酉景王之國侍衛臣僕方舟數百道路洶  
洶衡先檄郡邑王舟所過不煩里胥一錢幸告吏民  
謹俟迎送無怖吏民佯諾莫知所出衡乃列役兩岸  
至即啓行時刻無滯諸中貴人緹騎見所至治辦無  
以難衡迨王舟出境若弗聞秋召入為工部右侍郎  
時衡董工西內世廟從殿帷望見問偉儀觀者誰  
以衡名對上瞪而悅之其明年壬戌改吏部三年  
考績贈太父父皆為吏部右侍郎太母母及配皆為

本朝分省人物考卷六十八

三十一

江西南

淑人衡上言臣幸備位列卿蒙被恩寵褒及先世而  
本生祖妣未沾一命竊不勝私情迫切請以臣所應  
得移贈本生祖妣有詔皆准給與不必移贈自是再  
命咸受尚書號乙丑擢南京刑部尚書會河決徐防  
運道湮塞上憂之改工部尚書兼右副都御史總  
理河漕自兩畿山東河南大吏咸受節制衡日夜馳  
至徐防率四部大吏行視河所決道漲為平陸濬之  
沙隨水壅淖不可足其傍橫流汗漫舟行樹杪力無  
所施則下令吏民父老有能以河事獻者立召見口  
對久乃得新渠規度焉始故渠之東有湖曰昭陽河  
從西來以湖為滙其勢絕渠而左衡念舊渠即幸可  
疏安能使河毋趣湖而新渠者乃盛中丞應期所嘗  
躬開以罷去不就在湖之東河即橫決得湖而止勢  
必不來規以為渠宜無河患乃決策奏請有詔從尚  
書畫衡廬于河傍晝夜調度六月正午去蓋立隄上  
汗流被面或深夜風雨單車小舸出入波濤衣帷濕  
裂又其時役夫多疾衡親行其中問疾施藥與同甘  
苦吏人感其恩意有流涕者聚眾十餘萬竟無他虞  
其明年丙寅功且就緒諸故河隄市人以渠他徙賈  
販不通流言新渠不便上命都諫何起鳴往視還

本朝分省人物考卷六十八

三十一

江西南

奏故渠難復者五 詔如初議明年渠成凡鑿新渠起南陽至留城一百四十二里疏舊渠起留城至境山五十三里萬艘流通頌聲大著 上嘉其功賦詩四章志喜以示在直諸臣方議爵衡而龍御上賓穆廟登極晉衡太子少保加一品秩留經理漕河事又閱歲河渠大備屬大司空缺乃召還掌部事時朝廷清宴興造頗多所取辦少府常溢舊額衡奏本部儲蓄缺乏不足經費請 勅內監諸臣為國節約不得濫有取用即仍蹈故習許臣以便宜執請如有巽與不舉亦令臺諫劾臣 穆廟聖明多納衡言

本朝分省人物考 卷六十八

李四

五世

時中貴歛迹 上嘗欲建一閣於禁中命曰光泰召所司管之材用已具衡上疏諫 上曰朱向書不可奈何遂罷其營太監孟冲請造鼇山燈棚推之費可三萬衡上疏今歲元夕月食方在脩省而興遊宴之娛樂費材用不稱懼災之義有詔罷報時又遣中官李佑於浙直織造所增額以千萬衡上疏以為此太監陳洪假以取悅不知江南民力困苦已極 皇上豈以服玩之故忘恤元元疏入亦少裁抑往內監匠役皆長安無賴子弟竄名冒食不可究詰衡請核其名實所汰數百千人衣食縣官者皆著其籍使後不

得增減部中藏金舊用一郎吏主之不問出入衡請遣科道監收著為令司空儼人從貴人關請輒得預支估值不則稽留至數歲衡乃權其開劇以次支給母敢預請會徐邳河決漂沒官船八百餘艘 上以衡兼右都御史經理淮邳等河數月告成會 穆考升遐山陵工作乃趣召衡還部時新鄭去國江陵貴用事一旦謂衡某被顧命輔理責任至重何以相規曰 主上冲年踐祚今日要在調護 聖躬愛養元元如其振作以俟他日江陵曰公不知也 上以大

本朝分省人物考 卷六十八

李五

五世

事托我不敢以因循姑息上負 聖明且人心玩愒日久修明法制正以庇養生民奚相悖乎不憚而罷會有王大臣之獄連及新鄭衡謂江陵一安男子闌入禁門一衛士之力耳會內廷以獄下金吾衡謂都督朱公此獄正須速成若羅織不已它日必有煩言誰執其咎朱公亦悟趣具獄上寘大臣于法群議遂止涿南故有山谿雨水驟發行者多阻諸中貴或入白狀 上以 太后命詔司空建橋衡奏修理橋道乃有司之職今 聖上念及小民德至厚宜下所在興築不足以煩內使疏上 詔發慈寧湯沐金錢司空無與涿州有泰山元君祠都城士女咸往祀之一

日詔司空修祠如法衡又上奏御極以來崇尚儒術以二帝三王爲法佛老異端皆所斥遠况民間私祠以禍福惑衆又不經之祀而以是祝釐非所以光聖孝疏入亦遣中使往營武清新貴詔爲起第長安費以數萬衡援故事上請謂武清幸得備肺腑不務光昭 聖德而非分徵求卽欲保全其祚宜少裁抑之便 上悟亦減其半會左輔賈人從武清關請謂京邑土可造城磚比臨清道理近于縣官省武清入其說賈人上書衡奏臨清造磚乃 祖宗舊制一旦以貴戚故更之示天下私又京邑所造磚與臨清堅脆殊絕不可用其事遂寢所與中貴戚畹忤類如此當議建橋廟時相公邀語曰宮中建造亦宗朝常典若每事執奏恐反難處且近日 上所欲爲某多從容挽回此等興作未甚有損可少將順也對曰某與老先生事體不同輔臣以調變爲事機在挽回部臣以守官爲法職在執奏江陵默然甲戌三疏以病請壽七十三卒

楊載鳴

楊載鳴字虛卿別號武東廬陵人也其先文貞公士奇爲時名臣嘉靖戊戌成進士授廣東潮州府推官

行取補吏部稽勲主事累官至通政亮節峻履不媿其先公詩逼杜文睥睨周漢晚浸瀾于王蘇所著大拙堂稿若干卷惠州志困喻錄并行于世

尹臺

尹臺字崇基號洞山永新人母劉夢神人醜美珠白粲始有姓大父夢神登中堂而生五歲受小學誦至立身行道揚名于後世語作而指曰至言也戊子舉鄉書明年入南雍乙未登第改庶吉士丁酉授編修乙亥奉 命往諭楚諸侯王未入境先檄長史司罷一切饋餉及視臺儀節迄不敢言饋事辛丑充會試

本朝分省人物考 卷六八

二十七

江西

同考試官戊申除舊官乙酉同修大明會典庚戌復充會試同考試官策問及重臣權臣 上覽亟取臣鑒錄賢奸傳省覽爲之感動一時上下有延頸相天下之望辛亥以舊官兼翰林修撰回坊專理 誥勅日是所謂代天言也故其言務古雅不爲偶麗明年主南京鄉試策陳 祖宗馭將制兵甚備錄入 上覽摘策中數事密問嵩嵩方欲求婚好因善爲對乃令廕臣世蕃介劉某置酒蹴席致求婚語臺竟確辭之癸丑冬陞右春坊右諭德兼翰林院侍講管坊事明年陞南祭酒嵩舉卮酒曰何以別不穀臺從容請

曰楊繼盛狂言自取死第願相公勿貽 主上有殺  
 諫臣名嵩避席謝臺退為司業王公材述其事因屬  
 之王曰頃有王生世貞者亦云王果謁嵩以請嵩諾  
 而曰昨尹司成嘗及此而私心猶豫未肯決謀諸鄂  
 懋卿鄂持不可楊竟論死乃海內稍知王抔楊竟莫  
 知出臺也蒞任首革典簿廳宿蠹太學諸生欣欣向  
 往遽改北道三茅時鄉士胡直為句容教諭挈而登  
 馬泱日慨然語曰吾嘗以新學墮言說鮮躬行邇歸  
 頗有觸於鄉羅二公且見諸士中操節屢屢不鈔則  
 又喜曰學在吾郡因重相勗已卯 上諭嵩迷忠謹  
 文臣二人供奉內直意在臺嵩乃以少宰茅公某及  
 臺名進改少詹事兼侍讀學士掌院事召元 上於  
 簾內指曰前行者狀元後者學士也二月特傳御劄  
 令侍郎尹某代拜祭孔子廕臣以金花鑲帶一與一  
 賀曰 上念公深故特晉侍郎秩吏禮二部惟孰擇  
 臺曰 上不以某無狀得與陪末議當出廷推若傳  
 奉非敢承 命嵩謂沽名揭覆仍以少詹事銜行祭  
 初 莊皇在東宮時康妃服未畢生元子 上弗憚  
 乃諭嵩曰禮官得無言乎嵩陽為晝無所之而訊諸  
 朝士朝士皆莫敢對臺獨曰曷不舉孝慈錄序中不

禁民間服內生子語乎嵩用其言以對上釋及 莊  
 皇即位首問臺左右莫言或諷自陳白晒曰吾為國  
 大體慮也豈計此哉丙辰 上命同閣臣餘姚李公  
 主會試事錄後序有士平居自養始進自擇之語時  
 上方修玄每疑羣臣心誹乃諭嵩曰尹臺言自養自  
 擇豈以朕為此不經之務乎又諸臣撰青詞多習為  
 玄教語而臺止言玄德或逮青宮字皆拂 上意而  
 嵩得以行間詹事府缺臺應推補又有鄂懋卿戚者  
 賄得之鄂故傳嵩慰語臺戲之曰君為都御史乃為  
 相門傳語客耶亡何陞南吏部右侍郎明年丁巳京  
 察與太宰王公黜陟惟允大司馬譚公少宗伯殷公  
 方面朱君薛君為郎時以與嵩有郟部欲罷之有附  
 嵩者部欲庇之臺皆持不可善類獲賴以全萬曆元  
 年 詔起原任不允所辭介行與親族決曰吾感  
 主上知遇出即還耳未期再疏乞骸骨遂歸先是嘗  
 割腴田三百畝入社備賑復歸乃別建鳳西書院又  
 割田四百畝給來學早極崇信紫陽躋泰和羅文莊  
 公獨至中年因有寤於大學知本之旨浸與鄉羅二  
 公語合晚年益以明學為首務讀書至老不倦為文  
 槩主六經而體裁一準西京詩歌儕建安天寶間無

辨所著詩文及永新志凡若干卷巳卯秋感疾卒年七十四

劉逢愷

劉逢愷字虞讓號策齋泰和人生四歲父攜入家廟觀時祭教祝詞一過成誦七歲日記數千言十歲屬文有奇思十九補邑庠生辛丑進士授慈谿令有婦與所私者謀殺其子而詭訴子被殺莫知為誰愷疑中必有伏姦夜夢童子訴冤明旦呼婦庭鞠知其私人殺之獄具復夢童子來謝曰冤幸伸矣上官聞之相顧嗟異自是他邑有疑獄必以屬愷靡不得其情

本朝分省人物考 卷六十八 三十一

者邑故苦茶貢上下權需靡厭愷為定畫一之法以杜公私科擾民既胥慶會郡守欲均他邑山稅於慈愷對慈有茶稅他邑所無如欲均山稅茶可獨累慈乎守為屈服慈故苦役法愷為稽冊覈隱較丁糧多寡為輕重諸豪右家以次受役民困頓甦會歲饑預粟為賑備慮民苦艱食請於當道修渠築堰俾貧者得倚募直相拯郵所全活既眾其秋田且倍收權工部都水主事適虜犯三輔京師震恐繕城修械諸役繁興愷承檄督治事集而人無怨苦為兵部武選主事預考軍政以持論不阿著聲已起權光祿丞是時

肅皇方有事祠禱費視常加數倍又閣宦王出總憲意索取莫可稽覈帑積屢告訕 上供不給 肅皇

劄下內閣問狀寺長貳惶懼莫知所對愷曰事當聞久矣先後蠹孔歷歷可考幸 上問宜請自今計日定費格月一 上報章諸出特 旨者別署目庶冗濫可稽覈奸宄無所於濫眾唯唯遂以疏草屬愷援筆具陳詳委亡慮數千言 上覽之色霽 旨下一切如議歲所省費無算迄今著為累令其在慈谿日嘗題縣齋楹柱云秀幹終成棟精鋼不作鈞政暇進諸生於庭反覆以所聞開導諸士翕然向風居常誨

本朝分省人物考 卷六十八 三十一

子姓必示以學所從出子孝廉少負才名每以藝成而下語折之丁卯孝廉得雋報至愷不以一時榮進為喜幸惟恐有負遭際時時教以日用應酬之間操練此心謙抑敬慎嚴於持已而緩於責人庶乎入道有基孝廉謹奉教

周子恭

周子恭字欽之吉安人幼有異質觸目而心解聞言而機生能超忽於眾之所難而脫落于人之所執少從谷平李先生游力行所聞砥礪名節譽騰江右以增廣生舉嘉靖辛卯歲貢第一歲貢故不以增廣生

實自恭始辛丑授湖廣永州府通判至官廉儉逾備  
 生嘗奉父母行肉食或不繼即行縣蔬食蒞事事已  
 嘿坐或走學官說諸生經義其他行罷建措一就已  
 意大率在慈惠省約人稱為周佛子署居江華主治  
 盜賊多瘴恭數數往久之得群盜出沒道路與攻守  
 之宜躬躡屨入徑洞樵諭廖道堅等廖感泣聽命卒  
 歲九疑郡盜魁數百人楚大饑臺省遣羅萬金恭執  
 不可比再至移通郡在官之食以應分樞其直纔六  
 十金上不逆令下不病農人服其敏檢郴州廩藏上  
 議易陳化滯可省歲覈文治僧訟當沒貲請市出增

衡州府志卷之六十八

三十一

江西

祀濂溪食其裔孫之貧者居五年當道上治狀擢德  
 安同知治如州歲餘以父喪歸當道廉之給喪費免  
 喪至京師補郎陽府 未上丁母憂禫而病明年  
 癸丑卒于家年四十八

劉元卿

劉元卿字調父號瀘瀟吉安人自幼雄奇穎敏既負  
 笈從伍盡吾伍門業麟經者各有秘錄斬弗與卿奮  
 然曰豈神授耶遂自出杆軸成一家言諸人皆驚詫  
 以為異入郡為青原遊與夫語曰昔之青原挾妓酒  
 人歌新聲者達旦自兩鄒公子入遂絕響卿聞而惕

衡州府志卷之六十八

三十一

江西

然有省兩公子即僉憲汝海官洗汝光氏時自東魯  
 歸嚶嚶以正學倡諸里人卿入山汝海以學嘗卿卿  
 喜動于心歸而陳諸宋儒語錄堆案盈几玩而三思  
 汝海退與汝光心畏者久之時周太守鶴臯羣諸士  
 試卿盡以所學發于論太守大奇以為真儒再出不  
 獨以科名器也入闈遂魁江西偕其師伍及劉侍御  
 輩仍以學相切砥礪辛未業入彀主司以其策多憤  
 激語遂置之殿江陵聞而大怒下禮部以飭多士卿  
 歸而師事三吾劉公倡學里中里中勃然興起甲戌  
 不第抹其引杜門不出從遊者日衆卿于諸先輩語  
 于蘭溪機稍動至聞耿氏時提生謂易一語欣然  
 自信曰孟氏不云乎四端充之足保四海吾方幸泉  
 不流也而故遏之火不然也而故滅之彼滅與遏者  
 二氏之流吾所不忍以此為學即以此迪人而所朋  
 復禮識仁中道一德諸院歲有常會西鄉諸習俗為  
 之一變嘗慨世之學者漫無實履與世隔闕是墮名  
 相俯首冥心鈎深致遠是墮理窟卿與衆人遊春風  
 習習人皆可親然徐而叩之淵懿粹穆人終不可得  
 而及夫使世儒知有真品有實用卿其人矣或者謂

公學度世有餘于出世一路未必無疑不知卿久學於性命之說豈不有聞顧不欲深語以啟世儒獵等之習耳年六十六卒所著有山居草還山續草大衆觀諸儒學案賢奕編六鑑舉要國史舉凡晤語測言思問編何莫編先正義方禮律類要明賢宗解發江證學大學新編行于世

劉 澗

劉澗字君東泰和人父爲浙東慈谿令生澗故名五歲能受西銘九歲問天地窮際日月往來之故稍長有丈夫志目光若曙吐辭音韻洪暢矯矯以氣節自

本朝分省人物考 卷六十八

年四

江西

任年十二讀書駕部齋閣時椒山楊以直諫得罪詔戮於西市終夕達屋空行至夜半陽已死慷慨歎曰楊公千載有餘烈矣始冠著尚志論又爲無愁子隱逸先生明空道人傳無愁子酒也隱逸先生菊也明空道人燈籠也隆慶改元舉江西鄉試試南宮下第大學士李得其遺卷心奇之欲致一見澗謝不可曰落第書生豈可自呈身相門耶後江陵張公欲致之東閣亦拒不相見荆王大傳李九標爲孝廉時相善李無子有一女杯酒修好未聘亡何李死女之母亦死人皆謂李氏一門衰落兩家子女尚幼且無媒

始解盟不待寒矣澗乃折柬告親友曰使李君未嘗見吾穉子而許之吾猶當撫其孤女也矧言猶在耳渝之不義遂迎李女歸至長乃婚其子及李氏爭產起訟太守汪曰李無子唯一女當分其貲產半予女餘以分同祖親乃獨辭不受曰吾成盟爲義也若分其產豈不反吾初心乎太守義之癸未下第有故人司選者勸就京秩笑而謝曰士能爲大用不能爲小用吾不敢當然能爲可用不能爲枉用君亦信我乎司選曰劉君志自匏落耳久之歷試南宮不遂欲懸車終養亡何母卒極其哀毀歎曰吾已矣夫二親不

本朝分省人物考 卷六十八

年五

江西

存吾年近艾復遂逐何爲遂投牒不仕明年有司致公車常費辭不受構終慕堂志孝思也又歎曰士不得志廟廊則游園亭適志耳遂築園以自怡名之司空曾公投詩贈曰爲園自擬陶徵士作賦人稱漢子虛辛丑建太子單恩 詔天下舉人不仕者授都察院都事予冠帶友人勸就之軒然曰吾真者已弁髦之假者何爲又感時事欲入燕上書過少宰鄧勸沮之歸構隱文館見志直指桐城方聞其素高尚無書不讀欲表其間且疏薦於朝力以託友人辭之其答區侍御書略曰不佞弟於陽明先生推尊太過或亦



不無緣弟童而習之終其身若臨我父母師保不似世人僅口耳而良知之也天生知者豈必堯舜文孔哉孔子且猶遜其生知自謂好古敏求而已然好古敏求衆人不知孔子獨知之即生知也文成問關烏道龍場苦心始悟大學一關舉世習訓詁而文成獨反求諸心以其苦心得悟誠為困知然舉世安於所習不知困而文成獨困則吾知困者亦生知也又鄒元標曰一日予過而諷公仕公曰劉生傲骨即仕又陶柴桑矣予笑曰柴桑官三月後賦歸來辭膾炙人口予一日不仕何歸乎公笑曰辭中有既往不可諫亦悔其仕而非與其覺迷塗而返吾寧不失足迷塗之為愈予曰若然又加柴桑一等矣笑而別一日公復過予論易子曰易之道在復吾輩惟擾擾名場欲場中情識熾如是非毀譽紛如無了期未有不至頻復迷復而滅頂者迷復之凶反君道也吾輩心為君君為主則百體從令故曰首出庶物萬國咸寧即不遠之復公起而言曰雷陽物也復之象曰雷在地中先王以至日閉關蓋欽其強陽歸于無有故曰剛反則亨予拜公曰公之廿年樞關獨處其有得於復之義耶公起拜曰不佞敢云不遠之復惟復以自知而

本朝分省人物考

卷五十八

王爾康

王爾康字道安廬陵人人生而淵默兒時常樂跏坐誦書纔十行人謂之癡辛卯領江西南省薦明年中會試乙榜例授教職士非年壯連困躓者多不樂就道安少年以母故遂為南城教諭奉李孺人以行人服其孝學傍招提有藏經道安官暇時往繙閱無遺者甲午應浙江聘分校禮經明年成進士告還才無僮僕寄鄉人試免者舟以歸明年選授行人初禮雲棲為毗尼師持淨業甚篤復棲心宗要參叩精猛忽與行

本朝分省人物考 卷五十八 王爾康

幹折觸而有悟其使唐又得首于松谷老人見既高朗所守彌下其行履純密雖衲子中精苦者不逮亦間為文詞伸紙輒就對客奕移時亦靡厭也夕常端坐玉味爽齋不沾席自言如彈指頃耳畢使上疏謝病居招提中無何瘍生左足已右足復瘡瘡大如盂初病時道安于定中見脛骨盡黑曰此宿業也既逝歛夕地震動屋瓦盡鳴陶望齡曰當萬曆乙未予從黃麻子輝潘吏部沐偕為會試同考官潘公懷二牘視予曰此一取一廢矣君以為何若干曰君所廢其人佳士不可失也潘君曰然業既裁定當奈何復以

本朝分省人物考

卷五十八

王爾康

視平倩平倩益振袂言君可憚百反耶吾二人助君  
為請竟廢取者取廢者其人即道安也後相從社中  
王人笑語往事曰豈亦多生香火因緣乎予常問道  
安入道奚功而可道安曰道無功也予曰無功何以  
進道道安曰無功之為功至矣既辭去一書從涿鹿  
來纔十數字曰直心易深心難有功之功易無功之  
功難嗟乎顏氏既沒後世之好學有聞躬允蹈之若  
道安或鮮矣儒釋之名偏圓大小之辨吾烏能定之  
哉

李勳

本朝分省人物考卷六十八

李勳

江西南

李勳字功大吉水人父即溫為公長者少敦貞介之  
行年三十不知卜婚里人號為拙隱君後娶蕭氏生  
三子而勳在仲少微吃兄熙數苦楚之問不速對輒  
擱面固忍不啼泣也母見面噴赤疑曰兄汝擱耶曰  
無也於是家人莫不憐之拙隱君買懷寧有息產勳  
因畱為懷寧弟子員是時年且三十一同舍生成以  
課業推勳及背誦諸經子書無遺字其條貫首繁悉  
有口傳屢為督學御史賞識比鄉試輒忘試日坐是  
竟不一遇又二十年以歲貢上禮部而拙隱君年又  
甚高求便養得河南新野訓導訓導故不得抗學論

督諸生諸生課業既無口傳每試教諭未有知指摘  
者勳乃日夕為說書正課業人人聞所未聞即有品  
評一一皆當莫敢背語有勤業者助膏火夜且具食  
勞之於是教諭讓服而諸生亦競于文教舊習一變  
新野久不舉鄉試陰陽家指學官倉儲為解會御史  
戴忠行縣勳自徙倉未幾諸生蕭聰齊雲相繼舉而  
新野地易歉市妖游食甚眾勳病之號于眾曰教化  
所以閑風俗風俗不經教之辱也今聚娼優誘無賴  
為奸汗諸生行有樗蒲蹴鞠射住能傾人家夫民性  
若水易下也耳目染濡將室家奔潰敗產廢業父兄

本朝分省人物考卷六十八

李勳

江西南

何利焉其共逐之隱弗告者治如法未幾奇案為之  
越境而徙勳故爽健善濟事成化乙巳河南大饑流  
移載道令不能採勳捐俸爾待之多所全活嘗攝縣  
朝廷遣中使禱太和山沿途怙索賄勳一莫應且嗾  
縣民挽車訴貧中使懼夜遁去當道數廉其才而勳  
亦以九載當代至京師考最陞永豐王教授永豐懷  
順王者賢士也文而下士往時衛教授老而罷教王  
諸子無狀數蒙詬詈及見勳豐願長髯肩若負鍾衣  
冠甚偉乃大喜謂諸子曰李先生真教授也而輩無  
若視衛然勳朝王從容授古今賢哲事為諷王亦從

容引謝退必起送盡階乃已未幾懷順王薨而長子

嗣王不敬喪勳為書以諫其略曰臣聞三年之喪天

子達於庶人無隆殺者本人情也今王喪未期而飾

袞輿馬國人駭嗟臣竊悲先王之盛志不續矣臣聞

祖訓者 高皇帝所以保佑後人慮至遠也今有十

金之產猶思念其祖父獨奈何輕身犯不諱乎夫御

女太早則體不內充馳馬逐獸則氣狂而易竭內外

之歡欲求永年猶膏自焚而焚之薪也產不燼矣且

節謹度滿而不溢者諸侯之孝也今王歲祿不增

而賜于太濫薄視先生親戚婚嫁不時宮室蕪穢殆

未可以聞于上也臣愚謂非痛抑而力改之不可以

保國謹上十事一曰法祖二曰厚倫三曰勉喪四曰

親賢五曰遠色六曰謹玩好七曰絕射獵八曰馭下

九曰別嫌十曰節用惟王財幸焉書上王頗悔悟而

勳亦有拙隱君喪將告奔王曰嘻吾可一日無先生

乃上教授善狀請無注代而自給半俸終喪傳王十

六年官事無弗與聞後王禮意稍衰覺之棄官歸王

弗能留念勳勤勞請進階准王右長史致仕復終身

上從之家居十五年族戚無少長莫不敬憚後里中

盜起白晝殺人過勳門呼曰公幸無恐我輩何敢傷

善人遂巡引去

鄂叔敬

鄂叔敬字一之泰和人生而敦樸吐詞恂恂俗所尚

機智一不能辨即誑之亦弗為意人因目為癡而處

士顧心獨喜往往自稱說若獲美譽者雅好施舍捐

棄金錢率自以為快歲大侵有鬻家畜以易粟者而

得偽金糶者繫以訟官處士不問誰何輒為之拮解

酬糶者金而釋之已復有嫗負粟登舟謾墮於水泣

涕欲自溺曰無以見主人翁處士聞而起之如其數

與之粟一日還自墓所獲百金於道需而迹其人其

人踰陶以來使自言其狀其人曰我妻人也貸金六

十商于廣三年而得百金今併捐之且夕富委骨溝

壑即不死忍復面吾妻見耶處士從容延之家而還

其金其人頓首以十金為謝處士讓曰而謂我欲金

耶而還百取十人情平卒却之與美飲食而去平生

不溺釋氏顧獨好放生有羅禽鳥為市者即買而縱

之俗好啖蝦蟇得者輒折其股益患其逸也處士恒

購其無傷者而投之澤中其仁心愛物多此類也邑

有澄江忽洪水瀾漫處士欲渡已舟矣適故人呼之

登岸握手夷猶有兩蝦蟆戲于橋畔諦視久之已欲

復渡而舟已先發中流溺矣里中人益咄嗟興歎謂處士修德行義報若此也性篤孝友侍其父某翁暮齒曲意色養不違其志身所置產悉券其父名曰當與仲均之不令兒子得私也其行誼誠表表一時者哉

補遺

王思湛

王思湛江西安福縣人洪武初由薦辟除四川道御史抗直死職

張衡

張衡字子平江西吉安萬安人洪武乙丑進士授禮科給事中疏奏剴切二十年擢禮部右侍郎二十二年轉左侍郎奏定洪武禮制定式會歲行郊祀選百官行最者十三人登壇分獻衡與焉 太祖屢嘉其清慎以其事載大誥每 宣召輒呼為瘦張而不名二十三年九月諭衡同左都御史詹徽等曰有司供宴擾民今後支與官鈔布政司一千貫以下令詳議以聞十月衡等奏行遵守凡遇正旦 聖節冬至分宴錢於本處官錢內支給無府州縣都司衛所移附近近有司關用每節布政使一千貫在城都司衛所附

郭大小衙門官吏師生耆民俱赴本司筵宴府有都司七百貫以下各有差州有衛五百貫縣有衛四百貫以下有差無有司衛四百貫所一百五十貫後又議有司官朝覲每員給盤費鈔一百貫在任歲支柴炭鈔五十貫又定引錢為堂食費未幾以言忤 旨卒於官

劉祿

劉祿字子敏江西泰和縣人洪武初由貢士除山東道御史建言謫侯官知縣又言事謫本縣與史永樂初起補河南道尋陞山東副使調廣東疏請養病卒

彭與明

彭與明萬安人洪武中入太學選授兵科給事中建文初陞大理右寺丞北師起擇有風裁知兵事者督察諸將衆推與明遂出淮西至靈壁而何福已戰敗矣與明被執 文皇縱歸令傳語中朝士與明裂冠冕棄官變姓名遁去不知所終

劉遜

劉遜安福縣人成化十四年進士由永嘉知縣選御史建言 詔獄降豐州判官陞武岡知州復裁戒府祿米逮繫 詔獄謫四川行都司斷事陞湖廣僉事

本省副使以忤瑾又逮獄奪職尋陞福建廉使致仕

王學孔

王學孔安福人進士性稟醇篤實意御民嘉靖初守嘉興時旱蝗相仍齋戒步禱甘雨時應歲復疫癘乃大洗犴狴又為發粟賑饑全活甚衆聽訟未嘗妄撻一人有蒲鞭風至豪右有權力者毫不假借更飭育材別館文學駸駸盛矣及遷湖廣副使士民為肖像立碑焉

劉 愨

劉愨萬安人字致卿甲辰進士嘉靖辛亥年出守嘉興時值夏旱率僚屬齋戒徒跣拜禱赤日中月餘不懈卒得澍雨歲大稔癸丑倭夷侵境愨撫膺揮涕率軍民晝夜防守每寇至洞啟四門入郊關勇婦多所全活且身自出城激勵三軍以致大捷時撫按交集視師新置督察大臣供臆百出殫力承事纖芥無擾於民有挾權凌之者侃侃不屈惟以禮自守隱忍以濟大事其經營平善崇祠四城委曲調停故雖建大工而民不知費舊額瀕海歲貢黃魚平湖邑民過熙具疏懇免該部下郡酌議愨極言其非便卒得停免至於廉介之守終始不渝寬大平易不黍龔黃

傅應禎

傅應禎字公善安福縣人隆慶五年進士由源水知縣選河南道御史會災異建言觸張居正下獄拷訊遣戍十一年詔復原官陞南大理寺丞告病起補原官卒贈大理少卿

劉 臺

劉臺字國基安福縣人隆慶五年進士由刑部主事改福建道御史巡按遼東首發張居正奸惡詔下獄廷杖為民居正喉撫臣誣奏謫戍潯州卒居正敗贈光祿少卿廕一子


曾乾亨

曾乾亨字于健吉水縣人萬曆五年進士丁一年由合肥知縣遷山東道御史建言降海州判官陞大名府推官累陞大理少卿卒

劉應秋

劉應秋號允陽吉水人萬曆壬午發解癸未一甲三名授翰林院編修丁亥養病已丑復除原官本年陞國子監司業壬辰陞右春坊右中允管司業事癸巳回坊充日講官甲午陞司經局洗馬乙未陞右諭德掌右春坊庶子丁酉陞祭酒己亥致仕壬寅卒文章

大雅不羣深有意經濟在國學時約束生寬嚴得體惜未竟其施云



本朝分省人物考卷六十九

四十六

人物考卷之六十九目錄

江西瑞州府

胡璉

朱益

楊潤

陳政

朱漢

王相

黃山

傅興

謝麟

陳祥

袁州府

劉仲質

龍鐔

劉迪簡

黃子澄

本朝分省人物考

卷六十九目錄

一

歐陽汶

李香

郭紳

高琬

贛州府

陳勉

黃德潤

董越

袁慶祥

丁積

胡易

黃弘綱

何泰

南安府

蔡原啓

賴禮

劉永

蔣誠

蔣銘

張九達

劉節

黃養蒙

鄭溥

目錄終

本朝分省人物考 卷六十九目錄

十一

本朝分省人物考卷之六十九

江西瑞州府 袁州府 贛州府 南安府

胡璉

胡璉字商用瑞州府高安人少從豫章陳仲易學尤  
邃於易然兩弗偶於有司當時莫不惜之未幾元季  
兵起杜門索居惟事親為務母喪終制弗御酒肉父  
旅歿於括蒼時道阻不通璉蒙難躡蹻走二千里卒  
負骨以歸人人歎異之歲癸丑五月袁州偽帥歐祥  
遣右丞劉敬襲筠陽據之一時名流皆為所羅否則  
必遇害璉獨歛迹避去甲辰冬大明兵至江西諸郡  
望風納款大將軍分兵告贛聲言不亟降者屠其城  
劉敬聞之大恐計無所出則謀掠士女金帛火筠陽  
退保新昌城中民皆惶懼晝夜號泣璉知事急乃往  
見敬麾下偽院判雷均正員外袁友德曰汝等乘時  
竊據今日復能有為乎恐首領不保奈何友德且駭  
且問璉曰事已迫矣不早為之所恐且免釜魚須臾  
不復有生意筠城既不能保况新昌乎且天命人心  
已歸 真主觀其用兵可知矣大將軍兵之所至無  
攻不克無戰不勝迅若電掃汝等固戕此一城生聚  
然汝亦困迫就縛矣知者貴知幾失其幾悔無及也

友德默然良久曰君言是也於是乘傳至臨江以其事白于大將軍深喜欲即官之苦辭不敢願且歸述敬等來降乃賜衣一襲俾還筠陽於是敬等相繼出降城中以戶計者十萬以口計者五倍戶之數皆懽然相慶以爲更生至今遺黎故老告其子孫曰若等得廬爾居佃爾田胡公力也洪武八年擢教句容直諒忠信士子化之未終三年淹以疾歸無復留心世事所著有易學會通年七十有五得疾遺命其子治喪不用浮屠將易箚親友環視強之曰灼艾或可起連舉手加額曰君子貴知命某年七十五得全歸宜

本朝分省人物考

卷六十九

三

江西

矣言訖遂終

朱益

朱益高安人永樂末進士授刑部主事獄多平反陞郎中尋卒廉靜寡慾宦游不挈妻孥卒時唯一僕侍命之曰未能報吾君親歸以忠孝二字語吾子孫

楊潤

楊潤高安人永樂末進士授御史善持法人不敢干以私累陞四川布政司叅議時重慶旱饑潤發官廩全活甚衆歷官三十年囊橐蕭然家居唯務讀書而已天順間進中憲大夫歲給祿米五石年九十一卒

陳政

陳政字以正瑞州府新昌縣人天順甲申登進士第初授工部管繕司主事遇事輒處得宜有豪右侵占畿內官地反誣隣僧政往勘得實皆感服及監收薪炭出納公平無敢厚取以自私者夫役德之將受代爭赴闕下言政不可去遂復留一年績譽日著成化三年姚文敏公爲吏部乃奏改文選司主事辛卯陞驗封員外郎丁酉充副使封遼府長垣壬戌陞陞郎中推選補通政司右叅議庚子轉左叅議壬寅進右通政癸卯丁內艱服除轉左通政丁未擢工部右

本朝分省人物考

卷六十九

三

江西

侍郎尋轉左侍郎是年八月 憲宗升遐奉勅營建山陵上祝以衰老辭不允 上念督工之勤累遣中使以重書下勞并賜羊酒白金等物及工完勞賜之者尤厚已酉京師大水奉命督修盧溝橋及內外倉廩之傾圮者辛亥禮部災督工修建皆有勞賜弘治戊子河溢汴梁之東蘭陽鄆城諸縣皆被其患勢迫運道糧不可支議者以地兼河南山東及南北兩畿事不獲已得大臣總理庶克有濟 上命政往又以為不盡職則令不肅兼都察院右僉都御史賜以重書而特政蒞其境方將度地勢以圖修浚行至



儀真疾作遂卒年五十四訃聞 上命有司諭祭仍治葬事

朱漢

朱漢高安人成化初進士授太常博士陞南京監察御史彈劾不避累官陝西按察司副使風裁凜然奸貪縮首至今懷之歲時報祀

王相

王相新昌人成化初進士授監察御史文行重一時未幾以親老歸養二十餘年日與羅一峰遊弘治間起復為御史陞廣東按察僉事

本朝分省人物考 卷六十九

黃山

黃山高安人成化乙未進士授行人屢奉使不以毫髮自污尋擢監察御史巡按浙江浙風弊懲奸貪雖親故無所假借風采動一時陞廣東按察僉事

傅興

傅興高安人性至孝父疾感夢百里外徒跣求醫得撫絕嶺古井水調藥愈祖母曹氏孀居為華林賊所掠欲殺之興渡水以救賊以巨梃壓之梃忽斷賊驚興釋之事聞詔冠帶表其門

謝麟

謝麟高安人應例監生正德初華林賊劫其家麟負母以避賊追尋益迫家人連之走麟曰母在安可棄乎既而賊劫其母麟奮力奪之母獲免竟死于賊

陳祥

陳祥字應和高安人舉進士筮仕上虞多善政服闋補華亭華亭壯邑令恒敗于利祥以令召為監察御史所至伸冤抑折豪強墨吏望風遁直言危論風振一時當路陰忌出知惠州府祥至斷獄如流民告理齋糧數合計刻白事時有陳半升之謠民有二女嫁為比鄰者姊素不孕一日妹產子而姊之妾適同時

本朝分省人物考 卷六十九

產女乃棄其女而號于眾曰妾產子也夜燒妹旁舍

聞妹夫婦赴火所乃竊抱其男歸為己子妹覺往索之弟于因訟於府無他證不能辨伴言曰必殺此兒事即了耳乃置棄注水堂下引二婦出取兒密論一卒謹視之乃伴怒此卒詐為投兒狀復令左右迫二婦出其妹夫聲爭救不可得則顛號仆堂下姊妾竟去不顧祥曰事白矣以兒付妹而杖姊妾一郡以為神長崇強寇張林二渠魁負固劫殺祥諭百姓樂業因賊賊禁密召所嘗受賊害者授之方略伺其歌飲一鼓擒之在任三年陞廣東副使廣人習聞其風無

敢作姦三年陞河南叅政分守大梁吏民畏愛陞福建右布政使未半年遷左布政順天府尹右副都御史總督南京糧儲尋改巡撫應天等府東南財賦之地吏多冒沒極力搜剔南畿宴然屢疏乞休尋以嫌隙被論待勘家居二年 朝廷急欲起用詔起論者蓋併力遂以副都御史致仕年餘卒六十一卒之日所居荷山北厓墜巨石數十聲如雷

袁州府

劉仲質

劉仲質字文質袁州府分宜人洪武初舉爲宜春訓導有薦仲質好學博通經史者召對稱旨授翰林編修官至禮部尚書十五年詔天下祀孔子增修學校上諭仲質曰孔子明帝王之道以教後世使君君臣臣父父子子綱常以正彝倫攸叙其功參於天地今天下郡縣廟學並建而報祀之禮止行於京師豈非闕典卿與儒臣其定釋奠禮儀頒之天下學校令每歲春秋仲月通祀之是年設諸殿閣學士職如宋制

命仲質爲華蓋殿大學士 上親製誥文後緇爲監察御史卒

龍 鐔

龍鐔字德剛萬載人洪武十三年貢爲國子生授浙江按察司副使降長洲知縣尋陞晉府長史建文中靖難師起徵兵於晉鐔以大義不可靖難後詔械鐔至不屈死之有收其遺骨得所自書贊云

劉迪簡

劉迪簡宜春人幼通經學國初徵授尚賓館副使屢陳時務進皇王大學通旨使交趾卒于南寧所著有

尚質文集

黃子澄

黃子澄名湜以字行分宜縣人少從邑人歐陽貞受周易周與學受尚書靖江梁寅受春秋博學負俊聲游鄉校同舍避席賦寒江把釣圖及枯梅詩人誦之洪武癸亥膺貢入太學明年鄉試第二名乙丑會試第一廷試及第第三人授翰林修撰尋兼春坊官侍東宮講讀二十五年遷少詹事兼修撰二十七年累遷太常卿 皇太孫立諸王以叔父之尊多不遜服一日 太孫坐東角門召子澄謂曰諸王尊屬各擁重兵何以制之子澄以漢平七國事為對 太孫喜曰得先生謀吾無慮矣及即位兼翰林學士與齊泰皆用事時周齊湘代岷五府相繼煽動 上一日朝罷召子澄謂曰先生憶昔者東角門之言乎子澄曰不敢忘也然須密退與齊泰謀之奏欲先燕子澄曰周燕之母弟取周即剪燕之手足而燕因可圖也入白之 上遂遣曹國公李景隆圍河南迫周王橐至京遷之雲南徙代王棖於邊湘王栢聞討狼狽闔宮焚死齊王榑囚之京師岷王梗降為庶人至於燕藩亦摭其事加誚讓 朝廷以子澄為功褒賞之時

燕王子高煦高燧皆在京齊泰欲先收之子澄曰不可事覺則彼先有名遂遣歸尋悔追之不及會燕上

書救周罪子澄指為連坐決計討之已卯三月命都督宋忠等北征七月靖難師起首以誅齊泰及子澄

為名遂破雄縣懷來遣長興侯耿炳文禦之互有勝負子澄慮師老遂請 上班師詔以李景隆為征虜

大將軍率諸將兵凡百萬以往景隆自負有文武才

上寵信特深甫行餞之江潯賜犀玉帶諸將各一賞

賚無算子澄授以指畫景隆依違而已未幾攻北平

城累戰皆大敗奔還赦不誅子澄哭諫曰景隆出師

無紀度意在觀望不誅之以謝宗社何以懲將士不

職已而徐凱盛庸繼踵敗衄顧成等皆降子澄拊膺

大慟曰大事去矣萬死不足贖誤國之罪乃賦一詩

以痛詩曰仗鉞爭登大將壇貂裘遠賜朔方寒出師

無律真兒戲負國全身獨汝安論將每時悲趙括攘

夷何日見齊桓尚方有劍憑誰借哭向蒼天幾墮冠

聞者哀之尋用侍臣議詔謫子澄及齊泰於遠方以

快敵意其實使之募兵也時諸將猶守淮南而成

廟忽渡江矣谷王一云與景隆開門迎附子澄出走

蘇州詔執之捕獲責問不服死之命赤其族一子逃

本朝各省人物考 卷六十九

九

江西十三

本朝各省人物考 卷六十九

九

江西十三

難易姓爲田經宥始復姓家湖廣咸寧孫表登正德辛巳進士

歐陽汶

歐陽汶分宜人以經明行修舉授開封府學訓導改永康不受士贊師範嚴整進國子學錄嘗上疏論事幾得禍祭酒丘文莊器之遷周府長史改伊府致仕定足跡不造城府時論服其清介

李香

李香字汝蘭號澗山分宜人由進士拜都水主事管徐州洪洪近例每民船一納錢十半入官半入夫香

本朝分省人物考 卷六十九

十一

江西十三

痛革之荒疫頻仍多方構糴又借銀買藥剉置衙前井中令人得自汲疫者以甦又查出近洪官地可耕者立義倉四爲備荒計轉刑部擢廣東高肇兵備僉事內艱服闋補山東累官至都察院右副都御史巡撫四川進大理卿各物贖儀及水手諸名色咸峻却之至瓜州有都蠻距城數百里其酋長偕部下數百人以彪鎗鎗劍及諸葛銅鼓來獻用表歸化香命官屬以冠帶員領授其長因教之禮拜又示之訓子弟尚禮儀服貢賦之略諸蠻欣謝而去以疾歸卒

郭紳

郭紳字廷章袁州府宜春縣人溫醇簡默蚤有文譽成化乙未登進士授海寧令興學勸農鋤強惠弱立養濟院以恤困窮葺正學祠以崇節義擢爲御史力持憲體弘治二年擢襄陽知府十一年陞苑馬寺卿歷左布政正德五年陞南京太僕寺卿六年陞南京大理寺卿七年陞南京刑部右侍郎爲人清介不設城府人稱爲長者云

高琬

高琬卽劉琬字德資袁州府宜春縣人成化戊戌登進士十九年授上海知縣二十三年丁憂弘治四年

本朝分省人物考 卷六十九

十一

江西十三

補知松陽縣召爲南京貴州道監察御史十二年陞松江知府正德元年陞陝西右叅政三年陞湖廣右布政使五年陞浙江左布政使六年拜右副都御史撫治鄖陽器貌端重爲政矜嚴持大體曉達民事慎飭名檢所至舉其職而上海松江之政尤稱最上海松屬邑也地太賦繁琬至減官糧加耗奏以餘糧編銀僱夫民稱省便官稅徵解歲有羨餘數百金前政者例受之留貯以葺學舍齋閣解宇館傳之敝圯者鋤抑豪強發摘姦伏屢辨疑獄終其任無敢干以私聞父喪卽日就道居臺端風裁凜峻出按蜀戎籍持

平不苛稽審有法衆號得體適松守缺松人咸願得  
 為守語聞吏部以琬往益前在上海威信既孚於民  
 又熟其利病及為郡益邁往踔厲凡所興革弛張務  
 建久長用文學飭吏治考大成之樂聞詣學宮飲射  
 讀法率學官弟子親為講說課試高等者慰寵之飭  
 陸宜公周文襄之祠表忠節貞孝百廢具興松故饒  
 財俗尚侈靡身為儉約先之食不重肉客至豆觴魚  
 鱸果脯一飮而已禁饗燕併優雜日不一陳於前撫  
 耶時劇寇劉七猖獗連為鄧襄蜀數州之患都御史  
 彭公澤專總制受勅調漢土兵併力追勦計畫勞勩  
 本朝分省人物考 卷六十九 十二 江西十一 洪

渠黨就獲軍書并勵有襲衣白金之賜衆方多其功  
 顧為言者所抑八年得旨召將別用之琬還過家即  
 卧不復仕有司議平賊功猶以白金綵幣即其家賜  
 焉 世廟登極推恩廷臣詔賜誥進階通議大夫家  
 居十五年八十有五履行重一時前後部使致致粟  
 帛禮於其廬琬三世皆仍姓劉嘉靖壬午子祉領鄉  
 薦會試禮部始疏於朝復姓高

贛州府

陳勉

陳勉字希進贛州府寧都縣人永樂丙戌進士任廣  
 東道監察御史秩滿陞廣東按察副使未幾召還進  
 左副都御史尋改南京大理寺卿平反獄訟多所建  
 白時論稱之進陞右都御史纔期歲即上章致仕未  
 幾卒勉外和內剛通法律多吏能臨事敏捷無負其  
 職

黃德潤

黃德潤信豐人正統末進士時 英廟北征有內侍  
 本朝分省人物考 卷六十九 十三 江西十一 洪

潛為虜謀者德潤知之格殺于庭拜武選主事有武  
 臣納賄求遷秩德潤抗疏劾之平生廉介方剛明無  
 私謂病革以家禮授子震曰其以此治吾長無作佛  
 事以壞家法

董越

董越字尚炬寧都人生五歲失怙為母氏所鞠比弱  
 冠極力孝養以其暇學舉子業補府學天順己卯舉  
 鄉貢試禮部輒不利卒業國監攻苦力學雖敝巾垢  
 服名隱起儕輩間成化己丑進士及第初命為編修  
 乙未戊戌皆同考禮部時稱得人丁內艱歸用禮裏

事舉先世田業讓其兄睦處宗鄙不以貴加人人無  
 問疏戚貴賤皆樂與之親有訟者懷金以請笑而不却  
 之亦不怨也九載考最進侍讀癸卯典京闈鄉試甲  
 辰直 東宮講讀丁未充經筵講官尋以登極恩進  
 右庶子兼侍講會 朝廷頒朔于朝鮮特命奉使賜  
 麒麟服以行至則宣德意正王度餽贈無所受居三  
 日而還乃作賦以紀國俗他所題詠尤多國人餒諸  
 祥以傳弘治己酉典試南畿辛亥修 憲宗實錄成  
 擢太常寺少卿兼侍講學士壬子進講敷奏明暢義  
 歸于正 上每為注聽齋予尤歎癸丑擢南京禮部  
 右侍郎越博古典習聞本朝故事而職務清簡無絲  
 自見大夫士議禮者多取決焉三年考績 師時其  
 子天錫已舉進士留累月乃去拜南京工部尚書凡  
 上供服器藩王張具暨都城內外土木之費日旣午  
 不絕越應之緜然有餘平生為文章歌詩典雅優裕  
 無煩雕琢至是猶不廢著述積所得為圭峰稿若干  
 卷壬戌五月以疾卒壽七十二越脩眉長身骨格清  
 聳雄談健步益疆力而性行恒固量度優遠識者謂  
 為壽考之相不意其遽止此惜夫

袁慶祥

袁慶祥雩都人成化中進士累官廣東僉事在國學  
 建言五事所指斥皆人難言者歷官有聲性剛正寡  
 合謝事歸隱龍溪好學忘倦

丁積

丁積寧都人成化中進士授新會知縣毀淫祠杜私  
 謁綽有善政卒于官民為立祠陳白沙哭之以詩云  
 有廟旌遺愛無錢返故鄉

胡易

胡易寧都人弘治初進士授給事中立朝敢言風采  
 凜然所著有易經淵源學者宗之

本朝分省人物考 卷六十九

十五

黃弘綱

黃弘綱字正之號洛村雩都人以詩經舉丙子鄉試  
 第七人丁外艱往兄弘彝墜父貲不能償父怒將杖  
 之綱憐焉自代三百金以解陽明先生聞而異之嘗  
 謂士人曰黃君來何遲也既小祥始上謁三日而悟  
 心理合一之旨凡所誦說即能無悖於先生先生之  
 教士人也擇資之近者特置左右時掖笏頓挫而造  
 就之知用力矣則又諄諄操習其誦說與已無悖士  
 人初至者令先以意接引且察其性行何若俟漸領  
 略徐共面語故已不勞而人易知綱首在造就中日

以接引得朋友益故從先生去度至歸越不忍離者  
四五年戊子冬先生道卒門人做築場義歲擇一人  
紀其家網居守二年久之思得一職自試甲辰授福  
建汀州府推官執法明峻能聲漸著戊申召為刑部  
雲南清吏司主事又明年北虜入寇 皇上震怒邊  
將多逮西曹或不盡法即加責問畏罪者務深刻以  
希旨綱直據法遣之不輕進退往往忤人以故讒者  
四起辛亥當考察期例予謫調因上章請得原職致  
仕報可既歸士人有所請質瞪視注聽不遂舉似以  
俟意盡眾論既畢徐擇一二言諷之不競談以眩所

本朝分省人物考

卷六十九

六

江西

知意態含蓄未易涯涘然善啖喜浴曾不自異辛酉

五月二十八日卒其學且再變始者持守甚堅其後  
以不致纖毫之力一順自然為主至其平生始終曾  
未少變大抵厚於自信而薄迎合長於持重而短機  
械倉卒不撼可以鎮燥心瑣屑不入可以消鄙見古  
所謂不為嬰兒之態而有大人之志者

何秦

何秦字廷仁號善山雩縣人為諸生時同邑黃落村  
以所聞陽明之旨盡告之秦曰我昔恨不及白沙之  
門意斯道不復有聞於後也由今所聞又異他求或

謂恐不利於舉業家貧親老柰何洛村曰嘗質之師  
云道也藝在其中矣道猶根株藝特枝葉耳於是同  
趨虔臺至則陽明提兵桶岡又相率趨南康執贄焉  
是時秦有繼母之喪斬然以衰見陽明日是可謂不  
學以言而學以躬也嘉靖壬午領鄉薦已而陽明在  
南浦則左右于南浦在越則左右于越陽明既沒辛  
丑始謁選為令得新會喜曰茲非白沙先生之鄉耶  
數十年夢寐今始及門至則掃祠宇召諸生為期而  
會設條而教久之環祠門而聽者踵相接也乙巳陞  
工部主事辛亥卒

本朝分省人物考

卷六十九

六

江西

南安府

蔡原啓

蔡原啓上猶人洪武中由歲貢拜監察御史剛正有

風裁

賴禮

賴禮南安人永樂初進士第累官興寧沅江知縣廉  
介不阿所至有稱卒于任民哀思之

劉永

劉永大庾人永樂末進士任刑部主事轉郎中才名  
甚著陞荊州知府興學勸農一郡翕然稱治以幼規

本朝分省人物考

卷六十九

十七

范育

藩不法繫獄朝審直其言仍復職以憂去郡軍民幾  
千人走京師懇請特命奪情起復歷官十七年卒  
於任闔郡之民哭拜於門者日數百人立祠為祀以  
志不忘云

蔣誠

蔣誠大庾人永樂末進士授巴縣知縣牧愛得民去  
任祀于名宦祠擢監察御史風紀振肅陞廣西按察  
司副使威惠並行俱稱得體事親甚孝以仕終養鄉  
人賢之

蔣銘

蔣銘大庾人宣德中進士授主事歷吏部郎中陞雲  
南澂江知府平生清介不屈所至人不忍欺比致仕  
尤以風節自持非公事足不入公門

張九達

張九達大庾人弘治中進士由揭陽令陞南京禮科  
給事中彈劾不避風采卓然累官湖廣叅議士民戴  
之為立碑起復改廣西有征蠻功卒于任追陞秩馬

劉節

劉節字介夫南安人生而穎異十六充郡庠生弘治  
辛酉元旦賦詩有筆掃萬夫之志督學邵寶得其文

本朝分省人物考

卷六十九

十八

江西十三

嘆曰雄才可空冀北矧江右乎比鄉試待御周公進  
隆素負經學得節卷大愜服遂擢第一乙丑會試名  
在第六及廷對敷陳剴切遂寘二甲授兵部武選  
主事時迎瑾竊政偶忤時宰謫尹宿松宿松邑小事  
劇民悍吏緣為奸節發摘如神有假威肆釐者廉得  
其實斃之杖下合境肅然勸農興學邑遂大治甫二  
載晉守廣德癸酉晉四川提學僉事欲疏終養母止  
之曰汝當育賢圖報勿以我而後君也汝昔赴考貽  
我慮多矣按歷必毋憚遠庶體我心乃往蜀申條約  
正倫理首明關雎之義婚姻以時縉紳斐然向風歲



試諸生雖僻遠必至遵母教也少師石齋楊言諸朝曰吾蜀董學得人矣丁丑晉雲南兵備副使已卯復奉命提學廣西癸未晉福建左叅政宅憂起復補任河南督理糧餉丁亥晉浙江右布政使已丑冬晉都察院右副都御史巡撫山東庚寅奉勅總督江淮漕運仍兼巡撫即疏漕政五事巡撫五事復申議政八事巡撫六事次第行之嘗奉命祭告祖陵

皇陵以祈繼嗣又疏舉人才特及泰州布衣王良等懇請裁革營倉內臣貂璫介胃寂不敢肆積最進階資治尹蔭子音國子生壬辰晉刑部右侍郎癸巳星

江蘇 卷六十九 十九 黃昇

詔從其請年八十六卒輯有廣文選周詩遺軌春秋列傳兩漢七朝文數聲律發蒙並行於世

黃養蒙

黃養蒙字存一南安人少而警敏凡書史入目輒不怠撰著一脫手輒不易嘉靖辛丑進士授遂昌劇邑前令為豪猾所誣抵蒙廉其非辜白出之為民均徭役民大稱便政暇則延諸生講論道執葦葦無少勸擢吏部稽勲主事徧歷諸司累轉至考功郎中計吏之歲日夕居曹中一切杜私謁所旌別去存悉協輿

論事竣遷南京太常寺少卿晉光祿卿四十年晉南京戶部右侍郎諭二載調戶部端慤重厚雖容有雅度南安故無城戊午邑燬於寇力贊夏尹汝礪築城之議已而寇復至邑賴以完廿尹官議瘡萬石陂復悉憑之二事為邑百世利皆成於蒙里人德之深相率肖其像祀之歿遂昌亦祀之名宦祠

鄭溥

鄭溥南安人由進士為無錫令無錫故名為富而多仕者為令者往往股取殄用其財而逆以機數構嫉上大大夫溥至按都鄙賦役之籍資以諏訪得其禮俗

江蘇 卷六十九 二十

所由壤壤曰茲邑生迫而斂重若此乃謬以富得名民方以媮侈邀佚招四方之目其奚以免因語民以奢賤儉存設陳得失禁戒明白發於惇惻自以裁貶一身服御為率至其張具上官館遇過客交際士大夫舉指於舊度豐約之中使財僅足以成禮而不為浮尤各興作舍館舟輿苟有可因不妄變革曰勞民以悅人非吾心也既不匱財以傷民心始稍取境內一二巨室橫放難論者重寘之法以示威曰如是足以致刑矣一與民相安為寬乎暇則與士大夫相賓接驩不失節士大夫憚以私瀆聽退勅其家亦莫敢

有撓也客或見坐縣堂從容不苛庭中常空異於東西行過縣所見怪胡能然溥曰惟不擾人以自累耳秩滿陞南京戶部主事維揚置分司權舟有大小二關舊皆征之溥往司權謂某府史曰征利而為是鉞細髮密雖取贏胡足貴通其小關恣舟行莫誰何之權計以足乃知諸為細密者非專為國增計也積資員外郎中擢雲南府知府未赴任以父喪歸喪免侍母不忍去左右居歲餘母病卒服除赴鈐旅卒都下年五十六

人物考卷六十九

十一

上

本朝分省人物考目錄卷之七十

福建福州府

吳海

鄭旭

趙明

陳申

王褒

王恭

林碩

林誌

陳景著

鄭閻

林鈍

鄭珞

林元美

陳暉

陳叔剛

吳復

本朝分省人物考卷之七十目錄

薩琦

翁瑛

趙榮

陳瑋

謝士元

林瀚

林庭棉

林庭機

陳紀

林泮

鄭善夫

林黼

黃季瑞

林偕春

鄭愷

鍾耆德

羅泰

龔用卿

蘇夢暘

陳

庚申

補遺

孟玘

邵銅

王鼎

林鉞

葉奇

本朝分省人物考

卷之七十目錄

二

本朝分省人物考卷之七十

南直督學御史西浙過庭訓纂集

門人蘇松備兵副使南郡熊 膏參閱

男 過銘盤

過銘孟

過銘簞

懷遠訓導武陵胡應魁

寧國府學生員嚴弘志

句容縣學生員劉孔陽全訂正

福建福州府

本朝分省人物考 卷之七十

福建一 滿三

吳海

吳海字朝宗號魯齋閩縣人在元季以學行著稱時四方繹騷所在盜賊紛起遂絕意仕進深自韜匿間與同志者講說經義賡相唱酬一時名人如貢師泰王翰林泉輩皆重其人深敬畏之 國初部使者欲薦于朝有司轉相推轂海力辭不就闢一室於家園隙地酣經枕史娛適其中因採撫古人孝子順孫節婦烈女及兄弟之相友娣姒之相宜者附以感應禍福各爲一卷以傳布閭巷令小生穉女誦而習之名曰命本錄謂克培其本則司命者皆無權也又著書

論楊墨佛老爲六經之賊管商申韓爲治道之賊遺事外傳爲史氏之賊支詞蔓說爲文章之賊謂上之人亟宜取其書而禁絕之使天下曉然知正道之當趨岐徑之當塞名曰書禍平居喜聞過或有告之者立改其失因扁其延賓之所曰聞過軒常慕鄒魯士風之淳厚屢欲徙居而不克因以魯齋自號志所願學也其爲文嚴整雅與咸有矩程而一歸諸理後學咸宗仰之有聞過齋集行于世

鄭旭

鄭旭字景初閩縣人洪武中以學行薦爲國子掌儀上幸太學親選才行兼備者十人以傳東宮旭名第二後以蜚語謫吏滇南至二十餘年復以經明行修被薦詔起南安縣學訓導嚴立課程勤于督誨未幾卒士子無不慟哀悼惜者旭居家孝友與人交篤于信義一時名士如王偁林誌特相友善其學主以五經旁獵子史所著有初學提綱咏竹稿藏于家

趙明

趙明字景純閩縣人洪武中由國子生拜雲南道監察御史與同列七人俱忤旨處以大辟明獨以狀貌英偉特赦爲編氓三十二年以薦授閩清縣學訓

導永樂初擢知上饒縣乞仍舊職以便養親不許既抵任悉心民事正風俗革吏弊均賦役審權量息盜賊治聲茂著在官幾三載日惟二食及卒衣笥中餘白金僅一兩邑人哀之如失父母相與立祠祀焉

陳申

陳申字孟庸閩縣人博學善文詞與林鴻鄭定諸名士相友善洪武間以薦爲衢州教授尋擢潮州知府有惠政人稱爲文章太守號籽齋

王褒

王褒字中美閩縣人博極羣書少有詩名洪武中以明經貢入成均頃之擢舉應天親歷瑞州長沙兩郡博士遷永豐尹褒治永豐課農桑興儒學縣無遺事永樂初年朝京師考上最已而以文學表修高廟實錄遂擢爲翰林修撰及修永樂大典勅克總裁官褒性剛正居家以孝友聞與人交敬久而不衰人有善汲汲然獎進之閩志列在儒行傳中有集若干卷

王恭

王恭字安中閩縣人也瓌陶皆山而恭家故貧則爲樵往來羣山中自稱曰皆山樵者恭善爲詩援筆纒懔千言立就文皇帝四年有司以儒士薦強起至

京師年六十餘老矣 勅修永樂大典同郡王偁爲翰林檢討同纂修戲謂恭曰君無以會稽章綬故來耶恭從容笑謝曰吾山中斧柯幸自無恙君無深誚我爲矣居三年大典成試詩高第授翰林典籍居頃之投牒歸著詩數十卷號曰白雲樵唱其在金陵曰鳳臺清嘯歸田曰草澤狂歌軼不盡傳廬陵解縉稱其布衣蕭然不慕寵榮強之而起朝陽鳳鳴此足以見恭矣

林 碩

林碩字懋弘閩縣人永樂十年進士拜監察御史宣德初奉命按浙江擊楫埋輪毅然負澄清之志尋遷兩浙按察使時有中貴人裴可烈督運于浙湯千戶者賄結之倚其勢橫郡邑間碩稍繩以法中貴人怒訴於 上誣碩格詔出誹謗語逮至闕下碩叩頭言臣前爲御史官七品今超遷按察使三品臣惟恐不能報 上恩臣實無誹謗語緣臣前巡按浙江人多有不便者今但欲去臣自便耳 上爲愀然動容曰朕固未信是以面問汝耳即命釋之復其官而降勅切責可烈碩忤左右處雷霆之下卒能自直士論壯焉在浙久人懷其惠終廣東左布政

林 誌

林誌字尚默閩縣人年十四從王偁學日記數千言永樂中鄉試會試皆第一進士第二授翰林院編修與修性理大全諸書累遷右春坊右諭德兼侍講宣德初復與修 太宗仁宗兩朝實錄未幾卒誌爲人簡靜不苟交與居官十有五年恭勤趨事自奉淡然其學於經史諸子及天經地志醫卜之說靡不通曉爲文章簡奧不蹈襲舊說詩有盛唐風所著有易集說及節齋集行于世

陳景著

陳景著閩縣人永樂中進士第三授翰林院編修與修五經四書性理大全書成以母老乞祿便養改福州府教授生徒多所造就

鄭 閣

鄭閣字公望閩縣人永樂中登進士第自乞典學校遂授安陸州學正改無爲州遷廣信府學教授所至師道尊嚴作人最多致仕卒閩性質直剛毅嫉惡不少假借居官三十年囊無餘貲其學精於禮記旁及子史醫歷之書時與林誌齊名有抑齋集

林 鈍

林鈍字叔魯閩縣人永樂中領鄉薦會試乙榜授常山縣儒學訓導常山科第久乏鈍嚴立教條常勤訓督終其任登賢書者凡八人遷寧國縣儒學教諭亦多所造就嘗典湖廣江西文衡其在湖廣時有士子餽之金求預薦書者鈍白於有司正其罪及卒長山與國二縣志皆著其賢三子曰清源曰泮曰濬淵俱登進士第遂以清源恩贈工部主事所著有說鈴餘響等集藏于家

鄭 珞

鄭珞字希玉閩縣人永樂中舉進士入翰林為庶吉士授刑部主事宣德中擢寧波知府中官裴可烈以公事至郡貪暴不法民被其騷擾珞上其罪狀詔寘可烈於法未幾丁內艱歸適海寇為患郡民千餘人上疏乞畱 詔奪情起之珞辭不允既復任黜賊吏抑豪強令行禁止發奸摘伏治績為兩浙最滿秩陞浙江布政司左叅政未上卒于家

林元美

林元美名鏐以字行閩縣人永樂中登進士第宣德中授上猶知縣邑土田磽瘠民貧無以供賦稅多逋他境元美請于 朝核其無田及有田而污萊者悉

本朝分省人物考 卷七十

六

福建

蠲之邑人舊鮮知學元美政暇輒集庠序弟子員親為講經科第始不乏人山峽中有盜時出剽掠元美撫以恩信後皆向化正統中擢寧海知州州置兩衛武職習為民害元美密條其不法以聞下臺憲繩之其害遂戢有二僧至境以術惑眾執而訊之乃他郡越獄盜也人以為神值歲旱蝗躬巡歷賑恤復奏減其賦天順初授撫州知府年六十致仕成化初 詔進階亞中大夫卒後以子瀚恩加贈中議大夫

陳 暉

陳暉閩縣人永樂乙未進士授貴州按察司僉事政績茂著尋陞廣西按察副使引年致仕學識高遠尤善草書得懷素之妙號存菴

陳叔剛

陳叔剛名棖以字行閩縣人永樂中登進士第宣德初拜監察御史嚴重不苛預修 太宗仁宗實錄遷翰林修撰未幾丁內艱廬於墓側哀毀逾禮服除修宣宗實錄克經筵講官尋陞侍讀以父病乞歸省卒叔剛性溫雅忠厚以文行推重於時有綱齋集弟叔紹正統中進士拜監察御史當景泰初 朝廷多故臺端凡有所建白彈擊皆叔紹為之倡陞湖廣按察

本朝分省人物考 卷七十

七

福建

副使嘗奉 命同刑部郎中許振審錄冤獄多所平反卒叔紹有孝行母病至嘗糞驗差劇有毅齋蔡子燁天順中進士亦拜監察御史累陞江西右布政使遷浙江左布政使命下卒燁歷官所至皆有聲

吳復

吳復閩縣人由知印授大明府豐濟倉大使正統丙辰以薦者擢知吳縣有治績陞工部主事累官通政司右通政尋遷工部右侍郎天順甲申乞致仕歸卒復蒞官淳厚明敏綽著能聲

薩琦

薩琦閩縣人宣德中進士改翰林庶吉士為人耿介持正學有源委授翰林編修預修 仁宗實錄後陞禮部右侍郎兼詹事府少詹事卒于官

翁瑛

翁瑛福州人自幼聰敏喜學甫四歲祖教以古詩卽成誦不忘祖卒哭踊如成人十二受業郡庠日夜不懈未幾父坐事逮詣福州瑛憂之請從教授不可瑛懷不能已竟侍行維持調護得無恙而歸教授終謂其忤已坐以違學規黜之瑛乃之京以其情訴於上得復就學志益勵學益進爲文益有名丁酉以詩

本朝分省人物考 卷七十

八

福建一

經薦于鄉明年入太學六館之士讓其能洪熙乙巳以天下教官多缺選諸生之有禮行者補之得仁化教諭仁化僻下邑學久廢瑛以興起自任廟像廊廡講堂齋舍庖廩器用以次繕完日進諸生講學其中而以身先之諸生亦日就規矩厥績用著丁未隣家失火勢將及學舍時東北風急瑛稽顙額天俄風返火熄得不焚戊申遭外艱歸卜葬於石廊山山多虎且陰雨浹旬人無所用力瑛患之號泣禱于天明日雨止虎亦斂跡人謂孝感所致壬子典教桐鄉桐鄉新置縣未有廟學瑛度地鳩材始作之癸丑以內艱歸正統丙辰陞國子助教循循善誘得師之道甲子上視學謁先聖退坐彝倫堂祭酒司業各以經進講博士助教以下皆侍 上嘉悅獎勵明日入謝各賜衣一襲錫宴于 奉天門瑛雍容進退動中禮度四月陞翰林檢討仍掌助教事

趙榮

趙榮字益仁陝西鞏昌府通渭縣籍福州府閩縣人正統中以楷書生員授中書舍人直文淵閣素有膽略遇難不避正統十四年八月土木之變 英廟北狩 景帝嗣位尊爲 太上皇十月初虜酋也先入

寇遣使言欲和時虜情叵測選使虜者多規避不敢行榮毅然請往大學士高穀嘉榮之勇奮即解所束金帶與之十八日陞榮鴻臚寺卿同右通政王復持羊酒往也先及其弟伯顏帖木兒擐甲胄屬弓矢引榮同復等前露刃夾之謂榮等是小官索大臣于謙王直胡濙石亨等出迎榮同復辭歸 太上諭二人曰彼無善意汝等宜急去二人方回而虜騎恣行標掠會四面援兵漸集虜夜遁榮還仍入文淵閣景泰元年六月也先以屢使議和不確俾其知樞密院阿剌爲書遣其參政完者脫歡等來又議遣右都御史

本朝分省人物考

卷七十

十一

福建

楊善爲正使榮爲副使榮即就道不辭陞工部右侍郎虜使下番議和善等使虜不持一繒以口舌曉譬國威不屈遂得回鑾衆謂是行也楊善忠義發於言詞應對不窮有以陰折究惡實爲功首而榮奉侍之勇其氣亦足尚云還京轉工部左侍郎 英廟復辟進榮工部尚書時文臣盡行貶斥榮以使虜受知于上雖石亨曹吉祥表裏擅權爲奸榮朴實知義不入其黨五年曹欽謀不軌犯關殺都御史寇深錦衣衛指揮使逮榮披甲躍馬呼於市曰曹家是亂臣賊子當共剿殺我輩是忠義臣子不可退避於是從者

數百人同孫懷寧鏗提兵襲欽於陣前獎勵士卒以滅賊須臾事定以功命兼支大理寺卿俸一日 英廟與大學士李賢從容議六部尚書得失吏部王翱老矣戶部年富不易得禮石瑁稍弱刑部陸瑜甚佳都御史李賓亦佳工部趙榮亦能辦事賢曰此人可取且如曹賊反時文職皆畏縮逃避況兵非已責誰肯出前惟榮自奮呼衆滅賊成功如此存心行事人莫能及 上曰是亦忠臣七年卒於官廕一子錦衣衛指揮僉事

陳瑋

本朝分省人物考

卷七十

十一

福建

陳瑋閩縣人由進士拜監察御史彈劾不避爲權貴所忌嘗督兩京學校時稱得人尋陞江西副使按察使威望大著進布政使卒瑋操履清平學亦該博官轍所至一以表名賢正風俗爲首務焉

謝士元

謝士元字仲仁閩縣人景泰甲戌進士授戶部雲南司主事上疏陳四弊爲尚書年公富所器許事有涉中官者力抗不少假貸中貴不勝忿求其事竟無所得擢建昌知府有兵盜民財夜數發兵官庇其跡法不得施元以危言恐兵官皆奪氣奸始息乃新學宮



作禮器行射法購書以惠來學又建祠以祀李觀表  
 黃孝子譚節婦之門以勵鄉俗為敦化表忠勸學三  
 圖繫以詩俾民誦習知所嚮慕尤惡邪術南城民以  
 腐鼠蒙一石像置屋上鴉聚而啄之民陽驚取之以  
 為神趨者蟬集公碎其石於庭乃止復有女巫憑鬼  
 物言禍福公欲究之巫忽自言吾畏謝公吾去矣遂  
 如常時有持券訟田者遙叱之曰此偽耳僚佐問何  
 以知之笑曰券紙令式其所訟乃二紀前事也訟者  
 輸服歲再饑捐俸金為倡富民爭開廩延糴民賴以  
 濟成化間南京大理寺卿夏公時正巡江西守旌於

本朝省人物考卷七十一

十二

福建一

朝及滿九載民詣 闕請留陞從二品俸仍知府事  
 諸生立生祠元撤祠毀其碑後乃復立以憂去服闋  
 改知廣信永豐有銀冶久闕處州民常盜發動以百  
 計元勒兵循靈山以東趨之賊陽遁雷二三人為餌  
 邏者見而射之亟止之不及伏四起刺傷左股裹創  
 出戰得其賊首俘殺甚眾塞冶穴而還改知永平復  
 以憂不赴服闋擢四川右叅政東鄉盜藪有司莫敢  
 制元捕殺數百人或議移縣曰盜不憚遠畏有禦耳  
 乃檄縣吏修城墮以土兵戍之後亦無變建始有頑  
 民挾官府為害餘五十年廉得其魁窮治之其黨盡

散元治狀益著用 廷薦擢右副都御史巡撫其地  
 民代輸邊儲者多為姦弊遣吏覈實得通米十三萬  
 石有奇嘗大稜民流入藩郡日不絕乃為廣室十餘  
 區作糜食之所活不可勝計弘治庚戌上京師以疾  
 乞致仕時六十有七又三年而卒居官兩迎父養從  
 父病親為嘗藥族黨婚葬不舉者必周之建祠堂祭  
 田綜理家政暇則玩易賦詩至老不倦所著有約齋  
 稿若干卷咏史近體三百首

林瀚

林瀚字亨甫閩縣人成化丙戌進士改庶吉士授翰  
 林院編修纂修續通鑑綱目成陞修撰進左春坊左

本朝省人物考卷七十一

十三

福建一

諭德弘治三年太宰王恕薦瀚學行淳正陞國子祭  
 酒上疏請開科貢以進人才下禮部議 詔令開貢  
 九年陞禮部右侍郎仍掌監事在國子學垂十年待  
 諸生嚴而有恩凡差撥歷事定立條規雖勢家子不  
 容請託越次故事祭酒膳役銀歲以百數計悉貯之  
 官構祭酒公署一所各監師儒公解悉備實構創十  
 二年陞吏部右侍郎尋轉左與太宰同心掄才務求  
 至公十三年陞南京吏部尚書鎮定不播人倚為重  
 會災異率羣僚陳十二事有御史自巡按歸逮獄二

三儒生黃緣傳奉授中書翰上疏言御史宜俯垂寬宥以全風憲之職中書宜收回成命以杜倖進之門疏入忤旨上疏自劾不報十六年復疏重根本以回天變四事曰保固南京以重祖宗之根本佐啟皇儲以重天下之根本撫綏百姓以重邦家之根本增進賢才以重致治之根本識者服其有裕國遠猷且剴切時弊正德改元時冢宰缺人臺省交章薦其學優才贍廉介剛方宜居此位未幾改南京兵部尚書參贊機務因災異會陳十一事雖集衆論之長而裁製多出其筆言皆剴切士論建之然權姦自

沐朝分省人物考

卷七十

十四

福建一

是側目矣二年逆瑾亂政素嫉其正直值南京科道官言事被逮獨往送贖以俸金且議上章直之瑾聞愈銜之勒令科道招詞連瀚同黨乃矯詔降浙江右叅政致仕聞命即行怡然自得後瑾復矯詔指與大學士劉健謝遷尚書劉大夏等爲朋黨頒示天下瑾伏誅御史凌相等交章謂瀚德尊望重有經濟之宏規不宜置散地詔復尚書仍致仕卒贈太子太保謚文安瀚學問淵委識遂而養克休休焉至方若員至勇若怯溫煥若可親而中栗不可柔子廷楫官至太子太保工部尚書廷機官至禮部尚書孫炫

進士官通政司叅議煬進士官知府嫌官至禮部尚書煬進士官知府俱有聲人以爲德厚之報云

林庭楫

林庭楫字利瞻號小泉瀚之子閩縣人弘治己未會試第五人主司宮保吳一鵬司空趙璜稱曰天下士也廷試二甲第二人授兵部武庫司主事規條周密大司馬馬文升亟加稱許調職方查錄戎冊於南京轉員外郎陞武庫郎中劉大夏許進相繼爲司馬亦皆器重之時孝宗勵精圖治任用老成方屬意于大夏釐革庶政凡閭里踐更勇士冒濫之弊大夏悉

沐朝分省人物考

卷七十

十五

福建一

委楫查理乃剔奸蠹刻僞隱不畏強禦人皆稱便正德戊辰同考會試所舉士如今松石劉天和端石江曉可泉胡纘宗皆有時名調職方職掌天下戎務每邊警報至立削案稿動協機宜二三鉅公不能爲同異推用武將尤極詳審一以公道行之及曹元爲司馬故善逆瑾部事率意更張楫持正不阿會張綵爲吏部尚書陽收名士以掩陰附瑾之跡先諭意于楫欲用爲御史楫力辭不能綵以是憾楫陞知蘇州府蘇東南劇郡財賦甲諸省且當要路政務外酬應人事無虛晷楫至晝夜忘倦搜摘隱伏裁節冗濫至於

交際士夫引接賓客雖當疲極亦無惰容庚午辛未七邑大水為患棉抗疏言民窮苦之狀乞停織造罷繁征請鈔關之稅以備賑濟疏入戶部難之再疏始報可民賴以濟擢雲南叅政雲南夷徼下車遍歷荒邑治以不擾夷情自安景東諸郡積逋數十年棉知其力困乃令各長官司許雜輸牛馬布帛即以給武職久缺之俸遠近咸以為便土官爭立互相讐殺棉徐以一言斷之罔不帖服甲戌子炫登進士棉奉表入賀 萬壽禮成疏請終養 武宗許暫回省抵家復上疏曰臣父衰病日侵聞臣將行輒增憂歎臣若

本朝分省人物考

卷七十一

十六

編建一

勉強就道倘以念臣之故憂病不虞則臣身蹈不孝將焉用之奉 旨林瀚歷事累朝名節無玷今既年高有疾林庭楫暫准在家侍養仍着有司時加存問時炫亦以禮部主事謁告還籍已卯瀚卒服闋補江西叅政陞湖廣右布政使隨轉左嘉靖乙酉冬入覲銓曹考天下藩臬治行第一丁亥陞都察院右副都御史巡撫保定等處蒞政即疏革抽分內臣清查驛傳汎濫議處軍民數事已罷歸己丑陞南京兵部右侍郎與司馬王廷相寅恭協政凡中貴貢獻多索船

每裁抑其數且疏聞著為令快船甲累及戎伍立

為畫一之規科害不得肆壬辰夏考績入為工部右侍郎遂署部事值彗星見條四事以聞且勸 上身先儉約以率天下時 上銳意復古又營建之事有禪于禮樂者奮然為之疏上亦蒙嘉納後因災傷疏乞取回採木燒造等官五員內府歲用銅鐵器皿請立法五年一修十年一造省民財數十萬兩乙未夏遼東軍士擾亂廷推往勘兼僉都御史棉慷慨以行條上四事俱經國重務 上皆允行未幾擢本部尚書時營建九廟七陵諸工役繼作費以億萬萬計棉晝夜焦勞隨宜區畫務求事集而民不擾丙申春

本朝分省人物考

卷七十一

十六

編建一

上召諸大臣議謁天壽山諸陵且駕出倉卒諸供應立辦棉授僚屬之能者凡道路橋梁行幄器用二三日輒治方壽宮將建 上自擇吉壤于陽翠嶺及周視諸陵明樓香殿楫皆侍行夏 太廟捧主東宗廟工完加太子太保賜銀綺有加辭免加官不允又奉命之康陵啟 莊肅皇后皇堂祔葬次丁酉夏值天變詔求直言因懇疏乞休得 旨戊戌慈寧宮成上念棉舊勞頒賜銀幣己亥春冊立 皇太子棉表啟稱賀 上有具悉忠愛朕心嘉悅之諭庚子八月炫以禮部精膳郎中起用不忍離棉促之曰吾老矣

圖報在汝其亟治裝以行辛丑八月三日卒年七十  
正德初同郡許給事天錫同僚黃主事昭皆以忤逆  
瑾受害黨禁方嚴梟周旋其間不顧利害人以危難  
告者必委曲爲之處其治郡時縣令鄧文璧被誣力  
直其寃乃得免富家子朱慶繫冤獄十八年廉其誣  
出之同列諷以避嫌曰吾知其枉也而不爲直之安  
忍乎所著有小泉錄稿小泉奏議目錄有交際禮志  
麟鴻集延賓紀藏于家

林廷機

林廷機字利仁號肖泉瀚季子幼而敦敏年二十舉

本朝分省人物考 卷七十

十八 福建一

于鄉三十成進士遇 肅皇帝臨軒選入讀中秘書  
授檢討預修大明會典克甲辰春秋同考官已而遷  
國子司業遷南京祭酒遷太常卿遷工部改禮侍遷  
工書改禮書以致仕去平生渾樸簡重澹然寡嗜慾  
當在史局時伯子熾亦舉進士官檢討而邸第聯分  
宜相未嘗一私謁或風之不動及爲司成不數月移  
奉常陽尊而陰抑之出分宜意機視之蔑如今制史  
官鮮煩以刑名錢穀水衡之事機兩任司空無倦色  
居畱都十有三載以考績三入京師會 穆宗初基  
改秩宗而機從歸途乞骸骨如鴻翔鳳舉不復可籠

狎矣先是振武營軍變戕殺少司空于藁街人心洶  
洶銓部舉戶篆屬機機一鎮以靜不爲隄防衆亦寧  
帖諸郡國轉粟雷儲屬邑不至則不遣每苦稽滯機  
勅所司令諸邑毋相及事竣即遣四方便之京倉近  
水者易輸運爭事請託至露積克溢于外而遠者或  
銖粒不入守空庾機立籌手自探之得徧及諸主吏  
感泣曰微是吾屬餒死矣內府歲供器皿及織造  
御服費鉅萬計機稍裁其濫溢中貴人斂手不敢爭

工曹之權稅蕪關者多鬪茸弊滋甚機請擇才望給  
符檄郡邑廉辦吏爲主進歲增額二萬餘蓋胸次光

本朝分省人物考 卷七十

十九 福建一

潔信理而行無瞻顧拘牽之態其績効反出才臣上  
顧世莫能盡知也既請老蕭然如寒士未幾伯子熾  
繼爲宗伯會丁內艱謝不起機奉詔進階資德大夫  
正治上卿伯子暴疽卒仲子經因亟解組還侍甫數  
月而機卒年七十六有巨星隕于郊姚江孫文恪嘗  
曰不佞不求惟吾友爲然莆田康司空同在史局額  
其齋居曰學林其爲賢者所崇仰如是所著有世翰  
堂稿藏于家金陵許符卿論序甚悉大抵其文簡質  
而該涵春容大雅與近世蹊徑絕異詩逼盛唐不爲  
狗棘凌駕而典則雄渾趣自深長

陳紀

陳紀字叔振閩縣人成化五年進士改翰林院庶吉士授監察御史提督北直學校士子服其公明久之以都御史屠瀟薦擢陝西按察使有囚淹禁十餘年不決者辯而釋之擢都察院右僉都御史巡撫宣府未幾召還理院事陞副都御史以疾告歸卒賜祭葬如例居官清慎持法平恕人多敬之

林泮

林泮字用養閩縣人成化八年進士任南大理評事歷廣州知府廣西右叅政江西左右布政順天府尹戶部右侍郎提督京儲正德三年陞南京戶部尚書尋有旨勒令致仕時逆瑾方橫諸大臣不附已者多從中罷甚或繩之以法在廷惴惴泮得致仕免於禍以為幸甚未幾坐累罰輸邊米百石貧無償甚苦之泮所居燬于火不能復創及歸無所處寓僧寺及先賢書院者數年至是卒無以為殮有司為庀喪具且悉其廉貧之狀以聞乃得賜祭葬如制泮居官小心畏慎事上或過於恭然事亦不為之撓至于廉潔之操終始不渝尤為士大夫所重議者惜其才略無大過人然清修自矢可以方之古人而無愧矣

鄭善夫

鄭善夫字繼之閩縣人嘗誦曰墜道非時彥萎儒與世靡視古太峻脆志以降其趨吾固疾學之不變懇學十年力反之古弘治乙丑年二十一第進士正德改元纂修蘇松常鎮實錄成內外艱服闋改戶部主事出理濟野關商人利之 武皇馭極柄屬中官善夫喟然歎曰大丈夫當龍潛於世退見無恥枉我志力告得請乃築少谷草堂於金麓峰作遲清亭俟天下之清交與鮮絕巖居六載正德十三年有司勸駕兩臺疏薦改禮部祠祭司主事十四年轉員外郎三載考績宗伯咸賢其能秩相也三月 武皇將南狩謀諸寮采曰駕未發諫之可止否則如股肱何勸吏兵刑諸曹郎中黃輦等若干人同伏跪於闕門疏惻切指斥嬖臣江彬及中官輩濁亂天下怒犯 武皇杖之闕下死者貶者落籍于民者有差既南狩善夫切告未得明年歸遂過浙山人孫一元太初死走道塲山中哭之治喪事畢游越山水至逾八月旋閩居湖上多病若病少間必往佳山水游賞竟日嘗以語人曰江南山水畢受吾杖履嘉靖改元都御史周御史汪薦起為南京刑部郎中尋轉吏部驗封司病卒

發笥窶窶鄉人始駭善夫之貧賢善夫之能其官嗟夫財利者世學皆旨嗜之俗殉痼厚至居官必得財有道者且惑況鄉人旃旃仁義何以破愚頑曠昏庸如善夫者能居道也矣善夫婚嫁七弟妹貲業皆其推與孀者贍之田令以完娶節葬母屬二十二人其治身嚴厚冲澹高潔

林 黼

林黼字質夫號石峰少雅愛靜修嘗閉處一室端默誦習飲食不關其家人者三年故其學精通經傳子史旁及訓詁韻切篆籀諸書至於軒素醫家術靡不探析性孝友居父母喪哀毀蔬粥二年跣步未嘗遠几筵事其二兄甚謹中正德丁丑進士明年授大理寺左評事僅數月廷中稱平又明年 武宗南巡詔下先日廷臣諫者已詔廷跪矣黼疏入詔獄三日廷杖倍於先諫者竟以不勝卒體素羸時寓公署旁所與一奴俱奴且疾既杖昇歸以公署不宜殯殮於同鄉鄭秋官源渙所秋官時亦被杖爲力疾治喪事哀之者曰忠臣忠臣卒後二年 世宗即位祭贈錄廢祀鄉賢祠黼閩縣人

黃季瑞

黃季瑞閩縣人嘉靖丁未進士出知南海時邑令久曠百度廢圯季瑞始至慨然振刷定立品式便民征輸又清滯獄擒積惡驅久役從教化表貞節立義塚大修堂廨吏舍之傾欹者以肅防維皆捐俸爲之民不告勞未幾以治行最內召去邑人至今誦之不衰

林偕春

林偕春字孚元號警庸乙丑進士選翰林院庶吉士故事閩中館選二人惟一人留是科春與莆田陳尚書經邦俱授史職春爲檢討戊午分校禮闈明年以告還又明年還職萬曆癸酉同修 肅穆二朝實錄性嗜書好學及官詞曹每請俸輒送書肆杜門息交游泳文絜該習朝典意尚深遠人莫之測也爲人直躬曠宇腸如絃繩外甚宏肆而神守堅確其當制也以次草江陵誥詞據體演文無所誇飾江陵固已不怡屬令改定之又持曰王言適如是止也不增易一字遂大憾之乙亥用年例改湖廣按察司副使行至淮安上章請罷報可先是門人習孔教以書勸之官至是報曰僕賦性過慧誤塵華貫適者外轉勢固宜然僕豈敢擇官而後處哉士皆有志貴能自適古人有辭萬鍾而不顧者豈直爲高哉亦必有不安於心

者僕釋屣以來蓋非一日長短之效昭然可見今當塗者以此處僕以我為能乎否乎既不以不肖為能而又不欲顯然斥之直以庸常處我我又庸常自待其靡寸祿是真無意於天下事者也天下事豈循常局促舍已從人者所能成哉窮巷屏居門無車馬高堂菽水良用快心祖母年已近邁侍人而行金石難期喜懼交併朝夕奉侍亦足報劉暇時與一二弟姪課文發其憤悱糾其紕繆輾然共適不待遠朋知我者希則我者貴安能貶胸中之奇偶徇他人之面目乎及江陵敗錄其素所廢斥者起浙江提學副使以

本朝分省人物考 卷七十

十四

福建一

親命強行裁鑿精妙請寄無所受代春者晉江蘇濬至今兩浙言良督學稱林蘇蘇公敏絕一世名為知人至取神骨物色之表不能及也骯髒不能細謹而部使嚴重他藩牧事之皆謬恭視春濶疏意不能容疏論之奉 旨調用詔下時方校閱越士越士追送江上人人涕下不能仰視既歸隱操彌勵復不得已奉父北行以避仇父旅於姑孰而春行詣闕候補鞭馬鄆南意不自得同年顧養謙開府遼東致書以酒德為言春戲報曰昔人喻酒於兵兵可千日不用不可一日不備酒可千日不飲不可一飲不醉美哉此

言可與論酒矣第落落無成正可尋樂于酒而脾氣虛弱澹泄為災欲效鄭公一飲三百杯竟不可得安得使酒哉乃知器自有限此祿亦不易也顧公飲中友故相往復如此無何以原官飭兵贛州贛方與岑岡之師春檄上撫臺力言用兵妄殺非是時已成師不及止然以春言獲原縱者猶數百人丁亥遷湖廣布政司右叅政治承天時大早春禱救甚勤居五月復坐言者罷歸更號曰雲山居士晚歲頗好內典及丁父艱肆力形家之言或勸之著書輒對曰三蘇文章今人猶厭讀我復何有乎嘗與人論為文之法以

本朝分省人物考 卷七十

二十五

福建一

氣為主其言曰意至而藻生神來而旨暢行於所當行止於所不可不止老無子後舉子數歲而殤不勝悲咤遂有血疾疾時令人奏管絃倚而歌枕聽之迨亟問以後事皆不言獨引聲歌劉長卿上陽宮詩聲若金石兩手交舞其達生知命如此至行貞白貲產不及中人里居有司例供輿皂皆謝却之宅憂日寢興聖室中三年未嘗內也會稽陶望齡為諸生時客游燕不及試事與其曹百人補試睦州春發牘首齡次仁和張鶚鳴仍檄以冠其先所試諸士子廩食於是庠士大譁爭言以父故私之春初不知望齡誰氏

于也聞謗撫心而歎愈益誦言兩浙士有先望齡舉者吾不復相文後名第相符始歎其神識春閩縣人

鄭愷

鄭愷閩縣人號心遠博學善詞章其文深雅自成一  
家詩歌馳騁古今頗似金華吳立夫步驟有集藏于  
家

鍾耆德

鍾耆德字元長閩縣人少好學孝友出於天性家貧  
不娶教授生徒以養親晚年經至正之亂舊業蕩盡  
每以甘旨不克為恨親沒哀毀幾滅性與二弟順德

本朝分省人物考卷七十一

二十六

福建一

明德處怡怡如也其先本鄭姓耆德承父命每以為  
鍾氏求同姓立後而已乃歸宗以力不待乃作紀源  
錄以示其後人耆德清修苦節其學博極羣書其詩  
文渾雄嚴整所著有自省錄養正集等書明德字叔  
遠清詞懿行與兄齊名

羅泰

羅泰字宗讓閩縣人性穎異經傳子史無不涉獵尤  
邃於易春秋一時鄉之後進以二經登高第者多出  
其門弟澤舉進士二子紋繹俱領鄉薦皆其所教也  
暇復與同邑林誌輩相倡率為古文詩尤工有覺非

行于世

龔用卿

龔用卿字鳴治號雲岡閩縣人嘉靖丙戌第一人除  
授翰林院修撰戊戌擢左春坊右諭德明年上冊  
東宮兼官翰林院侍讀直經筵每進講志存規諷詔  
修明倫大典大明會典卿預焉書成兩荷金幣之賜  
己丑壬辰戊戌克會試同考官庚子主試南畿並稱  
得士丙申奉詔使朝鮮賜一品服至則宣揚國恩力  
卻餽贖遠人飲服復命疏陳三事上嘉納辛丑推  
南京國子監祭酒增修學舍申飭監規一時士習丕

本朝分省人物考卷七十一

二十七

福建一

變尋以病乞歸既抵家卜地獨山之原構為別墅疏  
池藝圃雜蒔花木日與知友觴詠其中柱史曾佩趙  
福避居建安者久之未幾以微疾終年六十四生平  
孝友與客談終日不倦歷官侍從蔚有文名在告不  
通權貴書家食二十年竟置閑散士論惜之所著有  
使朝鮮錄雲岡選稿詩餘若干卷

蘇夢賜

蘇夢賜閩縣人歲丙午司南都官獄日戢獄卒不使  
患苦諸囚又恐其夜雷之則監置一鑼今日有雷囚  
者同監鳴此不鳴者與同罪由是獄中肅然郎中沈



琬嘗指獄戶語曰此故生地獄也蘇司獄去吾不敢繫人矣舊時囚有死而莫為收葬者率置竇中羣犬恣食之夢賜惻然適料囚米有餘即白視獄諸曹郎預為樵以待死者諸曹郎大是之相率白中丞丁賓賓時視秋官篆聞之喜益發衣帑諸物令夢賜給施諸囚未幾轉粵東守禦吏目賓太息曰吾署司寇惟有王郎中紹先及蘇司獄耳惜也紹先死而司獄又遠遷於是特獎夢賜而資遺之甚厚王郎中何如人是萬曆十九年所舉天下清苦以風百僚者夢賜年三十餘未有子以司獄奉薄不攜家其為吏目亦然

補遺

孟 玘

孟玘字廷振號靜齋閩縣人正統己未進士歷戶禮主事有風力名戊辰鄧茂七寇沙尤蹂閩之下上屠戮如刈草管我師失利勢益張玘陳攻守至計集三省之兵屯潮陽屯江山大兵出鉛山蹴延平諸路並應荷魚且兔誰則逃之朝用其議命將出師已巳六月神機之兵扼順昌俘茂七以獻沙寇平上杭銀冶疲人屢盜所輸復不當歲費玘言當塞竟塞易儲之議章郎中綸鍾御史同爭之同杖死綸死復蘇幽之

獄琬繼二人後審之愈力因早極上言群臣當朝謁南內忤旨知萊州又知廬州治本古意宣化流而郡幾無事平生述作為盛山房類稿其什一存者也

邵 銅

邵銅字振齊閩縣人景泰五年進士除廣東道御史天順初劾曹吉祥石亨下獄謫壽光知縣調博羅縣以勦寇功陞温州府知府致仕

王 鼎

王鼎字器之福州府人成化十七年進士令上饒明斷有聲中貴人取水鼎後縣郡縣獨於饒稍戢內艱

者會臺省勅之親藩誣詆守臣會論免守于罪陞光祿少卿晉大理左丞歷有卿轉左忤逆瑾意請保昌知縣歷河南僉事瑾誅擢左副都御史掌院事累疏乞休林居凡七年而卒贈工部尚書

林 鉞

林鉞字克相閩縣人正德十六年進士除浙江道御史巡按山東建言降真陵州判官告病

葉 奇

葉奇字弘備閩縣人正德十六年進士除廣西道御

史以議大禮廷杖嘉靖四年巡鹽兩淮丁憂復除雲南道巡按應天十年巡按雲南貴州致仕

本朝分省人物考卷之七

三十

本朝分省人物考卷之又七十  
福建福州府

張以寧	陳亮
唐泰	陳祖
陳仲完	王僈
陳子晟	陳仲晉
陸引	王孟
林鴻	黃童
洪順	王健
王善	嚴烜
李興	姚銑
陳登	陳全
馬鐸	李騏
林文秩	高棟
林紹	歐道江
洪英	陳復
孫芝	高旭
黃鎬	何宜
韓弘	林錦
陳鴻漸	王克復

本朝分省人物考卷之又七十目錄

一

林廷選

鄭建

薛廷寵

鄭天佑

蔡以俊

鄭炎

補遺

王德溢

林璟

林瑋

鄭世威

吳文華

本朝分省人物考 卷之七十七目錄

二

本朝分省人物考卷之又七十

福建福州府

張以寧

張以寧字志道古田人賦質清粹神采煒煜襁褓中即嗜讀誦甫六歲日記千言嘗與羣兒遊寺中僧人難之以對寧隨口酬應屬對超卓聞者歎羨八歲時人訟其伯父逮於獄寧忿不能平詣邑伸理令異其言論有條命賦琴堂詩立就且出語新奇伯父由是得釋年十五承父命往寧德受學於韓古遺歷五年方歸學業大進登元大定丁卯進士第累官翰林既

本朝分省人物考 卷之七十七

福建

入國朝拜翰林侍讀學士朝列大夫知制誥兼修國史每承顧問多所裨益賜誥褒諭恩賚特厚焉洪武已酉夏六月奉命齎詔印使安南封其國王未至而王卒國人請授其世子不聽遣人請命於朝且教其世子服三年喪并令其國人效中國行頓首稽首禮朝廷嘉之賜以勅書比之陸賈馬援并御製詩八章以獎諭之未幾得疾卒

陳亮

陳亮字景明長樂人故元儒生也其學無所不窺明興高皇帝累詔郡縣徵遺逸或推轂亮亮曰昔唐

堯在上下有箕穎吾投迹明時遊戲泉石間吾志慊矣吾豈願仕哉遂掉頭不出作讀陳搏傳詩以見志山中有小樓號曰儲玉購四方名書藏之又作草屋滄洲中與名士王恭高棟爲交日相與揮毫撥藻暇則汎閩江歷名山投上方蘭若尋僧問偈意豁如也時時往還三山中爲九老社以此自終亮爲詩冲澹悠然有陶孟之風

唐 泰

唐泰候官人洪武中登進士授行人擢浙江按察僉事永樂中陞陝西按察副使卓有能聲卒於官泰善

本朝分省人物考卷之七十

二

福建二

聲詩與黃濟輩號閩南才子所著有鳴缶集

陳 祖

陳祖長樂人洪武中以明經薦授新繁縣丞道遇一姬哭甚哀問之姬曰夫與子俱喪止餘一孫十歲昨爲大蛇所吞祖令具狀移牒城隍限日引蛇赴公庭至期果有羣蛇集廳下祖諭曰無與者退得罪者償命獨一大蛇伏不去卽以劍畫地蛇乃就殞民以爲異政立祠祀之

陳仲完

陳仲完長樂人洪武初自教官入翰林爲編修兼左

春坊左贊善爲人溫厚質實與物無競平居寡言至於論事據理義無所回撓嘗有詔汰在京諸司冗官時仲完掌坊事卽提筆書其當留其當汰衆皆服其明決被汰者亦自愧伏奉命授 皇孫經多所輔益歷官二十年不遷怡然自足 皇太子恒言春坊如陳仲完不易得也未幾卒于官

王 偁

王偁字孟敷永福人其父翰元季爲潮州路總管棄官走閩爲黃冠棲永泰山中十年 高皇帝聞翰賢詔有司強起之翰自刎死時偁甫九歲閩吳海者翰直友也義撫偁教之洪武二十三年偁以經義舉於鄉明年試禮部不第例就祭酒授業因而求鄒魯之遺風與海內賢豪上下其說居數年遂疏乞歸終養文皇帝卽位有司薦起偁既至都下遂自陳願處教職以勵人才不許授翰林檢討進講經筵已而 勅修永樂大典偁爲總裁官大典成英國公張輔奉命征交趾表偁爲護軍交趾平輒復叛以故移官交趾而參議解縉者偁故遊也坐言事下獄或斥偁爲黨遂同逮繫偁尚氣節雅志當世吐論英邁好揚人善其詩本於李白意矯矯然不可羈也有虛舟集

陳子晟

陳子晟字仲昭連江人少喜讀書嘗從金華宋濂學領洪武四年鄉薦入太學選為荆王府伴讀嘗諤言荆王甚敬憚之未幾還京師卒年僅二十有六子晟性敏而志專每朝退輒觀書綴文不少怠時天台方希直號稱名儒亦雅重子晟之文其葬也希直為銘其墓

陳仲晉

陳仲晉長樂人洪武六年由儒士拜江山知縣有惠愛於民 上特旨褒嘉之子登字思孝洪武中亦由儒士拜羅田縣丞永樂中入為中書舍人工篆籀名重一時

陸引

陸引字惟遠羅源人嚴毅方正不泛交游洪武中以材薦入見 上問為政治民之術引對稱 旨授象山縣丞抵任鋤強植弱吏畏民懷俸祿之外計口植蔬以給食家人不知魚肉之味甫二載以憂勞得疾一夕城隍廟闢者夢人傳呼新城隍蒞任問其為誰曰陸丞也驚覺引已氣絕矣

王孟

王孟字文潛福清人洪武中以明經薦授如皋教諭復改鹽城陞國子博士經其誘掖者咸有成就薦陞大理評事審讞明允獄以不寬尋陞沔陽知州善於撫字州民德之永樂中召修大典卒于京師孟性勁直居官以誠懇為本所至俱有水蘗聲其文章亦似其為人

林鴻

林鴻字子羽福清人少任俠不羈讀書能強記 高皇帝時部使者以人才薦授將樂儒學訓導居七年擢拜膳部員外郎 高皇帝臨軒試龍池春曉孤雁二詩一日名動京師是時鴻年未四十 高皇帝治尚操切而鴻性脫落不善仕又以為散秩無自表見遂自免歸歸益閉門謝客肆力為詩遨遊三山間晉陵人浦淵與鴻同仕以詩來謁出所懷詩投之曰以此相評耳讀至雲邊路遠巴山色樹裏河流漢水聲驚歎曰吾家詩也相得益歡因避所居舍日與為詩由是浦舍人詩名藉甚其後閩人言詩者皆本鴻所稱林敏陳仲宏林白環諸人皆鴻弟子

黃童

黃童字仲器古田人三歲失怙事母盡孝奮志篤學

永樂中以楷書徵入文淵閣繕寫大典書成當拜官  
思母老遂乞恩終養後累徵不起以壽終

洪順

洪順字遵道懷安人永樂初登進士選庶吉士引見  
上親勉以立志進學久之授刑部主事時有李將軍  
者詐取囚五十金反誣吏張緣受之同列畏李之強  
皆欲坐緣順曰李固可畏張緣其不可憐乎竟寘李  
於法 仁宗監國稱其廉潔持法賜勅褒嘉未幾以  
事左遷行人尋 命與修五經四書性理大全諸書  
丁外艱起服陞山東按察司僉事時山東遭唐賽兒  
之亂順剗弊理冤撫循凋瘵惟恐不及值歲旱蝗順  
發倉儲數萬賑之不待 上報尋陞按察司命下而  
卒所著有雞肋集

王鍵

王鍵字時鑰候官人永樂中以茂才薦授繁昌縣主  
簿改山陽秩滿有最績 賜勅命以褒榮之擢陽江  
知縣卒鍵善詩有鼓缶心聲二集

王善

王善字師舜候官人永樂中舉進士授南京刑部主  
事常以仁恤為心訟一訊立辨有誣善受賅者 上

因其入朝留之密使人檢其家惟得所賜鈔半錠  
上乃稱其為清勤公謹之臣秩滿陞行在刑部郎中  
尤留心恤獄刑無濫及宣德中陞雲南布政司左叅  
議惟嚴大體不務苛細麓川叛善進兵金齒備禦值  
歲飢蠲僧寺徭役令出粟數萬活者甚眾雲南永寧  
府土官與四川鹽井衛爭地累年仇殺不已都督沐  
昂檄善為之剖折皆帖服去尚書王驥及昂俱欲薦  
之善力辭乞致仕歸二十餘年卒年九十有二

嚴烜

嚴烜字熙叔懷安人永樂中以楷書與纂修例授八  
品秩辭乞歸養卒業後登進士拜監察御史奉 命  
按山東歲旱民饑奏蠲其科稅大發倉廩以賑之復  
按畿甸及四川河南皆有聲稱陞浙江按察司僉事  
處州徐子舉作亂連坐者五十餘人烜悉散遣復業  
侍郎成均奉詔考察庶寮有毀之者遠送吏部改職  
烜遂陳情乞 學校以便養親除金華教授卒烜性  
至孝少時祖母陳疾篤每夕禱于北辰求以身代且  
割股肉和粥以進居官二十餘年屋不增一椽業不  
增寸地士大夫稱之所著有師章齋集藏千家

李興

李興字希傑懷安人永樂初由國子生授太平府推官以廉慎持身以公恕折獄用薦者擢戶部郎中人不敢于私丁內艱家居終喪不出戶陞知嚴州府有惠政於民宣德中改知廣州府興利除弊務欲順民情不避權勢秩滿去任行李蕭然

姚 銑

姚銑字孟聲候官人登永樂甲辰進士宣德初拜刑科給事中丁內艱起復改工科正統間引疾家居凡七載遷府大臣以其才可大用疏薦於朝遷兵科都給事中是秋 大駕親征北虜選侍臣扈從銑與焉

奉朝分省人物志 卷之七十一

八

福建二

將行自策其必敗既旋師至土木竟死于難銑儀貌端偉器局夷曠自入仕歷廿餘年如遷一級義命自安不求躁進竟以 王事卒士大夫多惜之同縣人陳鈍懷安人周傑俱登正統間進士為戶部員外郎皆以 扈從同死于難

陳 登

陳登字思孝長樂人未樂甲申詔吏部簡士之能書者儲翰林給廩祿將用之清密之地登以篆籀稱最時吳中滕用亨待詔翰林工篆籀自視天下無愈已者每輕後進往往折屈之稠人廣坐中登初至謹默

謙下用亨連抑之孤卿幼晚代為不堪登怡然自若從容進曰登幸辱在此得以親聆教益自揣愚陋願有所質以許叔重說文十數事相辯難登議論娓娓皆用亨素所未諳者乃始默默斂鋒鏑不復自矜大登聲譽遂起於六書本原精考詳究志篤而力勤周秦以來二千年間其石刻有委棄山顛水崖荒蕪瓦礫之墟者皆深求而必得之雖殘缺剝落歲月氏名無可考然審度某代某人十率中其七八收畜之富蓋歐陽文忠趙明誠之後所僅見也初舉才學為湖廣羅田縣丞數月改浙江蘭溪丞月餘又改江西浮梁丞所至視民如子務在寬恤而明決敏斷以革奸除弊在浮梁時房安為江西按察使每峻威以待屬吏獨禮遇登歲餘丁內艱去服闋選入翰林仍給縣丞祿歷十年擢中書舍人 朝廷題扁率出其手四方求者無虛日未嘗有厭倦意年六十七卒

陳 全

陳全字果之自號蒙菴長樂人未生之前四日父卒賴母鞠於哀苦之餘得以成立全事母甚孝從族父江山令仲晉受業以穎悟稱甫十齡亦即能詩工制舉藝永樂乙酉夏偶宴集于旅中園亭醉臥樹下有

一紅蛇交繫其腰或曰勿怪此綬微也是年果領鄉薦明年會試廷對賜進士第二人擢翰林編修預修永樂大典書成被召赴行在修性理大全諸書受賜賚陞侍講後署院事屢典文衡克精藻鑑其為人謙和篤實居官慎密公勤一日聞母宜人訃至故事京官有喪皆赴行在請命然後歸葬時全適有疾且值嚴寒或勸少待疾廖冰解而後北行曰有是哉死生命也吾為君親不得顧此遂行在途一如喪次哀痛輟還至南京越十三日而卒年六十六有蒙菴集若干卷藏于家

馬鐸

馬鐸字彥聲號梅巖長樂人永樂壬辰進士第一授翰林修撰 車駕兩幸北京皆留侍監國 仁宗皇帝屢顧侍臣曰馬鐸可謂質實無偽者也自是翰林學士國子祭酒有公務出皆命鐸攝其事嘗建言國子監分獻宜用翰林院官朝廷從之鐸為人坦直無

崖岸於經史百家多所涉獵為文援筆輒就卒於官

李騏

李騏長樂人永樂戊戌進士第一初名馬 文廟親改今名為人耿介有氣節不肯媵姻依隨仕終翰林

修撰

林文秩

林文秩字禮亭懷安人少穎敏不凡常於田間觀穫值迅雷擊去數步傍有擊死者文秩恬然不少懾永樂中登進士第改庶吉士拜監察御史立朝有直聲巡按南畿風裁凜然民奏留之 詔復巡按一年宣德末擢山西按察副使進按察使有告平陽王文簡妖言惑眾者連及三百餘家文秩力為辨釋存活幾二千人後致仕卒第文秩字加亨亦有異質與文秩同舉進士為庶吉士拜王府審理改岳州府通判為政簡約務以撫字為心嘗為雲南考試官有囊金數百兩求登薦書者峻却之未幾卒所著有梅湖稿

高棟

高棟字彥恢號漫士後改名廷禮長樂人博學能文尤雄于詩雖談笑奮筆而精思力摹莫及棟與王恭頡頏齊名殘膏賸馥所沾溉者多初二人自布衣召入翰林為待詔陞典籍籍平生賦咏流傳海內有稿曰嘯臺集曰木天清集其選唐詩品彙拾遺正聲凡百餘卷議者服其精博能書工畫時稱三絕書得漢隸筆法畫原于米南宮父子在翰苑二十年四方求詩



畫者爭致金帛修餼歲常優于祿入神瑩氣融襟懷  
高簡善飲酒喜談謔與人無賢愚新故盎然如一素  
強無病晚得風眩疾歲輒發竟以此終

林紹

林紹字淳裕長樂人能詩尤工於五七言長律邑人  
王恭王堅交章薦于朝下詔徵之竟不起有集曰林  
泉清響藏于家

歐道江

歐道江長樂人博學洽聞時譽大振四方從遊者無  
慮數千人卒門生刑部郎中王堅致仕歸為營墓葬  
之

洪英

洪英字實夫懷安人永樂乙未會試第一入翰林為  
庶吉士學問宏肆擢禮部主客司主事歷吏部文選  
考功主事端謹著稱進考功郎中陞山東左布政使  
正統己巳胡寇犯順陞都察院左副都御史巡撫山  
東督役夫城臨清築運河堤有功景泰壬申進右都  
御史巡撫浙江會有旨考察百司賢否以行黜陟英  
惑於左右之言去取有未當者因懇乞致仕歸未幾  
卒英為人端重詳雅在官不務赫赫之譽而廉謹長

厚去後人懷思之

陳復

陳復字鼎初懷安人永樂未舉進士授行在戶部主  
事戶部號劇司復處之從容暇裕游刃有餘正統間  
知杭州府存心公正蒞政嚴明而濟以寬靜月朔望  
必懇諭耆老使言民間利弊而興革之杭尤號煩劇  
復治之幾於無事公堂端坐讀書時與郡吏講解律  
令以銷永日尋丁內艱去九邑之民如失父母相率  
詣當道乞畱者凡七千餘人省憲以聞詔奪情視事  
未幾卒貧無以為殮浙江按察使軒輓倡為賻贈民  
爭饋遺之其子悉却不受曰吾父生平志在清白忍  
以貨汗之哉假貸以歸其喪

孫芝

孫芝字廷秀連江人宣德中國子生授慶都縣知縣  
陞沔陽州知州時有建議欲刪削孟子書者芝上疏  
極論以為不可 上特俞之

高旭

高旭字時旭候官人宣德中登進士授吏科給事中  
丁內艱起復改兵科正統中陞江西按察提學僉事  
景泰初改本司提刑僉事卒旭蒞官平恕明慎其於

決獄多所平反有榕軒集藏于家

黃 鎬

黃鎬字叔高候官人宣德間進士拜監察御史正統末巡按貴州適苗賊煽變南垂道梗鎬簡精銳千人率之斬苗一酋進至鎮遠鎬躬擐甲胄與賊戰屢敗之時興隆清平皆被賊圍而平越尤急鎬被圍平越九閱月士卒掘草根煮皮甲烹人屍以食鎬多方招撫諸蠻勸諭賑濟人無叛心乃以竹筒密疏於朝調官軍項背夾攻大破羣賊始解圍去在貴二年凡五十疏 上皆採納既而苗復蔓延湖湘朝議 命鎬

本朝分省人物考 卷又七十一

十四 福建二

何 宜

何宜字仁義福清人登正統戊辰進士第拜戶部主事累遷兵部職方司郎中成化之初疆圉所多事邊報沓至皆職方主之宜從容區畫 上聞裁處多稱

意旨及其施行人皆以為得宜一時卿佐極加器重凡有大議皆倚以咨決遷浙江布政司叅政終江西左布政使所至以廉謹見稱

韓 弘

韓弘字士毅福清人正統己未進士授戶部主事歷永平府同知以績最陞揚州府知府為政愷悌正直郡民懷其惠滿秩陞浙江布政司叅政景泰初三上章乞致仕卒年八十有三

林 錦

林錦字彥章連江人舉景泰元年鄉貢授合浦縣儒學訓導時蠻寇充斥內外無備錦規畫皆懸合機宜都御史葉盛異之遂檄攝篆靈山至則患無城守始據形勢立排柵設戰守拒賊知有備不敢嚮邇未幾滿秩去民曰公去賊復來將無以保其生相率逃之山谷中盛乃以狀聞請令靈山詔從之許馳驛之官蓋異數也民間之即復來歸適歲大饑賊益熾劫掠村堡無寧日錦單騎入壁諭以禍福附縣二十五徭皆聽其命遠地不服者縱兵勦之天順壬午敗賊于羅水又敗賊于黃岡嶺又大敗賊于新庄前後斬獲千餘級鹵獲無算已而去排柵築土城徙縣治于中

本朝分省人物考 卷又七十一

十五 福建二

成化丙戌以功擢守廉州歲復大饑賊掠清和鄉錦  
 肩輿論解有千餘人不服者殺之經略還定一如靈  
 山戊子擢按察司僉事尋轉副使遂制置一道立數  
 百年長計設圖河營以禦西寇新寮營以禦南寇設  
 洪崖營以塞寇出沒之路盜遂滅息庚寅巡視靈山  
 念土城不可以久遂城之鋼以碑石高墉連樓橫亘  
 五百丈遂成重鎮然自令至守臬一以教化為務靈  
 山尚鬼好巫禁淫祠修學校勸民力農桑行孝弟治  
 學宮羣子弟教之拓民居以廣孔子廟廡郡士之勤  
 于向方者皆錦之教也禮義風行俗化丕振蒞官一  
 本朝分省人物考卷又七十 十六 福建

陳鴻漸

陳鴻漸字廷儀連江人登景泰辛未進士拜刑部主  
 事察獄明敏而用法平恕累遷廣東司郎中其所分  
 治實權貴所在時權貴之勢方張噓吸能死生賤貴  
 人而挾勢庇奸請托紛至鴻漸一以至公處之屹不  
 為動然其素守廉慎竟亦無間可乘也嘗奉 命獻

獄於常州州人哀重賄欲賂之無敢通者其同事乃  
 權要武臣鴻漸與之同寢處而委曲防範之卒亦不  
 得交一言而去後以親老遂乞歸養居家餘二十年  
 確然不易其素守士論高之

王克復

王克復字師仁福清人天順元年進士授刑部主事  
 歷陞員外郎郎中江西左右叅政歷官副都御史南  
 京吏部右侍郎得請歸老家居十餘年卒計聞賜祭  
 葬如例克復縝密有幹局御下嚴切吏不敢欺人目  
 之曰王燈籠其在刑部以勤慎稱總督兩廣都御史  
 本朝分省人物考卷又七十 十七 福建

林廷選

林廷選字舜舉長樂人登成化乙未進士授蘇郡推  
 官廉明仁恕屢決疑獄民稱青天拜監察御史巡按  
 廣西適夷寇猖獗謀諸總鎮平之詔增俸一級賚白  
 金文綺擢浙江僉事副使溫處鎮徒煽亂諭解歸農  
 歲大稔設賑活民萬計宦浙最久凡官舍所需必遣  
 人於他省市之觀風使者密廉有司強市民間物獨  
 林按察無有也歷深望重南臺會薦以臬長入為大

聖卿鞠讞多所平反以右都御史奉 詔鎮兩廣盜賊克斥專意招撫梗令者不得已而後征之入疏乞骸骨歸 溫旨慰留晉南京工部尚書乞休益懇賜璽書馳傳歸有清慎才明允遂高尚之語有司月給廩歲給役卒賜祭葬贈太子少保

鄭建

鄭建字弘中別號淡泊福清人自幼敦重樸雅讀書日記二千餘言及長從副都御史洪英學英大器之登宣德丁未進士第為庶吉士一日 上御文華殿召試諸葛孔明可與興禮樂論考居第一賞鈔一百

本朝分省人物考

卷又七十

十八

福建

錠仍命讀書期以大成未幾以直言見忤當道黜為南雄通判既抵任知郡民避徭役逃竄者多于是避險艱徧歷屬邑以招徠之仍具奏乞免逋負不數月民悉還定內艱去職民遮道攀留覓間道乃始得行服闋謁選天官時值閩浙之交民盜銀鑛相爭至有與官軍拒者 上命處州專設通判一員以蒞其事建既至諭民以禍福且為平其力役民遂以寧銀課亦不勞而辨倏閩寇鄧茂七嘯聚流民越界攻掠上命大臣督兵勦擒建時分守龍泉偕其子躬擐甲胄率民兵與賊抗者數日斬首五百餘級龍泉以平

尚書石璞委以掃除餘孽建直抵其巢察其情皆良民不過被寇勢挾而烏合之者悉諭以歸農得其被虜男女二千餘口以還其家秩滿述職奏留陞同知復以平寇功陞食三品俸廷議銀場非得人以綱紀其事則不可改陞浙江按察司僉事卒于官

薛廷寵

薛廷寵字汝承閩人嘉靖十一年進士以行人選給事中奉使朝鮮還擢都諫廷寵在諫垣每誦季孫行父之言見無禮於君者若鷹鷂之逐烏雀也竊有志焉嘗上疏劾諸大臣皆當時用事者屢欲出之外藩

本朝分省人物考

卷又七十

十九

福建

具名以進 上言廷寵賢不宜使去左右乃止未幾卒家貧無以為斂鄉人為治其喪廷寵內行修事繼母李孝李有子恒依廷寵居其卒也李哭之哀感傷人繼室衛京師人時年十九衛父母憐其少又聞道萬里欲留之衛不可竟扶柩間關返獨處一室即薛氏親黨罕覩其面遇廷寵忌辰張遺象慟哭年四十餘卒

鄭天佐

鄭天佐號金峰福清人宋名臣俠之裔登嘉靖甲子鄉薦上公車不第念母命太宜人年老欲乘時祿養

謁選而得山東霑化論以廉褊躬以寬敷教造就有  
程士皆勵於名行陞桃源令廉謹不阿邑有巨貫國  
子生恃當道戚險整鄉里因寺僧一言之忤叱僕夜  
縛於樹縱火焚之當道欲從寬政佐訊繫如常生度  
不能脫竟自縊死六年陞惠州府同知先是天佐之  
叔孟周曾為歸善尉邑有鄭清尉之謠聞佐至則云  
清尉之姪來矣半刺惠州益務砥勵循聲蔚起抵兩  
臺赴愬者輒願批鄭青天後竟成謠誦曰縣遲延府  
一年但願批與鄭青天訟無滯民無冤兩臺疏其謠  
于薦剡時惠苦倭寇佐專理海防撫循軍兵有如挾  
林瑯字繼文福建侯官縣人景泰二年進士由戶部  
主事改雲南道御史建言謫湖廣便水驛丞天順元  
年起長沙知縣調容城縣陞曹州同知致仕

蔡以俊

蔡以俊福清人少穎悟凡經史諸子靡不該洽至老  
手未嘗釋卷人號曰蔡書櫛隱居教授不求仕進卒  
年八十

鄭炎

鄭炎懷安人性淳謹隱居教授暇則課童僕耕稼不  
慕營利其大父潛嘗勸義學於瓜山之陽炎每值朔  
望必幅巾深衣率諸生致敬於先聖先師平生一語  
不妄發至啟牖後學壹壹不倦劬苦攻書至老益篤  
學者皆嚴事之

補遺

王德溢

王德溢字懋中福建連江縣人永樂四年進士由慈  
谿知縣選雲南道御史巡益長蘆以劾權貴罷歸起

林璟

林璟字繼文福建侯官縣人景泰二年進士由戶部  
主事改雲南道御史建言謫湖廣便水驛丞天順元  
年起長沙知縣調容城縣陞曹州同知致仕

林瑯

林瑯字繼文福建侯官縣人景泰二年進士由戶部  
主事改雲南道御史建言謫湖廣便水驛丞天順元  
年起長沙知縣調容城縣陞曹州同知致仕

林瑯

林瑯侯官人冲晦不為時俗炫耀與人居端默無言  
至臨事卓犖不可及弘治中授監察御史上慎名器  
重國本七事而直斥柄臣非才巡雲南言孟密不當

立安撫行階亂事又言鎮守故違玩其制諸所造淫  
後宜鎔毀母以上供而孤鼠為幽奸者薰灌殆盡代  
者繼至殊不樂然心敬憚之黔國有椽史張聰者盜  
柄受賕事覺瑋竟置于法叅將縱麾下私于崖徭奪  
印殺人瑋覈論叅將坐落職土官子安乃父坐事死  
獄中首貪賴其田誣乃叛普賴土官弟與嫂爭田嫂  
誣以通黑脚夷入寇皆繫獄十餘年被累死者百餘  
人矣瑋駁之曰乃誠叛從叛者何人為寇暴何鄉黑  
脚夷誠入寇寇且三千人當有羽檄調發可覆也事  
得白自餘平反甚眾

鄭世威

鄭世威字中孚號環浦福州府長樂人嘉靖己丑進  
士授民部僉江西憲臬適貴溪夏相國方 召入兩  
臺藩臬詣第脩謁率由掖門呼闈者語之相國尊柰  
何令邦大夫縮縮而旁趨還吾刺去耳闈者錯愕闈  
中門乃入汪巡撫立錫偕夏有事上清宮以祝釐為  
名藩臬皆從視祝辭為相君祈胤耳佛然而出強之  
署名不應夏固已心恚之矣頃之轉叅浙藩適夏再  
入相取道武林諸大夫郊迎所不能致者獨世威一  
人耳已而復以臬副蒞江西時分宜柄國勢張甚族

本朝分省人物考 卷又七 福建

黨競豪所司不敢問輒以三尺繩之熊憲副楫者嚴  
姻也以輕直占寺田千餘畝會歲祲估平直鬻田賑  
饑熊持嚴手書冀減直竟以成案報分宜恚怒甚于  
貴溪矣已遷蜀叅政念分宜父子終將整已遂投劾  
歸歸十年而分宜敗擢僉內臺晉少司寇會 詔採  
珠及珍石疏乞納忠諫崇節儉不報遂引疾乞骸骨  
歸環堵蕭然薪粲不給食指故少悉屏去僅留二三  
蒼頭習耕者躬為督作灌畦種蔬陶陶如也享年八  
十有二而卒

吳文華

吳文華字子彬號容所福州府連江人嘉靖丙辰進  
士授南兵部主事適三殿工興內璫主進顏料牒所  
司具舟三百艘裁其半璫怒脅以危言徐應之曰中  
貴人多索舟欲為市販地耶夫使舟不任載責在郎  
使舟任載而故為逗留以乏上供責在中貴人璫無  
以難遂巡去累官至河南左布政未抵任適大計群  
吏 天子脩曠典旌治行異等二十五人而文華為  
之首檢汴志得革除死事諸臣鐵公鉉等五人建祠  
祀之又脩太昊陵及濬復南陽水利晉應天府尹在  
汴所積羨金萬餘主裁吏具籍進請納諸行李不則

本朝分省人物考 卷又七 福建

牘而白之臺使不應第以籍授代者充公帑而已其  
 廉不近名如此已晉右副都御史撫粵西六年寨徭  
 突出為患檄叅政陳應春勦平之昭平賊首黎福庄  
 父子聚眾剽掠執孝廉歐鳴鑿索金以贖聞之佯為  
 不知會督府徵師討羅旁兵盡東乃陰留數千人屬  
 裨將韓文啓掩擊之斬福庄乘夜攻下五指白帽諸  
 峒捷聞陞俸一級後柳州賊巢地名北三聚黨萬餘  
 標悍善騎射號刻馬賊諸將蝟縮無敢嬰其鋒適河  
 地有驚選卒七千俾叅將王中化往勦既得捷即馳  
 檄諸將曰吾名攻河池耳意固北三今河池捷北三  
 謂我兵疲且休矣擊之必勝遂督兵分道以進賊果  
 不為備連破七十餘巢斬四千八百捷聞相國抑其  
 功僅賜金幣錄一子太學晉戶部右侍郎念母夫人  
 春秋高陳情終養時相國方奪情諸言省侍歸養者  
 皆惡聞獨觸忌諱不顧也後母夫人歿相國殂復以  
 臺章薦擢摠督兩粵在任三載屢平竊亂遄發遄撲  
 無使滋蔓每命將出師授以方略輒懸合機宜往無  
 不克而尤洞于應變當上下皇遽之時從容籌論寬  
 若有餘卒不勞而底定改南京兵部尚書叅贊機務  
 會中官有怙權恣睢者為言官所劾 上怒杖言官

于廷乃率南九卿抗言宜治璫罪宥言者語甚切直  
 不報遂引疾乞休三上得允優遊十載無疾而終享  
 年七十有八

本朝分省人物考 卷之七十一

三十一

人物考卷之七十一目錄

福建泉州府二

陳亦言

莊逢辰

趙士亨

龔炯

陳章應

張忠

王彥英

蔣疇

余福

朱則文

黃維清

夏秦

朱鐸

陳道曾

陳安

趙應

本朝分省人物考

卷七十一目錄

李思鄒

崔惠

葉秉乾

莊敏

朱鑑

李珙

蔡清

顧珀

留志淑

楊智

李聰

傅浚

黃瑗

張岳

陳琛

史朝賓

黃傑

林性之

鄭懋中

張廷芳



趙復

王慎中

蘇士潤

周天佐

楊逢春

蔡貴易

郭楠

丘養浩

李源

蘇志仁

詹寅

陳讓

黃馴

詹仰庇

蕭騰鳳

李廷機

補遺

謝璉

陳道基

本朝分省人物考

卷之七十一目錄

蘇濬

楊道賓



本朝京省人物考卷之七十一

福建泉州府

陳亦言

陳亦言字汝納晉江人至正間由古田侍父瓊來官  
晉江泃州鹽場因家焉平生不樂仕進刻苦力學貫  
穿經傳子史尤工詩賦同時蕭子玉趙應嘉張仕寬  
邵右田輩常相往還講論吟咏年幾八十卒有潛齋  
集

莊逢辰

莊逢辰字士明生於元季躬勤種藝以奉母雖在亂  
手未嘗釋卷母卒喪葬一據考亭家禮國家統  
一寰宇或勸其出仕辭曰嚮遭亂離首領且不保今  
幸際太平足矣敢饗榮進乎日惟教子讀書鄉後進  
多師事之稱靜齋先生後以子琛恩贈大理評事

趙士亨

趙士亨字應嘉晉江人試吏于縣未幾棄去杜門讀  
書移家九峯山父蚤喪明母復風癱而奉養極其甘  
旨湯藥必親累歲不少解父母卒喪葬盡禮廬墓以  
終制時山寇呂光甫等嘯聚剽掠村落焚民廬舍每  
相戒勿犯其居後教授于鄉洪武初以人材授繁昌

在淮河泊官以告歸卒于家

龔炯

龔炯字延璋晉江人敦厚周慎刻志為學詩文為當  
時所稱書翰道勁端嚴得歐陽率更筆意洪武中應  
薦以二親年高上疏乞歸終養卒于家

陳章應

陳章應晉江人洪武中進士初授榆次縣丞調安丘  
藩憲考其學優廉幹以狀聞特降旌榜嘉之仕至禮  
部主事卒于官其孫道曾性資朴茂遂于易舉進士  
改庶吉士自陳願授學職三歷廣文所至以師道自  
任云

張忠

張忠晉江人永樂壬寅由太學生擢監察御史有能  
聲陞廣東按察司僉事累平賊寇以靖地方致仕卒

王彥英

王彥英晉江人永樂中舉進士擢行人持已端謹陞  
吏部員外郎能聲著聞尋遷山西布政司左叅議卒  
于官

蔣疇

蔣疇南安人永樂中進士任監察御史貞度肅僚凜

有風采所按屬貪墨吏先拔家而去其審覆多所平反士類以大用期之無何丁母憂而卒

余福

余福惠安人永樂中進士授行人使交趾宣達有體夷人悅服以金銀器用贈峻拒不受文廟廉知之深加嘆獎未幾巡北京剛直積忤當道出知撫州府再左遷太平府同知福為人短小兩目炯然遇事慷慨不為利害趨避卒與世齟齬不至大用云

朱則文

朱則文諱虎晉江人幼失怙恃鞠於伯父德善遭元

本朝分省人物考

卷七十一

三

福建二

未兵亂欲殺德善以取材則文起抱號泣求以身代兵感其義遂兩釋之洪武間夢神告曰天錫金助汝不給已而果獲金數十錠不以營貲產悉濟貧乏後以子鑑恩贈右副都御史

黃維清

黃維清字源潔晉江人弱冠領洪武甲子鄉薦明年登進士第歷職郎署以才諳聞陞九江知府特賜勅以往九江土瘠民瀉號稱難治維清廉勤平恕漸著治蹟卒于官

夏秦

夏秦字西仲晉江人少讀書凡經傳子史靡不周覽教授鄉里郡守胡器與部使者多造其廬咨以政治洪武十八年召試京師欲任用之自陳年老乞骸骨歸簞瓢屢空晏然以終老年九十六卒

朱鐸

朱鐸字允學晉江人七歲能對偶十歲能詩語皆超絕弱冠第永樂丙戌進士授官戶部主事性簡亢寡合退而家居以經史自娛請文者戶踵常接得之者以為榮郡中石刻多出其手卒年九十有文集藏于其家

本朝分省人物考

卷七十一

四

福建二

陳道曾

陳道曾字端誠晉江人童應之孫性資朴茂遂於易旁及諸經子史發為文章詞義精到制行卓然不苟徇流俗第永樂戊戌進士改戶科庶吉士自陳願受學職授吳縣教諭陞瑞州府教授遷無為州學正所至以師道自重為湖廣浙江山西考試官俱以公明稱卒于官所著有吳下集筠陽濡湏等藁

陳安

陳安字克成晉江人第永樂辛卯進士授工部營繕司主事以才行聞陞衡州知府為政清簡屬歲饑安

不待報開倉賑恤尋丁內艱服闋改重慶府後患足疾民苦遮留之扶曳而治者幾二載竟以老疾辭歸卒年八十

趙應

趙應字孟別晉江人弱冠入邑庠以註誤謫為吏宣德間授南昌典史當道者薦其才擢知浮梁縣政教浹於士民威令行於狡猾縣東南有青峯渡灘水悍急歲恒一覆舟溺者甚眾應具牲醴為文祭之自是患息滿九載民相率乞畱陞六品秩仍知縣事再滿秩丁內艱服除疏乞致仕年八十四而卒

本朝分省人物考 卷七十一

五

福建

李思鄒

李思鄒晉江人有勇力頗讀書知大義正統十四年沙尤鄧茂七作亂黨酋吳四官據黃山人皆望風奔投脅思鄒往思鄒正色叱之曰我太平百姓豈從汝輩為盜耶遂以義倡鄉里從者三百餘人立柵為禦備屢與賊戰俱勝一日早適大霧晦冥咫尺不辨賊乘間襲其柵眾倉卒奔潰思鄒獨率六七人當柵門力戰為賊所殺暨斂顏色如生人皆異之

崔惠

崔惠字迪吉晉江人宋進士拱之後天性純篤學問

淹貫由鄉貢士任江西石城縣教諭正統戊辰叛賊陳椿陷石城執惠逼令從已惠罵賊不釋口驅迫行里許會賊燬草營遂投火自焚而死

葉秉乾

葉秉乾同安人慷慨尚義正統辛酉歲饑出稻二千石入官儲以賑貧民歲已巳沙尤寇發延及諸邑秉乾倡義率民兵屢戰不利被擒賊脅其從已罵曰吾奉義討賊不幸力屈速殺為幸豈從汝反耶賊猶不忍殺論之數四不屈而死成化初御史涂棐奏旌其門曰忠義

本朝分省人物考 卷七十一

六

福建

莊敏

莊敏晉江人正統中進士任吏科給事中骨鯁立朝論諫務存大體後出守雷州威儀嚴重喜怒不形人不見其有為而事無不治云

朱鑑

朱鑑字用明晉江縣人由乙榜舉人授教諭秩滿擢監察御史巡按湖廣名聞於朝畱三載始代歸其巡按廣東奉命讞獄全活者眾招撫逋叛恩威並著用薦陞山西左叅政使未幾以北虜入寇陞右副都御史巡撫山西提督雁門等關凡處置大小事悉得其

宜正統己巳聞京師戒嚴築城浚池練兵收馬爲備  
禦計韃賊入界時夜雪士卒難之鑑曰此李愬入蔡  
時也一鼓俘之人謂西北鎖鑰乞歸不允召還叅佐  
院事再乞休致許之家居二十七年卒年八十八賜  
祭葬如例錄孫轡爲太學生鑑公廉謹恪見事明敏  
片言之間是非曲直立斷所至吏畏而民懷嘗上書  
言十數事皆國家大計賜詔褒之閩士通顯以政事  
稱者鑑其一云

李 珙

李珙字廷璧南安人由胄監除知蕭山縣縣俗生女

本朝分省人物考

卷七十一

七

福建二

多不舉珙立法禁之其俗稍革蒞官廉勤公慎邑民  
安之景泰元年以父喪去任民遮道悲泣服闋改懷  
集縣後乞休致年八十四卒

蔡 清

蔡清字介夫晉江縣人成化甲辰進士授禮部主事  
弘治三年改吏部稽勳司六年陞驗封司員外郎養  
病尋起禮部郎中十三年因彗見疏時政以弭天變  
言中官李廣尚在朝班惟是紀綱廢弛故士風日壞  
甚至宦官廝養宅舍擬公侯金銀動萬計而錙銖取  
民者多充債將之家轉運權倖之門民力訕兵力弱

尙忍言哉今欲抹之必先正心用人下部知之尋陞  
江西提學副使正德初忤寧藩欲傾之遂致仕正德  
三年十二月起南京國子監祭酒未至卒生平飭躬  
砥行不入俗浮靡好學至老不倦以六經爲正宗四  
書爲嫡傳以周程張朱爲真派研精殫力摹擬闡解  
學者宗之曰虛齋說也在江西務端士習正文體嘗  
曰學宜養正性持正行聖賢言語孰復玩味則舊去  
新來日改而月化天性孝友內外親族貧無衣食及  
不能葬者皆收恤之家雖屢空恒借貸以自給而公  
弗之計也其學術德器爲一時名儒云

本朝分省人物考

卷七十一

八

福建二

顧 珀

顧珀字載祥晉江人童時卽善偶對稍長刻苦力學  
弘治乙卯領鄉薦己未舉進士除知虹縣有惠政丁  
父憂正德丙寅起復補旌德察民瘼擇所宜利者行  
之於訟獄立爲剖白每化以情鄰邑有淹繫數年不  
決者咸來求質尤勤積貯值闔郡歲饑獨旌民得免  
孳移爭樹碑頌德擢守和州復罹大饑倒倉庫所蓄  
賑之不俟申報巡按捧部檄督通賦甚亟珀計民貧  
無措召富商諭以大義商各輸所有貸官至秋成還  
之商民俱無累州有蘆課勢家侵佃相仍查收買者

給批輪限無敢違者以治行擢南京考功郎中丁母憂服闋改除庫部諸司薪隸舊以衙門大小有軒輊珀革積蠹一例分給人無間言收倉厥俸米除斛面杜侵盜納戶稱便京衛勾解多影射為奸珀於清勾冊內弔戶部月支冊查對積猾不敢欺隱軍士有功陞職官原籍多解丁補伍珀請行印綬監查黃是實將戶丁發回原籍當差軍充重役陞湖廣布政司叅議督儲各府起運錢糧及王府祿米衛所糧餉節年負額幾倍珀設法綜會賦以不虧屯田瀕江以堤岸圯壞不修捐屯額查累年拖欠軍士月糧每石折銀

太廟分省人物考

卷七十一

九

福建

三錢令軍士砌石一丈者給銀六錢不加賦而堤岸悉報完行部至斬有妖僧詐稱奉 勅往名山掛旛所在恣橫珀密發其奸置之法已卯寧庶人反南昌珀駐黃梅扼險為池皖援會 武廟親征人爭逃竄珀榜諭安輯地方恃以無恐事平乞休 世宗入承大統以護送 聖母勞有金幣之賜復上疏乞休奉旨准致仕薦剡歲聞至嘉靖五年起四川按察司副使整飭威茂二州珀至修理城堡墩臺關口召募武勇彈壓羌夷歷年賞番虛糜歲計五萬餘兩一一核實餘銀幾萬兩廣募民鑿石坎開大衢便商往來吐

番來貢挾利器珀創會館差官把守令夷人釋刀易馬乃入郭民免毒擾後守為定規踰年陞河南右叅政又明年陞江西左布政使值寶興廷差京官主考珀職提調嚴關防去取悉裁自內廉人稱得體時朝廷有龍虎山之役珀不忍派民因查庫藏見三巨桶封識朽敝簿籍不載啓視之為金遂申撫按以此銀署工程餘作歲例差官解部是秋擢南京太僕寺卿檢舊牘振舉馬政見近郊腴田荒蕪問之係屯田以官徵上手拖欠故不敢耕珀令軍民人等開墾成田之後照畝徵糧以足屯額不失已丑陞南京太常寺

太廟分省人物考

卷七十一

十

福建

卿尋陞南京戶部右侍郎珀署篆疏上便宜十二事畱心度支京廩充溢攝憲部攝都臺兼督江防俱勤慎不懈及見各衛所屯田久拋荒不耕仍比徵屯糧乃與屯田御史疏請除豁畝數追徵則例遵守至今在部五年致仕卒年八十六祀鄉賢

畱志淑

畱志淑字克全號朋山永春人十六遊蔡虛齋之門一見稱其遠器十八卅角以儒士領弘治戊午鄉薦登乙丑進士授温州府推官三年為刑部主事遷員外郎郎中守杭州杭當要衝征人使客終絡交道有

司濫取曲承以希延譽鎮守織船中官相繼漁獵數十爪牙有午入郡如虎狼淑一切裁正或寘之法鎮守恚欲乘相見倨挫淑簡執不爲屈已卯代鎮爲畢真逆濠黨也至自江西聲勢赫擁從牙士五百餘人肆行殘賊人人自危淑密得其不可測之狀白臺察監司陰制之未幾真果構市人一夕火其居延燒二千餘家淑恐其因衆以爲亂閉門不出止傳報諸衙門人母救火餘數日果與濠通變真將發應濠臺察監司召淑定計先提民兵伏真門外監司以常禮見出淑入真怒曰知府以我反乎應曰府中役從太多是以公心跡不白因令左右出報監司既入即自堂上執真手與語當自白之狀衆共語遣所不藉之人以釋衆疑真倉卒不得已呼其衆出則民兵盡執而置之獄俄與真入視府中見所藏諸兵器詰曰此將何爲也真不能答乃羈留之踰月上得奏狀繫真入京伏誅其有膽略知慮動合機宜類此時濠變方起人情詢詢以爲必取水道及南京武廟親率師討之憲臣以徽爲襟喉地行在供億胥此焉辦乃便宜表淑知徽州報至即出篆簿帑藏餘八千金人始知真清白吏也至徽止預接駕丁夫餘悉如故公

本朝分省人物考

卷七十一

十一

福建二

私宴然去杭踰年人思淑白當道復之臺察以聞竟從杭請未幾遷湖廣按察司副使尋轉布政司叅政銅盤嶺洞賊起淑捕之先廉獲土民爲藏匿若干人凡報賊者輒弗令返絲是消息不通乃令各村富民集兵以待麾指運用莫測分道直迫賊壘而猶不知月餘外給不繼賊始困又使人善諭之遂降乃下令官兵任取金帛籍餘資于官者數萬功上受賞會大饑多方講求事宜置斂散法極貧賑米次賑錢次轉貸節役蠲稅民多賴焉屬有腴田數百頃水決爲陂塘歲比不登淑白臺察出所籍銅盤洞金以資費度勢而疏導之爲斜堤植柳以遏水勢不二年田有秋以丁父憂服闋轉浙江按察使又丁祖憂服闋報補江西按察使轉浙江右布政使疾作卒年五十二事繼母胡克孝與其弟志及志憲怡然友愛凡先人所遺悉以推與志及挈其子元復輩扶柩江西潘臬諸司購奠數百金悉辭不受

楊智

楊智晉江人幼有大志成化初舉進士擢南京監察御史因天變陳言歷數大臣之罪當黜者且及宮闈近幸遂賈衆怒繫詔獄將真重刑尋以科道交章辨

本朝分省人物考

卷七十一

十一

福建二

釋黜廣西布政司照磨轉化州知州卒智歷仕未久其志節已卓然可稱一斥不復竟死炎荒識者莫不悼之

李聰

李聰晉江人弘治庚戌進士授翰林院檢討充雍府長史改吉府聰自為舉子時經術行義已為士類所稱及輔藩王以剛正舉其職事正德初疏乞歸養家居杜門動遵矩度鄉士人敬重之稱曰古李先生

傅浚

傅浚南安人弘治中進士授主事丁父憂遭逆瑾密法除名後瑾敗起工部員外進郎中敷歷中外以績著

本朝人物考 卷七十一

十三

福建 徐玉

黃瑗

黃瑗晉江人弘治中進士知長山縣時山東旱蝗瑗多方拯濟隣境饑民聞之來就食者以萬計累陞肇慶府知府以平賊功進三品秩焉

張岳

張岳福建惠安人初以進士授行人率同官諫 毅皇帝南巡杖闕下謫官 嘉靖初復職累擢廣西浙江提督撫治勛陽總督兩廣召改刑部尋進右都會

鎮守同仁諸苗叛詔以岳視湖廣川貴師岳度苗情謂撫守非計乃大集土漢兵檄請將分道進剿斬獲以數千計會有思州之敗詔奪一官未幾盡勦首惡龍許保等功未報而岳卒其後兵部覆上其功復右都御史贈太子少保諡襄惠賜祭葬如例

陳琛

陳琛字思獻號紫峯泉州人正德丁丑進士始授刑部主事乞為南京戶部以便養轉南京吏部考功請告家居就家起為貴州按察僉事調江西僉事皆督學政並辭不赴蔡虛齋之學方顯士人鮮能習其傳

本朝人物考 卷七十一

十四

福建 徐玉

而琛之生稍後自以其意為宋儒文公朱氏之學未嘗聞虛齋之說也一日虛齋得其文於故長史李木齋所嗟異久之李曰此吾徒也虛齋瞿然曰吾乃得此人為友足矣不敢為之師也於是乃介李稟學於虛齋虛齋曰吾所為發憤沉潛辛苦而僅得者以語人常不解不意子皆已自得之今且盡以付子矣於是講為師弟子琛之書布於四方家而有之學者治經求通于朱氏微先生之書若瞽者失相從禽無虞悵悵然不知所如往士之專精自名所業以授生徒者往往為書其卑者望先生之外藩而不見其門其

高者不能以有加也故其爲書矜名立號何啻千百皆滅沒蔽塞小行而不廣暫誦而輒廢惟琛之書焯乎昭布大行而久存雖與世相弊可也今書肆所板四書淺說易經通典是也

### 史朝賓

史朝賓字應之號觀吾晉江人嘉靖丁未進士當肅皇帝癸丑春楊椒山繼盛以兵部郎上疏極言相嚴嵩納賂蠹國十事疏中有引二王語 上大怒命杖之百下司寇獄舉朝皇皇時朝賓以員外郎署司事部堂何問當擬何律朝賓答以奏事不以實當用

本朝分省人物考

卷七十一

十五

福建二

此律何日更有一律可用汝試尋之次日復日以員外見只有此律他無可傳者何乃指詐傳王旨一條謂用此何如朝賓爭不可時急矣延數日獄未上何乃曰汝執誠是然 聖怒不測與其俱斃無益不若姑徇 上意以待後解左堂王嚴氏姻人曰司官欲徇名姑饒我老命於是改擬詐傳王旨絞藁成授司令署銜朝賓痛憤既不可奈何乃自署本末云楊某言雖註誤心實無他惟望 陛下憫其狂愚謫發遠戍以全好生之德數語及疏入嵩怒楊坐死司官降三級調外任由泰州判官陞揚州府通判陞南京戶

部員外尋陞郎中母憂服闋補工部郎中管張秋河南僉事陞尚寶少卿陞南大理寺丞應天府丞南鴻臚寺卿時文貞爲元輔方欲大用未幾卒祀鄉賢祠雅尚澹泊簡約恥爲時俗麗態自宦所歸儼居僧寺舍車而徒宛然寒素孝友忠信不言而躬行居官奉法循理節冗費恤民隱卻餽遺雪冤抑所至著績薦於端簡鄭曉曰表裏無間夷險一節稱於蔡巡撫汝楠林宗伯濂曰不飲大梁一滴水曰聽其言若呐呐不出口而胸中膽略有萬夫莫當之勇嘗集自古父子兄弟言行可法者爲史氏內範行于家

本朝分省人物考

卷七十一

十六

福建二

### 黃傑

黃傑字一貞號忍江同安人以貢爲湖廣麻城訓導教兼父師恩義並篤嘗謂諸士子曰吾初授官時每念之不寐竊謂官以訓導名豈漫然哉字從言從川欲吾諄諄以善言與諸生相切劘也導從首從之從寸又欲首躬行以倡諸生隨其所之尺寸不可踰也居嘗分俸以贍貧士又嘗述宓子之治單父每抑競崇恬蓋感楊喬之喻云而又時時稱引其鄉先正若虛齋之操履次崖之風節淨峯之長厚其行事甚詳竟口無一庸俗譚也秩滿陞海寧教諭海寧士佩其



德建祠生祀之後以教授歸楚耿天臺周元孝皆所  
薦愛士也元孝督閩學政謂其廬猶儼然以師道臨  
之更不一語及私天臺曰觀里中諸寒士擔簦徒跣  
為俯仰計良苦也歲時以無能修儀為楚或稱貸以  
往候之署闈人預探有贊方報見見則盛容怒氣臨  
之已納贊袖中默以指度腆菲稍如意始降色相遇  
否則設諸難督過士逡巡不敢吐一語至貴豪子弟  
則又謔浪媒蕪無復夷等聞黃先生之風宜媿死矣

林性之

林性之字師吾號一川晉江人自少受書於父曉學  
既有所受而精之以思多所自得其所說易中庸時  
義自為庠生時諸經生則已遵信之如前輩人所居  
教授常數十人僉事蕭請以為士師賓禮之僉事有  
所屬吏以贓敗因私於性曰君脫我我厚謝君性曰  
某書生耳知為師授弟子經他非所敢聞也其人愧  
謝去嘉靖元年舉於鄉八年舉進士授浙江麗水縣  
知縣三年擢南京戶部山西司主事監龍江天策諸  
衛倉丁父憂服除改戶部浙江司主事為尚書梁材  
所知委監龍慶古北口倉三年遷貴州司員外郎監  
天津倉以病乞改南京遂遷南京戶部廣西司郎中

本朝分省人物考

卷七十一

十七

福建三

過家病卒年五十二為人恂悞質訥蕙蕙細謹世俗  
一切鉤距機警鑿空籠罩之巧非特恥而不為亦若  
性必不可移而為之然者其始令麗水邑故有密課  
後審戶以課重徙盡則均其課於病審之不為密者  
至性疏除其額凡若干會造籍時里中以竄絕自言  
者三十餘戶吏以為無故減三十餘戶且得罪性竟  
減之守令本以盈課額多戶口為功最而性之為令  
蓋如此律令倉法最重坐者往往累死而老倉曹方  
收粟時貪升斗之賄不擇美惡乾濕歲久浥爛輒繫  
死不能賂死則連繫其妻子坐監龍江倉時款款戒  
語其屬曰奈何以升斗故坐重法乎頃之適有浥爛  
坐罪者性輒愀然遂命發數倉粟與其浥爛者均給  
於軍曰此一軍所虧粟粒耳于是諸屬感泣至不忍  
犯法其在龍慶以為商賈邊儲所本商賈病則粟不  
來粟不來則邊人坐困故一切條去其所不便高其  
價以招之自是粟溢於廩而性得時其出納以濟邊  
人之急至在天津時值倉粟空又寒凍餉道阻軍無  
所食即奏請發旁近德州倉粟給天津軍三月食或  
謂于法不得相借不為止已而朝廷竟從性議當是  
時徵性一軍幾詢詢性本細謹畏事為戶部慎出納

本朝分省人物考

卷七十一

十八

福建三

守尺寸法不敢失至其越法有所移用如天津時事而曲法有所寬貸如龍江倉時事柳何毅也卒祀鄉賢祠

鄭懋中

鄭懋中字懋以晉江人由郡庠陞太學領應天府丙子鄉薦權知程鄉縣治先禮義不尚法律民謠之曰鄭懋中真長者禁令不煩徭役寡斯民相見何嬉嬉昔日無羊今有馬初程鄉民鮮知學懋中至首作新學校親爲生徒講解自是始有進士登第者一日感疾戒其子具湯沐正衣冠端坐而逝民哀慕之共昇

本朝分省人物考

卷七十一

十九

福建二

其喪歸葬復立像於漢令曾芳之祠而合祀焉

張廷芳

張廷芳晉江人世居縣南之方山父謙齋以文學召爲石井書院司糾廷芳世其業以講明理學爲務冠婚喪祭一遵朱子家禮自號退密翁嘗著易經十翼章圖蘊義十卷未上卒于家退

趙復

趙復字無疾號退翁晉江人隱邑之孤山博通經史不求仕進泉俗冠婚之禮率弊於侈靡喪葬之禮多壞於浮屠復惓惓以古禮爲之倡人多化之卒年九

十五門人號曰莊節先生

王慎中

王慎中字道思別號遵巖其祖由固始徙居晉江慎中生有奇質母教以詩輒記誦不忘父教以對語應答如響年十三四盡通舉子業且多讀古人書時授學於蔡虛齋高第易時中一見謂當避生三舍年十八舉嘉靖丙戌進士授戶部主事監兌通州往監兌者惟取完事不復及國家大計慎中獨急轉輸革役耗宿弊爲之一清暇則讀五經暨百家言詩文具泰漢魏晉風骨又做晉人作書遂擅臨池未幾改禮曹

本朝分省人物考

卷七十一

二十

福建二

更得一意于文事世廟方重祀典與文制禮作樂西郊改建百役奔馳慎中時典祠祭督工考禮克副尙書之托辛卯主廣東鄉試錄文甚佳明年狀元及第者卽鄉魁林大欽也朝議破格用人將取部屬充館職諸部屬無如慎中才者權貴人欲其一見而慎中固不肯往曰吾寧失館職不敢失身乃改吏部慎中在吏部以才高事事得與謀少宰霍渭厓嘗稱之于衆中已進驗封郎中會忌之者短于羅峯張相國因以覆方士張衍慶請封事謫判常州慎中在郡能革吏弊得民心巡按御史郭宗臯夙重其才譽揚之而

巡撫侯位待之不少假委署江陰縣縣多大族多不法慎中不以遷客少偃蹇至則延見父老舉廢事除積害怙勢不悛者首置之法一縣肅然尋陞戶部主事再陞禮部員外俱留都冷曹因得益肆力于問學嘗與龍溪王畿討論陽明先生之遺說而精心求之夙好古漢以下著作無取焉至是始讀宋儒之書而喜之尤喜曾王歐三氏文即眉山兄弟猶以為過于豪而失之放矣以此自信乃取舊所為文悉焚之製作一以曾王為準丙申陞山東提學僉事慨然以古風教為己任章程條約為之一新時下寮叅謁曲膝本朝分省人物考 卷七十一 壬一 福建二

過恭乃痛為禁革所試卷品藻彈射百無一失其高等士率以次得雋去東人至今思之未幾進江西叅議江西乃陽明先生過化地故老猶能道其遺事慎中尋陳跡發新議往來白鹿鷺湖間與雙江聶司馬東郭鄒司成念菴羅殿撰南野歐陽宗伯交遊講習學益進俄遷河南叅政抵任禁有司不許科擾章聖梓宮過河南供億繁多下吏有棄官遁者慎中身任其役寮吏咸仰賴之歲饑戶部王侍郎奉旨賑濟王檄慎中將事慎中為親歷郡邑開倉發粟民獲更生王具以狀聞且薦當大用辛丑考察忽從中報罷慎

之乃權相夏怪其為屬日不曲意奉承而竟坐以不謹慎中既罷因約同罷涵江劉叅知遊淇水王屋大少二室及武當山相携而歸劉竟不從慎中因獨至淇上徜徉百泉蘇門之間訪學士崔後渠談數日而歸時年甫三十有三耳慎中少年英氣太露如太阿出匣知其難犯久之涵養深沉藏鋒斂鐔而世竟莫能用矣其為文必反覆沈思意定而辭立就造語華瞻命意深遠片紙隻字得之者有如至寶閩士日以所業請正門牆幾不能容凡監司部使者行縣莫不造其廬講道問政居常念從仕之早不獲盡力于父本朝分省人物考 卷七十一 三二 福建二

母之奉故其罷也葬父養母稍無遺憾又以為國家承平日久民不知兵一旦變作東南海上逋逃是為大患泉固濱海且與漳隣深為可慮建州為八閩上游乃卜居焉後倭患作一如所料將遊武夷築室九曲深處遂躡屩至衡湘登南嶽棲息天柱回雁芙蓉响嘯諸峯澄神反照為長生久視之道復與八才子等一晤因母病遂已戊午夏賊自武榮入郡境市鎮居民扶老携幼驚逃山谷中有倡為清野之說者督責入城慎中撫髀嘆曰是大失計清野乃北邊虜至急斂人畜使彼無所掠若內地惟在郊關外村落生

聚然後能成治耳今宜速令各鄉大姓盡還故居相度地利自相團結使盜至不得逞而後城內可恃以爲安耳後數年卒壽止五十一

蘇士潤

蘇士潤字惟德號誠齋晉江人九歲能屬文文多驚人語同郡王遵巖以文名一代試之大加稱許少治尚書獨得其解有不拘拘于蔡傳者嘉靖戊午舉省試第三人晉江用尚書擢魁者自潤始蓋又七年而成進士爲吉水令徵入爲江西道監察御史首疏請東宮講學又疏舉遺逸以備緩急又疏裁東粵撫臣

本朝分省人物考

卷七十一

二十三

福建二

以蘇困語皆剴切中時弊已有旨取光祿銀三十萬兩備內供潤杭章諫阻謂江漢之水不足塞漏卮宜從罷語尤峻直旋按長蘆釐政行小票法通商利民至今著爲令巡按順天首劾一州牧恃輿援乾沒官帑者貪墨吏聞而股栗中貴人義子憑城社張車騎橫行都中潤廉得其黨與盡置之法不少貸自是中貴斂手相戒後巡視京營簡戎器練卒伍更置債帥營臣有懷私詭言京軍驕懦不足恃欲召募客兵以衛根本謂北人性勁使恩威素布訓練以時自可易驕懦爲精悍若棄土著而募烏合徒靡養兵之費無

益實用議竟寢在臺七年時相張江陵居正嘗欲招至門下潤謝不應心憾之而張故與僚少師高新鄭拱有郟合權璫擠高以去諸爲高媼戚故吏門生相繼斥謫潤新鄭乙丑所舉士因出潤爲湖廣按察副使仍風銓司用考察京朝官謫潤全州倅踰年量移湖州司理久之晉四川夔州丞後先六七年迴翔州郡上官多以潤自恃從要近下遷不欲煩以吏事乃潤一意勤修職業撫恤民隱勸農課士孜孜不倦歲壬午江陵物朝政更新諸爲所斥謫者或起田間或援自下僚有不數歲驟至通顯者而潤適以夔守缺

本朝分省人物考

卷七十一

三十四

福建二

入覲如京師諸朝賢論潤以直道久抑共推轂潤蓋不久超遷有日矣入都疾作卒

周天佐

周天佐字宇弼號磧山晉江人登嘉靖乙未進士授戶部廣東司主事辛丑年春楊爵以監察御史上封事大略謂雪雨不可爲祥瑞而頌之權奸不可爲忠信而邇之土木之工不可不止朝講之禮不可不修邪說之妨政害治者不可不斥讜言之益國與民者不可不聽初五日械繫下獄十三日夜復蒙笞且備極拷掠人悚懼謂爵必死不可救延兩月餘夏四月

初九日 九廟災 天子詔百官使言時政闕失天  
佐應詔上疏其略曰 陛下示人以言未若示人以  
政求言之切乃示人以言耳而御史楊爵之獄未釋  
是未示人以政也臣聞詔書且下意曠蕩之恩必首

及楊爵今復不蒙恩宥臣展轉思之心實未安况明  
旨既許條陳苟有所見寧忍終默國家置言官以言  
為職楊爵所言之事豈逃睿見惟以過直犯怒誠可  
矜察而爵今在獄中已經數月且 聖怒之下一則  
曰小人一則曰囚犯以盡言極諫為小人則為緘默  
逢迎之君子不難也以奉直納忠為囚犯又孰不能

奉朝分省人物考

卷七十一

二十五

福建二  
姜

為容悅寡過之臣哉言行君子之所以動天地也人  
君一喜一怒上帝臨之 陛下試一思焉其所以怒  
爵而罪之者果合於天心否耶萬一爵先朝露而殞  
是使諍臣飲恨直士寒心爵一身之利害不足深惜  
而所關係 聖德之損益不細也臣願察爵之疏原  
爵之心特賜釋放仍乞明示嘉納不吝旌爵之忠謹  
以風天下之直則 聖德如天地之廣如日月之明  
由此而天意不回未之有也疏上有詔周天佐答六  
十下鎮撫司獄牢絕其飲食三日死題請出屍未驗  
屍時天晴日燄俄而雲雷橫空震雷微雨屍既出雷

已天佐妻某氏候於門外見屍出以頭觸地幾死柩  
寘寺無不悲痛民有張弼者祭於柩前而哭之人曰  
子與舊相識乎曰否吾傷公以忠諫而死是以痛之  
深歸葬於閩中

楊逢春

楊逢春字仁甫同安人已丑進士授仁和縣令父喪  
未至官服除補崑山徵入授南京道御史出為廣東  
按察司僉事母喪去職起復僉事為四川按察司擢  
河南布政司參議積資二十四年始為雲南按察司  
副使未至卒年五十六居官竭心奉職崑山稱富縣

奉朝分省人物考

卷七十一

二十六

福建三  
姜

前令多以富自沒諸獻遺權力一切罷之其政寬民  
急吏賦籍獄牒胥吏不得竄手戶受賦重輕獄當決  
縱榜示出無不愜服不復求吏知權不在左右也撫  
按異意條教難遵春據理疏正江南北諸郡邑以歲  
時餽留臺為常春入臺餽不敢至曰是嘗為崑山盡  
罷諸獻遺者不可溷也巡視江南北倉汰黜庸貪風  
采振竦在廣東分巡嶺南兼有兵戎之寄法弛日久  
將玩卒惰賊白日剽通道行旅梗塞春首舉綱維責  
郡縣以修政息民之嬰然後易置將領選卒訓練指  
授方略自是賊發輒得在蜀領鹽書專以鹽屯為職

號煩劇春綜刷成額按籍考要年侵月虧瞭然可見  
課入日進時叙州戎縣都蠻叛殺掠吏民長寧戎琪  
一路邊無居人監司相顧莫肯發口春獨抗言且設  
禦取之策撫按謀委春春至益用耳目知蠻敢爲不  
靖由屢撫養其驕桀之性非盡勦之後益不可爲度  
險阨分兵四路約期進勦春復計蠻素以撫徯我因  
而誘之陽撫其四鄉而以勦二鄉爲師名果得四鄉  
最桀者四十人以來盡殲之用是兵入有功俘斬千  
計湖廣分部潭邵之間戶多亡逃客戶据其田逋稅  
猶責主戶之存者故亡益多而逋不可校春爲法使  
稅常附田以行田與稅不得相失卒於湖南民走哭  
相踵不絕

本朝分省人物考

卷七十一

三七

福建二

蔡貴易

蔡貴易字爾通號肖兼同安人父宗德號兼峯官台  
州別駕既以補官卒京邸母洪辛勤教成甲子舉鄉  
試戊辰第進士授揚州江都令洪卒服闋補浙崇德  
令崇德夾諸壯縣貴游結轍相望易以凝靜澹泊從  
事諸貴游無所加初至諸里甲以供應器物進甚腆  
易却曰吾起家措大一官如寄耳麾而退蔡邑民故  
苦差徭強有力者爭倚豪右爲藪不得差而易著畫

一法貧富適均民至今便之邑有大盜聚衆倡亂  
息洵洵諸使者欲兵之易曰察諸亂民皆脇之而行  
者亂非其本志此可折筭使耳用計擒其渠魁餘黨  
盡散全活甚衆晉南戶部主事管京倉以言者鐫一  
秩不補竟飄然而歸

郭楠

郭楠字世重晉江人正德九年進士由浦江知縣選  
貴州道御史嘉靖元年巡按順天議大禮詔賜廷杖  
罷歸六年起補吉水縣教諭累陞南康知府疏乞致  
仕以歸

本朝分省人物考

卷七十一

三八

福建二

丘養浩

丘養浩字以義晉江人正德十六年進士由餘姚知  
縣選授浙江道御史侃直不避疏斥權倖當塗擠之  
謫永平府推官尋復職巡視兩關督學南畿所在咸  
舉其職陞南大理寺丞累陞右僉都巡撫四川江西  
一時才望重於朝野未幾疏致仕而歸

李源

李源字士達號竹坡晉江人乙丑進士奉使廣東督  
發稽留諸賦故事藩司以使事至者贈遺至百餘金  
而使者以藩司官尊遠巡不敢卻源一無所取藩司

購陳白沙字書四幅為贖拜而受之使還除戶部主政差監臨清倉倉故置中貴一人董視之往與諸吏徒甲保乾沒為奸利事憚源嚴恪治酒饌為好冀以娛源當席舉杯沾唇而已中貴人欲手不敢恣者終一歲恚恨無所發則構趙副使侵撓倉事擾吏徒源疏其事以聞并劾中貴人罪狀事下戶部尚書孫公九峰歎為得職每舉其官氏稱于曹中以勵屬負久之逆瑾竊權脩前憾遣轉餉遼左故縮其期欲陰以中之時天寒雪深數尺晝夜行雪中二百里竣其事以報瑾不能加也然常恐其禍及託以終養竟疏請

本朝分省人物考

卷七十一

二十九

福建

得歸是時瑾毒尚未斂 孝宗之遺澤尚存士大夫習乎晏熙高重不樂去職故于其歸也人咸咨歎以為難源歸而母正患脾善怒寡歡笑乃制為軟輿自與莊獲人舁之游嬉室中素有足疾蹙蹙然行也女侍爭走代之日非為乏使欲以用勞為小孝耳且吾自勝之不為苦也後瑾敗連以原官起用不赴又以南京文選郎就家起之亦不赴久之遷拜尚寶司少卿適丁外艱衰絰未除而一疾不能起矣居以文史自娛宅近市廛庭戶蕭寂門無雜賓病足不喜出遊兀然一室焚香展卷正襟而坐俯仰千古之上平生

不御絲竹與人談有及物價市利贏縮低昂之說卽口塞似不能言至于陳說理道揚摧風雅疊疊有韻致聽者灑然忘倦為文雄偉奧健其所獨得每斲破規矩自為方貞故銘幽記遠之文著述獨廣郡邑大夫欽慕德履承風致敬旬月必一造其廬然終不以他事相溷也起家為進士凡三十六年有田百畝宅一區皆先人所遺後宅燬于火久不能興竄伏草莽瓦礫而寓其孥於戚里郡侯王公士俊蹙然嘆曰及吾為守而使賢者無以庇其身吾之愧也議損貲助之于是僅成堂數楹而房寢庖廩竟不能具歿之日無以為殮稱貸于人始克成禮鬻田而葬諸子常不免于饑何其貧也抑無愧于古之節廉純孝矣

本朝分省人物考

卷七十一

三十

福建

蘇志仁

蘇志仁字道先泉州人宋子頌之裔也生而氣宇清瑩穎敏絕倫幼偕羣兒遊里社中或言社中有鬼祟者羣兒驚走屹不為動或怪問之曰鬼之於幽猶人之於明也何畏乎識者器之嘉靖甲辰成進士除池州府推官為司理者多以搏擊為能而獨持之以寬當庭讞時每從容陳說理道喻以至情恒多感泣搏額願罷去者適寧國缺守憲臣檄之署篆至則一意

鎮靜休養有加時有偽爲楚王世子東游者所至張  
赫抵寧拒不與見也潛使人言於王曰 祖制王者  
非君命無出境大夫不越鄉而交今大王世子不厭  
風露而徧臨四境惟王圖之王報曰僞也寡人于安  
得爲此乃擒而送之楚當道壯其膽智秩滿徵拜銓  
司歷陞文選員外郎久之因與李司封論事尚書前  
過訐直尚書怒竟坐降級補外得運判兩浙尋移興  
化同知轉江西按察僉事未至以疾卒于家志仁於  
書無所不讀而尤精于天文律曆之學下至金石彝  
鼎之文山川草木蟲魚之細靡不畢究所著有抱拙

本朝分省人物考

卷七十一

三十一

福建

詹寅

詹寅字敬之泉州人生而穎異秀拔少卽具有成人  
之志其讀書務尋大義不屑屑爲經生之訓詁嘗私  
識其語于書舍日讀聖賢書須繪出忠肝義膽友今  
古士要煉就鐵骨剛腸識者已知異日定以身負天  
下之重任矣久之成進士選授行人會 武宗巡幸  
無度權宦江彬錢寧等竊叢神以爲祟假神虎以冒  
威所過無不荼毒者將北巡戒行有日各部及翰林

院具疏列名詣 闕下伏畱甚懇 上震怒罰跪門  
五日已而行人司繼之大理司繼之 上益怒繼疏  
者盡褫其衣冠梏械手足下于獄命杖于獄中越五  
日又杖之 闕下時死者七人而寅其一焉血肉淋  
漓棺衾不給凡見聞者靡不哽咽慘裂淚淫淫被于  
頰也時長安同志者共相賻助始克歸葬而妻子瑣  
尾不堪之狀極矣至嘉靖初元錄贈死事言官乃得  
蒙恩贈監察御史賜之祭錄一子入太學後爲光祿  
寺丞

陳讓

本朝分省人物考

卷七十一

三十一

福建

陳讓字原禮晉江縣人嘉靖間進士由紹興推官選  
浙江道御史以建言罷職疏薦復起御史尋建言罷  
歸天下靡不高其直歷久挫而不少降也隆慶元年  
詔贈光祿少卿

黃馴

黃馴字珍夫安溪人爲邑弟子時每抵掌顧同舍生  
丈夫一日立玉陛前抉腎腸與人王爭萬世大計安  
能局促效駘下駒爲舉鄉薦久困公車最後謁選爲  
温州丞馴生平於進退取予析義至秋毫曰毋以纖  
微自恕也其丞温州先後六歲而草門絕苞苴丞職



在戎政則日夜繕城郭清什伍修戰艦嘗慨然以為憂曰賊眈眈吾溫柰何以烏合眾當之則又慷慨自矢曰丈夫即死死職耳且吾髮種種生詎幾而愛之吾腹有丹者寸在蓋嘗書之楣間以識云又三年倭大舉犯溫兵使者檄馴出逆之人或謂嬰城易堅耳曰四郭外非吾民也耶而以委虜速逆之當是時溫軍分而三馴所將獨中軍其二軍帥皆乳袴子一軍軍壘石一軍軍鐵場以為後援馴軍前薄於賊勁弩巨礮雷發賊稍稍辟易僅能成軍而賊陰分其眾為二一從上流掩壘石一從下流掩鐵場其帥皆奔其

沐朝分省人物考

卷七十一

三十一

福建二

軍以走賊合而尾之馴軍腹背受敵遂大潰馴為賊所得坐榕樹下而脅之降叱曰世寧有降黃大夫哉賊復好謂我歸大夫予我千金嫚罵曰生黃大夫不一金值也賊怒裸而寸斬之後賊退其婦林宜人行購屍已靡覓之不獲與其嗣子文燁具衣冠招魂葬于邑之沿江里白沙丘朝廷憫其忠特贈浙江布政司右參議錄一子太學下有司建專祠復祀於名宦

詹仰庇

詹仰庇字汝欽安溪人嘉靖間進士由南海知縣選授御史建言 廷杖罷為民萬曆元年起陞參議累

刑部右侍郎疏請致仕以歸

蕭騰鳳

蕭騰鳳晉江人隆慶戊辰進士初受南海令當巨寇曾一本煽亂之後邑里蕭條添設撫臣增兵置餉百務助勦而督鎮參隨客兵以千計皆雜處省城恣睢為梗騰鳳明而能斷經畫調劑皆有方上下稱便催科則耗餘不入聽訟則兩造得情人心悅服獨以同鄉人為郡守坐事註累遂左遷郡丞去眾共惜之後歷官至運使卒有才名善書黃體

李廷機

本朝分省人物考

卷七十一

三十四

福建二

李廷機字爾張號九我晉江人幼稟氣薄就塾後猶夜啼筋浮睛露鄉父老謂非壽相父母亦憂之然沉靜寡言永日不思睡十一歲從黃默堂先生一日以狀元宰相命題破日名魁天下之選身近天子之光先生喜甚命同學北面揖之蓋是時已能誦詩書禮記三經矣戊午以儒士應試補郡庠生辛酉倭亂鄉試後喪父癸亥喪母因取蓼莪之章號九我丁卯蔡見麓先生督學試高等補廩是年 穆宗皇帝登極戊辰選恩貢己巳卒業太學大司成餘姚孫公少司成同州馬文莊公咸以遠大器之庚午舉順天鄉試

第一自念一領鄉書輒事干謁爲生計古人謂餓死  
 事極小失節事極大豈澹臺子羽不可爲耶因家永  
 春深山中往居焉山中米賤蔬笋不鬻而有但不能  
 具肉陋室蕭然不蔽風雨一友人經過憐而謂曰郡  
 中儘可度日何自苦乃爾笑而不答癸未蘇紫溪公  
 以工部分考卷冠其房四明余相公新安許相公拔  
 真第一 殿試第二授翰林院編修丙戌殿試克掌  
 卷官夏持節封趙藩過家置義田贍族人葺先塋葬  
 族人友人不能塋者丁亥還朝授小內侍書戊子編  
 纂六曹章奏已丑分考禮闈得陶望齡等二十二入  
 本朝分省人物考 卷七十一 幸五 福建二  
 殿試仍克掌卷官管理 誥勅壬辰九月秩滿陞侍  
 讀改右春坊右中允兼修撰管理清黃癸巳陞司經  
 局洗馬仍兼修撰掌局事甲午 皇長子出閣克侍  
 班官改右諭德掌坊事秋典應天試還克正史纂修  
 官時 豫教方勤秉燭講讀每四鼓呼長安門入寒  
 暑風雨不輟乙未陞左庶子兼侍讀掌坊事經筵克  
 講官秋典武試丙申陞祭酒謂今之教人者不近守  
 高皇帝整齊嚴肅之法而輒遠引敷教在寬之文  
 夫所謂寬者乃多方勞來輔翼欲其自得之謂豈以  
 縱弛爲寬哉故教一以整齊嚴肅爲主拜與有節課

講有程差撥必公曠歷不貸而又以膳饌之餘葺文  
 廟垣屋修補供具祭器葺官號房射圃又於圃中隙  
 地植槐柳桃李梅杏數百株丁酉陞少詹事兼侍讀  
 學士克正史副總裁六月陞南京吏部右侍郎署部  
 事主京察公忠詳慎事事不忽攝戶工部盡革闔京  
 舖行立水兌八規刊糧解單以杜橫索成山伯壩官  
 河養魚民苦水腐不可食克成山決之浙人李文政  
 流寓南京以交結貽籍京人告御史筦城者置之法  
 葺外羅城一百三十里歲歲省水衡萬餘金葺 孝  
 陵周垣五十里葺皇城直房公署廟祠牌坊橋梁飯  
 本朝分省人物考 卷七十一 幸六 福建二  
 堂皆取諸節縮奇美度置無用之貨未嘗動帑一緡  
 三年給由改禮部左侍郎兼侍讀學士四疏辭不允  
 有旨敦趣癸卯七月入京署部事是時歸德四明兩  
 相公不協會楚事四明又與江夏左江夏計四明遂  
 成郟至江夏引疾去守旨楊村妖書起言官因借以  
 傾歸德至逮江夏會訊獨以身翼護之時皦生光佐  
 驗甚明已承伏衆猶不決曰此事不決縉紳荼毒矣  
 于會稿職名下直署情真二字衆署情真者十之九  
 稿進于 上獄乃決當皦生光之已承伏也更嚴拷  
 訊令供同謀主名又詔責會問官有朋友情深君臣

義薄之語諸人承望風指首鼠持兩端江夏危甚因約詞林四五公求救於四明而歸德之門無敢至者獨數往候之或語曰人皆集於苑爾獨集於枯勿顧也甲辰知貢舉充日講官署部四年立簡便之法以便宗藩飭 殿試之規以閑進士定 廷試之期以便歲貢行歲考革彙考以便孤寒革紙戶舖行以便民初屋以居官施衲衣以活凍丐一切公文查覈題覆投領轉發不越日而其大者莫如王府即遠年枉抑有訴立查立定奪出示人得面盡無阻格停滯之難諸宗知其如此遂不賄求胥吏及中官費大省貧

本朝分省人物考 卷七十一 福建二 三十七

宗便之在部常不欲遷恐所與革不能久故吏部擬推少宰力辭既滿六年疏南北治狀請加尚書疏辭山陰相公謂可加太子賓客曰侍讀學士不佳却要太子賓客耶山陰笑曰如公足以風末俗矣久之上亦浸聞甲辰朝覲 上於禁中語左右曰此時京官正忙惟趙世卿李廷機此兩人閒不與外吏接也丙午得 旨褒以忠慎恭勤又劄諭內閣有 朕知其清謹之語丁未 上特 命以禮部尚書兼東閣大學士入閣辦事謝恩疏言人臣惟知有主苟可自致於主者無不盡有益於主者無不為不知有身不

知有家不知有交游往來不知有毀譽得喪必無一念不可與主知必無一事不可對主言以是內省有不可則止之訓在焉人教之進言建言急收拾人心日天下事平平做去天下路慢慢行去要急却緩要

好却不好要明白却不明白美必歸君入告之語必不外傳雅慕清淨畫一之理欲省議論明職掌母相軼越守令甲毋動論官曰勤事論人曰躬行論大臣日擔當論相道日廓然大公物來順應日行所無事論用人日中材最多惟恕以用之至論邊事則曰不可為問其故曰苞苴可絕虜請託可杜虜由今之道

本朝分省人物考 卷七十一 福建二 三十八

無變今之俗而欲將勇兵強餉足不可得也既入閣四方書揭俱于長安門外投領無有至其私門者在事九月主張四川撤兵全活黔蜀生靈省餽運處撫安疆臣兄弟不至為播州之續謂北地營田可聽民自營官勿預山東故有海道通遼可轉粟給軍南京鑄錢利厚可廣鑄北輸濟工折俸商人苦累可查正德初年牌甲法編銀備役間以折色濟之會有煩言遂決意乞身自戊申四月後屢疏屢慰不出再遣鴻臚寺卿宣諭不出 命同官諭不出 聖節不出閣事不聞邸報不閱言者蠶湧不辯已酉冬移之真武

屬居焉人曰褻矣曰席藁也或曰荒涼曰固安之或曰子未可以去乎必去必待命去耳暇中續成春秋日講考永樂迄隆慶實錄所載閣臣爲皇明閣史纂國朝名臣言行錄編宋賢事彙剛通鑑性理書著四書臆說家禮家訓仕蹟如于卷壬子二月返故邸上遣中使諭少俟過萬壽聖節疏請辭朝上猶不欲去旬日之內遣中使諭留者三遣鴻臚卿者二又浹旬乃辭朝上乃允加太子太保予銀幣馳傳遣官護行恩數優渥而尚責中璫不邀留怪其急去猶若不釋然者人以爲殊常之眷殆二十年來所未有

本朝分省人物考

卷七十一

三十九

福建二

云平居言論動稱古人在詞林惟禮節事體咨前輩至行已居官則曰擇善而從可也秀才時館於何憲副小洛公家見公自道居官朝參之勤心識之故仕宦三十年不敢以憚勞養安失禮怠事嘗言無故不朝參公座律當笞君子懷刑焉可犯焉攝南工時有縉紳過謂公翰林官顧肯親俗事乎曰有俗人無俗事天下國事何言俗也居恒喜讀羔羊之詩而玩其序所謂節儉正直者以爲正意必出於節儉每語家人曰士大夫恥言治生然不可不治生夫治生非委瑣齷齪怪吝自封殖之謂不過節用耳翰苑坦途第

覺官之美而遷之驟未嘗以一差一缺噤嚅當道之前不能諛人亦不能毀人事可告人私書可示人或言人過失曰未必然或告以某人怪子曰渠與余善不怪平生操無心之道以遊於世人亦多亮之者嘗言士大夫壯而行老而休乘流則逝遇坎則止又云時非漢室才謝孔明何必死而後已哉故出處之際不謀於人隨時據理行其心之所安而已平日兢兢於所投狀揭未嘗經目曰則有司存交際辭受一介必嚴有問者應田上不敢負聖主之知下不欲改平生之節也歸之明日卽爲亡弟襄葬飭先墳治首

本朝分省人物考

卷七十一

四十一

福建二

丘築筍江舊廬營菴亭童子時讀書處也又修朱文公祠及主梅溪真西山與衛民祠產業寡而授受明賦無愆期其產猶在他戶代輸來索者應之不踰晷無山蕩海蕩軍田官田寺田寺房管社管渡之事於人無爭於官府無求事省心閒眠食外無別念常言民之質矣日用飲食穿衣喫飯夜眠曉起便是道便是仙佛京人窮急于賙見義急于舉有義舉則急于助未嘗以無自解也以疾卒祭葬贈謚咸如制而加渥焉

補遺

謝 璉

謝璉安溪人宣德丁未探花穎異絕人子史百家過目輒成誦除翰林編脩纂述數千百言務在不詭俗好嘗言史官之得失係天下之是非一時之褒貶關萬世之榮辱時有權貴人干以私璉廷諍之不為諱嘗脩 宣宗實錄大明會典聖鑒日曆諸書會災異屢見璉請出官人又請赦諸無辜除連坐法遷侍講進經筵 上御彝倫殿命坐講經俯聽甚悅嘗舉政要一十五事名曰直言治平策反覆萬餘言皆裨實用策上 天子稱異次第舉行陞戶部侍郎會太

學士高穀同年友也意欲推穀璉謝絕之竟未嘗以

尺素通問端嚴正直最有大臣風 上方柄用不幸

卒于官

陳道基

陳道基字以忠晉江人進士嘉靖二十九年知嘉善性簡易不立崖岸與人語煦煦惟恐傷之屏苛剔煩御下以寬三年未嘗入一重辟因圖幾空然又謂巨奸不去善良之蠹也初下車悉籍里中惡少嚴刑苛校重困辱之仍書名申明亭有犯必懲是以刑寬而政不弛故事日輪里長一人供役煩簡不均偶值多

事所費不貲因酌一年公用之數通融計派貯銀于庫細戶有逋負鬻妻孥以償者輒為代補間有窮民困迫無聊入縣請借公用餘銀以自活道基隨數給之民亦無一負者上下相信懽如一家又擇士之有志者聯文會躬為校閱梓其文以傳召去民泣陳亦泣至今邑中村農塾婦皆知有陳侯而祠祀之

蘇 濬

蘇濬號紫谿晉江人發解癸酉丁丑中會試授南刑部主事丁憂復除工部選禮部員外陞浙江提學僉事管乙酉戊子兩科一時甄收率多名士而浙之文體亦翕然丕變己丑陞陝西叅議廣西副使癸巳陞本省叅政又陞貴州按察使准致仕濬以能文為海內重又以知文為海內重癸未榜首李廷機其首取士也而丁未榜首施鳳來亦其首校之諸生中者他所識拔多取魁元槩難枚舉身歿之後地方採公論與蔡虛齋並祀則又不直以文章顯也

楊道賓

楊道賓號荆岩晉江人萬曆丙戌一甲第二名授編脩歷官禮部右侍郎尋轉左兼侍讀學士未幾卒于官道賓丁酉典試浙江庚子典試順天一時甄收多

知名士文體亦爲一變其人大雅不群素留心經濟而不急急于功名屹然負公輔之望惜未竟其施云

本朝分省人物考

卷七十一

人物考卷之七十二目錄

福建建寧府

鄭賜

蘇庠

余應

楊伯安

張矩

丘錫

楊壽夫

藍智

吳瑾

方直

徐奇

丁顯

江鐵

張珂

雷填

朱泗

本朝分省人物考

卷七十二目錄

劉童

楊榮

雷境

杜琮

潘賜

雷璉

黃童

張崇

江禎

黃仲芳

黃福

楊誠

葉彬

吳廷用

林順

余畝

連均

陳榮

張添保

張善

范忠

鄭以誠

陳遜

田忠

裴旻

雷吉生

雷潛

吳智

龔貴

滕員

劉福

詹滌

蘇鏞

張燾

龔沅

吳浩

江沂

吳文元

康太和

徐彪

本朝分省人物考

卷七十二目錄

十一

彭信

滕康

吳義

趙熙

魏祖忠

黃賓

蘇鉦

徐驥

楊旦

本朝分省人物考卷之七十二

福建建寧府

鄭賜

鄭賜字彥嘉建寧人洪武甲子以易經領鄉薦明年舉進士拜監察御史時天下郡邑吏多以污冒獲戾逮繫無虛日朝廷宥遣戍邊特命賜於龍江編次行伍值暑甚召諸械者諭以主上恩意開示大信脫其械俾各僦居止息每日一一來見衆感悅如期無敢後其有疾病羸弱者日蠲糜米具饘粥湯藥以給之獅子山有道士某僧某見曰鄭御史法官也能惠施

本朝分省人物考

卷七十二

福建建寧府

若此於是相率出資設行庖為飲食諸戍徒賴以全活者甚衆道路往來困乏之人亦獲其濟皆嘆曰此鄭公惠也秩滿陞湖廣右叅議始至諸曹吏驕蹇奢縱召立庭下訓飭而約束之吏斂手不敢為非多考滿擢用為材官者於是咸感賜之德諸峒苗獠反側不常鄰境郡縣數被侵毒賜召其會長布告恩威結以信義寬其徭賦諸會感激拜謝誓不再為惡鄰境之民悉得安堵轉北平布政司右叅議 成祖時在藩國賜服事惟謹尤被眷愛復以事相連謫置安東屯行次冀北山谷間父老數十輩拜於路曰吾儕小

人仰盛德者久矣今獲一見幸甚各載壺漿相迎勞  
又携鈔千貫來獻賜力拒不納遂行未幾拔爲工部  
尚書 上卽位轉刑部尚書賜內廐名馬踰數日以  
憂懇請去位 上初政圖任舊人勉留賜乃止每日  
出則正衣冠視事夕入則易服就位哭奠如儀永樂  
三年遷禮部尚書凡朝會祭祀貢獻禮儀叅酌準式  
質文彬彬奏議詳雅人誦其能嘗病暑 上數遣人  
賜藥物有詔命儒臣纂修永樂大典賜實監之接士  
有禮御下有恩以寬廉平直聞於天下號稱名臣永  
樂六年卒

本朝分省人物考

卷七十二

一一

福建三

蘇 庠

蘇庠字伯厚建安人自幼以聰敏聞比長博通經史  
尤精毛詩爲文章援筆立就聲譽日起庠益自沈晦  
篤意事親講學絕跡不至城府國初以經明行修薦  
至京師以親老辭歸闕館授徒誘掖學者多所造就  
洪武乙丑郡辟爲本學教授周斌勉之曰旣仕不離  
鄉又得祿養親不宜辭庠從之居學校十餘年啟迪  
作興之功尤多內外艱闕來朝授晉府伴讀與修  
太祖高皇帝實錄尋陞翰林侍書纂修永樂大典爲  
總裁明年陞檢討常進講文華殿敷說稱旨甚見禮

遇兩與考禮部會試簡拔多佳士取介負才氣勇於  
爲義方爲教授時學地舊爲軍衛所侵力復之文先  
生祠在府廨內難於謁祭倡率出貲葺祠於學宮傍  
歲時朔旦拜謁復修孔子廟及宸奎尊經二閣數月  
百廢具舉在翰林幾十年絕無私謁禮部尚書鄭公  
賜有師友之舊未嘗一至其門鄭公常請見必規以  
正言每加敬服其餘諸生或仕於朝或爲守令者會  
次輒加誨諭故出其門者咸操守有品人有一善稱  
之不絕于口對同寮詞氣溫和罕失色於人居家有  
禮法服用儉約自號曰履素

本朝分省人物考

卷七十二

三

福建三

余 應

余應字則亮政和人蚤從江惟志遊以私淑文公之  
學性凝重寡言笑恒以禮自律家邇闔閭足跡未嘗  
入縣門蚤失所恃事繼母愉而婉處繼母弟順而友  
凡飲食衣服必先弟而後及己洪武初以明經薦起  
爲儒學訓導遷留守司知事執父喪一遵文公家禮  
不用緇黃

楊伯安

楊伯安字文思建安人性敏能文早喪父事母孝尤  
篤友于之義洪武初有司嘗以人材薦伯安以母老



不就兄伯祥應斗役虧糧罪當死伯安請于母曰兄無嗣而不肖有子可以代兄死母泣然其請即詣獄被械者歲餘臨決日忽遇恩宥乃得還

張矩

張矩字孟方其先廣陵人父伯巖為五夫巡檢家焉矩依屏山劉子翬家得其遺書而讀之遂通五經大旨洪武初薦授儒學訓導諸生從者隨其資質高下各有所得所作經義明白簡切一時學者宗之

丘錫

丘錫字永錫崇安人領洪武己卯鄉薦蒞事工科自本朝分省人物考卷七十二 四 福建三安  
陳願受學職除衡州教授永樂四年預修永樂大典改衡州教授宣德七年又預修 太宗皇帝實錄書成仍乞學職改建昌教授陞正九品秩自筮仕以來凡典文衡者五人咸稱其公明性尤嗜學致仕猶手不釋卷卒年八十有八

楊壽夫

楊壽夫名松以字行建安人洪武辛巳郡守芮麟薦授縣學訓導秩滿諸生請留遂陞本學教諭歷二十餘年多所造就凡考典鄉試者五會試者二宣德中少師楊士奇輩交章薦之陞翰林編修預修 宣廟

實錄陞修撰正統中致仕卒於家

藍智

藍智字明之崇安人元季從三山林泉生學春秋又從杜清碧學詩洪武十一年以明經薦拜廣西按察司僉事廉惠之聲著于一道有藍澗集兄靜之元季為武夷山長亦學詩於清碧有藍山集

吳瑾

吳瑾字士瑜政和人洪武間由國子生授直隸常州府推官發囚訊問務推誠意使自引咎甘服不事拷掠及得其情惻然哀矜之意見於辭色在官六年獄訟幾息廉恕之聲動于畿輔及再考以疾卒于京柩過常州郡民爭先哭祭

方直

方直字孟周崇安人洪武間由學諸生授萍鄉縣典史改豐城縣以廉能著稱繼入文淵閣纂修陞知縣海寧縣改新鄉縣尋以當道薦為監察御史頗有風裁後以不避權勢見沮出知新喻縣致仕卒

徐奇

徐奇浦城人洪武中由鄉舉歷官戶科都給事中物論重之陞廣東右布政使能聲益著方擬遷擢卒於

官

丁顯

丁顯建陽人博通經史洪武乙丑進士第一授翰林院修撰國朝狀元及第自顯始顯才華炳奕內行修謹人咸謂不負其科名

江鐵

江鐵建安人永樂中登進士第選翰林庶吉士尋擢監察御史得風憲體人憚其威累官廣東布政卒于官

張珂

張珂建安人永樂中進士擢行人歷遷吏部郎中練達老成銓司甚倚重之尋陞浙江布政司左參政以廉惠著稱致仕卒于家

雷填

雷填建安人由進士授給事中彈劾不避權勢嘗被命巡撫蘇浙常等府暮歲封章凡四十上皆切時弊又嘗巡撫廣西利害所當興革悉疏以聞夷民懷服卒于官囊無寸帛惟浣衣半篋詩文奏稿而已

朱泗

朱泗建安人熹八世孫領永樂甲午鄉薦除直隸壽

州判官改徐州值歲災饑泗留本州京運以賑民而後申白民多所全活

劉童

劉童建陽人永樂中進士知湖廣寧遠縣廉能著聞觀風者薦其才略出羣以嘗忤時相事竟寢歷陞蒙化州知州致仕卒童號稱循吏特以鯁直不屈遂至坎珂終其身

楊榮

楊榮字勉仁建安縣人天資英異初名子榮鄉薦魁八閩革除庚辰登進士入翰林院為編修文帝履極更其名榮簡入內閣初入閣之臣七人惟榮齒最少最警悟一日晚寧夏報被圍上急召解縉等七人皆已出惟榮赴命上不懌示以奏曰爾後進寧解此今當遣何處兵往救榮曰不須救臣嘗奉使至彼其城堅且人皆習戰今發已十餘日虜必退但勅守臣固守及鄰近諸城堡隄備可矣不必遣兵重為煩擾也夜半虜圍解報至詰旦上詔榮以報書示之諭曰何料敵之審也吉安鄉民嘯聚先遣行人許子謨齎勅撫諭行將一月又遣都督韓觀統兵繼之至是江西三司奏言嘯聚者悉已復業上命榮

本朝分省人物考

卷七十二

六

福建三

本朝分省人物考

卷七十二

七

福建三

降勅褒觀對曰計發秦之日觀尚在中道耳未足褒從之自是信任益重時四方事務方殷榮與解縉等七人旦夕侍左右承顧受旨退治職務且兼稽古纂述之事不虛寸晷 上時步閣中親閱其所治咸稱旨進官修撰數月復進侍講二年立 皇太子陞右春坊右諭德仍兼侍講 成祖嘗謂榮曰恒情保初易保終難朕固常思保全之道爾亦宜益謹厥終庶兩盡其美因賜象笏頭公服尋賜二品金紵絲衣以示旌異三年秋召榮評議諸司事宜以奏對稱旨賜二品金織紗羅衣及鈔幣五年奉命往甘肅規畫

本朝分省人物考 卷七十二 八 福建三

軍務所過覽山川形勢察軍民休戚閱城堡虛實七月回京奏對武英殿時盛暑命取瓜親剖賜榮且遣中官賜以羊酒勅命休息尋陞奉議大夫右庶子仍兼侍講六年聞父訃告歸命馳傳以往既襄事乃檢鄉黨平日有假貸錢穀弗能償者悉焚其券族人有喪不能舉者悉為葬之孤弱不能自存悉收養嫁娶之有因產業致爭者剖已業界之詔奪情起復宗戚鄉鄰送行者咸垂涕去抵京未閱月命榮等輔導

皇長孫七年榮聞母訃當去職時 車駕將幸北京特留扈從賜錦衣狐裘鞍馬三月抵京賜宴榮辭以

母憂弗與特命中官以珍饌送至家七月甘肅總兵官都督何福言韃靼脫脫不花王等各率部落來歸往甘肅與福經畫還奏稱旨復命持節經寧夏與寧陽伯陳懋規畫邊務既還至甘州福盛陳餽遺一無所取還京復命陳邊境便宜十事 上嘉納之賜以襲衣鈔幣八年從征北虜 成祖度野狐嶺至山巔召學士胡廣及榮指示山川形勢三月 車駕蚤發凌霄峰榮與胡廣金幼孜金純四人失道 成祖命中官二人及傳令者追尋得之時已昏黑中官疾馳去榮等復迷入窮谷中幼孜墜馬胡廣金純不顧而去榮下馬為整鞍轡不數步幼孜復墜馬鞍盡裂榮即以前乘馬讓之自乘孱馬從夜至旦方望見左掖趨赴之至午詣中軍 成祖大喜慰問良久嘉榮之義復笑語幼孜曰此中多狼汝非楊榮詎能免乎榮謝曰僚友之分誼所當然 成祖曰胡廣豈非僚友耶何不顧而去也五月 車駕至驢駒河駐蹕河上親選勇士三百人專令衛護不以隸諸將特命榮掌之胡寇平班師軍士乏食榮力言即日召乏糧者赴中軍以 御膳所儲糧炒散與之且下令軍中凡糧炒多者許假貸回京倍酬其值由是獲全者衆七月

本朝分省人物考 卷七十二 九 福建三

至開平中途召榮還南京計事十月扈 駕南旋九年乞奔母喪賜白金鈔幣遣中官宋成伴送且勅速來抵家拜謁墓下如初喪還京 成祖召問閩中民情暨歲豐歉榮條對詳實九月 皇太子命侍諸皇孫讀書文華後殿榮每進講罷必從容以正心崇德親賢去邪尚儉戒逸之言進深見嘉納或訪以政務必陳其切要及先後緩急施行之序皆懇切無少避忌 皇太子每稱其忠直十月重修 高皇帝實錄命為總裁十年甘肅守將西寧侯宋琥言叛寇老的罕等將為邊患勅守陝西豐城侯李彬討之仍命榮往經略榮還具言戎狄豺狼叛服常態不足以勤大軍遂勅彬旋師叛者尋附十一年復扈 駕幸北京十二年三月扈征瓦剌時 皇太孫侍行 成祖諭以管中稍間即以經史講說庶知古今成敗得失之迹可以鑑戒榮每遇駐營伺間進講 皇太孫甚嘉重之四月駐蹕興和以尚寶司乏人命榮兼掌其事凡出號令與宣傳之事勅旨旗牌不得榮奏允不敢發乙卯師次大石鎮晚涼 成祖坐御幄中召問足食足兵之策榮對宜擇將帥力屯田將得人則軍士弗擾軍士安則耕不違時不患兵食不足 上是其

本朝分省人物考

卷七十二

十一

楊甫

言秋八月還北京十一月命舉朝臣及在外教官有文學者同修性理大全開館於東華門外諭榮使總其事書成命宴於禮部并賜鈔幣十四年陞翰林院學士仍兼春坊庶子十月扈 駕南還十五年 駕復幸北京屢召問民情榮悉以實對賜白金鈔幣十六年五月朔進 太祖高皇帝實錄 成祖御奉天殿受之披閱良久嘉獎再四會學士胡廣歿榮掌翰林院事 成祖注意益隆而榮在眾中詞色嚴厲諸大臣往往忌嫉陰欲疎之屬北京國子監乏師因薦榮可為祭酒 成祖曰吾固知其可汝但求可以代之者於是眾意銷阻六月詔修天下郡邑志命榮總之十七年進言十事皆指斥五府六部三法司積弊 成祖覽而喜之密與榮曰實切時病但汝為心腹之臣若進此言恐羣臣益相猜疑不若使慎密御史言之於是得監察御史鄧真俾入奏眾皆股栗免冠請罪詔諸司即日俊改怙終者不赦凡所改皆益國利民之事十八年陞文淵閣大學士兼翰林院學士特賜宴於禮部先是 成祖以四夷諸番字中國宜解其義因選大學生習之諸生多不欲輒生謗議上怒將罪之榮力救得免遂命榮掌之榮訓勵得宜

本朝分省人物考

卷七十二

十一

高甫

自是帖服不敢妄有所言率皆有成十九年正月北  
 京宮殿成初御朝賀 成祖於榮特密加賞賚他人  
 弗與焉四月奉天華蓋謹身三殿灾火勢猛烈奉天  
 門東偏切近密閣榮奮身直入麾衛士三百人將御  
 書圖籍并積歲制勅文書昇至東華門河次 成祖  
 嘉之賜銀酒杯古銅器各一事鈔千錠壬寅降勅訪  
 求民隱榮首陳利國便民十餘事 上嘉納命悉入  
 詔條頒行之時翰林侍讀李時勉等十餘人為飛言  
 所中 成祖怒欲罪之榮力解得免是冬逮戶部尚  
 書夏原吉等下獄禮部尚書呂震侍左右屢言夏原  
 吉儉邪誣罔 上益怒一日御鷹坊司特召問原吉  
 等平昔所為榮極言其無他 上怒稍釋寘而不問  
 二十年三月從征沙漠每軍中命公侯大臣議機務  
 密令榮參決無不稱旨特召榮於御幄中同公侯大  
 臣坐飲凡有賜賚榮與之俱其特賜榮者公侯或不  
 與而諸扈從文臣亦皆弗與秋八月還京師九月宴  
 隨征將士命榮坐前列食上殺賜鈔幣并二品金織  
 襲衣靴襪閏十二月詔復西征方以士馬糧餉為艱  
 有以建文間江西聚集民兵與餽運丁夫十餘萬可  
 徵用為言者榮曰此兵昔有詔令復業今復徵之是

本朝分省人物考

卷七十二

十二

編建三  
高尙武

失信也 成祖笑語榮曰卿言正合朕意遂寢其奏  
 二十一年秋扈從征西駐師萬全一應軍務悉命榮  
 掌之自晝至夜或三接宣詔每以楊學士稱之而不  
 名冬十月寧陽侯陳懋奏番王也先土干款命榮往  
 大同議納降之禮回營奏對稱旨賜以御饌慰勞甚  
 至冬十一月旋師明年三月復征北虜五月榮言軍  
 士勞苦宜遣使諭胡虜釋其不順之罪 成祖遂勅  
 中官及所護謀者往虜中諭其部落來歸遂班師會  
 巡按浙江御史王復奏處州麗水建寧政和山寇周  
 叔光等聚二千餘人往來行劫漸至滋蔓請發兵捕  
 之命兵部尚書李慶等議調兵捕勦榮從容進言謂  
 彼皆愚民或為有司所苦或為衣食所窘不得已逃  
 入山林苟活朝暮耳何敢為亂若寬而撫之當遂散  
 矣急則堅其為盜之心况兵戈所加不免枉及良善  
 願更思處置之宜 成祖曰卿言是也可勅閩浙三  
 司招撫若復頑梗弗服用兵勦滅未晚既而果悉順  
 服丁亥次翠微岡 成祖御武帳中憑几而坐顧內  
 侍海壽曰計程何日至北京對曰八月中可至已乃  
 諭榮曰東官歷歲滋久政務已熟吾還京之後悉以  
 軍國之事委之朕惟優游暮年以享安和之福耳辛

本朝分省人物考

卷七十三

十三

編建三  
高尙武

卯次榆木川 成祖不豫召不等受遺命傳位 皇太子遂崩衆倉卒莫知所措榮一遵古禮歛舍如禮謂太監馬雲等曰六師去京尚遠不宜發喪所至宜上食如常儀衆是之復條畫軍中事宜號令益嚴人皆莫測壬辰次雙筆峰榮奉遺命馳赴 皇太子八月至北京致 大行皇帝遺命退而復以軍中所宜施行者陳之 皇太子嘉歎賜以白金鈔幣翌旦復承命同寒義等議即位事宜榮首條民間不便二十餘事 上進皆嘉納之命入詔條頒布 仁宗即位陞嘉議大夫太常卿仍兼前二職九月進太子少傅

本朝分省人物考 卷七十二 十四 福建三 徐相

兼謹身殿大學士賜銀印一其文曰繩愆糾繆且諭榮以政務闕失則用此印密疏以聞至於再三慎母憚煩十月 皇太子正位東宮榮以師傅之重朝夕侍側悉心匡輔丁巳大理寺奏決重罪 上令少傅楊士奇及榮同任審錄冤抑者多獲伸理十一月丁亥 上御西角門閱廷臣誥詞因取榮等三輔臣暨蹇夏二尚書誥詞親增二語云勿謂崇高而難入勿以有所從違而或怠曰此朕實心卿等勉之榮對曰皇上聖德之至臣等其敢不勉十二月加工部尚書仍兼二職降勅歷褒其功初榮扈從北征 成祖

委以軍務及 上賓之日所行喪禮并軍中處置事宜 上聞計之時不及訪問至是有以為言者 上益重之元年正月 上御奉天門朝羣臣撤樂止行五拜禮先是禮部尚書呂震請曰 皇上新即位天下文武之臣以暨海外諸國悉來朝賀宜設鹵簿作樂如大朝之儀以稱瞻仰弗聽既而震固請 上曰山陵甫畢忍遽即吉榮等對曰誠如 聖諭必欲受朝不宜備禮從之翌日諭榮等曰為君以納言為賢為臣以直諫為忠如朝會一事若從震請追悔何及賴汝等直言幸免斯咎自今有弗逮卿母惜言之丁

本朝分省人物考 卷七十二 十五 福建三 徐相

丑榮懇辭尚書俸弗允三月命魏國公徐顯宗讀書國子監召榮往諭司業此開國元勳之裔欲其家與國同久必教之讀書知道理乃可以長保富貴其篤意訓之五月勅修 成祖皇帝實錄命為總裁每朝退 上還宮遇有機務須計議者必親灑翰墨書榮姓名識以御寶或用御押封出規畫榮條對詳悉皆如 聖意辛巳 仁宗升遐 宣宗即位益推心委任榮承事尤謹閏七月勅修 仁宗實錄復勅修歷代臣鑒外戚事鑒皆命總之八月漢王叛差百戶陳剛齋本指斥乘輿聲言犯關榮曰彼謂 陛下新立

必不自行故敢爾若出其不意而以天威臨之事無不濟臣請先行誓不與賊俱生 上從其計榮晝夜疾馳至卽合圍督軍士築土山成而 大駕至衆呼萬歲聲振城中漢王知不敵遂開門出降詔討王斌等同爲謀者免漢王爲庶人改樂安州事平回京賜鞍馬白金鈔幣二年賜範銀圖書五其文曰方直剛正忠孝流芳關西後裔建安楊榮楊氏勉仁且面致訓戒以表眷待之隆又親御翰墨作春山竹石牧牛三圖題詩其上裝成卷軸賜榮并賜端硯御用筆墨十月交趾黎利遣人進前安南陳王三世嫡孫高本朝分省人物考 卷七十二 十六 福建三

表乞立爲陳氏後 上以示文武大臣蹇義夏原吉等皆勸發兵擊利 上召榮及楊士奇定計榮曰交趾在荒服外漢唐以來雖嘗爲郡縣然叛服不常棄之可也時楊士奇亦贊榮言當從 上從之十一月皇太子生 宣宗皇帝親酌酒賜榮飲并賜白金鈔幣及金酒器三年二月命榮同少師蹇義等十八人從遊 萬歲山詔許乘馬從東北門入各携從者二人至乾明門下馬登山繼命乘舟泛太液池至新圓殿俄頃 宣宗乘黑騮馬至召士奇與榮詢問民甚悉賜以潑醅酒人各令盡一甌復命遊小山看西

所貢二獅復遍閱諸景日將西令中官侍宴松林之下各賜鈔三千貫從者賜鈔三錠并給酒殺且傳旨免謝明旦入見復各賜椰子慰勞甚至三月奉命持節冊中宮禮成賜白金綵幣秋七月辛酉賜遊內苑賜以金銀綵幣玉杯酒饌等物八月扈 駕巡邊給以內廐良馬命榮先從出塞師次寬河遇虜衆將入寇且道隘師難並進 宣宗親帥師勦平之班師還京榮進平胡詩凡十篇 上覽之喜復沐白金鈔幣之賜十月 上不欲煩榮以有司事乃賜勅獎諭令其輟翰林之務朝夕左右一日 上問今日之貪本朝分省人物考 卷七十二 十七 福建三

誰甚榮對曰莫甚劉觀 上撫掌歎曰除惡務本及楊士奇薦顧佐可代榮曰佐亦嘗爲京尹能禁下吏政清弊革有旨令劉觀巡視河道拜顧佐爲右都御史十二月兩遊南海子賜羊酒及鈔四年巳丑正月陪祀南郊賜金銀鮮果等物十一月有市犯告都御史顧佐枉人重罪不聽訴理者 上大怒召榮及楊士奇諭曰此必有重囚教之排佐小人陷正人不可不究治及法司鞫之實千戶臧清殺一家無罪三人當死教之誣告立命磔清於市甲申陞少傅仍兼前二職三俸俱支固辭大學士俸詔許之丙申賜宴文

華殿 宣宗親待焉榮昔有賜賚必奉親及親歿而朝廷恩眷日隆至給三俸煇以親不逮養爲歎乃請以少傅俸於鄉邑給受以供祭祀及周卹親戚故舊朋友之貧乏者七年正月元宵節賜觀燈於內苑仍賜白金綵幣遣中官送於其第及賜御製祖德詩招隱歌猗蘭操八年少傅滿三載賜宴禮部降勅獎諭九年扈 駕巡邊給以天閑名馬比還恩賚甚厚賜詩褒嘉十年 宣宗晏駕榮與少師蹇義等僉議卽位事宜舉愜羣情 英廟卽位勅修 宣宗皇帝實錄命充總裁賜宴禮部冬十月命監立天壽山碑明本朝分省人物考 卷七十一 十八 福建三李郁

允降勅書諭遣且命內侍阮江伴行水陸給驛公卿大臣出祖都門外觀者填道朝野榮之至家歸省先壠大散宗親故舊金幣賓客過從宴洽累月六月還京力疾就道次杭州而劇卒於武林驛享年七十內侍阮江以訃聞 上哀慟輟視朝一日贈特進光祿大夫左柱國太師謚文敏遣禮部尚書胡濙等諭祭仍命江護喪歸里營葬榮在朝廷薦舉惟賢無間親疎人有因事註誤而囚繫者從容爲之解釋 上知其忠直固不聽從而陰受其惠者甚多榮歷朝四十年侍 四聖左右叅贊機務惠澤及人不可勝計人本朝分省人物考 卷七十一 十九 福建三李郁

年榮與太師英國公張輔等二三大臣建議開經筵以緝熙聖學詔可其奏甲戌 上御文華殿開講榮講堯典克明峻德章敷析明暢音吐鴻亮宴於禮部尋復賜金織紗羅襲衣金箱玳瑁香帶各一榮以累朝舊臣親受顧命被 皇上眷寵優異慨然以身任天下之重精力瀕老而不衰遇事雖繁劇應之常若簡而有餘凡所論建動協人心五月奏少傅滿六載陞授光祿大夫柱國四月 宣宗實錄成 上御奉天門慰勞再三陞少師賜白金綵幣名馬宴於禮部五年二月從耕籍田禮成卽上章請告展先墓詔賜



不通知說者稱其相業有姚崇之風所著有默菴集  
雲山稿靜軒卷退思集北征訓子編

雷境

雷境字彥達建安人幼孤事母至孝性純篤究心書  
史家貧無以自給裕如也永樂初有司以孝薦之固  
辭乞歸絕跡城府鄉人從其受學者多如修撰連智  
輩數十人皆擢進士第後相與追號之曰慎齋先生  
所著有閑居叢稿

杜琮

杜琮字孟清號蒙齋甌寧人永樂初應詔預修大典  
本朝分省人物考 卷七十一 二十 福建三  
領應天府辛卯鄉薦歷上高全椒二學教諭用選拜  
監察御史陞山東布政司叅議皆克舉其職卒于官  
所著有適興錦江二集藏於家

潘賜

潘賜字文錫浦城人永樂初登進士第授行人嘗使  
日本還朝獻德化書大典頌 太宗皇帝覽之稱善  
命入史館擢鴻臚少卿再使日本回陞江西布政司  
右叅政後落職洪熙元年起為南京刑部主事長於  
斷獄律比精詳宣德間復除鴻臚少卿又使日本歸  
宣德皇帝甚加獎勞未幾卒于官居官標履方正

所著有容菴等集

雷璉

雷璉字有螭建安人永樂中進士選為翰林庶吉士  
纂修國史拜監察御史巡按雲南奏劾內使十有九  
人悉寘於法還朝復命以語音不正出知蕪湖縣後  
以薦起為浙江按察司僉事振肅紀綱風裁凜然會  
處州草寇葉宗祺竊發璉勦滅之尋奉勅巡視浙江  
福建江西三省海道許其便宜行事歷八載卒于官  
浙人哀之以詩有除却數函圖冊外別無一物載歸  
舟之句

本朝分省人物考 卷七十一

二十

福建三

黃童

黃童字仕穉政和人由太學生擢陝西按察僉事左  
遷寧遠縣丞 太宗正位陞監察御史奉命巡按直  
隸湖江時吳江平望八尺湖多盜賊童假民船載粟  
詐為客商賊至密以灰水灑之翌日驗有灰跡者捕  
之悉得真盜蓋即巡檢司弓手也仍奏置石堤於湖  
中為水門時其啟閉劫掠之患遂息嘗道見一大蛇  
昂頭若有所訴童問曰汝必有冤乎蛇即叩頭而去  
令人尾之抵一人家後園入穴內掘之果得劫殺客  
商之屍因抵於法人以為神後陞廣西副使卒于官

張崇

張崇字存高建安人永樂中由太學生授蕭山知縣為政仁恕有愷弟之風秩滿陞通判撫州轉處州所至有清操民至今懷之致仕卒于家

江禎

江禎建安人登永樂甲申進士第授禮科給事中特立不附禎面常紅赤色一日奏對上前上以為被酒禎不敢辨遂謫為都察院吏踰年上始悟特除龍游知縣為政務存大體有惠愛於民民甚得之卒于官

本朝分省人物考

卷七十二

七十一

福建三

黃仲芳

黃仲芳字時茂建安人永樂中進士選為翰林庶吉士知東陽縣首鋤豪民及奸吏之為民患者鄰郡有盜犯境仲芳以計殄絕之郊有三虎為暴仲芳移文城隍果射中其一餘遁去秩滿邑民詣藩臬懇留弗獲有涕泣者大臣以才行薦擢湖廣左叅議施州有偽土官田姓者殺兄而奪其位越十有八年捕之不能得仲芳設方略擒之尋遷雲南右叅政奏開中鹽之法以助軍餉卒于官所著有澹菴集旬宣集琴堂薇垣平恕錄

黃福

黃福字汝錫甌寧人博通經史領鄉薦授杭州府儒學訓導勤於教誨生徒多所造就陞太常博士永樂中與修五經四書及性理大全諸書陞本寺寺丞

楊誠

楊誠字性之松溪人永樂中領鄉薦授四會訓導秩滿陞天台教諭改縉雲所至陶淑士子多所成就以致仕卒操履端方問學該博所著有鐵崖藁

葉彬

葉彬字允均建安人父濬永樂丙戌進士知鄱陽縣一日公出暴水壞廨垣彬祖母令人撤榜板以權蔽雛家發其事彬母聞法當論死欲以身代彬時年十歲即自詣官首實得收贖後都察院疑其獄逮問拷掠再四終始一詞甫得聖裁宥免未幾父卒祖母亦故彬與母同扶二柩還家母誓不再醮躬親紡績以給彬學後彬學成歷六安虞城二學教諭

吳廷用

吳廷用政和人永樂中登進士第授戶科給事中仁宗監國廷用侍從二十餘年小心謹密甚蒙寵眷暨嗣位特陞刑部左侍郎宣德間陞禮部左侍郎歷

任咸有能績累章乞歸老卒

林順

林順字孝從政和人號遲軒弱冠為鄉校師學者多所造就永樂間邑令黃裳舉孝廉不起又以楷書薦力辭不起終身守澹素遠榮利視冠服若穢夷然不屑年八十八卒于家

余畝

余畝字希尹政和人性凝重寡言蚤喪父獨奉母以居讀書刻苦有造詣鄉人從之遊者隨才質高下皆有所得下筆作詩文頗有古意永樂間邑以楷書薦

本朝分省人物考 卷七十二

三四

福建三

郡守芮麟令書字以觀畝因書遊子吟復之遂拂袖歸

連均

連均字士平號素菴建安人登永樂乙未進士第授監察御史遷江西布政使所至皆有能聲歷仕垂四十年產業無有所增拓子孫僅免於饑寒人稱其廉天順初致仕卒于家

陳榮

陳榮字希仁甌寧人少失怙事母孝謹備極甘旨母患目疾失明晝夜扶持不少離每夕穡額北辰祈母

自復明似聞有人語曰以舌舐之愈榮如其言凡十年一旦復明母後患病卒二日心尚微溫乃以藥灌入鼻至夜復甦年九十四終永樂丙申建寧大水二子俱髻年乘流一夜餘抵福之螺洲遇潮衝達岸得不死隣家弗戒于火及其廬數四輒反風而滅鄉人以為孝感所致

張添保

張添保字求安浦城人天性至孝痛父早世言及輒流涕哽塞事母尤謹承顏順志未嘗少懈母患癰親為吮血及卒殯殮葬祭一于禮鄉間有貧窘無告者

本朝分省人物考 卷七十一

三五

福建三

計家資有餘即推以賑濟之義方之教尤篤長子善登永樂辛丑進士第拜監察御史

張善

張善浦城人登進士拜監察御史以廉介自持出按廣東馬軍林思祐倚權勢肆行剽掠害民滋甚善捕其黨三十餘人寘諸法民賴以寧尋致仕去

范忠

范忠甌寧人登永樂甲辰進士授兵部主事以謹厚稱嘗奉命往蘇松等府捕盜緝有能譽

鄭以誠

鄭以誠甌寧人永樂中領鄉薦授吏科給事中陞  
南叅政招撫千厓南甸流移二千五百餘戶開懇通  
海河西二縣荒田二千五百餘畝種種咸有成績

陳遜

陳遜浦城人登永樂間進士任監察御史廉介有直  
聲累陞雲南布政使卒于官囊無餘貲都督沐昂為  
棺殮以歸其喪

田忠

田忠建安人由宣德間進士累官江西左叅議致仕  
家居二十餘年自奉泊然平生不肯干人以私非公  
本朝分省人物考卷七十一  
事未嘗一至官府至於晚節屹立凜然不少屈抑人  
以為難

裴旻

裴旻崇安人登宣德進士累官江西僉事廉介嚴毅  
糾察不避權貴風紀肅然卒于官論惜之

雷吉生

雷吉生建安人由宣德進士除御史正色立朝巡歷  
江西湖廣山東所在風裁凜凜貪墨斂迹

雷潛

雷潛建安人宣德中領鄉薦除武選司主事陞郎中

正統己巳之變死于難

吳智

吳智甌寧人領宣德己酉鄉薦累官國子助教所在  
嚴約束敦士習多所造就子文第進士

龔貴

龔貴浦城人領宣德中鄉薦歷官撫州知府所至興  
學校雪冤滯以政績著聞

滕員

滕員字尚默甌寧人幼以開敏聞于鄉鄉之父老異  
之曰滕氏子年幼而質粹不凡子也年十一補郡庠

本朝分省人物考卷七十一

二十七

福建三

弟子員庠之師儒奇之曰滕某質厚而性敏遠大器  
也未幾領鄉薦卒業太學聲譽焯起同舍生咸心服  
之正統己未吏部考選居優等得廣之韶州府同知  
一時同選者咸謂其才與官宜抵任值歲歉公私無  
積貯守以下無籍手地員至傾囊得白金若干兩告  
糴鄰郡命里耆籍民之窘甚者給之全活數千人郡  
治舊為淮王府王遷國之饒得請復為郡其規制侈  
大非人臣所宜居又吏胥公退無所於處往往雜就  
民居員截長縮大削雕還樸度地為吏舍限其出入  
絕吏民交構之弊所部地介江閩湖三藩之衝主戶

少而客戶多少拂其意輒相煽構而翁源乳源二邑尤甚員躬行巡省揭榜開諭許其占籍遂與編戶無異丁內艱解任吏民不忍其去比聞服闋耆老數百人詣闕乞再任朝議已除代者不允員適至遂有祠部之除在郎署踰三年正統己巳扈駕北狩死焉年五十有二

劉 福

劉福建安人正統壬戌進士累官河南按察使所至持憲嚴明人不敢犯搜奸除蠹宿弊立清尋陞浙江布政使卒

本朝分省人物考卷七十一 生人

詹 崇

詹崇字子源浦城人幼穎敏博學強記旁通陰陽地理星命卜筮之書歷上海進賢二學訓導正統丁卯典四川文衡陞南昌學教諭善誘後進多所成就陞潮州府學教授幾三載卒于官有竹軒集

蘇 鏞

蘇鏞字良璇建安人別號守愚性敏好學善顏柳書法以孝友稱正統間沙尤寇起延及鄉里有司以其信行素服委之招撫躬抵逆巢眾皆退聽邑賴以寧年七十終

張 燾

張燾字孔圭自號慎菴浦城人年十一游邑庠即問聖賢行己之要於師師異而禮之年二十七貢諸禮部卒業南雍成化庚子舉應天高第屢不利禮闈丁未試吏部簡授江西贛州府推官時汀韶寇大侵贛境重以饑疫民死徙殆盡燾持檄走諸邑增治城壕勞徠周卹瑞金石城二縣故無城城自燾始當是時燾力為規勸且屢請發帑於上語甚切至活者數萬人既又重逃復之典權婚嫁之宜申掩埋之令稽古荒政而加敏惠焉其治刑尤加意疑獄他郡獄未理者亦多移蒞於燾有俠民金伸誣告死罪轉引二十餘人獄死者過半燾得其情亟白於錄囚使者釋其未死者七人在官前後平反死刑四十餘人徒流以下者不可勝紀秩滿擢贛州同知燾職清戎清戎某御史方以苛察繩下虐及無辜燾抗言無隱見抵弗顧既而嘆曰吾不能殃民以奉人與其覲顏於位退不猶愈乎即移疾請致其事疏發三日遂行至廬陵病卒性孝友以祿不逮父養養母曾氏甚謹與諸兄處愛不忘規自奉約而急於用人外重內剛不以權貴奪而理焚修墜裕如也嘗集古格言為世訓一卷

本朝分省人物考卷七十一 生人

張燾字孔圭自號慎菴浦城人年十一游邑庠即問聖賢行己之要於師師異而禮之年二十七貢諸禮部卒業南雍成化庚子舉應天高第屢不利禮闈丁未試吏部簡授江西贛州府推官時汀韶寇大侵贛境重以饑疫民死徙殆盡燾持檄走諸邑增治城壕勞徠周卹瑞金石城二縣故無城城自燾始當是時燾力為規勸且屢請發帑於上語甚切至活者數萬人既又重逃復之典權婚嫁之宜申掩埋之令稽古荒政而加敏惠焉其治刑尤加意疑獄他郡獄未理者亦多移蒞於燾有俠民金伸誣告死罪轉引二十餘人獄死者過半燾得其情亟白於錄囚使者釋其未死者七人在官前後平反死刑四十餘人徒流以下者不可勝紀秩滿擢贛州同知燾職清戎清戎某御史方以苛察繩下虐及無辜燾抗言無隱見抵弗顧既而嘆曰吾不能殃民以奉人與其覲顏於位退不猶愈乎即移疾請致其事疏發三日遂行至廬陵病卒性孝友以祿不逮父養養母曾氏甚謹與諸兄處愛不忘規自奉約而急於用人外重內剛不以權貴奪而理焚修墜裕如也嘗集古格言為世訓一卷

所著詩文有慎菴小稿六卷錦江雜咏四卷藏於家

龔沅

龔沅建安人弱冠以文名登成化己丑進士授主事督稅兩浙焚香自矢不私一錢商無過取國有餘課士論賢之

吳浩

吳浩建陽人由國子生授肇慶府經歷受命築四會新興二縣城有化盜安民善政從征廣西累受旌賞

江沂

江沂建安人自少豪邁不羈登成化丙戌進士授監察御史出按外藩綽著能譽陞四川副使致仕

吳文元

吳文元甌寧人成化丙戌進士除御史巡按浙江禁奸革弊無所顧忌杭大火民不堪命乃發倉給食民賴以安歷河南按察使卒端重詳雅居官務存大體不察察為明於權要竟未嘗少屈人稱之曰百鍊剛

康太和

康太和字原中莆城人弱冠補邑庠嘗遇貞肅林見素于道林降輿與揖明晨踵謝林延坐獎進者久之甲午領鄉薦明年登進士世宗皇帝御文華殿親

本朝分省人物考

卷七十一

三十

福建三

晉粹

試選庶吉士丁酉授編修辛丑同考會試乙巳預修

會典己酉主試順天辛亥遷右春坊右諭德癸丑主

順天武舉是年遷翰林侍講學士視院篆分宜用事

無論館閣莫不奔走其門和絕跡不事干謁筮仕幾

二十年始進南京禮侍時倭夷孔棘詔九卿各陳所

見和疏屯要害練鄉兵固防守寬委任四事上嘉

納丁巳考績和守南部八年不調或諷之乃作拙宦

對以述己志辛酉遷南工部尚書正己率屬罷一切

浮靡之費會景王分藩之國道金陵凡百經費皆預

為之備綜理之周識者嘆服癸亥再疏自陳上允

本朝分省人物考

卷七十一

三十

福建三

致仕初郡城陷士夫多避亂徙居會省和因僑寓嘉

禾越四年還莆覲邑里蕭條愴然流涕因捐俸賑給

族黨暇與司空林端簡及同輩年七十以上結社為

樂或以擬之香山年八十卒所著有礪峰集

徐彪

徐彪字宏傑浦城縣人性至孝事父母菽水必親善

承顏色無有違志父疾湯藥嘗而後進宵衣侍卧起

不解帶者三十餘年既終為孺子泣骨瘠幾不勝葬

殮一皆如禮廬於墓側日夜悲號不絕聲歸乃刻木

為二像謹事之時時上食有他出則告而行有時物

必薦而後敢嘗遇忌辰素服哭泣兄死遺一女撫養之不啻如已子疏屬有貧而鬻男者取券代贖鄰有蔡四者被負而嫁其妻為償其負而返之盜入其家祛篋竊貲既獲諭之曰若亦逼於饑寒耳子忍被爾以盜名哉亟改行無罹於辜今子姓蕃昌科甲接武邑令書其堂曰熙德御史具奏豎坊旌表其門

彭 僖

彭僖字樂善崇安人少負才氣由太學生授崇德縣丞縣當水陸之衝民繁事殷號稱難治僖代其長區畫事事有條復以慈祥愷悌行之民歌誦其德六載上章懇乞致仕老稚留之不可得相與裹糧拏舟送至浙江泣別而還

滕 康

滕康字景晉建安人由鄉貢通判松江改惠州所至多善政藩臬交薦之陞知惠州府廉勤沉靜舉措不苟在任十餘年政蹟顯著

吳 義

吳義字用宜政和人景泰間知零陵縣恒以清正自持吏畏民懷幾三載丁內艱歸行篋蕭然民爭致贖贖郡守亦憐其貧以帑藏餘財資之俱不受比服闋

詣部以疾致仕

趙 熙

趙熙字文輝浦城人正統間由太學生授濱州判官為人淳謹愿慤勤於問學素履尤持重篤實與物無忤自筮仕初以致歸老冠服不改其舊人稱其有儒素之風

魏祖忠

魏祖忠字邦直建安人自幼讀書恒以古人自期父康以丁產應廣實倉斗級虧糧法當論死祖忠毅然別妻子詣官請代父罪繫獄歲餘典刑官至將論決忽遇恩宥得原免人以爲孝感所致

黃 賓

黃賓字朝用崇安人性孝友溫和問學有源委由邑庠生入南雍文行爲六館最優例轉省中途聞父喪徒跣匍匐至家葬父于白花巖下蔬食水飲廬于墓側終其喪親族有木克藥者推地以與之卒之日邑人咸悼惜奔走哭吊者踵相屬于道

蘇 鉉

蘇鉉字良聲別號竹坡建安人性孝友尤穎敏淳篤喜讀書好吟咏善書翰及寫竹石花木山水爲人所

本朝分省人物考

卷七十一

三

福建

本朝分省人物考

卷七十一

三

福建

珍雖居城市日閉門不干世事一時大夫士咸禮敬之所著有竹坡吟稿二十卷藏於家

徐驥

徐驥字尚德浦城人性恬靜常為詩文不以榮進介意由邑學弟子員陞太學偶得例授府知事之職以歸題其遊息之所曰安靜日以經史自娛家雖貧處之裕如也邑士夫高其學行皆遣子弟從之遊邑之登賢科者多其所造就也所著有洪範解訂正皇華詩及文

楊旦

本朝分省人物考 卷七十一 三十四 福建三  
楊旦字晉叔號偲菴建寧府建安縣人太師文敏公曾孫髫齡穎異絕倫領成化癸卯鄉薦庚戌登進士二甲第一名授吏部歷驗封考功時太宰青谿侃公岳性嚴毅慎許可顧獨器重之繼青谿者鈞陽馬公文升尤峻急難近每持正議初若相迕卒乃聽其言嘗考察京職有佞夫被黜黃綠奏辯者有旨再覈實馬倉卒拜 命欲改擬以從旦毅然持不可曰 祖宗來未有此例且倖門一開後將謂何都御史浮梁戴公珊亟是之而馬亦悟竟覆罷甲子陞太僕少卿乙丑改太常正德丙寅乞 命歸省蒙路費寶舖之

賜丁卯起復逆瑾欲一要見卒不見遂以違限例出知于温温海邦也地大物衆務劇奸藂治之不遺力郡以大治自謫宦以來大書上帝臨汝毋二爾心于座右僚吏遵度不敢縱居温二年庚午遷為浙江副使督學政會當鄉試以五閱月週廻數千里所校士允愜公議辛未逆瑾誅起為應天府丞尋進尹順天順天素號煩劇難治竟就緒貧民有負內供不能償者請以贖罰并帑藏之羨者以代仍禁縣吏無重科巨寇劉六等流劫近畿又四方流民薦食京師道殣相望因募人為叢塚收葬之人多感泣壬申陞南禮

本朝分省人物考 卷七十二

三十五

福建三

右侍嘗稱國子監事士心歸之尋轉禮右侍掌太常寺事裁抑浮費民力賴以少紓丙子改戶侍奉 勅總督京通等倉時總督監督中貴人多且剽剔好蠹持正不回屬官倚以為重而中貴人久亦自服尋陞都察院右都御史總督兩廣軍務兼理巡撫時嚴枉道之禁令母老疏請便道展省允之抵家侍彌月亟戒行以夏六月抵任乃肅紀綱飭武備省刑獄汰苛濫百度燦然一新會番禺清遠河源等縣蘇峒十八山滴水巖青龍崗帽子峰等寨徭獍負固稔惡所過大肆焚掠民甚苦之乃調集官軍土兵命僉事王宗



源都指揮董禎等分道並擊斬級俘獲不可勝紀捷聞 聖書褒獎已卯秋宸濠之變南贛撫治都御史陽明王公咨援兵且即委兵備僉事王大用朱昂都指揮歐儒于大經整兵以行尋得報元惡已就擒地方底定遂罷行田州府土官岑猛知府岑濬族黨也弘治間濬亂猛降級指揮僉事因功陞指揮同知賁緣 奏辯覲復其官會龍州知府趙源亡嗣襲以姪相猛因黨其妹所立假子韋璋者賂京還驛使詐傳詔旨起兵遂與璋襲破龍州逐知州趙相乃賂遺本兵及當國者猛圖以功贖罪復原職璋冒趙宗

本朝分省人物考 卷七十二 三十一 福建三

奪龍州請託於且執不可當國者廣人也子弟素與叛人通而本兵司馬擅作威福巡撫者歲有厚餽且獨無三人交怒乃嗾巡按廣西御史曹珪誣劾之吏部為之駁白誣竟不行未幾聞母周夫人計奔喪歸家哀毀踰禮嘉靖壬午服闋遂起 院尋陞南戶書甫涖任又改南吏書甲申秋吏部白巖喬公字致仕 廷議會推 旨又改且以北具疏力辭不允會見山桂公羅峯張公以傳奉陞學士且率部院諸老上疏論列語極激切用是忤 旨遂為給事中陳洸所誣劾疏下吏部議時左侍郎孟公春覆題亟辯其

誣竟有 旨令且致仕公論大譁且抵家坦然自適放情於溪雲山月間以詩酒自娛且祇事 三朝敷歷中外幾四十年所蒞若銓衡學校甲兵錢穀禮樂及刑獄馬政邊防皆諳極要領且清介絕俗奉身甚約至於軫窮恤族諸惠利事則為之又甚力性至孝奉母周夫人雖顯貴待養不少衰初成化間宗黨構難業已籍沒比貴乃力贊其兄昂雪辯竟蒙 恩復如初文敏公祠雖立而祀未虔乃疏以請卒如南陽李文達公例春秋祀焉月朔必薦新且必具衣冠率諸子姓謁祠退而立諸堂下必訓以忠孝大節庚寅

本朝分省人物考 卷七十二 三十七 福建三

秋七月危坐而逝

人物考卷之七十三目錄

福建延平府

張智

吳復

葉宜

李文殊

陳山

蔣伯良

黃琛

林同

劉璋

羅明

陳真

王旒

楊丹珉

吳謙

李勝

溫儀

本朝分省人物考 卷七十三目錄

林埜

補遺

廖文昌

胡瓊

田一儁

福建汀洲府

謝柱

伍清源

丘子瞻

周子禮

張顯宗

張愛

胡時

沈仲繼

巫章瑤

羅經



范金

張子才

賴世隆

王英

馬馴

劉敬

江瀚

鄭瑤

張秉和

俞瑤

丘弘

吳海

張彥銘

本朝分省人物考 卷七十三目錄

二

本朝分省人物考卷之七十三

福建延平府

張智

張智字玄略延平府順昌縣人自幼有大志聰明穎悟讀書過目成誦羣兒為嬉戲之事必正色端謹如老成人侍父昇元學於南昌稍長即能勵志於問學嘗慨然嘆曰采玉必於崑山探珠必於滄海士不出戶庭而為學管窺蠡測抑安能有所至耶即日挾策入元都交當時之名士用薦補入國學元季四方兵興以才出參閩省機務省臣承制授同知新喻州事

本朝分省人物考卷之七十三

福建四

已而知事不可為浩然退歸 國朝初定即建陽之崇化里灑掃一室置古今書籍其中窮搜博覽沛然有得於心鄉黨爭企慕之洪武十一年戊午以明經應薦上吏部授夷陵州學正凡九載以內艱歸二十四年服除入覲尚書趙勉薦於朝 太祖夙知其才可用遂超拜禮部左侍郎即首言宜以書籍頒布北方學校議者以費財不便乃正色曰使賢才彙征利益生民何惜此費衆太慚未幾實授右侍郎能秉禮不遷綱紀秩然人皆敬服是時諸儒多有不稱任使者至嬰顯僂上勅智等曰古之儒者務學以明體適

用窮則忠信篤敬以淑諸人達則忠君愛國澤被天下朕自御宇以來擢用儒士布列百司思得其人以稱其任而卒少見其效何也良由師道不立故成材罕聞爾禮部宜以朕言論天下俾凡為儒者必恪遵古先聖賢之道以修己教人毋徒尚文藝云智請首行於大學從之智尋奏言歲貢生員舊制中式者送國子監不中者罪有司停學官俸生員罰為吏今不中者遣還讀書有司教官罰如故是生員不率教者無所勸懲也 上廼命更定其制壬申三月懿文太子薨命禮部議喪禮智上議曰 皇帝當以日易月

本朝分省人物考卷之七十三

福建四

服齊衰十二日祭畢釋之在內文武百官即日於公署齋宿素服入臨明日素服行奉慰禮在外文武百官聞喪易服於公署哀次日成服行禮其內外文武百官行祭禮者自備儀物 上曰朝廷府庫百官俸祿皆出於民今祭祀儀物令光祿寺供具百官惟致哀行禮餘如智議尋以時享在邇令智與翰林院參考古制智等奏曰王制三年不祭惟祭天地社稷不敢以卑廢尊也今定議天地社稷先師歷代皇帝須用樂外惟 太廟乃祖先神靈所在既有喪而時享仍用樂恐神不樂聽宜備而不作 詔從之其所建

白多此類會高麗國恭愍王薨無嗣國人共推成桂  
主國事 上曰高麗限山隔海非我中國所治且其  
間事有隱曲豈可遽信命智移文聽其自為聲教二  
十六年以事左遷國子學錄尋陞博士建文中陞司  
業能誘掖獎勸無不底於造就其教人一本於道德  
仁義孜孜焉開導後進老而弗衰一時學者莫不宗  
之永樂初 成祖幸學特蒙寵異賜予甚厚四年卒  
於官年七十有二士大夫莫不悼惜之

吳復

吳復將樂人永樂間進士除御史陞廣東副使風裁  
凜然得憲臣之體士論歸之

葉宜

葉宜南平人永樂間進士累官浙江叅政歷官盡職  
寬嚴適宜務與民同其好惡吏畏而民愛之

李文殊

李文殊將樂人永樂中膺薦除工科給事中有直聲  
累陞廣信府知府敷歷中外持身廉介布素蔬食無  
異貧寒及退休田里尤確然不易其素守人甚賢之

陳山

陳山字伯高沙縣人由舉人歷紹興奉化教諭召入

預修永樂大典擢吏科給事中服闋到銓擬遷廣東  
布政使特留掌六科事尋命授 皇太孫經 仁宗  
皇帝即位以舊學陞左春坊左庶子尋擢戶部左侍  
郎宣德中為戶部尚書兼 謹身殿大學士 詔領  
文學士日侍 文華殿充 兩朝實錄總裁官嘗墜  
馬傷足 上親研藥調酒賜之高煦叛 駕親征命  
由留守暨還召進齋官命坐賜茶俄以老請致仕不  
許詔免朝參命中官扶掖出入再乞致仕章四上始  
俞允道卒有詩藁奏議藏於家

蔣伯良

蔣伯良尤溪人正統十三年沙尤寇鄧茂七叛勢甚  
猖獗王師至賊負險不肯戰無如之何伯良率民兵  
應之冒險力戰賊望風潰遂平總戎寧陽侯陳懋叅  
贊軍務刑部尚書金濂亟稱其功具以 聞授建寧  
左衛指揮同知

黃琛

黃琛將樂人正統初進士除戶部主事陞郎中嘗奉  
詔賑饑淮北區畫條悉全活者十萬餘人擢江西叅  
政雖政務煩劇而佐理有道德成事集遷本省布政  
使會洞寇猖獗琛率師直擣其壘俘馘之餘黨悉平

陞南戶部侍郎德威在人為當世所推重後巡撫四川專以求民隱情黜陟為已任不憚險僻偏州小邑躬自涉歷有所陳白悉報可以勞勩故多病感上恩遇未敢言去即奏乞歸展省未得而病卒年六十有一琛外和内剛寡交與善臧否人物率多奇中至今人尚傳述之

林同

林同龍溪人天順庚辰舉進士授戶部主事出納惟謹歷員外郎郎中累陞浙江叅政督理糧儲均賦恤民浙人德之後轉廣東布政使為政務存大體節省冗費與民休息致仕歸及卒之日家無餘資

劉璋

劉璋字廷信福建南平人天順丁丑進士由戶部主事郎中陞山東叅政浙江右布政使未幾轉左成化二十年陞右副都御史總督漕運兼巡撫鳳陽等處鹽法馬政多規畫會河洛饑截漕米八十萬石由河入汴以濟之璋區畫巨艘募舟人習河勢者親督以往來畢達民得免於死凶踰年改撫治鄖陽尋改巡撫四川時刁農等寨夷人負險絕糧道璋督將領討平之播州宣慰使楊輝庶子友謀奪嫡弟受官以反

誣之璋借刑部侍郎何喬新驗治得友好狀竟裁以法二十三年召入為工部右侍郎弘治二年改戶部四年陞左是年冬陞南京禮部尚書七年召入為工部尚書又三年連疏乞休加太子少保致仕卒葬祭如例璋性行端方舉止疑重所至勤於職事在山東江淮四川連遭凶歉賑濟皆盡其力多所全活及為九卿慎靜得體歷官四十年既歸敝屋蕭然衣食僅給泊如也璋歿無後聞者惜之

羅明

羅明字時昭南平縣人成化丙戌進士拜河南道監察御史初奉勅清理浙江鹽法均徭戢橫權豪歛跡繼巡按廣西適有內批命鎮守少監黃泌貢其地之所產禽鳥明奏止之行部所至憲度嚴整首汰其貪吏之尤者境內肅清還掌道事會家宰員缺朵順者眾遂率同列上疏謂宜公議推舉必得才德兼茂聞望素著方可委任若授之匪人所關不細由是奔競少戢京城東直門災朝廷範白金為真武像遣中黃門送武當山崇祀以彌災變明復率同列上疏以為徒費財擾民而無益於事又因災異迭見率同列陳言修省因及鑾輿游幸南城西海賜資無

度非敬天彌災之道也時有大臣以賄罷而負緣復進者又有近倖越例奏請得錄其幼子入監者又有方面以考察被汰而妄訴屈抑得復職者明俱率同列奏乞追寢前命時論韙之遷陝西按察司副使奉勅撫治漢中漢中多深山茂林爲逋逃淵藪明秦立白河縣以安輯之尋以嵩洛竊發銀鑛因誣逮平民論死者四十餘人明爲辯雪坐者三人而已俄遷本省按察司使值歲旱饑人相食明力求所以拯濟之法無所不至仍條救荒二十事上之多所施行活人甚衆遷雲南左布政使明以其地去京師最遠本朝分省人物考卷七十三民夷雜居爲政務從簡易不事苛擾論者以爲得體未踰年擢都察院右副都御史奉勅巡撫甘肅其地卽古河西五郡也控引西域流沙諸部落番胡叅錯號稱難治明居陝日久稔知其宿弊首奏罷貢獻以息橫斂復奏奪勢家所擅草湖之利以還軍士他如均水利清兵馬蠲逋負多所建明其於學校風教尤盡其心嘗奏請增貢額以振淹滯又選秀民著錄庠序以教養之先是甘肅祭先聖率用俗樂明至命所司講求禮制備古樂舞器服而演習之入音既諧奏以奉祭邊方之人至是始知有雅樂而一洗前

日之陋弘治己酉東路有小警且有詔錄囚徒明舊苦中煩疾至是以勞復作遂卒卒之後旬月朝廷以其有區畫裕密之功降璽書褒獎尋以工部右侍郎召還而已不及矣明爲人外和內剛歷官二十餘年清介謹慎始終一致人未嘗見其過舉云

陳真

陳真字思誠將樂人由太學生拜饒州府判轉安慶陞知揚州府政尚平恕不事鞭楚於貧民尤加存恤歲旱跣足自罪以禱雨雨隨霽時稱有古循吏風性尤恬淡寡嗜慾居官常種蔬以自給云

王旒

王旒將樂人由太學生知萍鄉縣廉慎公正興學獎士尤急於惠民民德之時增置一丞以專賦稅旒疏其職冗且爲民病奏革之秩滿遷西城兵馬指揮

楊丹珉

楊丹珉字德玉尤溪人由太學生知永新縣興學校賑窮乏抑強暴不數載民皆悅服先是邑有舖長謀財殺商人住舖者誣逮甚衆丹珉至訊鞠之遂得其實出屍田禾中乃抵罪衆被誣者獲免歲旱禱雨輒應蝗起不入其境後移溧水終泰州同知俱有治績

吳謙

吳謙尤溪人以明經舉除山東道監察御史調知湖廣武昌縣縣有守禦千戶所千戶周頤挾勳舊虐民謙劾奏之尋卒民德之有挽以詩云一封朝奏動雷霆死後精忠貫日明惟有武昌縣下水千年嗚咽為先生

李勝

李勝字仲質南平人以楷書薦預修永樂大典書成願就養務期發身科目已而中鄉舉授無為軍判官蒞事公勤崇儒術布惠政民德之肖其像祀於李水

本朝分省人物考 卷五十三

九

福建四

祠

溫儀

溫儀字仲威將樂人由舉人除温州府推官廉慎善治獄會平陽葉八反儀率土兵攻破夾嶼山入賊壘斬獲幾三百人還所俘平民男女百八十餘人既而泰順徐懷思復叛儀直搗巢穴斬獲甚眾擒懷思并其黨三十餘人巡撫尚書孫原貞以 聞進五品階秩

林埜

林埜南平人正統末著錄郡庠沙九寇起埜延隣邑

益自陳効力率民兵往戰至建寧高陽里遇賊鼓操而前俘渠魁謝保大黨一百八十餘人斬首六十餘級所至克捷事聞授尤溪縣主簿陞廣東布政司經歷

補遺

廖文昌

廖文昌字克盛福建沙縣人永樂十五年舉人十八年由行人選山東道御史巡按廣東廣西燁有風裁因劾鎮守太監袁禎謫星子縣典史陞東阿知縣致仕

本朝分省人物考 卷五十三

十

福建四

胡瓊

胡瓊字國華福建南平縣人正德六年進士由慈谿知縣選山西道御史告病起補巡按貴州丁憂復陞山西道議禮杖獄卒

田一儁

田一儁號中台福建大田人隆慶戊辰進士改庶吉士歷官祭酒陞禮部右侍郎尋轉左兼侍讀學士教習庶吉士卒于官一儁為文順理成章不加點竄自成大雅其人亦翩翩塵外無所依傍而自成一家云

福建汀州府

謝柱

謝柱寧化人元季從太祖皇帝渡江討陳友諒繼奉旨從宣德侯取雲南諸路屢見功蹟授武略將軍洪武二十二年除青州右護衛指揮僉事累陞福建都指揮使賜名玉柱嘉其忠勇復官其次子賜授福寧衛中所副千戶季子希彥輔駕散騎舍人

伍清源

伍清源連城人博學善詩文國朝洪武初郡辟為儒學訓導與諸生講解昕夕不倦一時士子爭欲授業於其門洪武十三年郡守楊大得以清源應明經舉授寶鈔提舉司副使後以疾告歸自號秋圃構軒於後龍山之陽環植花木日以詩酒自娛年八十九卒

丘子瞻

丘子瞻永定人以學行名洪武初求山林儒碩子瞻年五十餘知縣劉亨以明經薦授武平訓導晚歸林壑以觴咏自娛清名雅望人敬仰之祀於鄉賢祠

周子禮

周子禮上杭人富而好義洪武間鍾子人等寇縣民

本朝分省人物考

卷七十三

十一

福建四

徐相

皆欲奔避無肯捍禦者子禮挺然告眾曰有能敵賊者當罄家業賞之時張愛為民丁隊長偕其侶梁文處率所部以應子禮與之誓斷左手食指以示信眾皆感奮爭先賊敗子禮遂出白金分賞金盡又出其家人首飾以繼首飾盡復出其布帛器物以繼又盡乃曰願以田產立券給賞城中有缺食者仍出米粟周之民恃以安而縣治亦賴以無虞

張顯宗

張顯宗字明遠福建汀州府寧化縣人洪武辛未進士及第授翰林院編修有孝行從政通敏陞太常寺丞參拾年秋七月命署祭酒事已巳與禮部增定監規顯宗與司業韓克忠率生徒陸見上戒諭諸生曰昔宋訥為祭酒嚴肅善教以故朝廷得人近年老儒為祭酒學規日壞生徒全不務學用之債事今署事者增定規條敢有抗違奏聞重治若有似前貼匿名帖誹謗師長者梟首監前徙家煙瘴著為令是時顯宗首疏便益數事申明學規綱紀一新拾一月顯宗以違限監生李從新等二百一十七人比例擬奏以聞復定四川兩廣福建過一年之上北平山西陝西湖廣半年之上浙江山東河南江西五閱月之

本朝分省人物考

卷七十三

十二

福建四

徐相



上直隸三閱月之上皆發充吏禮部奏聞發遣其限  
外不及一月有患病文憑者送監免問已而禮部據  
監生傅崑送幼子還鄉魏文禮畢姻皆割付本監照  
例定限行之是年本監以坐堂人少誠恐諸司再取  
辯事不敷移文禮部及聞於 上今歲貢照二十五  
年例於是入監遂衆三十一年春正月顯宗以違限  
監生龍友諒等二百二十人依例分謫以聞 上曰  
是皆無志者雖使讀書亦不成矣 命吏部銓除遠  
方典史以困役之秋七月顯宗真拜祭酒奏請開通  
成賢街正路分布號房從之三十四年奏言監生違  
限有三年之上者例得典史故逃曠自恣乞懲之  
上命仍充吏役三十五年正月陞工部右侍郎往江  
西招集丁壯募民出粟夏六月復爲祭酒 文皇帝  
卽位顯宗與司業張智皆歸附庚寅謫成興州以建  
文中嘗募兵江西爲軍卒執告故也永樂五年起爲  
交趾左布政使勞來撫綏克盡其職永樂七年卒於  
官顯宗操心誠篤處事公平在交趾民懷其德建祠  
祀之性尤聰明讀書過目成誦奉 命選述有諸司  
職掌逆臣錄忠義錄等編及立大學規制

張 愛

張愛上杭人膂力絕倫洪武二十年盜鍾子人同廣  
寇作亂凶鎗可畏衆推愛爲隊長以備禦之及子人  
攻縣愛挺身與龍文處等力戰殲其渠魁斬首數百  
級賊敗而退復隨官軍進剿深入被執罵賊不屈而  
歿民哀念之祀於赤岡廟題曰勇士張愛之神

胡 時

胡時永定人忠厚淳良以明經教授於鄉善吟詠尤  
工楷書洪武間知縣劉亨薦授杭庠訓導教人必因  
其材質高下而授之多所造就卒於官今祀於鄉賢  
祠

本朝分省人物考 卷七十三

十四

沈仲繼

沈仲繼連城人應天鄉試永樂初累陞吉安府知  
府先知山西應州有文武材彌盜安地方寧緝

巫章瑤

巫章瑤清流人永樂間歷官建昌知縣嚴明立政廉  
介自持至今建昌稱德及民者以瑤爲最他令不能  
及也

羅 經

羅經上杭人永樂戊戌進士筮仕淇縣知縣廉潔持  
身尤重農事嘗教民以桔槔溉田至今民受其利擢

御史彈劾不避權要人多忌之陞浙江副使執法明允德惠及民

范金

范金上杭人性沉靜寡言從王盧淵授春秋學博才瞻永樂癸卯以經義甲一道正統間典始興陵水二庠教既而以疾歸養二十餘年士子樂從者衆卒人咸以位不稱才惜之

張子才

張子才寧化人讀書敦行永樂間舉茂才不起隱於邑之張家坑課子孫耕耘爲業家用以裕景泰中知縣梁昂援故事勸其納粟賑濟以膺冠帶之榮子才毅然出粟二百石以輸廩且曰出粟救荒富者當爲事耳况躬逢盛治得以優游安居爲太平民幸衣食既足自當推其有餘以周貧乏何敢望冠帶之賜耶固辭不受享年七十具深衣而卒鄉人咸歆美之

本朝分省人物考

卷七十三

十五

福建四

賴世隆字德受清流人宣德五年第進士爲翰林院編脩正統間沙尤寇發世隆自乞協同寧陽侯討賊鄉邦賴之

賴世隆

賴世隆字德受清流人宣德五年第進士爲翰林院編脩正統間沙尤寇發世隆自乞協同寧陽侯討賊鄉邦賴之

王英

王英長汀人宣德中任戶部主事尋陞員外郎山西布政司參議終左布政使所至皆有聲致仕卒

馬馴

馬馴字德良福建長汀縣人正統十年進士授戶部主事遷郎中陞四川布政司右叅政進布政使擢右副都御史巡撫湖廣致仕卒於家賜祭葬如例當馴爲叅政時分守地方適有寇亂嘗督理餉饋不缺事平受文綺之賜繼爲布政值有事於播州給贍軍需復賜璽書褒獎至巡撫湖廣關中饑民流食荆襄者甚衆馴以便宜卽賑之地方遂賴以無虞後歸老於家凡十有二年而卒

劉敬

劉敬字謙之上杭人早失怙事母吳氏至孝凡得食必以遺母正統己巳沙寇攻縣甚亟家人悉驚竄惟母在室時年八十有二敬度不能行誓死弗離乃負母出城西奔二里許賊追及之箠楚索金杖及於母敬抱母號天乞免母因傷病不能興敬含哺以飼賊退貧甚日採拾以養母卒哀毀踰禮至今人稱其孝

江翰

本朝分省人物考

卷七十三

十六

福建四

江瀚上杭人著錄邑庠正統己巳沙尤寇發瀚避巖將至郡城被執盜詢知爲儒生強欲用之瀚曰朝廷養我有年未能效報豈可從你反耶賊怒梓近城下脇之使跪瀚不屈罵不絕口遂被害賊大聲告城上人曰此上杭江秀才也人咸義之

鄭瑤

鄭瑤清流人爲縣刑曹掾景泰元年草寇復發攻掠鄉村民駭竄至楊梅逕路狹人莫能進賊數十追及瑤挺身與之戰自午至申賊亂鎗傷其胸瑤悍然不顧賊畏其勇而退瑤亦力疲倚巖石僵立而死徑中

本朝分省人物考 卷七十三

十七

福建四  
劉啓

之民四百餘家悉賴保全

張秉和

張秉和上杭人天順六年溪南寇發秉和被執令之跪罵曰我良民豈跪你賊耶欲殺之傍賊曰你跪可免死秉和復厲聲罵曰死強盜你等爲此不道恨不噉你血殺即殺矣跪何爲遂遇害

俞瑤

俞瑤清流人任青田知縣十有五年勵精爲政清慎廉能興學校重農桑善政及民民愛戴之卒於官民立祠祀焉扁曰石古廟以瑤之德如石之不朽也

丘弘

丘弘上杭人天順甲申進士除戶科給事中時淮揚大饑弘奏賑恤之民賴以生仍陳時政十一條上嘉納之明年地震又請修德弭災條上七事 上亦俞允陞都給事中

吳海

吳海上杭人富而尚義成化己亥冬溪南民標掠其鄉流移者衆海惻然散粟濟之明年春賊復發海仗義率民兵擒斬賊首鍾三等若干人戰於峽頭之麓已而賊潛伏發於中道海遂遇害鄉人至今懷之

本朝分省人物考 卷七十三

十八

福建四  
劉啓

張彥銘

張彥銘寧化人領鄉薦歷任判府乞致仕家居終養崇正學憎俗流惡佛老歸鄉三十餘年非公事不至公門動必由矩度號素庵老人年九十七弟彥正性孝友少時母疾甚割股願天求以身代母疾果愈咸謂孝感所致既長讀書善吟咏進脩不倦年九十號華山隱叟彥隆號遜齋慈祥敦厚樂善好施與邑人以鄉先生稱之年八十有七歲行鄉飲兄弟迭爲大賓座人皆服其宜知縣鄭瑄命工繪其像爲圖屬詩入歌咏之號曰寧陽三老

卷七十三終

人物考卷之七十四目錄

福建興化府

方槐生

林圭

吳源

林士敏

陳繼之

陳宗孟

楊慈

方鯉

陳用

余耀

林環

林長懋

黃壽生

陳中

林文

黃諶

本朝分省人物考 卷七十四目錄

翁世資

陳俊

何誠

方澥

柯潛

方守

彭韶

鄭紀

陳音

楊琅

黃仲昭

黃璉

周瑛

宋端儀

林元甫

黃乾亨

林俊

鄭岳

陳茂烈

黃鞏

方良永

馬思聰

陳騰鸞

魏一恭

陳言

郭應聘

柯維騏

補遺

林祥鳳

周彥

林誠

陳仁

李廷梧

林有孚

林文俊

張日韜

陳琳

鄭一鵬

本朝分省人物考 卷七十四目錄

朱澍

鄒守愚

林潤

鄭茂

福建邵武府

譙賤生

龔仲賢

何道旻

蕭永泰

吳琬

花潤生

吳璽

張誠

上官祐

朱祐

曾真保

余隆

黃原昌

黃昌

黃孟舟

陳泰

鄒允隆

李剛

徐溥

謝爓

余志

朱欽

陳讓

本朝分省人物考

卷七十四目錄

三

本朝分省人物考卷之七十四

福建興化府

方槐生

方槐生字時舉初名樸莆田人通春秋詩書三經善講說為文詞元季辟學官不就與同邑諸人士結壺山文會洪武初薦充興化府學訓導嘗修莆陽人物志起唐貞元終元迄錄未成書而被誣以卒今存於世者僅名臣一類不及三卷

林圭

林圭莆田人洪武初以明經薦為本邑訓導陞寧州教諭凡六典文衡晚年致仕家居講學明理啓迪後進經學詞章為莆郡首稱

吳源

吳源字性傳興化府莆田縣人早孤自知力學惇禮好義學士大夫皆推重之至正末舉泉州路訓導洪武三年復以明經授興化府教授十三年中書舍人林廷綱薦源德行特詔徵之於是與杜敷龔敷趙民望李佑俱應召至命為四輔官兼太子賓客位列公侯都府之次屢降制諭欲其均調四時繼令各司春夏季上中下旬而源則司夏季中旬每講明治政必

以得賢才敦教化養黎元爲圖治之本甚見嘉納  
上間之東苑命五人侍應制聯句七言近體一章  
上先倡首句曰踞盤龍虎肇蒙英五人者遂繼之曰  
五色卿雲炫日明臣杜敷王氣瑩然垂景象  
風樂爾見昇平臣龔敷山河百二金陵最巨民望宇  
宙千秋帝業成臣裕 上復繼之曰暗憶六朝興替  
事臣杜敷遂足之曰禎祥未盡又加禎詩成上呈  
上喜後歸復 詔徵赴京授國子監司業未幾卒於  
官

林士敏

本朝分省人物考 卷七十四 福建 福清 林士敏  
林士敏名懋以字行莆田人研五世孫父善同字舜  
與少好學工詞賦元末領鄉薦署泉山書院山長國  
初例起赴京師以祖母年老辭既而復起之竟卒於  
道士敏洪武中由鄉貢入太學踰年署大理寺少卿  
除刑部郎中以陳言謫南丹州吏承樂初起爲南康  
府知府一意損已厚人衣服給取於家改淮安府清  
介愈甚坐不防水患貶南寧府鎮鄒巡檢辟爲常州  
府宜興縣教諭有芹邊集匡廬小稿

陳繼之

陳繼之莆田人建文庚辰進士授戶科給事中嘗以

江南僧道多占腴田蠶食百姓奏請稍爲限制僧道  
人給五畝餘以賦民從之北師南下繼之建白抗禦  
多肆指斥又言於朝曰徐承福燕之至親必有陰謀  
宜先事誅之不聽已而承福果開門降壬午六月  
文皇卽位召繼之責問不屈磔於市夷三族

陳宗孟

陳宗孟寧德人永樂初進士有學行知易州爲諸生  
時嘗上書當道罷立鹽場鄉人德之居家嚴訓戒子  
姓同居庭無間言

楊慈

本朝分省人物考 卷七十四 福建 福清 楊慈  
楊慈莆田人幼穎敏下筆數千言立就其文豐贍典  
則直欲追蹤古作者永樂戊子鄉試第一辛卯登進  
士改庶吉士慈體貌豐偉志氣軒昂恒以科第文辭  
爲儒者末事抱負甚大未及用而卒

方鯉

方鯉永樂中進士爲監察御史風采凜然出知彰德  
紹興二府皆以嚴明蒞郡號良二千石正統中致仕  
行義爲鄉邦所推服

陳用

陳用字時顯莆田人永樂中第進士爲翰林庶吉士

預修五經四書性理大全書成授檢討丁外艱起復留南京宣德間陞修撰正統陞侍講掌院事二十餘年丁內艱歸卒同縣陳道潛黃約仲俱與用同時被選預纂修之列道潛第庚辰進士授禮科給事中改夷陵州判官永樂中召除監察御史滿九載以老致仕約仲初以楷書選大臣有以工詩薦之者擢翰林典籍遷檢討出為汀州教授有靜齋集四卷

余耀

余耀字叔炫永樂中第進士除進賢知縣九載少師楊士奇薦其賢移檄即家命馳傳詣闕陞吉安府通判掌泰和縣事調饒州府通判卒勤敏廉介歷官郡縣所治有聲

林環

林環字崇璧披裔孫莆田人幼聰慧讀書數遍即成誦甫成童肆筆成章永樂丙戌進士第一除翰林院修撰明年陞侍講預修永樂大典為書經總裁官兩為會試考官所取皆得人十三年扈從幸北京進講經筵音吐洪亮大被寵眷卒於官年四十有綱齋集十卷

林長懋

林長懋字景時蘊之後由鄉貢歷德清南昌二縣教諭陞青州府教授永樂中選侍 皇太孫讀書授翰林院編修陞右春坊中允宣德初出為鬱林州知州以陳言下獄者十年正統初再守鬱林疏溝渠禁淫祀撫下以恩而自奉極清儉時有都指揮陳鑑不法長懋奏黜之卒葬桂林縣黃江口州人歲為增土仍建祠祀之

黃壽生

黃壽生字行中滔十五世孫永樂中以太學生試應天第一等辛卯進士改翰林庶吉士與修五經四書性理大全書成授檢討九載將滿考試禮闈得疾卒自幼莊重篤孝友敦行義勤學問經史百氏多所通貫尤邃詩經一時從遊之士多取高第為時聞人而莆之業是經者壽生實其鼻祖也學者因其所居稱為東里先生後以子嘉恩贈知縣有東里文集

陳中

陳中字舜用大卞之後永樂辛丑會試第一資性簡率文思豐瞻宣德初自南京戶部主事召赴行在與修 太宗仁宗兩朝實錄書成陞本部員外郎年五十七以母老致仕卒年八十三有文集行於世

林文

林文字恒簡莆田縣人自少凝重穎敏異於羣童稍長讀書思義務深沈求索凡經傳微辭奧旨人所窘惑者文卒有悟入處遊郡庠益肆於學宣德庚戌登進士入對列第三人授行在翰林院編修正統初與修宣廟實錄充經筵講官實錄成陞翰林院修撰連丁內外艱服闋仍兼舊職景泰壬申進左春坊左諭德兼修撰癸酉修歷代君鑒成丙子修天下郡志成皆有襲衣文綺之賜陞左春坊左庶子兼侍講天順初英宗復位改尚寶司卿仍兼侍讀命往河南

本朝分省人物考 卷七十四

六

福建五 陳士儒

祀淮瀆之神還拜翰林院學士兼東宮講讀官充國志副總裁甫入國朝從無正拜學士者自文始里中榮之三年以老乞致仕上諭少保李文達曰此淳雅君子也不允所請憲宗登極進拜太常寺少卿兼侍讀學士未幾復懇辭歸老抵家傾城士大夫迎候羅拜觀者如堵又數百年所無者越三年成化丙戌卒贈禮部左侍郎文為人神清志定充養有道燕居端處終日欽欽其經幄論說史館紀撰勞益實多行於道不游目而視與人言未嘗率爾應答自敵已以下皆降色為禮故人無鉅細皆深服其德器暮年

形神安康奉祭祀接賓客酬應靡倦其恭敬不減於少壯之日凡聲色華侈之好終其身不接耳目所著作平實典正類其為人一時贈送四方碑刻多出文手有淡軒稿存於家

黃諤

黃諤字聲叔莆田人講學家庭兄弟叔任自相師友宣德中以明經薦授本府仙遊縣學訓導丁內外艱更無錫麗水青田三縣學訓導天順中以教有成績陞廣元縣儒學教諭廣元為蜀北鄙軍士荷戈而立編氓鮮少學久廢師生倚席不講諤來以義倡率廣

本朝分省人物考 卷七十四

七

福建五 臨見

元人士廣元人士翕然趨之乃相與修學舍建文廟塑聖賢像每日衣冠坐堂上呼諸生使前授以經書背誦覆講如法其教舉子業務識體裁不剽竊陳腐諸生苦貧無資以為學曰汝第為學吾當思以給汝乃察其貧甚者解衣推食以授之諸生至為泣下其或恃財怙勢不循軌度則嚴呵之呵之不從施以榷楚務從善乃止既歸即學宮旁立祠肖像以祀嘗聞在仙遊時知縣王彝以白金二百兩寄諤呼其子授之人服其義在麗水時浙寇張甚眾以諤有材略推以捍賊部署既定乃諭以忠義眾感激效死鼓之而



進賊奔北境土以平人服其勇其入旬時與僉事董應珍同時濟江董船覆呼近岸諸小舟莫肯前諶曰是欲得財耳乃自取囊中金分授之衆乃亂流而渡董獲免人服其仁且知處事之變

翁世資

翁世資字資甫莆田縣人父瑛舉鄉貢官至翰林檢討掌國子監助教事累贈戶部尚書性喜酒樂易姻黨無小大咸恩視之世資幼穎敏自其遊鄉學時器識已如老成人侍父官京師因乞入太學正統壬戌進士授戶部主事政暇輒繙閱舊案究其利弊涉獵

本朝人物考 卷之十四

八

福建五

陳士儒

廣記且明習國朝典故凡條例因革悉所諳練大為部堂諸卿佐所敬禮嘗以部檄往通州監收軍士冬衣布花因奏言所收貯庫藏轄於通州諸衛宿弊極多宜改屬有司則其弊可革從之丁外艱歸景泰改元本部尚書金濂以時方多艱求可以裨謀議者因奏起復世資固辭終制明年服闋復除戶部遂委世資專典各司章奏有大議必與商確未幾陞署本司郎中適江南水災部以屬世資勘驗因奏免應天太平寧國安慶廬州等府及建陽宣城等衛稅糧五十萬餘石芻束倍之且檄所司賑恤 英廟復位改天

順之元年充會試同考試官時大臣多罷 上謂姚夔翁世資俱可大用遂擢夔禮部世資工部俱右侍郎三年命往淮徐督運大木回內織染局上言先遣官往蘇杭等五府提督織造上供文綺七千疋未完今計各項賞賜等用又合別遣官督併加造七千疋世資謂東南水潦民苦艱食宜當樽節以甦疲困與尚書趙榮左侍郎霍瑄議減其半榮瑄皆有難色世資曰倘得罪某請以父子三人當之疏進 上疑其要譽推主議者下世資錦衣獄貶知衡州府先是郡有疑獄數十人世資悉為直之治郡汲汲以革宿弊

本朝人物考 卷之十四

九

福建五

高深

厚風俗為務新廟學修石鼓書院置便民倉凡郡政所不可少者皆以次修舉衛師有不循理法者世資稍抑之遂誣世資怨望逮至京師 上不直衛帥削兩階調任復世資官成化元年陞江西左布政使適廣東寇發王師南下有獻計欲令江西轉餉計當用十萬人世資議齋銀就廣中糴穀以餉民以不擾屬大旱軍民多轉徙乃大發倉廩賑之且為奏蠲民賦百七十餘萬石仍免一應雜泛差料境內以安五年陞都察院右副都御史巡撫山東明年秋東土大饑世資日夜講求荒政發廩勸賑復遣官分道賑恤民

賴以濟八年遷戶部左侍郎十三年奉勅提督京通等處倉場明年進本部尚書職掌仍舊十七年召掌部事世資久處計司財賦出入劑量盈縮罔不懸合事宜十八年以年及再上疏懇求去遂加太子少保致仕行至儀真卒年六十九贈太子少傅遣官諭祭營葬世資居官四十餘年謙約和厚善兄弟廣交友家無餘貲所著詩文有兵崖集若干卷

陳俊

陳俊字時英莆田縣人正統丁卯鄉闈第一人明年戊辰進士授戶部主事值父卒解官迎喪海南富土

本朝分省人物考

卷七十四

十

福建五

物一無所取服闋仍除舊職景泰甲戌差督天津諸衛官兵舊欠採秋青草卽上言採取舊有額已難徵辦况歲徵耶漁不可以竭澤朝廷是之得減歲增之數三十五萬束蘇松諸郡折糧銀爲里豪所侵者七十五萬兩有奇俊往徵之不數月悉輸納內帑尚書金濂大咨異之俾典閣部章奏自是更景泰以至天順歷任員外郎中職皆嚴辦而賢能之聲日起至辛巳朝廷出師征兩廣叛寇命往督餉時郡邑殘破公私匱乏百方籌畫事克有濟如弛鹽商越境之禁俾隨處貿易而每引輸粟二斗於南雄梧州用是兵不

乏食而民不出賦輿論稱之是冬母喪乞守制不許明年師還始歸莆總兵監軍合百金爲贖却之又明年復任成化元年陞南京太常少卿四年召爲戶部右侍郎時尚書楊鼎以剛悍自任不假貸於僚佐然獨重俊事經俊裁斷者卽不復省屬時四方奏災異三邊告輸輓文移沓雜諮議旁午裁決如流不淹畧刻而靡不曲當人咸服不可及辛卯京師饑俊奉勅發太倉粟一百萬斛減價糶以利民權貴有乘時射利者俊請於上凡糶以升斗計滿一石者閉不與其計遂沮而饑者獲濟壬辰上命將北征特勅總

本朝分省人物考

卷七十四

十一

福建五

督軍餉於秦晉諸邊俊倍道疾馳比至則邊庾空竭歲且不登芻粟價湧而榆林延綏糧道險遠輸者病之俊乃發金於內郡市易且修西安韓城同官徑道以便飛輓而行所向無敵虜酋授首勞伐居多凱旋加俸一階九年遷吏部右侍郎十一年轉左銓綜人物號爲清允十三年滿九載陞南京戶部尚書十六年奉勅改兵部叅贊機務剷除宿弊益不動聲色而事皆就緒人稱爲名德老成二十年改南京吏部尚書二十二年加太子少保致仕弘治元年以疾卒於家謚康懿俊爲人沉毅簡重淵澄山峙望而知爲正

入平居篤孝友寡言笑操履端方確乎不可拔既仕以清白自持雖位至六卿蕭然不異布衣時世多敬服其介云

何誠

何誠興化縣人正統間由太學生任鳳陽府虹縣知縣廉正愷悌不尚威嚴每詣村落教民築堵植桑民久賴其利後以疾卒囊橐蕭然虹人共買棺殮之妻南京人昇其柩於父家即葬虹人思之遷柩還葬於縣之山川壇右復建祠祀焉

方澥

方澥莆田人正統間年五十餘始第進士授行人懇求致仕去性介烈抱經固窮以講授為業未嘗輕入城府晚年尤邃於學動止語默不少苟學者稱為柳東先生

柯潛

柯潛字孟時莆田縣人生有奇質穎異絕人數歲能作詩正統甲子領鄉薦當赴會試以未忍離親遂入蓮峰僧舍講讀不輟景泰辛未登甲榜進對大廷賜狀元及第數日授翰林修撰潛丰神峻整言動謹飭是時翰林諸老咸愛重之未幾賜五倫書五經四書

尋用薦入經筵壬申四月陞右春坊右中允兼修撰五月預修歷代君鑒書成賜白金文綺甲戌預修寰宇通志書成陞司經局洗馬仍兼修撰加賜白金文綺是年典應天鄉試舟泊淮揚有鬻私者暮夜投潛以所賂遺置舟中潛怒執付有司治以法是科場屋肅然咸稱得人 英廟復辟更授尚寶少卿兼職如故乞許歸省己卯 命修玉牒庚辰春 命偕呂學士原考會試十二月 命充東宮講讀官尋給誥命進階奉直大夫癸未復 命偕陳學士文考會試會場屋火罷甲申 憲廟嗣位以隨侍恩陞翰林院學

本朝各省人物考 卷三十四

三

福建五

士三月有旨選進士年少質敏者李東陽等十八人入翰林為庶吉士命教以古文詞學八月 上御經筵勅兼經筵官仍賜白鏹文綺復奉旨纂修 英宗實錄成化改元八月考順天鄉試九月玉牒成再奉旨教習庶吉士林瀚等二十四人尋 命掌翰林院印丁亥實錄成陞詹事府少詹事兼翰林院學士賜白金金織綵段賜宴禮部戊子二月 命日侍經筵講讀自辛巳迄戊子凡遇午節輒賜牙骨聚扇 上有御製清暑歌解愠歌及諸家繪畫金織扇袋五色圓壽絲縷虎頭縑畫文虎七月有詔議 慈懿皇太

后山陵事潛率僚屬進論合葬於禮爲宜論可其奏  
十二月賜經筵儒臣七人襲衣冠履潛已聞父喪  
上命卽其家賜之旣而有司爲少卿公請祭 命并  
與葬蓋異數也潛感激銜哀就道抵家不入中門寢  
苦枕塊不脫襟帶擇地於其所居之東一里許葬和  
溫山麓不忍離喪次事母戴宜人備極甘脆已丑季  
弟澍病親爲調藥比卒殯殮皆從厚朔望易期服哭  
失聲而後返衣衰居苦次庚寅戴宜人卒哭慟絕而  
復甦 朝廷復遣官諭祭辛卯有詔起復時祭酒缺  
員難其人 上起用之以厭士論潛聞命具疏乞終  
制大略言忠與孝豈有二致事君事親初無兩心使  
親喪可短則他日所以事君者可知矣 上覽疏許  
之初潛素無疾至癸巳八月久居苦塊患左足風痺  
寒熱繼作自知不起呼弟江與之訣瞑目而逝訃聞  
祭葬如制潛稟氣峭直操行耿介發爲文章嚴整有  
法其爲詩清新微婉尤有風致時借二三知己窮覽  
勝槩雅歌投壺分韻賦詩襟度豁如也至於遇事感  
發言論侃侃揚推古今毅然自負雖在庶僚已繫天  
下之望然雖以聖賢之學日啓沃 聖心而平生蘊  
抱未及少施於天下故其歿也士大夫多傷之

本朝分省人物考 卷七十四 十四 福建五

方守

方守字宜約號省菴莆田人由進士柔孝謹方上  
眷官母王微恙卽解裝待藥久之果不起其父訓以  
廉慎之詩昕夕佩誦聲色澹若不立媵婢兄弟族里  
非甚獲戾咸曲加容納問學經義尤精嘗提調雲南  
議閱詩與主司連合十二卷其後稍參伍率在取列  
延綬響馬盜至從者恇怯守厲聲曰吾方郎中也盜  
引去方議事城戍報急鎮巡錯愕守曰第先之虜驚  
遁平居若無能爲其應猝計類此旣致布政事舊業  
日落貸於里富人爲常人曰二品官如是耶相傳爲  
笑林俊作憐白頭寄之事頗聞莆二庠士言之巡按  
御史援詔例給廩又給田薦之朝未報守疾作強力  
序族譜以不及置義田爲恨弘治甲子四月十八日  
卒

本朝分省人物考 卷七十四 十五 福建五

彭韶

彭韶字鳳儀莆田縣人天順丁丑進士除刑部山西  
司主事未幾丁母憂服闋陞廣東司署員外郎時張  
岐以外臺權右僉都御史協管院事韶以其人非才  
力著望論其不可願朝廷收召王竑李秉葉盛以伸  
公論疏入下韶獄都給事中毛弘等言韶持論雖過

心實懷忠得宥復職尋進本司郎中廣東為司繁劇  
 挾勢席寵者動有所挾詔獨屹然不倚雖羅咎無所  
 恨外戚周遵與畿內民爭田願得內臣及錦衣衛官  
 往勘踏丈會有旨命法司官以行眾咸推詔至則環  
 視周匝徑歸自劾奏曰田本民有雖其戶報不及管  
 業然地有高下歲有旱潦細民頻年出賦以給公上  
 早則資汗下以補高仰潦則資高仰以禪污下安有  
 空閑可以別給以民田給貴戚恐以重傷國本復下  
 詔獄科道交章言其無他得釋庚寅陞四川按察司  
 副使所至平冤滯黜奸蠹敦風俗恤民隱壬辰冬分

本朝分省人物考 卷七十四 十六 福建五

巡川東道發奸摘伏每出巡郡邑民爭挽肩輿冀先  
 至其境乙未陞按察使詔之副憲也凡有淫祠在分  
 司者悉去之至是以二門外有廟祀五顯其事不經  
 趙清獻公遺愛在蜀清風鐵面正吾憲臣之事乃與  
 同僚謀撤五顯像而設清獻神主錄朱門問答有及  
 時政者名曰政訓以自警且以勵僚屬在蜀恩威兼  
 著淑慝自分廉而不激明而不苛蜀人懷而畏之至  
 今數賢廉訪必首稱焉戊戌陞廣東左布政使下車  
 首進父老百十人問民疾苦與利弊所當興革者而  
 施行之先農民補吏率多重費詔曰取其財而責以

不貪可乎選俊秀善書者充之而積弊遂革鎮守內  
 臣歲有進貢之儀里胥乘之求索多方民不勝擾上  
 疏言自古明王不寶遠物廣東民力竭矣守土臣以  
 此事上為恭不知凋傷國本遺害反大監船內臣韋  
 眷請以均徭餘剩六十戶隸船司為造辦貢獻之需  
 又疏言今之官民富強不及於昔及今十分愛惜加  
 意樽節猶恐無以為繼况又重他端而益以雜用其  
 何以善後願將眷所奏餘戶暫與一年以後遞年停  
 罷有詔減其半陳獻章公甫以學行有聲特薦於朝  
 獻章醇儒未見收用恐國家坐失惟善之寶凡廣南

本朝分省人物考 卷七十四 十七 福建五

名士皆折節下之每於朔望受民詞決斷如流告戒  
 諄諄如召子弟而督訓之至有不平輒取見詔而自  
 去者最後太監梁芳弟錦衣衛千戶某在鄉國私採  
 禽鳥等物進貢官民俱罹其害復上疏言狀忤旨調  
 貴州布政使濱行之日廣之父老涕泣河下如去慈  
 親追送數百里外者若干人蒞貴藩竟九閱月用太  
 宰尹公曼薦擢都察院右副都御史巡撫蘇松嘉湖  
 等處聲稱凜然而鎮之以靜不尚擊搏吏自不敢犯  
 科民益樂其愷悌乙巳召為大理寺卿未上論鎮守  
 內外等官貢獻非宜道改右副都御史巡撫順天等

處兼整飭薊北軍務陳時政以彌天變議糧運以便  
 軍民多切時宜迨 孝宗登極極臣僚交章論薦召為  
 刑部右侍郎屬浙西不靜承詔巡視至則誅厥渠魁  
 數人而劾罷守臣一方晏然弘治元年戶部言兩浙  
 鹽法久壞 命以本官兼左僉都御史留治之詔早  
 夜講究利病所在而叅伍其說以浙西通舟楫鹽利  
 多於浙東而浙東亭戶抑配尤甚因定其折價銀之  
 輕重及處州等處課額宜殺凡便宜事數條奏行之  
 又憫煮海之氓貧苦以其山場草蕩晒淋煎熬折閱  
 征陪之狀略分八節具圖以達三年轉吏部左侍郎  
 本朝分省人物考 卷七十四 十八 福建五

景挾戚晚於內降欲以破公議之是非擠秦於危地  
 仍執奏不易 朝廷不從復下大臣廷議竟亦如詔  
 言其後景賊銀追及八百兩有 旨免其餘欠復言  
 陛下優待貴近之臣如此臣等忝列守法之官不宜  
 阿順以圖自便景應追賊數十未及一乃特蒙恩盡  
 行蠲宥其如物論何疏入不從左右有不樂詔所為  
 者摘官屬細過以怵詔而伸已志詔坦然任之終不  
 為所疑沮會亢旱求言復因事納忠條陳四事皆時  
 所難言者先是以疾在告上疏乞休 上勉留再三  
 仍令支俸在家調治詔方以素餐自劾而 上眷益  
 隆近 臣督官數命來視是年六月疏復三上 上命  
 乘傳以歸以乙卯正月卒年六十六贈太子少保謚  
 惠安詔天資粹美涵養深厚色和貌溫而嚴毅果敢  
 之氣自形終日端坐繙閱經史聞人片善則必紀錄  
 服食器用不求鮮美玩好之物泊然無所動於心與  
 之居竟日卒未嘗見其私喜愠在官守處事精明馭  
 吏嚴整事無巨細必以身親視國事如家事視民疾  
 苦如已身暮年名德益尊而其自處退然如無所有  
 以故聲名重海內云所著有名臣贊錄三卷續修蕭  
 陽志十卷在蜀有成都志二十五卷在吏部有天曹

日記差祀恒山有北岳代行稿為尚書有秋臺錄平生雜著詩文名滯稿總若干卷奏議一卷

鄭·紀

鄭紀字廷綱仙遊人天順庚辰進士改翰林庶吉士授檢討 憲廟登極獻太平十策尋移疾歸踰二十一年再起供職陞浙江副使提督學校弘治二年召為國子祭酒會萬壽節修齋醮禮部預取監生供事紀以為不可上疏諫不聽改南京左通政陞南京太常寺卿南京戶部右侍郎久之進本部尚書致仕正德三年十一月卒年七十賜祭葬如例紀姿貌英特氣

本朝分省人物考

卷七十四

二十

福建五

象方整為文章條壘而尤以用世之學自許其為提學時正樂舞行鄉射毀淫祠皆有裨風教既調官南京猶數言事 上在東宮行冠禮紀采自文王以來嘉言善行凡百條各繪圖作贊名曰聖功圖以進在戶部尤多建明皆關錢穀大計

陳音

陳音字師召福建莆田人天順甲申進士改庶吉士為人古貌古心於世故細碎米鹽篋篋殊若無所幅尺遇人無貴賤賢愚輒傾蓋居官三十餘年外若渾夷胷中是非輕重涇渭甚辨與人交際錙銖不爽過

大事有不可必如其志自羅倫王微等貶斥中外結舌以言為諱成化乙酉音為編修上疏曰竊見近年災異屢見雨暘愆期翰林論思之地也臣敢不竭其愚臣觀春秋二時 陛下雖間御經筵以講聖學然勢分尊嚴上有所疑未嘗問下有所見不敢陳願於退朝之暇擇一二儒臣有學行者引對便殿少霽天威有疑輒問務使 聖心渙然而止方今人才日降言路日塞異端日熾宜召還致仕吏部尚書李秉修撰羅倫編修張元禎評事章懋給事中王微新舉人陳憲章置之臺諫革去法王佛子真人位號禁止創

本朝分省人物考

卷七十四

二十一

福建五

建寺觀則正人用言路開妖妄息不報司禮黃賜母死省寺監院無弗弔祭翰林獨未之請也一日徐侍講瓊言於眾曰時且如此獨得不往乎眾或應或默音忽奮然大怒作而言曰堂堂翰林相率而拜內臣之門天下其謂何斯文其謂何詞氣憤激聲淚俱下於是言者大沮事遂已汪直之在西廠也氣燄烜赫出沒如鬼神一日有校士突入兵部郎楊仕偉家收縛仕偉拷掠及其妻屬眾駭莫敢闖焉音其隣也登墉呵之曰爾何人敢爾不畏國法其人曰爾何人敢爾不畏西廠音曰汝欲知我乎我翰林侍講陳某也

聞者為之縮頸劉文穆之起復也音自南京與書止  
之文穆不悅其後當路有缺吏部擬音文穆輒沮之  
曰某腐儒也不可用音由進士改庶吉士授編修成  
化十二年進侍講十九年擢南京太常寺少卿弘治  
三年署南翰林院事六年乃進卿七年卒於官為文  
典實有理致尤遠於經學四方舉子質經填門塞坐  
得一語人人各厭其意平居恂恂語若不出口至其  
疏時事叱邏卒排眾議何其壯也於乎其篤行君子  
者乎

楊 琅

本朝分省人物考 卷七十四

三

福建五

楊琅字朝重莆田人第進士為河南道監察御史拜  
官方閱月會 憲宗皇帝初郊還宮外人頗傳有貢  
獻者希進琅上疏言宜用賢修德以永天休疏留中  
不出繼言尚書王竑有太節不宜使在散地修撰羅  
倫給事中王徽等坐言事去國願召還以開言路又  
嘗與同官陳選劾罷大臣不才者數人時稱琅為敢  
言御史風采隱然動縉紳間出按江西浙江二藩靜  
重不苛陞山東按察司僉事尋命提督學政卒於官  
士林惜之

黃仲昭

黃仲昭莆田人成化丙戌進士授編修改評事陞江  
西提學僉事氣岸屹立而思致安詳校文以理氣為  
主錯綜斟酌毫髮不爽即與貴子弟亦不少借竟以  
是休致

黃 璉

黃璉字汝器福建莆田縣人成化二年進士授南京  
戶科給事中陞浙江右叅議改雲南轉貴州叅政進  
布政卒於官嘗奏塞溫處新開銀礦罷其課民以為  
便屯田多為武臣侵盜璉疏理之普安賊婦米魯之  
變官多被誣獨不及璉其叅議浙江時嘗緣吏失公  
為惡按御史所叅究致久次不遷後御史蕭幕下  
不修舊怨反薦之人稱其量云

周 璣

周璣字染石初號蒙中子後號翠渠莆田人為學先  
以敬收斂此心然後博物以窮理而反約以施博造  
詣為至當年四十始登成化己丑進士初志欲親斯  
道之大全求會夫子之所謂一者及入仕自謂汨沒  
仕途而志始雜初授廣德州知州首軫民惑於鬼神  
著祠山雜辨又念民不知葬祭法溺殺女子著教民  
雜錄立保伍以安民明禮法以育士善政不一而足



陞南京禮部郎中與人講邵氏蔡氏學者經世管鑰律呂管鑰又苦字學無師承乃博采諸說為字書管鑰先曾與陳白沙友白沙曾與丘太守書稱瑛守廣德而喜其有為時白沙首倡習靜之說一時學者樂其說之新奇而瑛獨不然其學有嘉魚舉人李世卿學於白沙得其說歸遂居大厓山以老謂靜極則心虛心虛則理見故視六經若土苴視形骸若仇敵視聖人所以立禮義之防若纏束縛欲撤去之瑛與世卿相知致之書略曰聖人靜有以立天下之大本動有以行天下之達道求諸萬殊而後一本可得蓋

本朝人物考卷七十四

五十四

福建五

始學之要以收放心為先務收放心居敬是也居敬則心存聰明睿智皆由此出然後可以窮理所謂窮理者非謂靜守此心而理自見也蓋亦推之以及其至焉耳積累既多自然融會貫通而於一本者自得之矣一本如穀種雖自塊然而根苗花實皆聚於此又如雞卵雖自渾然而羽毛嘴角皆具於此及其發見於行事在聖人體用一貫在學者未免差互蓋在已者有所拘蔽故所發不無偏重之殊在外者有所搖奪故所施不無遷就之意然而既復本原則於處善亦安循理亦樂至於患難事變雖以死易亦甘

心為之此聖學之大略也今乃塊然靜坐求畢體用之學是釋氏之虛空也其論學如此瑛政績未竟所施而以畏天自信凡事必求合於天則始終如一年五十七時故蕭倅張公哲過臨汝謂在莆日嘗禱雨壺山絕頂上有地寬平可卜葬瑛昔愛山谷每躡屐登高有翹視八荒塵穢下土之心聞倅言喜曰是可授我矣因自叙履歷以示諸子曰我他日即棄子子無粉飾吾事以誣天下後世但葬我此山之巔以此納諸幽足矣

宋端儀

本朝人物考卷七十四

五十五

福建五

宋端儀字孔時號立齋莆田人幼淳雅凝重不妄言笑見先生長者應唯進退若老成人稍長攻舉子業讀書必求通貫為文必根義理年十六七侍父助教學正安州每考校諸生學業必令儀預試一時在學之士皆歎服以為不可及又嘗侍父校文江右時御史天台陳選監場屋因私試以文亦深器許之既而還莆著錄郡庠益自刻勵成化辛卯鄉舉小試儀偶失利眾為稱屈儀之祖舅學士林欲以書白于當道儀曰此吾學未至縱求而得之亦可恥也遂閉門講學竟不復請舉甲午登鄉闈第七人禮闈弗售卒業

成均辛丑擢進士第六人拜禮部精膳司主事委司本部及光祿寺諸署俸糧謹其出納雖部堂支給升合不得多取舊弊悉革尋丁內外艱起復改祠祭司適雲南提學憲臣缺選部議以屬儀偶為鄉椽所知出以語人儀曰進秩之疏未上而已誼傳於眾口或者以我為干乞耶遂力辭不受已而遷主客司員外郎未幾廣東提學缺時選部擬儀上請以內相丘徐二人沮之不許蓋徐初主考禮闈儀為所取士繼進貳禮部儀為其屬僚丘為祭酒儀為其門生皆受知遇及二人入相儀以今昔異地自正旦偕眾行禮之

本朝分省人物考

卷七十四

主六

福建五

外廷歸未嘗一至其門二人疑儀忘德故有是沮官主客二年凡四夷朝貢之使以方物贄見一毫不苟取其或有所求請必條舉典故辨析開諭往往使之心服以去俄廣東提學復缺拜按察司僉事既至嚴立教法大要以崇本實為主而痛抑奔競革奸弊以防壞法之源纖悉具備皆鑿鑿可行未幾疾作卒自其少時已有志汎濫羣籍尚友古人凡鄉之先輩皆考究而知其邪正賢否郡守青田潘琴以郡學所祀鄉賢多非科名乃發策詢於庠序諸生惟儀所對策考論精審潘大加嘆賞

晉著甫陽科名

志晚年復著人物備志善惡皆錄未脫彙其在禮部時署清務簡尤留意程朱正學嘗考正宋史道學傳進程氏門人呂大臨謂其深潛縝密富不在劉李尹謝游楊之下又以程氏師友淵源朱子已有錄以示後學而朱子門人亦多哲士尚未有表著之者因集黃勉齋以下及私淑有得如真文忠諸公凡若干人為考亭淵源錄又嘗修祠部典故若干卷暇嘗修廣東通志略宋行朝錄皆未脫藁又嘗編道南三先生遺書及朱子事類宋氏族譜鄉賢考證甫陽遺事甫陽舊事偶錄高科考立齋閑錄立齋稿若干卷藏於

本朝分省人物考

卷七十四

主七

福建五

家

林元甫

林元甫福建莆田縣人成化乙未進士授工科給事中進禮科都給事中陞山東右叅議雲南右布政陝西左布政都察院右副都御史巡撫四川已而改巡撫貴州尋改雲南正德元年乞養病還卒賜祭葬如例元甫身長美髯眉目朗秀襟度闊大不見畛域為給事中數諫諍占城冊封有旨遣元甫矣以言事忤旨竟罷不遣德府妃葬欲大治瑩域元甫時為叅政堅執不可卒易人董之歷官三十餘年家無厚貲平

居敦行孝友未嘗啓口及人過失僚友嘗被誣以身家保之竟不使之知也蓋一時長者云

黃乾亨

黃乾亨字汝夏莆田人生六歲而孤性敏甚及長好學善屬文出語輒驚其長老成化甲午以第一人貢禮部明年擢進士挺特自持不苟有附麗奉旨安置降胡於嶺南禮遺皆不受南人敬之丁祖父憂服闋念母老還回久之留妻子於家走闕下乞南都便養有沮之者授行人司行人副給事中林榮使滿剌伽國滿刺在嶺南西萬里外故事使臣得商賈募習海

本朝分省人物考 卷七十四 主九 福建五 列九

林俊

林俊字大用莆田縣人成化戊戌進士初授刑部陝西司主事性侃不與世浮沉推獄務明允事干權勢貴近莫適爲處者大司寇林公聰多屬之執法不撓名益起二十年陞四川司員外郎時妖僧繼曉挾近幸梁芳以祕書進得被殊眷發內帑銀數十萬兩營建大鎮國永昌寺俊上疏極論繼曉本一儉險小人市井無賴猥以邪術多方夤緣誤蒙 聖眷惑亂宸聰發內庫銀數十萬兩蓋大鎮國永昌寺以可用之財供無益之費 陛下以超三邁五之資蹈唐憲梁武之轍聖譽且日損矣然縱之者梁芳也梁芳傾覆陰狼引用邪佞排斥忠良假以進貢買辦爲名盜祖宗百餘年之府藏殆盡家資山積乃復薦進繼曉陰求益寺虛耗內財言甚激烈 憲廟怒不可測俊自分必死料理家事待罪於 闕下尋下詔獄加刑俊對愈厲後府經歷張黻上疏論掾併下獄太監懷恩叩頭力諍不肯奉詔 上益大怒謂其與林俊合謀謗訕用御硯擲之恩以首承硯不中復怒扑其筆恩脫帽辭於御前號哭不起曰不能復事陛下 上乃命左右扶出至東華門使謂鎮撫司曰若等諂梁芳合謀傾俊俊死若等不得獨生乃徑歸臥於家曰

本朝分省人物考 卷七十四 主九 福建五 列九

中風疾不復起視事 上怒稍解謫遠方俊得姚州  
判官徽得宗州知州時言路久塞臺諫禁不敢作一  
語由是二人直聲震海內三原王端毅公在留都疏  
乞還之以勵忠正會元日星變 憲廟感悟叙復南  
刑部貴州司員外郎 孝皇踐祚廷臣交薦之擢雲  
南按察副使俗崇釋信鬼鶴慶玄化寺稱有活佛歲  
時士女會集動數萬人爭以金泥其面俊按鶴慶命  
焚之父老言犯之者能致雹損稼即與約積薪伺之  
果雹即止無它驗遂焚之得金數百鎰悉輸之官毀  
邊方諸淫祠三百六十區四年陞本省按察使五年  
本朝分省人物考 卷七十四 三十一 福建五  
劉光

日字少意長近時章疏當為第一十五年命巡視江  
西著社約去淫祠表忠賢禁奸弊雖市販小害必懲  
之鋤強扶弱風紀肅然時寧庶人貪譎伎害倍取祿  
米官校害人侵牟民利悉裁抑之其奏易府殿琉璃  
瓦疏極言其非謂乞斷大義特垂善處毋涉吳王几  
杖之賜叔段京鄙之求時濠雖橫未有逆萌或以為  
過後卒如俊言人服其先見云十六年改巡撫尋守  
制 武皇初政起巡撫江西俊上疏力辭四年改撫  
四川時逆瑾雖誅而張永用事 武廟好遊樂時宿  
於外而皇儲未建俊甚憂之五年遂於川中復上疏  
本朝分省人物考 卷七十四 三十一 福建五  
劉光

上親大臣勤聖學闢異端諸疏太監崔文寵擅一時其私人李鳳陽以科斂匠作財物及御史叅奏崔文需索夫錢事下刑部文負緣內降差校尉取李鳳陽等付鎮撫司問俊據法執奏不遣有旨還送鎮撫司俊又奏言奉詔則違法守法則違詔臣寧違詔不敢廢法 上怒雖不加罪而鳳陽迄改錦衣衛獄俊又疏谷大用竊弄威權蠱惑 先帝假勘地之名混占產業莊田至一萬有餘頃侵欺子粒官銀至百萬餘兩利歸私室怨及 朝廷伏望將谷大用提問追贓以備賑濟不報俊以不得其職乃乞致仕在刑部立

鄭岳

鄭岳字汝華莆田縣人幼穎慧讀書數過即成誦從學士黃公淵游文譽日盛弘治癸丑登進士觀政兵部馬端肅公甚重之甲寅授戶部貴州司主事督京倉糧倉故多贏羨岳一無所取監倉中貴張某者橫

不可馭輒痛裁之幾為中害秩滿請告歸葬家食二年略不問戶外事林公俊異之與為忘年友己未起為刑部山東司主事與錦衣千戶張福同監市囚福恃勢踰坐岳論劾之語涉中貴逮繫詔獄侍郎許進為疏雪得微譴轉浙江司員外郎看詳章奏時許公督師大同以剛方忤貴近議代之而廢閑總兵趙梟資緣起用京軍屢出重擾無功岳上疏言進不可代梟不可用京軍不可出朝論是之辛酉陞湖廣僉事所至以學校倉廩平反冤獄為先施州民夷雜處忿輒相殺衛帥以亂請兵巡撫韓公令往視曰民愚習

鄭岳

開無他擒首事數人餘論遣之土官盜印相訐奏廉其黠者寘之法追出偽印八顆其俗多縛賣客民岳追出男婦百餘人有宦食力不能歸者俱資遣之遷衛學葺城樓閱軍實悉允谿永定皆邊衛俗曠一糾以法刑岳饑勸粟出賑湖泊諸利聽民採取屬縣糧

當輸遠衛者率二石致一石岳以銀給軍以米備賑乃倍得米全活甚眾宗藩侵民田奏勘頻年不決岳奪還之民常德太守刑貨黷濫捕實用事者於理守解印綬去正德元年擢廣西兵備副使征里松洞奏捷及撫諭土官岑猛俱受褒賜築廣運足灘昭平三

堡爲府江重鎮改廣東副使滯獄一空遷江西按察使時逆濠橫恣虐害軍民岳鋤強振廢每事執法沮之饒撫姚源兵事旁午岳披星流汗決獄無遺有守監官捕十四人於禁死者已四人岳取問垂斃瞪目訴曰我輩商於河南非盜解裝視之皆河南物釋之爲之醫療飲食皆得活陞江西右布政使尋轉本司左布政使勾稽宿弊行軍餉賞取辦倉卒間岳卒應之宸濠奪民田以億萬計民立寨拒守濠諷總制勦以兵三司無敢言者岳曰是皆良民不得已爲自全計耳何可兵濠聞之大恨會提學李夢陽與巡按江

本朝分省人物考

卷七十四

三十四

福建五

司擬徒以太監閻洪之奏僅調外衛火者邵經分贖滿貫太監傅倫借債鉅萬法應提問俱送司禮甚非法行自近官府一體之義又以 上數不豫請遵聖祖寡慾勤政之訓官寢限制進御有時清心省事自然有益退朝卽御文華裁決章奏日暮進宮不獨修身立政亦所以養壽命之源疏入報聞奉 命同錦衣王佐勘甘肅兵變正總兵李隆謀殺巡撫之罪因災異岳進刑獄之失平者八事王欽罪當殊死今雖發遣仍合抄沒罪雖遇革職應入官總兵朱麒縱僕爲患應合革回內官石明因債殺人法當成獄給事中劉最鄧繼曾御史黃國用郎中顏如瓌等各犯罪薄而充軍爲民大重御史馬明衡朱泚因 皇太后聖旦免賀論列事雖失次心實無他併御史李本陳近員外林應聰論救乃併下獄南京守備參員外李堂事在彼中應發南京法司乃出爲典史此皆刑獄之失平者也久之陞兵部右侍郎時大禮未定岳上疏大意若以兩考爲嫌則但稱 孝宗廟號不必稱伯考庶正統大意猶未失會內閣石瑄請如岳所擬 上切責瑄奪岳俸二月先是大同兵變命侍郎胡瓚往岳恐驚衆密令總兵桂勇斬首惡數人餘釋

本朝分省人物考

卷七十四

三十五

福建五

不問而主兵者狂率揚兵衆復據城叛及議增兵又畏縮班師且以功叙章下兵部該科道官劾瓚等身提大軍未收寸功瓚未靖遠班師叙功罪在不道又奏帶人等御史輒為覈實岳時以左侍郎署印執不可駁行改正太監崔文欲陞其姪崔昂為裨將岳執不用內閣有所託不聽由是權璫嘆之岳因乞休得旨俞允居鄉杜門自重絕干請若民間利病輒白所司行之平心率物未嘗一毫侵牟於人性嗜學至老手不釋卷詩文酬應無倦所著有山齋等稿

陳茂烈

本朝分省人物考 卷三十四 三十六 福建五

陳茂烈字時周福建莆田人先世浙之瑞安人曾大父以軍功注興化衛總旗髫年喪父繼戎役勵志邁俗不與羣兒伍晝入公署夜歸讀書祖母憐其孱弱止之乃韜燈默誦不少輟年十八慨然嘆曰善學聖人者莫如顏曾顏之克己曾之日省豈非學之法歟乃作省克錄以自考弘治丙辰進士奉使廣東所司以故事致贖謝曰吾窮時嘗授徒兩臬司尚不規利於人况今日耶往拜陳白沙執弟子禮白沙與語累日甚喜告以為學須主靜退而作靜思錄終身佩其教初為吉安府推官時大體開至誠豪家婦財

誣許婚斷從守志夫制悍妻嫁有娠之妾既生子歸承其業族人爭之驗與姊氏為類爭者媿服時守張本以嚴擊強徐輔以寬當道尚深峻徐開解為霽信乎上下考績歸至淮乏寒具凍幾絕所知覆以敝裘得不死為監察御史袍服朴素借騎一牝馬身若無官者尋以母老乞終養灌園菘蔬太守閱其勞遣二力助汲閱三日往白守曰是使野人添事而溢口食也還之自供母外短床敝席不辦一蚊帳身治畦一蒼頭給薪水妻子服食粗糲皆人所甚不堪而泰然自足日坐斗室究極五經四書之旨體驗身心隨得

本朝分省人物考 卷三十四 三十七 福建五

隨錄常日儒有向上工夫詩文特立直再吏部以養母清苦奏改為晉江教諭資其祿疏辭不拜既又援侍郎潘禮事例奏給月米又具疏辭臣家素貧寒食本儉薄故臣母自安於臣之家而臣亦得以自遣其貧非誠有及人之廉盡已之孝也古人行備負米皆以為親臣之貧尚未至是而臣母鞠臣守貧居寡艱苦獨至臣雖勉盡心力之義竟未酬涓滴之恩且母年已八十有六來日恐無多返哺至情固欲自盡資養月米心竊不安奏上不允時以母年九十未有嗣息日夜為憂方抱疾而母卒強起號哭寢地疾轉亟

卒林見素爲治殫且立其族子遠揚爲後都御史王應鵬薦以廉約如石守道而所養獨純孝行如徐仲車而所處尤困詔表宅里曰孝廉恤其家見素曰陳公領悟既深而克養益熟隱衷粹行對天地質鬼神鄉國敬服殆黃憲管寧之流也

黃鞏

黃鞏字伯固莆田人弘治十八年進士推官德州府陞主事刑部掌十三司讞牘陞員外郎改兵部歷車駕職方郎中內艱服除會康陵北狩人心危疑或沮之且勿行鞏應於書屋曰石田茅屋爲生太拙鴟

本朝分省人物考

卷七十四

五

福建五

夷馬革自許何愚衆不能沮竟北上補武選正德十四年春上將南巡時宸濠久蓄逆謀蕭敬朱寧張銳在司禮錦衣東廠與濠交通江彬又握勁兵在上左右公卿交疏不聽兵部司屬倡諸司上疏諫鞏曰上巡遊本起彬誘惑彬方席寵擅兵無敢斥言彬吾不可舍彬爲支語恐上不悟獨疏六事其略曰陛下臨御以來祖宗之紀綱法度一壞於逆瑾再壞於佞倖又再壞於邊帥之手至是將蕩然無餘矣天下知有權臣而不知有陛下寧忤陛下而不敢忤權臣陛下弗知也亂本已生禍變將起竊恐陛下

知之晚矣試舉六事於今爲最急者一曰崇正學嘗聞先儒周敦頤有曰吉凶悔吝生乎動吉一而已動可不慎乎伏望陛下高拱九重凝神定慮屏紛華遠佞人二曰通言路切見近時臣僚奏牘間或言及時政往往匿不以聞其或事關權臣則又留中不出而中傷以他事由是雖有必亂之事不軌之臣陛下無由而知伏望陛下廣開言路不責以出位不加以好名則忠言日進雖亂臣賊子亦將有所畏而不敢肆矣三曰正名號陛下近日以來無故自稱爲威武大將軍太師鎮國公遠近傳聞莫不驚疑竊歎以爲怪事夫陛下自稱爲公誰則爲陛下者伏望即日削去鎮國公等名號以昭上下之分以明示天下之人四曰戒遊幸陛下始時遊戲不出大庭馳逐止於南內論者猶謂不可旣而幸宣府幸大同幸太原幸陝西榆林諸處所至費財動衆郡縣騷然虧損盛德貽譏萬世陛下自視爲何如主也近日復有南巡之命今江淮間父子兄弟相食天時人事如此加以休息愛養尤恐不支而况又重以感之其何不流而爲盜賊速而爲流亡也奸雄窺伺待時而發變生在內則欲歸無路變生在外則望救無及陛下斯時悔之晚

本朝分省人物考

卷七十四

五

福建五



矣彼居位大臣用事中官親暱羣小皆欲陛下遠出而後得以擅權自恣乘機為利也其不然則亦袖手旁觀如秦人視越人休戚不相涉也夫豈有一毫愛陛下之心哉五日去小人按今之小人簒弄威權至於首開邊事以兵為戲使陛下勞天下之力竭四海之財傷百姓之心至今紛紛未已則江彬之為也彬本行伍庸流兇狠傲誕臣等但見其有可誅之罪而不見其有可賞之功今乃賜以國姓封以伯爵托以心腹付以提督京營此養亂之道也彬今外挾邊卒內擁兵權騎虎之勢不亂不止天下之人切齒唾罵

本朝人物考 卷七十四

四

福建五

皆欲食彬之肉彬不誅天下之亂必自彬始陛下亦何惜一彬以謝天下哉陛下春秋漸高前星未耀

祖宗社稷之託懸懸乎無所終寄方且遠事觀遊屢犯不測之區此必危之道也陛下徒知收置義子布滿左右獨不能豫建親賢以承大業臣以為陛下殆倒置也伏望陛下早及是時共圖大議即於宗室中遴選親賢一人養於官中以繫四海之望待他日誕生皇子之後俾其出就外藩實宗社無疆之休惟聖明留意車駕員外郎陸震見公疏即碎已疏草曰願向署名進疏入自分必死彬見果大恨必欲殺之

縛下詔獄鉗校於廷五日三訊杖百餘坐繫逾月除名鞫體最羸眾咸痛其必死乃死得甦以詩遺弟曰不用汝言方至此須知吾道固當然而震竟死當是時海內盛傳其疏頌讚滿人口鞫歸杜門著述家素貧或至日中未舉火貸米鄰家恬不屑意嘉靖改元召為南京大理寺丞未幾卒無子贈大理少卿居嘗自銘曰人生仕至公卿大都三四年惟立身行道斯千載不朽世之人顧以此易彼何耶沈敏好學雖疾病支離手不釋卷詩文清粹和婉自成一家未究其用人悼惜之陸震正德三年進士泰和知縣陞武

本朝人物考 卷七十四

四

福建五

庫主事 孝貞皇后喪 武宗自宣府奔喪歸又復欲出震抗疏諫 上怒罪且不測幸諸大臣力救得免陞車駕員外郎杖於廷死矣復甦書與諸子曰吾筆亂神不亂也竟以瘡故卒卒後三年贈太常少卿子體仁廕國子生為通政知事是時諫而杖死者主事何遵劉校贈尚寶卿主事林公黼行人司副余廷瓚贈太常寺丞刑部照磨劉珏贈兵部主事行人詹軾劉槃孟陽李紹賢李惠三翰贈監察御史廕子一人入國學嘉靖初禮部主事佺瑜上疏曰正德間給事中御史挾勢凌人趨權擇便交遊貴俠飲宴園亭

凡朝廷大闕失羣臣大奸惡緘口閉目不復救一時  
犯顏敢諫視死如歸或拷死廷關或流竄邊隅者皆  
郎中員外主事評事行人庶吉士等官又張英本一  
武夫入諫就死行道悲傷諸給事中御史揚揚出入  
若罔聞之今幸 聖皇御極褒恤忠諍此輩更何面  
目復立清明之朝耶章下吏部為寢張英者京衛指  
揮使聞 武宗南巡挾一刀囊土數升持諫疏當蹕  
道跪哭諫不允即拔刀自刎血流滿地侍衛人縛送  
詔獄問英囊土何為曰恐汚 帝廷灑土掩血耳殞  
命獄中無子嘉靖初憐其忠贈都指揮官

本朝分省人物考 卷七十四 福建五 劉國才

方良永

方良永莆田人弘治初進士為河南僉事以抗節忤  
逆瑾勒令致仕瑾誅復起歷浙江左布政使

馬思聰

馬思聰莆田人弘治乙丑進士官戶部主事督糧江  
西與宸濠生辰之燕翼旦入謝度必有變語厨人曰  
我倘不出將勅藏於高處厨人未諭其意姑如所示  
及入濠怒其不從果遇害配享豫章忠臣祠

陳騰鸞

陳騰鸞字士遠莆田人少喜讀先秦書為文間窺其

指時莆學士大夫文尚明晰不欲闕廓深遠獨少保  
林俊擅著作御史林有孚者負才藻為俊鑒重素習  
騰鸞一日請騰鸞草瞻紫亭記記就有孚具箋繕寫  
楔之中堂會少保過有孚觀堂上記大嘉賞字呼有  
孚曰以吉長進乃爾耶有孚以騰鸞告少保欲晤鸞  
孚因為鸞介少保相見討藝於是騰鸞遂得譽於文  
林後登正德辛巳進士官民部郎中時少保起為大  
司寇鄭司馬岳佐本兵寓邸間日以文字相屬尚書  
孫交泰金成器許騰鸞未久卒於官貧無以殯官長  
賻之始克治觀丘秉文曰士遠固能文第非少保誰  
解士遠文又曰昔謝安讀阮光祿自馬論不即解阮  
歎非惟能言人不可得正索解人亦不可得今之時  
求騰鸞能言者豈鮮獨無少保解耳秉文官光祿工  
詞墨乃托阮自況云士遠浴江集有孚林坡志皆可  
傳

魏一恭

魏一恭莆田人嘉靖己丑進士授溫州府推官督時  
相子弟之侮慢官司者境內肅然歷陞江西布政使  
一恭性剛方清約雖位方面囊橐蕭然嘗自言不要  
官不要錢不要命則何事不可做故時人目之為三

不要

陳言

陳言字宜昌號石溪莆田人少顯精力學文譽藉甚  
初試有司不利氣嶽嶽不少控嚮往益堅家故貧嘗  
授徒連州州帥與言善有持重賄有言白事者叱止  
之曰貧吾分也嘉靖丙午魁省試明年丁未再魁南  
宮成進士大宗伯泰和歐文莊雅重之請於銓曹以  
為邑令治泰和務伉直行已意有所興除不為豪右  
骫法尤恥伺上官指巧為迎合撫臺某獵賄所部陰  
屬言為購書言陽若弗愉也者而束書露餽之某大

藩南分省人物考

卷七十四

四十四

福建五  
劉國才

志謀警言言因引疾謝不任請就教職得浙之湖州  
湖胡安定故授徒處言至則申約束日切劇諸弟子  
諸弟子執策請業前席為滿間有跣跣不檢者輒蹠  
之堂下譙讓之眾肅然敬已稍遷國子博士積歲不  
調會 肅皇帝欲為季都尉立傳政府欲私其子甲  
太宰建安李不從竟疏言名以上於是得擢禮部儀  
制司主事傅季異時都尉率貴倨驕其師言獨抗顏  
自尊重務示都尉以禮時論高之越明年太宰李以  
讒被譴政府修宿憾批根及言謫倅郴州郴故僻言  
處之怡然無幾微見顏色而職事一切辦治暇則進

諸士講藝一如在湖州時會其年與事省闈得今武  
陵陳中允等六人皆知名士已擢知泰州值島夷江  
江淮間幕府請餉甚急言周悉調劑下不殫民力而  
軍興亦給州有疑獄所淹繫甚眾言訊立出之眾驩  
感若更生尋轉南刑部員外郎晉郎中為憾者所中  
用守泰州事坐謗免歸歸三年而子公望登第言喜  
曰吾志有托矣因營別墅一區名其室曰怡老堂優  
游十五年而卒母黃卒諸同產纍纍言窮年講業盡  
以所得資諸孤費無所私仕則又割俸予之者數矣  
晚而林居稍稍葺先壟拓祀田叙次家乘若干卷曰  
奉朝分省人物考

卷七十四

四十五

福建五  
劉國才

以此示子孫令無忘吾孝弟敦睦之行也

郭應聘

郭應聘字君賓號華溪謚襄靖莆田人六歲就傅即  
疑雋別羣兒嘉靖丙午舉於鄉庚戌第進士授戶部  
主事典積芻督府咸寧侯部下橫索芻商賄聘特不  
與以去就爭之咸寧稍戢竟不能釋憾司庾通州適  
米湧貴聘令輸者得納縉及賈損則亟糴充庾而歸  
羨金於朝上下交利司權清源以不涅稱可驗糧能  
抑貴璫清宿蠹稍遷員外郎郎中在署凡六年拜南  
寧守已未壬戌再覲遷四川按察副使備兵威茂崖

棧險艱陸湖相藉聘至下令刊山鑿石築孔道若干里行者德甚稱郭公路松潘備兵使者缺聘兼領其任西戎素驕數徵我厚賚歲費金繒累鉅萬不且羣噪聘召諸番面諭禍福爲立賞格閱賞物而卻無名之求諸番感威信各拜舞驩謝而去岐山鷲木二寨久爲邊患聘以計蕩平之遷東粵叅政守嶺南時流賊犯增城執辱前守吏聘至輒發兵逆擊破之二源羣盜僭號僞授肆掠惠潮間聘率所部兵從制府吳大破之晉西粵按察使尋晉右布政使忠州築酋黃賢相與思明酋爭地聘密授略譚購內貳而携外援

本朝分省人物考

卷七十四

四末

福建五

聘戮其元兇它釋不問覽東事慨然曰人心獨幸亂哉措兵股民咎實在上乃作旌廉杜餽功令頒誠將吏諸將吏廩廩亡敢操一幣詣制府者召掌留臺旋筦樞上章乞歸卒

柯維騏

本朝分省人物考

卷七十四

四末

福建五

柯維騏字奇純號希齋莆田人弱冠釋褐南宮爲南戶部主事移疾請告歸烏石山中聚舊業而抽繹之別淆亂訂是非會萬於一及門之士執經而問難者日益雲集先後至四百餘人傳授靡倦要以躬行爲先概近世學者樂徑悟而憚積累竊禪家之說以儉孤陋作左右二銘明其意著講義二卷以辨心術端趨向爲實志以存敬畏密操履爲實功而其極以宰理人物成能天地爲實用至於學之次第懇懇致意於誠之一字謂心與理一之謂誠言與行一之謂誠終與始一之謂誠蓋允蹈之也又錄所答問釐爲心解學解經解上下傳解史解六卷多儒先所未發門人共服膺之梓而傳焉宋舊史契丹女直與宋並帝時號宋遼金三史蓋出於元儒所修冠履莫辨褒貶不公騏乃著宋史新編二百卷會三史爲一而以宋爲正統遼金列於外國傳以尊中國瀛國二王升於

帝紀以存宋統正亡國諸叛臣之名以明倫升道學於循吏以重道釐複補漏擊異訂譌閱二十寒暑始克成書泰泉黃佐序謂西漢之書不得專美於前是編行則三史廢稽天運陳人紀莫之或先矣又作史紀考要十卷凡班氏之譏評爽實漢書之增損垂義少孫之補綴亂真諸儒之紀載異同胥辨正之而天文曆律發明尤詳又以莆陽文獻自嘉靖以來屢經兵火懼其遂湮乃撰次為二十卷以接山齋鄭岳之筆曰續莆陽文獻志與宋史新編俱以三品論人謂求道德之士於三代之下必欲如古聖賢難矣但能忠信廉潔以禮義為進退以名節自砥礪此其根本也根本既立雖乏功業文章不足為病根本一喪即富貴功名鄙庸人耳何足取哉著有詩文集十卷續集四卷雜著二卷卒年七十八

補遺

林祥鳳

林祥鳳字鳴臯福建莆田縣人宣德元年舉人十年由鄆城縣訓導擢雲南道御史正統十四年從駕北征死于土木之難

周彥

周彥莆田人正統戊辰進士授戶部主事己巳之變郊有戎壘提千平分主給餉虜去監收京儲景泰初勞軍于西蜀歸復差通州等處備收芻芻在京通出納嚴明夙蠹盡窒軍民德之天順改元拜知温州府浙東之俗習尚華侈巨室好事關節以立聲勢吏胥善設間符以氣相勝到官正己率下內外有截申嚴禮制諸為奸者相戒遁迹郡地邊海埤江沙漲在處不清而稅不視業民以病告按量得實為更正之貧戶始蘇他如學社輿梁之類屬有司當行者無不完繕郡以大治而性豪整廉隅外見不能為齷齪細謹

林誠

林誠字貴實福建莆田縣人天順八年進士除廣東道御史成化四年疏論輔臣廷杖復職巡鹽長蘆督學南畿請告十九年復除湖廣道二十年巡鹽兩浙致仕卒

陳仁

陳仁字子居自號三渠莆田人發解閩省成化丁未

本朝分省人物考

卷七十四

四八

福建五

本朝分省人物考

卷七十四

四九

福建五

登進士爲戶部主事採輯實錄再爲員外郎郎中尋  
力問學作古文詞大僚章奏多出其手闕里災疏脩  
省又疏雪冤獄罷江南織造復御史彭程給事中林  
廷玉等官陝西守臣進古璽又疏其僞正德初從司  
徒韓公文伏闕請誅嬖閹鼓怒逆瑾中之落三官同  
知鈞州再知汝州轉南京兵部員外郎掌武學瑾誅  
轉浙江提學按察副使權量精審案手自披閱不付  
吏積勞成損轉爲藩叅疾已作尋起尋復疏乞休致  
進右布政使致仕命下卒已彌月矣壽六十一所著  
三渠稿天津志行於時

本朝分省人物考

卷七十四

五十一

福建五

李廷梧

李廷梧字仲陽福建莆田縣人弘治十二年進士由  
桐鄉知縣選湖廣道御史建言杖獄陞大理寺丞疏  
請致仕

林有孚

林有孚字以吉福建莆田縣人正德五年進士除山  
東道御史議大禮廷杖復職十一年督學南畿十七  
年督學北畿二十年陞大理寺丞昇陞僉都御史總  
督糧儲疏請致仕

林文俊

林文俊字汝英別號方齋莆田人正德丁卯鄉試發  
解第一辛未舉進士選翰林庶吉士癸酉授編脩儼  
室都下安澹素以養二親旋自都奉視南歸戚毀踰  
禮服闋復官預脩武宗實錄充經筵展書官實錄  
成擢春坊進經筵講官嘗以不能俯仰權貴幾擠外  
補賴受知世廟得免擢南京國子祭酒條教平實  
範人以身而人樂信從法行自貴游子始資叙井井  
無所紊有生遇盜緩期法當贖金將鬻子聞之惻然  
捐助吏議卒免贖先是有旨命國子監校刊二十一  
史未就至則躬率諸生警校竄補恒至達曙不數月

本朝分省人物考

卷七十四

五十一

福建五

張曰韜

張曰韜字席珍興化府人正德丁卯進士授興化府  
祭酒林文俊所刊書也擢南京禮部侍郎會太廟災  
自劾求退輒荷溫旨改吏部視冢宰篆百爾明慎題  
奏精詳雖老于吏事者莫過也素精于五行數年前  
常自言運行至戊不吉已而果驗享年僅五十計聞  
贈南京禮部尚書賜祭葬兼錫之謚於是太常議謚  
曰良曰恪而御筆特改曰文脩蓋近代文臣所未  
有之異數也

張曰韜

張曰韜字席珍興化府人正德丁卯進士授興化府

推官會郡邑長吏入覲曰韜兼縮郡邑篆時武宗南巡江彬以寵幸扈從留京而縱其黨數十輩下潤州橫索勢張甚曰韜立召二三父老并民間豪傑格之境上而又釋囚徒呼乞兒輩各具尾石往投之部署已定彬黨各累騎來父老先以好言慰諭之常州連歲灾沴物力大絀即欲具芻草以秣若馬亦卒卒莫辨彬黨揮策徑入而囚徒乞兒飛石飄瓦爭中其額乃退里餘令數人馳告彬曰韜亦即上書御史臺言狀御史東郊即行部抵毗陵謂韜曰事迫矣彬且以他狀逮君子理乃命韜登御史舟先發日以小舟尾之已而彬黨果誤截御史舟御史出身示之命疾捕截舟者陰令縱之於是諸黨悉遁彬後方戢其黨毋再下郡國世廟登極曰韜以卓異徵拜御史入臺僅四月抗陳時政得失凡七疏最後抗論大禮廷杖幾絕鼻出猶以布裹脅肉強扶上馬歸質明卧地牀上復口具疏進云臣言狂諄乞賜黜斥越三日而死隆慶初元追贈光祿少卿

陳琳

陳琳字玉柔莆田人進士為御史提督南畿學政忤逆瑾被謫正德初同知嘉興府梁材為守專務以德

化民請託不行延獎諸生興起道藝士民親愛尋遷山東提學副使終南京兵部侍郎

鄭一鵬

鄭一鵬字九萬號抑齋莆田人正德辛巳進士選庶吉士改給諫奉使楚藩餽遺盡却巡視光祿疏陳十四事既復論攬納侵冒內璫橫索之罪置之法寺中宿弊一清而近侍多側目矣以議大禮伏闕廷杖三十雖被挫折志操愈勵仍極論席書張璉桂萼方獻夫妄議以搖國是復論武定侯郭勛通賄賂皇親張鶴齡占土田當路憾之會考察官拾遺畢取上旨

朱淵

朱淵字必東福建莆田縣人嘉靖二年進士除御史建言廷杖罷歸

鄒守愚

鄒守愚字君哲興化府人嘉靖丙戌進士授戶部主事歷員外郎郎中議行平糶法奏發帑金賑全陝饑

本朝分省人物考 卷七十四

五十三

福建

本朝分省人物考 卷七十四

五十三

福建

劫諸中貴冒芻蕘與爲逋逃主者諸所持論諤諤不  
阿出守廣州訟劇政多宿蠹守愚一處以至誠事  
存矜惻嘗辨誣獄釋累歲繫不決者至數百人有庖  
人烹鷄雜以茹羹色黑御史以爲毒已也坐以重辟  
守愚獨疑之令人如所烹焉亦黑乃力爭御史前  
曰職誠不忍見一無辜伏死地御史悟竟釋之政聲  
於是大振值歲饑設策賑濟民賴以甦新會民激于  
徵逋聚海艘爲變監司招之不應曰必鄒使君來也  
守愚單騎往民望見輒涕泣解散安南不庭 上命  
將征之擢守愚廣東憲副協理兵務乃疏五事多見  
採納聞父計奔歸其後安南降論功蒙上賞服闋起  
江西憲副兼攝學政所甄拔士先後登科第顯聞者  
尤多改河南叅政歷左轄時師尚詔陷歸德諸州郡  
率兵討平之繼汴河溢歲且旱盜起梁宋間 詔以  
守愚巡撫其地綏馭有方境宇敕寧乃晉戶部左右  
侍郎尋積勞病作卒計聞 上嗟悼贈右都御史謚  
襄惠

林潤

林潤字若雨莆田人嘉靖丙辰進士除臨川令嘗以  
勾攝至永豐適盜賊猝起城幾殆潤立爲畫城守策

本朝分省人物考 卷七十四 五十四 福建五

賊卻未豐人尸祝之擢南京御史卽首論祭酒沈坤  
以非法支解人甚衆縱妾父持鹽利坐受賈人金無  
筭又以營葬地謀敵其旁數十里輒齧斃人墳墓  
天子切責祭酒置之理次論副都御史鄒懋卿懋卿  
相嵩最近幸門生也已復持世蕃羅龍文大逆狀上  
之龍文以賈人子附入門客除中書舍人者也分宜  
父子卿之刺骨屢欲中傷之會 世廟用御史鄒應  
龍言戊世蕃于雷州龍文于潯州二豎出長安門卽  
以力脅監謫者縱亡之家龍文數入袁州私候世蕃  
且陰與計事會潤按視上江廉得其往返狀于是大  
發其奸惡不道極言于 上得旨世蕃龍文磔于市  
籍資世蕃二百萬龍文二十萬沒入于官中外快之  
潤累陞至都御史開府姑蘇首訪民間疾苦爲上封  
事十餘條慨切惻怛 上允行之尋卒于官視返各  
爲位遮道祭哭凡三日

鄭茂

鄭茂莆田人進士嘉靖三十二年知海鹽精敏超卓  
有應變之才倭寇擾境盡力守禦克完民社擢兵科  
給事中民思之立碑焉

本朝分省人物考 卷七十四 五十五 福建五



福建邵武府

謙賤生

謙賤生邵武人洪武中以國子生授岳池縣典史與知縣王佐進須知坐事下獄耆老二十餘人詣闕訴二人廉介且役均民安勘問果如所訴遂賜衣靴筵宴以旌之復其官尋用薦擢四川按察司僉事

龔仲賢

龔仲賢光澤人父均實早喪家貧母吳氏紡績撫養底於成人洪武壬戌母以壽終仲賢痛念不已即母誕日刻木肖像以奉衣服飲食一如生前出告反面朝夕不怠妻王氏亦知孝奉養未嘗有違凡十八年如一日鄉里咸稱為孝子

何道旻

何道旻字伯清泰寧人洪武末為大理評事獄多平反時有疑獄大脚板坐強盜久不決高廟臨問責理官以受賄道旻犯顏力爭竟白其事遷監察御史照刷四川文卷及問齊邸謀判事皆稱旨陞江西按察司副使贛賊陳平為亂討平之止誅其首志移湖廣建言時事得失皆蒙采納後坐事免官永樂初起為廣東按察司僉事首舉

壤開溉田七十萬頃尋督工匠營造北京凡六歲人咸德之宣德初擢永州府知府事必親區畫吏不能欺民不以病再期致仕卒

蕭永泰

蕭永泰建寧人國子生授廉州推官誠朴廉謹嘗招降木頭洞賊四千餘人後陞濟寧州同知剽繁治劇綽有餘能部使者皆器重之後引年致仕

吳琬

吳琬建寧人洪武末進士任戶部主事精於吏治操履清謹尋陞員外郎卒

花潤生

花潤生字蘊玉邵武人永樂甲申登進士第初為古田令創公署興學校教民種藝為弟子置書籍親課其業美績甚著遷浙江市舶司副提舉擢浙江按察司僉事以尚書王直薦改提督學校年未七十即引年告老歸潤生資性剛方詩文雄健嘗考應天府鄉試兩考會試晚年言動愈謹足跡未嘗輕至公府有介軒集

吳璽

吳璽字信玉邵武人自幼端敏謙厚永樂戊子領鄉

薦卒業太學授兵部主事遷郎中遂爲戶部右侍郎  
正統壬戌北虜來貢馬同官皆以不事事下獄璽時  
以疾在告辭連及璽謫戍威遠

張誠

張誠建寧人永樂己丑進士除御史用法平恕遇事  
敢言巡歷交趾鎮守大臣及中貴有不法者誠廉而  
効之悉寘之法爲一時御史首稱繼巡浙江湖廣所  
至皆有聲後致仕卒

上官祐

上官祐字用孚工詩博學永樂丁酉鄉試以春秋魁  
本朝分省人物考卷七十四  
人闡初爲新城縣教諭薦擢弋陽令有武陽志鶴林  
集

朱祐

朱祐字逢吉邵武人永樂間以國子生授兵部職方  
司主事調紹興府通判凡有便於民者必力爲之官  
德癸丑大饑故事倉糧請而後發祐徑以畀民秩滿  
士民上章請留又七年乃去稚耄咸拜送有泣留不  
百里者尚書郭璉薦知漢陽府郡舊無官庾軍民  
江支納數遭覆溺乃請立倉城中軍民便之正統  
卯紹興父老詣京乞除祐守本郡比至而祐已

致仕矣

曾真保

曾真保邵武人永樂間進士除浮梁知縣清白持身  
恭慎爲政嘗疏中貴人狀罪戮之民獲安帖後任率  
平生耿介剛直士大夫咸羨慕之

余隆

余隆建寧人領永樂戊子鄉薦歷官選部員外郎性  
恬退未嘗躡跡豪門大爲縉紳輩稱許

黃原昌

黃原昌建寧人永樂間登進士拜行人持重有節槩  
本朝分省人物考卷七十四  
宣德改元頒正朔出使占城得使臣體贈以金帛奇  
物悉却之陞戶部員外郎時奔競之風熾原昌恥隨  
流俗浮沉遂請老以休致

黃昌

黃昌建寧人由國子生歷象州陸安州同知所至鋤  
強伐暴興學勸農多有政績陞光祿署正歷官三十  
餘年未嘗有過舉

黃孟舟

黃孟舟光澤人宣德初應求賢舉擢慈利知縣廉能  
謹慎愛民如子民戴之如父及卒民爲立祠肖像祀

之

陳泰

陳泰字吉亨福建邵武府光澤縣人儀度修整言簡而有章淹貫經史喜為詩永樂癸卯發解鄉闈宣德丁未會試乙榜除直隸安慶府學訓導以得教育英才為樂正統丁巳廷臣交章薦其賢擢為江西道監察御史累奉 命巡按貴州山西山東諸藩克振風紀奕奕有重名在貴州都指揮官聚素桀驁聞泰至不敢肆其奸大軍征麓川歲取士兵二千為鄉導將士或失利輒殺士兵以為功泰奏罷之夷人仰戴如

本朝分省人物考

卷七十四

李

福建五

父母越數月召還調陝西道各道有疑獄皆以決於泰無或稱冤者在山西會南北圻旱澇相仍 詔下求直言眾皆以為天災泰獨言洪範庶徵皆由人事乞罷大臣不職者以格休徵於是都御史陳智侍郎李庸祭酒貝泰等皆罷去奉勅舉山西藩憲及州縣官之貪殘者悉置之法在東藩以憲多匪人陳疏懇懇數千言大要以選賢去奸為治本 上嘉納之擢為四川按察司按察使不踰年而蜀大治鎮守都御史寇深忌其才名陰諷所私叅議陳某誣奏泰杖殺人下刑部獄其人實自溺水死久而始白復官已已

虜寇內侵命協同將官守備紫荆關及巡視沿邊諸寨景泰改元陞大理寺右少卿守備白洋口轉右僉都御史鎮守易州節制紫荆關馬等關及沿河關口三十六處泰早夜究心畫計忘其勞虜知有備遂遁去及考察大名廣平順德河間諸府衛官吏去留咸當人心既而三上章辭位不聽益勵勤以圖報稱甲戌陞左僉都御史疏理徐州呂梁二洪及臨清濟寧諸處河道丙子巡撫蘇松常鎮及嘉湖諸大都泰蒞下嚴而不苛為政清明吏不能高下其手以侮公法天順改元以讒言左遷廣東按察司副使連丁父母

本朝分省人物考

卷七十四

李

福建五

憂去壬午服闋復左僉都御史巡撫四川蜀中老稚皆熟泰名聞泰至奔走相賀曰陳憲使復來矣蜀其將安以嬉乎州郡望風解組者數百人甲申陞右副都御史巡撫淮揚等處兼督漕運軍民皆安之成化改元上章乞歸辭甚切 上念其効勞有年賜允薦紳大夫宴餞於都亭車蓋塞途都人聚觀以為榮家居五年卒所著詩文有拙菴宗奏議藁武陽志藏於家

鄒允隆

鄒允隆光澤人名昌以字行登正統壬戌進士第

太常博士陞寺丞凡大典儀文卿佐不能決者率取正於允隆改太僕寺丞天順初副詞臣黃諫往諭安南既至其首跣腴倨傲允隆與諫正色裁之始懾服致謹尊王之儀還朝未幾以學行擢廣東按察司提督學校僉事

李剛

李剛泰寧縣學生正統戊辰沙尤寇發剛與鄉人同匿山間一日出遇賊賊脇剛從逆剛以義數之賊怒令跪剛不屈罵之不絕口遂遇害

徐溥

本朝分省人物考

卷七十四

六十一

福建五  
劉汝恩

徐溥邵武人第正統戊辰進士拜監察御史卒於官

溥氣質剛方才華卓犖持節按部風紀肅清

謝嫌

謝嫌邵武人景泰初進士拜監察御史持憲嚴明人不能奪累官廣東左叅政所至皆有聲稱

余志

余志建寧人父隆歷官選部員外性恬退未嘗躡跡豪門為時輩所稱許志登天順甲辰進士授刑部主事審決重獄號稱平允坐誣出判廣州嘗請出絕戶田以安集流民三萬口陞知石阡府夷民安之遂致

仕

朱欽

朱欽字懋功福建邵武縣人成化壬辰進士授寧波府推官擢監察御史風采凜然陞山東副使以憂去服闋改浙江尋陞按察使湖廣左布政使進右副都御史巡撫山東以民俗多酣酗下令禁釀適內使過境索賄不從謗於瑾被逮入京然瑾竟不能害得致仕歸尋撫舊事奪其職瑾敗仍復之欽端重有威儀居官清直所至以聲績著為諸生時刻意考亭之學往遊徵士吳與弼之門以道學稱於閩年七十七而卒

本朝分省人物考

卷七十四

六十一

福建五  
劉汝恩

陳讓

陳讓字原禮邵武人也少穎異不羣為文奇崛遒勁不為蹈襲語嘉靖辛卯舉閩省第一尋登進士授紹興府推官聽獄稱平暇則進諸生校藝講學士彬彬興起天真祠之置圭田三江閘之捍海患讓區畫贊襄之力為多徵拜監察御史遇事敢言無所諱避肅皇帝既嗣大統迎 興獻太后入仁壽張太后仍以藩妃禮遇之兩宮以是有郤巨俠劉東山者睥睨兩宮間將以奇論取富貴乃令其黨構誣張鶴齡且

弟有逆謀左道呪詛詞連宮禁逮繫無辜數十百人  
 都城騷動諸司不敢出一語讓方視事東城遂捕東  
 山下獄究其罪東山度不可脫益令其黨告變且誣  
 讓為張氏羽翼併下之獄乃從獄中上疏謂 陛下  
 有帝堯九族既睦之德而東山乃敢對陛下倡言漢  
 武巫蠱之禍陛下有帝舜克諧底豫之孝而東山乃  
 敢對陛下公言暴秦遷母之事宜亟正典刑以安宗  
 社 上覽疏意稍解會西曹鞠東山所奏悉無驗併  
 其黨坐欺謾伏誅讓得還職京師宴如當是時徵讓  
 仁壽宮危人心搖矣已而 興獻太后登遐廷議遷  
 本朝分省人物考 卷之十四 六十四 福建五 劉汝忠  
 興獻帝合葬天壽讓以藩王不宜入附 皇陵乃借  
 堪輿家為言顯陵氣脉不可洩又重於勞民請以袞  
 帔交葬便 上初覽奏怒甚投疏於地少頃復取視  
 曰此言亦是於是遂定不遷之議而執政從旁擠之  
 竟賜罷然讓身雖退而言則已行矣讓在臺中二年  
 疏屢上皆侃侃大計獨此二事尤人所不敢為不敢  
 言者咸謂讓有社稷之功焉既退休里中日夕靜坐  
 讀書孜孜學問口不談當世事惟地方利病所關輒  
 不惜齒頰疊疊為上官陳說為人剛方廉介見者竦  
 憚然與之久處談論慷慨真意溢出人益信慕之

上自承天還猶問讓姓名臺使者至閩輒以讓薦於  
 朝而執政終忌之置不用家居十五年而卒隆慶改  
 元錄先朝諫者贈讓光祿少卿所著有見吾文集  
 十卷邵武府志在干卷行於世

本朝分省人物考 卷之十四

六十五

分省人物考目錄卷之七十五

福建漳州府

林弼

呂宗爵

胡宗華

郭惠

劉宗道

林瑜

鄭深道

戴泰一

王源

朱瑤

蘇原芳

王昇

顏寶

陳旺

林震

陳疊

本朝分省人物考 卷七十五目錄

潘榮

林京

王玄弼

唐孟元

莊伯和

周宣

歐輝

鄭和

張寬

盧元

郭舒

吳森

陳爵

林同

吳原

陳宏

陳真晟

魏富

沈源

許潛



吳環

吳玘

林魁

洪異

劉友仁

楊表

林梅

林士章

胡春同

李誠之

福寧州

周斌

林拱

陳琦

陳錡

孫賦

林聰

本朝分省人物考 卷七十五目錄

二

本朝分省人物考卷之七十五

福建漳州府

林弼

林弼龍溪人元至正中進士有文詞著聲閩浙間仕為郡幕官入本朝與修元史授考功主事使安南贖以金珠弗受其王強致之既還悉獻于朝朝廷嘉之賜以白金尋命知豐城有善政後為考功郎中出為登州知府所著有文集

呂宗爵

呂宗爵其先晉江人洪武初避寇來漳家于龍溪之

本朝分省人物考卷七十五

姜洪

觀林兄弟四人宗爵居長性純篤有孝行父疾夙夜扶持奉湯藥父洩痢必躬滌廁澣衣歷十餘年孝敬彌篤父歿持喪盡禮母先卒時家貧葬不能備禮至是啓之重斂易棺與父同窆鄉黨咸稱其孝

胡宗華

胡宗華龍溪人玩心理學言行為鄉邦楷式洪武三年以明經薦訓導郡庠講說經籍闡析微奧教導諸生以身為範卒以仲子宜衡恩贈中書舍人

郭惠

郭惠字邦文龍溪人居家孝友嘗著兄弟訓立義學

重義輕財為鄉邦推重洪武間郡守白壽以學行舉授府學訓導訓迪有方陞廣東保昌縣學教諭以外艱改增城增城遐僻人不知學乃擇少俊十數人晝夜為之講解疊疊不倦其後與薦書者七人終瓊山縣學教諭卒

劉宗道

劉宗道龍溪人洪武壬戌徵秀才八千餘人入試朝政宗道第一仍命學士詹徽密察諸儒中特異者復居德行第一以布衣侍坐共論治道拜都察院左都御史條上二十事言甚切直 上命所司採行

本朝分省人物考卷七十五

姜洪

林瑜

林瑜龍巖人洪武中由太學生授五軍斷事卓有才譽遷江西按察司僉事永樂中陞副使居官平恕所至民多德之後陞浙江左叅政卒于官

鄭深道

鄭深道龍溪人由鄉貢兩任典教五司文衡未嘗有過舉洪熙元年授司經局校書陞梁府紀善 勅褒之有曰文學老成操履清慎累承 仁廟諭問及賜膳侍宴尋致仕卒八十有二

戴泰一

戴泰一龍溪人才行敦篤未樂元年郡守錢古訓以茂才薦授直隸和州知州恪慎有爲以清白稱卒于官

王源

王源龍溪人永樂初進士爲庶吉士歷官兵部職方郎中廣東潮州府知府所至有聲平生勤學能文既致仕年及八十猶手不釋卷所著有韋庵集并家禮易覽

朱瑤

朱瑤龍溪人永樂初郡守錢古訓以茂才薦授鄒縣

本朝分省人物考 卷七十五

福建六 楊林

知縣公勤廉幹賦役均平秩滿邑人奏留者再卒于官爲築墳立祠歲祭之

蘇原芳

蘇原芳龍溪人持重好禮事母極孝以田讓與弟絕無吝色鄉邦咸敬慕之永樂初以懷材抱德薦有司敦促就道未行卒于家

王昇

王昇龍溪人永樂甲申進士入翰林爲庶吉士出宰安福羅田二縣俱有惠政改平涼府推官轉大理評事尋遷寺正審讞平允陞知撫州府賜勅給驛之任

蒞政以寬待士以禮催科恕撫字勤秩滿郡民上疏乞留 上允之增正三品秩仍知府事三年 賜誥贈其父母未幾乞致仕卒

顏寶

顏寶龍溪人永樂丙戌進士授四會知縣溫厚公正寬猛得宜奏除詭名田糧九百餘石復申除鄉民鹽鈔一十二萬餘貫尤篤意學校爲新其廟宇至於橋梁圩岸之屬亦悉意繕治藩臬郡守交章論薦稱爲嶺南獨步遷秩而去邑人慕之

陳旺

本朝分省人物考 卷七十五

四

福建六 楊林

陳旺龍溪人性豪縱不羈亦聰明強記博通子史領永樂甲午鄉薦授國子助教改常州府學教授司廣東鄉試禮部表闡旺善屬文尤精于書卒于官常之門人顧言刻其文集若干卷傳于世

林震

林震長泰人性質穎悟問學該博宣德庚戌科進士第一人授翰林修撰以疾歸卒于家人咸悼惜之

陳壘

陳壘漳浦人正統初進士累官吏部考功郎中遷廣東左布政使寬而不縱嚴而不苛文章政事爲時推



重致仕家居十二年卒所著有梅庵存稿經籍要覽藏于家

潘榮

潘榮字尊用龍溪人正統甲子舉福建鄉貢戊辰登進士第奉命齋銀幣犒師廣東景泰庚午拜吏科給事中彈駁有體論停起復抑奔兢數事尤剴切多兄嘉納壬申陞左給事中充荆府冊封副使不受餽遺甲戌歸省賜楮幣為道里費未幾值父喪毀瘠骨立事母不離側天順己卯始以服闋復任辛巳充蜀府冊封副使如使荆時壬午簡充琉球國冊封使

本朝分省人物考卷七十五

五

福建六

賜麒麟木玉帶以行至則奉宣德意王以下皆竦息聽命陪臣請為中山八景記援筆立就有用夏變夷語國人為之刻石甲申還朝陞吏科都給事中以母喪歸如喪父時成化己丑復任庚寅陞南京太常寺少卿丙申陞南京戶部右侍郎戊戌奉勅總南京糧儲尋改都察院右副都御史仍領其事辛丑召入為戶部左侍郎適尚書缺遂署部事免兩浙償補鹽課人皆稱便會久旱漕河淤涸奉命督治運舟畢至甲辰陞南京戶部尚書所出政令大抵以節財卹民為務丁未孝廟登極以老疾懇辭給驛以歸弘

治丙辰卒年七十有八贈太子太保

林京

林京龍巖人故叅政瑜之子好讀書每觀史至忠臣義士輒撫卷歎慕正統丁卯沙尤賊逼縣境京團結鄉民佐官軍守邑城力不能敵偕其子綬間道走郡城請援至龍門里上坪為賊所獲脅使拜跪京不從賊怒欲殺之京瞑目詬曰吾頭可砍膝不可屈願謂綬曰人生當知順逆吾與汝寧死于此母為反賊所脅以虧忠義遂與綬皆遇害賊去鄉人義而哀之求其屍於暴骸中面目如生乃具棺殮瘞于死所

本朝分省人物考卷七十五

六

福建六

王玄弼

王玄弼龍巖人正統丁卯沙賊楊福寇縣民避林谷死者甚夥時玄弼父與繼母及弟先避難漳城賊勢既逼玄弼與兄用享不得出境遂走邑之上坪其兄為仇家所知欲搜殺之玄弼自謂曰我有子三人俱長兄惟一子尚幼我出兄必得免庶老親有所托也遂出懷訴于賊以身代兄死聞者義之

唐孟元

唐孟元龍溪人正統戊辰叛賊寇掠郡邑多脅良民從亂孟元洎其弟孟遠與眾誓曰吾黨俱良民豈可

德賊比賊至孟元兄弟先率眾據橋拒戰賊不得進  
自辰至酉眾見賊益增勢不能敵欲退走孟元乃告  
其弟曰爾可去以奉先祀我當以死敵之賊勢稍緩  
鄉人得登舟脫免孟遠曰吾兄方危急吾何忍去遂  
輔孟元力戰同死於賊鄉人哀之

莊伯和

莊伯和龍溪人正統十四年為鄧茂七賊黨所獲至  
赤嶺賊首張永瑞欲脅之使從伯和憤罵曰汝等不  
顧天理不懼國法而悖逆如此我為 聖朝良民安  
肯從汝賊邪賊見其仗義不忍殺拘之三日仍迫以

本朝分省人物考

卷七十五

七

福建六  
徐全

威伯和罵益甚遂受戮而死

周宣

周宣字政舉龍溪人正統間進士授戶部主事遷潮  
州府知府時潮寇竊發宣以計招捕平之改山西行  
太僕寺少卿尋陞本寺卿丁內艱卒宣博學能為古  
文詞時人重之

歐輝

歐輝長泰人正統末進士累遷廣東僉事廉介不阿  
抑強扶弱時有強寇依山剽掠者十餘年輝進兵勦  
捕境上以寧陞湖廣副使未任而卒

鄭和

鄭和龍溪人正統末進士歷官南京戶部郎中修實  
錄成陞雲南叅議為政不矯不隨滇人安之以入賀  
卒和天性朴厚與人言若訥訥不出口其文章政事  
足為後進儀範者最多

張寬

張寬平和人景泰辛未進士為御史直言敢諫以劾  
總兵官石亨下獄後出知安定縣禦寇有功卒于官

盧元

盧元漳浦人景泰二年父卒貧不克葬乃鬻其男睿

本朝分省人物考

卷七十五

八

福建六  
徐全

以為葬具錢主欲就携睿去元乞襄事即如約錢主  
允之一日睿出採薪於山忽得金三錠歸以營葬并  
償錢主父子遂得完聚鄉人以為孝感所致

郭舒

郭舒龍溪人景泰中進士授行人陞南京戶部員外  
工部郎中擢知池州府舒為人古直剛介持已廉行  
事方嘗出使川廣累卻餽遺在池日以撫字為先畱  
意學校農桑而催科諸政若拙焉致仕去行李蕭然

吳森

吳森漳浦人天順丁丑進士累官浙江叅政定紹興

等郡徭役貧富適均江山草寇負險弄兵者幾三年  
森至設法捕之民賴以安其他督糧清戎凡所設施  
皆平恕寬仁之政

陳爵

陳爵字良貴南靖人天順初進士授潮之揭陽知縣  
歲庚辰嶺南山海之寇並起賊酋魏崇羅輝劉寧各  
據要害爵親詣賊舸論之不從乃下令撤民廬舍而  
以其材木圍匝於外然後築城濬池為守備計未幾  
海寇大至爵躬擐甲胄冒矢石為士卒先賊度不可  
犯遂遁去寇亂既平乃撫凋瘵鋤豪強勸農桑興學  
本朝分省人物考 卷七十五 九

林同

林同龍溪人天順初進士歷官江西參議調廣西禦  
賊有功陞浙江叅政督理糧儲民無所逞其奸仕終  
廣東布政使同外柔而內剛喜為義事居官四十年  
祿入隨散卒之日家無飽貲

吳原

吳原森從弟天順甲申進士拜兵科給事中嘗言事

譴彈劾益力陞都給事中累遷戶部左侍郎以僉  
都御史視兩浙饑宣德意搜民隱勸分平糴且積且  
賑蠲累年逋負數百萬民甚德之召還以疾卒遣官  
諭祭并營葬焉

陳宏

陳宏龍溪人天順甲申進士授御史巡歷有聲因星  
變上言歷數大臣之不職者數人出為湖廣僉事治  
豪民斷累歲不決疑獄計平洞庭草寇陞副使歸卒  
宏長於政事而加以剛直故所至能其官孫遷官監  
察御史

本朝分省人物考 卷七十五 十

陳真晟

陳真晟字剩夫嘗以布衣詣闕上書及歸欲以明初  
志乃以布衣自號學者稱為布衣先生其先泉人國  
初漳州苦倭寇乃設鎮海衛以保障之籍莆田泉人  
來為戍守隸本衛後千戶所而生真晟真晟骨格高  
聳神氣肅清望之非塵埃中人也年十七八即能自  
拔於俗以儒為業薦於有司至福州聞防察過嚴無  
待士禮乃辭歸自是不復以科舉為事務為聖賢踐  
履之學初讀中庸做存養省察工夫覺無統緒繼讀  
大學始知為學次第乃以大學為據又讀大學或問

見朱子博探主敬諸說以補小學工夫始知敬者乃大學之基本也乃求其所以爲敬見程子以主一釋敬以無適釋一始於敬字見得親切乃實下工夫推尋此心之動靜而務主於一靜而主于一則靜有所養而容念不復作矣動而主於一則動有所持而外誘不能奪矣嘗語人曰大學誠意章爲鐵門關難過主一二字乃其金鑰匙也蓋意有善惡若發於善而一以守之所謂惡者自退而聽命矣又嘗語人曰人於此學若真知之則行在其中矣蓋以真知處善安循理樂所行甚順然而氣質有偏勝嗜慾有偏重一

本朝分省人物考

卷七十五

十一

福建

者用事其順而易者反逆而難矣此聖門論學於博學審問慎思明辨之後又加以篤行也天順三年用伊川故事詣闕上程朱正學纂要其書首探程氏學制次採朱氏論說補正學工夫次作二圖一著聖人心與天同運次著學者心法天之運次乃言立明師補正學輔皇儲隆教本數事以終上文圖說之意書未上先上疏乞召見而陳其說不報及書上下禮部看詳其事竟寢繼而家居讀提學憲臣頒行勅諭教條有主敬窮理修己治人崇正學迪正道敦尚孝弟忠信禮義廉恥等語喜曰此學校正教也然學校雖

崇正教而科舉不定正考雖有正教不行也因採勅諭中要語參以程氏學制呂氏鄉約朱氏貢舉私議作正教正考會通定考德爲六等考文爲三等各有條例可據而行聞臨川吳聘君名欲往質之乃貨其家之直得五金攜其兄子一人以行戒之曰我死則瘞於道題曰闕布衣陳某墓足矣行至江西張元禎太史止真晟宿扣其學大加稱許曰頑敢僭謂自程朱以來惟先生得其真彼吳許二子亦未如聘君者不可見亦不必見也遂還鎮海初創戎壘莆人雖多讀書家自真晟爲學而儒術始正人謂有功於鎮海

本朝分省人物考

卷七十五

十一

福建

多矣自真晟與莆人李文舉諸前輩行文公家禮而風俗始正真晟生於鎮海遷於龍巖晚定居於漳之玉洲卒年六十四郡守彭垣立石官道旁以表之題曰大明闕下兩上書請補正學泉南布衣陳先生墓祀鄉賢祠有雜稿藏於家名布衣存稿

魏富

魏富字仲禮龍溪縣人成化丙戌進士授監察御史陞浙江按察司僉事進副使重舞文告訐之禁有豪猾誣縣令同列知其情莫敢辨而移於富富爲直之浙東岸江田爲水所囓富命築石隄凡捍田若干頃

歲饑賑貧民所活甚多弘治初陞江西按察使五年陞都察院右僉都御史整飭薊州等處邊備兼巡撫順天等府以病告歸十一年至京改南京大理寺左少卿尋陞大理卿正德初陞刑部右侍郎遂致仕正德八年六月卒祭葬如例

沈源

沈源龍溪人纂修英廟實錄以清節著為南京巡視御史江洋號令嚴肅盜賊不敢犯因天變上言刈修德弭災十事後以諸貴臣交章誣之貶知盧氏縣以疾卒

本朝分省人物考 卷七十五

十一

福建六

許潛

許潛詔安人領成化戊子鄉薦知平樂縣不以家累自隨盡心職務招撫洞徭剖決疑獄尤加意學校親為講解後卒于官百姓悲號不已

吳環

吳環平和人登成化己丑進士歷南京庫部主事郎中擢貴州叅議有平夷功遷雲南叅政奉命釐正鹽法宿弊一清陞右布政使執法不撓時黎酋弒其叔而奪之位獄久不決環實諸法重賄不能入也以

外艱歸卒于家宦橐蕭然

吳玘

吳玘龍溪人弘治間進士授撫州府推官有折獄才每公出裹糧自隨不勞百姓以外干名譽十年不得調後為御史直言敢諫有古諍臣風巡按山東以疾卒人咸惜之

林魁

林魁龍溪人弘治中舉進士授戶部主事陞員外郎郎中度支有法不畏疆禦出知鎮江府當兵荒之後寬猛得宜民賴生息擢山西提學副使公嚴有聲調雲南兵備撫鐵索青夷諸酋有功陞廣東叅政致仕

本朝分省人物考 卷七十五

十四

福建六

洪異

洪異龍溪人領弘治乙卯鄉薦知崇德縣擒江淮劇盜墾田至萬餘畝擢御史執法敢言陞四川僉事改浙江過惡揚善恩威並著遷廣東叅議鎮靜自持不嚴而治歸卒于家孫公諧舉進士第

劉友仁

劉友仁字是成號涇江漳浦人正德甲戌進士授南京戶部主事轉禮部主客司郎中遷知黃州府以母喪去職起復為衡州以才調廣州遷湖廣布政司左

叅政丁外艱起復為浙江左叅政撫民南陽其為戶部嘗監淮安權稅及持節往使湖廣理賦役發其滯逋以實京庾權稅故毛細易汗為之者往往矯厲苛核繳其迹以冀自免督賦所臨遇皆藩郡大吏至者輒弛懈不欲急懼見為觸仁在淮安尤簡易與商為便督賦故嚴密鉤剔滲匿不以藩郡尊鉅為忌二事以集竟免汗跡亦卒未嘗有所觸黃州江漢經流之衝民感政煩前守日夜治文書交賓客寢食不得休衡州在山谷深奧處田野饒足郡中嘗暇因習為倫仁兩易其俗事咸集湖廣浙江叅政主督版冊財計

本朝分省人物考卷七十五

十五

福建六

細及米鹽仁獨踈目濶節然絕無漏失撫流通多以寬招至安集而稽察誅賞用之不少貸唐鄧之間益用和懷其所治各有以自得如此

楊表

楊表龍溪人正德甲戌進士授南戶部主事陞郎中督稅兩廣勞業大著擢知長沙府清慎自持改知雷州興學校表節義濬水利作文以祭城隍猛象為之出境郡人異之陞浙江鹽運使削去常例浙人謂三十年來清官楊表一人而已陞廣西叅政致仕以廉介終其身

林梅  
林梅龍溪人嘉靖己丑進士歷戶部主事郎中督課江州覺察內帑僭運糧儲所至持正不撓坐是忤權貴出知泰安州同知慶遠南安府陞南京禮部郎中卒于官梅慷慨有氣節志在天下國家為文章博雅有則人推重之

林士章

林士章字德斐號壁東漳浦人母蔡姪時所居寢室有赤光時見之兒時沉默聰穎志意不群稍長博聞強記為文有大雅風嘉靖戊午舉於鄉明年己未升

本朝分省人物考卷七十五

十六

福建六

于秩宗廷對賜一甲第三人及第授翰林院編修當世廟末年詞臣待詔金馬多以供奉承恩章獨閉戶下帷沉潛經籍修飾矩度謝絕汎交壬戌丁內艱歸丙寅除補故官先以宗人偕計避不入闈至戊辰會試乃為分考得雋為多出則擢國子監司業大司成豫章王章座主同為國師士倭談之王務持大體而章佐以嚴密考課繩糾無所假貸諸生心服己巳丁外艱歸壬申服除以久次起南京國子監祭酒癸酉改北念大學諸生卒業而歸格於里選疏令從其省試欲請京兆所司檄遣甲戌陞禮部右侍郎兼翰林

院侍讀學士兩銜並拜時謂特恩其後率以為常丁  
丑改左兼官如前時 上御經筵章補講官重修會  
典為副總裁章雅志獻納既列經幃恩以啓沃自效  
早夜訂正講義先期肄習齋宿祗畏如在御前入館  
考證古今損益時宜史臣多受成諳練朝典明習星  
曆堪輿諸書在部六年朝堂陵廟日有修舉謀畫居  
間諸司之政較如指掌有所主議吏人祗服會相罔  
居憂廷中連名疏保關西馬為大宗伯章及太倉王  
為佐相顧慨然以為典禮之司倫紀所係當為名教  
守之遂不列名相聞嗾之忍未有以發也已馬入閣

本朝分省人物考

卷七十五

十七

吳士元

王以告去而章所與同事多不相謀時以職事謁相  
相遇章落落無所唯阿而與它僚甚昵識者以是重  
章而言者矚其形似乃摭撫里人細事傳入白簡賴  
上聖明不遽為動而太學諸生至羣詬言者之門謂  
林先生品第何等而銜骨及之不有天道耶時章去  
國學已數年其風聲所激士猶如此迨歸陞南京禮  
部尚書再疏致仕年七十七卒卒之前期地震三夕

胡春同

胡春同宗華季子幼失怙恃事二兄克盡愛敬由鄉  
貢歷任義烏柳州吉安教授日坐明倫堂教導弗怠

雖祁寒盛暑衣冠肅如也生徒餽遺輒却不受性溫  
厚清苦篤學好修至老不倦卒于官無以為殮吉人  
李昌祺哭之哀曰善人云亡士類嗟惜諸生為服其  
喪

李誠之

李誠之龍溪人事親克孝踐履篤實隱居城市開義  
學以淑鄉子弟不義之財弗視橫逆之怒弗加防弊  
隙杜害源有古君子風劉宗道嘗曰吾漳有誠之猶  
夜中之孤燈涇中之脉涓也

本朝分省人物考

卷七十五

十八

吳士元

福寧州

周斌

周斌字質夫寧德人洪武中領鄉薦授建寧府學教授時兵革甫息斌修廢起弊嚴立教條作興士習郡縣長貳非公事弗造其室與之語皆政教大端弗及私事十五年雲南平譏賀表稱 旨有金幣之賜秩滿召至便殿承顧問以質直見重明年拜中都國子監司業約度明信諸生悅服又明年召還陞齊王府左長史輔翌開陳一以正道丁內艱以病卒

林拱

本朝分省人物考卷七十五

十九

福建

林拱字仲恭號雪樵福寧人篤信力行爲文以理勝志崇恬退惟教授鄉黨以淑後進洪武中屢以明經薦不起晚年強召爲本邑訓導數月以疾辭去處困履窮泰如也同縣鄭轍文行與拱相敵皆八十終

陳琦

陳琦字公琰福安人永樂中進士累官江西按察司僉事政通而敏法平而恕嘗行部至筠筠方大旱民以爲憂琦引咎自責齋沐致禱甘雨隨注一日坐堂上庭有大蛇長數尺翹首向琦若有所訴琦異之令人蹤跡其去得古井中有遺屍密訪乃知其妻與

人私者共殺其夫投之於棄井中捕至遂服罪筠人以爲神琦歟歷所至善政尤多此其最著者也未幾卒於京師寓舍

陳錡

陳錡字器之福安人領鄉薦拜監察御史永樂間監軍甘肅號令嚴明軍民戴之忽虜寇將至或曰寇勢猖獗宜少避其鋒錡奮然勒其兵拒戰數日力不能支被執錡厲聲罵賊不屈虜怒殺之事聞 太宗爲之涕泣曰陳御史忠臣也

孫賦

本朝分省人物考卷七十五

二十

福建

孫賦字國用福安人正統間由太學生授龍川縣知縣地僻民稀素號難治賦爲政明敏輕徭薄斂重農勸學寬嚴得宜數載之間增墾田米三百餘石奏蠲屯田陪徵米五百餘石十四年黃蕭養倡亂捍禦城邑招集流亡上下愛之秩滿固請致仕歸卒年八十七

林聰

林聰字季聰福寧州寧德縣人正統戊午鄉舉已未進士擢刑科給事中卽毅然以古直臣自矢曰所不盡心以報國者非夫也車駕北狩內外多事侃侃在



職知無不言劾光祿卿奈亨太監王振家僮張伯通  
 奸狀又劾總兵官楊洪孫鏗不協狀景泰元年轉都  
 給事中會太監金英家人會慶殺人臺憲有欲為英  
 地者即併論之內侍單增恃寵驕縱勢焰日益甚且  
 聞大臣中有候其生日結約武弁持賄拜賀其門如  
 往年之事王振者聽借科道盡暴其罪惡乞急治之  
 章既成對眾復增二語曰復起羣邪趨附之風大開  
 小人奔競之路蓋厚嫉大臣之儉小者也既奏上  
 即命錦衣衛捕治駙馬石璟 景帝所親信者有罪  
 劾之不避辛未八月 英廟北還廷議迎鸞或謂虜  
 人變詐不測遣一車二馬往迎足矣聰曰 上皇北  
 征為宗社計也迎復禮宜從厚壬申奸人建議易儲  
 聰欲極論而言先泄眾為聰危聰泰然自若事雖未  
 濟天下多之癸酉虜酋也先遣使來貢自稱可汗聰  
 以也先弒逆縱中國不治夷狄而 其稱謂哉  
 詔從其議而却也先之貢一時聲望赫然忌之者如  
 讐 上欲保全之乃遷春坊司直大學士商輅薦其  
 材可大用授吏科都給事中奸人思中以法屬鄉人  
 教官乞便地以養親聰於銓曹白之王文以議迎復  
 事啣其異已嗾御史王溥劾聰甥為教官因聰言得

晉地下獄會官廷議文致其罪以太臣專擅選法論  
 當死廷臣當連名署奏牘禮部尚書胡濙謂文曰給  
 事七品官也而擬以大臣囑託公事也而擬以選法  
 二者於律合乎且人臣以宿憾而欲殺諫官無乃不  
 可乎遂拂衣而出曰此疏吾不預公等自為之濙歸  
 遂卧病不朝數日 上遣中使問何疾曰老臣無疾  
 前日議事欲殺林聰殊驚悸至今不安爾中使具入  
 告既而法司復以比擬上 詔曰比擬殺人可乎聰  
 得不死左遷國子學正丁丑 英宗復辟起右僉都  
 御史山東饑命賑貸聰詢拔能官散詣村落給食及  
 醫藥全活數十萬天順二年還陞右副都御史江淮  
 鹽徒橫行命聰往捕以便宜擒其渠魁梟數人餘脇  
 從則用輕典盜以寧息尋歸院已卯秋遭內艱去庚  
 辰 詔起之固辭不遂七月曹欽叛於京隨就擒幸  
 功者妄取首級至使都人不敢夜出聰時署院事按  
 之必生獲始論幸功者乃息餘辯明悉無冤濫成化  
 丙戌江淮旱人相食承命綏撫聰奏借江南糧及支  
 運糧儲數十萬以給民且與之種活民甚多丁亥九  
 載滿秩陞右都御史辛卯又有宣大之行至則邊庭  
 寧肅尋詔還聰性剛簡不附權貴間有短之者壬辰

本朝分省人物考 卷七十五

二十一

福建六

本朝分省人物考 卷七十五

二十二

福建六

卽移病回籍去越二載 詔復南京掌院事十三年  
 刑部尚書缺僉舉補之十四年加太子太保獄甚  
 明清聲益振已亥被旨偕定西侯蔣琬按事遼東疏  
 言失機者令以功贖詔從之屢乞身休致弗允壬寅  
 竟卒於官年六十有六贈少保謚莊敏聰立朝侃侃  
 風節天下想慕而且和氣如春厚重如山見者敬愛  
 無已所著有見菴集若干卷奏議若干卷詹事陸簡  
 云聰自抗易儲之議著直名海內士皆想望風采而  
 邵縣聞公所至皆惶汗喪魄救過不暇一時大臣風  
 裁屹屹足鎮浮薄而繫人望如聰者益鮮其比至於  
 再起則更爲溫厚謙抑與物無忤議者謂其方圓互  
 用衡鑑常平求之古人中亦不多見也

本朝分省人物考

卷七

福建六

本朝分省人物考 卷七六

人物考卷之七十六目錄

湖廣武昌府

魏觀

周琮

黃琛

蔡哲

陳宜

范俊

周縉

王允茂

鄧槐

程立中

王愷

鄧真

陳智

辛浩

王庾

黎忠

本朝分省人物考 卷七十六目錄

劉諒

李田

汪洪

向珍

王儼

吳原正

徐鏞

黃玪

艾傑

吳偉

李承芳

李承箕

朱伯驥

吳廷舉

劉績

王禴

李承勛

江師古

廖漢

張璞

二四七

劉珂	鍾湘
戴書	王良
件瑜	王疇
趙邦柱	汪文盛
胡堯元	廖道南
馮世雍	朱廷立
謝存儒	龔良傅
汪宗元	胡濂
熊桴	魏裳
劉師穎	
本朝分省人物考	卷七十六目錄
補遺	二
孟廷柯	方震
汪宗伊	吳國倫
孟養浩	郭正域
漢陽府	
張敏	戴金
陳昂	陳傑
蕭良有	附弟良譽

本朝分省人物考卷之七十六	南直督學御史西浙過庭訓纂集
	門人蘇松備兵副使南郡熊膏叅閱
	男 過銘盤
	過銘孟
	過銘篋
	懷遠訓導武陵胡應魁
	寧國府學生員嚴弘志
	句容縣學生員劉孔陽全訂正
湖廣武昌府漢陽府	
本朝分省人物考	卷七十六
魏觀	一
魏觀字杞山蒲圻人幼讀書蒲首山中勤苦弗輟性喜吟咏觸物感興陶寫自如乃構亭曰梅初以寄志焉元呂忠肅薦於朝辭勿就國初被徵與青田劉基金華宋濂諸儒同謁上與語大奇之授平江州學正遷國子助教浙江提刑僉事吳元年改兩淮都轉運使入為起居注洪武初建大本堂命觀侍太子說書及授秦晉諸王經觀以詩記之二年甲戌降甘露於乾清宮林上問災祥觀曰帝王恩及於物順於人則甘露降陛下誕寬民賦衆庶懽豫底	

於清寧神應之臻職此故也十一月冬暖如春 上  
召偕危素詹同吳琳宋濂遊觀內苑錫燕紫閣御製  
序文賜之三年正月轉太常卿改定太廟祝文稱孝  
子皇帝臣凡遣 太子行禮稱長子某著爲令是月  
陟侍講學士十二月辛酉編集大明志成以觀爲嘉  
議大夫國子祭酒宋濂爲司業四年廷試進士觀與  
博士孫吾與修撰王俱爲讀卷官乃得吳伯宗等一  
百二十人時開科之始得人最盛而伯宗卒爲名臣  
人以此多觀之識九月坐考祀孔子禮不以時奏謫  
知龍南縣濂知安遠縣行未至任卽召還以爲禮部  
本朝分省人物考 卷七十六 湖廣一  
主事五年 上念姑蘇爲京輔重地經張士誠之亂  
荼毒罔有寧宇廷臣咸薦觀有治才乃出知蘇州府  
旣蒞事懲陳寧苛政鋤暴樹良敬老恤民大建學舍  
闢宣聖庭舉鄉飲酒禮聘羣賢闡文學禮耆耄時戎  
事倥偬百物彫耗禮文衰落乃能力挽躬行風教勃  
興封部皞然課績爲天下最 上嘉之陟爲四川行  
省叅知政事蘇父老上疏願留仍命觀還郡七年觀  
以舊治制爲士誠竊據且郡多水患乃修府浚錦帆  
涇以壯士觀以資民利御史張度誣其興旣滅之基  
遂與高啓俱獲罪 上悔之命所在致祭 皇太子

諸王哀賻有加乃歸瘞於蒲圻燈窩山

周琮

周琮字仲方崇陽人幼警敏稍長遊學邑庠篤志進  
修遂進大學居上舍洪武癸酉擢試刑部郎中戊寅  
遷浙江布政司左叅政以母憂去永樂初調河南未  
幾調陝西巳丑冬奉 命偕戶部侍郎左獻總軍餉  
於邊事竣還遇寇與敵死之時年四十八爲人端重  
諒直當官處事以義爲制不以利害動其中故所至  
有爲自諸生起贊邦憲推獻詳慎多所平反人以爲  
難及爲叅政三任皆名藩而陝西尤爲重地爲治七

本朝分省人物考 卷七十六 湖廣一

三

湖廣一

年所部吏民咸便之及以軍興出督餉事決策前進  
不憚艱險期以大丈夫功業自効而不幸以死子軌  
亦清慎有父風自太學生擢令歸安用薦徵入爲御  
史

黃琛

黃琛舊名寶武昌人歲壬寅以帳前叅隨舍人擢兵  
馬副指揮 上愛其謹厚命尚皇兄蒙城王女甲辰  
爲聚寶門店官乙巳授管軍千戶尋改龍江衛守禦  
千戶累從王師征討及鎮守畿甸多著勞績洪武元  
年封皇侄女爲慶陽公主授寶駙馬都尉旣而兼明

州衛指揮使改淮安衛指揮使三年改名琛禮部奏稽古公主之制皇姪女宜改封郡主琛當上駙馬都尉

蔡哲

蔡哲字思賢武昌人仕陳友諒為監察御史歲壬寅來歸授江西行省理問陞右司郎中命往贛州招諭熊天瑞遂遣子入朝權哲中書省參政命往蜀報偽夏明昇聘哲因挾畫史同往圖其山川險要因言昇

本朝各省人物考卷七十六

四

明廣

可伐卒用其策改四川僉事尋進福建參政未幾復召還為御史以所舉御史犯法被劾免官卒 上深惜之

陳宜

陳宜字仲誼嘉魚人洪武中授桂林衛經歷贊畫戎政召為兵科給事中改工部主事轉員外郎永樂時營建兩京勞績居多洪熙初擢廣西叅議中允王愷撰文稱其德懋厥官凡三十年老而不倦

范俊

范俊大冶人洪武間以貢拜監察御史歷陞左僉都

御史立朝以風裁見稱與同時李興邦艾良並名權貴避之

周縉

周縉字伯紳武昌人洪武中以貢入太學初授永清典史居官廉謹攝令事捕蝗弭盜俄而靖難兵起一時守令多相率迎降永清地尤近燕縉極力為拒守計顧其民寡弱爭先逃散縉度不可為懷印南奔將他圖焉道聞母喪還家以禮葬畢即出糾義旅勤王戰艦戎器略具已聞南師敗而天命去矣縉乃走匿民間久之蹤跡漸露有司即其家捕獲械送京師縉

本朝各省人物考卷七十六

五

明廣

自必死慷慨就行至則 朝廷特下之獄謫戍興州居數年子代還屏跡田園年八十卒吳文定寬為縉傳有曰以愧世之為丁公而倖免者是時吏部言前北平屬州縣官朱寧等二百九十八人當 皇上靖難時俱棄職避宜寘法典詔俱建茂

王允茂

王允茂字才英其先自瀏陽徙居蒲圻學古通經操節高尚與劉三吾陳南賓友善咸負顯名洪武十八年舉明經授泰寧令釐革弊政民情翕然 太祖高皇帝錫之丹符以旌厥績卒于官所著有楚林集

鄧槐

鄧槐字大材蒲圻人洪武庚辰進士性資端慎以禮自守授成都新繁知縣創規制設條教修水利墾荒田民多賴之再任新津政聲益著蜀志謂新繁有清白江槐嘗以此自勵人謂其操行之潔能無愧云

程立中

程立中字執夫嘉魚人家貧力學嘗役於官為尹所辱立庭下朗吟一詩尹曰才子也會有詔求遺逸遂薦之授縣丞以催科後期繫獄一夕成詩百首太祖原其忠愛釋之俾復官九載致仕卒

本朝分省人物考卷七十六

六

湖廣

王愷

王愷字時舉蒲圻人兒時即抱鉅人志肆力於學永樂甲申進士知江寧剗煩劇處之裕如命撫畿甸通岷旋集上問戶部錢穀出納面對不爽預修永樂大典進左中允時漢庶人構陷宮僚下獄愷誦讀不輟宣德初補廣西僉事時徭徭為亂遣文武將臣同愷往撫土酋底平又捧檄綏勞貴州土夷上賜遊後苑觀元宵燈愷疏陳六事特賜俞允征大藤峽襄翊有功至潯州建學宮炎徼向化轉廣東左叅議往撫欽廉叛寇事平刻石招遠山

鄧真

鄧真字存誠江夏人永樂辛卯進士授監察御史上疏言時務十事上悉從之擢山東按察司轉布政使真讞獄詳明政事通敏歷藩臬愛民如子卒于官吏民見其行止如生以為神繪像祀之

陳智

陳智字孟機咸寧人永樂間進士授監察御史按福建有張生者以誣殺妻論死察其冤出之戊戌按南畿補奸黨數十置于法擢陝西按察使剪猾理滯固為空洪熙初入覲兵部令朝覲官給養馬歲課其駒智上疏以太僕臨監司歲徵駒如紀綱何上善其言關中饑岷中有造寺之役疏止之進江西又布政使適永豐曾子良亂智戮其首惡餘皆宥免正統初進都御史諸道多滯囚智多平反上疏言邊務風紀三事皆允行智性剛猛御史張昂致駁智咎之四十勗遂與他誣落職

本朝分省人物考卷七十六

七

湖廣

辛浩

辛浩字養正江夏人正統戊戌進士任監察御史彈劾不避權勢謫戍遼陽俗不尚文學浩至選將校子弟教之皆有成卒為名士天順中復其官

王庚

王庚字仲京江夏人正統中進士任戶科給事中因邊患以練達治體暫改御史勅巡山西練兵守備事平陞左給事中景泰中以才能薦復 勅鎮河南平生無過舉歷官廣東右布政使

黎忠

黎忠字行恕武昌人正統中監生授建昌府推官閩寇鄧茂七攻陷隣境忠選驍勇屢出奇謀克摧賊鋒擢福建知府

劉諒

劉諒字守貞興國人景泰間以國子生授鹽城令竈戶非重犯例不服有司勾攝諒至別竈戶之籍名于官者餘悉入編戶法乃得行城啓閉由守禦所有司出入不自由諒乃白于當道奪城禁鎖鑰掌於縣慨科目乏人延禮碩彥訓誨庠士暇則出郊農親授耘刈之法植蝗禱於城隍蝗皆入海菽死每早禱輒雨雨不出境有一村雨不及使人廉其故則得妻殺夫冤狀人尤異之偶宿民舍夢有赴愬者明日猫投竈死命掘之下一古墓爲徙葬是夜又夢赴愬者來謝准賊喬亮當道捕不獲喬買鹽城責諒捕喬聞曰毋

本朝分省人物考 卷七十六

人

湖廣一

累賢父母自投聽解出鹽城境仍亡入海終諒之任不爲患九載考績民不忍其去復留三年致仕

李田

李田字舜耕嘉魚人承勛父景泰甲戌進士歷戶部郎中成化初督餉征蜀有功擢廣東左叅議海南夷叛躬抵巢穴懇切開諭夷皆効順進左叅政閱歲辦綵幣除墨印之弊累遷副都御史巡撫京畿歲饑發廩賑之嘗建議增漕以足邊餉嚴令以警邊烽給財以市戰馬設法以克隊伍專任以責成功立禁以息囂訟皆允行之中官汪直用事怒田不私謁遂嗾之歸或休以禍處之怡然不改其度

本朝分省人物考 卷七十六

九

湖廣一

汪洪

汪洪字克容蒲圻人成化初順天鄉試第一明年登進士歷戶部郎中值北虜入寇威寧伯王鈇統兵出征洪督餉斟酌損益區畫攸當陟山東叅議以拒冢宰尹旻子請託譖之中官汪直謫知綿州歲旱捐俸賑救既乃濬水源創石盤七堰溉田數千頃民賴之先是都御史孝感張瓚開壩底諸堡以通茂州命洪往理戎務土酋突遇洪控弦交射中流矢墜偏橋懸崖死居人月夜每見乘馬如生立祠祀之

向珍

向珍字子席大冶人由太學生授廣西興業縣知縣縣有木頭崗寇猖獗珍集民拒守成化乙酉韓襄毅公雍為總督都御史賊扼其要路使不通珍竟潛往見之韓奇其來委以便宜遂破賊以火攻搗其穴擒斬甚眾韓上其功尋陞鬱林知州與為鬱林屬邑益得人心禦賊拊循其民未幾卒民感其德家尸祝之邑城北有向公井者則其備賊時所禱泉也

王儼

王儼字民望其先蒲圻人曾祖子民為元新喻令謫

本朝分省人物考 卷七十六

十

湖廣

華容遂家焉成化己丑進士授兵部職方司主事改工部都水治呂梁洪事竣轉刑部郎中往按鄭府盟津王獄多所平反補成都知府值妖僧無邊等以術惑眾縛其僧戮之擢河南左叅政復按涇陽王獄具得其實轉陝西右布政使北虜寇西固城總制王越屬儼督餉區畫芻糧摘發奸宄大宏政績中官劉瑯索金鬻玉儼峻拒之尋陟副都御史巡撫山東上言弭盜五事召入為戶部右侍郎釐革風弊總理漕政人多稱之未幾致仕年八十有八子官之領鄉薦

吳原正

吳原正成化辛卯舉人任博白知縣博白地近雲虛大桂賊巢民多徙業眾危之原正至設堡伍修武備墾田疇民賴以安陞思明府同知思明視博白尤為邊境原正益盡心民事以疾卒于官囊橐蕭然民有設奠道路者

徐鏞

徐鏞字用和興國州人成化己丑進士授行人陞監察御史巡通州倉念漕卒困於拮据酌定收納常則奏行之遂著為令時濬大通河上疏論其不便已而果然巡按福建會鄉試有恃勢以私干場屋者不容入試代還以災異陳四事又以星變請免慶成宴調陝西鎮遠縣知縣值歲饑請於上官移民就食全活甚眾禱旱罪已請罰俄以修倉得窖錢數十萬緡籍之以賑貧乏獨宿逋流亡多復業者尋調臨潼鎮原民千百泣送之弘治元年陞淮安府知府卓有善政轉廣西右叅政河南右布政使擢右副都御史總理漕運兼巡撫鳳陽等處鏞在淮安時周知綱運之弊於是以法繩下劾不職察邪慝軍民稍息弘治十二年八月卒年五十六賜祭葬如例

黃玪

本朝分省人物考 卷七十六

十一

湖廣



黃玠字敬潤蒲圻人成化乙未進士授江西南安知縣為政嚴峻豪宗屏迹拜監察御史堅持風紀不畏強禦時貴州征都勻苗勅玠紀功改土為流改州為衛厥功居多陟大理寺寺丞

艾傑

艾傑字世英崇陽人少為諸生知府秦夔以絕田百畝濟其貧傑不受成化丁酉鄉試授四川江安教諭每晨衣冠坐講不懈不問束修諸生不能婚者助之力變文體聘修蜀志擢成都府學教授舉行冠婚禮著崇陽志

本朝分省人物考 卷七十六

十一

湖廣

吳偉

吳偉字次翁江夏人少孤貧善圖繪不師而能山水人物入神品性慇直有氣岸與俗寡諧求者非其人不應雖素與之昵好一言不合輒投硯而去成化間成國公延至幕下一見以小仙呼之因以為號 憲皇帝召至闕下授錦衣衛鎮撫待詔仁智殿偉有時大醉被召蓬首垢面曳破皂履踉蹌行中官扶掖以見 上大笑命作松風圖偉詭翻墨汁信手塗抹風雲慘慘生屏障間左右動色 上歎曰真仙人筆也偉出入掖庭奴視中貴人求畫又多不與於是中貴

人數短之放歸南都 孝廟登極復召見便殿命畫稱旨授錦衣衛百戶賜狀元印章寵賚日厚偉思還楚蒙恩祭掃武昌數月還次采石有旨趣回京賜第逾二年稱疾居秦淮之東淮 武宗即位遣使召之未就道中酒卒時年五十葬於金陵

李承芳

李承芳字茂卿嘉魚人幼穎敏生七月以筋膏灰作土地二字年十四伯父中丞田指鄉富貴者示之曰兒志及此乎對曰富貴不淫貧賤樂兒志也成化庚戌舉進士授大理寺評事無鮮裘良馬嘗謂主事楊循吉曰予得俸三十緡可津而南矣及陞寺副遂謝病歸與其弟承箕隱黃公山講學賦詩論治以教化為本雖蔬食屢空不悔也

本朝分省人物考 卷七十六

十一

湖廣

李承箕

李承箕字世卿嘉魚人幼有大志不喜為舉子業好為古詩文入大崖山讀書非禮不動赴成化庚子鄉試考官桑悅首選其卷監臨者不從悅上書政府論薦丙午領鄉舉丁未一試禮闈而歸聞嶺南陳獻章講學徒步往師之不復仕進乃築釣臺于黃公山與兄承芳日夕奉母怡愉一堂雖貧約不計及母喪寢

苦枕塊不離喪次爲人寡言笑終日端坐人莫窺其所存爲詩文下筆立就若不經意工草書人爭傳之所著有大崖集

朱伯驥

朱伯驥通山人成化癸卯舉人築室溪南專精墳典與俗違尚浚任廣州推官從白沙陳獻章游浩然有歸志退而上書論古今人才不相及白沙以爲知言遂棄官歸橫經講學時放歌自適

吳廷舉

吳廷舉字獻臣嘉魚人成化癸卯年十九舉於鄉丁未舉進士授廣東順德知縣繁已字民減賦息訟刻

本朝分省人物考

卷七十六

十四

湖廣一

家禮以道民邑有宿盜久莫治至則立執之都御史屠瀟檄至督府與之言甚溫答曰廷舉越境奔命宜有地方重大事請發令屠曰順德大瑞屬以修葺家廟可爲料理之荅曰守土官非奉舊例新恩一夫不敢役遂辭出屠令他邑成之市舶太監給銀買葛卽以銀市二葛曰奉此爲式如不中請還金且葛雷產也太監怒取金去御史汪宗器惡廷舉乃曰彼專抗上官市已能何也會廷舉壞淫祠觀寺以其材作土堤書院賢館及修學宮御史按而會其竹木碎屑俱

列斤兩鄉大夫二子犯盜並論死廷舉生其少子標其戶曰盜後少子改行乃泣愬曰公念先人廉直故存後今盜其門大爲先人辱請就死乃爲撤之御史捕盜令自首賂知縣毀門表盜曰盜死分也不敢誣廉令加以嚴刑不易口是時廷舉囚服楷手日詣訟所分析無私盜狀御史大慚命釋之弘治丙辰屠入爲吏部尚書遷廷舉成都同知一年以憂回起復改松江上疏請軍政二事廣東盜起馬端肅劉忠宣薦陞兵備僉事征十三村諸洞盜平之改兼鹽法正德己巳逆瑾方用事令各省庫藏悉輸京額外索取以爲當出於鹽廷舉力拒之疏請乞留備兩廣兵與之費瑾啣甚及鎮守恣橫廷舉劾大監潘忠二十罪具奏有旨取省帑解京皆非正費曰貢進內也曰司禮打點錢賂劉瑾也又疏便宜事忠亦誣列廷舉罪鞠之無狀止以枉道回荷校吏部前再放爲民五年瑾誅直其誣晉雲南副使未行陞江西參政討姚源賊用兵已歷年總制臣數易官第顧其私兵不協力費以萬計廷舉雅多智略勇不避難及逢盤錯益多裁決前已數用勝兵茲則設奇取捷不用甲冑出入輕脫論責解散反爲賊得奉之入巢周圍耀威劫廷

本朝分省人物考

卷七十六

十五

湖廣一

舉求撫廷舉如前責論詞色亡撓久之伺得賊中要領誘勁賊令執其酋長廷舉出復入一鼓平之疏立萬年縣民懷至今晉廣東右布政使立番船進貢交易之法定均平驛遞之役弊更患除嶺西猺獞作亂命兼兵備副使經略十二年湖南饑命以副都御史賑濟勅勘永順保靖兩江口夷情堅相約束條奏武廟還京命往湖廣定諸夷地界又疏事陰備寧濠之變當道不用濠嘗遣使遺天曹陸完全簡曰宜急易孫燧代之者某俱可吳廷舉切勿令其來濠敗邏者獲之十六年召為工部右侍郎尋改兵部右侍郎上疏犯輔臣改南工部嘉靖二年又改南京戶部本年遷右都御史理南畿折豪強植貧弱禁私驛止妄供舉長身而瘠面如削爪敝衣帶穿不修藻飾神采英毅志節雄偉言行必自信人鮮能奪之視財利如糞土妻子冒饑寒而施予不輟滿三年進南京工部尚書四年疏歸里居二年而卒無衣以殮無棺以殯都御史姚謨為營辦經紀其喪性好讀書無不窺索積書至數萬卷好薛文清及胡敬齋錄采其要言作詩做陳白沙覽者知其志簡情真至規人所不及直中肯綮毫無諛詞奏草剴當可以為式卒時年六

十六

劉績

劉績字用熙江夏人幼聰敏不羈貫穿羣籍尤精於考究凡所撰述古雅冲淡根極理要負一時物望弘治庚戌進士歷吏部員外補鎮江知府所著有禮記正訓蘆泉詩文集

王禴

王禴由舉人成化末授河間督馬通判虜寇犯邊司馬余子俊總督軍務命畿輔各推廉能官督運糧餉至大同闔府推禴往踰月事竣秩滿將報政郡縣父

本朝分省人物考 卷七十六

七

湖廣一 吳志元

老相率詣撫按乞留禴懇辭歸杜門不出族黨有貧者散所有以周之故舊之家必杖履親造年八十卒逆瑾用事仍致其罪罰米五百石家益窘子孫有披褐負薪者矣

李承勛

李承勛字立卿嘉魚縣人自幼英邁家貧時以經濟自負比弘治癸丑登進士授太湖知縣在官民頑至則招集父老示以禮義強梗者治之不少假借以其餘力修舉學校考德問業親督勸之又砥身廉介省費薄徭流亡悉集民多碑識然勁氣孤峭人多忌之

久之補南京刑部主事歷員外郎中明習法律多所  
平反有奸法當坐者雖勢豪不撓每日散衙無事與  
胡公世寧魏公校余公祐以道義相切劘尤究極典  
故并中外條例興革邊圉強弱事幾得失一一籌算  
以自考鏡時稱為四君子會以憂去服闋仍補南京  
工部郎中未幾陞南昌府知府南昌難治劇賊驕藩  
內外孔棘勛深略雄才迎機輒應正德六年贛賊犯  
新淦執叅政趙士賢靖安賊據越王嶺瑯琊岸華林  
賊破瑞州勛廣伺謀繕壁壘扼溪澗進戰擒胡雪二  
首還府華林賊又叛殺副使周憲乃諭降賊王奇約  
內應夜引兵舉火為號大破賊斬首三千境內安輯  
八年姚源賊起江浙間執兵備吳廷舉總制俞諫請  
邊兵勦賊勛曰賊乏食必掠裴源就積粟請贛兵自  
德興南昌兵自岳源分兩翼伏裴源而令邊兵驅賊  
賊果走裴源大敗遯去太監黎安欲奪其功誣勛竄  
賊嗣大理卿燕忠即訊廣信事白九年陞浙江按察  
司事持大體微瑣不校凡貪墨吏雖親故不屈庇或  
本廉吏而為毀者所中傷則力為伸雪之憲紀肅然  
人不敢犯丙子進陝西右布政使敦本務實率以儉  
約嘗掌藩事力專才贍一時弊政釐革殆盡下和買

本朝分省人物考

卷七十六

十一

吳志元

之令禁無名之役人至於今稱之十四年轉河南左  
布政使十五年陞右副都御史巡撫遼東遼東故富  
饒無虜患自汪直開邊虜輒携二擾我開原懿路汎  
河三城俱遭殘破乃修築定遠慶雲等處六堡修理  
堠望百八十一所屯田千五百頃鐵嶺蒲河撫順諸  
城皆濬湟樹木為阻固東圍稍寧進俸一級嘉靖二  
年養病四年起南臺五年轉南京刑部侍郎進尚書  
六年召入吏部會新進用事從中沮尼進改刑部加  
太子太保上疏論時事本年十二月改兵部尚書兼  
都御史代故端敏公提督團營加太子太保惡郭勳  
本朝分省人物考

卷七十六

九

湖廣一

吳志元

殺掠並經莊浪被其殘害急宜繕塞設險斷臂絕踵使相隔絕兀良哈最近京師撫之不善即為門庭之寇雲南安鳳之叛軍民困敝臨安蒙自盜賊復起曠日持久恐釀成大患交趾世子流寓老揭異日歸命請授或據地求封皆未可測惟用人理財早為警備以保社稷後庚戌之變人皆思其言之奇中又騰驤泗衛者詭冒依附奸欺不可詰上言宮府一體請官軍考選清覈並如旗手等衛制曰可太監麥福言四衛禁軍隸兵部不便往歲彰義門破虜東市勦曹賊皆四衛功以直內故得號召易集下兵部再議勦執

本朝分省人物考卷七十六

二十

湖廣一

言往歲之事正以兵權歸闕致亂彰義門之戰由太監王振東市之賊即太監曹吉祥麥福語塞竟從其議十年致仕卒贈少保謚康惠

江師古

江師古字克末蒲圻人弘治癸丑進士授工部主事清江浦管閘時中貴往來作威凌轢師古不為屈正德初逆瑾柄國即投疏歸性儉朴敝衣垢襪陋室匡牀儵然肆意而已

廖漢

廖漢字天章蒲圻人性剛毅獨立不回弘治六年進

士授戶部主事陳情便養改南京孤介有聲正德初起復值逆瑾柄國乃上疏抗論時政不報再疏自陳歸結廬五洪山潛修以居

張璞

張璞字中美江夏人弘治乙丑進士授監察御史按雲南時鎮守中官役軍虐民璞重法懲之忤逆瑾逮繫下獄卒贈少卿

劉珂

劉珂字公佩興國人弘治丙辰進士令長洲興學校禁博徒除盜賊墾民田三千餘畝興水利七百一十

本朝分省人物考卷七十六

二十

湖廣一

處置義塚三毀淫祠十復張阿保等三百餘戶水部以濟河奏徵郡屬雇役錢珂力言于當道疏請歲省費不下十餘萬吳人大悅補太僕丞奏革木寺丞四員陳備邊水利八事每屬歲解皂役率却不用凡贖錢一毫無取及逆瑾亂政乞休歸不治家人事救賑窮乏無吝色家居二十餘年卒

鍾湘

鍾湘字用秀興國州人為大昌主簿鉞之長子登弘治壬戌進士授戶部主事歷郎中擢知漳州府事會隣廣山寇倡亂事聞于 朝命合一省兵殲之憲長

督重兵屯其境芻粟之費日不下數百金悍卒不可  
法御湘區畫誓戒皆有紀度率死士先搗巢穴縛其  
首惡諸脇從者給牛粟而遣之賊感泣不戰而巢遂  
空海寇聞之皆就降以靖寇功 勅進階三品食參  
政俸歲饑賑濟有方活數萬口忽嬰疾篤庫有羨餘  
數千兩署印僚欲私而分之湘謂之曰汝欲私此以  
污吾名節耶吾九泉之下亦不汝宥悉登之簿籍擢  
廣東叅政未行卒潭人像而祀之

戴書

戴書字天錫崇陽人弘治壬戌進士授南京大理寺

本朝分省人物考

卷七十六

十一

湖南

正出補四川僉事歷副都御史巡撫雲南上安邊疏  
謂肅州為極邊哈密為盡境哈密土魯與回夷為黨  
其種類流寓盤據肅州之境不免為患而罕東左衛  
赤斤蒙古衛亦與哈密相隣近年漸多內徙直犯肅  
州宜遵舊制畫界分境設衛鑄印制之以杜邊患  
上聽其議

王良

王良字本善江夏人少警敏未束髮知向學後以病  
廢學然慷慨有鉅志忽一日頓足嘆曰丈夫處世當  
為國家樹功邊境徒跼踖坐一室曷為哉乃徒步走

京師每見人語大奇之正德改元潘中貴者受命總

鎮兩廣辟為贊畫適雷巖諸蠻寨作亂時議出兵征

勦鎮巡檄良督軍良即日整隊以行至則分兵巡勦

大破之斬首無算蠻熨底定捷奏授錦衣千戶還鎮

又值樂昌之變請討且徵狼兵會土官知府岑猛桀

驕不發兵鎮巡憂之顧無可遣者乃復檄良良單騎

至猛所諭以 朝廷恩威利害猛憚然懼不浹辰兵

馬雲集良協宜調度分遣精銳入搗賊巢酋眾就縛

降者以千數自後屢戰屢捷歷陞都指揮使正德丙

子擢廣東備倭授勅以行時海賊多出沒良慎守禦

本朝分省人物考

卷七十六

十一

湖南

嚴斥俟以待之有巨猾張徽趙十八者行掠海上計  
擒之餘孽尚梗良欲盡收故少緩縱即傳有飛語良  
指天日誓曰良為國家祛害寧畏此言使吾私賊賊  
難再獲矣無何賊果詣軍門降餘黨悉捕咸伏其辜  
諸皆以良忠誠所感至為頌曰靖江鎮梓焉巡按御  
史上其功擢中都副留守督領直隸官軍更番入衛  
良體貌魁碩舌上舉直抵鼻端性仁煦人有急難亟  
為援賑治家有矩矱子姓克承厥志重僕皆為盡力  
居官廉備倭海上不受賂遺為留守入京時羣衛所  
例有贖一切罷去雖茗果亦拒弗受也

件 瑜

件瑜字忠父蒲圻人正德庚午發解丁丑登進士第  
試政御史臺未幾上疏病歸已卯如京師授禮部主  
客司主事未幾又上疏病歸辛巳 世廟御極復如  
京師又上疏論天下事一曰勤聖學二曰篤親親三  
曰開言路四曰敬大臣五曰選諍臣六曰去浮屠七  
曰拯困窮八曰重守令九曰修武備十曰儲人才疏  
上 上嘉納之迺下諸司條行以本職提督四夷館  
時四夷館中諸夷朝貢如哈密佛朗機者狃于闕宦  
所贖賄瑜以法御如朝鮮者上下秩然瑜以禮遇故  
本朝分省人物考 卷七十六 二十四 湖廣一

四夷聞瑜卒咸膜拜流泣甲申春 上召輔臣于平  
臺于暖閣諭以尊稱之典大學士楊廷和蔣冕毛紀  
力諫以為于正統違大議上責 九廟內間 兩宮  
未敢輕議 上意不豫者久之乃主事桂萼窺伺風  
旨竊取席書張璁霍韜方獻夫諸議奏之 上下其  
議在廷諸臣堅執以為不可時廷和已去冕繼去禮  
部尚書汪俊又去萼璁等諸臣至羞與為伍遂與共  
謀抗辯或摘或罷繫獄無虛日瑜私語竊嘆以世道  
升降繫茲舉也吾禮官知有死而已秋七月乙亥  
上升手勅改稱 孝宗敬皇帝為皇伯考 恭穆獻

皇帝為皇考 昭聖皇太后為伯母 章聖皇太后  
為聖母諸司俱奏以為不可十月五日戊寅少宰何  
孟春率百官伏闕死爭大學士毛紀石瑋取帖伏於  
前時已近午 上命司禮監宣諭乃下學士豐熙給  
事中張紳御史俞翺等于獄庚午械至午門前各殺  
三十死者十有六人而瑜亦竟不起矣年四十八

王 疇

王疇崇陽人幼聰慧不羣甫三歲失母哀毀如成人  
事繼母尤謹中弘治辛酉鄉試卒業南胄司業羅欽  
順器重之從楊月湖遊所得益遂登正德戊辰進士

本朝分省人物考 卷七十六 二十五 湖廣一

授南大理評事論駁諸法律有誣殺人者獄成力辯  
其非人皆之尋獲犯於淮北衆服其神明 教皇時  
內殿災以四事規諫詞極忠悃幾逆 天威楊月湖  
謂其得易之剛者擢江西僉事陞四川副使歸居家  
手不釋卷愛佳山水多所題咏嘗謂文不必模擬詩  
不必蹈襲發所蘊而不戾於古斯可矣性方正耻干  
有司處清貧晏如也所著有石洲文集

趙邦柱

趙邦柱字安甫咸寧人蒲圻魏順甫有文名于海內  
一見安甫文大奇之曰吾閩人多矣無如趙仲子遂

妻以女年十四補諸生十九舉丙子第三人已丑舉  
禮闈授戶部主事監崇文門稅課九門鹽法薊州邊  
餉一毫不入私橐人稱其守改吏部主事有魏玉卮  
而詭言墨挺者覲其受也見而卻之內外艱服闋調  
南京禮部儀制司主事在南十年買舟負米以供朝  
夕改南吏部文選司郎中陞南光祿少卿陞通政右  
叅議故事諸中貴以銀臺為外府所請乞訟詞以百  
數動至破人家產柱痛懲其弊關說不行會科臣有  
附執政疏言相權漸輕者柱適在大司馬李坐曰此  
疏殆有微指李曰何謂柱曰是欲以道四明山陰貴

本朝分省人物考

卷七十六

年六

湖廣一

耳明日臺省藉藉如柱言有甚其具疏言天下事以  
時宰方唐楊縮宋文彥博柱謂其焚感視聽屏去不  
奏乞歸卒嘗言仕宦須早為歸休計以順性命攝身  
心何必車生耳哉著有草帶官南遊草悠然齋尺牘  
約言周易注疏等書行於世

汪文盛

汪文盛字希周崇陽人穎異不凡肆力于學正德辛  
未進士授饒州府推官時宗藩驕恣悉繩以法構誣  
逮繫日從狴犴中誦春秋三傳著為說誣釋還原治  
會姚源冠起跡德與檄往視師文盛單騎奮憤規畫

中入為武選司主事以諫止南巡械杖于廷濱死  
者數嘉靖初改車駕郎中清冗員抑瑞戚蕩滌邪魁  
出守福州府建三山書院罷淫祀省浮費築羅源諸  
邑城處琉球諸國貢閩人德之遷浙江提學副使聞  
明正學飾大真書院禁西湖冶遊訂東浙鄉約尤精  
于考校品騰無毫髮爽浙人稱前後督學必以文盛  
為首憂歸服闋補陝西督學擢雲南按察使時交人  
莫登庸竊據篡奪稱兵窺伺進僉都御史撫之宣布  
恩威選厲鋒銳論八寨誥五邦卒致底定進大理卿  
病歸卒賜祭葬

本朝分省人物考

卷七十六

年七

湖廣一

胡堯元

胡堯元字廷猷蒲圻人夙負奇氣正德辛未進士授  
戶部主事以忤權貴謫高郵州同知轉瑞州府通判  
已卯夏運糧吳城宸濠叛間道還瑞守宋以方被擒  
去堯元誓死倡義密趨都御史王守仁馳奏時 朝  
廷得奏喜甚擢瑞守無何逆黨掠瑞堯元與妻黃氏  
訣乃簡壯士偽稱迎降逆黨果懈伏發擒之從督府  
攻南昌戰于黃家渡江西平還瑞定紛亂清獄徒輕  
徭賦恤旱澇建書院以功擢廣西叅政以征思恩冒  
瘴卒桂林人祠之贈左布政使



廖道南

廖道南字鳴吾蒲圻人正德辛巳進士選翰林院庶  
吉士歷編修至侍講學士 上命修大禮書經筵論  
講多直言日食陳洪範天變陳四事又陳六事上  
郊廟大禮議請撤姚廣孝配享建辟雍立帝王廟申  
明大禘議皆嘉納命同考會試主順天鄉試 上知  
其才應制諸作每奏輒嘆賞不置賜賚親禮加於同  
列將大用之中遭柄臣忌摘徽州推官數月召入卒  
以忌免所著有文華大訓箴撰殿閣詞林記楚紀及  
文集數十卷

本朝分省人物考 卷七十六

李木

湖廣一

馮世雍

馮世雍字子和江夏人生而穎異博極羣書過目輒  
不忘才華瞻麗工書及詩尤喜為古文辭弱冠登正  
德巳卯鄉薦第嘉靖癸未進士累官吏部郎中出守  
臨安徽州二郡有惠政雅志恬退家居二十年足跡  
不至公府人咸慕其文學而重其高潔馬所著有三  
石文集呂梁志行于世

朱廷立

朱廷立字子禮通山人嘉靖癸未進士授諸暨縣令  
拜河南道御史在道激揚達體嘗陳城朔方足兵食

二議巳丑巡兩淮鹽政作商誠九以諭商御史誠九  
以自厲又條陳鹽法宜行事鹽遂通課益昔百七十  
餘萬辛卯巡按順天時元宰濁政立抗疏論列人為  
之吐舌又條陳六事切中時病一時無不歛手以避  
者壬辰巡按四川首疏停採木之役民獲更生土番  
夷釀亂松潘梗貢道為邊患 上怒命將征之 勅

立督其事立冒險疾趨壁壘親授計將大舉兵會銜  
立者以他事罪立使閑住立曰天不欲我需成功乎  
乃賦詩院壁去有一寒豈是封侯骨萬死寧忘養士  
恩之句無何功成各膺爵賞錄不及立潘都御史至

本朝分省人物考 卷七十六

李九

湖廣一

馮世雍

眾論民謠僉謂立功當首叙將領中至有願移巳賞  
以賞立者隨按實及摘立詩聯奏之 上嘉嘆懋賞  
復其官提督順天學校丁酉陞南京太僕寺卿乞歸  
養母母終服闋拜僉都御史丁未擢大理卿應詔陳  
慎刑名清吏習正士風三事戊申陞工部右侍郎巳  
酉轉禮部右侍郎復以言去人意立弗樂立曰君子  
進而行其道則優游廟廊退而修其道則優游田里  
何往而非可樂者至家日惟課子賦詩而已嘗書四  
事以示同志曰君子無道人之過無沒人之善無逞  
忿之事無詐偽之行所著有兩厓文集行於世

一萬二... 8 反文句

謝存儒

存儒字懋玠蒲圻人嘉靖丙戌進士性醇樸幼通經術督學蔡湖讀其文奇之及為行人奉策澧川王却其貺金遷給事中後陳急務上褒之會論許祭酒失職狀謫判邛州繩下以法毫不少貸舉學勸農他郡獄多屬鞫焉歷禮部郎中擢南昌府勤于職事以廉敏為下僚先所部姦邪竊發召其長吏按問亡寃郡大治會歲旱存儒上計還大雨如注人咸忻悅以方前守嘉魚李承勛云叅政陝西檄諸郡墾田積貯兵餉不匱繕甲兵具卒乘修城堡邊聲大振民不告擾尋陟山東布政以年饑穀貴奏省漕費過半東土以安擢副都御史巡撫河南疏折鈞州陶器價鈞人立石頌焉釐葦祥符炬夫費以資軍食提兵守磁州北虜不敢南牧黃河決令水工進高下開支河以殺水勢河始亡害晉兵部侍郎卒

龔良傳

龔良傳字起岩蒲圻人嘉靖丙戌進士出使淮府一切餽金不受主工部事濬徂徠泉源監南旺諸閘漕運以濟歷浙江僉事金衢俗多不育女良傳令比隣互察逐月計口有溺女者連罪風俗丕變處州張啓

本朝分省人物考

卷七十六

三

湖廣

元年十三繼母誣以內亂廉出其寃啓元感泣肖其像祀之與憲使萬雲鵬副使徐階張岳俱以節氣相尚浙人稱為四君子焉遷河南叅議歲大稔人相食設粥全活甚衆陟山東副使卒于官

汪宗元

汪宗元崇陽人登嘉靖進士授行人乙未遷南京工科給事中改兵部武選主事己亥改尚寶丞歷少卿乙巳遷南京太僕寺卿修馬政條例遷太常卿修太常志輯國朝名臣所建白為經濟考庚戌遷副都御史總理河道漕流以通會柄臣嵩嗾其不附已罷為福建叅政尋轉右布政使外禦倭寇察民疾苦復三運入運法歲省民金萬餘釐其賦為正辦雜辦檄汀建諸鹽商使畫疆而鬻又檄南塘洪塘去其冗稅鹽利以興而商不告病後二年轉江西左布政使治如閩政化大行無何轉應天府尹改順天晉通政使久之避怨引例自陳致仕歸家奉母楊太夫人歡甚卒賜祭葬所著有經濟考皇明文選春谷集若干卷

胡濂

胡濂字深甫崇陽人嘉靖己酉領鄉薦幼穎異鑽研六經博通百家凡象緯醫卜之屬無不涉獵性至孝

本朝分省人物考

卷七十六

三

湖廣

居南雍夜輒焚香籲天祈母長年母疾躬侍湯藥晝夜不解帶兄弟分產泣涕者數日田地盡取饒薄者九試禮闈不第授四川定遠知縣嘗過河南有老嫗夜泣者問之以逋負官錢鬻子於人乃出橐中錢如數償之贖其子嫗拜哭不告姓名而去家人有生女不舉者亟勸之收養許為資裝嫁之後卒如其言門下所養殘癯者數人日給之飲饌不令遠出居定遠九載廉潔愛民遷邑築城百姓安堵如故時詔采大卒山中蜀人哀之祀以祠最靈異邑有疾病往往就本朝分省人物考卷七十六

三十一 湖廣

禱祠下輒得愈

熊桴

熊桴字元乘其先晉陽人徙武昌嘉靖庚戌進士時太倉勸農興學禁吏民為奸郡大治癸丑島夷入寇薄太倉城時承平日久城中無備操江都御史蔡克廉適行部太倉見寇至輒脫去而桴城守甚力寇攻五日夜城得不破御史劾桴不能斬敵當論罷太倉父老走闕下上書訟冤桴得無罷留太倉明年寇復至桴以舟師逆擊斬首數百功上陞蘇州府同知晉河南按察司僉事兵備蘇松島寇橫行江淮間會河

朔荆楚官軍擊之戰大捷事聞賜白金文綺金山軍亂松江閉門拒之桴下令開城門檄軍還衛圍乃解遣通判往餉軍執之桴單車走金山召諸將吏笞之誅其首惡事遂平在吳十二年從將吏誅賊大小三十餘戰斬首一千四百有奇建崇明福山洲沙柘林吳松江五城開楊林瓦浦虹江白茆四渠增補田賦二千二百有奇陞雲南叅政會女官素儀為亂幕府不能擒服桴以冠帶予之令攝郡遂降尋遷陝西按察使故御史中以大計左遷山東叅政會通河決鑿渠築堤壩導三河水亡害以功進秩二品轉浙江右本朝分省人物考卷七十六

三十一

湖廣

布政海寇曾一本反擢僉都御史巡撫廣東馳至南雄一本解圍去因條上平寇四策乞餉金五萬皆得請拊循士民戒守令勿擾行保甲團練法造戰艘百有六十發千金賑貸罷久通漁鹽課區畫周悉乃興師平嶺西新會藤洞諸盜斬首二千九百尋擊一本於潮海走之人閩疏請置二縣報可仍檄安南夷備境上勿令一本南一本分據馬耳嶼牛田洋則檄閩兵圍之斬首三百有奇一本復誘日本王丘古入寇惠州城把總周雲翔殺叅將耿宗元攻城急桴縱火擊之雲翔敗走遂行反間于丘古所得雲翔等誅之

不幾獲丘古盡平其黨復親督諸將進攻一本伏誅  
桴卒于軍 上以平寇功進副都御史贈兵部侍郎  
賜祭葬

魏 裳

魏裳字順甫蒲圻人十六試諸生高等是時廖學士  
雅自負博而辨又貴倨也所引說經史連杜諸生口  
獨順甫避席奏對不窮又所請益時出其表學士自  
失曰何物少年乃爾足三冬耶諸生亦大喜謂何渠  
使五鹿少府角折也蓋又十餘年而舉鄉試又四年  
而成進士授刑部主事與李于鱗王元美輩游而好

本朝分省人物考

卷七十六

三十四

湖廣

爲古文詞順甫自以材不稱諸子益刻苦晝從曹中  
治司空城旦小間卽開卷非夜分弗釋也會母卒歸  
服除當補三月餘不報人或謂順甫不當有所造請  
耶順甫笑曰我一欵段馬不數步而僵且歸矣亦不  
知何門可造請久之復補刑曹順甫凡三爲其司主  
事同舍郎皆後進據其上而其於推案文法無害咸  
拱手矣已稍遷員外郎郎中最後爲濟南知府時于  
鱗已棄官里居一切謝客順甫三及門而不見以一  
蒼頭報謝人或謂曰與若部民胡倨也順甫再往候  
之于鱗乃出飲談詩甚懽順甫性高簡亡所過從所

過從必于鱗卽于鱗亦無它容也以是竟其任時或  
謂順甫文章士心易之然其爲刑部甫蒞事而寬太  
同叅議獄爭于其長及執政莫能難也決大獄江左  
察其情稍有間者卽爲讞語著於牘以授御史於守  
濟南益敏練有聲是時寇峰起齊魯間順甫畫策誘  
誅其渠率數人而散其黨使歸耕曰汝第爲善不汝  
問也所屬邑獨章丘腴而其民最苦徭賦又皆爲豪  
所侵順甫奮身往悉逮豪寘之理於是伏田盡出而  
小大戶咸得足食亡困徭矣已遷爲山西按察司副  
使分巡冀南道順甫爲濟南三歲所得臺使薦凡六

本朝分省人物考

卷七十六

三十五

湖廣

最後一不當其意竟以指摘去副使歸是時中憲分  
尚無恙順甫自喜曰吾今乃得稱人子矣所以共奉  
娛悅百端念其二庶弟弱悉出橐中裝置上產三百  
分子之又爲置良人室曰及吾父而俾之立也已教  
授里中諸生成彬彬北面稱弟子久之中憲公卒順  
甫艾矣而毀瘠如不欲生時汪伯玉鎮楚念欲構楚  
史不就亡能當之者以聘順甫及豫章余德甫德甫  
有它故不就順甫旣服除乃卽家開局集諸郡博士  
掌故手裁定之而先上其草伯玉伯玉讀序傳雜論  
而喜曰班荀儔也所爲楚史凡七十六卷數十萬言

楚時楚人何某亦為楚史成俱上之臺或言二史當合者順甫意不憚曰五色有可合也者而縉白不可合也母已則寧篋吾史乎順甫疾所繇心血耗則以楚史故既屬續謂次子彬如曰數盡矣夫詩與文孰叙次哉屬之元美遂與時年五十六順甫所習自經典子史諸天官卜筮龜策地理家言靡不精究其詩最善近體沈鬱勁壯有河朔風於文尤精刻削法森森立不以藻競非夫治飾靡辭為市門粧也者其人則溫溫長者而性持介於取予辨毫髮不苟故居官居家無得而問焉

本朝分省人物考 卷七十六

三末

湖廣一

劉師穎

劉師穎字方回興國州人生而穎異年十歲能工舉子業十五試輒冠軍士弱冠領鄉薦舉嘉靖癸丑進士累官兵部武選司郎中為人博雅有規度性至孝初上春官時業登途矣忽念母老歸其為武選清戎籍督武學閱馬政咸井井然理同舍讓其能比以母老告還鄉里惟杜門侍養絕不與有司交際喜施與里人貧不能婚喪者每捐所有資給焉徵時嘗鬻友人田比貴即折券以田還之不復責其直士林以此稱為長者居亡何卒年四十有二

補遺

孟廷柯

孟廷柯字培之武昌人正德辛未進士任大理寺副與翰林脩撰舒芬等諫止武宗南狩謫戶部照磨嘉靖初擢四川僉事轉西叅議雲南叅政

方震

方震武昌府嘉魚人個儻有謀畧正德中大寇起震奮身協謀誘二寇殺之擣其巢寇平震亦以勞卒有司以聞贈府檢校行翰林院撰文祭之復其家

汪宗伊

本朝分省人物考 卷七十六

三十七

湖廣一

汪宗伊字子衡湖廣崇陽人南吏書文盛子嘉靖戊戌進士授浮梁知縣有政聲入為兵部主事歷郎中以執論嚴鵠事忤時宰自免歸隆慶初起南京吏部郎隨晉尚寶司卿轉太常光祿卿陞應天府尹仁心為質而吏事精敏綜覈無遺條畫上江二縣徭賦每歲約省萬餘金城居坊民里甲凋敝令代供諸司歲費至六七千金破產者相屬屢經撫按裁節改為顧役立碑二縣歲徵二千金于庫官收吏支而諸司皆至縣不能給復責坊民囊金自用所私常溢額銀之半竟裁為九百金責報循環同里甲賦役具疏上

聞得報允于是濫差不及而九百金寬然有餘矣坊民願以紆爭立生祠祀之廉察有威稜裁斷出已吏胥不能得一錢多遜去者遷大理卿轉南吏部侍郎晉戶部尚書卒

### 吳國倫

吳國倫字明卿原貫嘉興以祖戍湖廣興國州遂家焉生而穎異善屬文年二十六省試第一次年登進士是時都下有七才子齊李攀龍謝榛吳王世貞宗臣徐中行南越梁有譽而國倫則楚才也以著述自喜籍甚縉紳間歷宦燕楚閩粵貴竹大梁足跡半天下以故詩文獨雄年五十四謝方岳歸卧林下所著有甌甌洞稿若干卷行于世

### 孟養浩

孟養浩號五岑湖廣咸寧縣人萬曆癸未成進士授行人戊子選兵科給事中辛卯陞禮科右本年主考福建陞戶科左壬辰建言廷杖爲民庚申起陞太常寺少卿本年陞南右僉都辛酉陞刑部右侍郎報至而卒養浩素精五星居嘗謂辛酉正當陽九之厄若未轉官或可再延邸報一至無疾而卒功名死生信自有數而先見亦神矣

### 郭正域

郭正域號明龍江夏縣人萬曆癸未成進士改庶吉士丁憂丙戌授編脩丁憂壬辰復除原官乙未陞中允丁酉陞左諭德戊戌陞右庶子本年陞南京祭酒辛丑陞詹事壬寅掌翰林院本年加陞禮部右侍郎時楚獄事起正域習聞假王之說有意深求楚藩當事以爲日已久且事體重大止分別首從擬法處各宗以完局而楚王幸無恙無何妖書事起波及正域則又揣疑之過矣正域幾不能免怏怏以歸久之事白而正域品望籍籍海內未及柄用而卒

本朝分省人物考

卷七十七

三十九

湖廣一

漢陽府

張敏

張敏漢陽人永樂中爲工部司務衆推其才陞知雲南曲靖軍民府在任遠夷懷服秩滿進陞陝西苑馬寺卿後致仕卒

戴金

戴金字純夫號龍山一號三難漢陽人正德丁卯舉于鄉甲戌成進士授蘇州府推官會庫亡拆糧銀若干兩長吏日考掠守庫者竟無驗金乃遍召諸糧役於庭陰以一牌用濃硃塗之絕真後堂暗室中語之

本朝分省人物考

卷七十六

四十一

湖廣一

日而輩以糧役役於官乃茲糧銀亡欲避咎弗獲也余有牌在後堂甚神能辨盜盜手摩之則駭然有鳴聲衆如指諸摩出視其手皆硃中一人獨不硃立詰之遂首服還所盜金而守庫者具得釋其訊獄神明奇中若此外艱服闋除撫州府推官嘉靖癸未授廣西道監察御史乙酉奉 命理兩淮鹽政乃調奏便宜酌處鹽法十二事節費省緡得羨銀六十八萬佐邊餉丁亥被 命按川蜀蜀去京師遠與滇隣滇賊安銓者誘其黨構爲亂攻掠郡邑蜀民騷動事聞廷議興兵誅之金念蜀方旱疫洊臻民殲死者道相望

儻軍與給餉是寇未殄而民殲矣乃抗疏乞罷兵躬

入險阻撫平之已復疏請帑金二十萬通商市糴具

藥給種全蜀之民卒免溝李辛卯陞太僕少卿督京

營馬政左遷河南布政司右叅議轉浙江左叅議陞

按察司副使內艱服闋除江西按察司副使兵備九

江戊戌陞貴州布政司叅政陞右僉都御史巡撫順

天命選將練兵闔士日奮未踰月邊兵與虜遇遂乘

勝斬首級奪獲馬器以歸己亥改秩南京太僕寺少

卿庚子陞應天府府尹辛丑 天子將新太廟擢金

右副都御史總制川貴按採西南異材大工事竣入

本朝分省人物考

卷七十六

四十一

湖廣一

爲大理寺卿陞右都御史掌寺事如舊甲辰 廷試充讀卷官冬十月陞兵部尚書疏辭不允金被命感激首陳安攘大計十二事日甄別武材以責成效日稽察將領以警勤惰日充實缺伍以備攻守日選練民兵以裨行陣日修復陣車以禦勅敵日慎養馬匹以利騎戰日修理關隘以固藩屏日慎重墩臺以明烽火日嚴謹盤詰以杜奸細日優處還民以收亡叛日厚養死士以探虜情日因地選兵以備調度 上省覽嘉閱謂戴尚書賢可屬大事命斟酌舉行數月以言致仕去

陳昂

陳昂漢陽人以明經中鄉舉擢廣東道監察御史後遷山西按察司僉事昂言事敏辨詳晰深於國體其所論別是非可否即素具大辯才者不能折也然而陽喏陰忌者衆矣故卒不能且行其志云

陳傑

陳傑漢川人以明經中鄉舉歷任勤能長於治體至晰民隱瘼必辨其利弊所在而興革之若夫委悉周至不啻善治生者之綜理家政也故所在民德之如父母焉累官江西布政司右叅政卒于官

本朝分省人物考

卷七十六

四十一

湖廣一

蕭良有

蕭良有號漢冲漢陽人弱冠舉湖廣鄉試庚辰會試一名一甲二名授翰林院編脩丁憂甲申復除原職丁亥陞脩撰戊子主考浙江陞右春坊右中允管國子監司業事壬辰陞洗馬充日講官主考鄉試順天乙未陞國子監祭酒本年准回籍己亥致仕卒爲文靈空變化莫可端倪與弟良譽並以文章顯同時舉進士稱爲三楚二難良譽以戶曹郎出守寧國望之清凜逼人即而就之藹然春溫可掬在郡四年未嘗厲聲色以拒人而士大夫自無敢以私謁請者每朔

望群士子于學宮講析書義旁及民間疾苦至午甫

退月再會會必五藝拔湯公賓尹于諸生中每指以

語人曰湯生文脉酷似家伯兄異日名第定相當也

後果適符而數年之內魁鄉會兩榜者累累相接今

郡人祀于四君子祠焉後官至大叅兩任學憲衡鑑

超異卓絕一時未幾卒人以不得究其所用甚爲悼

惜云

本朝分省人物考

卷七十六

四十一

湖廣一



人物考卷之七十七目錄

湖廣承天府

胡美

張倫

歐陽謙

李廷琛

姚名善

陳勛

李慶

劉鈺

劉洪

孫交

魯鐸

沈文華

裴椿

童承敘

初杲

夏寵

本朝分省人物考 卷七十七目錄

商大節

唐奉先

錢錚

高岱

陳栢

補遺

李宗信

朱敏

湖廣襄陽府

任亨泰

廖昇

艾福

韓邦問

李端

張纁

劉存義

王琰

曹璘

湖廣鄖陽府

周清

朱哀

溫如圭

本朝分省人物考 卷七十八目錄

本朝分省人物考卷之七十七

湖廣承天府

胡美

胡美漢沔人初名廷瑞至正間仕陳友諒為江西行省丞相守南昌 高皇帝率師征友諒直禱九江友諒走南昌時兵威震疊胡美遣使納款 上至南昌美迎謁 上撫勞之仍故官從平武昌克海安克高郵進圍蘇州執張士誠為征南將軍率安吉寧國等衛軍由江西取福建降其首將進中書平章兼同知詹事院事尋以督兵克建寧興化等郡執元將陳子本朝分省人物考卷七十七 湖廣 張忠

張倫

張倫字伯叙京山人洪武初舉明經行修以母老亂歸再舉孝廉授本縣訓導敦訓有範勤于訓迪子從道字質德洪武中舉人授廬州通判時以清慎聞上賜羊酒為勞永樂初擢知徽州誅豪猾郡中清淨憂起調永平興學校年饑賑不待報虜入 從州道追之斬獲甚眾虜遁去山東按察使

歐陽謙

歐陽謙字伯益沔陽人洪武中舉明經授耀州學正擢御史永樂初谷庶人叛命謙密察之謙野服具舟隨賈人之長沙具得庶人秘謀歸報遂討其罪以功改編修轉考功郎中優於文學所著有滄浪集

李廷琛

李廷琛一名深景陵人國初從取江南晉陵攻雲州援龍灣佐平饒州征斬黃下豫章應戰彭蠡甲辰定武昌江陵從克襄陽安陸等處以屢官擢授景陵衛指揮副使鄧愈以湖廣行省平章出鎮襄陽廷琛屬

本朝分省人物考卷七十七

湖廣 張忠

馬嚴號令練軍武繕甲兵修屯田西禦王保保兵遇征討則備前驅洪武元年四月 上勅諭鄧愈統領襄陽景陵衛官軍前去征取河南迤北未附城池其景陵衛軍馬屬廷琛統領參隨征進先是三月愈命廷琛同指揮王成等率師取唐州又取南陽至是奉旨即命廷琛同指揮吳復等攻取南陽各屬克之九月擊老馬營劉寨斬關而入擒殺其眾是年冬從討蜀河于是金商均房諸州悉平二年西擊王保保營五年從討澧州等處溪洞蠻夷皆與有功累官都督同知

姚名善

姚名善字克修洪武十八年以歲薦授監察御史永樂間建都燕京漕糧未通名善首倡議疏河開運遂命協同平江伯陳瑄相地度勢築壩引泉及諸闢啟閉籌畫之功居多功成 詔進五品服色加俸級及卒配食平江伯祠

陳 勛

陳勛字功懋汧人賦性英敏少與其弟勉同業尚書孝友天性雖童子時如成人年二十四舉永樂庚子鄉試屢試於南宮不第北遊成均所交多海內名俊

本朝名物考 卷七十七

三

張忠

後謁選於吏部試第一授本部司務長身玉立雙眸炯炯尤善談論能詩文一時卿輔如楊文定溥劉文安定之皆折節下之雅善倫鑒禪於用舍以九載考績擢青州府知府青州在海濱地瘠而民悍乃加意拊循教民孝弟力田每行縣省耕繪為勸農圖又興學造士文行不振未幾患足疾乞骸骨歸與其弟飲酒賦詩優游林下者二十餘年歲饑則發粟以賑宗族鄉黨皆賴之年七十三終

李 慶

李慶字積善景陵人弱冠補邑庠弟子員讀書綴文

竟日不越戶限以久次升南雍正統九年擢建昌府同知同官督民賦者慮愆期為已累每歲十月輒期會嚴急民以為病慶嘆曰十月江南收穫時也奈何遽責其輸賦乃下令寬之民大喜輸者糜至罔敢後外艱服闋改南京戶部郎中南都糧餉自兩浙輸者十之六同官以浙多巨室凡朱墨楮筆徧禱之屬皆責輸者供之慶既事一切罷之輸者歡呼祝誦而去內艱服闋改南京禮部郎中南畿諸郡歲進表箋例送禮部轉以 上聞奸吏需求百端或指搥點畫之訛以求賂慶悉禁絕吏縮手不敢動陞浙江都轉

本朝名物考 卷七十七

四

張忠

運鹽使司兩浙鹽利為宅運司甲巨商豪賈投券者踵相躡于庭前此為運使者交通商賈富及僕隸慶至官嚴簿書時出納絕請謁有持券請鹽者按歲月先後給之權貴請託皆謝絕不顧在官二年歲課三倍它使天順七年春致仕歸至姑蘇疾作卒於舟與人交久而益篤聞其喪則皆為位哭之其居官廉俸祿所入多以贖宗族故舊之貧者日用不給則贖貸以繼之其為運使布衣蔬食處之澹然或譏其身處脂膏不能自潤慶清介自若也歷官幾二十年所居第宅茅屋數椽田園不增尺寸歿之日妻子至無以

為喪

劉 鈺

劉鈺字世美沔陽人父弦隸戎天津生鈺成化丙戌進士改翰林庶吉士授戶部主事嘗督糧九江防檢甚嚴羨餘悉貯府庫尋守常州廉明勤慎吏民敬憚豪右犯法至自經不敢見母喪幾無以為殮服除改守揚州未幾父卒鈺感疾亦卒鈺剛介自持所歷嚴肅歸自常州民有追送二瓜者剖之乃金百餘急還而遣之毘陵至今祠祀焉性孝愛每之官必奉親以行且學雙棺自隨人稱孝廉云

本朝分省人物考 卷七十七

五

湖廣 張志

劉 洪

劉洪字希範鍾祥縣人成化戊戌進士已亥令山東陽穀邑事修舉擢雲南道監察御史嘗巡兩浙鹽剔蠹刊穢國課充足弘治戊申按雲南劾參使大臣不法者官吏望風震縮時監試場屋取士得人鈐制蓋養悍夷不敢橫庚戌 詔修祧廟命董其役告成賜白金文綺在道幾七載鵬騫隼擊風裁凜然壬子擢浙江按察司副使發奸擿伏恩威並著凡毀菴寺立鄉塾建分司闢險隘俾民知嚮方者事事畢舉戊午擢廣東按察使釐革諸司積垢及處海船番人治

徃獵切中時病遠近快之壬戌七月陞右僉都御史巡撫貴州先是貴州女苗米魯祐福煽亂一方聲勢孔熾司徒王軾嘗督師征勦雖元惡就戮而支黨竄逸尚阻險拒命人心惶駭洪至首追劾先時守臣邀功啟釁之罪削奪恩廕遂練兵誓眾檄宣慰使貴榮父子指授方略協力効命草薙而禽獮之一境始平功上 孝廟賜勅褒獎甲子四川松茂番夷復肆亂上以洪久諳戎務復改蒞巡撫 賜璽書俾專征討乃建戰守二策申嚴號令躬率諸路軍馬捕勦且宣布 朝廷德意示以福禍散撫其眾由是列柯空籠

本朝分省人物考 卷七十七

六

湖廣 張志

二寨爭相斬首惡出獻納款疆場遂清又議令各鎮參遊將領及兵備官僚每歲一交會以籌畫邊計勞績雄偉 孝廟復賜勅獎諭 武宗登極進擢右副都御史又奏改松藩疊茂河道以絕番人出沒之患關東路以平物價復舊制以據形勝查土軍以治番夷修關堡以固扞禦肅綱紀以戢奸慝定體式以協戎事重儲特以實邊用恤舍餘以防戰守九事及查理站丁疏通鈔法革冗食禁妄費諸務咸中肯綮在蜀一年丁外艱歸戊辰服闋上京師時逆瑾用事以洪平日杭已思欲中傷之乃摺摭瑣細罰米二百輸

松藩洪不少屈瑾誅擢右都御史總督兩廣軍務得便宜從事值時勢艱危洪朝謀夕慮惟安輯是圖不遑啓處惠潮二郡河源龍川興寧程鄉等四縣東接七閩北隣豫章山嶺聯亘道路險巖盜賊竊發民無寧歲而賊首若林責謝祥輩聚兇醜恒至萬餘攻劫焚擄慘不忍言人甚苦之洪訓兵積儲百需咸備卽督率郡師兼調狼兵合數萬餘勵氣奮勇直抵巢穴甫兩月俘斬八千人追回被擄男婦一百五十餘口奪獲資蓄器械無算諸寇盡戮餘黨悉平捷聞上賜勅獎兼白金文綺廣韶合柳桂徭賊構逆復調狼兵及軍二萬捕誅無孑遺 上復有白金文綺之賜庚午再議削平府江蠻寇之策方擬入奏而改柄南臺之命下矣始逆瑾擅權言路壅塞洪力振風紀直氣復伸往時臺獄多爲權貴沮撓悉論以法不少徇避准揚流賊充斥揚言欲趨犯應天等處洪倡建大議俾分兵據險以遏其衝且謂長江不可恃責操江都御史以慎固封守之義因疏論黜陟武臣賢否如文臣例以求將材而責實効尤切時宜辛未丁繼母

戊春服闋洪以衰老漸逼不出築室於所居石

在子寓言陳言貯書之說自號石坡陳人貯

書萬卷以自娛教子樂道飲酒賦詩陶然也乙亥二月以疾終壽六十九

孫交

孫交字志同鍾祥縣人自幼秀穎嗜學雖盛暑不輟成化辛丑第進士授南京兵部主事留務事簡每日散衙後諸僚輩各歸私第或出訪客或控朋儕飲奕賦詩習以爲常交獨退處一室默坐觀書至晚方回或以爲言則曰對聖賢語不猶愈對賓客妻妾乎三原王端毅公時爲太司馬嘉其有志甚愛之弘治初三原起爲冢宰卽調吏部用以自輔歷稽勳文選司員外郎進驗封司郎中七年以憂去十年起復補稽勳司十六年調文選司郎中守法信度確然不撓徧三要司十有餘年益勵廉隅惟培植善類不忍其摧抑一切選授陞遷與倪文毅公斟酌地方遠近煩簡務當其才輿論胥服十四年陞太常寺少卿提督四夷館正德元年陞光祿寺卿時逆瑾竊政諸所作無益事耗民財有如木蠹交不激不隨臨機節縮省費不貲雖諸權貴亦安之三年陞戶部右侍郎尋改吏部五年調南京吏部本年陞南京吏部尚書未任六年陞戶部尚書時畿甸河朔流賊劉六劉七等鳴張

本朝分省人物考 卷七十七

七

劉概

本朝分省人物考 卷七十七

八

湖廣三

為中原患 朝廷命將征討調度甚急四方以災上  
不得不覆其處蠲稅糧若干其處截留運粟若干與  
師四萬之儲不得時繼事皆難處交從容調停權其  
輕重緩急務濟事不務近名又因民貧歛急不忍椎  
肌竭髓取償歲額而至於官爵之目濫賜與之無節  
時時之宴遊無益之齋醮一切侈靡耗財之事終不  
能違其所蔽因其所明乃歎曰胡為使我民至此極  
也于八年乞休歸隱九峯受知 世廟于潛邸入繼  
大統起耆宿再入為司徒以輔成新正為國當怨必  
欲利孔清利源還殷阜之舊國命民命身任不疑  
嘉靖二年以老請歸四年卒於家贈少保謚榮僖平  
生言論恂恂誠懇無大臣氣岸其清慎雅恬始終一  
致云

魯鐸

魯鐸字振之景陵人成化丙午領鄉薦弘治壬戌舉  
禮部第一改翰林庶吉士少師李東陽雅重之授編  
修預修 孝宗實錄 武宗即位詔諭安南鐸克正  
使賜一品服以行比至宣布威德正其儀禮諸所覈  
遺悉却之遷國子司業進南京祭酒尋改北京鐸屢  
歷成均其教主於理道不事章句南北士多所造就

尤持清操前宿弊縉紳仰之謝病歸屏迹為投老計  
嘉靖初刑部尚書林俊上書謂經師易得人師難求  
鐸性質渾樸志尚清純道足以鎮雅黜浮學足以廉  
頑立懦方今釐革庶弊正育賢成德振作士風之時  
臺諫文章論薦推卿佐者五未得俞 旨年六十七  
卒賜謚文恪鐸家居以身率物嘗作俗言以勸鄉人  
有巨盜起掠民牛馬或給為鐸物必釋之其感人如  
此所著已有園諸藁若干卷藏于家

沈文華

沈文華字崇實鍾祥人賦質英瑩聰穎絕世為弟子  
本朝分省人物考 卷七十七 十 湖廣二  
員時巡撫韓某嘗延之以教其子欲分給屯田百畝  
資貧文華力辭之人已服其雅操迨弘治乙卯湖廣  
鄉薦第二人丙辰登進士已未授刑部主事上疏直  
學士程敏政主考之寃壬戌陞員外郎總管本科掌  
三法司事奏多平反京師為之語曰且莫忙事須問  
沈郎歷官陝西提學副使嚴立科條振作士氣八郡  
之風滄然以變尋以忤權貴左遷浙江叅議遂謝政  
歸隱龍化山足跡不履公府嘗捐資以廣學宮繼毫  
無費於有司至今學士大夫甚德之自撰廣學宮記  
以紀其事

裴椿

裴椿字永祥鍾祥人幼穎敏英發志趣高遠績學攻文不悅纖麗為弟子員時考次當收廩椿義讓於謝生曰此生貧乏年且過予於是督學者加其行特優獎之正德丙子以易薦鄉書授丹徒教諭尋調常州嚴矩範課行業士人多所造就嘉靖壬午典順天鄉試乙酉廣東主試擢南京戶部主事督理京儲會計允當丁酉擢晉郎中以扈蹕陪祀齋予銀幣有差戊戌出守延平府恤民隱解宿弊公明正直節儉仁愛平反冤獄多賴全活後士民感慕舉祠名宦至今邗

本朝分省人物考 卷七十七 十一 湖廣 梁州

上稱先輩典刑者必歸焉

童承敘

童承敘字士疇其先隨州人元季始祖避兵居沔陽遂為沔陽人承敘方童時即解聲律諳詞章十餘歲通經史百家言登正德辛巳進士改翰林院庶吉士嘉靖壬午授編修乙酉以父中憲憂倚廬哀毀遂致瘳病服闋買舟至清源聞大獄起且念兄承德鰥處輒嘆曰此尚可逐逐狗祿仕哉牽帆而返未幾承德死矣人咸服承敘之為智且孝壬辰北上充 經筵官甲午充講官時 上御文華殿承敘進講周書立

政篇極陳王業艱難周公夾輔之忠詞意婉切

改容聽焉乙未充會試同考官尋陞中允丙申以歷朝訓錄成陞司經局洗馬仍理司業事承敘為司業嘗疏明監規五事飭學政六事上之皆鑿鑿可紀祭酒呂柟以推明正學為已任乃計樂律與典禮崇先王之化承敘之志咸與協合柟喜曰天作之合吾教其有與乎已亥 上因正冊儲位乃進左庶子兼翰林院侍講庚子奉命主順天鄉試撤棘之日人咸以得士稱權貴子弟被黜者或構之承敘弗理久之恬如也壬寅以省墓假歸未幾卒 上賜諭祭

本朝分省人物考 卷七十七 十一 湖廣 梁州

初 杲

初杲字啟昭潛江人正德辛巳進士授四川道監察御史會議大禮引經抗說同百官赴 文華門哭聲徹內 世宗震怒宣諭廷杖幾斃後手疏劾都御史席書不當驟轉禮部尚書儉邪側目是歲冬奉 旨巡視山西河東等處鹽法濟河渠築堤堰饑政大舉商民便之共立衛民祠以祀焉尋轉河南僉事分巡睢陳擒滅流賊王長子洪輔等數萬人河洛士民歡騰陞雲南按察司副使撫綏懷寧民夷戴惠轉雲南叅政奉表入賀遂上疏乞休歸田十有九年卒

夏寵

夏寵字時承京山人幼有神解讀書五行俱下綜博淹通議論卓邁正德間麻城賊攻其家父昌捍之力屈呼寵並逃時寵母未葬不去遂衰服守柩賊義之獨免于難後舉鄉試

商大節

商大節字孟堅號少峯承天人正德癸酉以春秋中湖廣鄉試再上春官不第遂領教洛陽讀書篤行以身先士六年而教成嘉靖元年應山東主考之聘於未成進士出令豐城召補兵科給事中風裁峻整不

本朝分省人物考

卷七十七

十三

李郁

避權貴七年奉命主試雲貴八年勘事江右嘉靖十六年起復以例降鹽城縣丞尋遷國子監丞歷刑部郎中十九年陞廣東僉事整飭高肇等處地方進山東參議歷官右僉都御史巡撫保定贊理軍務兼提督紫荆等關選將練兵以戒不虞庚戌夏召入內臺八月虜大舉薄京師甚急奉 上命巡視九門是時逆鸞以節急殺亂賊之語意有所指銜之入骨益鸞嘗陰遣家丁時義潛入虜營勾引入寇庚戌之變鸞獨引兵入援 上予錫駢繁寵眷獨渥已又冒總京營之命怙寵作威公卿至有不敢仰視者節義形於

色獨不為下已奉命經畧京城內外招募義勇四千人別為一軍訓練鼓舞軍聲大振鸞益忌之乃奏命節盡地分守而以離城二十里之內為節信地蓋欲以是穿之也節憤然曰不發其奸而死於逆人之手無名遂抗疏數其罪忤旨下獄麾下將領數百人相率詣闕懇寬請以身代無何華人自虜逃回者言逆鸞勾引亂華之秘鸞知禍在旦夕乃忿恚疽發背死竟以勾虜剝屍赤族 上於是憐節忠義將釋之乃遽卒於獄平生忼慨負奇氣忠信孝友得之天性而問學則以砥礪名節忠義為本遇事英發不肯以天

本朝分省人物考

卷七十七

十四

李郁

下第一等事讓他人故自其作教作縣司諫刑駁歷藩臬巡撫畿甸總憲內臺風裁勳譽卓然獨出于人表云

唐奉先

唐奉先京山人以進士為監察御史父本忠坐事繫獄奉先上書願代父刑 上震怒欲連坐已而感悟為貸其父改奉先為都督府經歷

錢鏞

錢鏞字鳴叔顯陵衛人生絕穎異讀書一過目不忘年二十六中嘉靖己酉鄉試庚戌登進士第出知江



陰錚性剛果遇事敢為時倭夷亂浙東 朝廷置督撫大臣鎮之錚以浙直層齒地彼有備賊必西向亟請繕城待之明年城成而賊果犯蘇松又明年賊掠江陰錚遣兵逆之斜橋三戰却之賊不敢偏城退營於定山會歲侵江陰羣盜亦起錚恐其翼賊稍招輯之誅其魁而解散其餘黨是年冬賊據柘林明年乙卯春賊自柘林入三丈浦騰陸疾趨青陽鎮已賊艘在三丈浦者為參政任環所燔乃奪民艘南趨無錫攻無錫城不克又還趨江陰錚禦之於石撞矢盡繼以瓦石錚被創猶鬪賊遂遁去錚策賊意未滿當復來預營華墅而陣賊果復來官兵斬首九級相距久之死傷畧相當乃更合常熟賊三千人析其半寇靖江而餘航蔡涇入偏城錚業領檄援靖江得報亟還江陰賊已度大橋明日攻城城守固賊移營蔡涇距城九里焚掠四野烟燄蔽天錚從城上望之嚙指誓曰剪屠烈矣奈何與此賊俱生耶乃騎而出背城決死戰時狼兵與所募甲士僅千人先是狼兵驕錚素折之至是乘其薄賊故望風潰走錚自督其所從卒兵廷錚墜馬復躍而上賊戟之下死焉年三十一巡御史周如斗上其事於朝詔贈錚光祿少卿蔭一

本朝分省人物考

卷十七

十五

李郁

子錦衣衛百戶立祠江上歲以春秋祀

高岱

高岱字伯宗京山人嘉靖庚戌進士歷刑部郎中衣敝垢同舍郎多誚之岱自若也會王事董傳策張翀給事中吳時來疏分宜父子不法狀詔逮繫獄將寘重典岱請大司寇鄭曉輕之獄上戍邊岱復為資裝微服送之出郊門分宜父子聞而銜之莫可為地會景王封諷銓曹出為長史岱好讀先秦古文為唐人詩多論著性戇好面折人過失復以仕淹浮湛王門無所建白卒著鴻猷錄樵論楚漢餘談弟啟嘉靖丙辰進士岳鄉薦皆有才名

本朝分省人物考

卷十七

十六

李郁

陳栢

陳栢字憲卿別號蘇山沔陽人童時沔守李川甫奇之至携之署夫人加盥沐焉而勞之酒食曰才固不乏州得童士疇乃又得陳生何易也及舉於鄉游太學益肆其力於古文詞交游日益進困公車者二十有二年而始成進士授兵部職方主事一再徙而長職方遷按察副使飭井陘兵備卓有聲忌者為流言中之竟坐調遂不出最後厭一切世法而始極意於金石竹素之業世亦屬趣而悅之長歌短吟若順風

以呼碑板卷軸不經而馳四裔自湖以南亡不知有蘇山先生者所著有江閣來青軒詩文選借山亭前集續集退樂軒詩選職方奏稿大業堂尺牘沔陽人物考數十百卷行於世

補遺

李宗信

李宗信承天府潛江人洪武監生授監察御史改大理評事出知保寧府躬均賦役驗丁覆實民賴之銓司奏績 上曰李宗信能臣也不在考列未樂間權交趾按察使忠義滋著吏民畏服乞歸賜以鈔俸

本朝分省人物考

卷七十七

十七

湖廣二

朱敏

朱敏承天府荆門人洪武壬午舉人未樂間拜御史風采凝重囊無贏餘嘗被抄沒惟敝衣一襲以是知其廉正卒于官歸葬命沿途有司祭奠

湖廣襄陽府

任亨泰

任亨泰襄陽縣人由歲貢入太學洪武十八年殿試擢亨泰第一授翰林院修撰二十五年改詹事院為府尋陞亨泰少詹事仍兼修撰二十七年癸亥 上重其學行擢禮部尚書時青州日照民江伯兒以母病割股肉食之不愈乃禱於岱嶽祠誓云母病愈則殺子以祀既而母病愈竟殺其三歲子祭有司以聞上怒曰父子人倫至重禮父為長子三年服今百姓無識殺其子絕滅倫理宜亟捕治之勿使傷壞風化

本朝分省人物考

卷七十七

十八

湖廣二

遂逮伯兒杖一百謫戍海南因命禮部定議旌表孝行事例行於天下凡割肝臥冰之事第聽其所為不在旌表之例又詔國子博士錢宰等至 上語正定蔡氏書傳且曰爾等知天象乎皆對以不知 上曰朕觀天象自洪武初有黑氣凝于奎壁乃文章之府朕甚異焉今年春暮其間黑氣始消文運當興爾等宜考古證今有所述作以稱朕意於是命翰林院學士劉三吾等總其事開局翰林院正定是書時禮待諸儒甚厚各賜以綺繒衣被等物二十八年三月泰上稟薨詔定喪禮亨泰奏以考之喪制宜輟朝五日

今遇時享宜暫輟朝一日服制與魯王同從之九月庚戌頒祖訓條章於内外文武諸司十月辛卯朔亨泰奏百官朝參賜食實出厚恩緣職事衆多供億爲難請罷賜從之十一月出使安南款諭國王日焜以中朝狀元又亨泰議論英發敬之盡禮至二十九年春二月使還 上聞其在安南私市蠻人降爲監察御史後以事免歸

廖昇

廖昇襄陽人以學行名與方孝孺王紳輩友善洪武中爲左府斷事 太祖知其賢擢太常少卿建文元年正月勅修高廟實錄昇與侍講學士高巽志副總裁昇博雅有史才明達負氣書靖難兵事語多撫實聞茹瑞等龍潭還慟哭與家人訣自經死

艾福

艾福字天錫襄陽人天順四年進士授監察御史成化初巡按山西考覈官庶黜不職者九十人旌其能者七人審錄重辟有童年十三分盜贓米一金憐其幼特請釋之三年按浙江以父喪歸八年擢光祿寺少卿陞正卿凡典御膳及諸供應皆區畫有定上疏請省異教供餼坐繫詔獄奪俸六月十九年擢禮部

右侍郎仍掌寺事累上疏乞休始命致仕家居八年卒年七十三計聞賜祭葬如例福爲人通儻習於世故晚在光祿爲近侍所侮累乞退避竟遂其志以去人以是多之

韓邦問

韓邦問字大經浙江人以父任襄府長史因家襄陽成化己丑進士歷大理寺正補淮安知府歷官刑部尚書廉謹縝密未嘗輕出一言所在盡職後歸休於浙尋會稽蘭亭故事與尚書王鑑之爲真率會卒

李端

李端字表正宜城人成化辛丑進士拜南道監察御史剛毅不撓屢忤權貴中官汪直憾之逮繫詔獄謫永寧安撫經歷遷温州知府

張纁

張纁字朝儀均州人弘治己未進士知原武縣召爲監察御史清修耿介與世寡諧有古名士風

劉存義

劉存義襄陽人號漢樓登嘉靖丙辰進士筮仕平湖正值倭夷猖獗邑故無城存義未任時署印殷節推已相土興工矣甫下車悉心料理以完前工而倭從

本朝分省人物考

卷七十七

十九

湖廣二

卷七十七

二十

湖廣二

乍浦直抵當湖督臣撫臣一時駐劄邑中諸事倚辦  
又親自率兵督戰立射死數人倭氣稍却退往他所  
後又同督撫胡公以計款首惡徐海潛出其不意將  
諸倭數百人盡焚滅于沈庄地方藉以安堵選入西  
臺論列關天下大計遷大理丞以病請告歸未踰年  
而卒

補遺

王 琰

王琰字良璧湖廣棗陽縣人成化十一年進士由行  
人選廣東道御史巡按淮楊真定建言廷杖卒

本朝分省人物考

卷七十七

二十一

湖廣

曹 璘

曹璘字廷輝湖廣襄陽縣人成化十四年進士由行  
人選江西道御史弘治元年建言下獄復職巡按兩  
廣三年疏請致仕

湖廣鄖陽府

周 清

周清鄖陽人正德辛未進士清操不樂仕進隱居元  
和觀隱真洞中教授生徒嘉靖初以父命出授浙江  
處州府推官以賢能應徵卒于途居鄉有改運竹山  
之功鄉人至今德之

朱 哀

朱哀鄖西人嘉靖丁酉領鄉薦歷官知揚州府同知  
值倭寇掠海甯哀率兵征之力戰死於陣事聞贈布  
政司參議蔭其子立祠祀焉

本朝分省人物考

卷七十七

二十二

湖廣

溫如玉

溫如玉鄖縣人嘉靖癸丑進士除行人拜監察御史  
巡按浙江復按按蘇松所在綽著風稔時江南  
寇初平之後物產凋耗如玉壹意汰墨鋤強以拊循  
其民四郡風被甦息  
卒如玉平生謹廉  
加人居顯官二十年故廬不增飾一椽上林頌之

人物考卷之七十八目錄

湖廣德安府

王興福

王鏞

陳壽

姚善

童寅

袁瓚

李

劉洪

陳金

饒鳳翔

嚴禎

王琰

華清

陳軾

周憲

本朝分省人物考 卷七十八目錄

徐珪

劉槩

顏木

向光振

高翀

傅鳳翔

余胤緒

何遷

吳翰詞

補遺

樊士信

程春震

湖廣黃州府

薛均

康茂才

吳山

戴綸



劉從政

吳琳

楊節

蕭昇

鄒來學

呂鏞

劉訓

梅芳

趙說

潘文浩

熊經

舒崑山

李汰

王麟

華巒

董朴

李文祥

周廷徵

劉璉

曾大有

本朝分省人物考 卷七十八目錄

陳言

劉天和

邢寰

石金

陳伯安

賈啟

劉淑相

王澄

蕭一中

毛鳳韶

張珪

劉采

張明道

胡明庶

胡明通

馮天馭

范芝

奚世亮

蔡完

耿定向

黃卷

王一鳴

陳文

洪祥

史玉明

李掾

補遺

丁普郎

賈啓

王廷陳

喻希禮

本朝分省人物考卷七十八目錄

三

本朝分省人物考卷之七十八

湖廣德安府

王興福

王興福隨州人元至正丙午太祖命興福守徽有善政遷知杭州時杭初附人心恟恟未安興福明於大體撫輯多方寬簡不苛大慰民望吳元年四月不雨至六月興福致禱立應歲獲有年洪武二年肇建山川壇于鳳凰山麓裡祀中節秩滿召還父老遮留興福慰諭遣之曰予匪能惠爾乃爾能奉法遵約束爾上聞而嘉之陟吏部尚書三年坐事左遷西安

知府

王鏞

王鏞隨州人洪武初以才能薦授鎮江府通判五年擢知嘉興府政績卓異入爲戶部侍郎尋復出知嘉興久之免歸

陳壽

陳壽隨州人洪武三十一年舉於鄉拜監察御史出補山東叅議召入爲工部侍郎永樂初漢庶人謀奪嫡諸官寮諸臣楊溥王愷等及壽壽下獄十餘年而卒仁宗登極贈工部尚書子璫亦有才名官歷戶

部侍郎

姚善

姚善字克一湖廣安陸人洪武中鄉舉為諸生時扁讀書所曰待旦軒歷祁門丞同知廬州重慶擢知蘇州府洞達政體張弛寬密允協時宜數造請郡賢考求治道因俗救正吏民嚮化治行為列郡最隱士王賓居於陋巷善往候舍車詣門賓問為誰曰姚善賓乃開門延語及賓報謁面府門再拜而返又將候韓奕奕避入太湖錢芹自守甚高願見不得有俞貞木者以明經見重月朔望必延致學宮講書訓士一日

湖廣三

劉

饋米於貞木誤送芹所芹受之吏覺其誤詣貞木以告貞木曰錢先生不苟取與今受不辭必仰府公之賢耳善聞欲往候使人先道意芹曰芹誠願見然芹民也若明公弘下士之風請俟月朔會於學宮如期至迎芹置上坐請質經義芹曰此士子之業公今有官守何不詢以時務而尚事此帖括乎善益起敬請問今日急務芹出授一簡竟不交一言而出視之皆戰守制勝之策時靖難兵已出北平善於是密結常鎮嘉松四郡守訓練民兵相約勤王而薦芹為行軍司馬建文元年善至京師書策防禦又從大將軍北

行尋還京建文君用漢破七國策貶齊黃於外善言於朝曰人有文武才畧可扶顛濟危者反置散地不用今事已狼狽須急召之詢其姓名不對再三詢之曰今人才豈有過於黃大卿者遂復召還二人建文四年詔善督五郡兵勤王未及戰 文皇即位索子澄急子澄避善所約共航海善謝曰公可去善不可去公朝臣四往號召圖興復善職守土義當與城存亡子澄遂去善為麾下縛見 文皇詰曰若一郡守乃敢舉兵抗我邪厲聲不遜死

童寅

湖廣三

王

劉

童寅字以敬隨州人永樂甲辰進士授監察御史出按蘇松以及滇南遼東諸郡風裁肅然補交趾按察使以母喪歸復除江西按察使廉介勤恪存心寬恕推明至公獄無冤滯既卒吏民哀悼護喪歸家無贏帛不能庇及其孥云

張瓚

張瓚字宗器孝感人正統丁卯鄉試明年第進士拜一部虞衡司主事甚有聲稱從石尚書璞督餉山西河南又從趙侍郎仁塞決河於山東沙灣裨益甚多二公才之湖廣白糧稅非土產為患甚大奏移於蘇

松鄉民至今賴之遷郎中會京畿民饑奏賑之而民大悅天順庚辰知太原府僅期月以憂去服闋改浙之寧波首定徭役法每十年而一變第其等有差於民甚便監市船中官福任怙勢贖貨民罔堪命乃疏其罪而福任爲之奪氣反中以計章下監司事得白而福任亦僅免其黨俱伏法成化丙戌遷廣東參政專總糧儲積弊久不能除請勅命軍衛有司悉聽裁處由是不律者始得繩之以法詔天下總糧者以此爲例六年遷浙江左布政使凡百利病悉興革之士民胥服甲午遷右副都御史巡撫四川首條禁約數十事榜於通衢切中民隱播州大壩灣溪等所自正統中征之未服分遣宣慰使楊輝進攻斬首先後計四百九十六級破十六寨餘諸苗素居化外者亦望風納款降其衆一萬二千餘人相其要會置官司以控制之凱旋乞歸省母得告卽行行至長壽聞喪會潘茂西番寇邊西鄙繹騷詔特起征之卽墨衰而往借副總兵某相機征勦無何黃草壩暨龍州諸寨以次報平其任昌等四十五族不煩兵而下惟西坡等處負固寇擾如故進兵撲之破其七寨於是潘茂悉定奏功計破虜寨二十二斬首一千七百級

本朝分省人物考卷七十八

四

湖廣三

伴獲人畜器械無筭隨處修葺橋樑增築墩堡數十廣袤加倍於舊己亥夏告成於上仍請終制於家未幾復自家召拜戶部左侍郎懇辭服闋改左副都御史命巡撫鳳陽所至植良卹艱撫綏有法無何以疾歿年僅五十有五所著詩文有土苴內外集議奏東征紀行錄征夷雜記又嘗刊程氏遺書伊洛淵源錄今盛行於世

李浩

李浩字德廣德安人正統丁卯貢士拜兵科給事中英宗御朝見其儀狀偉甚每欲超遷擢南京工部侍郎勅總京儲兼理屯政處置咸宜天順改元左遷貴州參政未幾轉貴州布政使適苗夷爲患拜副都御史往撫治之尋四州大壩夷亂統雲貴兵征勦所向克捷加二品俸卒

本朝分省人物考卷七十八

五

湖廣三

周鑑

周鑑字孔明正統乙丑進士選授監察御史出按江西大學士陳循子所爲不法鑑按置大辟還其所奪田廬子女若干陳切齒伺以中之無所得已風部遷雲南按察司副使終陳在政府九年不遷鑑所至汰墨理枉仍開寶泉壩積水溉田多至數萬頃後以通



考過家行江中風覆其舟有周濟者緣木從傍出谷舟得鑑尚端立無恙所賫俸金僅二百敝衣數襲貯革囊中驛吏自水底鈎以還鑑鑰識如故眾驚以為神尋陞山東按察使乞歸與布政李正芳僉事董應軫相友善三人者有雅望縣為建耆老堂于治右有大政及事疑而不決者必咨而後行之

陳金

陳金字汝礪應城人祖琳景泰中進士拜南道監察御史改知岳池縣撫流亡辯冤獄治儲禦寇以能著績擢按察僉事金舉成化壬辰進士知婺源邑人祀

本朝人物考 卷七十八

湖廣三 劉國才

之拜監察御史風采凝重歷擢副都御史巡撫雲南勞績茂著進南京戶部右侍郎總制兩廣軍務先是都御史韓雍開大藤峽金至值岑猛告變極力區畫疏改大藤為永通邊夷底寧進南京戶部尚書會江西桃源盜起詔總七省兵平之進太子少保復總制兩廣入掌院事值車駕南征還次通州時宸濠就執權璫江彬輩欲混淆功罪金首言濠不軌狀及王守仁伍文定勤王之功廷議遂定尋加少保致仕金虛直好善剛果有為志在立功不問家事年八十三卒

劉洪

劉洪字希範安陸州人成化戊戌進士授陽穀知縣徵為御史陞浙江副使廣東按察使擢右僉都御史巡撫貴州四川尋陞右都御史總督兩廣入掌南京院事守制歸卒於家詔贈刑部尚書賜祭葬洪儀觀脩整性度醇實與人言表裡洞達巡按得憲體在貴州時米魯餘黨煽亂洪効守臣之邀功開釁者數人乃帥兵討平之在四川松潘夷弗靖洪嚴法令禁奸植良邊人賴之以安兩廣潮惠二府獷賊出沒為患洪出師俘斬甚眾邊境屹然倚以為長城云

嚴禎

嚴禎字廷瑞孝感人成化丁未進士授大理評事擢衛輝知府性仁厚有古風為政平易不尚苛刻衛輝不戒於火延燬公署事聞當道欲罪守者禎引為已責全活百餘人去後民祠之孫志迪字子吉正德辛巳進士授南評事博雅好文早卒志業未究

鳳翔

饒厚安陸人祖政京出望江成化間以進士授府學教授遂家焉鳳翔為郡諸生事父母竭力逮喪晝夜哀寢柩側三年既葬廬於墓哭奠告面一如生依土成丘冢有甲枝鳥巢之越六年始歸朔望猶徒步

本朝人物考 卷七十八

湖廣三 劉國才

泣奠雖雨雪不廢不赴宴會服衰麻終身有司以孝行獎

華清

華清字廉夫應城人穎慧博給成化中進士授蘇州府推官以直免歸杜門吟咏自適為文爾雅尤工於詩兼通字學繪藝士人多傳之所著有西山集

王琰

王琰字廷用孝感人成化甲辰進士授戶部主事員外郎不避權勢戚晚張獲麟挾勢妄殺人琰直之歷擢山西左布政時北虜入寇琰多方運餉頗著勞勛

周憲

周憲安陸人弘治六年進士歷刑部員外郎謫袁州府通判正德改元復其官歷郎中大理府知府拜江西按察副使攻華林賊戰死之其子幹救之戰亦死是日憲以賊食盡會兵三面夾攻憲攻自北門三射輒中賊少却憲與其子先登逼之會賊以牆石滾下如雨軍潰被執憲頭中刀血流滿面左髀中鎗不能行猶大罵賊不絕口賊怒支解之以徇其子幹前救力戰竟墮崖死敗兵先昇其屍回營翌日以單裊裹屍還焉先是制兵者以馬腦華林賊竊發憂之會憲

到卽檄憲擒勦憲首擒廬山左湖盆塘賊百數軍為之振乃移軍奉新賊恐分立仙女寨以拒我憲拔之賊又立寨雞公嶺憲又拔之先後斬獲以千數於是進壁華林絕其出道塹之而守久之賊窘遣謀者言賊饑餓匍匐狀憲信之遂移檄會兵夾攻然它兵實觀望不進而憲獨與其子進逼之坐是敗而死年五十三善於星命之學初華林之役自言刑殺太重無制將恐不利已而果然

陳軾

陳軾字子敬應城人弘治乙丑進士知臨海縣有治聲召拜監察御史以抗直不徇時貴出為山西副使歷右副都御史巡撫南畿轉大理卿戶部右侍郎小心謹畏臨事精確有體不務矯矯之跡以病卒于官

徐珪

徐珪應城人弘治間以掾役刑部時閣宦李廣用事其黨楊鵬監東廠羅織朝士輒至死珪手疏數千言指斥廣鵬竊柄將不利於國乞革東廠或遣文臣兼理之有必斬臣首必行臣言等語詔獄治之竟除籍踰年主事陳鳳梧薦授桐鄉丞擢贛州府通判有平寇功陞知州致仕歸卒于家

劉 槩

劉槩字平甫安陸人正德辛未進士授行人諫阻武宗南巡卒于杖下嘉靖初贈監察御史

顏 木

顏木字惟喬應山人童卯岐嶷弱冠秀發壯而有志抗跡前古正德丁丑舉進士居都下與鄉人黃岡王廷陳頡頏聲譽然端雅峻潔人恒推重木益自信求同於道弗求同於俗乃竟干時禁外補許昌守先教後政綱目井井渥於澤下再期政成移亳州毫故有武豪石氏狎睢州守莫可誰何木鋤折不避而又貌

本朝人物考

卷七十八

十

湖廣三

視當樞人竟落職以歸怨者將梗於途毫民德之護持以行歸益淬礪自信曰彼能尼吾仕而弗能錯吾履能黜吾爵而弗能隳吾學吾將樹風立言示範來世屹然表正於淮漢之間自號曰淮漢先生首著家政以範俗次作州乘又作邑乘作七禮解作選詩評作十朝小識作興都志其詩若文則有燼餘稿行於世

向光振

向光振字伯羽應山人正德中領鄉薦性嚴謹絕俗正為古文詞奔父喪渡海遇風以身禱母病當應制

不行祖所遺產悉以讓其兄嘉靖中知四川高縣刻勵清操多政績當道重之卒於官

高 翀

高翀字允升安陸人初誕時母夢旭日墮懷中稍長能為七言詩喜讀蔡虛齋書謂為學不根理道而襲陳言是文奴也當沉思入微時座人問難不知所對會意而起塗涌百出率常屈其儕偶家故貧不屑依人以求濟人亦不敢以濟請嘉靖壬午舉於鄉會試落第或謂宜乞學職笑曰乙榜則可乞則不可予平生耻說乞字寧甘貧俟爾乙西北上遇遺金於途執

本朝人物考

卷七十八

十一

湖廣三

以俟其人至還之丙戌成進士授健為今調溧水內外服闋補東鹿召入為戶部廣西司主事累官至貴州巡撫右副都御史其為政極慮盡忠究於利公家而止或目為愚笑曰愚誠愚乎哉第人臣舍利鈍不計則志壹而力專為此思當吾心不敢以罔公家也令三邑不務新條格以奪民便廉刻自奉不改寒素鄉人過邑者對食脫粟飯笑曰昔家食時安得有此由健為過家貸于人而後能具裝叅議浙江會入賀御史撫毛瑣汚蠱之朝臣盡知其誣且言三操利柄不少濡染古心古貌浙之人能悉之謗遂不行久

之擢布政使拜右副都御史巡撫貴州會修三殿巨木皆徵於貴州祇役三歲乃竣諸苗故伺隙以逞時木政方亟無他餘力苗幸之相煽而起狎曰彼犬豕獨奈何欲窺吾短長昔議西南夷以服屬類從撫彼仇殺或迫於釁則然爾乃今大逆有叛狀倘以木政絀而撫之是貨之與平非撫也撫必不行宜撫其罪薄而弱者取其克頑者殪之惟以戰爲撫便議上命便宜行事叛卒李昂者擁衆稱雄黠夷酋倚爲援梗雲南貢道狎釋脇從離其黨使間內應乃揚兵臨之昂鼓噪至我兵四合內外夾擊昂乃成擒諸寨皆驚散滇人謂戡百寨不如除一昂向多鼓煽旣滅乃立保甲籍久旅給產授根籍以爲兵治貴五年伐木戡夷勢交發而幾微假借民不可使威望才猷無以屈羣策豈能理茲役哉性無飾智驚愚不以利鈍自枉故卒能昭顯邁迹用此道也花馬池邊垣不治狎謂定邊管接舊安邊管約三百里地皆可垣土堅岬峻者其力易惟浮沙飛走處鑿抵原土運客土築之爲力稍難然亦不盈百里拓此則東西千餘里戰守有據河套可復中丞劉是之上其議退居十一年八一卒命諸子曰行已率真心自合理智有所不逮人

本朝分省人物考 卷七十八

十一

湖廣三

將信之有意爲善善是而意非豈能信人又曰樸儉二字吾平生自信處汝輩無改父道喜讀書尤喜爲詩所著有奏疏集玉華詩文稿歸與稿藏於家

傅鳳翔

傅鳳翔字德輝應山人嘉靖癸未進士知上蔡縣拜監察御史歷叅政進僉都御史歷官兵部侍郎協理戎務性豁達才復通敏初築上蔡城區畫不擾民生祠之按江西浙江歷撫甘肅陝西及督餉佐戎所至大著風畧居家孝友處鄉以信義見稱卒贈右副都御史蔭一子賜祭葬

余胤緒

余胤緒字思孝應城人嘉靖癸未進士授南京戶部主事調吏部歷考功司郎中以考察不徇拂當路意免歸起南考功司擢南通政叅議太僕大理卿爲人孝友端方篤志聖賢之學而謙冲脩謹終始不易時望歸之後陞戶部侍郎以註誤免歸卒

何遷

何遷字益之德安人嘉靖辛丑進士歷官刑部右侍郎記問淵博多所超詣喜談性命之學主於圓融應世人不能窺其際爲文章耻剽竊與遠可傳詩有

本朝分省人物考 卷七十八

十一

湖廣三

唐風所著吉陽集數十卷友問四卷

吳翰詞

吳翰詞字子修應山人嘉靖庚戌進士授浙江東陽知縣清約節愛不阿權勢民愛之拜監察御史任事不避艱險按雲南風采卓然當是時分宜勢方熾灼御史復命者歸輒索重賂翰詞不能應遂乞告杜門人罕見其面性耿介方直一介不苟燕居整肅家人亦不敢近歷官十餘年惟舊居數椽比卒歛以緼袍敝屣士林稱之東陽雲南皆祠祀之

補遺

樊士信

樊士信德安府應城人洪武乙丑進士以兵部主事守淮河北兵南下士信禦之力不能支遂死之靖難後夷其族竟滅去

程春震

程春震字時舉湖廣雲夢縣人成化八年進士由建昌知縣選江西道御史十五年巡按宣大廣西以忤汪直謫安岳知縣陞順慶府同知馬湖府知府致仕

湖廣黃州府

薛均

薛均蘄水縣人父徵元兩淮水陸都統制從高皇帝渡江參知幕府督龍華軍事均生時徵夢人投萬鈞於懷中遂名萬鈞高皇帝命更名均少有奇節好讀書見羣兒逐戲輒唾去不顧里中人奇之已而補博士弟子治五經聲名馳著性峻潔清苦而敦孝誼會郡守李公以懷才舉保召赴南畿上十策高皇帝見而驚咤久之將大用而均陳母疾危放歸其明年上辟天下文武廉能之士郡人江勝等復以均聞因授辦事州同也而除揚州府泰州州同未久除知合州文皇帝詔入為陝西行太僕寺卿以內艱歸哀慟三年如一日凡三詔而均出授均應天府尹益尚廉明日飽餽粥茹菜文皇帝密使人廉之偵其日淡粗糲也笑曰人皆樂惟孤與均苦耳然庭無廢事應天先是以租稅不收當事皆以罪去均到官筭事展月即以完報頃之乞歸上特進均禮部侍郎固留均均拂衣去不顧性不善交多齟齬貴人及歸貴人謂均宦深多金也伺其出私發均篋惟其負一具貴人莫解也詰之故均曰遺兒孫無它長

令世業此當有以活矣貴人悵然噤口者久之其清苦如此歸剪茅構廬蕭然蓬茨足蔽風日諸當事貴人造均均匿不一見也晚號隱林野老吟咏自喜居恒念母甚構望雲圖詩若干讀之輒泣數行下云

### 康茂才

康茂才字壽卿蘄州人元季寇亂蘄州陷茂才結義旅捍禦立功至都元帥上渡江時茂才力戰立寨天寧州諸將以襄陽大砲破茂才寨茂才奔至京師不能脫率兵三千來降上喜得茂才立拜秦淮翼水軍元帥守龍灣取馬馱沙克樅陽改屯田使仍兼帳前總制親兵左副指揮使既破姑孰將窺建康上密諭茂才曰友諒且入寇吾欲速其來分其力給告以虛實非汝莫可使者對曰家有老闍舊事友諒令持書往必信茂才爲書言上不足與有爲兵弱地感四面勅敵僕委身困阱欲奮拔鱗翼倘大將軍分道進便當納款建康可唾手得也友諒得書大喜問康公安在曰守江東橋問橋何爲曰木橋遣關者歸書答茂才余某日至橋所呼老康公卽我應內外奮擊功成官賞不爾各茂才以書呈上上曰虜且墮敵中矣卽命善長日夜易橋鐵石友諒至見鐵石

橋愕然又連呼老康不應遣視管中瘠馬敵旗四散落落益大驚曰老賊給我語未畢伏兵四起友諒狼狽走得脫擒殺將士數萬茂才從破蘄黃戰鄱陽湖圍武昌有功陞副都御史收湖南敗吳巫子門戰尹山逼蘇州軍其北門吳平進督府同知從征下齊魯關隴鎮河中節制太原諸城再征漢中奉詔還軍中以疾卒追封蘄國公謚武毅子鐸洪武三年以茂才功封蘄春侯食祿千五百石賜鐵券

### 吳山

吳山字仲安麻城人洪武初舉明經任合州教諭善教士擢知內江縣以廉稱尋以憂去補知青城至石首卒山博學多聞尤精於春秋鄒來學輩皆出其門

### 戴綸

戴綸字經邦蘄水人英邁方正篤孝友長音律領洪武庚午鄉薦任山東道監察御史出按山東風裁凜凜與學士解縉交善解撰譜敘親書送之以糾劾忤時貴謫廣西梧州府通判章疏愈激烈再謫庫官尋改監倉檄鎖盤糧作木伴歌詞時貴益欲拘繫而中以危法第坐之無隙也尋止綸行已歷官清苦自持

而忠憤一節又有足以媿王魏於地下者鄉人至今稱之

劉從政

劉從政字恭明麻城人洪武癸酉鄉舉第一人登甲戌進士拜監察御史蹇諤抗直彈劾不避歷河南山西參議皆清慎綽著能聲卒于官

吳琳

吳琳字朝陽黃州人應澍之子性純愨力於問學洪武中召為國子博士歷浙江僉事入為起居注進至吏部尚書致仕弟琛字文錫任衢州知府

本朝人物考 卷七十八

楊節

楊節樊城人洪武末以明經行修授徐州知州政以厚俗為務郡大疫遣醫治療躬自督視捐俸以給貧者獎拔士類皆翔厲於風教任六年屬邑各上疏留之擢大理知府

蕭昇

蕭昇字彥高黃岡人永樂丙戌進士拜監察御史九載上疏省親 文皇帝命給道里費賜勅褒之中允王愷贈之文稱其禮以律身明以折獄皂囊曉進臺閣生風白簡夕森奸回落胆其見重朝署如此

鄒來學

鄒來學字時敏永城人永樂庚子鄉選擢宣德癸丑進士拜戶部主事嘗督軍餉於陝西又奉勅以便宜總理預備倉糧於淮揚等郡還陞員外郎靖遠伯王驥征麓川夷奏請隨行來學督兵當前鋒出奇制勝降附者不可勝計靖遠伯上其功陞郎中內艱服闋陞通政司右叅議俾總督永平山海兵儲正統己巳虜酋犯順京師戒嚴特陞右僉都御史提督永平山海軍務兼撫順天永平二郡至則申嚴號令簡練部伍往來要害之處躬親相度整飭因言承平日久武備懈弛軍士雖多而精壯者為權豪所占宜加懲艾

本朝人物考 卷七十八

十九

又言京師四塞之地虜酋敢深入者以有險不守故也今宜分遣文武大臣有勇智者選在京士馬分守各處關隘振揚聲威首尾相應虜若深入則內外夾攻必得其利廷議聽之景泰癸酉陞左副都御史勅兼提督居庸紫荆倒馬等關凡所在鎮守等官悉聽節制又建議謂畿甸迤西山川固為險阻而夷坦者尚多宜使分闔武臣日加修戡據險而守 上嘉納之甲戌秋巡撫蘇松常鎮諸郡上言蘇松之民疲困極矣雖寬郵百方饑者日若乞以今年輸京米三十

萬石已徵者悉貸予民來秋聽臣肇畫償官庶國賦不虧小民得濟上從其請於是首發倉廩振饑窮勸農桑修水利又謂糧莠不薶則嘉穀不遂乃察官吏之奸貪與凡大家之暴橫者悉繩以法由是小民咸惜其來之晚而奸利豪家且相與飛語以撼之屹不為動行之益堅又建議謂往年蘇松等郡之糧俱軍兌輸京頃因邊警調軍征守令民自輸遂至役民十五萬加以盤費之資須銀三十萬兩米四十萬石正糧數少浮用數多民所以重困也今邊境頗寧軍以無事莫若仍令軍運軍用其力民資以財兩適其便

上可其奏未滿任疾卒于官

### 呂鏞

呂鏞蘄水人宣德丙午舉於鄉授萬安學教諭陞河南宣陽知縣有政績調福建清流縣時縣寇鄧茂七陷清流邑無城廓可恃鏞拒之力不能支具服端坐庭中抗罵不屈遂為賊解體清流人士哀其忠節於阜城廟祀之

### 劉訓

劉訓字忠言麻城人正統己未進士知金壇縣有惠政時邑士王豪錢樹俱貧訓為給俸資遣遊學後

子俱登第性儉素公暇躬治蔬圃以自給巡撫周忱為僉魚菜戶各一人以供助之擢拜監察御史廉直有風裁冢宰王顥特疏薦其治行為天下第一尋拜山西叅政卒今祀金壇名宦子璉登弘治庚戌進士

### 梅芳

梅芳黃陂人正統間領歲薦性朴實多大節初任福建布政理問平寇于餘有軍功居鄉力行古禮鄉人冠婚喪祭視以為法所生五子不易師而教三子登科歷政有聲致仕二十餘年非公事不出題其壁曰故舊不遺請托勿許里中稱篤行者必曰梅幕云

### 趙說

趙說麻城人性孝友以詩書教授鄉里父母同日而沒說號慟欲絕者屢負土成墳廬於墓側有二白鵲馴擾人以為孝感之祥正統間旌表其門

### 潘文浩

潘文浩黃梅人正統間由監生任廣西灌陽知縣至誠慘怛薄歛省役生平不起非念神明可質治有虎噬人浩為文禱於城隍越三日虎伏死廟門毛鞞若有笞杖痕嶺獠奸黠素為民患不可制乃以恩誘其党而術縛之繇是疆場寧謐在任十有五年擢梧州



知府

熊經

熊經字載道麻城人登成化戊戌進士授無錫縣令有惠政諸生邵寶吳學輩皆資給賞拔于塵埃中卒為名臣時相臣作石檄於太湖欲毀民居開河以通其舟經獨拒之六載以內召去至京遇有中傷之者出知陝西隴州未期以疾乞致仕時年四十九經性剛氣豪風流洒落善談論敦孝友與林士章友士章夫婦同卒遺孤甚幼經以女妻之卒存其孤有東溪集行於世今祀無錫名宦

本朝人物考

卷七十八

二十

湖廣三

舒崑山

舒崑山字楚瞻號青丘麻城青丘山人幼奇穎登成化甲辰進士授主事員外郎中知建昌府陞廣東叅政布政擢副都御史所至有政蹟能文章一時碑碣多出其手

李汰

李汰蘄水人字清之性仁厚謹禮度氣質端莊重義輕利居常以紫陽家禮為節持身以敦行孝弟為先少失怙終身哀慕領成化丙午鄉薦任江西永新訓導陞義烏教諭歷有教聲聘福建試事有以黃金私

謁汰辭謁者曰腐儒耳汰謝以詩云義利源頭頗識真黃金難換腐儒貧莫言暮夜無知者充塞乾坤有鬼神其人慚愧致仕卒門生故舊哀挽送至著立庵稿

王麟

王麟黃梅人親誠孝竭力甘旨不計有無父葬廬墓三年經明行脩聞望夙著時目為王孟子吳頴第後梅制科稍滯麟獨下帷憤勵遂領成化辛卯薦以開後繼故邑有三十年前無舉子王麟今日破天荒之稱所得坊貲悉分給貧瘠及族之不能輸允者大業未就而卒

華巒

華巒字伯瞻蘄州人布政使仲賢子蚤負雋才弱冠發解登成化丁未進士選翰林庶吉士性凝重文詞清麗館局多重之授編修尋卒

董朴

董朴麻城人少魯攻苦誦讀日不能識數行鄰父見而憐之謂其父曰郎君不慧讀書非其質也奈何苦之曷不令牧耶朴聞之憤巧工畫一牧子牧牛置座右益奮勵堅苦力學比長而發慧卒成進士以文學

湖廣三

顯累官大叅中年家居時按楚直指使者朴門人其秋當王監臨欲中朴子先時緘書起居朴密封所擬秋試經旨寄朴朴發書覽而火之竟不以示子子故亦績學負雋材者後科遇別直指監臨亦得中式是爲士毅號三泉朴叅江藩時三泉爲舉人家食遣僕候朴宦邸朴召至榻前問舉人家居何爲僕對云里中比年大侵餓殍塞途舉人日募工瘞殍骸幾千計矣朴惻然又問曰舉人故實甚募工費何能辦曰每一殍計工費穀若干斛皆貸于族叔某也朴曰是義當爲者因還書勉三泉大略謂凡義所當爲者闒然本朝分省人物考卷七十八 三四 湖廣三

一青布袍一革靴耳赴任時諸子請曰大人平生志節兒輩能諒一切不敢覬望矣第念大人年高蜀中多美材後事可爲計也三泉曰唯唯既致政歸諸子迎之水次問請曰往者所請命爲後事計者如何曰吾聞之人云杉不如栢也子曰大人今所具者栢耶笕爾曰吾茲載有栢子在種之可也劉端簡曾師事三泉其清節亦有自乎

李文祥

李文祥字天瑞麻城人成化丁未進士 孝宗卽位上永保天命疏觸忌諱謫陝西咸寧丞數月卽召還擢職方司主事改中書舍人以言事下獄復媒孽成狀下司寇議罪文祥毅然誣伏不辭復竄滇南衛經歷文祥至立均差法招寨長申罷場禁久而安之按察副使吳公檄兼學事都御史鄧廷瓚奉 命征南苗谷兵畧太奇其才以憲職薦尋以齋表入 覲京師疏兩上告歸不許卽南還省母大雪中行數百里商城曲河冰隕陷焉士論惜之

周廷徵

周廷徵字公賢弘治己酉舉人除臨淮教諭起復改安福徵補山西道監察御史出按陝西時安化王寘

鑄反廷徵斷以先發後聞之義即調榆林鎮副總兵  
遊時源等兵分布要害仍授揚英以計為書密達仇  
鉞卒以此擒之并首惡何錦等械送京師 朝廷遣  
都御史楊一清太監張永統兵始至張愧其功不由  
已乃追還寘鑄別自報捷而又盡奪寧夏將士功以  
與諸倖貴紀功給事中郝夔懼而自盡寧夏幾至再  
變賴廷徵威信素孚又為撫定而白直其功於 朝  
疏內云臣不知他日繼郝夔之死者何人而今日握  
劉瑾之權者尚在郝夔蓋徵以自誓而劉瑾則指永  
也尋陞九江兵備副使會流賊劉六等欲浮江窺南  
京廷徵至晝夜籌畫號令一新賊覘知有備遂回掠  
六合霍州通泰等處而廷徵以勞瘁過當疽發于項  
卒

劉 璲

劉璲字士約麻城人登弘治庚戌進士授江西豐城  
縣尹愷悌果斷與學育才邑有淫祀首毀之以正  
俗其自守狷介不私一錢以克私橐至微歛有力  
民樂辦奸胥巨猾亦不能索一錢也述職為江右良  
有司第一卒於京豐人至今思之

曾大有

曾大有字世亨麻城人弘治癸丑進士授知縣徵拜  
監察御史振紀銜憲直聲震于臺端忤逆瑾除名瑾  
敗起擢知府累陞江西布政使

陳 言

陳言字萬言黃梅人器度弘雅文學該博成化丁卯  
領鄉薦任泗州學正迺生儒以古行不拘屑文藝及  
尹都昌清勤仁恕四民浹悅疾卒於任如喪考妣追  
慕不已合循吏潘劉楊為一祠祀之號四公祠至今  
兩地教養模式尤推重於言云

劉天和

劉天和字養和麻城人正德戊辰進士授主事改監  
察御史出按陝西忤逆瑾被逮謫金壇縣丞瑾敗起  
湖州知府轉陝西提學副使擢都御史巡撫甘肅訪  
求趙充國金城舊蹟舉屯政西盡青海裔夷効順以  
憂歸嘉靖間漕河淤塞起視河道先是都御史盛應  
期創開昭陽湖靡費罔功天和躬負畚鍤疏汴河自  
朱仙鎮至沛縣飛雲橋殺其下流又疏泰山七十二  
泉自鳧尼諸山達南旺湖濬其上流運道遂通進兵  
部尚書提督三邊值北虜吉囊悉眾入寇天和占象  
緯襲敗之加少保召入招督團營值俺答不孩入

寇以言者論免尋卒謚莊襄

邢寰

邢寰字伯宇黃梅人志行端方才識超絕總角時司衡者試賢哉二大夫論超軼繩尺繇儒士領薦登正德戊辰上第會科道缺人下弭盜議遴補復稱 旨超擢刑科給事中尋轉禮科都給事以犯顏諫諍為已任 上領之呼曰酸子禁中有為輒問近侍曰邢酸子得無知平時欲遠狩寰拜伏五鳳遮阻內竊知之從後載門逸出其為 毅廟敬憚如此後忤中貴謫廣德州判官調太平郡貳陞南昌知府恤確興賢剔蠹振滯萬口掄頌病卒如喪考妣有過靈視於正門行者三學生徒緬德奮義爭執紼發鞠云

石金

石金字南仲黃梅人幼而渾沉長而淳篤為諸生動必循矩正德辛未進士拜監察御史按廣西值土官岑猛亂後撫臣姚鏌處治稍乖部落復擾廷議起兵部尚書王守仁代之與同心勦平十八寨營立縣治值張桂用事臺中諸御史如儲良才輩爭附之變易國是金獨立敢言與漢陽戴金風采凝峻時人目之曰楚有二金臺中錚錚居亾何同御史喻希禮上言

本朝分省人物考 卷七十八

二十八

湖廣三

時政大要謂帝王無為而後能有為無逸而後能享逸率作有功當法大舜而以二世為戒惇大成治當法文王而以元帝為戒疏上俱謫戍久之宥免卒

陳伯安

陳伯安黃陂人賦性方正初任章丘知縣擢拜西臺忤逆瑾謫南充尋謫丹陽教諭瑾敗起知靈璧正德七年有巨寇楊虎者入寇被虜大罵不屈賊欲刃之毅然不避賊驚異遂釋之賊退甕石築城民賴以濟建生祠祀之官至山西副使

賈啟

賈啟字啟之黃岡人正德辛未進士授知縣拜監察御史擢光祿少卿尋以事謫徽州推官累遷都御史巡撫延綏啟多材藝慷慨談邊事甚覈歷官所至多治績及致政家居恬約不殊布素鄉人稱為篤行君子云

劉淑相

劉淑相字養忠麻城人正德甲戌進士授南京兵部主事值 武宗南狩參贊尚書喬宇選一人奉迎諸司皆憚行相獨請往宇壯而許之果得 旨還宇始奇其節 世宗正統 興聖皇太后尚留興邸宇命

本朝分省人物考 卷七十八

二十九

湖廣三

淑相往扈蹕夙夜宣力以底乃績尋轉北兵部郎中歷陞順天府尹執法秉直權貴多憚之未幾與內閣訂奏下錦衣獄褫職歸卒于家

王澄

王澄羅田人天性孝友德量弘雅起農家潛心古學領鄉薦十餘年惟教授生徒而已登正德甲戌進士國朝羅田甲第自澄始初令番禺有政績徵入歷戶部郎中時奏尚衣監太監王其奪良牧署民產地利歲省民租役銀一萬二千有奇奉命督淮餉歲大饑捐俸以賑全活甚眾次江西次遼東次壩上通州俱有聲聲無疾卒于官

蕭一中

蕭一中字執夫正德丁丑進士授知新城縣擢貴州道監察御史疏援馬祿逮繫詔獄貶廣東按察司照磨陞分宜知縣晉東昌府同知南京刑部員外郎郎中復以劾夏良勝大禮疏草再貶饒州通判吏部侍郎霍韜憐其才陞平樂府知府浙江按察司副使河南右叅政江西按察使浙江右布政使轉左布政使卒一中性剛直廉介所在著名譽屢折弗回居鄉亦弗廣置田廬二子俱夭故不能盡傳其功業云

毛鳳韶

毛鳳韶字瑞成麻城人正德辛巳進士授知浦江縣有善政擢監察御史上弭災八事其大者如復舊制以革鎮守此尤關於天下利害之最切者巡按陝西雲南守令以下皆望風解印綬去班列一空尋謫嘉定州判官歷陞推官同知終雲南僉事博學有文名有聚峰文集藏於家子孫至今科貢不乏

張珪

張珪字國信嘉靖癸未進士為刑部郎中御史馮恩上疏論大臣得失都御史汪鉉大怒欲置之死珪執不可得從未減遷直隸太平知府值旱蝗珪令捕蝗者給以穀民爭捕之蝗竟息踰年乞歸環堵晏如久之言官薦徵守鎮江維時盜出沒江洋珪以計擒渠魁數人境內始安陞廣西副使坐事左遷吉安同知尋轉工部員外郎郎中出補廣東巡海副使尋擢廣西右叅政未聞命卒珪性沉毅人不可以私干

劉采

劉采字汝質號安峰麻城人采昆仲咸以文行著時稱河東三鳳嘉靖巳丑進士時永康持國秉縉紳附之以采為會試所拔高等特嚮意采至不肯違眾一

謁補守宿州既蒞宿益自節約卽一蔬不以厲民而能發摘奸伏一日遙望獄中有異狀心動果因謀逸須暮發也鞠之有驗伏辜又民詭愬有人自經死其門者不知名氏采視其色有隱遂執按之得其奸抵罪屬歲大稔米斗百錢而漕臺督輸急宿民嗷嗷采請移帑羨金轉糴爲民代輸俟秋償漕臺意異移文格之采竟矯申前議民獲蘇至秋民纏纒輸償卒無負者遷戶部員外郎郎中遷四川布政司叅議督理黃冊蜀王遺金幣腆甚一無所受晉廣西按察司副使粵西夷部錯居有司煩苛以致負固不逞時部使

本朝分省人物考 卷七十八 三十三 湖廣三 湖南七

者議勦采抗議撫使部使者憾其抵已上章刺采賴當事者故諳粵西利弊乃不直部使者而賢采晉雲南叅政入覲晉廣西按察使旋晉廣東右布政嘉靖之季政府得以賄交自信州始采人覲適信州當國諸計吏謁相國率薦金幣代羔鴈而采獨否後分宜嗣秉政溺賄特甚銓政濁亂以是滯右轄三年不調秩滿始轉福建左轄蒞任踰年晉右副都御史巡撫山東維時由藩司進巡撫者率致數千金爲政府謝采獨無一縑之餽達空函問起居而已尚書趙某者分宜私人也借勢整毒朝士憚如豺虎一歲銜命

視師海上鎮巡以下率踰境趨迎郊勞贈貺金累數千計其過東土也采第令候吏持空刺迓之趙手其刺恚之諸司聞者惴惴或以告采第發一噓耳巡撫山東時民苦採鑛而命下嚴急諸司靡廩不敢違迓采上疏請緩詞極婉剴獲允御史某請開膠萊河通海運上可其奏因遣視采條其不便者五御史不能難事竟寢庚戌虜薄郊圻詔近畿撫臣提卒駐臨清諸處扞蔽後歲沿以爲常士卒疲苦采疏罷之晉南京兵部右侍考績北上晉戎政國營協理采受任自矢曰我無橫草功蒙恩至此卽有急便當以身殉耳踰年虜患寧復改佐戶部時大司徒以錢刀不辦獲譴采攝篆世廟徵發劾午水衡錢告竭采疏請裁諸費不經者不報南京鎮武營卒亂司徒黃遇害廷議代者采語家衆曰必我昔人畏國營故使我今人又畏南戶若併矣將誰使趣治裝果以采往比至條畫度支便宜事凡運艦至計道里遠適分定便庾以省諸餽費戒主計者剔室一切收支蠹孔由是轉輸者所在稱便辛酉以災異自劾免丁卯穆宗登極起南京工部尚書任改南京吏部尚書尋改南京兵部尚書叅贊機務時士紳資適逢世多喜

本朝分省人物考 卷七十八 三十三 湖廣三 湖南七

興事就功而采故任真自如恪守舊章鎮以寧靜往時脫巾士懷憫恩威寧戢歛縮母敢譁者乞休歸三年卒年七十四謚端簡祭葬錄廕悉如制

張明道

張明道字希程羅田人嘉靖己丑進士授都察院都事歷刑部郎中擢紹興知府陞江西按察司副使明道少有大志視世利如敝屣發明晦菴綱目啟迪後人有濂洛關閩之風五十始登第清守如故敷歷中外政績著聞為一時循良之冠尋乞休歸滁志稱其攻苦食惡尹吳江日民立去思碑於三忠祠同邑萬

胡明庶

胡明庶羅田人嘉靖乙酉中鄉試第三名壬辰登林大欽榜進士觀政通政司卒於官平生孝友篤志力學尤精理數嘗取蔡邵皇極律呂二書朝誦夕思章分句解或衍為圖其所自敘又揭中與幾希盡益二書之旨書成名曰蔡氏性理二書圖解行于世

胡明通

胡明通羅田人孝友篤學幼育於諸兄事之如父同居四十年庭無間言領戊子鄉薦以兄疾不會試者

三兄卒服衰經人以為過弗恤也撫孤如子中有爭產者出已所有平之學宗程朱邑中弟子多師之嘗語人曰只此主敬窮理便可詣聖賢域人稱名言授知信豐縣值歲飢設法賑之益以常俸有巨賊擁眾突至城下通曰城小食寡兵弱備弛何以為敵親往犒以牛酒諭以禍福賊驚曰胡侯也遂引去劇盜丘承泉負固不服親至巢穴招撫丘遂來庭受約束三載考績以士民保留復任三載陞金華府通判甫一月聞母墓崩圯嘆曰生不祿養死不表阡吾耻也遂致仕家居儉約如寒士里閭咸敬信學者稱東郊先生所著有征邁集等書兄明庶同舉於鄉以文學齊名著有元溪等集人稱二胡公云

馮天馭

馮天馭字應房蘄州人登嘉靖乙未進士授大理評事改御史巡視太倉轉南畿督學御史杜私謁先行誼置學田以贍貧乏由是風教大振庚子病歸癸卯復補南畿督學申令約束其所拔識多瓌璋士歷中外顯任以績焯奕所至著聲陟大理寺丞少卿晉都察院右僉都御史協贊院事陞刑部右侍郎改吏部右侍郎及左銓銜進刑部尚書舊例冢宰缺則大

司寇恒代之天馭佐天官久諳習銓事故物論允協久之致政歸卒天馭容止既佳吐辭復雅識者以爲有大臣度早從鄒守益學終身篤信其平生孝友恭恪雖天植自然而造詣醞藉得之聞見爲多立朝服政二十餘年言論風采鬱然有公輔之望

范芝

范芝字德和黃岡人性至孝有儒才父嘗病滯三年芝侍養寒暑不變未嘗一解襟帶比卒羸瘠骨立殆不克喪醫療數年乃起好學洽聞生徒數百多致顯位兄姊子貧不立者推產贍給之嘉靖間除知定遠縣善除惡招撫流亡捐俸備賑邑稱大治竟以母老棄官百姓遮留不得進乃輕服遁歸所著有三秀集

奚世亮

奚世亮字明仲黃岡人嘉靖丁未進士授南京戶部主事權稅以廉著肅清紀法條陳便宜轉郎中改刑部同知延平府時倭夷寇閩或止之世亮曰承平受爵秩臨變而避非忠也單車行日事禦寇移攝興化府倭夷至圍城者踰月世亮與武帥分城而守親冒矢石拒之南城陷亮猶西向迎戰身被數鎗死之一二月寇平始得遺骸於旗亭事聞贈右叅議蔭子論

蔡完

蔡完黃陂人性孝友重義厚倫自幼甘貧閉戶讀書年二十中嘉靖甲午鄉試歷二十三載未嘗竿牘有司第丙辰進士初任蘭谿令釐弊貞度撫民潔已秋毫不染以賢能徵百姓願留補御史赫然有聲尋卒於京囊無私積僅存匹紵一時同官者莫不哀悼相助有差觀歸不能殯巡撫趙以贖鍰助葬

耿定向

耿定向字在倫黃安人嘉靖丙辰進士少借友生講業即以興起絕學爲己任及登第擢監察御史時冢宰吳鵬與分宜比濁亂銓政向抗疏論罷之分宜奪氣按關西所薦舉後多爲名卿者行李蕭然或餽以石經慮疲役夫卒留之境上作留經記壬戌改督南畿學政不以清紫業薄待諸生而誘進以正學構崇正書院當其忘言默證灑然一笑不啻曾唯顏喟二程之吟弄以歸也有馴行異等者拔之儕伍中檄有司禮聘入試至里巷小民仍訓以聖諭六條而謂童子虛明當養以正特敦遣社師以教之以故家誦戶弦一時比於鄒魯云生平愛惜人才獎拔善類每



授揭政府錄用之人無知者嘗劾新鄭相褊狹乏大臣度新鄭相以此憾向以大理丞謫州判新鄭罷薦起累遷至同寺少卿陞都察院右僉都御史丁內艱去是時江陵以奪情起復與朝士構與向漸異矣及服闋薦用特出向巡撫福建向寓書諷其還諸諫臣不能用會向復丁外艱去江陵尋敗臺省交薦補都察院協理僉都御史晉左副都尋轉刑部侍郎陞南京都察院右都御史申臺規收三撫臣抑新進風聞彈事者朝論譴之陞戶部尚書總督倉場八疏乞骸予告歸家居七年卒年七十三贈太子少保謚恭簡

林朝宗人物考 卷七十八 王一鳴

晚年力疾答郭方伯書幾萬言大旨謂孔子之立達火傳無盡所謂賢于堯舜者此也孟子願學孔子以子弟從之孝弟忠信為勲庸以距詖放淫為天吏之征討以守道待後為創垂之統業可謂為巫函不為矢匠而善於擇術者所著有庸言奏疏續草應迹碩輔寶鑑先進遺風數學商求小學新編閨訓禮纂牧要編譯異編儒宗傳大事譯學彖觀生紀等書行於世學者稱天臺先生

黃卷

黃卷黃州人初官北部出補山西僉憲晉陝西少叅

已晉憲副即解紱歸歸年四十五春夏間家眾悉驅之田作而獨與其妻操杵曰炊釜作飲食躬荷而饁之嘗假農具鄰舍鄰舍子其昇送之卷曰此何時也奈何妨汝務遂自肩之如田焉性故孤介而嬰情山水城邑經歲不一至至則市童撫掌指曰黃公來也客至徐起臨庖服饋鼻衣治具具無兼味治畢乃盥手更衣出縱談名理因及疆場事奮然有請纓之志移日不輟一榻蕭然不啻僧舍造其室接其論若游于羲皇之世云

王一鳴

王一鳴字子聲又字伯固號石原又號叅上黃岡人也幼即以穎異稱弁而出試督學使者大奇之弱冠舉于鄉登萬曆丙戌進士高第授太湖令不能旣骸以事尊官調臨漳令亾何卒於官生平慷慨多大節其於世味澹如也古今竹素多所閱覽文宗史漢詩不徒規倣杜工部務求抉其精髓每一讀輒批評而封識之如此者凡十讀十批評焉蓋亦一志攻杜氏詩者矣

陳文

陳文字簡之麻城人授崇明知縣遇風潮大變奏請

賑濟活三千餘命以擒海賊施珙父子抗言巡按某調陝西知延川陞鞏昌府通判督甘肅餉時冢宰王瓊謫戍綏德文與之唱和甚歡王起總制三邊益加優遇巡撫趙載王堯封巡按陳某以文章政事交薦陞戶部主事員外歷俸八年以不附銓司出爲襄府左長史文爲人外和內剛以聖賢自期待及門之士有躋華要者終身不少假借居官以清介自勵歷任幾三十年田廬不改其舊有自怡集存于家

洪祥

洪祥字士高黃梅人德性渾成無疾言遠色事親孝養備至服勞終身不怠父友璋病癘年餘起卧粥餌衣被垢穢必躬治之未嘗解帶一日強坐謂祥曰吾病將愈汝姑去就室留一僕扶我足矣士高陽諾而陰伏父寢旁夜父欲起溺呼僕不寤力殆而仆忽一人參脇驚曰爾爲誰士高曰兒也知父晝所云者漫語特候於此則相持泣曰天乎兒孝至矣吾其痊乎已而果痊祥與妻益竭力承歡優游十餘年及父卒思慕不置見父形於醮薦鏡中人謂誠孝所感云士高喜讀書明義理死生利害了無疑滯壽九十七卒號曰隱德先生子六人俱賢

本朝分省人物考卷七十八

甲

湖廣三

史玉明

史玉明廣濟人父早喪事母至孝及母卒玉明傭工自給有山數丈田一畝以父祖墳墓在焉寧受飢寒不肯出鬻構蓬墓側以居有虎過之玉明拜虎低迴而去鄉人曰而急易而居不爾將不免泣曰焉有父祖在此而爲虎所食吾居決不易矣每遇陰雨蛇蝎侵苦塊間玉明視若固有鄉父老或來勸曰汝死後此山此田終屬他人孰若鬻備衣棺以終身母爲自苦也明又泣曰吾寧死於溝壑安忍賣父業以備己之私乎嘉靖初以病卒于墓蓬中僧隣永鑑顏友緣等憫其純孝貧甚爲備殮具葬於祖墓東鄉士大夫嘉之集衆建亭樹碑以志之其亭曰孝子亭其碑題曰孝子墓云

李掾

李掾名學梅麻城人初爲臬司幕掾當世宗賓天詔下諸司哭臨時掾伏亭下哭之獨哀督學顏冲宇義之因晉署司刑功曹掾兄弟凡四人掾爲嫡且長餘孽子掾父暱諸孽而疏薄掾田宅便利者悉與諸孽故諸孽富厚而掾獨窘其祖不平欲訟諸官掾跪祖膝下泣曰弟吾手足父鍾愛弟卽愛我奈何以廢

鼠傷父意祖乃已母死掾廬墓三年獨棲林莽間暑雨一益嚴冬一藁席又苦貧日拮据生理出必返即深夜必至墓所一夜至墓近溪澣忽雷雨暴作溪漲不可渡乃持蓋立溪上望墓踊號曰兒在此如是者達旦又一夜雪積數尺許鄰有張姓者意掾苦雪或他之深夜往矚席藁臥雪中沒不可辨環視久之始見雪中隱隱一髻高張益嗟嘆轉語諸人父死亦廬墓側如喪母從事刑曹督臬獄舊吏督獄者值審囚時可得若干金乃掾不以一毫自免且從家裹糧餽粥以飼囚之無告者又有囚法不應死掾檢牘得其

本朝分省人物考

卷七十八

四十二

湖廣三

補遺

丁普郎

丁普郎黃州府黃陂人從征友諒有功授行樞密院同知復與友諒戰死於鄱陽身被十餘創首脫猶執兵若戰狀直立不仆贈柱國上將軍封齊陽郡公從祀康山忠臣祠

賈啓

賈啓字啓之湖廣岡縣人正德六年進士由涇縣知縣選河南道御史巡按宣大建言謫徽州府推官陞本府同知累陞右副都御史巡撫延綏致仕

王廷陳

王廷陳字稚欽黃州府黃岡人年甫卯日誦數千言能文章弱冠魁鄉試登正德丁丑進士選翰林庶吉士補吏科給事中武宗南狩與脩撰舒芬庶吉士王應軫上疏阻諫上怒杖之廷謫知裕州以忤監司免歸林居三十餘年日以詩文自娛所著有夢澤集

本朝分省人物考

卷七十八

四十二

湖廣三

行于世嘉靖中巡撫顧璘疏薦起用上賜緜帛優待之不果用而卒

喻希禮

喻希禮湖廣麻城人嘉靖二年進士由紹興府推官選福建道御史建言謫戍卒隆慶元年贈光祿少卿

人物考卷之七十九目錄

湖廣荊州府

王賢

唐本忠 附孫素

劉翼

裴璉

裴承祖

鄒師顏

唐貞

譚思敬

傅獻

韓守益 附子春

劉雋

楊溥

劉傑

楊翰

傅啓讓

張純

本朝分省人物考 卷七十九目錄

一

何忠

王恂

汪浩

李愷

王軾

劉懋

趙鑾

趙士賢

汪宣

蘇昭

伍文定

袁宗臯

鄒文盛

潘子秀

劉思賢

劉寓生

張璧

鄧鉉

王俊民

高文光

王之誥

張居正

陳大賓

劉一儒

曾可前

袁宗道 附弟宏道

本朝分省人物考 卷七十九目錄

二

本朝分省人物考卷之七十九

湖廣荊州府

王賢

王賢字希昭江陵人性公直尚義洪武初入太學與友王讓同居讓以事往江南以故人所贈銀十兩并已衣一篋托賢收之未幾賢除鹽城尹攜之任讓回授泌陽令尋卒後十餘年賢致仕歸召讓子以所寄與之其子曰父素貧安有物寄乎沒時言未及此賢曰人無信不立如子卻之後何面目見故人於地下耶遂強授之其子發封見父故衣乃泣而受

本朝分省人物考卷七十九

唐本忠

唐本忠先監利人徙荆山幼聰哲才氣不凡厲志問學會倪文俊起沔陽聞本忠名召之本忠拒不住洪武初舉經明行修授京山教諭建宮墻育士類甚有初始之績後以事被逮免歸卒孫素景泰癸酉舉人知崑山有殊政官舍園中種茄諸子每食人給一枚後徵南道監察御史羸馬敝衣時所推重

劉翼

劉翼字子羽監利人洪武初以明經授安慶訓導拜監察御史風節稜稜挺然獄立時親王有假法駕出

城者已獲命俞旨翼爭之愈力以忤旨逮繫十年方釋而歸

裴璉

裴璉監利人洪武中以明經薦知劍州遷浙江僉事執法不撓被誣褫職起監察御史以平寇功擢河南副使以事免尋改刑部主事歷侍郎璉好持風節事所當為即得喪夷險以之

裴承祖

裴承祖長陽人洪武中以秀才異等拜監察御史命同御史張亨等八人署都察院事承祖劾奏武定侯

本朝分省人物考卷七十九

郭英私蓄家奴擅殺無憚上命議其罪已而有之

尋出為浙江僉事治獄平允不事苛刻擢江西按察使

鄒師顏

鄒師顏字希聖宜都人洪武中監生授戶部主事永樂初改行在監察御史劾御史李公敏娶監囚親屬為妻廉恥道喪詔命都察院鞫之風紀肅然權貴斂避陟大理寺丞擢禮部右侍郎

唐貞

唐貞夷陵人領洪武丙子鄉薦歷官兵科給事中抗

直敢言聲起 朝宁間永樂己亥卒于官時 仁宗以太子監國因為文遣給事中胡廙往祭有屢進直言恭勤不懈之句卒後家止土屋一區不蔽風雨其廉如此

譚思敬

譚思敬巴東人洪武二十三年以貢任四川大竹知縣徵授兵科給事中以言事切直出知岷縣尋陞山西平定州守卒于官思敬守已愛民勸課農桑民皆殷富至今人思慕之今鄉人相傳行誼高卓一廉自矢累官回行李蕭然不治廬舍

本朝分省人物考 卷七十九

三

湖廣四

傅獻

傅獻松滋人吳元年授江西行省官陳友諒既平擢中書省左丞歷叅知政事與李善長定律令奉 上德意務從簡當洪武元年 上郊廟議時京師火災四方水旱相仍 上諭修省獻以天心仁愛為對引罪自居於是詔中書省及臺部集 講求彌災事宜

韓守益

韓守益石首人洪武中監生授宜都教諭作士有功召拜監察御史與子春同改右中允守益問學博雅

屬文其於詩尤渾沉可誦先是方孝孺入補建文召改翰林院為文史文翰二館子春守益列侍法筵有言必盡

劉雋

劉雋字子奇江陵人父從政夢天降赤幟上書雋字是夕雋生因以為名幼磊落不羈讀書日記數千言下筆成文蔚然可觀洪武乙丑登進士改翰林庶吉士擢駕部主事陞郎中革除中遷右侍郎尋改侍中成祖入正大統復改兵部左侍郎本年陞尚書總制十二月命嚴武臣冒襲之禁初 上即位念諸將勤

本朝分省人物考 卷七十九

四

湖廣四

勞既老而無子孫弟姪者特許養子及婿襲職一次用報前功其後有負緣易姓冒襲者故特禁之又定軍功襲職例四年丙午日南于紀王師問罪擇廷臣有文武全才者總督軍務雋首受命運籌畫策夜以繼日師壓賊境罔不克捷既獲元惡餘孽以恩結之日南之民得以靖謐凱旋 上深嘉之六年餘孽嘯林堡構患愈深 朝廷以雋聲威昔著夷賊攸伏仍遣與大將軍黔國公往勦之雋曰此行吾當盡除逆賊以死報國師行萬里直抵化州夷人聞之懽忻鼓樂獨首賊抗令不服雋好謀慮勝親冒矢石令軍前

後掠敵所至輒有奇效一日以前軍得捷襲寇至大安海口遇颶風大作揚沙走石莫辨南北進則人馬難行退則敵衆掩合且戰且行略無退意卒致後軍弗前勢孤援絕遂陷賊圍挑之使順雋罵賊曰劉尚書雖死 天朝豈無劉尚書乎王師復至爾輩死無遺類口誦杜甫詩日出師未捷身先死長使英雄淚滿襟賊見不協鼓衆而進遂遇害事聞 上悼慟不已 皇太子諸王皆遣祭後 仁宗馭極遣官諭祭賜以誥命贈榮祿大夫柱國少傅謚曰愍節官其長子爲給事中

本朝分省人物考 卷七十九

五

湖廣四

楊溥

楊溥字宏濟石首縣人夙稟醇質刻志苦學革除己卯舉湖廣鄉試第一胡儼典文衡批其文曰初學當避三舍老夫亦讓一頭地既而中庚辰進士授翰林院編修永樂二年 仁宗正位東宮溥經局洗馬兼編修一日東宮問漢廷尉張釋之之賢溥對曰釋之誠不易得然世豈無其人但無文帝寬厚仁慈之君用之爾釋之固難得文帝尤難得也退采文帝關治道者編爲事類以進 皇太子嘉納之十二年七月 車駕北征東宮遣使奉迎稽緩漢王高煦譖之

本朝分省人物考 卷七十九

六

湖廣四

上怒曰此輔導者之咎也黃淮先至下之獄楊士奇金問繼至 上曰楊士奇姑宥之朕不識金問何人乃爾得侍東宮命法司鞠之詞連溥及芮善王愷遂俱逮繫淹禁十年家人供食數絕又 上命叵測日與死爲鄰溥勵志讀書不輟同難者止之曰勢已如此讀書何爲曰朝聞道夕死可矣五經諸子讀之數回不以貧窶患難介于中 仁宗登極釋溥擢翰林院學士入閣典機務本年陞太常寺卿仍兼學士洪熙元年正月己卯建弘文閣于思善門之左 上親握閣印授溥曰朕用卿等于左右非止助益學問亦欲廣知民事爲理道助卿等有所建白卽用封識以進十一月丙申溥密疏言事 上褒荅之賜寶鈔綵幣宣德初復還內閣預修 兩朝實錄以溥爲總裁官元年高煦反既平陳山請襲趙王溥與楊士奇執不可趙邸獲全十二月 上召溥語及治兵之道溥曰兵貴訓練有方撫養得宜 上曰養之厚則得其心練之精則得其用必氣銳志果而後可用若不訓養一旦驅之矢石之間進退失措何望有濟溥曰誠如 聖諭四年正月 上御齋宮召溥諭以 祖宗創業之難守成之不易自古國家禍亂每生於不虞

溥以聖人治不忘亂安不忘危為對 上曰滄海之大皆由江河之助古之君臣更相戒飭克致太平比來人臣多進諛辭卿宜輔朕於善道對曰直言非難受言為難 陛下樂聞讜論臣敢不殫竭愚衷是年秋以母喪去任詔奪情起復居禁中以便咨訪如弘文故事不與機務十月 上幸文淵閣制詩一章賜之五年正月實錄成賜溥白金衣幣九年秩滿陟禮部尚書兼學士十年 英宗繼統命溥復入閣與楊士奇楊榮同知經筵正統三年總裁 宣廟實錄成加少保禮部尚書兼武英殿大學士溥首言自古聖賢之君未有不由學而能致治者 先帝在御時時切論此事 皇上肇登寶位必明堯舜禹湯文武之道以興唐虞三代之治早開經筵以進 聖學豫擇講官以供其職及選左右隨侍之人輔養本原 上皆嘉納又疏言近年清解軍士北人苦于瘴癘南人苦于嚴寒又西北二邊急于防守而所在壯勇之人乃發戍南方且洪武中犯死罪者不分南北發戍所以宥其死而懲其惡永樂宣德以來憫其遠道艱苦留操近地所以全其生而圖其用今邊卒清解者宜悉從南北所宜發戍庶幾人宜水土兵政有備詔廷

本朝分省人物考 卷七十九 七 湖廣四 吳科

臣議行之十一年卒于官年七十五贈太師謚文定溥為人謙謹小心篤于操履雖延接吏卒亦不敢慢嘗曰士君子一言一行幽明無愧然後無負于父母生身之恩又曰人必有躬行之實然後可以訓子孫初鄉試為首選胡儼典文衡後儼為祭酒溥已在禁垣終身執門生禮儼亦不辭人兩高之

劉傑

劉傑江陵人幼敦行以孝弟稱于宗黨永樂十二年舉經明行修擢吏科給事中彈劾無所避出同憲臣振覈師旅且物色機密傑不欲要功希寵士論賢之

本朝分省人物考 卷七十九 八 湖廣四

尋補雲南布政司叅議分轄金滄興利剔弊民夷翕服謝政歸甚貧時謂各位不及愍節而廉介稱之滇人至今崇祀

楊翰

楊翰荊州人永樂間以貢授直隸廣德州守坦夷周慎勤恤民隱興學育才善政最多嘗以事被逮父老詣闕懇留 朝廷嘉之遣官慰勉賜勅還職尋陞戶部主事尤能其官

傅啓讓

傅啓讓石首人永樂壬辰進士歷河南僉事清慎有



為奏築堤以禦河水九載考最中州士民奏留之命復原職陟大理寺少卿讞議公平尋出督餉浙江

張純

張純字志忠江陵人永樂辛丑進士宣德初授監察御史值歲大旱乃捐銀帶簪珥易粟為粥活民正統中擢僉都御史上言十三事疏上允行撫畿內風紀丕振入掌南京都察院拔偽黜貪尤得政體擢兵部尚書

何忠

何忠字廷臣江陵人舉進士為監察御史有能名永

本朝分省人物考卷七十九

九

湖廣四

樂中以言事陞政平州知州忠聰敏有政事才居官廉慎不妄交處為御史持正論莫敢干以私當言事時忠以疾家居眾御史以所言事示之忠為增損皆切于事情請知政平民皆翕然安其政雖深谷蠻酋素頑獷者亦樂於趨事後以計事至布政司寧橋之敗賊乘勝進逼城下人心惶懼成山侯王通詭謀與賊和為書遣山壽家人遺賊謂朝廷宥其罪賊果信引兵退先是密遣人奏事俱被賊遮留至是賊以朝廷宥罪遣頭目陳渭老等奉表謝恩通遂遣忠及千戶桂勝與渭老等同入朝實欲上達賊情請益兵

征勦至昌江內使徐訓泄其謀忠等遂被拘留賊素聞忠剛介有學識誘令從已忠不聽後以刀鋸臨忠曰從則生不從則死忠瞋目視賊大罵曰我天朝臣子恨不斬汝以歸報朝廷肯從汝反求活耶罵不絕口又以刃逼勝勝亦不屈忠父子及勝同日俱遇害時宣德三年五月忠初被拘即賦詩以死自誓云

王恂

王恂字用誠公安人初名振以同中官名改之宣德庚戌進士選翰林院庶吉士授檢討轉修撰遷大理寺丞巡撫貴州克舉邊務民夷懷畏召改右庶子管司業事尋擢祭酒恂謹厚喜誘迪諸生循循不倦比卒遣官致祭給舟歸喪

本朝分省人物考卷七十九

十

湖廣四

汪浩

汪浩字弘初石首人景泰辛未進士授南京大理寺副天順初出補四川按察司僉事時成慶潼嘉諸郡寇作浩多方經略擒斬萬餘擢僉都御史巡撫四川平劇賊趙鐸等加副都御史往討都掌叛夷尚書程進督戰益急浩言發其窖藏軍餉益裕卒致底定論者以其殺降誦配北鄙人皆究之所著有平西錄

李愷

李愷江陵人景泰間舉人知永新縣縣有梅花峒民  
梗化不趨賦役者殆百年愷單車詣峒諭以恩威擇  
數百人詣縣克者吏義官人皆感服擢吉安府同知

王軾

王軾字用敬公安人以進士授大理評事審錄四川  
用刑平允陞四川副使值貴州黑苗叛播州土官請  
征之軾廉知其情遣使招諭叛苗咸服擢本司按察  
使清決滯獄囹圄為空進僉都御史提督巡江轉副  
都御史總理京儲劾弊剔蠹尋討貴州酋婦來魯事

本朝分省人物考

卷七十九

十一

湖廣四

平加太子太保謚襄簡子貢賞領鄉薦有父風賞早  
卒以孝行聞

劉懋

劉懋字勉之江陵人成化壬辰進士拜刑科給事中  
封駁無所避值權閹汪直用事懋首劾之尋論昭德  
貴妃專寵被杖 詔獄復出為浙江僉事憂歸不起  
懋明爽遇事剖決不滯疾惡太嚴與人不苟合家居  
數十年足跡不至城市號不垢子

趙鑿

趙鑿字廷振江陵人成化辛丑進士授大理評事廉

恕詳審權雲南僉事訟牒有午治之無留滯土官不  
法及掣肘難治者立寘于法勦平菁寨邊境用安建  
昌與南詔土酋讐殺鑿躬往撫定朝論臆之會擬遷  
擢病卒

趙士賢

趙士賢字孟希石首人舉弘治癸丑進士為翰林庶  
吉士初為戶科給事中內艱服闋改授兵科累遷都  
給事中前後所上疏如廣聖學躬儉德省賦稅厲士  
風及選帥練兵令勦戚子弟入國學禁道流為太常  
正官皆切治體有都御史子冒功乞陞者劾沮之出

本朝分省人物考

卷七十九

十二

湖廣四

使蜀楚遼諸府不受餽遺覈大同邊儲力去姦弊倉  
官待支多老且死者曲為區處俾生還鄉邑後遇諸  
塗皆泣送不忍去逆瑾竊政不悅于都御史雍泰撫  
嘗薦泰者孟希與馬恭毅劉東山俱落職為民瑾敗  
乃復起為江西布政司左叅政時羣盜方熾按行郡  
邑夜宿新塗賊突出山澤間孟希為所擁義不往諭  
以禍福賊羅拜曰我輩安敢犯公惟藉以自庇耳且  
擁且行至會昌賊所過殺戮孟希輒止之曰若等與  
彼皆吾民也汝欲殺吾民寧殺我耳賊為少戢會官  
兵四集孟希乃得出歸藩司病卒年五十二

汪宣

汪宣字懋卿江陵人成化甲辰進士初知華亭拜監  
察御史時權閹李廣敗頗連大宦太宰屠瀟以為不  
必深究宣疏劾之數其黨護及壞選法數事人稱其  
難巡視松江貪墨望風解綬而去

蘇昭

蘇昭宜都人童稚時日記千言後為南平令致仕一  
日江濱遇一孤子守骸而泣昭問其由對曰父知巴  
縣没于此死無所依昭遂出貲斂之助還成化間邑  
人杜姓者五人飢甚逼食于人執于官誣以盜罪昭  
上書當道得伸

本朝分省人物考

卷七十九

十三

湖廣四

伍文定

伍文定松滋人弘治二年進士初授常州府推官以  
事忤逆瑾已陞成都府同知追逮詔獄為民瑾誅補  
嘉興府同知平桃源賊有功都御史陶琰以異材薦  
于朝陞河南府知府時江西吉安多盜乃調吉安至  
即禽永豐巨寇賴招壽等四百餘人平桶岡賊得渠  
魁謝志山等宸濠反詐奉 太后聖旨移檄遠近人  
心惶惑文定即同都御史王守仁倡議討賊提兵攻  
南昌濠舟師還救迎戰于王家渡文定立矢石中督

戰砲火燎其鬚而不為動濠遂就擒陞按察使進都

察院右副都御史提督操江久之以疾致仕尋起為

兵部右侍郎陞右都御史屬雲南有安鳳之亂陞兵

部尚書兼都御史提督雲南川廣軍務未入境賊平

時苾部屢不靖文定欲乘兵力勦之以伸威百蠻四

川按臣戴金力言其非 上遽降旨罷兵名文定還

督團營文定因乞休許之至是卒詔賜祭葬如例文

定孤忠自信遇事敢為不能與時為俯仰故功烈甚

著然以粗悟終其身為志士所深惜云

袁仲臯

本朝分省人物考

卷七十九

十四

湖廣四

袁宗臯字仲德石首人少俊異有大志弘治庚戌登

進士辛亥 恭穆興獻皇帝初分封安陸之國選克

長史勵精奉公 獻皇慶得賢相事無大小悉裁決

焉嘗降 溫旨袁長史厚內方外正學篤行盛德長

者也益見信任釐弊戢姦衛從有強取民財者廉之

不少貸由是府中憚其嚴肅無敢擾州民賴以安堵

豪民萬世傑等緣王庄疆界結訟數案不能直致鳩

衆張幟不逞撫按莫敢誰何宗臯單騎詣之舉正其

界翕然受命癸丑陞正四品俸級丁巳 獻皇奏臯

歷任既久輔導以正宜加陞擢 孝皇帝授正三品

進階通議大夫正德乙亥 獻皇復表臯清謹有年  
政事練達 武皇帝賜旨勞之進江西按察使秩仍  
舊輔導辛巳 世宗入繼臯扈從至良鄉 上覽禮  
部具儀謂臯遺詔以吾嗣 皇帝位非為皇子臯曰  
主上聰明仁孝實天啓之蹕次京城行殿輔臣楊廷  
和固請 上由東安門入臯曰 今上繼序即帝位  
可復行藩王禮耶因正色厲聲呼闕大明中門入登  
大寶臯翊贊新政益效靖恭凡所建白悉為國家無  
窮之基四月二十二日陞吏部左侍郎兼翰林院學  
士先 武皇帝時內豎乘逆瑾餘烈縱恣不戢臯首  
請裁抑止給役禁闈不得預政事典兵柄繇是闈尹  
屏縮朝綱肅清五月初十日遷禮部尚書兼文淵閣  
大學士素剛正清介入居台衡大小師承京師苞苴  
無敢至門者八月初二日 上簡儒臣備日講臯預  
知經筵敷陳墳典明聖剴切 上注聽為之改容因  
欽賜奴婢各六人初為長史時中酒晝寢偶夢一美  
姬扶床蹠請曰妾備李白洲下陳今願治相公帷箔  
驚覺召黃夫人語異之既而李以黨宸濠敗妻孥沒  
入官至是所受賜婢李姬預焉則昔夢中人也定數  
之不可移如此九月朔遘疾 上命御醫診視中官

本朝分省人物考

卷七十九

十五

湖廣四  
朱秀

間病革上疏敬還所賜奴婢不從遺命各放寧家  
寢疾七日卒年六十九謚榮襄

鄒文盛

鄒文盛字時鳴公安人弘治癸丑進士授吏科給事  
中命覈兩廣兵儲上言災異十事按事遼東條例邊  
計進戶科疏陳崇節儉省課稅飭邊備廣儲蓄深切  
時政忤逆瑾出守保定府擢山東叅政會劇賊破州  
縣極意撫輯遷雲南布政使值貴州土酋嘯聚香爐  
山擢副都御史巡撫征勦克之蠻焚懾服賜勅褒賚  
進右都御史掌憲留臺振肅風紀僚屬不敢骫法以  
干政者進南京戶部尚書召入戶部值四方水旱蠲  
租賑荒調停邊餉悉中時宜忤宰輔乞休卒贈太子  
少保謚莊簡

本朝分省人物考

卷三十九

十六

湖廣四  
朱秀

潘子秀

潘子秀字人傑江陵人幼穎異日記數千言弘治癸  
丑進士授戶部主事有能聲馬端蕭器之調文選員  
外郎精于品藻補江西提學副使振教造人卓有可  
紀

劉思賢

劉思賢字用賓石首人弘治丙辰進士歷戶部郎中

正德間以忤逆瑾繫獄免會瑾誅起重慶知府累遷工部侍郎恭慎端慤踐履不苟囊無儲物寒約終身

劉寓生

劉寓生字奇進石首人弘治乙丑進士選庶吉士與湛若水穆孔暉講明性學拜監察御史抗直敢言以忤逆瑾免嘉靖初起福建僉事致仕杜門寡交自奉類寒素云

張璧

張璧字崇象石首人早擢省闈屢試南宮不利益肆力學問晝夜探索僑寓京邸起居服食人所難堪而

本朝分省人物考 卷七十九

十七

湖廣四

一燈伊唔誦常達曙時學士劉五清汪石潭有聲詞垣嘗謂人曰張崇象鳴世才也正德辛未舉進士選翰林庶吉士授編修文望益起甲戌乾清宮災上修德勤政講學三事壬午世宗龍飛首開經筵璧與進講器貌端肅儀矩偉然敷陳古訓明懲剴切時司寇林見素以事待罪璧講君使臣以禮有耆德舊臣當加敬禮之語上為之改容乙酉被命以官諭出典南畿文衡一時髦俊多在甄錄戊子父憂卹典加厚命給驛還庚子陞南京大宗伯癸卯召還北部通議建太廟羣論紛紛酌議以對制遂定欽天太醫

監院率多冗員順天鄉試舊多冒籍璧奏覈去五十餘人宿弊一清與河南許一時並進內閣人望翕然以病瘞卒年七十一謚文簡

鄧鉉

鄧鉉江陵人領正德丁卯鄉薦授南陽知縣性清介不阿治行茂著徵入為御史以直忤于時遷柳州守布德施惠民夷懷服推廣東副使有遺愛及巡海會有採珠之令鉉焚香與諸從事誓一無所取致仕歸家徒四壁清苦若儒生士林重之

王俊民

王俊民字用章號南湖荆州人正德甲戌登進士第銓授蒲州知州擢大名府同知有巨璫家故居城中怙勢侵占人地宅一切奪還之陞福建僉事兵備汀漳汀漳道連三省多盜每訟必牽引數十人經年不結至即理滯平寃庭無留案時閩中叛卒糾平民為漳南巨患設策分布民兵往捕并其黨擒之地方獲安秩滿擢廣東左叅議時田州土官煽亂朝廷命出師征勦冒險觸瘴督糧餉以給軍士賊平轉山西副使後改福建巡海副使內艱服闋補河南副使兵備大名轉廣西右叅政陞廣東按察使轉本省右布

本朝分省人物考 卷七十九

十八

湖廣四

政入覲京師先是部使者欲誣入人罪俊民與論齟齬部使者銜之竟爲陰中乃調雲南會有詔徵滇產黃金丹青甚亟移文督派恐小民受擾每就中必爲寬假雖見忤使者不顧安南構亂時議欲討平之乃區畫兵食日懷隱憂會有驅兵民轉餉者地方洶洶自危一日閱士轅門軍衆鼓譟露刃欲爲變羣相視錯愕莫知所爲俊民徐呼使前諭以利害皆感泣聽命毋敢譁者而亂隨以定疾作卒平生恥奔逐初第坐其姊爲宗人妻得外補其後姊氏逝久且乏嗣制得無碍俊民一無所陳請或問之曰某若是是干進也竟不聽雖久官家無他贏論者謂其爲廉介君子

高文光

高文光公安人登嘉靖戊子鄉薦簡重雅飭好學強記旁羅百氏幼失怙母苦節自貞光善事之孝養備至初授四川巴縣令勤慎慈惠視民若傷推鞠以情幾至無訟賦役與民期會不事鞭笞民亦無後時興利除害皆以實心行之一邑仰其廉平比入覲相率繪像私祀無不願其復任者然光素不樂仕進懇乞休歸銓司爲改廣之遂溪至任甫七日慨然思隱遂三和淵明歸去來辭以歸當道莫能挽留居家二十

本朝分省人物考

卷七十九

十九

湖廣四

年絕迹公庭時或困于衣食有司者爲餽粟帛皆不受清介之操始終無間生平學陶評者謂與潛後先無忝云所著有擬陶詩及自祭傳銘等篇并北覲稿燕翼錄懷谷詩文稿若干篇

王之誥

王之誥字告若石首人儻有大志不喜浮沉甲辰進士初授吉水縣令擢戶部主事庚辰虜寇近邊進逼京師誥以轉餉時給戎務練達改兵部郎中才猷益顯陞河南僉事征施尚詔有功轉參議尋陞山西參政時分宜父子中外夤結倚附者多誥獨中立事敗 肅皇重之徑陞遼東巡撫都御史召入爲兵侍掌團營陞南京兵部尚書尋轉北刑部尚書誥性愷直不少委曲又執法積忤中貴遂以母老歸養雖歷大官囊橐蕭然可謂清白君子矣

張居正

張居正字叔大江陵人嘉靖丁未登進士高第改翰林院庶吉士授編修居正頎然玉立秀眉目美鬚髯鬚幾至腹沉深有城府莫能測也時嚴嵩首輔而忌徐階諸善階者皆避匿居正行意自如嘗考會試其門生自喜容于嵩能得嵩意居正衆斥之曰李樹不

本朝分省人物考

卷七十九

二十

湖廣四

代桃僵耶亟去母辱吾門衆稍莊憚之遷右春坊右中允領國子司業事待諸生嚴亡所寬假而獨與祭酒高拱善尋還理坊事遂以選侍 裕邸講讀王賢之邸中中貴人亦無不賢居正者進右諭德兼侍讀預校永樂大典尋進翰林院侍讀學士領院事 世廟崩階草遺詔以居正遷禮部右侍郎月餘進吏部右侍郎兼東閣大學士尋克 世宗實錄總裁至秋進禮部尚書兼武英殿大學士亡何加少保兼太子太保時年僅四十三當居正之進閣閣臣凡七人居正最後拜獨謂輔相體當尊重於朝堂間出一語輒本朝分省人物考 卷七十九 三十一 湖廣四 陳元

中的人以是愈畏憚之重于他相矣當是時 天子頗好游而重武居正上疏言六事一曰簡議論二曰振紀綱三曰重詔令四曰覈名實五曰固邦本六曰飭武備疏上褒諭下部院議行居正以善筆札諸公有密勿疏草多委之如救給事中若星御史詹仰庇停取戶部金三十萬請 皇太子出閣講學其草皆出自居正時同列諸公去且盡獨居正與高拱在兩人相得益密會北虜請入貢通互市亦惟居正贊之初以滿三載加柱國進太子太傅再以六年滿加少傅吏部尚書建極殿大學士兼支大學士俸遼東戰功加太子太師和戎成加少師 上一日甫視朝忽馳而下躡於陛間第云國有長君社稷之福語且不了了居正與拱趨而掖之起還宮卽不豫者月餘居正察知 上骨立神朽慮有叵測爲處分十餘條札而封之使小吏持以投馮保卽有報拱者急使吏跡之則已入矣拱亦不知爲何語第恚甚至閣面詰居正曰昨密封之謂何天下事不以屬我曹而屬之內豎何也居正面發赤不能答徐而曰吾日與飲食通公安能一切瞰我拱謂實然不復置臆而 上崩拱與居正惓然具遺詔草拱復自具草以聞凡數事皆欲效司禮權歸內閣馮保聞之意不善也 上方諒閣拱有請必報可以爲能得 上心而嫉所善言官四五人列疏論保謂必下拱卽擬 旨逐之而使其心腹韓楫報居正行且建不世功與公共之居正陽笑曰去此閣若腐鼠耳卽功胡不世也陰使人馳報保得預爲備而以計逐拱居正旣代拱首卽請還楊博吏部頃之 上御平臺召居正面諭曰 父皇昔在御日嘗一再聆德音謂先生忠而高拱邪先生幸自愛悉心見輔因賜居正金幣及繡蟒斗牛服居正頓首泣謝謂今國家要務惟在遵守 祖宗舊制不

紛紛更改至于講學親賢愛民節用又君道所先  
乞 聖明留意 上曰善時 上幼冲虛已委任居  
正居正既得國亦慨然以天下爲已任中外想望丰  
采是時 上當崇奉 兩宮故事 天子非嫡生而  
尊 皇后稱 皇太后若生母亦稱 皇太后則別  
徽號于 皇后以別之馮保欲媚 上生母李貴妃  
乃風居正以並尊於是下議尊 皇后曰仁聖皇太  
后 皇貴妃曰慈聖皇太后而 兩宮不復別矣居  
正之爲政大約以尊 主權課吏實信賞罰一號令  
萬里之外朝下而夕奉行如疾雷迅風無所不披靡  
本朝分省人物考 卷七十九 三五 湖廣四  
乃媿快于意 上以師臣待居正凡所下 御札皆  
不名稱先生或稱元輔南京戶科給事中余懋學疏  
請行寬大之政居正以爲風已奪其職爲庶人御史  
劉臺居正所取士也由刑部郎改居正擬以爲德而  
臺居頗近數刺得其陰事而惡之俄出按遼東遼東  
捷御史不當報而臺誤報居正以故事裁斥臺臺益  
惡居正且自分不得免遂抗章極論十餘事居正怒  
甚見 上俯伏而泣不肯起 上爲下御座以手掖  
之而曰先生起吾爲逮臺竟其獄以慰先生臺至下  
詔獄 上命內閣杖之百而遠戍之時物議頗繁制

居正不自安乃具疏爲解得不杖而奪職還里尋禮  
部舉會試而次子嗣修與呂調陽之子與周皆中式  
居正等以嫌請避不允於是假其柄於四維次名二  
甲第一既進御 上啓姓名則拔嗣修一甲第二人  
而名居正謂曰無以報先生功貴先生之子孫以少  
報耳居正叩首謝亡何其父封少師文明卒同列以  
聞 上遣司禮中貴人慰問起居絡繹道路三官賻  
贈白金共一千五百兩鈔萬錠時加恩居正雖踰於  
他相數十倍然未嘗有意留之同年戶部侍郎李幼  
孜等倡諛辭謂 上冲年不能親萬幾一日不可無  
本朝分省人物考 卷七十九 三四 湖廣四  
相公遂以奪情之說進而居正惑矣乃陽上書請乞  
守制而露意馮保使固留之時有識者皆以爲非而  
王錫爵與其僚張位趙志臯吳中行沈懋學移書李  
幼孜責使諫止且責給事中不言幼孜唯唯而已  
上遣吏部尚書張瀚慰留宣 旨瀚在吏部素與居  
正善然不敢以奪情爲是而左都御史陳瓚倡六部  
請留居正禮部馬自強頗持之未上而居正患則請  
于 上謂瀚昏耄勅令致仕矣居正見人情已定乃  
始乞歸葬其父再疏始允使尚寶司少卿鄭欽錦衣  
衛指揮僉事史繼書護歸以三月爲期葬畢卽上道



仍命撫按諸臣先期馳賜璽書敦諭範白金為印記  
 曰帝賚忠良以賜之如先朝楊士奇張孚敬例得密  
 封言事仍戒內閣臣調陽等有大事毋得專決仍馳  
 驛之江陵聽先生處分居正當行 上及 兩宮各  
 賜道里費既朝辭復請見于平臺 上撫諭之曰朕  
 不能捨先生恐傷先生懷是以忍而允所請雖然國  
 家事重朕將何所倚居正乃勸 上以大婚之後宜  
 樽節愛養留心萬幾因伏地而哭 上亦為之哽咽  
 墮淚及歸畢葬且還朝而兵備憲臣與分守閩帥約  
 請居正閱操用大帥禮居正欣然許之改服 上所

本朝分省人物考 卷七十九 壬午 湖廣四全

賜蟒繡以御禮成出金帛勞賞加等時遼東奏大捷  
 上復歸功居正遣使馳諭俾定爵賞居正為條例以  
 聞既過良鄉抵郊外 詔遣中貴何進宴勞于真空  
 寺口諭先生以午入即召見平臺以未入則質明見  
 而 兩宮亦各遣大璫李琦李用宣諭賜八寶金釘  
 川扇御膳餅果醪醴百僚復班迎以次日質明入朝  
 上延之平臺慰勞懇篤且詢以途路所見歲計物情  
 與北虜衰敗之狀良久乃予假十日而後入閣仍賜  
 白金綵幣 上樽御膳因引見 兩宮時 上漸備  
 六宮太倉所儲金錢多所宜進居正乃因戶部進

御覽數目而陳之謂每歲入額皆在其內錙銖畢盡  
 因甚憂其不可繼而請 上置之坐隅時賜省覽量  
 入為出罷節浮費疏上留中 上復傳 旨工部置  
 錢應用居正亦以利不勝費止之時言官請停蘇松  
 織造不聽居正面為宛曲以請得損數之太半復請  
 停修武英殿工及裁省外戚遷官恩數 上多曲從  
 之一日 上御文華殿居正侍講讀畢而以給事中  
 所上災傷疏聞因謂鳳陽及江南諸郡屢無歲而徐  
 宿之間民至屑榆皮為粥不早賑之則相聚為盜賑  
 之不可緩 上曰惟先生所處居正復奏 上至仁

本朝分省人物考 卷七十九 壬午 湖廣四全

愛民如子凡請蠲請賑無不賜允而在外諸司往往  
 營私背公剝民間 上非惟不體 皇上子惠困窮  
 之德意且不知臣等所以贊 皇上之愚衷殊可恨  
 也臣等不勝憤懣竊以為此輩若遇 聖祖不知當  
 處以何法 上首肯之于是有蠲貸而督奉行者之  
 旨中外肅如也時復當會試大學士申時行與大學  
 士許國為主司而居正二子懋修敬修與四維之子  
 泰徵皆中式居正扈 上謁諸陵歸即具疏乞休凡  
 再上而 天子慰留懇切最後手書稱 慈聖口諭  
 張先生親受 先帝付托豈忍言去俟輔爾歲至三

十而後商處先生母復與此念居正乃出而懋修即  
狀元及第矣居正當 上初年嘗慕古君人治亂之  
事而條治者八十一亂者三十六以應陰陽之數繪  
而為圖以俗語解之使易曉至是復屬儒臣紀 高  
皇帝及 列聖寶訓實錄分類而成書凡四十又請  
立起居注紀 上言動與朝內外事為修史張本日  
用翰林臣四員入直應制詩文及備顧問 上皆優  
詔報許亡何居正病 上時下諭問疾大出金帛以  
為醫藥資凡四閱月竟不愈 上始令四維等理閣  
中細務而大事猶即家令居正平章居正始自力而  
本朝分省人物考 卷七十九 二十七 湖廣四  
其後億甚不能繼聞 上捨輦輟朝贈上柱國  
謚文忠遺管葬于是四維始為政而事漸變矣後以  
言官劾其三子躡取上第俱削籍為編氓始奪上柱  
國少師兼太子太師再奪文忠謚後又追論不已且  
謂其以私構成遠庶人憲廟獄而庶人金寶萬計悉  
歸居正乃命中貴張誠侍郎立檯借錦衣指揮往籍  
其家一子自縊死并奪其所賜璽書四代誥命以罪  
狀示天下至天啓二年始追述其輔幼功復原官予  
祭葬仍行議謚房屋之未變價者給與子孫奉祠居  
住

陳大賓

陳大賓江陵人清介豁達以直節自負初授上虞知  
縣治行卓越選南道御史糾彈不避權貴禽巨猾鄧  
玉塘為民患者出按江淮風裁稜稜陞河間知府力  
行鄉約保甲之法會有大盜不煩兵力平之陞河南  
副使詰戎務以慎防守歷官藩臬所至民德之輒樹  
碑立祠以副都御史巡撫雲南賑荒歉正婚嫁民俗  
大變時總鎮沐朝弼多不法事乃抗論之發錮南京  
羣黨悉治以罪邊徼遂安陞工部侍郎還尋卒

劉一儒

本朝分省人物考 卷七十九 二十八 湖廣四  
劉一儒字孟真夷陵人舉嘉靖己未進士初為刑部  
主事太宰楊公博愛其才調吏部郎張江陵與儒有  
姻婭之好江陵嫁女珍寶萬鎰儒緘封于別室戒家  
人不得啓視時江陵當國而儒出居于南即聞問通  
候之啓亦多曠簡江陵敗儒獨不染後陞南工部尚  
書以病歸逾年而卒雖身歷華腆而家若寒素天下  
想望其高標焉

曾可前

曾可前字退如號長石荊州石首人為諸生時風有  
文名績學篤行寒暑晝夜不輟因是狀類痾瘦甲午

舉于鄉辛丑第進士 廷試第三居詞林恂恂若處  
 子是非利害毅然無所假借甲辰分考所收多名士  
 未幾念其父年高多疾即請假歸依依子舍者三年  
 足跡不履城市父強之赴京勉強一出未幾即歸友  
 于諸弟最爲篤至所遺房產悉以讓之邑多水災昌  
 言于當事者築堤防禦兩遇洪水決堤盡捐已囊以  
 全活災民其門生爲鄰邑令長歲時餽遺率多謝絕  
 從未有半紙隻字相聞其敦重名檢類此未幾父卒  
 以哀毀之過亦卒臨終時猶以手書貽本房門生云  
 僕僅一子最清弱勿以舉業苦之乃其子鳴世仍能  
 本朝人物考 卷七十九 主九 湖廣四  
 讀父書于戊午已登賢書矣人咸謂盛德之報云著  
 有石柵館集行于世

袁宗道

袁宗道號玉蟠公安縣人萬曆丙戌會試第一選翰  
 林庶吉士授編脩壬辰告病甲午補原官戊戌陞左  
 中允旋陞洗馬右春坊右庶子未幾卒年甫十二試  
 冠諸生文章膾炙人口弱冠舉于鄉累上春官而始  
 第學淵深宏博粹然一出于正爲人恬夷冲澹不競  
 時趨嘗名其齋曰白蘇蓋以樂天子瞻自寓也二弟  
 宏道中道咸擅才名人比于眉山三蘇焉宏道壬辰

進士令吳江偶以事與當道意左遂棄官借會稽  
 周望兄弟遍遊武林白嶽台宕五泄而歸久之起爲  
 國博權銓曹郎主考陝西未幾卒所著有錦帆解脫  
 瀟碧齋十集等書皆軼宕可喜超絕處不減蘇長公  
 而行遊諸記直逼柳子厚鈞錡潭等作洵一代之軼  
 材也

本朝人物考

卷七十九

分省人物考目錄卷之八十

湖廣岳州府

蕭忠

方必壽

徐執中

劉仁宅

李窩

鄧廷瓚

董廷圭

程萬里

黎淳

劉大夏

方宗秩

方昇

謝綱

柳應辰

嚴永濬

顏願壽

本朝分省人物考卷八十目錄

卜馬祥

柳尚義

李如圭

黃昭道

孫繼芳

周廷用

高鵬

武毅

張守約

孫宜

徐貴

馬安

補遺

王儼

方鈍

黎循典

艾穆



本朝分省人物考卷之八十

湖廣岳州府

蕭忠

蕭忠慈利人性質直古樸洪武中入胄監任陝西按察僉事貞肅憲度鋤強理冤人稱神明歷山東左布政使以事左遷高密典史永樂初轉江西僉事調廣西卒于途

方必壽

方必壽巴陵人洪武乙丑進士初知宛平以政績著尋擢北平太守歷陝西按察使操履堅確赫然而聲

子廷玉克紹厥緒登永樂乙未進士歷官浙江布政使裔孫純登正德辛丑進士歷知華亭內黃清苦練達召拜監察御史舉劾方面不避恩讐擢大理寺丞

徐執中

徐執中名文贊以字行華容人有文武才略博通經史尤喜談兵與劉必弘遊數相倡和著倡和集執中生元季終身誓不事元洪武間以經明行修舉為本學訓導遷武昌教諭子一清字希穆亦以薦為蘇州訓導終蜀

劉仁宅

本朝分省人物考卷八十

湖廣五

湖廣五

湖廣五

湖廣五

湖廣五

湖廣五

湖廣五

湖廣五

湖廣五

湖廣五

湖廣五



劉仁宅字廣居華容人大夏父也永樂庚子舉鄉薦  
卒業國子正統丙辰拜江西瑞昌知縣躬省田畝教  
其民始作織事深山中有流民千餘家邏者往索賂  
不得與鬪不勝則妄言民反有司議兵事甚急檄宅  
先往宅單騎至山口招之民喜曰劉知縣至矣爭出  
自辨宅返命曰無他請以身保兵遂息九江屯兵多  
侵暴土著宅嚴立條令執其尤者一人杖殺之皆相  
戒不敢犯赤湖河泊所屢涉侵盜民困徵納多竄死  
上疏請蠲其宿負若干而更始之瑞昌舊額秋課歲  
數十萬而非其產每轉易他所費數倍請以所產粟

本朝分省人物考 卷八十 二 湖廣五

薪代納民稱其便選為浙江道監察御史母憂廬墓  
三年服闋調南京四川道擢廣西按察副使景泰辛  
未守潯州都指揮黃竑殺其異母兄思明知府及其  
家七百人以滅口宅與參政曾暈往治之居月餘盡  
得其迹竑父子各擁兵數萬於外以相挾撓聲勢甚  
熾宅陽許之乃留曾于潯為約而去至南寧竑二子  
來迂伏甲士縛之曾亦誘執竑于潯以歸論死竑窮  
蹙乃陰遣人上京師造姦謀以邀恩澤果得釋罪且  
進位都督既益橫乃使人楮據他事中宅以報憾宅  
亦上疏自陳事下有司未報委政去成化戊子以子

大夏恩受誥命進階中議大夫贊治尹年八十一卒  
宅以廣西憲副歸囊惟七金而已正統庚申楊文定  
以展墓歸里宅時為御史在京文定過華容便造其  
家問其子大夏日汝父在否曰在道中未回曰汝母  
安在曰適隣家磨麵去矣乃起徧視家中所有遂引  
大夏詣寢室見牀上惟蒲席布被喜曰所操若是可  
稱真御史矣事至今尚為鄉里所傳誦焉

李 寯

李寯字邦傑華容人宣德壬子鄉貢正德癸卯補都  
察院司務憂歸中丞陳鑑奏奪情起之已陞南京武

本朝分省人物考 卷八十 三 湖廣五

選員外郎出補彰德知府成化初晉山西右叅政致  
仕寯為人廉直敏慎嗜學攻書故所居輒為人所重  
始遊胄監祭酒趙琬大學士王文尤勤愛之為司務  
上封事十四內斥選法一欵為冢宰所深憾泊守彰  
德趙諸王每出郭禱祠遊獵數百里外寯上封事言  
之 天子遣內侍逮諸王對簿降勅褒獎寯仍命寯  
禁約諸王諸王官皆獲重譴已前後獲盜數千咸晉  
陽人晉陽人怨寯刺骨湯陰令尚璣者以貪著名寯  
屢斥責辱之都御史賈某受其餽庇焉遣人廉寯  
靡所獲寯持益堅人率為寯危寯弗顧也後自山

歸卜居黃湖山石田茅屋而已足跡不履城市居數載卒

### 鄧廷瓚

鄧廷瓚字宗器巴陵人生而美質穎悟過人景泰丁卯年十八登湖廣鄉舉甲戌擢進士第明年授知浙江淳安縣抵任訪民疾苦專施惠政不求赫赫名終九載人無知之者時兵部尚書王鵬以都御史巡撫廣西獨知之薦知梧州疏且上會丁嫡母憂不果服闋遷太僕寺丞十年貴州新設程番府府在萬山中百具未備加以夷獠雜聚猝難撫治以廷瓚知梧州

本朝分省人物考

卷八十

四

湖廣五

至則悉心規畫凡城郭街衢及廟宇廨舍以次興造榜諭諸夷使受約束政令公平莫不感化時以治績異等交章薦舉吏部以民夷方安宜久任以慰之滿九載始擢山東左叅政提督農兼管水弘治元年戊申再擢本司布政使二年擢右副都御史巡撫貴州丁母憂服闋適貴州黑苗久叛勢益橫肆守臣告急仍勅往視兼提督軍務初至百計招撫不從始合衆謀儲糧調兵決策征勦兵至其地號令嚴明將校用命斬首幾六千級生獲二十餘口械首惡數輩赴京悉斬於市六年寇既盪平上奏都勻清平舊設二衛

所屬合九長官司其人世祿驕縱稔惡釀患致夷人侵田奪貨逞欲無厭已四十餘年於此軍疲於戍守民困於轉輸其害不可勝言今幸黨惡削除非大更張不能爲保境安邊之計凡所條陳十一事下兵部

會議悉見施行始設都勻府一獨山麻哈州二清平縣一更擇流官土官兼治初遣子之乾入京報捷

朝廷受乾以錦衣衛所鎮撫下 詔褒嘉有首決用

兵之策共成平賊之功之語進右都御史召還掌南

京都察院事數月復鎮兩廣以安靜爲治屬吏有賢

勞者輒舉薦以勵其餘或不職特去其一二太甚者

本朝分省人物考

卷八十

五

湖廣五

若諸司濫設悉奏除之曰祿俸出於民無徒費也會鬱林川雲爐大桂諸種作亂以次平之其後四會等處乘機竊發其勢尤熾未幾首惡李景先覃傑暨黨二百餘人悉被斬獲兩廣竟亦無事瓚出入溪谷衝冒瘴露亦已疾矣十年上章乞歸甚懇 賜詔勉留特遣醫往視仍進左都御史以酬其功十四年 上知久勞邊務 召還復掌南京都察院事未行以疾卒享年七十一贈太子少保諡襄敏

### 董廷圭

董廷圭字國器華容人景泰庚午鄉試第一人辛未

進士拜監察御史時西北多事邊備廢弛命守白羊口廷圭至屢疏軍中利病有守帥暴橫劾去之清理河南積歲隱匿私役者令之補伍凡五萬人都御史李秉林聰極加禮遇臺中章奏及讞獄咸賴之值經筵糾論講臣會四方災異上言彌災十事擢山東副使監司疑獄必付之有薦為巡撫及太僕卿者大臣修前忿竟寢格不行人或勸以少貶徇時廷圭曰任已以觀榮顯吾不為也其砥節履方類若此歷任中外家無寸土比歿殯斂皆鄉里賻助

程萬里

本朝分省人物考 卷八十

六

湖廣五

程萬里華容人天順丁丑進士成化初授吏科給事中封駁得體嘗上疏言用賢圖治疏通人才慎選風憲皆切時政累官戶部右侍郎致仕家居嘯歌山澤托志恬曠所著有閑情集

黎淳

黎淳字太樸華容人少苦志問學從父宦遊與兄共相師友天順丁丑 英宗復位舉進士第一授翰林修撰預修大明一統志癸未同考禮部會試成化乙酉 憲宗即位克經筵講官丙戌遷左春坊左諭德丁亥修 英宗實錄成進左庶子甲午考順天鄉試

丁酉修資治通鑑綱目成遷詹事府少詹事兼翰林院侍讀 孝宗正儲位日侍講讀戊戌擢吏部右侍郎丙午改南京吏部丁未九載遷左侍郎弘治戊申擢南京工部尚書尋改禮部又三年以疾致仕而卒於家謚文僖淳天性耿介寡合尤好直言居官屢除弊事初入翰林有以言弊謫者即以書抵當道請救其人當道者雖不用然心實重之鄉試卷奇甚後場不類疑有弊勾稽墨卷果得謄錄生截卷狀按其事而取其卷為解首則名士馬中錫也人皆稱服常見天下鄉試錄多舛繆或犯國諱摘奏數十條下禮部翰林院議治考試提調官罪具申定格例行之及在吏部不受私餽不行請囑尤慎形跡事涉矯詐輒窮本末必暴白乃已聞人有玷行雖所甚愛必摧抑不曲為庇覆下至胥隸亦畏憚不敢犯素俗朴患鄉俗好侈躬自裁抑婚葬飲宴之禮人多視以為則嚴取予教子不假辭色至訓諸生日疊疊不倦登科甲仕中外者相接踵門下胥吏有嚮學者輒優給役後亦多成名者平生好著述有龍峰集若干卷及輯 國家諸試錄合六百四十卷藏於家

劉大夏

本朝分省人物考 卷八十

七

湖廣五

劉大夏字時雍華容人天順甲申進士庶吉士初  
內閣李文達彭文憲二公欲留官翰林大夏與安福  
張敷華力辭不就識者已知其有經世之志初補兵  
部主事於疆場之事多所討論及歷員外郎晉職方  
司郎中益侃侃自樹不隨世趨俛仰時 朝廷好寶  
玩中貴希旨言宣德間遣王三保出使西洋等番其  
所獲奇珍異貨無算 上然之命中貴至兵部查勘  
水程尚書項忠使都吏於庫中檢舊案大夏先入檢  
得之故匿其籍都吏檢之不得數被捶若弗聞者會  
科道連章諫其事遂寢後項呼都吏曰庫中案卷安  
得失去大夏徐以利害告之曰三保太監下西洋時  
所費錢糧數千萬軍民死者亦萬計縱得珍寶於國  
何益此一時弊事大臣所當切諫者案雖在亦當毀  
之以拔其根尚足追究其有無哉項聳然降位再揖  
而謝之指其位曰公陰德不小此位不久當屬公矣  
時北虜數寇雲中邊帥失利中外震驚調發戰守無  
虛日每報至尚書必曰劉郎中云何所言輒行行之  
輒效時右侍郎缺中官有欲薦之者遣人言於尚書  
冀一往見大夏異詞謝之自求外補出爲福建叅政  
奉 勅巡海海道兵久弛而倉儲久耗卒難就理大

本朝分省人物考

卷八十

八

湖廣五

夏謀於鎮巡首選衛所軍政官而擇其尤者總諸水  
寨兵造戰哨船各若干艘葺倉計儲立收支法寨設  
一官而親督察之不半年海道肅然弘治二年陞廣  
東右布政時監督諸軍平後山賊軍人俘賊萬數中  
有一女子儀容閒雅步止羞澁呼問乃潮州士人家  
女被賊擄去長欲收爲妾蠻婦妬忌育以爲女也大  
夏惻然閉在一室令二老婦守之大夏問其所願答  
曰願回本鄉大夏曰回鄉須差軍護送千里之程豈  
勝汗辱乎乃擇里長倪某者嫁之且以數牛賜其家  
耕作踰二年轉浙江左布政會河決張秋擢右副都  
御史往治焉既至乃集山東河南二省守臣議以事  
關運道莫敢適主大夏曰河性猛悍張秋乃下流喉  
襟未可輒治治法於上流分道南行復築長堤以禦  
橫波且防大名山東之患俟其循軌而後決可塞也  
遂疏孫家渡河三十里四府管河十里築長堤起河  
南胙城盡徐州經長垣東明諸縣長三百六十里量  
能任功五旬而事竣進左副都御史理院事歷戶部  
左侍郎弘治丁巳 命兼左僉都御史總督宣大瀕  
行周司徒經懼其以剛取禍大夏曰處天下事以理  
不以勢定天下事在近不在遠俟至彼圖之至則召

本朝分省人物考

卷八十

九

湖廣五



邊上父老日夕講究得其要領一日揭榜通衢云某倉缺糧幾千石某場缺草幾萬束每石每束及官價若干封圻內外官員客商之家但願告報者米自十石以上草自百束以上俱准告雖中貴子弟不禁也不兩月倉場積蓄有餘踰年上章乞致仕 孝皇特旨令馳驛歸養病庚申進右都御史總督兩廣軍務勅使臨門即攜二僮以行兩廣人士聞其來如饑兒之得乳母旌賢才斥貪穢裁冗費更役法上下不便者一切止之廣人駸駸樂生矣十四年辛酉土官黃理殺嫡謀襲大夏捕理誅之壬戌召陞兵部尚書遂以安內攘外為已任十六年癸亥四方奏災異幾旬四五月無雨遂引咎求退且言兵政弊端 上不允令開具弊端即陳十事 孝宗一一准行之自是委任益隆甲子有以近戚于于上求得北邊總兵者一日朝退獨召大夏授一帖子啟視之乃殊書某人姓名也退至部語同列曰 上既令兵部推舉只當以堪任者聞如某人才望非帥臣選終不可從明日推某某以請 上徑從內批出用李某其人到未久被劾取回他日大夏獨對 上乃曰向用李某蓋不得已今事敗朕悔不用卿所舉之人也六月北虜小王

子遣使求貢甚急又燒殺墩軍大同守臣以聞大夏具奏北虜大衆即今在宣府地方住牧亦有東行者若寇宣府山勢險阻若寇大同有延綏遊兵在此必與朵顏相通留虜衆於宣大邊外以制我兵乞棟精銳官軍於永平密雲二處相機截殺仍棟集順天真定等八府民兵備護京師 上以兵事入中官苗達謀出兵于塞外大夏力言不可 上曰永樂頻出塞破虜今何不可對曰 皇上聖武固同於 太宗奈今將領遠有不逮令各邊料敵戰守猶似得策 上乃悟曰朕幾為人所誤事遂止 上益明習國事有本朝分省人物考卷八十 十一 湖廣五

大政大疑必召至內殿面與參決嘗召問天下衛所軍士何如對曰江南衛所困於運糧江北衛所困於京操此外浪費猶有臣等不能知者 上翼日詔各衙門凡有損於軍民弊政悉疏以聞 上欲於附近地方團操人馬以為京師左右掖對曰京西保定府地方獨設都司統五衛仰思 祖宗恐亦是此意遂勅京營都指揮戴儀往任其事乃有造飛語帖於宮門誣大夏 上曰宮門豈外人可到必此曹忿不得私役此軍者所為耳及修清寧宮有 旨下兵部撥用軍夫萬餘人做工大夏知工少人多蓋監督中官

有所利而爲此也上言減去十分之五十八年乙丑春召大夏與左都御史王珊入各對畢上令中使出白金二錠以賜且面諭曰卿等將去買茶用朕聞朝覲日文官避嫌有閉戶不與人接見者如卿等雖開門延客誰復有以賄賂通耶朕知卿等故有是賜上一日召大夏面語曰事有不可每欲召卿商量又以非卿部內事而止今後有當罷者卿可寫揭帖密封進來對曰陛下所行宜遠法帝王近法祖宗事之可否外付之府部內咨之內閣可也如用揭帖日久上下俱有弊且非後世法臣不敢效順

本朝分省人物考

卷八十

十一

湖廣五

上稱善久之又一日召大夏因言天下何時太平對曰求治不宜太急但凡用人行政有疑者即召內閣并執政大臣而議停當行去自然順理便是太平大夏每被召入廷奏事至跪御榻前欲起不能上命司理監李榮扶掖出左順門外榮囑之於上前隱惡揚善大夏曰聖上天性聰明其於政事外曷敢輕易毀譽人乎大夏雖職本兵苟可扶善類存國是知無不言言無不聽戶部郎中李夢陽建言指斥政事之非者上怒下夢陽錦衣獄一日批鎮撫具獄詞以獻有旨令夢陽復職他日獨召大夏奏事

畢上曰近日外事若何大夏頓首曰近有旨釋李夢陽中外權呼聖德如天上曰李夢陽本內事關戚畹且語言狂妄朕不得已而下之獄朕試問左右當作何批行一人曰此人狂妄宜付錦衣撻以釋之朕揣知此輩意欲得旨下便令重責致其死以快宮中之怒使朕受殺直臣之名左右不忠如此朕所以即釋復職更不令法司擬罪也大夏頓首謝曰陛下行此一事堯舜之仁也又刑部尚書閔珪謝重獄忤旨批答久不下一日大夏獨對上因語及之對曰人臣執法不過效忠朝廷耳自古聖帝明王

本朝分省人物考

卷八十

十三

湖廣五

往往屈意從之閔珪所爲無足疑者上曰且道自古何君何大臣亦嘗如此對曰臣幼讀孟子內見舜爲天子臯陶爲士瞽瞍殺人臯陶亦執之而已今之法司恐事亦出此似未可深責也上領之明日旨下一依刑部所擬弘治末年召對便殿大夏言三營軍士多被占役騰驤四衛軍士投克太濫各營草場侵欺隱沒甚多議裁革節省上首肯久之且諭以勿形奏疏蓋恐權貴中傷之方將有所釐正而龍馭不久上賓矣四上章請老乃從之正德時逆瑾用事日誅求臣僚欲中害之昌言云抄沒大夏可得金數

萬瑾因尚書潘藩總兵毛銳獄詞連大夏姓名戊辰  
 遂矯制差錦衣衛官校逮之八月至京繫北鎮撫同  
 繫者教其行賂為求生計大夏曰如此而死唯累一  
 身稱貸免死則累一生且累子孫矣瑾怒欲置之羣  
 會官議於朝堂左都屠滿曰檢律劉尚書無死罪瑾  
 曰克軍罪亦無耶法司比附守禦官撫馭無方致所  
 部軍人反叛律克軍十月遣戍肅州出都城日羶帽  
 布衣徒步過大明門匍匐頓首乃行觀者如堵所在  
 罷市父老涕泣士女攜筐饁進果食亦焚香密禱曰  
 願公生還已巳四月到配所披甲持銳與卒同又買  
 本朝分省人物考 卷八十 湖廣五

地作墓為終身計人問其何不挈親子姓侍行大夏  
 曰吾仕宦日不能為子孫乞得一官今克軍老死顧  
 令子孫補伍豈人情所安耶庚午夏京師風霾蔽天  
 寘鑄叛亂肆赦天下大夏得釋歸八月瑾誅復原官  
 致仕卒贈太傅諡忠宣

方宗秩  
 方宗秩字伯序巴陵人通春秋一試文場不第遂歸  
 隱淹貫子史尤善詩詞耕桑樵採自食其力勵志無  
 求真有伐檀遺風其鄉人之子弟有所疑難講解者  
 多於畔畔求之天順間知縣袁綱以經明行修舉不

就太守吳公亦嘗延之賓館質問理道其抗節養高  
 如此

方昇

方昇臨湘人成化乙酉鄉薦第一登丙戌進士性寧  
 靜有文行楊少傳一清嘗從之游拜監察御史所接  
 治處咸著清直聲有所奏劾不避權勢時稱真御史  
 尋遷江西按察副使卒于官卒之日篋中惟衣服二  
 三襲士大夫賢之

謝綱

謝綱字振倫巴陵人成化己丑進士知高安縣有豪  
 氓素強梗綱諭以利害從容化誨之竟革心為善徵  
 拜監察御史清戎四川河南所至咸著風采擢山東  
 按察副使所著有素軒文集

柳應辰

柳應辰字拱之巴陵人成化己丑進士歷官刑部郎  
 中擢四川兵備副使以憂去服闋補河南進山西按  
 察使歷山西陝西布政使陟副都御史巡撫蘇州威  
 惠兼著風采凝然逆瑾用事乃撫其清理莊田不實  
 械繫詔獄褫秩歸瑾誅復職致仕

嚴永濬

嚴永濬

本朝分省人物考 卷八十 湖廣五

本朝分省人物考 卷八十 湖廣五

嚴永濟字宗哲華容人成化戊戌進士庚子授戶部主事督儲臨清縮財用慎出納吏罔招權民無犯法癸卯督餉宣大計事量物益殫心計余肅敏公敬而禮之乙巳陝西大饑奏捐稅四十萬接濟邊儲全活數萬人是歲以憂歸戊申服闋復除戶部主事己酉遷員外郎庚戌擢郎中尚書李恭命總諸司章疏壬子出守西安府治常循謹不事煩苛屬吏有撓法者治之曲法者懲之奸惡者黜之秦俗犷悍以禮化導漸以謙謹撫按藩臬文案山積迎刃立剖庭無宿牒先是西安歲織絨服進用中官監造秦民苦之永濟

本朝分省人物考

卷八十

十六

湖廣五

顏頤壽

顏頤壽字天和號梅田巴陵人成化癸卯舉于鄉弘治庚戌登進士授河南寶豐知縣調治淇縣徵貴州道御史四川倉庾積弊不可根詰詔壽往清理之稽覈詳明吏不敢隱正德改元奉命按廣西代還陞光

祿少卿轉大理尋陞右僉都御史以母憂歸起復陞右副都御史己卯宸濠不軌事露 上命壽同司禮太監溫祥駙馬崔元往勘濠起兵反南昌將犯金陵壽至浙急馳反狀以聞內外警備濠黨就殄 世廟卽位進刑部左右侍郎元年欽賜 獻皇帝御書明年陞南京禮部尚書改南京戶部先是 武宗南狩糜費不貲帑庾告匱壽上疏言南京根本重地倉庫無數月之儲大可隱憂乞留浙廣儲省免運米十萬石以裕軍餉上可之轉南京吏部遷都察院左都御史轉刑部侍郎山西妖賊李福達事洩屬壽鞫治福達首亂者也捕急達不能逃乃懷重貨走都下陰結貴倖爲救援地先易名李五復易張寅壽鞫狀甚悉援謀叛律議處死奏請裁奪 上不可壽執之堅再奏再不可壽執之逾堅三奏又不可重忤 上意其執如前也復懇疏曰 陛下知徐溝之張寅爲無干未知其先洛川之李五埈縣之李福達也又曰臣下自執特誤 陛下失之輕縱異時人心搖動復如洛川之福建臣卽死莫逃欺罔之罪會廷臣間承風指奴賊竟以疑罪得逃乃下壽獄奪職閑住子姓每輒論之曰奉公守法母辱門祚至願也富貴奚羨也

本朝分省人物考

卷八十

十七

湖廣五

人或售以田宅則曰吾宦即久了吾餘孽且不使子孫累吾清白家聲母吾強也年七十七卒祀鄉賢

卜馬祥

卜馬祥岳州人成化中任指揮同知流賊掠洞庭祥奮身督戰身被流矢勇氣益倍以後援不繼陷陣而死

柳尚義

柳尚義巴陵人弘治己未進士授知縣徵拜監察御史累陞僉都御史以忤逆瑾除名瑾敗復起副使仕至參政卒義明於大體執正不回當逆瑾竊柄時朝

李如圭

十八

湖廣五

李如圭澧州人登弘治己未進士授江西安福令首擒豪俠數輩真諸法邑中肅然調建安時華林盜賊充斥乃陰設間殲其渠魁居民安堵入為御史按福建貪酷吏望風宵走尋丁內艱終制不起者十餘年巡按何鰲薦其才復起廣西兵備副使陞陝西按察使未之任擢都察院右僉都御史會延綏大饑廷議賑濟薦圭才堪任用乃列疏薦十餘事請得便宜行

事 上可其奏至則問疾苦嚴法戒大布賑濟之策全活數萬人感惠立祠祀之事竣總理河道多方疏濬易置閘座修固堤岸引諸湖水接濟河流由是糧運無阻黃河徙決為患最大要在疏導淤塞為先戒飭沿河州縣依法造舟用鐵扒尖鋤駕舟順流隨方開濬故水得其道無衝決淤溢之患進兵部右侍郎改吏部尋陞戶部尚書時逆胡犯邊圍臣告急度其緩急先後疏請以次解發帑金庚粟無慮數十萬軍餉賴焉嘗書弘濟艱難四大字以自勵以不善事權貴勒令致仕以歸卒于家

黃昭道

十九

湖廣五

黃昭道字文顯平江人弘治己未進士知長山縣歲蝗禱神雨雹交作蝗盡死人咸異焉拜監察御史以忤逆瑾廷杖除名瑾敗起江西僉事時宸濠招集亡命劫掠彭蠡諸處為梗昭道捕獲數百人悉訊治如法轉山東巡海副使遷雲南參政時木邦孟密緬甸諸夷警殺多年當道莫能禁昭道至諭以利害咸警服權騰虔修職貢又普安賊安銓武定鳳朝文糾黨為叛昭道以本省右轄提兵誅之降其餘黨轉右布政使尋有詔召還辭疾歸屢薦竟不起家居十四年

杜門謝客與至每攜賓從登天岳諸山觴詠爲樂癩卒昭道性誠坦凝定克濟大事論者謂爲今之古人云

孫繼芳

孫繼芳字世真華容人正德辛未進士初爲刑部山西司主事是時宦官勢盛東廠獲數人誣以爲盜下刑部論尚書命繼芳治之鞫知其冤卽白尚書曰此人嘗非盜可寬平民哉卒釋之御史張璞劉天和王廷相迂宦官逮繫獄疏救不報因謝病歸起改兵部車駕主事陞職方司員外郎 毅皇將南巡武選郎

本朝分省人物考 卷八十

二十

湖廣五

黃鞏與繼芳百餘人諫止 上大怒咸廷笞之繼芳得不死尋改職方掌軍國機務及諸邊鎮籌畫曹務繁重繼芳日談笑爲之至奏草時命一吏執筆旁立口占以書奏成咸明切引繩墨中事情未幾以部尚書相抵牾外補雲南提學副使卒誣謫黜之歸繼芳性慷慨激亢當其氣所欲言雖萬乘勿畏也其爲提學雲南時數以事與都御史御史爭不少屈繼芳受學何景明稱高足弟子其文尚典實敘述紀載有班氏風所傳詩僅百餘篇皆精語

周廷用

周廷用字子賢華容人正德辛未進士授知宜黃縣

擢陝西道監察御史廷用靈心淵濬超融剴爽氣倜儻豪岸不宜于俗而獨下意名品自舉進士至列臺憲彈力問學寒暑勿懈體超格異詞鋒汎湧援筆作賦爛然成章巡按貴州獠寇帖伏時擬內遷已疏詮部辭直氣烈當事者思有以厄之未一考補外爲僉事既奏議福建與尚書林俊論詩文于壺山之陽學益進兵備四川有征芒部功試科舉士率精實無謬及掌江臬凡縉紳大夫以書問至者命二吏于廳事公折之請囑咸廢格不行而居蜀時其嚴峻亦若此

本朝分省人物考 卷八十

二十一

湖廣五

于是怨毀交集謗訐沸騰會入覲都御史汪鉉摘黜之廷用生平不喜迎合潤視放言論人長短略弗旁顧而天下之文人騷客則又忘勢與交推讓延譽且廉介之節終始弗渝所著有八厓集若干卷古賦樂府及五七言詩庶幾乎漢魏李杜之間子槐領鄉薦歷宰二縣

高鵬

高鵬澧州人器識超異少聘周偉女病癱瘓周恐艱于櫛沐議辭婚不可竟委禽焉相與無間言姻黨賢之後舉正德中進士以成晚外補知南通州廉慎有

為境內蝗旱復多火患鵬多方賑援卒不為害尋請  
霸州以禁奸摘惡為權璫所誣逮降雲南寧州同知  
陞杭州府通判卒

武毅

武毅華容人累官都督僉事為叅將守廣西智勇過  
人馭下嚴明多樹戰功為蠻夷所憚服

張守約

張守約字彥博岳州人嘉靖丙戌進士授知蜀華陽  
縣憂歸服闋補崇德轉南京大理評事擢知淮安府  
淮安素號難治守約聞命即遣妻子歸來裝携二僮

本朝分省人物考 卷八十

三十一

湖廣五  
朱秀

子抵任闢園植蔬自奉儉約禁絕官市常俸貯之帑  
藏間出以賑困乏守約御家人甚嚴峻唯麥粥鶉衣  
不許毫髮干與外事二僮子咸憤恚思逸弗可出遂  
乘守約臥害之撫司震悼具棺為殮察屬暨諸生吏  
民檢用所遺唯二敝篋篋中書數束敝裘數襲而已  
衾縛帷幄咸綴浣汚裂靡堪用者其廉如此

孫宜

孫宜字仲可一字仲子華容人稍長能屬文為詩賦  
嘉靖戊子舉于鄉後數試不第詩文日工辛丑罷試  
病臥四年息心世故家在洞庭湖上自稱洞庭漁人

著七遊以見志已又著遁言十七篇年二十八不復  
就試禮部不謁公府五十歲而卒宜有盲吏府史之  
才顧獨以畸操介行不屑世趨尚書霍韜欲以誥勅  
事特薦竟固謝之所著洞庭漁人集五十卷已傳岳  
州府志洞玄志明初略彙藏其家

徐貴

徐貴平江人由舉人授四川潼州州同知力其清苦  
為政嚴明後以剛直忤臺官謝政歸家居灌園種蔬  
窮約如寒士嚴飭周防不失尺寸鄉里目為古君子  
云

本朝分省人物考 卷八十

三十一

湖廣五  
吳士元

馬安

馬安石門人父喪膝行負土成墳廬墓二年有司以  
闡旌表其門

補遺

王儼

王儼字民望號畏齋華容縣人天順壬午舉于鄉成  
化已丑登進士壬辰授兵部職方主事陞刑部員外  
郎踰年擢本部郎中甲辰遷四川成都太守廉靜剛  
果歲餘異政疊出成都大治以母憂去起復改守衛  
輝以治成都者治之當道推荐咸以為治郡第一甲

寅擢河南右叅政丁巳擢陝西右布政使時 上方  
有旨購玉十二番諸夷以玉赴鎮守劉琅琅卽檄布政  
使取萬金以售執不可後 朝廷以玉僞黜琅深愧  
謝已未冬擢副都御史巡撫山東入境卽樹風聲慨  
然有澄清之志未幾高唐州秀才楊才顯以戲博與  
黨友艾鑑有忿誘殺鑑并殺其妻子三人鑑兄剛往  
視隣里誣執不能辨州杖殺之其子玉名繫官亦垂  
死鞠理疑焉一日出旋風逐輿心動曰異哉梧丘之  
怪也乃佯不理使人按其踪跡得才顯情狀捕問之  
獲刃于井獲血衣于學宮遂伏誅自後奸猾震懼山  
東士民服其撫伏如神維時榆林虜入寇乃陳籌邊  
四策 上咸嘉納庚申八月晉戶部右侍郎清忠鯁  
亮終始不渝受知 孝廟多所眷注崇王侵民田業  
事聞 命理之至河南悉歸侵地于民進左侍郎戚  
畹張延齡周壽恣勢凌人強奪民業勸之抗疏以聞  
上嘉其直北虜寇遣師徂征 上賜璽書 命  
督理糧餉輿疾至宣府百方計處得粟數十萬石以  
濟無何逆瑾竊柄凌轢大臣素惡其剛正以督餉藉  
誣罪令金吾械繫至京時理者廉其無罪 詔免歸  
瑾以弗謝而去怨如舊尋以奏減勇士布復矯旨下

本朝分省人物考

卷八十

二十四

湖廣四

錦衣衛獄幽滯囚圖踰歲謫戍三萬衛至戍所屏居  
僧舍日檢方書適安化王謀反事寧大赦始得歸瑾  
以逆誅 詔復舊職辛巳夏 世廟卽位給事中邢  
寰御史唐符先後論其守正遇害應進階錄用 上  
特命有司以禮存問亦殊典也未幾卒享年八十有  
八

方 鈍

方鈍字仲敏湖廣巴陵縣人正德十二年進士由華  
亭知縣選廣西道御史嘉靖十年巡按河南山東陞  
大理寺丞累陞戶部尚書抗嚴相調南致仕

本朝分省人物考

卷八十

二十五

湖廣四

黎 循 典

黎循典字成五湖廣華容人舉人嘉靖甲午授知平  
湖縣事興學校省刑罰均徭稅催科不擾和易近民  
按浙江者考其愛民如子體國猶家令衙區其門爲  
愛民體國者蓋實錄也擢監察御史人思慕之有去  
思碑記立于西關津

艾 穆

艾穆湖廣平江人嘉靖戊午舉人爲部郎時正值江  
陵奪情視事與沈思孝等抗疏力陳其不可奉 旨  
廷杖謫戍江陵物故起原官歷南鴻臚卿陞太僕卿



穆氣節矯矯而所至亦以功名顯云

本朝分省人物考

卷八十

十六

人物考卷之八十一目錄

湖廣長沙府

陳寧

陳南賓

彭友信

陳謙

劉三吾

夏原吉

易先

顧成

曹弘

夏瑄

賀宗

王偉

羅琥

劉端

李東陽

劉憲

本朝分省人物考 卷八十一目錄

羅鑑

夏崇文

羅安

黃寶

陳廷璣

袁經

徐廷用

譚玉瑞

楊志學

易舒誥

張治

楊守謙

周采

魏煥

唐震

施溥

邵敏

補遺

李邦興  
湖廣寶慶府

周之屏

劉必榮

梁德遠

于子仁

方觀

楊海清

楊廷芳

唐鳳儀

康憲

陽益

賀冕

李原暹

補遺

康信

本朝分省人物考 卷八十一目錄

二

本朝京省人物考卷之八十一

湖廣長沙府

陳寧

陳寧初名亮茶陵人元末為鎮江小吏從軍至金陵代諸將言事英辯疊出高皇帝異之賜名寧授江南行省掾吏歷中書省叅議凡朝廷制度咸預稽詳吳元年出知廣德歲大旱奏免租弗允寧躬赴闕上言天災民饑催租太急是為張士誠驅民也上曰爾乃瞻言為此言耶竟從之遷浙江按察使洪武元年召入為司農卿遷兵部尚書二年出知松江府復拜中書省右丞三年又出知蘇州府遷浙江行省叅知政事復召為御史中丞六年同宋濂拜甘露之賜一日率侍御史商高等入奏上御東閣免冠而櫛遣人止之移入便殿櫛已正冠方召見其以嚴見憚如此九年八月同汪廣洋糾奏韓國公李善長略曰善長位為太師爵以上公禮命之榮冠乎文武子祺復尚公主顧乃佯為愚慙孤恩失禮請置刑典以致厥罪於是善長父子徒跣待罪上命釋之尋加寧為榮祿大夫晉御史大夫

陳南賓

陳南賓名光裕以字行茶陵人少讀書負俊名而操行慤雅元末授全州學正洪武二年應賢士聘至京師一時名儒學士如張以寧輩皆折節與交除無棣縣丞轉膠州同知所至以教化為先南賓老成有文學以經術飭吏事時稱醇儒十八年拜國子助教入見高皇帝命之講洪範九疇反覆辨析意甚詳明上大喜曰此天下善講書者也御書其姓名于殿柱以褒之其教國子尤善訓迪窮日授受無惰容二十二年擢蜀府長史時蜀獻王好學禮士於玉牒中最號賢王然南賓猶隨事規諫王甚敬禮之造安車以賜復為構第名安老堂學士劉三吾記之二十九

本朝分省人物考卷八十一

十一

湖廣六李稱

年四川鄉試應聘與漢中府學教授方希直同為主考官所取皆名士論者稱焉及卒年八十南賓作詩清勁有法在蜀題詠最多蜀人傳誦之

彭友信

彭友信攸縣人洪武初以貢至京遇上於微行處上口占虹霓詩二句云誰把青紅線兩條和雲和雨繫天腰命續之信應聲曰玉皇昨夜鸞輿出萬里長空駕彩橋上大悅問其籍命翌晨候於竹橋同入朝信如言候久弗至遂失朝止召臺殿前問故具

以實對上曰此秀才有學有行命為北平布政使

陳謙

陳謙茶陵人洪武庚戌任瀘州知州初瀘屬潼州後屬重慶民稱弗便謙三疏之乃改隸藩司瀘地廣旱荒無備謙於鄉村立舍倉民以不饑九載秩滿民請于朝留復任三年其在官惟以蒼頭一人自隨及卒於官視其篋惟青布袍一襲大明律一部米數升而已遂葬于瀘民至今祀焉

劉三吾

劉三吾名峴孫以字行茶陵人兄耕孫壽孫皆仕元死節三吾少習舉子業元季避兵廣西行省授靖江路教授遷儒學副提舉王師克廣西乃歸茶陵洪武十八年薦為左春坊左贊善三吾年已近老博覽善記應對詳敏屢承顧問悉多稱旨七月戊寅上

本朝分省人物考卷八十一

三

湖廣六李稱

曰天下之民豈能保其皆安朕為天下主心常在民惟恐失所每加詢問未能一日忘之三吾曰聖心拳拳若此恩德之及民者深矣十九年三月省躬錄成初上嘗命儒臣編集歷代帝王祭祀祥異應感可為鑒戒者萃為一書名曰存心錄又命三吾編集漢唐以來災異之應於臣下者別為一書名曰省躬錄

至是頒行之十二年二月甲辰御注洪範書成遂命  
三吾撰序二十二年陞翰林學士二十三年正月吏  
部侍郎侯庸劾三吾等在職怠惰宜黜降別用 上  
曰儒臣不任劇事令教國子降三吾爲博士未幾復  
職時洪武正韻頒行已久 上以其字義音切未能  
盡當命翰林院重加校正三吾言太常博士孫吾與  
所編韻書本宋儒黃公紹古今韻會凡字切必祖三  
十六母音韻歸一因以其書進 上覽而善之賜名  
曰韻會定正詔刊行之十一月高麗貢玳瑁 詔分  
三吾與侍講學士葛鈞十一月 上御武英殿觀書  
本朝分省人物考 卷八十一 湖廣六  
四

自古先王之治必本於愛民然愛民而無實心則民  
必不蒙其澤民不蒙澤則衆心離於下積怨聚於上  
欲國家不危難矣三吾曰 陛下之言及此天地神  
人之福也七月巳酉 上因改定書傳謂三吾等曰  
朕每觀天象自洪武初有黑氣凝於奎壁今年春暮  
其氣始消文運當興爾等宜考古證今有所述作以  
稱朕意於是禮遇諸儒甚厚各賜以綺繒衣被又御  
製詩命次韻和之朝參則列於侍衛之府燕享則坐  
於殿中仍以朝鮮所貢玳瑁筆賜三吾及修寰宇通  
志書禮制集要成俱倍加賞賚二十九年八月頒表  
箋文式於天下先是天下諸司所進表箋多務奇巧  
詞體駢麗 上甚厭之乃命三吾等撰慶賀謝恩表  
箋成式頒天下令諸司凡遇賀謝恩如式錄進三十  
年命三吾主考會試北士偶黜竟以是獲罪下獄三  
吾爲人慷慨坦夷不設城府自號曰坦坦翁至於大  
節則屹乎其不可奪所著有坦翁集十二卷傳於世  
夏原吉  
夏原吉字維詰湘陰人鄉薦遊太學選入禁廡書誥  
授戶部主事尚書郁新奇之與商確諸司事劉郎中  
者忌之會勘諸司怠事者 上曰可宥新請必罪

上怒新問誰教汝新免冠謝得已劉郎中因奏果有人教尚書以奏者 上問新為誰對曰堂後書算生教臣臣愚過聽萬死 上下書算生獄劉郎中奏原吉專尚書柄前事實原吉教尚書言 上曰聞原吉能佐尚書汝顧欲陷原吉耶劉郎中與書算生皆棄市建文君即位逾月陞戶部右侍郎明年充採訪使巡福建未幾移鎮蘄州靖難後轉左或言吉建文用事人不宜大用 上曰原吉忠於 太祖以故忠於建文又豈不忠朕耶逾月進尚書永樂元年吳浙大水命吉往治且命僉都御史俞士吉賜以水利集累

本朝分省人物考

卷八十一

六

湖廣六

遣侍郎李文郁大理少卿袁復陝西叅政宋性佐之吉言浙西諸郡蘇松最居下流常湖嘉三郡上山高多下少環以太湖綿五百里納杭湖宜欵諸由水注澱山諸湖入三泖鎮浦港漚塞滙流漲溢傷害苗稼極治之法宜浚吳松諸浦港泄其壅淤以入于海此即禹貢三江入海之跡俟既開通相度地勢各置石閘以時啟閉每歲水涸時修圩岸以禦暴流 上從之役夫凡十餘萬吉布衣徒步日夜經畫盛夏揮蓋去日衆赤體暴日中吾忍張蓋乎歲饑奏發粟三十萬石賑濟還朝復出治水水洩農田大利召還時賞

功封建征夷下番營北京費億萬計皆取辦于吉從上北巡兼掌行在吏部兵部都察院事八年 上北征輔太孫留守北京總理行在九卿事諭曰朕以房玄齡視卿吉且入朝獨近宸前叅决機務朝退即官御史環請事吉口應手判不動聲色駕還北京尋令侍太孫周行鄉落取壘黍進太孫曰願殿下味此知民艱苦九年考滿宴便殿諭廷臣曰原吉 高皇帝養成賢德欲觀古名臣此其人矣命與姚廣孝監修國史十一年扈北巡侍太孫居上營後十四年侍太孫還南京十五年從幸北京十八年宮殿成 命

本朝分省人物考

卷八十一

七

湖廣六

召太子太孫于南京十九年三殿災詔求直言言者輒云都北京不便主事蕭儀言尤峻 上怒殺儀曰吾與大臣密議數月言遷都便言官遂劾諸大臣上跪言官大臣午門難遷都利害都御史陳瑛罵言官白面書生不知大計 上令左右問衆議云何吉曰臺諫職言路且應詔陳言臣等備員大臣不能恊贊大議臣等萬死罪再問對如初 上說盡釋言官大臣 上御便殿闕門每召之語移時左右莫得聞退則恂恂若無預者交趾平 上問陞賞孰便對曰賞費于一時有限陞費於後日無窮 上從之法王

孫朝 上欲郊勞吉以為不可法王見便命吉拜又不肯拜 上笑曰卿欲效韓愈耶過侍郎楊勉之遠矣十九年 上議征虜吉力諫 上怒繫內官監籍其家竟北征阿魯台及元良哈明年又征阿魯台又明年北征還至榆木川不豫顧左右曰原吉愛我上訃至太子走吉繫所呼之哭曰楊榮至父皇賓天矣吉伏地哭不能起太子召問國事吉言方今民力竭于東南戎伍疲于漕運宜幸南京少蘇民困太子即位復吉戶部尚書會母喪乞終制 上曰卿老臣宜共濟艱難卿有母我無父乎如卿辭職朕亦不當  
本朝分省人物考 卷八十一 八 湖廣六 高深  
 在此不允太子立兼太子少傅尋進少保兼太子少傅尚書如故支三俸固辭許辭太子少傅俸洪熙元年冬無雪 上作憂民吟授吉和手勅欲除鬻割鞭背連坐妖言誹謗之刑吉與二三大臣密議聞 上從之賜田五頃建第兩京李時勉廷諍激 上大怒言時勉當朝辱朕吉言時勉小臣豈能損聖德願少霽天威下法司議罪未晚太子去南京 上崩 昭皇后命吉急迎太子太子將至羣臣郊迎 后留吉佐襄王居守太子既即位時密咨或袖小札付吉吉亦時時有所白宣德元年漢庶人反指吉徵赦租

為奸臣首 上夜召諸大臣議吉免冠頓首曰臣罪當死 上曰彼借卿為兵端耳命坐屏左右密議東楊首勸親征 上難之顧吉對曰往事可鑒臣見所遣將語臣兵事輒泣臨事可知兵貴神速卷甲趨之所謂先聲有奪人之心也榮言是 上意遂決師臨城庶人猶令人繞城罵吉三年賜範金銀印曰舍弘貞諒曰謙謙齋曰後天下樂從巡邊還 上念吉老勅輟部務俾專論道左右明年夏召郭資代吉是冬從閱武郊外吉生日 上繪壽星圖為詩賜之五年春卒贈太師謚忠靖  
本朝分省人物考 卷八十一 九 湖廣六 高深  
 易先 易先湘陰人永樂初由太學生高等授交趾諒山知府多善政民夷信服秩滿還郡民詣巡臺乞留特命復任進交趾按察使仍治諒山宣德初交趾賊黎利攻陷諒山城先嬰城固守糧盡闔家同死事聞遣官諭祭追贈廣西右布政  
 顧成 顧成字景韶湘潭人少有膂力喜習武事 高皇帝起兵滁陽成箠馬策投謁 上喜其勇漸親遇之命隸大將軍麾下以勇選為帳前親兵執繳蓋侍出入

忠謹未嘗有過初授百戶從諸將征伐陞金吾衛副千戶帶刀宿衛扈從征陳友諒舟膠於淺成獨奮躍以背負舟而行陞堅城衛指揮僉事平蜀貴州破洞蠻克普定西堡陞昭勇將軍普定衛指揮使賜金帶晉鎮國將軍貴州都司同知初征雲南成鎮普定搤其後路人無敢叛陞驃騎將軍右軍都督僉事佩征南將軍印鎮貴州 文皇帝舉兵靖難成率眾來禦被執入見 上命解其縛慰諭之令侍 皇太子居中凡節制號令悉出其謀 文皇帝已正大位進侯爵仍鎮守貴州永樂二年招降貴州蠻六年討平谷

本朝分省人物考 卷八十一

十一

高廣六

哀牢地諸蠻八年思州臺羅寨酋長苗普亮等復叛命成討之進兵擣其寨擒普亮斬之并戮其眾諸蠻震懾還師至鎮卒追封夏國公賜謚武毅成容貌魁偉質直有膽略涉書史大意雖至大將不以富貴驕人在鎮日繕甲兵申嚴號令威信並行蠻夷作生祠祀之及卒吏民哀慟子八人統普定衛指揮使勤貴州衛指揮同知統先卒

曹弘

曹弘字文淵益陽人永樂乙未進士歷刑部員外郎恭慎潔清詳謙明允累遷刑部右侍郎巡撫淮南鎮

靜不擾軍民懷之卒于官篋中無長物惟衣二襲帶二束而已

夏瑄

夏瑄字韞輝湘陰人原吉次子少穎敏喜讀書嘗竊觀忠靖奏草及忠靖朝退必請問所議事忠靖笑曰是非爾所知也然心默喜之胡濙嘗夢 上以櫻桃一盤賜忠靖二子長子琉避不敢受而瑄獨受賜後琉卒胡以告忠靖曰繼夏氏者必此子也 仁廟嘗顧問忠靖曰卿子年幾何欲以近侍官之忠靖曰臣子幼稚非食祿時俟成立事 陛下未晚也宣德五

本朝分省人物考 卷八十一

十一

高廣六

年忠靖薨 宣廟震悼不已即日遣中官致命于家拜瑄尚寶司丞明日瑄與叔父原禮入謝時瑄年甫十有三進退有度特賜冠帶衣服瑄扶柩歸鄉里宣廟憫瑄幼特免守制使養母于官而別遣官護喪歸且厚恤其家瑄強記過人太師張輔呼為小友少師蹇義而下多瑄父執成禮重之正統初 英廟追念忠靖勤勞特賜瑄田十八頃而蠲其稅楊文敏榮將歸謂瑄曰尚寶非處君地吾還當薦君未幾楊卒不果雲南夷逆命瑄上疏乞立功自效尚書王驥奇之欲以瑄往有沮者乃已八年命署尚寶司事瑄以

母疾乞侍養還鄉母愈乃就職時四方多事瑄上疏陳七事詔亟行之後虜使至瑄又言虜無故遣使與吾譯者偕來必伴爲遜辭以緩我應援揣我進退覘我虛實或爲誑事虛情以亂我謀或賂我譯者令爲反間宜慎防之以觀其變又謂虜若引退宜分兵五路間道襲之以正兵二路當其前以奇兵二路攻其傍以伏兵一路絕其後又以宣府大同諸路邀其歸蓋彼方恃強不虞吾至且待使回犯我而我先奪其心勢必可破當道不能用其言瑄又言虜旣得利今冬來春必圖再寇今汝寧鳳陽諸府及河徙故地流移之民無慮百萬恐因隙而動爲患不淺願假臣便宜使招募智勇以爲國用仍條陳事宜下兵部尚書于謙請試用其才侍郎王偉瑄知已也時爲監察御史亦請勅瑄募兵淮揚會事定不果久之瑄以母老乞就養金陵命掌南京尚寶司事三月丁母鄭憂上京師復陳三事大學士高穀見瑄疏薦于朝亦不果用奉使秦府充冊封副使凡所賜遺悉不受天順二年以疾請命掌南京尚寶司事踰月遷少卿八年賜誥命特贈所生母王爲夫人成化二年進爲卿時五府多闕惟都督一人瑄奏守衛事重非一人可任乃

本朝分省人物考

卷八十一

十一

湖廣六  
劉汝奇

命四都督往更宿衛十四年載考最陞南京太常寺少卿仍掌尚寶司事方圖請老歸守先墓疾卒訃聞上遣官祭于南京

賀宗

賀宗湘鄉人宣德庚戌進士授大理評事嘗疏言湘鄉田稅增重歲遭水潦民苦徵輸請減十分之一以紓疲民上從其請湘人賴以甦息正統間浙寇起宗畫策討平之

王偉

王偉字子英攸縣人隨父伯靈謫戍宣府年十四

本朝分省人物考

卷八十一

十三

湖廣六  
劉汝思

宣廟北巡獻安邊頌命補保安州學生員舉正統丙辰進士改翰林院庶吉士授戶部主事甚有時譽正統己巳北虜犯順命偉行監察御史事糾集民壯守廣平選兵部職方司郎中時邊圉多事文移填委援筆立就皆中機會少保于謙專任之引使佐已擢兵部右侍郎命出視邊常密具方略以上虜有小田兒者本中國人降虜虜爲邊患多出其計偉受謙密計至陽和城見其隨虜入貢行差後伏勇士于道執而斬之給虜曰彼思其親亡去矣自是邊患稍息天順初偉爲石亨所搆免官歸成化三年復召爲兵部右



侍郎初亨構于謙等黨逆鏤板榜出示天下至是傳以為言乃并毀之五年以病乞歸命還家養疾疾已復來道濟寧卒五十三賜祭葬如例

羅 琥

羅琥茶陵人正統中通判南陽捕盜縱被誣者五人積粟麥三十萬石撫綏流民萬餘戶築封丘隄八十餘里改衢州以擒賊功進南京戶部郎中會尚書缺署部事諸司咸祇令焉

劉 端

劉端字本正寧鄉人生母鄧蚤世幼事父濟以孝聞本朝分省人物考卷八十一 十四 湖廣六 劉汝思

天順己卯領鄉薦授潮州府同知聞父訃即匍匐歸被髮徒跣數日不食治葬遵古禮廬墓三年不履城郭服闋改西安府開涇陽廣慧渠鑿石引涇水溉五邑田七千頃民立生祠祀之致仕歸囊無贏帛而時享必豐潔事聞旌表其門進階朝列大夫所著有東岡集

李東陽

李東陽字賓之茶陵人曾祖文祥以戎籍隸金吾遂居京師東陽早負奇氣四歲能大書 景皇帝召見抱置膝下賜以上林珍果及寶鏹六歲復兩召之試

講尚書大義命肄業京庠天順壬午年甫十六舉順天鄉試甲申登二甲進士第一選庶吉士授編修甲午轉侍講癸卯進侍講學士甲辰充 東宮講讀官弘治己酉遷左庶子兼侍講學士辛亥預修 憲廟實錄成擢太常少卿仍兼前職掌翰林院事充日講官尋擢禮部侍郎兼侍讀學士典誥勅乙卯命兼文淵閣大學士預機務時安南侵占城國奏請命官往問 上欲從之東陽疏諫宜勿聽中官李廣以燒煉齋醮被寵東陽上疏極諫時武岡知州劉遜逮繫科道會奏 上震怒俱下獄東陽上疏救之 上為霽

本朝分省人物考卷八十一

十五

湖廣六 高梁

威召至平臺奏事始復舊制因東陽之諫也戊午加太子太保禮部尚書五月復召問親定團營總兵官九月清寧宮災東陽疏奏近年災異頻仍內府尤烈或者以天變不足畏禍患不足慮以齋醮祈禱為彌災縱囚釋罪為修德熒惑聖聽莫此為甚且賄賂公行賞罰失當紀綱廢弛賢否混淆工役繁興軍民困憊下情不達上澤不宜愁嘆之聲上干和氣災異之積正此之由越二日有為李廣乞祠額者又欲召能仁寺僧入大內慶讚東陽屢執奏以為不可 上從之甲子命祀孔子于闕里還朝上時政疏命有司

議行乙丑 上不豫召入受顧命 武宗登極加光祿大夫柱國兼太子太傅戶部尚書謹身殿大學士丙寅東陽上疏諫視朝太遲免朝太多奏事漸晚嬉遊漸廣等事言極剴切不聽復上疏曰 先帝顧命倦倦以 陛下為托臣痛心刻骨誓以死報邇者羣災疊異併在一時歷觀載籍徧閱古今未有如此而不亂者且詔令廢格變易殆盡憂在于民生國計若罔聞知事涉于近侍貴戚牢不可破或肯從中出略不為國武有所擬議徑行改易臣若諉顧命之名不盡輔導之責天下後世其謂臣何不報又上陳政令本朝分省人物考卷八十一 十六 湖廣六

疏上會慶府寘鐸叛命太監張永同都御史楊一清詞平之師旋獻俘永發瑾奸狀 上即命擒之以東陽有反正功加特進左柱國廢其從子兆蕃為尚寶司丞東陽復上疏切諫言 高皇 文皇創業定鼎之艱難 列聖相承之罔怠以及 先帝顧命 聖慮之深遠惟欲帝思祖宗授受者隆體生民仰賴者切每于朝奏講讀之暇安處官闈溥施恩澤起居以節游豫以時保養天和培植國本則六氣莫能侵百邪不敢近矣不報時巨寇劉六等眾至數萬東陽晝畫宵籌卒致底定加廢一子為錦衣指揮上疏力辭本朝分省人物考卷八十一 十七 湖廣六 劉汝德

上以京軍不習戰陣欲調邊軍入衛京師東陽上疏陳其十不便狀不聽遂乞休賜之勅詞旨優渥仍廢其從子兆延為中書舍人卒年七十贈太師謚文正所著有懷麓堂稿

劉憲

劉憲字廷式益陽人成化戊戌進士拜監察御史歷陞僉都御史巡撫寧夏值北虜入寇憲募土兵禦之于花馬池捷聞賜金帛有差後忤逆瑾逮繫詔獄卒

羅鑑

羅鑑字緝熙茶陵人成化戊戌進士授南京刑科給

事中弘治紀元鑑 上疏言隆輔養保初政廣儲蓄  
三事皆切時弊 上嘉納焉擢廣東叅議累轉四川  
布政使所至均賦役練戎政撫孤獨不為赫赫名而  
人被實惠進副都御史督蘇松糧儲會逆瑾索賄不  
遂落職瑾敗起撫蘇松尋致政歸

夏崇文

夏崇文字廷章湘陰人太師原吉之孫尚寶卿瑄之  
子也成化戊戌進士授南京吏部驗封司主事歷員  
外郎中陞通政司左叅議太僕寺少卿進右通政未  
幾卒崇文雖官家子然有文學端雅清朴為士林所

本朝分省人物考

卷八十一

十八

湖廣六

重 孝宗踐祚羣臣爭言事進士李文祥以忤執政  
謫咸寧丞崇文上疏救之名益著是後愈慷慨論天  
下事際 孝宗之明多見採行然其言每每傳以家  
庭舊聞 祖宗成憲體驗平實有自不能廢者

羅安

羅安字時泰益陽人成化戊戌進士授戶部主事使  
兩廣以清幹名監澧石督糧中貴不能干僉憲山東  
舉屯政毀淫祠轉四川副使夷酋安鰲者兇虐懼罪  
以金賂安安揮而誅之中貴採玉蜀地擾害安奏罷  
濫人祠之尋陟江西按察使寧藩校虐民痛繩以法

或銜之改貴州叅政會普安兵起安督餉有功拜金  
帛之賜

黃寶

黃寶字廷用長沙人高祖興輔洪武初為監察御史  
寶登成化甲辰進士授吏部驗封司主事歷文選司  
郎中懸水鑑勵冰蘗風節凜然遷太常少卿修舉禮  
樂正德初累擢都御史巡撫陝西時潼關以東民如  
縣罄花馬以南虜多陸梁近邊城堡復多起廢羽檄  
旁午倉卒不可為備寶深思其患力以處之迺肅紀  
律清壁壘豫餽餉遠烽燧恤災沴屏黠猾猶恐北虜  
西戎互相援應建議斷其右臂抗其中吭以犄角之  
故河套虜酋莫我敢犯而秦地用寧值逆瑾柄國罷  
歸瑾敗復起巡撫山東不踰月移疾歸卒

本朝分省人物考

卷八十一

十九

湖廣六

陳廷璫

陳廷璫攸縣人性孝友富於吟咏凡天文地理諸書  
無不通曉隱於朝天峰下成化十九年母宜人彭氏  
卒哀毀柴立負土築坟結廬墓側居三年悲號不已  
致有靈芝烏鵲馴虎死狸之異成化二十一年知縣  
陳鉞以其事奏聞弘治元年復應詔膺薦赴吏部考  
未及授選而卒所著有天峰樵唱詩集等十餘卷

袁經

袁經字大綸長沙府寧鄉縣人弘治庚戌進士授西  
安府推官陞監察御史按兩淮三吳有風采歷山東  
按察司僉事陝西副使山東按察使正德辛未陞右  
僉都御史巡撫遼東練兵恤士摘奸剔弊頗有能聲  
尋調巡撫大同道病卒如例賜一祭

徐廷用

徐廷用字良佐醴陵人弘治癸丑進士授戶部主事  
督收諸倉場芻稅剔剔奸蠹人莫敢干以私有中官  
同事者暮投數十金于地而去廷用晨起出其金焚

本朝分省人物考

卷八十一

二十

湖廣六

甲云

香集部吏矢之曰予不德金乃至吾門耶如貪賄害  
民有如此日亟還之宜大舉兵以廷用佐理軍餉區  
畫有方邊事克濟進郎中諸司奏牘多所屬草素有  
疾在告猶手削奏牘矻矻不少置廷用敦尚儉素既  
卒無以為歛所著有素齋稿東曹奏牘

譚玉瑞

譚玉瑞字暉祥茶陵人弘治癸丑進士任行人進司  
正性坦直處困無戚容居官簡約狷潔妻子僅足自  
給無私蓄也奉使寧藩絕餽遺至居家睦族置義倉  
設祭田內外稱之

楊志學

楊志學字遜夫長沙人繫籍彭城衛弘治癸丑進士  
授戶部主事轉員外郎郎中出補知府歷陞都御史  
巡撫大同值邊卒桀傲屢戕主帥驚疑勿靖志學感  
以至誠士如挾纊召入為戶部侍郎陟尚書扈從  
聖駕大狩與都督餉免租民蒙其澤子守謙守約守  
魯俱中科甲

易舒誥

易舒誥字欽之攸縣人弘治乙丑進士改翰林庶吉  
士授檢討詞翰冠絕當時逆瑾怙勢人爭附之舒誥  
獨不屈出為南京戶部主事眾為憤惋舒誥獨處之  
晏如也瑾敗復入為翰林聲稱籍甚尋以親老乞歸  
養杜門却掃娛親之外日事吟咏而已

張治

張治字文邦茶陵人性稟英毅學覽淵博自少以經  
濟為心正德庚辰會試第一人改翰林庶吉士授編  
修左贊善時議征交南選使往諭僉謂無以踰治進  
學士累遷吏部左侍郎署翰林院事陞南京吏部尚  
書入為文淵閣大學士進太子太保預機務方是時  
世宗日在西內躬修玄典召諸輔臣入直撰科書

忽不樂輒形之詞色未幾以病卒治性褊急而志意慷慨議論侃直兩典鄉會文衡號稱得人尤喜汲引善類其於權貴視之漠然不肯阿附以固祿位用是佐政未久士類悼之卒賜祭葬謚文隱隆慶間改謚文毅萬曆初改謚文肅

楊守謙

楊守謙字允亨號次村長沙人七歲授書善屬文器局疑重若老成人稍長為舉子業即以古豪傑自許講說經濟敦忠孝大節嘉靖戊子舉於順天己丑中羅洪先榜進士授工部屯田司主事尋改兵部職方

本朝分省人物考 卷八十一

二十一

湖廣六

司歷陞本司郎中 世廟南巡扈從車駕還賜綵幣陞陝西按察副使丁父憂服闋除陝西督學副使校士至公雖窮邊下邑以不身歷章縫典起至今思之祀于名宦秩滿陞本省叅政未履任即陞右僉都御史奉勅巡撫山西尋改延綏延綏胡虜咽喉西北重鎮邊垣稍卑虜每毀之而入謙為增高厚數倍益置敵臺戍堡虜萬眾仰攻不能入數獻捷 天子喜悅錫賚無算庚戌春陞副都御史巡撫保定去延之日軍民老幼祖送至數百里咸呼曰楊公在邊虜不敢正視西人高枕卧一旦去我廟虎牙無日矣甫蒞保

定屬北虜大舉入寇圍都城中外戒嚴援兵猝無至者謙投袂起曰虜薄都城 主上拊髀人情洵洵為臣子安忍坐視即率部下精兵三千入援 世宗皇帝聞勤王兵至大喜即降旨楊守謙提兵入援忠勇足嘉其陞兵部侍郎仇鸞有寵於 上謙督學陝西時鸞為甘肅總兵潛與虜逆謙聞而密白之中丞御史臺事竟寢未發其後鸞知遂恨謙切齒至是諧於 上曰楊守謙雖勤王實按兵觀望縱賊劫掠 世宗大怒逮繫詔獄法司擬戍 上愈怒罰治法司特旨坐謙棄市臨刑自若曰臣以勤王及既讒賊之口

本朝分省人物考 卷八十一

二十一

湖廣六

寶敵 聖聰皇天后土知臣心臣死何恨臣得與岳武穆子肅愍同遊地下足矣無何鸞造逆未就而死事發詔剖棺戮尸妻子闔門斬都市先是謙之及旣以八月二十六日而逆鸞被戮亦適明年是月日人以爲天報不爽云鸞敗 主上即悔悟謙冤至隆慶改元都給事中辛自修御史王好問交章昭雪謙忠而受冤詔贈兵部尚書謚恪愍賜祭葬廕一子忠義之士聞而鼓舞都城父老有泣下者爲人忠孝天至涵養有道燕居莊肅雖對妻孥不及於媒狎有庶弟二人庶妹一人悉爲鞠育婚姻事庶母死氏若親母

兄弟同居所得祿入悉推與眾不入私橐亢厲廉潔一介不妄取歷官至開府大位蕭然猶寒峻恒以稱貸自給文章尚氣格雄渾昌大詩亦悲壯有唐人風尤長於經濟籌邊有大寧考紫荆考花馬池考兵部集謙雖以忠冤卒蒙 聖恩昭雪在順天長沙祠鄉賢在西安延綏祠名宦而關中士人有死入冥府見謙方為貴神宮殿服御如王者獲報亦隆渥矣

周采

周采寧鄉人嘉靖己丑進士歷禮科都給事中端雅沉毅入 奏務持大體出補參政歷四川左布政使本朝分省人物考卷八十一 湖廣六 楊悅 時附和風熾采不能殉踰六年進副都御史巡撫雲南比解司篆籍耗金數萬充帑數一不問在雲南以鎮靜得民病歸卒

魏煥

魏煥字原德長沙衛人嘉靖己丑進士授嘉興府推官歷兵部員外郎擢四川僉事貞夷簡溫不以才智自見明習當世之務所在毅然身任之留心邊防能言勝敗之故至四川力振風裁無何卒所著有九邊圖考蜀東撫夷錄 皇明拱衛錄諸書

唐震

唐震醴陵人進士授戶部主事歷員外郎中勤廉公謹兩署部堂象人以公輔期之為三原王恕所器重叅議四川提督建昌六衛邊儲清慎不渝于初修城建堡政績顯著有土官勒馬賢者爭地殺人暮夜以金賂震震却之弗受設法擒捕置之法軍民咸樂業焉其他善政若除怪誕去淫祀不可殫述屢獲旌獎而越雋衛特立祠祀之以叅政致仕年八十一卒著東軒稿

施溥

施溥醴陵人性至孝母董氏疾溥籲天刲股作羹奉母母食之頓有起色既卒廬於墓側哀號如初喪有二鳥栖於墓樹聞哭聲輒悲鳴若助其哀者地故多鼠巾服皆為所嚙俄有猫至盡捕諸鼠磔之置墓旁而去

邵敏

邵敏湘陰人事母至孝母沒廬墓側三年一夕有虎來墓所敏了無懼色忽數鹿來逐之去墓旁產靈芝數本人以為孝感所致成化間旌其門

補遺

李邦興

字邦興字嘉言湖廣寧鄉縣人洪武二十年監生除北平道御史陞僉都丁憂違限調補汝寧府知府建言謫口外為民交趾叛起復僉都征討卒于途

周之屏

周之屏字伯卿號鶴臯長沙府人舉嘉靖三十八年進士授溧水令由南京吏部郎出守吉安遷河南山東提學副使廣東叅政按察使浙江右江西左右政使致仕後十餘年卒吉安故有流賊之警假浙江為禦兵素暴與郡人士睚眦亦不與聲如雷欲掠帑貲劫官府為質聞報嚴鼓升座誦兵曰汝輩將有本朝分省人物考 卷八十一 又二十五 湖廣六

所訴也將為亂也訢則守能為汝白之若為亂則守不懼死但恐汝曹造罪深重不得見汝父母妻子矣語未絕皆釋戈額首而拜士大夫莫不謂臨事忠決有安一郡之功在南粵時江陵欲行文量有司以狹獮田不可問比入 觀藩臬郡邑合言於 朝江陵厲聲曰只管丈悟其意揖而出眾尚囁嚅江陵笑曰去者解事人也眾出以問云何曰相君方欲一法度以齊天下肯明言有田不可丈耶申縮當在吾輩方豁然少有文學之譽與新鄭江陵近及蘭溪新建俱有交建其柄政務自嫌遠故十餘任皆平進而終

湖廣寶慶府

劉必榮

劉必榮字懋德武岡人洪武初以才能授浙江按察僉事以言事謫寧夏歷廣東提舉擢鴻臚少卿交趾黎季犛亂詔遣必榮往撫之既至季犛遠竄必榮直抵其穴季犛出迎必榮諭以朝廷威德季犛感服隨以黃綺謝悉不受還獻于朝自是凡三使又往哈嘛諸國咸稱使任

梁德遠

梁德遠邵陽人洪武乙丑進士父廷用任戶部郎中本朝分省人物考 卷八十一 又二十六 湖廣六

逮繫詔獄德遠中甲科不赴瓊林宴及父謫戍上言請以身代 高皇帝憫其孝命釋其父拜工科給事中

于子仁

于子仁武岡人洪武乙丑進士事母至孝任山東昌樂知縣驅虎患有惠政嘗以事逮繫詔獄昌樂百姓赴京保留陞登州知府有登泰山歌卒于官民祠祀之

方觀

方觀武岡州人性至孝年十四喪母哭泣踰禮父患

痰嗽觀憂思每夕焚香籲天尋愈及卒水漿不入口者三日比葬久雨走禱羣神已而果霽負土成墓廬其側三年不御酒肉養繼母沈氏若所生沈卒遂終身廬墓墓木爲牛踐傷乃躡踊悲號牛忽自斃鼠噉祭器觀以不善護藏自責俄一鼠踰伏祭器中不去觀舉而釋之景泰中事聞旌表其門

楊海清

楊海清城步人有勇力爲衆推服景泰八年洞苗肆掠邵湘海清率其妻及其徒追戰于龍王橋以後援不至與妻徒俱遇害今有祠祀

本朝分省人物考

卷八十一

二十七

湖廣六  
劉汝愚

楊廷芳

楊廷芳字孟仁邵陽人天順庚辰進士性執不阿遇事敢爲歷官貴州按察僉事亡何棄官歸環堵蕭然經學不廢郡守石鳳嘗分俸以贍之人稱年幾百齡學長三絕

唐鳳儀

唐鳳儀字應韶邵陽人事親恤族內行純備登正德戊辰進士授行人拜監察御史山按蘇松浙江風裁凜然不避權勢擢應天府丞進僉都御史巡撫四川上疏救荒止征勦擒獲沙保振旅息兵蜀民大悅尋

丁母憂以疾卒

康憲

康憲字公度寶慶人幼孤事母雷曲盡其孝仕廣元知縣寬洪簡易愷悌循良興學校惠小民民愛戴若慈母九載歸田恂恂謙厚雖待小兒必以禮有非義者愧不使聞治家嚴而有法尤敦嫺睦周患急年八十四鄉評重之

陽益

陽益新化人正德間應貢奏免本縣加增稅糧邑民賴之任桐城丞督兵拒宸濠以功欽賜銀幣

本朝分省人物考

卷八十一

二十八

湖廣六  
劉汝愚

賀冕

賀冕邵陽縣人有勇略嘉靖十年流賊劫掠冕率弟并姪四人奮勇拒敵以後援不繼死之

李原暹

李原暹邵陽人才識遠大爲監察御史持法有能名終雲南按察司僉事

補遺

康信

康信寶慶府人以蔭任武岡鎮撫嘗征武開有戰功未幾初武開蠻叛信大破之餘黨退入靖州愈熾信



後破其圍洞十餘追及綏寧之白崖後援不繼為賊所遮猶手刃六人遂遇害

本朝分省人物考 卷八十一 二十九

人物考卷之八十二目錄

湖廣衡州府

鄧偉奇

茹瑞

李思聰

劉紹先

賀讓

李璽

朱海

歐陽復

曾鑑

謝文祥

楊時榮

范輅

蔣福陵

劉黻

朱希賢

祝詠

本朝分省人物考 卷八十二目錄

王萬善

劉穩

補遺

陳經

文林

胡文璧

湖廣常德府

胥必彰

何穎

崔霖

鄧崙

馮貴

文澍

劉璟

楊禧

李顯

陳策

陳洪謨

冀元亨

龍翔霄

蔣信

楊英

補遺

冷謙

石瑗

本朝分省人物考

卷八十二目錄

十一

本朝京省人物考卷之八十二

湖廣衡州府

鄧偉奇

鄧偉奇字子才衡州安仁人登洪武乙丑會試第一人高皇帝親製策試時與試者四百七十二人擢丁顯為第一偉奇次之俱授翰林修撰先是辛亥開科以吳伯宗為首至是始復臨軒之制偉奇天資秀異博洽穎敏善屬文尤長於詩是科最為得人而二甲馬京為編修吳文為檢討三甲楊靖為庶吉士蹇瑤為中書舍人厥後俱為名臣云

本朝分省人物考

卷八十二

湖廣七

茹瑤

茹瑤衡山人洪武中貢入胄監授承勅郎累擢兵部尚書定文武官封贈之典及武官庶子襲職例悉從宋制上以瑤才能卓異并其田塘園林一切租稅悉蠲之加太子少保革除間以尚書掌河南布政司事靖難師起瑤主兵餉文皇帝登極以瑤有征討功封奉天翊運守正文臣兼兵部尚書忠誠伯食祿一千石子孫世襲賜券重修高廟實錄瑤為副總裁書成賞賚優渥詔以秦王長安郡主下嫁其子鑑禮遇崇峻後致仕尋以事逮至京師卒於獄宣德初官

其幼子鏞鏞以瑋在功罪之間不敢受

李思聰

李思聰字仲謀桂陽人洪武甲辰進士授行人時緬首及百夷稱兵為亂高皇帝遣思聰往諭之思聰宣布詔諭緬人聽命願罷兵事竣圖其山川險要以獻上覽之嘉悅擢江西叅議至即肇興貢院興學校事集民安沒祀于名宦

劉紹先

劉紹先衡山人洪武甲戌貢人胄監知休寧縣勤以蒞政賦役均平丁丑坐事免休寧耆民數千人赴闕懇留高皇帝嘉之復其職尋以母憂歸服闋補知肅州擢刑部員外郎歸躬耕衡山下有驛使問其家紹先適操耜在田間親指示之已乃具衣冠出揖驛使驚歎而去

賀讓

賀讓衡山人宣德丙午鄉薦知瀘州廉明蒞事平恕愛民至好惡甚嚴不苟徇時俗權勢者忌之陞思州知府去任之日瀘人攀號滿道留之不能得後數年為立仁政坊以表去思至思州撫馭有方民夷俱安尋致政歸行李蕭然惟市有瀝青數石為身後之計

而已今廟食思州

李璽

李璽字朝用耒陽人登宣德庚戌進士授監察御史巡按浙江江西陝西四川卓有能聲陞浙江叅政正統己巳閩寇作難璽提民兵分守三衢剿賊賜勅獎諭繼剿吉安強賊賜綵帛復同兵部孫侍郎原貞戮力攻寇賜寶鏹未幾陞雲南按察使璽至滇一新憲度值歲大饑璽議賑恤民賴以活考居最時鎮守太監羅紀總戎沐璘奏留一十三年遂以疾辭歸去後滇人立廟祀之孝宗即位推恩特進一級卒

本朝分省人物考卷八十二

湖廣七

朱海

朱海字克寬桂陽人正統乙丑進士拜雲南道監察御史擢江西按察僉事持身清白卒於官殯斂無所資子守恕剛毅廉能有父風成化壬辰進士知河南涉縣擢監察御史轉雲南僉事仕宦奕世不改寒素

歐陽復

歐陽復字時亨桂陽人景泰辛未進士歷兵部員外郎出知泉州府政平刑簡時大旱決滯囚理冤抑雨立霽遘疾郡人禱於神以祈祐者千餘人比卒哭之如喪考妣立三太守祠祀蔡尹歐陽三公至今泉民

禱輒應大學士彭時記之

曾鑑

曾鑑字克明桂陽人天順甲申進士初授刑部主事通州民十餘輩坐盜獄具鑑辯其誣釋之尋以父喪歸服闋改工部督造供應器物綜理甚密調吏部驗封遷稽勲員外再進郎中奏議精核人無訾議成化丁未擢通政司右通政領武官誥籍弘治庚戌遷太僕寺卿馬政修舉壬子擢工部右侍郎督易州山廠乙卯召還轉左侍郎修倉庾理宮掖充唐府冊封使庚申拜尚書修諸禁門社稷壇及京城垣墉凡涉公帑民力者執藝以諫上嘗召至便殿趣造戰車鑑言派辦不可亟請以舊所積榆槐爲之又嘗問工匠缺乏鑑歷陳災傷逃徙之故皆見嘉納正德丙寅脩虛溝橋隄特賜玉帶月餘病乞休進階榮祿大夫嘗著銅柱賦

謝文祥

謝文祥字元吉耒陽人登成化丙戌進士選庶吉士天性峭直與羅倫莊景相善遷監察御史數上封事直氣動臺端謫南陵縣丞李東陽劉大夏陳獻章輩俱壯其節贈之詩年三十七卽掛冠歸子訥弘治乙

本朝分省人物考 卷八十二

四

湖廣七 李郁

丑進士官給事中

楊時榮

楊時榮字仁甫衡山人成化庚子以戎籍領雲貴鄉薦再試禮部不第乃歸衡山作別墅於紫峰山下名其居曰止山養晦自高不入公府未嘗以褻服出戶庭事親盡孝行誼修飭人皆重之山上有白龍潭水可灌田時榮日課僮僕耕植其中意豁如也人呼爲白龍先生云

范輅

范輅字以載桂陽人正德辛未進士授行人拜監察御史清戎江西忤寧庶人宸濠謫四川宣撫司經歷起擢福建僉事江西副使適宸濠謀反輅首撻其樂工殺之誣繫獄除名事白復起山東副使陝西叅政輅有氣節歷官有能聲時論稱之從子鑾字汝和甲戌進士拜監察御史擢四川使

蔣福陵

蔣福陵字伯固衡陽人正德甲戌進士知鄞縣擢太僕寺丞出知臨安府公廉寬裕始終不易卒於官民昇柩歸衡悲慕而去

劉徽

本朝分省人物考 卷八十三

五

湖廣七 李郁

劉轍字伯繡衡陽人正德丁丑進士授行人值武宗欲南幸轍抗疏留駕上震怒廷杖八十謫南國子助教世宗登極詔復行人尋授廣東監察御史命巡南城屢建危言宦戚斂手繼按四川特禁中貴專擅復蘇氏侵田修鶴山圯院居父喪起復屢陳情終養繼母汪氏得請歸四十餘年母九十六歲而卒轍居家結茅清修公門屏跡為當路所推重所著有奏議文集易經卦變童訓等刻存於家

朱希賢

朱希賢字茂修衡陽人舉嘉靖戊子鄉薦性至孝種本朝分省人物考卷八十二 六 湖廣七 劉國柱 學績文自經史百家以至天象歷數奇遁陰陽地理靡不究折而尤邃于理學平生自誓欲崇廉耻重忠義敦風俗重綱常以回古昔三上春官不第輒隱居山中郡邑博士弟子員從者數百人以文行舉者甚衆學者稱為竹山先生云

祝詠

祝詠字鳴盛衡陽人嘉靖己丑進士授戶科給事中轉兵科給事在言路七年竟以方鯁忤時倖臣請內府白糧代俸戶部許之詠疏不可擅損上供竟廢閣癸巳星變有巡撫黨執政者故指事應為解詠應詔

力破其奸執政心銜之無所泄會甘肅諸夷入貢誣訐撫鎮大臣聽之懼損威拂之懼激禍朝議不能決乃命詠同大理少卿蔡其往驗將陰中之比驗覆詠以所訐坐諸夷羣小不復株連事尋解執政計沮而詠出入邊境目擊險易虛實之故數數論列如燒河套復屯田諸議又為當事所忌乃乘其未返諷吏部出為太平知府骯髒視昔不變巡按子矯虐虐民且挾有司為利詠怒將執之而巡按又惡其忤已嫁不根語劾詠事下巡撫詠兩疏其寃竟得理左遷兩淮鹽運司同知未幾補贛州知府減郡供應督府憲司本朝分省人物考卷八十二 七 湖廣七 劉國柱 無所避境多盜憲司令賞捕盜者詠謂其賊不實乃屏人謂曰吾知其非盜奈何在之瞋目視捕者不能置對具吐實立反其獄憲司不勝忿與巡按共擠詠詠再引疾求去上不聽尋陞四川按察司副使備兵松藩時西南夷騷動詠乃兼程往視出鳥道歷林峒撫視籌畫條其病利與巡撫王大用意合二年松藩無事擢陝西左叅政疾作罷歸卒所遺有兩科奏疏使西漫興蜀中稿祝氏家譜葬祭禮式存於家

王萬善

王萬善衡陽人嘉靖辛酉舉廣鄉試第一衡俗喜

靡士得少進輒美衣服乘肩輿揚揚閭里間萬善獨折節爲儉日御布袍芒履卽風雨亦曳屐走泥濘中有司雅重其爲人造訪燕見萬善交際謹默更不及他事篤行好學澹無所營以故家事益涼薄而意度豁如也隆慶初劉穩會楚士於衡山論學居數日萬善謂人曰學不力行講何益哉遂率同志數友會石鼓書院相觀切劘所學皆明心體通物我達治道諳時務盡期于實用不肯作漫然語隆慶辛未會試不第歸一歲而卒年纔三十餘士林痛惜之

劉穩

本朝分省人物考

卷八十二

人

湖廣七

劉國才

劉穩字朝重鄆縣人自幼有大人志與羣兒戲卽陳俎豆或列行陣以指使羣兒如約束焉年二十五薦於鄉卽從郡守蔡汝楠講良知之學丙辰登進士除南京兵部武選主事間復談兵出爲廣東南韶兵備僉事韶有大羅小羅故爲獠人所據有司常戒人出入販者不至則物價倍騰獠人輒歲掠于外數以警報穩至自詣其巢宣諭威德獠人感悟羅拜願受令因立獠長聯屬之民夷自是晏然薦晉兵備副使仍理南韶事屢著斬馘功蒙金綺之賜然穩體素弱而又久在兵間益憊不可支遂乞骸骨歸結廬衡山與

學徒重訂舊業有終焉之志隆慶辛未以言官疏起補廣西按察司副使未幾調廣東海道副使有討海賊功加俸一等萬曆甲戌召入爲南京太僕寺少卿居亡何以痛卒穩性冲粹于人無所拂忤海內名流齒交所及鬱有令譽業將大用而天奪之壽所著山房漫稿家訓粵中政紀兩粵猺訓二南漫稿易經折衷蒙訓藏于家

補遺

陳經

陳經字貫之湖廣臨武縣人成化十一年進士由內

本朝分省人物考

卷八十二

九

湖廣七

江知縣選河南道御史以忤汪直謫榮經知縣陞雅州知州丁憂復除東平州陞陝西僉事卒

文林

文林字宗儒湖廣衡山人成化壬辰進士授未嘉知縣法度顯明強右拘擥值市舶太監兄弟鴟張爲民患以計擒禁之卒瘦死而風岸峻峭不與世波人多忌之後改博平益挺直自將灑脫塵網其縣齋題詠有官貧自覺身無累謀拙從教俗取憎之句政成擢南京太僕寺丞滁地佳山水歐陽文忠遺蹟所在多題詠與李東陽吳寬莊景諸公寄贈倡和幾百餘律

陞温州府知府至則平市價程徭賦使貪漁斷割群  
息咸植又明敏風生照徹幽暗元旦有人被殺死者  
其家赴愬乃禱之于神夢鷹三雛被風翻巢墮地心  
計郡有潘英者殺之訊執遂服衆稱爲神明未幾卒  
于温篋中無一温物士民多哀誄之林學術優明精  
皇極數多所自得詩學陶韋不務雕刻有文温州集

胡文璧

胡文璧字汝重湖廣來陽縣人弘治十二年進士由  
戶部郎中改浙江道御史巡按浙江陞鳳陽府知府  
陞天津兵備副使以按中貴忤 旨下獄降延安府  
檢校嘉靖元年累陞四川按察使卒



本朝分省人物考 卷八十三 十 湖廣七

湖廣常德府

胥必彰

胥必彰字德鎮龍陽人洪武癸酉鄉薦拜監察御史  
善持風紀彈劾不避一時權勢震悚稱爲真御史擢  
福建按察僉事轉浙江叅議所至俱有聲

何穎

何穎武陵人洪武庚辰進士授峨眉知縣興革利弊  
吏民懷畏有失牛者吏捕得之穎察其非乃默歸於  
神果獲真盜風聞鄰境累官江西按察僉事

程霖

程霖武陵人永樂甲午鄉貢授湖州通判巨室抗不  
輸賦霖以嚴慎臨之人不敢撓其法賦稅亦無逋負  
者竟坐事落職歸家環堵蕭然糊口不給人有餽遺  
非義一介不取以清白重於鄉

鄧崙

鄧崙字惟玉武陵人永樂甲辰進士授兵科給事中  
數上章疏遇事侃侃不避嘗條軍務曰選將領練兵  
卒汰冗官犒邊軍禁邊弊止侵漁謹失機禁紀律貸  
貧匠徙達官凡十事士論韙之陞河間長蘆鹽運使  
建議鹽課利害切時病者十餘事民商便之陟兵侍

本朝分省人物考 卷八十二 又十 湖廣七 劉

卒

馮貴

馮貴字孟敬武陵人性剛直平生以忠義自許第進士授兵科給事中彈劾無所忌陞交趾布政司叅議遭喪以酋夷黎利叛奪情理事陞本司叅政勤設方略屢著奇勛與黎利兵對敵奮不顧身力不能支乃曰忠臣事君有死無二今力屈矣當死何疑遂遇害洪熙元年贈交趾左布政使建祠專祀

文澍

文澍字汝霖桃源人成化丙戌進士歷南刑部郎中

本朝分省人物考

卷八十二

十一

湖廣七  
劉國木

知重慶府政尚寬平有古循吏風值歲凶發部屬米萬石以賑全活者甚眾有劇盜嘯聚山澤諭之使復業盜感其誠信隨卽解散性坦直與監司齟齬調貴州忠州卽飄然歸武陵富於問學爲詩文古澹有思致著桃源賦

劉璟

劉璟字時瑩武陵人成化丙戌進士知霑化縣勵志清苦初邑中糧芻多被奸民攬納率至逋負璟至首嚴禁戢賦用完納加意撫字民瘼稍甦尋拜監察御史出按山西憲度嚴明貪吏望風解綬去晉藩嘗訟

民奪田璟察其非是仍判還民 宗藩敬服及以代去士民號泣以送臺評推重

楊禧

楊禧字介福武陵人成化癸卯鄉試第一弘治丙辰進士選翰林庶吉士拜兵科給事中持正敢言忤逆瑾致仕瑾敗起遷吏科都給事中轉通政歷陞南京太僕卿

李顯

李顯字榮宗桃源人成化甲辰進士授戶部主事監榷督儲以清慎著稱性樂活靜乞改南京考功出知南康府以惠愛爲政修復白鹿洞書院作興士類病歸人皆思之

陳策

陳策字廷獻武陵人成化丁未進士知宜興縣重厚有量政尚循良雖居劇邑卓有能聲擢拜監察御史謹於持憲論事率循忠厚出按貴州廣西二省得體歲甲子監河南試以藻鑑得人士論翕然歸之

陳洪謨

陳洪謨字宗禹號高吾武陵人謨生而體貌異常頭骨間有肉角半寸許足心有赤誌如豆穎敏尤疑重



寡言笑惟喜親書史二十二領弘治乙卯鄉薦丙辰進士授刑部主事轉員外郎丁外艱服闋赴京時正德已巳巨璫劉瑾專擅乃以母老乞便養改南京戶部員外郎遷正郎奉差催督蘇杭等處逋負錢糧擢守漳州虛心諏訪旬日即得其蠹民老吏一二人置諸法人大驚服郡有巨寇林廣周負海嘯聚數千人屬邑歲苦為患設策盡平之郡學樂器久壞遣人求泗磬請神樂觀知音樂羽士選俊民百餘人肄習仍刻大成樂譜傳焉一日習儀開元寺見寺後有文公朱先生祠已敝壞祠後有峰僧廬其下仍舊額扁為

本朝分省人物考

卷八十二

十三

湖廣七 周生

芝山書院乃事文公以陳北溪黃勉齋蔡九峰為配又遴選庠生數十人讀書其中士習丕變郡父老相傳文公嘗遺一聯云十二峰送青排闥自天寶以飛來五百年逃墨歸儒跨開元之頂上蓋若有所待云守漳之三年有會人居海濱者見有大鳥飛過遺一尾於水邊長七八尺五采炫煥眾以為鳳尾拾以來獻命寘之庫中略不為異後鎮守太監遣人來取蒼以久焚之時服其雅量郡志自文公纂修之後垂數百年未有繼者至是復修之郡文獻始大備俗尚浮屠歸訟乃取呂氏鄉約論民行之朔望親臨約所又

濬龍溪陂灌田萬頃漳人至今名為陳公陂陞江西叅政漳人懷其德乃即鄉約所建祠塑像事之適宸濠有異志寅僚多畏禍自營巡撫孫燧知謨特倚重焉擢貴州按察使隨丁內艱服闋起雲南按察使有十八寨夷民之亂巡撫何孟春聞謨來甚喜相與定謀設計督兵勤勦遂空其地捷聞有文幣白金之賜時鎮守太監史泰金騰分守太監劉玉貪虐無厭託進貢為名搜取金寶不勝其擾謨禁所司勿得奉行又泰玉嚇取富軍金銀等物遠近含冤謨得其用事叅隨等罪之又泰家人極生員於途訴於謨謨以大

本朝分省人物考

卷八十二

十四

湖廣七 香祥

義諷泰泰不得已付謨正法謨又上疏極言泰王之惡後俱勒回一省賴以安黔國公沐紹勳未襲爵其叔叅將崧賂權貴謀得之事下勘覆謨首抗議紹勳年已長成奪之非祖宗法不可由是眾議翕然嘉靖壬午陞山東左布政黔國公以珍異贈謨為報堅却之過武陵疾作乞休吏部請破外官養病例以處謨荷温旨有才識可用病痊起用之語時夏江漲决堤大水淹沒城東北鄉尤甚祖居實當其衝慮族人有害者亟買二舟各載湯粥薪米之類遣人分給族人果依棲屋脊及樹上饑寒者二日矣家人乃以一

舟濟之又以一舟分給鄰右次日水退賴得無恙癸未九月吏部復起補江西左布政甫十月陞都御史奉 璽書巡撫其地謨感激奮節裁冗費飭軍旅察奸貪除宿蠹夙夜忘疲已乃請建縣治立儒學重修白鹿洞聘致仕提學副使高賁亨主洞事以風俊彥謂先朝處士吳與弼宜得表章乃上疏請祠額祭典遂荷旨賜祠額曰崇儒以至不屈死事知府宋以方節婦伍氏皆賴表揚於時少宗伯楊廉卒於家則疏其賢請恤典又積穀至百萬石亦荷金幣之賜丁亥以太監吳猷爲張真人修龍虎觀破冒太濫爲謨所

本朝分省人物考

卷八十二

十五

湖廣七

抑訴於朝乃放歸家居己丑陞兵部右侍郎卒年八十二贈兵部尚書賜諭葬子一德由進士爲明司理任一能爲進賢令孫思育由翰林庶吉士歷官禮部左侍郎稱文獻世家云

冀元亨

冀元亨字惟乾號開齋武陵人生有異質兒時讀書史卽慨然慕古有長駕遠馭之志喜讀古忠義傳每覽其從容慷慨殺身就義之事必擊節羨歎不已正德庚午陽明起于謫所元亨請見而師事之從之廬陵踰年聞其學以歸喟然謂同志曰夫學術一本而

已矣行誼氣節猶非也况支離于糟粕者乎爲文雅好奇古甚厭俗格丙子鄉試則以所聞於師友而獨得之身心者發淵源雄偉之論西野張公謂必楚豪傑也竟置優選丁丑試禮闈主司大奇之以遺二判弗取由是望動京師戊寅再侍陽明於顛時宸濠陰有異圖承命往瞰之冀得因事納規開陳大義沮其邪謀如其不可勸喻亦因得以審察動靜知其叛逆遲速之機可密爲禦備亨相見議論矛盾宸濠以陽明所遣舍忍遣發而毒怒不已陰使惡黨訪緝加害陽明聞之遂遣間道歸常以避其禍越己卯宸濠

本朝分省人物考

卷八十二

十六

湖廣七

變作旋覆於義師因仇視陽明而誣及元亨同謀在獄南北二十年俯仰契觀從容歌嘯守者驚歎初權奸江彬輩欲重禍於陽明鞠問筆楚備至元亨執義不屈卒免陽明於禍久之開釋命下疾作卒葬黃龍岡後有司命創陽明書院置王木主而以元亨配之居恒與蔣信論格致及程子先識仁體之說亨首肯之且曰願諸子頗能靜坐苟無見於仁體稿坐何益其所自得亦卓然其不羣矣

龍翔霄

龍翔霄字潛之武陵人領正德己卯鄉貢性孝友自

守介潔初知蜀閬中補雲南大和縣蘇倉役相承之困正麗江積歲之爭以循吏稱召為駕部郎清科稅革夫牌宿弊鄉人賴之出守程蕃以禮讓變易夷俗歸泗洲流徙之民正所司擅殺之罪德威茂著入祀貴陽名宦性尤好赴義喜周人之急鎮遠守袁成能道經武陵避疾卒為具棺殯之償之金弗受思恩吏目高守仁過太和資乏不能前鬻幼女於人為道里費翔霄聞之為贖以還歲時與宗族親故語惟敦本尚實力學明倫為先故弟行霄舉名儒孝子以子德謙貴受大田令封翔霄子德孚由舉人歷戶部郎乎

本朝分省人物考

卷八十二

十七

湖廣七

子二俱登科第著有詩文如九芝堂等集行於世所創有龍門大會子姓科貢不乏云

蔣信

蔣信字卿實號道林常德人生而骨相隆起神氣朗秀年十八充弟子員家貧餽粥常不充不少介意次年餼廩太守文橘菴為比鄰聞信居身有法雖盛暑未嘗袒裼大稱異之會正德改元齋詔沅江縣令素聞信名厚贈之悉却不受年二十五始與同郡冀閻齋元亨論學信嘗曰釋氏只悟得一空即根塵無安脚處吾輩體認天理若見得時則私意自退聽矣一

日論大學信曰知止當是識仁體莫躍然而起曰如此則定靜安慮即是誠敬存之五年陽明赴謫龍場寓郡西潮音閣有醫杜仁夫者攜其復春詩卷以謁陽明一見驚以為奇遂因杜氏借聞齋見之陽明復語真曰如卿實便可作顏子矣信偶疾借寓道林寺以一力自隨閉目趺足默坐澄心晝夜不就枕席一日忽香津滿頰一片虛白炯炯見前冷然有省而沉疴已脫然去體矣嘗謂吾平生學問多自貧中得之戊寅年十月遭母憂比葬世俗時日方向拘忌之說一切不用惟擇土色黃燥處以大統曆所載吉日

本朝分省人物考

卷八十二

十八

湖廣七

行事人以為異而信斷然不疑嘉靖癸未信應歲貢赴京師始謁湛甘泉于邸舍因呈平生見處甘泉歎曰楚冲有是人耶遂留與論聖學精義凡數日而歸歲丁酉省甘泉于南雍遂入太學甘泉以學者須先識仁論試諸生信所作獨契其旨海內之士問業甘泉之門者甚眾則以屬之信信簡易和平人有不之甘泉而遂之信者丙戌歸自太學居道林里丁亥再入太學戊子信年四十六中應天府鄉試壬辰登進士第觀政戶部八月授戶部主事尋奉差督解軍餉于陝西往時督解者利其羨餘臨兌輒爭較不已信

以部原封付所司兌收之取足以竣事而已丙辰春  
陞車駕司員外郎冬陞四川按察司僉事丁酉春赴  
任播州土官循常套以金餽於途叱去之其地舊有  
關堡戍守久廢苗寇白晝流劫爲商旅梗信卽條其  
事于撫按復其舊民賴以寧戊戌代管提學道己亥  
入賀 聖節歸監鄉試性學一策出其手筆有道士  
以妖術憑愚民武奪于通達官司使人攝之莫敢近  
獨信使呼之道士作術如初禁不復驗遂置之法十  
月陞貴州提學副使赴任作聖諭行訓以寓約束置  
陽明先生祠祭田若干畝奏開普定等十四衛改湖  
廣清浪等五衛生鄉試附於貴州增其解額舊多以  
險遠不能達湖省自是便之科目日盛城中有黠民  
易棊等投入土酋司中撥置爲不法巡按趙方崖訪  
捕之土酋烏合其衆止城外演武場聲言欲爲變居  
民惶懼奔避撫院謂當招撫之信正色曰寧亂而斃  
我撫不可行也卽遣人持牌以法諭之土酋舉手曰  
若得蔣公處分敢不聽命遂戢衆而歸趙薦于朝謂  
常昇以官輔成均之任不報癸卯病亟懇歸適督府  
檄取川貴兩司賢能官各一員赴辰沅議邊事撫臺  
劉委信以七月抵貴州御史劾奏信擅離職守遂被

本朝分省人物考

卷八十二

十九

湖廣七  
陳士

旨回籍聞報束裝以正學書院記未脫藁遲二日乃  
行劉見之歎曰先生方作文字耶可謂真道學矣去  
之日貴人士皆號泣持輿不忍別信留詩勗之甲辰  
年六十二聞甘泉遊南嶽往從之一切家事不問丁  
未冬奉恩例冠帶閑住己酉春始歸十月卜築精舍  
於桃花岡學徒大集乃作訓規以示之遠方來者卽  
以精舍田所入廩之惟四孟祀祖考一歸城餘日惟  
端坐慎獨中心堂大觀樓與諸生究極微言或臨池  
或陟阜席地坐命諸生歌詩一二首信時自詠乾坤  
二卦文孟子牛山之木生我所欲數章以寓警發進  
修游息各有節度己未十一月感痰疾門人還侍攷  
攷屬以進學此外一無語有勸以服藥者荅曰古聖  
賢如孔子七十三明道五十四晦菴七十吾德不逮  
而壽過之俟命足矣更何藥爲疾近殆而神氣爽然  
談笑自若未屬續前二日作詩二首曰歸住青山十  
六年歌遊多在萬桃間萬桃如我浮雲耳請借西風  
吹上天又曰吾儒傳性卽傳禪豈向風塵滯此身分  
付萬桃岡上月要須今夜一齊明十二月庚子漏下  
四鼓瞑目端坐而逝時年七十七學者稱之曰正學  
先生

本朝分省人物考

卷八十二

二十

湖廣七  
陳士

楊英

楊英武陵人初襲陞萬全都司都指揮僉事尋充獨石右叅將轉協守寧夏副總兵會慶府寘鐠叛遣其黨撤黃河渡船英方以警出屯楊顯堡遂率將士奪之不克走靈州發延綏官軍一千五百人隸焉未幾遊擊將軍仇鉞謀執寘鐠密約為內應及平其部下斬獲功最多乃實授都督僉事掛平蠻將軍印鎮守湖廣地方卒賜祭葬如例

補遺

冷謙

本朝分省人物考

卷八十二

二十一

湖廣七

冷謙字啓敬武陵人號龍陽子初與邢臺劉秉忠從沙門海雲遊無書不讀尤邃于易及邵氏經世天文地理律曆象伎皆能曲盡其妙至國初已百餘歲矣綠髮童顏如方壯時飄飄然有塵外之趣避遊金陵以方藥濟人取效如神高祖聞其善音律召為太常協律郎謙承命考正宗廟雅樂音律及鐘磬等器并樂舞之制稱旨一日至便殿上曰汝善遁卽此處能否謙曰得一小罌亦可遁也命與之謙以足漸沒其中呼冷謙輒應及視之空罌耳命碎之左右執碎罌片片皆應自是遂不復見下詔命所在

物色之竟不得後有人見謙于武夷山中云

石瑗

石瑗常德府武陵人祖廷河嘗主家訓約子孫同爨傳至瑗家益蕃衍人無間言孫備鼎益守其訓惇尚禮讓知府陸瑯屢造其廬大書十世同居遺之當道以聞命有司表之復其家

本朝分省人物考 卷八十三

分省人物考目錄卷之八十三

湖廣辰州府

劉有年 周拱元

袁伯儀 荆政芳

王信 宋以方

潘崇 蕭瑒

唐愈賢

永州府

解冠 雷復

甯良 于材

本朝分省人物考 卷八十三目錄 一

程温 胡節

朱袞 周卿

楊成章 何天衢

蕭華 周璇

郴州

曹嗣宗 陳德芳

鄺子輔 李欽

鄺埜 曹璉

朱英 袁玘

何俊 鄧庠



曾轅

黃珙

馮允中

周叙

補遺

曹琚

曾全

崔巖

高胤先

陳鑛

本朝分省人物考 卷八十三目錄 二

本朝分省人物考卷之八十三

湖廣辰州府 永州府

劉有年

劉有年字大行沅州人元季自廬陵徙居洪武中以明經薦拜監察御史學行優卓尋以辭秩養母忤旨謫通州輪站役於州中舊家檢閱儀禮逸經十八篇上之 上命付史館建文中起知太平府持正尚古抑橫軍革黠胥去淫祠釐蠹政以儒術飾吏治當塗人士多懷之靖難師至不行迎駕謫戍雲南遇王文忠公子紳自滇旋一見以道義相許黔國知其賢遣子就學厥後交趾平起為按察僉事卒于官

周拱元

周拱元沅州人少讀兵書出入辰沅蠻中相交易蠻人信之建文初應募入京試騎射荅策授錦衣所鎮撫軍前差遣占候輒中主將令引步兵防餉舟靖難後不屈死之

袁伯儀

袁伯儀沅陵人博學有才識永樂鄉薦以道德自重拜監察御史廉慎克振風紀時中貴人與當路有郤欲中傷之先使人謂伯儀曰若能為我劾去此人當

有美除伯儀曰善良善以取美官君子不為也吾為御史可聽刑人言乎遂上疏論之後以病乞歸卒

荆政芳

荆政芳淑浦人永樂丙戌進士歷官交趾按察僉事改山東廉慎自持不苟取與致仕歸箚中惟俸金三兩家居不入城郭澹泊自如餽粥不給未聞怨悔之言

王信

王信沅陵人永樂中薦授監察御史守正不阿朝宁多憚之有囚論死暮托其鄉之顯者懷金餽之信拒之益峻竟抵如法

宋以方

宋以方字義卿黔陽人弘治乙丑進士歷戶部郎中出知瑞州時宸濠謀逆構亂賊潛至瑞以方設方畧捕得之訊知反狀濠遂忿怒嗾當道劾以方有旨逮繫獄後濠反破獄械赴彭蠡不屈憤罵至康郎山自投于水濠鈎起縛於舟殺之棄尸水中嘉靖初江西巡撫都御史陳洪謨巡按御史秦鉞疏陳遺忠上請詔贈光祿寺卿錄其子祀節愍祠

潘崇

潘崇字希召辰州衛人弘治乙丑進士初授順慶府推官嘗有克敵除毒之功士民感之祀於韓文公祠擢拜南京吏科給事中每有建明時宸濠陰懷不軌請復護衛崇上疏止之中有虎而翼之語無何濠誅而崇言竟不錄論者惜之歷謫縣丞轉知縣知州陞雲南僉事致仕卒于家

蕭 璆

蕭璆字子鳴辰州衛人嘉靖癸未進士有才華精文翰家貧克自振勵授吏部主事擢貴州提學僉事教範嚴正後乞歸日與門人論學不倦無疾而卒

本朝分省人物考 卷八十三

三

湖廣八

唐愈賢

唐愈賢字子克沅陵人幼穎敏比長有大志聞餘姚王守仁講學往從之游數載歸克然有得修業桃溪山中尋登嘉靖丙戌進士知浙江寧海縣政教並舉民爲建祠祀之擢拜監察御史疏劾奸黨抗言時政遂乞病歸過武穆祠云奸邪何代無秦相忠孝誰人似岳家一日與門人論學學衣冠正寢召親友環坐對食盡歡自歌而逝

永州府

解 冠

解冠字委玄道州人授戶部主事性亮直不阿監兌浙江常例一切革之勤勞儲務邁危疾遂疏乞歸時巡按王璜知其清約爲置棺殮之具遣人以隨冠至湘東始知之止受棺具及其贈金至祁陽疾革而終亟抵家行李蕭然惟衣半篋而已

雷 復

雷復字景陽寧遠人正統丙辰進士性資純穎博洽經史任行人擢拜監察御史出補廣西按察副使轉浙江叅政山東布政使召爲禮部侍郎改副都御史巡撫山西歷官公正廉能臺綱振肅宦履無間言鄉邦仰而敬之

甯 良

甯良祁陽人正統乙丑進士天順間任行人上平蠻策擢刑部員外郎轉浙江叅政處州賊平奏免運舟價數萬緡進浙江布政使

于 材

于材字國用寧遠人成化戊戌進士選翰林庶吉士天資高邁學識優博銓授本院編修時同館自梁儲



而下數十人皆一時名士材與之頡頏其間有所修定文章煥然館中得人於斯為盛

程 溫

程溫祁陽人成化甲辰進士任南京吏部郎中公正有聲陞通政司叅議會逆瑾用事銓部議擢太僕少卿內批黜之歸家以書四百餘卷藏于學宮

胡 節

胡節字國信零陵人弘治壬戌進士授行人拜監察御史巡按山東時逆瑾擅柄責賄朝士節獨無所饋瑾怒逮捕詔獄卒瑾賂太僕少卿

本朝分省人物考

卷八十三

五

湖廣人 陳日升

朱 袞

朱袞字子文永州人弘治壬戌進士選翰林庶吉士拜監察御史以忤逆瑾謫縣丞瑾敗起擢南吏部郎中出補雲南叅議轉按察副使進叅政為人朴茂善談論為文颯迥雲結萃律崎嶇其所蘊蓄人莫能測其涯涘為當時名流所推慕云

周 卿

周卿字希旦江華人任兵部主事調刑部又調吏部行誼文章為時推重尤清苦自勵病劇僚友視之無一言及于後事卒後無辦喪之資唯書籍數百卷

已

楊成章

楊成章道州人正德時父泰任浙江巡檢以妻何氏無子娶妾丁氏生成章年四歲而孤丁改適母何攜成章扶輿歸比長為諸生何臨歿具告之故成章痛哭曰天下豈有無母之人乎乃遠歷金衢遂鄉跡訪再往乃得之孝養終身知州葉文浩嘉之以事聞授國子學錄

何天衢

何天衢字道亨道州人以正德丁丑進士知浙江嘉興縣多豪右天衢繩之以法恤犖獨撫逋徙墾荒積儲政聲懋著擢拜監察御史彈劾無所避大司馬馬端肅公昂時司宰衡稍有弗可天衢首劾之權貴歛手逆瑾專柄遂被中傷禁錮家居瑾敗起知河南府時鎮守王閔漁獵七郡郡多賄以重貨天衢獨抗弗與陞陝西按察副使克謹邊防陝賴以安陞浙江按察使轉布政使平孽族湯氏許氏之亂宸濠不軌太監畢真潛為應援天衢設計擒之以功陞副都御史巡撫河南鎮寇王堂倡亂督兵蕩平進工部侍郎增祿一品留守南都災異上疏言時政闕失 上嘉納

本朝分省人物考

卷八十三

六

湖廣人

之卒于官

蕭華

蕭華字中美為永州府學諸生幼孤既長事母孝家貧苦耕所得不入私藏惟聚旨蓄以養母朝夕愉色不異嬰孺正德初母歿華年甫壯廬墓三年丙夜猶聞哭聲囑其妻不得往顧服除猶不忍歸親友強之乃歸又以父早世未伸子戢復廬其墓三年遠近莫不以孝歸之友人有欲上其事者華力阻遂寢越明年以疾卒年三十六嘉靖中巡按御史黃季瑞特表其墓

本朝分省人物考

卷八十三

七

湖廣八

周璇

周璇字玉衡號恒齋永州衛人幼知孝友師晉齋常用主敬工夫居無惰容領鄉薦以親老就舒城學諭尋改當塗以薦轉湖州教諭陞武平令值勦賊璇單騎詣巢開諭賊党傾服當道嘉獎有以郭令公奇之者憫民饑荒專勤撫字遂以緩征坐調柳城丁內艱歸不復仕靜居一室左右圖書不履公門不談世務惟讀書講授清約表俗後進多法焉

郴州府

曹嗣宗

曹嗣宗字世傳彬州人洪武庚辰進士初授四川達縣縣丞達本宕渠故地開創官府修六相樓以祀唐李嶠劉晏元稹李適之韓滉宋張商英士民感化郡守嚴峻德薦之擢陝西僉事調江西廣東叅政所在治績懋彰民懷其惠

陳德芳

陳德芳施州人少聚徒教授洪武四年王師伐蜀德芳諷其邑令迎降乃代為狀上前朝符印以兵助攻

本朝分省人物考

卷八十三

八

湖廣八

鄭子輔

鄭子輔郴州人以明經任本縣訓導陞安福令不受復改句容教諭所在咸立師範謝職教子塾登進士歷官陝西按察使嘗以俸錢易一絨褐歸奉子輔大怒封還以書責之塾欲相見與僚友謀請為鄉試考官子輔知之復怒責之曰豈有子廉訪而父典文衡乎其忠義之訓耿耿如是汝世稱塾者以為子輔之

賢有以督干成焉

李欽

李欽武清衛人其先以洪武間軍功授武清衛百戶正德辛未成進士任行人陞貴州道御史巡視居庸武廟欲獵雲中上谷駕從居庸關出時虜闖入近陞患且叵測欽閉關三上疏陳不可狀堅請回鑿駕果中止丁時直聲震海內中外倚重會事忤當道出知陝西漢中府未幾總督楊一清特薦陞副使兵備延綏歷官右副都御史巡撫四川陞工右侍郎致仕歸

鄺埜

鄺埜字孟質郴州宜章人永樂辛卯進士癸巳拜監察御史時車駕在北京有言南京鈔法阻滯命往察之衆謂將起大獄埜往擒市豪一二以歸奏曰市人聞令皆震懼今鈔法已通矣上領之而罷倭寇犯遼東命往按問戍守之失律者凡百餘人皆應死爲開陳其可矜狀甚明上然而宥之而海關吏卒邀阻行人以取財凶逆之人則受賂縱之去弊積滋甚埜廉得之歸至關悉擒治抵罪弊爲之省戍戍石州人有詣闕告變者州與陝人羣聚千餘謀不軌上擢爲陝西按察司副使往理其事果實即以

本朝分省人物考 卷八十三

九

湖廣八

官軍勦戮母貽民患賜之楮幣給驛而行比至察其誣乃反獄亡命妄言與脫死卽具以聞上命止弗問而誅其造誣者宣德己酉陝右饑華陰宜川尤甚公私廩皆竭埜巡歷其地乃移勞縣粟以賑貸焉民以全活任滿以憂歸除拜應天府尹輦轂之下賦悉役繁一以養民爲務事無大小苟可興利去害罔不用心至於督征田稅皆酌其平豪猾不得爲輕重賓興之歲設科取士厚其禮而峻其防得人爲多歲大熟麥有兩岐者民歸德之拒弗受正統改元進兵部左侍郎時西鄙有警尚書王與出征埜獨任其事

本朝分省人物考 卷八十三

十

湖廣八

英宗加其才荆湘民多隸戎伍埜家亦與焉至是特除其籍以示寵己未京師淫雨壞官民廬舍乞罷歸田里上慰免之辛酉師征麓川舉蔣貴可任卒有功衆多其知人及徐晞以奸佞陞尚書理部事埜以正自持不激不隨晞雖險詐亦心服之既晞卒陞尚書盡滌宿弊振舉戍務天下軍衛總旗小旗當代者於例必就試京師有道遠無資不能來至終身不得代乃請於各都司試之人以爲便嘗自念曰治軍吾職也當爲國家惜其力養其銳氣以備不虞故凡軍家利病有當興革者必爲上言之多見信從己巳

夏也先入寇王振獨主親征詔下楚力言但當嚴飭  
宣府總兵楊洪固守應禦不煩六師不聽七月六軍  
啟行楚從征出關屢奏言虜犬豕不宜屈 至尊惟  
指麾諸將足以成功又不聽權奸惡其數言事欲踈  
之勅楚與戶部尚書王佐隨老營至懷安墜馬幾殆  
從者請少留懷安就醫藥楚曰天子在前吾爲大臣  
豈可托疾求醫自便力疾而往 車駕至宣府過鷄  
鳴山虜寇踵至成國公朱勇出戰敗績楚深以爲憂  
再上章請疾驅入關而嚴兵爲殿背不報最後復申  
前請權奸怒曰腐儒安知兵事再妄言必死楚厲言  
曰我爲社稷生靈而言何得以死懼權奸愈怒叱左  
右扶出楚與王佐相對泣帳中十五日土木營中無  
水土馬皆饑渴虜四面集矢下如雨衆奮欲戰又爲  
權奸所阻須臾師覆邀留 上駕楚遇害明年詔贈  
少保官其子儀爲主事楚學博行莊仕宦四十年風  
裁凜然見重於士大夫威行惠施近悅遠懷服仁蹈  
義至老不衰生平大節亦卓乎不群矣

曹 璉

曹璉字廷器永興人宣德己酉舉人初授嘉定州學  
正儀矩峻雅文學縝囑正統末擢河南督學僉事以

本朝分省人物考

卷八十三

十一

湖廣八

朱秀

身爲教士習丕變時于忠肅巡撫中州薦之遷陝西  
按察副使都御史耿清惠公雅重其人令修通志清  
戎籍錄重辟咸委任焉陟大理少卿叅贊延綏軍務  
謝事歸卒所著有裕齋集

朱 英

朱英字時傑桂陽人登正統乙丑進士大司馬鄺楚  
深加器重曰吾鄉老成凋謝殆盡負重至遠吾於子  
有望矣擢監察御史激揚有聲十四年處州賊葉宗  
留反其黨周明松等四出剽掠 朝廷慮其與閩寇  
合遣英與中官分守要地乃榜諭脅從示以禍福降  
者甚衆又以計生致明松等數人械於慶元謀報賊  
首領衆三萬劫明松等即令所司誅明松等尸於市  
賊聞知遂遁乃募壯勇據阨塞遠斥埃民賴以安賊  
平還京都督汪金以戚畹之貴縱家人奪民田英與  
諸御史劾之 景皇帝責金而歸其田於民中官姚  
廣單增怙寵恣橫又率同列劾之皆抵罪會有獻議  
易 皇儲有詔羣臣入議英與給事中林聰議不可  
繇是悟執政意俄有 詔風憲官被告訐者皆外補  
英上章極論其非執政益忌之尋遷廣東布政司叅  
議嶺南寇亂之後閭巷蕭然撫凋瘵招流凶寬徵歛

本朝分省人物考

卷八十三

十一

湖廣八

朱秀

理冤滯民用蘇息奸民避役者投司府為隸卒主者納其賄而庇之英痛革其弊怨毀不恤也又立均徭之法等其貲產厚薄以輕重之役吏民稱便峒蠻為亂撫之不聽乃進兵勦之其黨棄賊先降者百餘人大帥欲悉誅之英力持不可誅首惡數人而已 英宗復辟凡諍易儲者皆得優賞英嘗至京林聰已僉都憲語英蓋自陳英曰向日之言吾職耳豈覲後福耶都憲葉盛巡撫兩廣其與華子奪之宜多諮於英兩廣合兵勦賊葉屬英督察奸弊先是叅將范信以兵會勦大藤峽冤誣宋泰永平等鄉居民皆賊黨屠本朝分省人物考 卷八十三 十三 湖廣八

戮殆盡至是又欲并進城等鄉屠之以為功英爭其非辜且遣間使請葉亟班師民始免屠滅之慘又告廣州半湖堡民謀亂議者欲遣兵屠之英知其冤又力爭以免湖賊羅廟寧等寇掠郡縣奉臺檄討之官軍執脅從者欲盡戮之英諭而遣之又別置營以處被掠女婦兵罷訪其家歸之蓋英屢破劇盜誅止其魁脅從賴以全活者不啻萬人巡撫上其功遷本司右叅政 賜綵段寶鏹丁母憂解官歸服闋改陝西叅政固原熟羌滿四反 朝命都憲項忠帥兵討之項檄英督饋餉凡用兵方畧悉以訪之既賊平其謀

畫居多成化五年陞福建右布政使福建八郡歲輸大青大綠非土所產厚價買諸他省吏胥每緣以為奸英擇屬官廉能者總收之買以輸官民免科歛提督市舶中官死鎮守太監分其餘貲遺藩臬力辭不能却乃受而輸於官八年遷陝西左布政使十年陞都察院左副都御史巡撫甘肅首陳安邊十事大槩欲練兵積糧興屯田柔諸番皆切於時務又陳十事如徙居戎簡貢獻謹烽燧防間諜亦常慮所不及又遷拔褊裨授以閫職如王璽劉誠後皆為名將 上以兩廣久困於兵 命總督軍務兼理巡撫兩廣用兵以求戎帥喜邊功每有小寇輒張大賊勢覲用兵得成其私英深知其弊下令撫緝徃徃各安生業約飭將士寇來不許輒進兵諸徃岷有倡亂者購首惡誅之而釋其黨田州知府岑溥與其叔思平知州岑欽煽眾以叛總帥請用兵英乃遣間使密諭欽誅明以雪家門之耻欽感泣遂斬明父子傳首軍門十六年平鬱林州木頭等崗蠻七如天河荔浦尋融間皆巨盜巢穴莫不畏服乞供職貢事聞 上賜褒諭陞右都御史交趾侵老撾地界連歲戰爭衆疑其謀入寇勅詢處之之宜英奏曰交趾蕞爾小國不過與老

本朝分省人物考 卷八十三

十四

湖廣八

過爭地耳遣使諭之彼當悔悟不可輕用兵 上用其言交人感愧貢方物 上表謝罪英居兩廣幾十年 上念久勞於外乃 召入掌臺事大載考績加太子少保會有星變詔求直言首陳八事多人所不敢言者 上皆納用及有疾侍郎何喬新適奉 勅賑饑晉陽聞其遣使奏事即召使至寢室手書勉何大略謂民饑盜起可憂賢者所當努力無一語及私時病已亟字半不成越三日卒其忠愛之心斃而後已云平生好學政暇手不釋卷所著有澹菴文稿誠菴奏議認真子集凡若干卷

本朝分省人物考 卷八十三 十五 湖廣八 附文

袁 玘 袁玘興寧人家貧力學登天順甲辰進士歷刑部郎中治獄平恕性復廉潔卒于官惟圖書敗篋而已鄉人稱其清同郡人崔岩賞與有司議給官田以贖其家

何 俊 何俊字廷彥郴州人少從父宦游比歸資業悉讓諸兄力紹家學登成化己丑進士授南京戶部主事擢雲南按察司僉事兼督雲貴學政隨俗導化濟之以嚴凡所陶鑄多中器使四年丙午乞休家無長物喜

蓄古醫方所著有訥齋稿子說字商臣成化中鄉試第一舉進士歷刑部郎中擢河南督學僉事學政修舉子孟春登第遂歸休

鄧 庠

鄧庠字宗周宜章人成化壬辰進士初授行人拜監察御史上疏極言時事力詆權要按陝西鎮守關宦誣尚書余子俊妄費糧餉庠申白甚力言觸關宦貴州夷弗靖撫臣請加兵命庠往勘上言宜從撫諭允之擢河南副使會修河張秋尚書劉大夏問計于庠請先分下流役乃濟以是河功告成轉按察使累進

本朝分省人物考 卷八十三 十六 湖廣八

副都御史督南京糧儲已而撫河南劾關宦不法事進戶部侍郎改副都御史撫蘇松累進戶部尚書年踰七十手不釋卷接引後進謙和冲約不務矯飾直見本真時稱為長者

曾 轍

曾轍字文載永興人成化乙未進士歷刑部員外郎值平陽有訟田久淹及蘇州衛有誣殺人罪者繫獄十餘年轍往訊立決出補紹興知府均輸薄賦釐弊補役亾何乞歸年七十四卒子介全念皆登進士

曾 全

曾全字復初成化丁未進士授戶部主事值星變上  
疏陳四事且言都御史屠瀟不法被中以事逮繫招  
獄褫秩歸號碧潭居士築室授徒以詩文自娛弟介  
登進士亦豪宕不羈

黃 琪

黃琪字德溫永興人成化辛丑進士知萬載縣裁決  
如流庭無稽訟儲穀備荒修學宮範祭器招撫流凶  
練兵弭盜用部使者薦擢刑部主事執法平允如雪  
王輔之冤辯劉雲之誣眾議韙之陞江西按察僉事  
以母老乞終養母卒廬墓側哭聲振林麓年七十五

終

本朝分省人物考

卷八十三

十七

湖廣八

崔 巖

崔巖字民瞻郴州人成化辛丑進士歷戶部郎中陞  
山東江西河南布政使轉左都御史擢南工部左侍  
郎卒巖生平嚴肅不苟合居官三十餘年田園如故

馮允中

馮允中字執之成化甲辰進士初知滑縣地劇號稱  
難治允中操割游刃有餘地拜監察御史擢兩淮鹽  
運漕滌宿蠹巡視蘇松諸郡徑值歲饑裁減羨餘折  
金備賑民甚德之逆瑾用事除名

高胤先

高胤先字世德宜章人成化丁未進士授行人弘治  
初奉使朝鮮與其國王辯相接禮侃侃不囘還朝擢  
監察御史武臣怙勢觸法臺按治多畏避不決胤先  
按實疏正其罪奉命刷卷按浙江時故籍多掩蔽胤  
先照刷隱弊得所侵漏數百萬金及帛粟咸發摘之  
巡按大同亦多振刷在告時以事逮詔獄免官正德  
庚午起四川參議不就

周 叙

周叙字子厚九谿衛人生有異質猿臂善射才克濟  
變不泥小節正德辛未進士授大理評事值 武宗  
南征上疏諫阻杖之於廷謫縣丞起知韶州府轉參  
政歷陞都御史總制宣大軍務進戶部侍郎提督太  
倉陟工部尚書督理沙河大工所至以治績見稱會  
災異自陳致仕歸隱九谿山中

補遺

曹 琚

曹琚字仲玉郴州桂陽人弘治丙辰進士除工部主  
事差理濟寧諸河道兩岸隙地聽民營居懋遷月收  
其稅季終則會以報部用備河防而財亡浪費河道

本朝分省人物考

卷八十三

十八

湖廣八

役夫例納樁草亦歲會之報部加稽豪猾不得爲奸  
利宿弊乃革政暇諸生從之講學多成名者進署虞  
衡員外郎丁內外艱歸起復進郎中值除夕有旨  
造烟火架費出不經草疏上之獲 俞允新寧伯奏  
給京軍胖襖蓋援邊戍例也復疏其事體不同宜嚴  
戒止亦獲 俞允陞廣州府知府時中官有奏命  
查盤者勢灼甚或勸折節以免禍曰拙于奉承得禍  
或淺巧于奉承得禍必深吾寧拙不能巧也每裁抑  
之亦終不能加害嘗行番禺道中有後山殘民訴言  
被誣爲盜喙息且死乞招撫以延旦夕卽上其事于  
本朝分省人物考 卷八十三 十九 湖廣八

新橋敗之賊走八黃山設伏以待又大敗之通寶懼  
而逃追斬以歸乃出令招民之脅從者給牛種使歸  
耕而鬱林等處公署樓堞皆燬于賊以次脩葺民不  
知費乃歸梧州而病亦作力跣乞歸歸一月而有鏹  
金文綺之賜未幾卒

陳 鑛

陳鑛施州衛人父隆樂善好施卒年八十先一日取  
大麓焚于庭皆負券也鑛性至孝母夏邁疾慮不起  
乃陳刀几上旦夕拜禱刀忽躍起自剖肋左取肝方  
寸和粥進母以桑皮線紉其創母疾遂愈父母歿哀  
毀骨立殆無人形踰年而卒

本朝分省人物考 卷八十三 二十 湖廣八



人物考卷之八十四目錄

河南開封府

安然 古朴

郭雲 王僕

楊信 任昂

王觀 程達

魏清 賀彥達

宋伯義 凌漢

滕克恭 丘鐸

張玉 趙玃

本朝分省人物考 卷八十四目錄

孟鏞 王彰

魏翀 傅安

顧佐 劉綱

張信 楊本

王良 許廓

郭濟 張輔

趙登 周順

郭原 高舉

韓忠 劉謙

蘇璟 王張 滄鑑

本朝京省人物考卷之八十四

南直督學御史西浙過庭訓纂集

門人蘇松備兵副使南郡熊 膏叅閱

男 過銘盤

過銘孟

過銘籃

寧國府學生員嚴弘治

句容縣學生員劉孔揚全訂正

河南開封府

安然

本朝分省人物考 卷八十四

安然祥符人元季為山東行省左丞守萊州大軍下

山東然率眾歸附洪武元年授起居注轉給事中尋

擢山東行省叅政立心平正撫綏勤勞祿止養身餘

以給公用二年召還為工部尚書五年除河南叅政

九年改行省為布政司使陞浙江布政使十二年陞

御史臺右大夫十三年改左中丞夏五月坐事免官

還鄉未幾復召為四輔官每論事多所裨益十四年

秋以疾卒年五十八 上念其來歸之誠親制文遣

官祭之

古朴

古朴字文質陳州人洪武初鄉貢爲太學生奉命清  
理郡縣田賦圖籍丁父喪歸二十年服闋隸五軍斷  
事理刑奏言家貧願仕得祿養母 太祖嘉之除工  
部主事迎母就養京師二十六年母歿官給舟歸葬  
二十八年服闋改兵部主事二十九年陞武選司員  
外郎三十年陞郎中革除三年除兵部右侍郎壬午  
年 成祖正大統改戶部右侍郎轉左侍郎賜文綺  
襲衣四年因建北京命採木江西竣事特被賜資七  
年 上巡狩北京侍 仁宗監國常奉命權禮部兵  
部及詹事府事十八年扈行在洪熙元年改通政使  
本朝分省人物考 卷八十四 河南一

之明所治職務退未嘗語其家人水蘖之操確乎不  
移平素不事生產華靡雕琢之玩纖毫不留公退清  
坐一室書冊自娛常病楊士奇往問之入其齋室几  
案間獨有自警編一帙宣德二年卒於官

郭雲  
郭雲南陽人身長八尺姿貌魁坼膂力絕人元季聚  
鄉人爲義兵保裕州泉白寨累官至行省平章政事  
及元主北奔中原悉下獨雲堅守裕州屢出戰不降  
大將軍徐達遣指揮曹諒圍之雲復出戰敗被擒嫚  
罵求死不少屈達壯之繫送京師既見 上觀其狀  
本朝分省人物考 卷八十四 河南一

親奇偉命釋之時方閱漢書問之曰汝識字乎曰識  
遂以書使之讀雲誦其書甚習 上大喜且以其忠  
義仍加賞賜授溧水知縣民咸稱之 上益以爲賢  
特陞南陽衛指揮僉事俾還鄉收故部曲就戍其地  
兵民樂業病卒其長子洪武十二年 上特命爲飛  
熊衛指揮僉事

王僎  
王僎字幼度祥符人元末爲國子助教洪武初徵爲  
修撰時開局校正音樂命僎與詹同冷謙等審定撰  
成樂章上之皆稱旨四年始開科取士僎與典試又

命於大本堂授 吳王經尋遷待制同宋濂等修  
洪武正韻昭鑒錄諸書既成以老致仕子弘為龍江  
逆運官忤丞相胡惟庸寘之法及惟庸敗 上召僕  
慰勞甚至賜以綺帛仍給舟車送還卒年七十餘

楊信

楊信世為開封鄆陵人在元時以膽畧聞選充湖廣  
砲手翼百戶戍鎮江元末四海大亂天兵定建康江  
南州郡莫不震動歲丙申帥衆來歸從征常宣二州  
有功授親隨帳前萬戶扈從取婺州奪城門懸橋復  
隨大將取三衢繼又扈駕親征九江南康等郡下之  
本朝分省物考 卷八十四 四 河南一 劉憲

實授管軍千戶及陳友諒來南昌 上怒下詔親征  
從戰彭蠡湖及陳友諒戰沒遺孽假息武昌又從破  
之既而克合肥援安豐援永新亦與有功焉張士誠  
據姑蘇常忠武王奉詔致討又從戰有功賜以文綺  
三皆有副陞虎賁左衛親軍指揮使司事出戍蘄州  
遂轉僉蘄州衛指揮使司事調戍武昌遷永州衛指  
揮使司事俾子孫世襲其職洪武八年冬十一月詔  
還京九年春二月改僉留守衛親軍指揮使司事散  
官如故夏五月以疾終享年五十 上聞之憫悼不  
已特遣內臣祭以牲醴且勅中書大都督府御史臺

次第致真復命工部造坐聚寶山之原信幸際典王  
之運臨敵不懾故能立顯功受榮爵沒且不朽焉

任昂

任昂河陰縣人博覽羣書早有才譽元舉進士拜山  
西寧晉縣知縣不受隱居山林日以經史自娛洪武  
初年以儒士薦舉授襄垣學訓導雅志作人多所成  
就十一年擢監察御史十五年陞禮部尚書十六年  
正月 上命昂同太師李善長往監考教官生員高  
下分列班次規矩方煥然明備於是宿弊盡革增立  
監規八條三月廣東都指揮使狄崇王臻乞封次妾  
本朝分省物考 卷八十四 五 河南一 劉憲

何氏等為淑人詔下廷臣議昂同李善長議曰禮莫  
大於分分莫大於名妾不可為嫡夫人故魯莊公妾  
成風僖公母也稱為夫人春秋非之哀公庶子荆之  
母嬖將立為夫人使宗人躋夏獻其禮對曰無之昔  
周公武公娶於薛學惠娶於商自桓以下娶於齊此  
禮則有若以妾為夫人則古無其禮蓋古者夫人歿  
貴妾攝其家事不得稱為夫人為庶子而貴得以推  
恩其母亦不得稱夫人使並嫡也今崇臻欲任私意  
廢大禮亂嫡妾之分不可許 上從之遂命昂及翰  
林院儒士定嫡妾封贈例頒示中外十七年二月奉

命頒行科舉成式凡年大比子午卯酉鄉試辰戌丑未會試不拘額數三月濟南衛指揮使何誠言早失父母伯父養以爲嗣例應承重而所生父母已前受封伏乞推恩伯父以報養育之恩事下禮部議昂援宋右僕射李昉爲叔承重既贈其叔復贈其所生爲言 上命依所請六月 上諭昂等曰近命製大成樂器將以頒天下學校俾諸生習之祀孔子朕思古人之樂所以防民欲後世之樂所以縱民欲其故何也古樂之詩章平而正後世之歌詞淫以誇古之律呂協天地自然之氣後世之律呂出人爲智巧之私

本朝分省人物考

卷八十四

六

華云

居憂制已在職五年廉勤無贓私過犯者照品給半祿終制在職三年者給全祿未幾以年老致仕

王觀

王觀字尚賓祥符人也賦性耿介儀度英偉善譚辯長於應對國初鄉試中式入太學爲朋儕所遜服洪武十九年簡授蘇州府知府爲政嚴整多所興建發奸摘伏民憚之如神明有鵬吏錢英累構陷長吏莫敢誰何廉得之縛至庭立捶殺之由是境內奸豪屏迹人皆稱快事聞於朝 皇祖嘉歎遣行人白思忠齋勸褒之勞以羊酒歲大侵民連無所出部使者督之甚急乃延諸富室集郡衙飲食之使各量出貲以代貧困者之逋衆驩然如指通乃完朝廷嘉其能榜諭天下以勵怠政者蘇郡至今猶尸祝之

程達

程達字德孚臨潁人少負奇氣國初爲御史多所建白以言事坐削籍與一僕負擔徒步而歸居邑西郭外構茅屋二間衣食弗給達陶然自樂有劉都御史者過其里令縣官葺其室餽之粟數斛後知縣趙鍾見其寒甚將爲起屋梁棟悉具與之門達勿受曰苟可以蔽風雨足矣鍾遂以其材爲社稷壇神庫云

魏清

魏清禹州人生有過人之識洪武中以國子生拜監察御史遇事敢言無所顧避直聲大振陞四川按察副使永樂宣德中歷轉山東山西所至皆有惠政去後民咸思之

賀彥達

賀彥達蘭陽人洪武中以人材舉授監察御史上嘗命彥達等十三人巡視天下及還有旨徧檢其裝時以賦被黜者甚多彥達篋中惟稻草數莖而已上聞之深加其忠清焉

宋伯義

宋伯義西華人剛介有守長于論說洪武中以國子生除平涼知府有治聲陞山東右叅政轉陝西左叅政兩任皆勤於蒞政清譽益彰

凌漢

凌漢字斗南原武人也洪武十七年以明經舉至京師獻鳥鵲論上善之擢司經局正字未幾出知會稽縣以事逮繫久不決會浙江按察使陶晟入覲上知漢無罪為晟所淹命還釋之拜監察御史巡按陝西疏陝西民病數事且言古人謂大夫出疆有可

以安國家利社稷者專之可也臣竊以為在春秋戰

國則可在今天大一統則不可苟許其專恐啟大臣擅

權之漸上善之召其子賜鈔二百錠衣一襲及還

京師有德漢者遇諸塗邀漢飲厚報以金漢曰子罪

當然律有定法非我私子酒可飲金不可受上聞

之嘉歎擢漢為右都御史時詹微為左都御史論議

數不合每面折微微銜之奏遣按事蘇松因嗾御史

桂滿劾其失職左遷刑部侍郎未幾命署吏部數月

改禮部又數月上憫其衰令歸田里漢叩頭曰臣

願生居京都死葬京土上許之命居於私第歲餘

本朝省人物考卷八十四九

微誅起為左贊善又歲餘復拜右僉都御史尋令致

仕漢入辭上問先賜歸不行今歸何也對曰先詹

微在臣有後憂今微伏誅臣無憂故敢歸爾漢有治

才且剛方不屈故時人多忌之云

滕克恭

滕克恭字安卿祥符人也性明敏勤學好問博通經

史尤精於詩書登至正壬午進士始仕為江陵錄曹

公廨稍東有曲江亭遠亭盡植梅江澄景霽芬郁可

愛簿書之暇輒杖藜散步徘徊佇玩間發為詩歌以

寄一時之興而時人莫之知也遷翰林院經歷累官

至集賢院直學士尋致仕歸值兵亂避地錢塘與鐵崖楊廉夫相友善詩律清婉南州人士多傳誦之時中原未靖欲歸不可得而懷鄉之心時見諸吟咏其寄李提舉曰錢塘經亂後應是滅繁華遠信秋憑鴈遊魂夜到家兩江罹殺掠四海廢桑麻何日重携手春風汴水涯嘗與諸名勝讌集江閣酒酣口占小詞一闕擊節自歌聲振金石一座盡傾咸舉觥起曰今日勝先生高倡爲江山增槩願書之閣壁以垂永久怡然從之 國初天兵定河南復歸故里洪武辛亥甲子二科河南鄉試守臣重其名兩聘入貢院爲考本朝分省人物考 卷八十四 十

丘鐸

丘鐸字文振汴之祥符人從學於故中丞劉公墓通儒書兼習醫家言名動一時至正末父誠爲湖廣等處儒學提舉鐸侍母留吳越欲御車往從江右兵大起武昌陷二浙繹騷鐸憂懼不知所爲急避地四明暨江南皆歸職方復奉母至南京無西向翹首日武昌有來者庶幾知吾父之所在乎已而其父果至自武昌父子相見悲喜交集鐸賣藥市中以給親父何母弟鈞擢會稽上虞巡檢鐸與父母皆同赴官母疾

鐸晝夜泣禱於神乞以身代及歿哀痛幾絕卜葬鳴鳳山之原曰鐸生也咫尺不離吾母膝下今逝矣可委體魄於無人之墟乎乃結廬墓側朝夕上食如生時當冷夜月黑悲風蕭颼鐸恐母岑寂也輒巡墓號曰鐸在斯鐸在斯其地多虎聞鐸哭聲輒避去會稽人異之稱爲真孝子云先是鐸在四明從祖父母居汴者八人貧不能自存鐸咸迎養之死皆返葬先塋人以爲難其姑適河南匡氏者年十八夫亡誓不再適鐸義之養之終身凡二十年如一日

張玉

本朝分省人物考 卷八十四 十一 河南一  
張玉字世美祥符人仕元爲樞密知院洪武十八年白拔來歸二十一年從征捕漁海子授濟南衛副千戶以至都指揮同知建文卽位稍繩削親藩成祖舉兵靖難玉謀畫爲多事可否進止衆論未定者玉正色數語立決首用玉策奪北平九門撫順鋤強三日城內外悉定師將南出玉曰不先定薊州將爲後患會馬宣起兵薊州迎拒玉攻之宣率衆出戰執殺宣并執毛指揮使是夜急趨遵化戒將士止殺曰師行以得人心爲本簡敢勇士四鼓登陴開其城門將士入城中始覺守將率衆拒戰執殺之不傷一人分兵

永平密雲皆望風輸款從 上至灤河玉進曰都督潘忠楊松在漢州阨吾南路宜先擒之 上悅立發兵曰汝為先鋒遂攻涿州雄縣擒潘楊二都督時長與侯耿炳文率兵二十萬屯真定玉自請往覘敵還言軍無紀律且其上有敗氣無能為 上至以敵眾我寡欲試諸將勇怯召問今兵所向度可必勝否眾未有說玉曰今當徑趨真定彼眾新集我軍乘勝一鼓可破也 上曰善吾倚玉一人足辦吾事抵真定接戰炳文大敗獲其左右副將李堅甯忠及都督顧成等斬首三萬餘級獲馬二萬復敗安陸侯吳保軍

本朝分省人物考 卷八十四 河南一

永平馳報江陰侯吳高等以遼東兵圍城急又謀報曹國公李景隆引兵數十萬攻北平城 上與玉謀東援永平既至高等棄輜重遁去玉從 上追斬甚眾玉言大寧去此不遠請移兵襲之可免後顧 上從之遂攻大寧殺其都指揮朱鑑北平報景隆兵圍城急遂旋師玉請搗景隆營大戰三日城中亦鼓譟出表裏夾攻景隆兵不支大敗遁去從攻廣昌大同悉下謀報景隆收潰卒號百萬且復至玉言兵貴神速先事者勝請往駐白溝河以逸待勞 上命玉率眾馳駐河上三日景隆兵至玉以騎兵接戰景隆復

大敗收餘卒退保濟南乘勝追擊圍其城既而解還攻滄州獲其大將徐凱進攻東昌敵列陣決戰上以數千騎繞陣後敵圍 上數匝衝擊得出玉不知 上所在突入敵陣大戰連殺百十人玉竟被創歿年五十八 上慟甚旋師諸將侍語及東昌事上曰勝負兵家常事不足計所恨艱難之際失玉令吾寢不帖席食不下咽耳隕涕不已諸將皆泣 上卽位論功顧侍臣曰玉才備智勇論靖難功當第一惜其蚤歿追封榮國公謚忠顯洪熙元年加封河間王改謚忠武侑享 成祖廟

本朝分省人物考 卷八十四 河南一

趙桓 趙桓字雲翰號雲澗祥符人也元季兵亂方在襁褓母抱匿林莽間有虎至母懼置桓於地虎熟視而去自幼聰敏嗜學不倦稍長游郡校嘗暑夕寢黌舍中羣狐採麻葉作扇歡呼曰趙尚書苦熱吾輩敢憚勞邪桓聞之益勵志讀書中洪武丁卯鄉試入太學被命公幹山東以才勤受襲衣楮幣之賜庚午授兵部職方司主事纂天下要害阨塞屯戍圖說以獻 高皇帝嘉其能乙亥擢武庫員外郎慎密小心為當路所器重戊寅擢浙江右叅政時海寇為患畫策捕之

地方底寧尋罹外艱還汴 文皇帝嗣位命使交趾  
 克宣 國威遠夷警服歸却金寶之饋 上聞而嘉  
 之賜賚優渥甲申擢刑部右侍郎未幾改工部再改  
 禮部被命往封西寧侯宋晟歸拜禮部尚書賜宴於  
 華蓋殿仍徹御筵膳羞以遺其母士林榮之戊子  
 仁孝皇后崩 上命詣北京卜山陵告成有楮帛之  
 賜壬辰經略創建隆慶保安永寧諸郡撫輯調度咸  
 中機宜而新徙之民各安其業罔知勞役焉丁酉改  
 兵部尚書明年母歿守制還起復專理塞外戎政偶  
 疾作 上遣中官偕明醫往視少瘳入謝復令調攝  
 疾作 上遣中官偕明醫往視少瘳入謝復令調攝

本朝分省人物考 卷八十四 十四 河南一

遺官諭祭命有司營葬事和稟賦完厚識見超卓質  
 直孝友博學工詩文遭際 明時敷歷華要歷事五  
 朝才與位稱出與時合弼諧廟謨翊贊 皇度晚歲  
 納祿里居優游林壑考終於家榮名盛福終始完備  
 所著有儉父集傳於世生平有異質善賞識臧否正  
 統中錢塘于肅愍公謙巡撫河南時謝政家居于數  
 于即悟泣拜請教和答頊于出其孫惟問曰大人  
 何嚙于手無然曰于好官惜不得令終耳然實無他  
 術亦惟資稟目力異也

本朝分省人物考 卷八十四 十五 河南一

於家既愈復命詣塞北訪牧地遂具順聖川等處以  
 聞於是出廐馬牧之孳用蕃息壬寅 聖駕北征命  
 總督軍餉和措置有方餉不告匱 仁宗嗣位改刑  
 部尚書在職六年虔恪如一日初和為郎署時一人  
 犯大辟死獄中出其屍實閉氣詐死也越四十年為  
 司寇其人復犯法和一見呼其姓名駭曰汝非曩死  
 獄中者邪訊之伏辜人以爲神宣德庚戌年六十七  
 累上疏乞骸骨 上憫其勞特賜致仕既歸汴構一  
 室于東郭外扁曰石泉茅屋幅巾藜杖日與親友故  
 舊酌酒賦詩以樂太平正統丙辰卒壽七十三 上

孟鏞字宗器陳州人洪武庚午舉於鄉授監察御史  
 永樂初按雲南行部見民舍竈中白氣騰出若虺蛇  
 狀他日出又見之乃默告曰苟有冤當夢告其夜夢  
 人告曰我大理人李二也傭工于王禮家禮毆死瘞  
 竈下明日鏞往發之果得屍禮伏法人於是畏其神  
 明陞大同知府致仕

王 彰

王彰字文明鄭州人幼穎悟好學稍長有司選爲州  
 學生益自刻苦學日進洪武丁卯領河南鄉薦明年



會試禮部弗利補大學生嘗使山東平糴以實軍儲同列納賄縱逋負者彰毅然責之弗聽比還其人果得罪彰遂以廉幹聞明年擢吏科給事中典封駁之任夙夜在公出納惟允歷左右給事中益慎益虔聲譽尤著遂進都給事中未幾改刑部員外郎時有豪橫構訟根株連結數歲不能斷決有司率為所誣彰曰法貴平恕豈宜寬縱以長惡哉於是正之以法而為所誣者皆得釋人咸悅服既而超拜山西布政使司左叅政居藩七年吏弗忍欺民懷其惠永樂五年召拜禮部右侍郎時四方萬國奉玉帛重譯以朝觀賓貢者肩背相望於京師賞賚燕享無虛日與尚書鄭公賜同寅協恭奉職惟謹明年以父喪去官哀毀踰節鄉黨稱焉九年服除遷戶部侍郎嘗祀華嶽過陝州之新安聞民鬻男女償通租既還奏之 詔悉蠲其租且官給楮幣以贖其所鬻男女人皆德之十年壬辰改都察院右副都御史陞右都御史

魏 翀

魏翀字子翔鄆城人洪武甲戌進士授崑山知縣縣故有催租勾庫官校久事邑中籍官屋為牢禁里甲輩多淹滯死翀上章論劾事下御史李嶽究治械送

本朝分省人物考 卷八十四

十六

河南一 劉智

京師凡二百餘人境內晏然永樂初坐事謫遵化邑人數千伏闕懇請詔還任乃奏除包荒田租十八萬有奇及請開蘇松淤塞二十里許皆從之民享其利仕至監察御史

傳 安

傳安字志道太康人也以縣吏起家歷四夷館通事舍人鴻臚寺序班洪武二十七年轉兵科給事中明年復遷禮科都給事中永樂初時西域撒馬兒罕弗賓 上遣安持節往使至其國以順逆禍福諭之撒馬兒罕酋長負固不服且諷安使降安曰吾 天朝使臣可從汝反邪酋長怒因羈留虜庭凡十三年艱苦備嘗志節益勵酋長知終不可屈乃以禮送還國因獻名馬珠玉以謝自是王貢遂通安既歸以老病不能任事懇乞骸骨 上憫之賜一品服致仕仍令有司月給米十二石與夫人宣德四年卒於家上遣官諭祭仍命有司治葬事初安之使西域也方壯齡比歸鬚眉盡白同行御史姚臣太監劉惟俱物故官軍千五百人生還者十有七人而已安卒後子霖舉賢良方正任錦衣衛經歷

顧 佐

本朝分省人物考 卷八十四

十七

河南一 劉機

顧佐字禮卿太康縣人洪武庚辰進士除莊浪知縣在邑廉平士民頌德永樂四年以材望入為監察御史守正嫉邪不激不隨人稱為真御史命招撫廣西慶遠洞夷復隨征沙漠巡視邊關既遷江西按察副使蒞事勤敏威望尊號令嚴奸黠聞風遁跡聲名大振十四年召為應天府尹剛稜不撓吏民畏服動豪貴咸為之斂手政聲赫赫議者謂類包孝肅之知開封洪熙元年出為貴州按察使未行改通政使宣德初臣僚習尚宴樂以奢相競歌妓滿前紀綱為之不振宣德三年六月中早朝罷召大學士楊榮楊士奇

本朝分省人物考

卷八十四

十八

河南一

於皂不得不遣半歸使備所用皂亦皆樂於歸耕實官皂兩便此京師大小臣僚皆然臣亦然自永樂以來如此仁宗皇帝固知之所以增朝臣之俸上歎曰朝臣之艱如此因怒訴者曰朝廷用一好人輒為小人所排欲下法司治之士奇對曰此末事不足上干聖怒但付佐自治恩與法並行矣上召佐以吏訴狀授之佐叩首退召吏示之狀吏恐甚佐曰上命我治汝我姑容汝但改行為善竟不治之上聞之喜曰佐得大體矣數月有囚告佐枉人重罪不聽訴理者上大怒召楊榮士奇論曰此有重囚

本朝分省人物考

卷八十四

十九

河南一

劉綱

劉綱字文紀禹州人洪武庚辰進士除府谷知縣擢

寧州知州寧在邊鄙素稱難治綱至墾田鋤耕教以樹畜暇則聚士授經不拘拘簿書期會之間習俗丕變兩丁內外艱民詣闕乞留 詔皆許之綱在寧凡三十三年固圉几虛常署臬司事不旬日釋冤獄者數十人 昭皇嘗賜勅獎勵 睿皇又加四品服以示寵異後以老致仕歸之日攀送者哭聲振野郡舊有祠祀良刺史狄仁傑以下六人至是增綱扁曰七君子祠云

張信

張信字彥實祥符人輔從兄也洪武己卯舉鄉試第本朝分省人物考 卷八十四 河南一 二十

一永樂初拜禮科給事中轉刑科都給事中封駁糾彈無所顧忌擢工部右侍郎會河決壞民田廬 上遣信來視信疏河故道以殺水勢河患遂除已而浙江守臣奏江塘湖決復命信往治數月而事襄 昭皇即位轉兵部左侍郎尋以輔故改錦衣衛指揮同知累遷四川都指揮使在蜀十五年名振羌夷百姓懷之

楊本

楊本中牟人精通法吳王撫軍本請登臺觀兵見大水淼茫一軍無跡王駭問之本曰此水遁也及帥師

北向本嘗持三十斤鐵棒臨陣北軍披靡無敢前屢取勝景隆忌本不上其功本約日出戰請繼兵景隆曰種得瓜熟容別人採食耶擁兵不救本疏請治景隆罪且曰喪師失律亦云屢矣耿炳文袁宇喪士二十萬於燕地 皇上憐其舊臣老將不忍加刑李景隆四月進兵喪失無數臣下若此曷望收功乎乞假臣為大總兵用能官一員募義勇凡先鋒叅謀等官令臣自保舉選用特命親王監軍長驅直搗可免生靈於塗炭議甚慷慨不能用本孤軍獨無繼被擒繫北平獄後竟殺之

王良

本朝分省人物考 卷八十四 河南一 十一

王良字天性河南祥符人歷官刑部左侍郎建文中坐問燕國人罪輕左遷浙江按察使至浙謁岳鄂王墓誓曰苟媿武穆非人也壬午聞靖難師克誓以必死慟哭不已會命使召良良執使者將斬以狗為衆劫去良乃集諸司印凡九携歸私第嗟嘆者久之妻問故良曰吾分應死顧思所以處汝未決耳妻曰我何難君為男子乃為婦人謀乎遂命妾饋良食抱其子秋歔如廁置于池傍自投池死良久往覓之子匍匐池畔頃之屍浮起良殯殮畢即列薪於戶寫遺囑

家人令妾抱幼子往匿某僉事以宗祀爲托遂舉  
火拘印合室同赴火死事聞 文皇曰死自其分朝  
廷印信良擅毀不得無罪詔徙其家于邊已而風雨  
晦冥人或見其出沒台人陳璘私識良死事每談及  
流涕沾襟正德間按察使梁材提學副使劉瑞改公  
署東水鑑亭爲祠祀良

許 廓

許廓字文超襄城人也洪武三十二年鄉舉永樂五  
年授錦衣衛經歷未幾遷工科給事中復遷鴻臚寺  
左寺丞十年以薦拜工部右侍郎十二年 文皇北

本朝分省人物考

卷八十四

二十二

河南一

征命督餉明年營建北京廓提督神木廠工竣特賜  
宴勞時交趾已入職方戶口田賦未有定額遣廓往  
理及還條奏數事 上皆嘉納 昭皇卽位進左侍  
郎宣德五年河南民饑流徙者甚衆命廓拊循 上  
親製詩送之曰河南百州縣七郡所分治前歲農事  
缺始旱澇復繼衣食旣無資民生曷由遂顧予位民  
上日夕懷憂慮爾有敦厚資其往勤撫字徙者必緩  
輯饑者必賑濟咨詢必周歷母憚躬勞勸虛文徒瑣  
碎所至見實惠勉旃罄乃誠庶用副予意廓至旌廉  
黜貪榜示有司弗得復有科擾凡夫匠雜役及諸采

辦積逋租物悉奏免於是復業者數萬戶廓還 上  
褒賚備至六年行在兵部尚書張本卒以廓代之本  
嚴厲詳密廓承其後濟之以寬人心大悅年五十六  
卒

郭 濟

郭濟字澤民河南太康人也性沉靜寡言爲兒童時  
父母宗族咸奇之年二十舉鄉試第一明年會試不  
第拜定州司訓九年遭艱起復改開州兩郡知名之  
士多出其門永樂末 昭皇監國濟被薦拜左春坊  
左司諫官僚覩其威儀端雅皆稱得人是年秋七月

本朝分省人物考

卷八十四

二十三

河南一

昭皇嗣位以濟爲滕王紀善居數年多所匡正會交  
趾梗化濟自紀善改行人往使其國濟示以順逆之  
義而強梗者稍稍馴化及再使卒致酋長款貢 上  
悅特加褒美正統初遷鎮江知府兩考俱以最書年  
七十餘卒於官

張 輔

張輔祥符人忠武王玉之子也靖難功歷陞指揮同  
知辛巳嗣父都指揮統父兵戰夾河藁城彰德靈壁  
有功壬午封信安伯食祿一千石與世券永樂三年  
安南國季犛伏兵芹站殺其舊王添平及我使人

上怒命輔充征夷副將軍佐成國公朱能討交趾能  
 卒進輔大將統二十五將軍兵八十萬入賊境賊恃  
 東西都及宣江洮江沱江富良江以為固于江北岸  
 緣江樹柵增築土城柵相連亘九百餘里盡發江  
 北諸府州民二百餘萬守之又於富良江南岸緣江  
 置椿盡取船艦列於椿內諸江海口每下桿木以防  
 攻擊賊之東都守備亦嚴時列象陣於城柵內欲守  
 防以老我師沐晟軍至洮江北岸與多邦城對壘輔  
 率大軍營於城北之沙灘與晟合勢賊於城下設重  
 濠濠內密置竹刺濠外坎池以陷人馬輔進兵夜襲  
 本朝分省人物考 卷八十四 二十四 河南一 汝忠

其城以然火吹銅角為號是夜四鼓遣都督黃中等  
 啣枚昇攻具過重濠以雲梯附城登城以刀亂砍賊  
 眾驚呼城上火炬齊明銅角競响將士俱奮勇齊登  
 賊倉皇散走我軍遂入城賊又於城內列陣接戰驅  
 象當前輔命以畫獅蒙馬神銳翼而前象皆股栗又  
 為鏡箭所傷皆退走奔突官軍長驅而進死者不可  
 勝數於是三江等路悉降輔督兵追賊至日南州奇  
 羅海口賊困敗黨與奔散生擒季犛及其子澄復於  
 永益海口高望山獲偽大虞國王黎蒼偽太子黎芮  
 餘眾悉降交南平得府十五州四十一縣二百零八

改置布政都司統之六年進封英國公食祿三千石  
 七年交賊簡定等復亂與化州鄧悉等寇其近城黎  
 賊餘黨應之其勢日盛命黔國公沐晟總兵討之戰  
 于生厥江敗績賊益熾攻陷諸郡縣事聞復命輔統  
 大軍二十萬往征敗賊眾於鹹子澗太平海口等處  
 獲賊首簡定檻送京師 勅召輔還而以沐晟等追  
 討餘寇九年陳季擴復反放兵劫掠勢漸猖蔓仍命  
 輔總師征之十一月輔率舟師追捕季擴等梟賊首  
 千五百餘人以徇餘賊散走林莽泥澤中追殺殆盡  
 因留輔鎮守底定之十四年以豐城侯李彬代守而  
 本朝分省人物考 卷八十四 二十五 河南一 汝忠

召輔還京輔還交趾卒不可保洪熙改元進爵太師  
 宣德元年漢庶人高煦反遣人密約輔為內應即縛  
 其人白于上從 上親征加祿歲三百石時時與蹇  
 夏三楊侍 上左右備顧問正統十四年歿於土木  
 之難景泰初贈定興王謚忠烈輔器宇雄烈顧盼有  
 威不妄言咲三平交南功最著歷事四朝以恭慎善  
 居功名之際抑可謂名世大臣矣

趙登

趙登字從善祥符人性鯁直言不苟發永樂癸未鄉  
 舉甲申登進士第拜禮科給事中乙酉以言事謫四

川忠州判官在任十餘年蒞事公廉多惠政稍遷雲南安寧州知州宣德改元超遷浙江湖州府知府其操益勵吏民畏服時 宣廟軫念邦本慮元元或阨於饑詔天下郡國修舉國初義倉之制以備凶歉登奉揚德意召區里之長及鄉之耆民聚於庭諄切勸諭里中富羨之家聞言莫不感奮願出穀輸之官不浹旬輒得穀數萬石倉廩弗能容登鳩工庀材增構若干楹乃選公正耆民洎殷實淳良之夫嚴慎守護兼知出納之數申明戒飭委曲詳密大要以絕私無後爲本於是里社細民皆歡忭鼓舞仰戴朝廷生成

本朝分省人物考

卷八十四

二十六

河南一  
劉汝德

之恩安吉有費氏者豪橫武斷奪人子女田園縣官莫能制登諭被害者訟之乃列其罪狀以聞竟遷徙其家而人口田產悉還之民郡中由是肅然姦宄屏跡正統壬戌去任其治湖州十有七年精白如一日云

周順

周順字子英祥符人年九齡郡守嘉其蚤慧舉充郡庠生善記誦諸生莫及年長倍者讓其前列以明經中永樂乙酉鄉試前輩科場之文舉其題輒能暗誦不專事舉業尤工於詩下筆新麗溢目字畫端楷尚

書李時叅政河南尤加器重迨李公總裁纂修事自太學選入史館日引共議贊益弘多有言輒從少師姚公嘗稱爲館中君子四年授工科給事中嘗偕御史按治江浙僅半載廉能之聲翕然在朝宁敷奏詳明語音高朗同列更番奏事每代之言日引讞狀一覽知其情僞枉直嘗語同列曰下情上達在一言輕重委曲與說猶或不能盡其辭筆楚之下枉者多矣在工科以事連逮實非其罪或勸之辨雪可免曰久理科事獨免人謂我何已而罰役蒙宥復敘用亦不以干人真臨事不苟免坦夷不見戚容蓋自信之篤

本朝分省人物考

卷八十四

二十七

河南一  
王國瑞

有學有守者也

郭原

郭原字秉忠蘭陽人永樂丁酉舉於鄉宣德時授監察御史持身端謹雖故人不敢于以私嘗按江西有宦豎十九人依藩府勢侵漁百姓原廉得其情奏寘於法人謂有古御史風尋陞陝西按察副使加三品服色後以憂歸而卒

高舉

高舉字雲翰祥符人性高潔少游開封郡庠治尚書有名其父嘗因邊患選爲勇士艱於行俾一僕代之

僕因出不遜語舉時年未二十聞之大怒卽棄學躬  
 甲冑以往會事寧復學人皆壯之永樂九年辛卯舉  
 鄉薦戊戌登進士改翰林院庶吉士授兵科給事中  
 持正不阿慷慨敢言坐是不合於時解官歸汴囊橐  
 蕭然舊廬不蔽風日惡衣菲食怡如也錢塘于肅愍  
 公謙巡撫河南雅重之數過其廬至里門卽止辟道  
 及門肅禮而入或值其飯蔬食菜羹留于對食于欣  
 然飽之坐談移晷乃去其見重名流如此嘗遇大雨  
 庭屋水盈尺許舉率妻子潛溝渠妻偶出怨言謂其  
 位不益家投鐻於地誤傷其足卽斥之終身不而郡  
 本朝分省人物考 卷八十四 二十九

韓忠

韓忠字景賢祥符人志行峻潔成童時晨興赴學出  
 里門拾金鳳釵一持回白母曰待尋者至與之少頃  
 里人高氏號於路曰新婦歸寧遺失金鳳釵一疇其  
 拾者應聲還之鄉間高其行弱冠受尚書於郡博陳  
 彥衡得其要義永樂庚子中鄉試明年會試下第卒  
 業成均納交海內名士問學益充甲辰 文皇上賓  
 仁宗臨御改元洪熙勅國子監祭酒精簡太學諸生

學行醇正長於撰述者十人聽用六館會舉七十八  
 人三試彙倫堂忠皆在首選乃奉旨同進士劉謙等  
 持節江南諸郡纂修 文廟實錄逾年嗣奉 宣廟  
 特旨就便采輯 仁宗昭皇帝實錄一併進呈事竣  
 還朝史館嘉之宣德庚戌會試名在乙榜授湖廣棗  
 陽縣儒學訓導迎養母姚于官邸何母卒扶柩還  
 服闋改鳳陽府儒學訓導矩範端嚴士習一變久之  
 有退休志乃上疏乞歸得致仕時年五十有五其歸  
 也行簡蕭然惟圖書筆硯而已敝廬二間不蔽風雨  
 乃教授於鄉以自給扁其座曰硯田志無它也河南  
 本朝分省人物考 卷八十四 二十九

巡撫都御史慈谿王公聞其名禮聘爲子弟師辭不  
 往郡大夫敦請爲郡志總裁儀幣及其門峻却之其  
 介特如此忠博極群籍尤長於詩平生累千百篇皆  
 冲淡典實無雕刻綺靡之習自名知耻藁安貧守道  
 怡然終日年九十神清體健燈下能作細書而湖南  
 淮西兩地文武士感德慕義問遺不絕忠信之行人  
 皆稱之無間言焉

劉謙

劉謙字自牧祥符人自幼舉止凝重異羣兒年十七  
 遣補郡學生劬書攻苦永樂甲午領鄉薦辛丑登進

士第奉勅給餉關陝暨諭祭秦邸事竣還朝適洪熙  
改元復奉命鳳陽諸郡纂修 文廟實錄宣德初授  
陝西醴泉縣知縣以廉惠稱丁未父歿守制還服闋  
擢行在山西道御史時浙東平陽銀冶往往爲人竊  
發互相讐殺封域弗靖謙奉命往按撫窮民禁奸宄  
其患遂息其地與金鄉磐石等三衛鄰居民素被陵  
轢莫敢誰何一以法繩之不少貸境內肅然又壞接  
圍括健訟成風獄事蠲典謙聽斷明允風亦漸革乙  
卯冬溫州守何公文淵入爲少司寇適 英廟嗣位  
詔羣臣各舉所知以聞於是少司寇文淵特薦謙爲  
本朝分省人物考 卷八十四 三十 河南一  
高尚武

謙孝友寬簡平居寡言笑外無矯飾性惡侈靡服食  
尚朴儉持正侃侃人不敢干以私子鵬成化乙未進  
士官吏部考功主事

蘇璟

蘇璟字士英祥符人初有大志器局闊達領永樂癸  
卯鄉薦宣德元年選授鴻臚寺序班滿九載擢陝西  
乾州知州初下車以作興學校爲己任暇則課諸生  
而勸懲之乾州土瘠民貧恒廢耕作璟以時督創集  
塲以通貿易立官房以居流亾凡可以利民者無不  
爲不數載戶口增倍屣正統丙寅滿九載父歿守制  
本朝分省人物考 卷八十四 三十一 河南一  
劉九

溫州守代已制曰可是歲冬抵溫州廉惠如在醴泉  
時嘗語人曰守與令雖官階小大不同皆職民牧赫  
赫爲威民不近也察察爲明民罔容也平易近民守  
令之道也人以爲名言丁巳夏旱甚率僚屬齋沐禱  
於龍湫免冠跣行步拜暮抵神祠禱畢大雨如注歲  
以有秋癸亥霖雨壞稼祗晴立應有鹽運使王其秩  
滿而去舟過括灘夜被盜誣逮平民若干人謙禱於  
城隍之神頃之罪人斯得開釋無辜謙治郡善政甚  
多丙寅滿九載將考績北上適以母艱還哀毀成疾  
明年歿五十有九歿後乃有福建右布政使之命

張鑑

張鑑進階中順大夫成化庚寅六月卒壽八十有二



張鑑字視明儀封人永樂辛丑進士以事註誤謫戍龍門衛正統中 睿皇將親征北虜鑑上疏陳其不可請駐蹕宣府選良將任之推轂授劔自副將而下不用命者斬則將權歸一事可成矣 上覽奏嘆其有識後守獨石戰得勝宣大屢有功授指揮僉事左遷慶遠衛副千戶子孫世其官年九十卒

王淪

王淪字子清太康人左史鈍之子也弱冠舉進士文皇以其少遺歸卒業久之起授翰林院庶吉士入文淵閣纂修永樂大典是年秋以外艱歸服除時

本朝分省人物考

卷八十四

三十一

河南

昭皇監國選經明行修之士授諸 皇孫經於是吏部薦淪引見 昭皇問曰汝非王鈍之子耶其學行吾素所知汝其勉之拜左春坊左司直賜衣一襲禮遇甚厚洪熙初封建親王淪遂為其靖王左長史靖王當祀不齋淪諫不可王不悅宣德四年王就國累月不視朔淪又上書諫不聽頃之擬荷卿成相篇撰十二章以獻語尤激切而左右有不便者日又浸潤由是與王不合 上聞之移書讓王王終不聽六年召還改行在戶部郎中 睿皇即位拜淪戶部右侍郎巡撫浙江未幾母卒 上遣行人諭祭命淪卒事

起復淪既辭弗復復如浙罷力役寬賦斂舉廉能蒞事五年督運軍餉一千餘萬石招撫流移五萬餘戶獄訟不興盜賊屏息兩浙父老感而歎曰真先大夫布政子也會入覲 上留攝部事明年春淪以老乞歸卒年七十四有退菴集六卷

本朝分省人物考

卷八十四

三十一

河南

人物考目錄卷之八十五

河南開封府二

張斌 劉安

丘陵 吉慶

張睿 李彬

楊鐸 祝暹

王宇 賈恪

婁良 鄭寧

甄鐸 黃紱

馬文升 辛訪

本朝分省人物考 卷八十五目錄 一

和維 李敏

王豫 呂益

李璵 李英

柴廣 傅皓

袁江 傅允

李愚 李維聰

黃傑 王繼

高崧 李景繁

楊謚 楚麟

本朝分省人物考卷之八十五

河南開封府二

張斌

張斌字執中祥符人也幼醇篤嗜學中宣德己酉鄉舉明年庚戌會試乙榜授陝西鞏昌教諭端嚴範士正統己未九載秩滿給由銓部選送行在都察院理刑甫半暮考中庚申欽授行在浙江道御史以母喪守制還汴服闋改除雲南道御史己巳冬勅往密雲協贊軍務景泰壬申九載秩滿例當代而邊事孔殷時鎮守密雲古北口迤西等處署都指揮僉事張興

本朝分省人物考 卷八十五 河南二

等奏稱御史斌久理關塞備禦有策獄訟公平軍民倚賴遇警督兵截殺累立戰功乞留斌仍在密雲整理邊事制下銓部稽例議覆部擬陞正六品協贊軍務如故待事寧回京不次擢用上允之天順戊寅冬召還朝命鄒來學代尋擢福建布政司左參政成化丙戌傳旨令羣臣各舉所知於是尚書等官首推斌遂擢本司右布政使己丑轉左布政使適在闕下以右布政使入賀明年庚寅抵任時年六十五矣乃鑒止足之義引年乞骸骨歸而巡撫福建都御史滕公固留之請之彌堅浩然還汴與里居諸耆俊

為嘉樂會優游林壑考終於家

劉安

劉安字元靜世為大梁人少勵志節苦志誦讀朋輩咸退遜以為不可及登永樂癸卯鄉舉宣德庚戌春會試南省中乙榜授山東金鄉縣學訓導勤於誨士部使者薦之擢山東道御史慨然以功業自期明憲網究律令劾姦洗冤振揚風紀事有難處都御史舉以屬之無弗竟者嘗奉命巡按南北京畿風裁峻整在道九載擢山東按察司副使用法平恕恒存欽恤之意至遇渠惡巨猾為民厲者不少假貸由是吏

本朝分省人物考

卷八十五

十一

河南

良民懷聲稱藉甚逾三載丁內艱還汴天順戊寅服闋復除陝西按察司副使應詔陳時務三策一曰從祀謂我朝開國以來養士百年豈無真儒可續道統之傳請勅禮官推訪著書立言扶翊聖道者列諸從祀以風厲來學二曰軍務謂邊方軍士衝冒風雪不勝寒苦合議罪犯收贖照例米粟革襖兼納頒給軍士以禦飢凍三曰水利謂濟寧上下凡有泉源去處宜疏通入河以濟舟楫英廟可其奏次第行之甲申年踰六十懇乞骸骨歸與汴中二三耆舊詩酒倡酬以樂太平壽九十餘歲歸田時囊無餘貲惟舊屋

一區弗蔽風雨敝衣糲食出不能具驢車清修好古晚歲嘗采輯古今詩文之粹者若干篇分為六卷題之曰資蒙寘諸家塾以垂訓子孫

丘陵

丘陵字志高蘭陽人也宣德四年舉鄉試第一明年授咸陽教諭遷平鄉知縣凡所施設不憚勞苦邑有漳水暴悍衝決數為民害地卑且無城郭陵築城又築長堤數十里以障水民得播種復植雜樹以固堤基土木之變民恃以無恐至今日其堤為丘公堤云山西歲飢流民入境陵拊循之給以閑田使食其力

本朝分省人物考

卷八十五

三

河南

民歸之者千餘戶先是廟學傾圮陵撤而新之又為諸生嚴立課程時加考閱其俊偉者則別館之日給薪米膏燭以勗其成邑之鄉社十二亦各立學擇師以教之於是絃誦之聲達于閭里在邑數年諸廢皆舉值家艱歸民攀留不得乃預計服闋之日詣闕請復任從之又數年景皇即位以廷臣薦擢淮安知府天順四年陵入覲以政績卓異特賜錦衣寶鏹仍命張宴禮部以示褒勸擢山西左布政使成化初李秉為吏部尚書執法不阿學士彭華從子求京秩不得憾秉嗾同鄉給事中蕭彥莊誣劾陵坐逮乃上

疏奏辯事白彥莊免官陵亦致仕後二十年卒

吉慶

吉慶榮陽人宣德己酉舉于鄉授莊平知縣躬臨畝  
畝教民樹藝不事苛察民甚親之擢監察御史無何  
謫戍遼東以功陞副千戶天順中改知均州奉勅  
撫治鄖陽光化白河褒城流民全活甚眾加三品俸  
以褒之

張睿

張睿字志通鄆陵人宣德庚戌進士授吏科給事中  
歷遷戶部左侍郎總督糧儲正統己巳之變睿督軍  
守城朝廷恐通儲資虜詔焚之睿審時度勢矯旨  
存糧芻以億萬計天順中禮部尚書石瑄求退上  
諭李文達曰若張睿可以代之文達亦稱其老成堪  
任會瑄仍留上乃降特旨陞睿戶部尚書仍管糧  
儲事命下士論美之

本朝分省人物考卷八十五

四

河南

李彬

李彬字以中祥符人性峭直疾惡甚嚴持論慷慨恥  
浮沈詭隨永樂癸卯領河南鄉薦宣德庚戌登進士  
甲寅授行在山西道御史正統戊午命按兩淮鹽  
法陞辭上疏謂淮南醴利寔甲天下其部轉運司正

佐官監守財賄責任匪輕宜選廉正之士為之臣茲

行多方詢察有貪黷實跡者必劾罷之乞勅銓曹

此後除補務求佳士往充其員果有清節著聞一體

擢用則人不厭此官而離政修舉矣上從之由是

諸驕吏自度不為所容者咸望風解印綬去壬戌

勅清戎山西單車入晉移檄軍司嚴禁本官尅削影

射充役私門不隸行伍自首者宥隱蔽不悛者罰由

是軍旅填實癸亥丁內艱守制還丙寅服闋補浙江

道監察御史戊辰改山東僉事三載當考績適巡按

御史闕員廷議借留代巡按御史決囚壬申懇乞

本朝分省人物考卷八十五

五

河南

致仕歸戊子卒年七十有三嘗自言曰吾自筮仕以

來皆典憲臬謬以平反冤獄振厲風節為已任居官

二十年未嘗有枉于法者此心可以對天日云

楊鐸

楊鐸字文振原武人宣德壬子中鄉試魁次年登進

士正統元年奉勅前往陝西纂修宣宗皇帝實錄

次年三月除授大理寺左評事詳讞平恕公勤之譽

茂著當時正統乙丑陞授陝西僉事時遇按察使政

尚寬平奸宄之徒肆為佞辭皆得疎放鐸必法言以

正之由是輿論稱快聲價益著景泰甲戌復陞陝西

右參政督延綏甘肅等處軍儲益勤於蒞政邊事以寧軍民悅服天順壬午丁內艱服闋復除貴州參政通前九年滿考夷獠不捨其去合疏保留加從二品俸照舊管事成化丁亥丁外艱還鄉聞友人宋克新謫官東阿與妻子俱喪不能歸葬乃出備路貲遣人自東阿取三喪歸葬之鄉人稱頌其德服闋復除雲南左參政蒞任未幾引年乞致仕還僑寓汲城日與士大夫優游詩酒鄉社之間歌詠吟嘯以上壽考終于家

祝暹

本朝分省人物考 卷八十五

六

河南

祝暹字孟昭祥符人生而秀異好學弗倦領永樂癸卯鄉薦宣德癸丑登進士第正統改元拜戶部主事時酋虜朵兒只伯寇西寧朝廷遣將擊之廷臣薦其材略可任特命督理糧運處置有方餉弗告匱只伯就擒暹之功居多未幾父歿守制還汴既免喪補工部主事居無何復調刑部明刑慎獄多所平反聲稱籍甚九載考績擢郎中戊辰閩寇鄧茂七作亂攻陷城邑勢甚猖獗朝議洵命大司寇金公濂統率大軍刻期會剿命暹綜理軍務隨師以行料敵制勝多所裨益明年斬茂七傳首闕下論功行賞擢都察院

右僉都御史理院事適北虜也先犯京師 景皇帝卽位念保定等府為畿輔要地勅暹往守其城畫策防守士民皆安堵如故會虜遁去 上賜白金彩幣以旌嘉之壬申 英廟復辟甚加眷注而時以疾在告召還京師就醫調攝竟不起年五十有八 上聞訃震悼遣官諭祭造坐城皆異數也暹位不滿德用不盡才君子惜之

王宇

王宇字仲宏祥符人童稚時從師受業日記萬言巡撫重臣一見而奇之曰此大器也正統戊午魁鄉解明年登進士第授南京戶部主事管理糧儲痛革宿弊廉能之聲大振在郎署中特立獨行不隨流俗陞江西撫州知府郡地險民夥素號難治至則以簡靜御之六事畢舉里有隱士吳與弼不妄至城府往造其廬與弼聞之卽先謁拜談論竟日出嘆曰真明府也宇益勞心民事凡有宿弊盡革罷之撫民多商紉繻之錢歲計累萬守皆自取宇曰可以無取而取之是傷廉也悉屬於官郡治有穴地前守引水蓄魚以自給遂實之為倉儲穀數萬石以濟饑民郡人題其壁曰關節一毫無地入公廉兩字有天知遠邇傳誦

本朝分省人物考 卷八十五

七

河南

金谿有聚衆暴掠者宇曰此吾良民迫于飢餓故耳  
卽開倉濟之衆皆感泣曰真吾父母也卽時散去巡  
撫上其治行于朝特賜誥命以旌異之天順改元重  
方岳之選屬廷臣會舉堪任者遂擢宇山東右布政  
使時廷議山東累歲不登民皆流移詔宇撫安之宇  
盡心設法賑濟不憚驅馳民賴全活者數十萬人明  
年擢左副都御史巡撫宣府等處至則洗刷積弊力  
振戎務一切便宜處之革弊除奸士卒感慕未幾大  
同缺巡撫復屬兼之時石亨與其侄彪皆驟遷高爵  
恃寵自肆而大同乃舊鎮之地索取尤橫衆莫敢櫻  
本朝分省人物考卷八十五

獨上書劾之詞氣剴切聞者嘆服已而亨彪果以奸

人

河南二

敗 朝廷益嘉其忠直庚辰丁內艱還家守制未終  
詔起至京拜大理寺卿累章乞終制弗許在任惟  
以洗冤澤物爲先精研獄狀務得其情凡平反甚衆  
七年癸未以疾終於家

### 賈恪

賈恪字惟恭別號林居子通許人也自幼穎敏越人  
刻意問學雖嚴冬盛暑手不釋卷正統戊午領河南  
鄉試第二明年登進士第授行人將命四方人皆偉  
其才丙寅選授陝西道御史丁卯刷山西文卷自三

司以及郡縣凡匿卷者皆被劾治罪官吏懾服已已  
勅理浙江銀課時處州寇發嚴設備禦民賴以安尋  
奉命巡按浙江薦廉能鋤奸頑洗冤澤物克張其職  
辛未丁內外艱服除巡按宣府與屯田練軍旅凡安  
邊之事皆悉心力爲之不懈旣代歸適 英廟復位  
慎選老成分任方岳 命京職各舉所知以許襄敏  
公彬薦擢山東布政司右叅議召至 便殿宣諭德  
意賜寶鑑千貫爲道里費恪懷惕厲以求報稱戊寅  
兼理遼陽邊餉癸未督修闕里孔廟具有成績先是  
按宣府時曾劾奏僉都御史李公秉由是有隙成化  
本朝分省人物考卷八十五

九

河南二

丙戌秩將滿會秉當銓曹考察遂坐以不謹放歸田  
里或爲不平恪笑曰行藏有命何係於彼乃浩然歸  
汴與鄉耆結社賦詩爲樂夏則往遊通許別墅避炎  
敲棋優游林下者十餘年乙未八月卒年六十八

### 婁良

婁良字至善通許人少與賈恪齊名故諺曰婁良賈  
恪氣如山嶽登正統壬戌進士授刑部主事己巳之  
變留虜庭虜酋脇以威至刃其胸終不屈虜重其節  
釋之還遷員外郎中出爲廣西參政改陝西天順中  
以平西寇功賜璽書褒獎遂命總督糧儲兼理屯田

有專勅其制自良始成化中歷左右布政使陞右副都御史巡撫甘肅致仕歸橐中惟圖書數卷居宅湫隘都御史趙公欲為建一寢室良辭不受趙不能強

鄭寧

鄭寧字志道別號靜齋世為祥符人正統辛酉舉於鄉明年壬戌登進士授刑部主事歷本部員外郎中在刑部十六年精於法比諸寮遜服直隸崑山周氏武斷不法事聞奉勅往勘周托一京職懷金夜饋置牀榻間速出寧追而還之曰勘問自有公道何庸賂為其人慙謝竟寘於法壬申以外艱還汴有邏卒獲

本朝分省人物考 卷八十五

十

河南二 劉傑才

鄰人為盜者賊咸曰此鄭郎中家物歸之不受曰物有相似毋相誣也甲戌服闋復除刑部郎中奉勅清理南畿冤獄讞辨平反曲當情理用是譽望益著天順改元丁丑選郎署才望老成者出任方面被薦超遷四川右布政使入蜀適劇盜趙鐸嘯聚倡亂設計擒滅之撫臣以聞 上賜綵幣一襲以示嘉獎戊寅入賀事竣還任有唐千戶者妖言惑眾逃避深山中為咎自固撫臣徵兵議勦寧曰此愚民耳可不煩兵而解乃屏去兵衛單騎入此皆諭以福禍千戶感泣請縛不假兵力而地方以寧嘗以公事連坐或信之

笑曰此公罪也吾輩公罪不可無私罪不可有人以為名言成化丙戌同保國公朱永征勦和和尚等功成受白金綵幣之賜丁亥九載考績擢太僕寺卿食從二品祿戊子改都察院左僉都御史巡撫宣府時盛暑築城保工役數千人天久旱有司祈禱莫應曰此勞民弗息之徵也乃下令罷工是夕天大雨穉事有秋邊人胥悅辛卯丁內艱復歸汴蒙遣官諭祭葬厝甫畢詔奪情起復仍舊職固請終制不允再至鎮軍民咸迎拜喜曰我公來矣逾期移鎮大同在邊鎮數年適疆場無事幕府多暇日延見境內士大夫咨

本朝分省人物考 卷八十五

十一

河南一 劉光

詢民瘼次第舉行甲午以疾乞骸骨不許凡三上疏始得請其歸也囊無餘貲居閑十四年服食澹泊數至匱乏丁未詔在京五品以上官以禮致仕廉貧不能自養者有司歲給食米四石弘治戊申四月卒寧質直謹愿雖貴顯接遇鄉人殊優厚故鄉人多稱之

甄鐸

甄鐸字文振祥符人也性剛方雅尚志操正統丁卯貢禮部卒業太學景泰丙子授保定府定興縣令定興密邇京輦號難治下車剪鋤頑兇撫慰良弱節縮浮費不逾年政令大行無敢梗撓者定興邑小路衝

先是走過馬匹及櫃杠什物堆塚繫縣民力疲弊農  
畝日荒而過運不前鐸立法編定牌甲班次分番走  
過合用櫃杠弗泛給由是民力寬舒農種不廢邑中  
有一二黠豪昧結京要官爲親識素與邑長抗禮相  
往來通餽遺邑長皆折節下之鐸峻拒裁抑有犯則  
繩以法不少假以辭色黠豪怒大肆詆誹煽構成獄  
定典民無男婦長少及籍戎京衛者殆千人咸伏  
闕聲其冤乃准行勘使者密受風旨以威嚴臨之設  
炮烙於庭欲其誣服鐸神色自若不爲之動使者隱  
几假寐忽見公服僕頭者厲聲曰甄知縣好官汝宜  
存公道使者寤大驚乃虛心鞠審事遂白詔調它邑  
民又騰章上請乞留治定典從之而代者已至適聞  
父喪守制還汴服闋補文安乃分上中下三等躬親  
察驗弗憑里胥言賦役均平罔有怨憾又教民植桑  
粟差其勤怠行賞罰今翁鬱成林父老指示幼者曰  
此甄公桑也此甄公粟也其遺思在民如此秩滿改  
三河成化甲午引年乞骸骨歸得請卽戒行不終日  
囊橐蕭然至無以代步民涕泣攀送不可留因相率  
各出徵贖市一馬擁騎以歸強從之曰吾抵汴卽遣  
還民或有未信者旣至汴卽遣馬歸父老見至咸嘆

本朝分省人物考

卷八十五

十一

河南  
劉光

服以爲近代未有也丁未七月卒得年七十八

黃 紱

黃紱字用章封丘人正統戊辰進士初授南京刑部  
主事歷員外郎廉明峻執遇事颯發智巧所避毅然  
肩之人竊笑其呆咸以硬黃目之有譚千戶者大猾  
任俠結權貴人奪民蘆田萬畝貴人業與飲食往來  
卽知民枉不能直紱盡法直之蘆田歸民久之擢四  
川叅議督松茂軍餉劾治將領侵冒擒諸倚勢豪肆  
邊上者陞本省參政過崇慶忽旋風起輿前擁不得  
行紱曰卽有冤且散吾爲若理風遂止抵州沐而禱

本朝分省人物考

卷八十五

十三

河南  
劉國才

城隍夢中若有神言州西寺云因密訪州西四十里  
有寺當孔道倚山爲巢旦起率吏兵急抵寺盡繫諸  
僧一人少而狀惡詰之無祠牒卽塗醋聖額上灑洗  
之隱有巾痕紱曰是盜也卽訊諸僧不能隱盡得奸  
狀蓋寺西有巨塘夜深投宿人殺之沈塘中衆分其  
囊有妻女則分其妻女匿妻女隱窖中恣淫毒久矣  
盡按律殺僧毀其寺倉吏倚王親侵沒官糧萬計王  
曲庇倉吏竟按如法紱精于律比輒能發摘奸伏威  
行川中神風解綬走轉右布政使奏開建昌  
礦爲左使時湖廣妖僧繼曉所至勢焰薰人紱曰繼



曉以妖術故不離上左右今且得罪避出名掃墓實  
逸賊檄武昌府館之後堂好飲食之無令得出入俄  
事敗檻送京師伏誅陞右都御史巡撫延綏劾叅將  
郭鏞都指揮鄭印等葭州史知州等計捕豪奸張綱  
等拔才能察幽隱問疾苦飭廢墜申號令修器械嚴  
警邏節候望邊政為新偶行道見川中飲馬婦片  
布遮其下體乃曰嗟乎健兒貧至此乃驅之戰守耶  
令預支米三月會 詔毀庵寺使汰尼解軍門給配  
鰥軍人大悅無不願為黃都堂死者比去咸携子  
女拜送路傍已為南京戶部尚書益無所顧避威稜

本朝分省人物考 卷八十五 十四 河南二 劉汝奇

截然江浙食鹽錢鈔民苦包攬拮据力條其折徵銀  
狀以聞至今行之便 特旨改掌憲院至則嚴甄御  
史量能委之火其差簿於庭曰事貴得人耳資勞久  
近豈立官意哉天下方仰望風采自以歷事五朝中  
外幾五十年慙直崖異動輒忤人伏禍難測又盛滿  
宜戒乃引年乞骸骨居無幾疾作以弘治甲申年卒

馬文升

馬文升字負圖開封府人幼讀書即了大義景泰辛  
未登進士授監察御史巡按山西湖廣所至有聲天  
下未陞福建按察使憤鎮守中官擾民輒繩以法

民戴其德歌謠載路成化乙酉陞南京大理寺卿未  
幾以憂去服未闋值固原土夷滿四倡亂邊陲告急  
特起為右副都御史巡撫陝西俾與都御史項忠總  
兵官劉玉會兵討之生擒滿四俘獲男婦無算捷聞  
賜勅獎勞陞左副都御史時流賊遽起聚眾劫掠殺  
敵官軍其鋒銳甚文升悉以計剪除之壬辰虜寇臨  
鞏文升督兵追至黑水口生擒平章鉄烈孫斬首數  
十級遂陳時政十五事及禦邊三策尋 命節制三  
邊秋九月北虜寇韋州深入固原及好水川文升檄  
召諸路按兵伏湯羊嶺虜至遇伏驚遁盡棄輜重擒

本朝分省人物考 卷八十五 十五 河南二 劉汝奇

斬二百餘名級捷聞有白金文綺之賜因改其嶺為  
得勝坡勒石紀功又剿平氓州叛番厥績尤茂乙未  
召為兵部右侍郎適遼東有警 上以文升諳練戎  
務俾往備之文升制五花營八陣圖以訓士卒復上  
禦邊十五事皆切時宜虜患遂平陞左侍郎食二品  
俸戊戌建州女直復叛巡撫都御史陳鉞欲誘殺進  
貢夷屬以掩已過由是夷益懼為亂 上命文升再  
往時太監汪直恃寵倖功陰主鉞議邀文升偕行文  
升弗聽先蒞其地招撫黑鎖忒等二百餘名比直至  
虜已解散直無所獲深銜之乙亥言官劾總兵官歐

信韓斌及鉞激變事情逮繫至京鉞厚賂直傾之文  
升一無所辨遂謫戍重慶日與蜀士考德問業若未  
嘗貴顯者直敗文升冤始雪詔復其官俾致仕甲辰  
起爲左副都御史巡撫遼東禁轄科害人無敢犯文  
升於遼東至是凡三往皆樹奇績東人至今思之乙  
巳陞右都御史督理漕運兼巡撫鳳陽等處搜剔宿  
弊刻革無遺未幾陞兵部尚書適貴州都勻黑苗弗  
靖守臣請發雲南四川湖廣兵征勦文升持不可奏  
差郎中御史各一員往彼處勘果無他虞尋改南京  
兵部尚書參贊機務弘治改元召爲左都御史命掌

本朝分省人物考

卷八十五

十六

河南二  
劉汝奇

院事陞見召至文華殿賜大紅織金衣一襲 上在  
東宮時素知其名文升感殊遇益自奮勵知無不言  
上特倚重焉二月 上耕籍田文升與行推禮時教  
坊司以雜戲承應或至狎文升厲色曰 新天子當  
知稼穡艱難豈宜以此瀆亂 宸聰卽斥去二御史  
以糾儀下獄文升謂卽位之初不宜輒罪言官於是  
得釋時論譴之三月 上初御經筵賜賚甚厚乃上  
言十五事曰選賢能以任風憲禁撫拾以戒賍貪擇  
人才以典刑獄責成效以革奸弊擇守令以固邦本  
恤士人以防後患清僧道以杜遊食敦懷柔以安四

夷節費用以甦民困悉見施行未幾復改兵部尚書  
提督京營軍務七月京城大雨爲患疏時政得失十  
事以弭災變占城國爲安南所侵遣使請救衆議未  
決文升卽會禮部拘 朝貢使臣諭以禍福俾還侵  
地遂通好如故辛亥二月丁繼母憂 上以邊方多  
事手詔起復懇乞終制不允乃出視事建州夷伏加  
謀叛械繫京師下法司鞫問巧辨不服文升徐以數  
言發其奸伏加始惶懼請罪遂竄南海貴州苗叛議  
遣鎮遠侯顧溥率兵往擊之且授以方略克五十餘  
寨俘男女數百餘口而還自是震懾九月加太子太

本朝分省人物考

卷八十五

十七

河南二  
徐四

保九年疏乞內外衙門各舉將材其操習規矩遵依  
洪武永樂年操法不許頻換奏 上嘉納行之以年  
七十乞致仕 上慰留之戊午春二月 皇太子出  
閣加太保兼太子太傅疏謂 皇太子國之儲貳天  
下根本宜擇老成純謹之士以資啓沃不宜雜以浮  
薄之流恐虧損盛德 上欣納之十一月清寧宮災  
勅兵部議處文升言天下軍民疲苦乞發內帑銀  
兩及停止四川採木之擾 上深以爲然卽從其議  
落成有蟒衣白金之賜官其子琇爲錦衣百戶虜酋  
火篩擁衆寇大同威遠勢甚猖獗京師戒嚴 上親

灑宸翰賜上膳品具召至 內便殿咨以戰守之策  
文升因舉保國公朱暉等整棚官軍以待且令各邊  
謹斥埃豫戰具虜知有備即遠遯去壬戌轉吏部尚  
書 命下朝野胥慶進少師兼太子太師明年史夫  
人卒 上遣官諭祭為營葬事乙丑考察大朝官員

斥去不職者二千餘員人無異議五月 孝宗上賓  
文升哀慟甚至正德改元凡大典禮文升復參預其  
間御用監太監王端以大婚禮欲用儒士七人篆刻  
番字文升方杜塞倖門堅執不從給事中安奎以為  
宜聽文升言若墮其奸計則大臣垂首喪氣直道何

本朝分省人物考 卷八十五 河南二 十八

伸非國家之利端慚憤誣文升抗拒賴諸大臣力為  
之辨其冤始白文升遂求去封章累上前後二十一  
疏陛辭賜宴及 璽書褒美仍給寶鑑為道里費既  
歸足迹不至城府屏居三峰山董村之別墅乃更號  
三峰居士扁其堂曰樂農始終好學至老不釋著有  
約齋集及奏議二事紀行於世卒年八十九贈太師  
謚端肅

辛訪

辛訪字咨道襄城人景泰辛未進士授監察御史陞  
浙江按察司僉事會處州頑民聚眾盜礦眾議發兵

討之訪曰兵興必有歿於非辜者先出榜諭以禍福  
眾皆散去桐江有大姓連姻權貴怙勢恣橫有司莫  
敢誰何訪獨捕治之竟抵於法遷福建按察副使奸  
民屏息未幾以憂歸卒于家

和維

和維字振綱河陰人登景泰辛未進士拜刑部主事  
五年擢浙江按察司僉事召至便殿賜宴又賜寶鑑  
千貫以行時藩臬吏多私養馬卒維妻妾巾襪襦履  
絲絮悉養馬卒出他不法稱是維遂發以聞 上覽  
奏悉按諸不法者坐之由是構隙卒為所讒會父憂

本朝分省人物考 卷八十五 河南二 十九

歸得免前是浙販絲民有值刦者亾其刀獨鞘在權  
貴者遂誣機戶姜魯等行刦殊無左驗維力爭不聽  
出召販者問曰若絲何驗曰囊上印廣昌郡字於是  
密遣邏旁邑至海寧插秧人禪上隱隱有字也執訊  
之具服詰刀所在曰在新官橋下取驗之實販者所  
亾刀權貴人大慚又嘗江行聞哭聲蓋寡婦兒為人  
所掠賣也立廉致還之性善酒及徙大梁日與郡中  
諸豪傑往還輒飲飲輒醉所著書并詩數十百卷行  
於世

李敏

李敏字公勉襄城人景泰甲戌進士授監察御史天  
順丁丑貴州蠻賊嘯聚命往撫捕之比還出按畿內  
力革宿弊軍民戴之累陞浙江湖廣按察使山西四  
川左右布政使成化十三年入爲都察院右副都御  
史奉 勅巡撫大同兼理軍務先時虜俟守墩軍下  
取水輒肆戕害敏至設伏擒之自是虜不敢犯山東  
河南運邊糧者歲數萬石更涉險遠率倍費始得達  
敏計歲會外令易銀給將士以其餘市戰馬治軍裝  
至今以爲常成化十五年召爲兵部右侍郎與余子  
俊各以身許國知無不言言無不從及陳鉞附汪直  
本朝分省人物考 卷八十五 河南二 高文

氣焰可畏敏以正自律並無徙倚十九年以疾乞歸  
二十二年適河南大饑疏採荒數事封上因召改左

副都御史巡撫保定等府兼提督紫荆等關二十三  
年改總督漕運巡撫鳳陽等處尋擢戶部尚書時天  
下頻歲水旱所司往往乞免田租其章奏敏皆手自  
參決大要以足國安民爲急 上嗣位例行賞賚而  
邊境更以儲特缺乏爲奏敏區畫有方用以不乏嘗  
言鹽課爲國用所資比歲法壞宜簡命風憲大臣理  
之詔如其議畿內有隙地貴戚初乞不與而以與民  
後復有欲得者敏言令不可變恩不可偏其仍與民

爲便奏上從之時又有乞鷹房牧馬場千頃者敏言  
場止二百頃餘皆民產業安得奪耕種之地以爲飛  
放之所亦從之京師大水有 詔令百官各陳時政  
闕失敏所疏數事皆人所不敢言者至他建白尚多  
不能盡述在戶部五年以疾上疏得休致歸至內黃  
疾革謂從事曰吾以一介書生祿位至此愧負無地  
方圖報稱而年力不能如 朝廷大恩何言訖遂卒  
贈太子少保謚恭靖敏爲人和易明爽臨事慎重有  
大議草奏動輒數千言理明辭順見者推服平生多  
厚德遇貧乏者輒施與不吝處諸兄能友愛數以所  
本朝分省人物考 卷八十五 河南二 陶見

王 豫

王豫字用誠祥符人生數歲父母相繼亡爲世父所  
鍾愛稍長嗜學不厭游邑校以才俊稱試當廩食再  
讓諸同儕之窘匱者監司賢之景泰庚午舉於鄉甲  
戌成進士乙亥拜禮科給事中立朝蹇諤持大體不  
爲矯激之行天順丁丑 英廟復辟益開言路感激  
論事章疏最多顧不留稿以故世鮮有知者是歲冊  
封天下諸王詣楚府爲輔行餽贐一無所受當時贈

詩有操守一廉清似水之句人以爲實錄庚辰殿試充掌卷官辛巳安南國王黎濬請封借通政司參議尹公旻往道經廣西聞濬內難乃飛騎上聞取進止詔令還朝後國人奉濟弟灝當立復表請上仍命偕翰林學士錢公溥持節往封至其境乃與錢公議曰蠢茲蠻夷獷悍無禮弗諭遽入或有忤如辱命何乃移書論辨至五六既格服始入其國灝俯伏就位無敢異事竣餽贐甚腆峻却之甲申擢湖廣右參議奉勅提督太嶽太和山觀兼節制均襄軍民事操守益勵威惠並施事神理民精白無貳成化乙酉連歲

本朝分省人物考 卷八十五 河南二 陳士儒

大侵悉心賑採無遺策存活者甚衆有劉千斤者嘯聚剽掠荆襄間王師征之被薦督餉時賊勢孔熾道梗塞轉輸不乏賊既平受勅褒諭時有諷豫以子竄藉伍中徵爵賞者笑曰饗功倖祿爲子孫圖非吾志也已而上言郎襄通寇淵藪今雖平靖尚虞有後變命與鎮守等官計議斟酌施行在郎襄卅年律已愛民廉惠如一日凡奉璽書十有三雖事與中貴偕然心公而直中貴亦知重之無所沮撓甲午秩滿軍民保留乞再任從之賜食三品祿尋解印綬去去之日囊橐蕭然歸逾七年卒壽六十三

呂益

呂益字伯謙別號梅菴世爲祥符人性資闊達學冠羣士正統丁卯領鄉薦景泰甲戌登進士乙亥授陝西道御史是歲九月昌平侯楊俊爲家人楊榮所奏穢迹既著於是刑科都給事中王鎮等浙江道御史費廣等會劾之詔下都察院鞫問都御史蕭公維貞乃以其事屬益竟抵俊於法十月奉勅印烙直隸鳳陽等府馬匹時廬州府無爲州等處連歲旱蝗虧損馬三千九百餘匹小民窮困弗能償上疏于朝得爲蠲免天順丁丑巡按廣東時都察院右都御史耿

本朝分省人物考 卷八十五 河南二 陳士儒

公九疇欽天監掌監事禮部右侍郎湯序各奏稱在外大小問刑衙門見監輕重罪囚或有冤滯上千天和行移巡按御史會同三司官逐一審錄有可矜疑者具奏未減益星軺徧歷夙夜清審多所平反而廉欽化州等處蠻寇猖獗攻掠城邑荼毒生民會同鎮守總兵督兵進剿身親矢石掃平巢穴已卯得代回京勅往直隸通州直抵山東東昌府緝捕寇盜地方寧謐還朝庚辰石亨姪婿大同都指揮使廖傑不法事聞朝議行巡撫都御史王公宇勘問適宇議事回京患背疽未愈被薦代宇往問傑伏辜六月勅在京

巡視九門并提督北城辛巳提督通州糧儲并巡視李家庄等處草場壬午督捕真保定大名等府寇盜癸未巡按隆慶州并大同宣府二鎮甲申改陝西按察司僉事成化丙戌解官歸居鄉三十餘年謝絕人事不輕至公門惟慶賀聖節長至元旦暨郡大夫敦請鄉飲則一出杜門省愆安貧俟命年八十卒蒞官十二年任事敢為不避險艱人多以翹目之竟以翹獲咎免官

李 璵

李璵字廷瑞祥符人景泰甲戌登進士授戶部主事

本朝分省人物考 卷八十五

二十四

河南二

勅權濟寧州課甫期積額外羨餘數萬兩盡輸之官不以一毫私已由是廉聲茂著遷員外郎復奉命稽察畿內諸郡縣府藏所至先封其倉庫按籍覈之典守者弗得彌縫旋補盡得其侵漁虛耗之狀參劾罷黜若干人未幾轉郎中無何墜馬傷足躄于步履朝參弗便時少宰雅重之且念其守官苦節家業未立乃以其故言於部家宰遂擢長蘆鹽運使寔欲其循常例為自腴計聞之笑曰非吾志也既抵任嚴立條格分毫無所取其應得俸金恒寄予宗族為婚喪費又周濟閭里親故之貧乏者及致仕還篋笥無長

物惟故人某贈赤壁圖一副已耳既歸田廬弗增益尺寸貧不能糊口以訓課里中童蒙為業配宜人王晝夜績紡不輟終身無怨言林居二十年貧益甚每出行徒步不能具巾車藩臬諸公按部屬邑輒枉駕數十里造謁璵不能備醪饌款留坐久惟再茗而已

李 英

李英字士奇祥符人自幼聰敏力學中景泰丙子鄉試丁丑會試乙榜弗就庚辰授陝西鳳翔府學訓導立教嚴勤士類有造而寶雞亦以攝教為得師間委攝別邑輒以政聞成化庚寅九載秩滿擢尹山東之

本朝分省人物考 卷八十五

二十五

河南二

昌邑壬辰丁內艱服闋時都御史馬文升撫治陝西薦知朝邑至則樹良法剋夙弊嚴門禁庶政修舉無私謁者丙申例考三載滿擢知涇州朝邑之人立去思碑尋丁父艱服闋改知徽州都御史鄭公時以英賢能廉幹上言調知乾州路當衝要迎送無虛日竟以勞瘁成疾卒於官時年五十四先是朝邑溥濟里民薛旺殺疾薛美逮及呂興同罪英曰因姦殺人惟恐人知呂興何預細審之果然由是呂興得釋遂圖其像舉族奉祀焉成化丁酉歲早春夏不雨齋戒禱於城隍不三日而甘雨降歲大稔前黃河泛漲滄沒

東鄉水至城濠城幾陷沒設法賑濟築堤捍水鹹地  
淤為沃壤水退民爭之紛紛莫定英親詣畝地驗冊  
分撥強不得以侵弱又修建朝邑城池學校壇壝官  
署倉廩五六百間以漸而成民不知勞

柴廣

柴廣字文博祥符人也少游開封郡學誠寔不苟與  
朋友約風雨必踐每遇文廟春秋丁祀必易服齋戒  
以往景泰間貢入太學始仕四川鄆都縣知縣廉介  
有守遇歲大旱禱於神曰此令之不德所致乃省已  
過理冤獄不三日甘澍霑足先是邑無城池嘆曰城

本朝分省人物考

卷八十五

三六

河南

池所以衛民也茲役非令得已於是申請上司役民  
興工平地則築墻山岡則栽樹城郭完整是時士民  
趙鐸嘯聚倡亂勢甚猖獗率邑中壯勇之士以身先  
之遂擒首惡地方底寧以薦擢知漢州修學校建輿  
梁均賦役政績著聞何乃引年乞致仕而鄆都漢  
州俱立去思碑既歸築室陳橋北日誦內典施藥濟  
人埋枯骨飼幽鳥凡鄉人婚喪不能舉者倡率鄉之  
仗義者共為津助鰥居五十餘年室無婢妾弘治初  
巡撫都御史海虞徐公恪奏請旌表以勵薄俗壽九  
十七歲卒於家

傅皓

傅皓字孔暘別號暘坡居士祥符人也天性篤實外  
和內剛少苦學夜誦徹旦舉景泰丙子鄉試第二人  
上春官不第卒業成均成化辛卯授通州同知寬厚  
平易得吏民心在任八年民惟恐擢去戊戌通州守  
缺員百姓老稚千餘人叩闕上章乞擢皓為守會  
使者交薦銓部稽其勞績又當遷遂擢通州知州通  
州密邇京師是水陸輻輳之地勲戚宦寺田莊居太  
半素號難治一切裁以法凡驛遞船馬饋遺非度者  
悉寢不行諸權貴干索弗遂銜之然竟亦不能害也

本朝分省人物考

卷八十五

三七

河南

隣郡邑有冤獄弗白者咸赴愬使者願下聽斷一屬  
訊決輒服嘗上疏論戶口食鹽民鈔歲輸官鹽無給  
不報因通融里甲立取鹽法後踵行之不廢有清軍  
御史者按郡捕得逃伍者親識即繫之獄遣行以代  
嘆曰無罪而代戍豈制邪緩之令以情奏竟免為守  
十二年考績改知濟寧州通民泣送數十里攀戀不  
忍捨去濟寧亦衝郡政務繁劇守濟寧二年節財愛  
民惠政懋著癸丑年六十三請老歸汴又七年己未  
卒前後典州郡二十三年清慎無間終始

袁江

袁江字自岷祥符人自少資性超異讀書過目輒成誦不忘弱冠落筆有警語年十九領天順壬午鄉薦時東平梁御史覲巡按河南寔監臨鄉試有劉僉事瑄者與梁有隙疑江年甚少而一舉輒第暨同榜祥符人唐昭杜明皆指為梁所私併劾之英廟覽奏勅法司提解御史覲僉事瑄舉人江昭明俱械繫至京下館閣復試咸入格得釋乃罪瑄誣奏覲復職江等舉人如故明年癸未春二月入南宮試適文場火詔改秋八月會試成進士年二十一始聘左布政丘公陵之女為配初授戶部主事監督徐州倉糧出納

本朝分省人物考

卷八十五

二十八

河南二  
劉汝思

兼程之任既抵蜀巡行郡邑無少休息滌祛奸弊殫厥心力未歲餘察出隱蔽官賦及夙逋在民者若千萬督屬徵完盡解戶部大司徒題奏旌獎以風勵天下之職餉者驅馳勞瘁疾作或有勸其自逸者曰某既受上知敢復愛其身乎未幾疾大作竟卒于官得年五十為人坦夷無物以清慎自將歷官三十年典司財賦無所點污顧年僅下壽用不究才人咸悲之云

傅允

傅允字克誠儀封人天順甲申進士授刑部主事常

本朝分省人物考

卷八十五

二十九

河南二  
劉汝思

求情於法之外及罪定雖權貴莫之能奪居官無畜馬時從民間僱驟乘之於是訟者輒祝曰得乘驟公決之則幸矣會浙中盜張信竊發銀礦以允為浙江叅政督察其事信與守門者通以五千金默置允卧内乞勿問允發其事且偵得與信通者抵法乃捕信竝其黨四十餘人誅之積患以平改四川右叅政

李愚

李愚字克明蘭陽人也弱冠舉於鄉授澧州知州以禮讓喻俗不規規於簿書期會之屬一郡盡化之成化七年茅岡宣慰等土夷乘劉千金之亂出沒剽掠



每過州境戒儻類勿有所犯其感革強暴類此州俗女子年踰三十始嫁愚傲屬邑俱宜依期婚娶其貧不能舉者亦宜設法資之一歲中完娶者二千餘家巡撫都御史吳琛聞之以束帛勞異惟外艱歸服闋改知晉州值歲凶愚賑飢恤匱不遺餘力是年大水復至愚乃上疏言春秋傳曰大水者陰氣盛也今歲雨水為害得無陰氣使然乎嘗觀唐史太宗因旱出宮女三千人我朝英宗皇帝即位之初亦出宮女三百七十人伏望援古人已行之蹟酌今日時制之宜稽察宮女年貌老弱量為節減務使在內在外

本朝分省人物考

卷八十五

三十

河南二 劉汝思

人人得所則陰陽和暢神人胥悅而天變可回疏入純皇震怒逮繫京師頃之上感悟詔釋愚出宮女五百餘人愚既還職益自振勵會妖賊桑冲作亂愚以計擒之上嘉其能特令榜諭後數年致仕歸于鉉內黃知縣愚卒六十餘年提學副使朱公大器始祀於鄉賢祠

李惟聰

李惟聰字自愚杞縣人也身長七尺力舉千斤善躍馬擊劍性直氣猛趨義若奔甘淡服勤避汚如不及夜誦畢則入空室習劍懸枕作壘為攻擊之狀讀古

兵法有妙悟成化乙酉舉于鄉後屢上春官或獨行無僕荷杖跨驢惡少駭散丙午選邳州知州河豬荒田相地勢之宜走潦開深抽棘辟畝歲入倍常流民復業蝗不至境上官驗而稱之弘治壬子河決黃陵治河大夫劉忠宣取以供事作堤延袤六百里以四十日奏功晉工部都水郎中改繕部採木湖南庚申北虜入寇大同兵敗晉山西按察副使大同兵備比伍精閱拔十抽一制兵長短互用馬步錯行晝則治武夜則固壘自率三千與同辛苦又修邊城皆十里一塹中舍小塹大塹各有守兵由是士躍馬騰烽燧不舉又三年改山東副使管遼陽屯田權貴皆受約束又欲倣古井溝遂畝澮暇則便耕作警則阻馳驟值改官不果正德丙寅又以急命往宣府飭兵虜畏而不敢至年七十致仕歸

本朝分省人物考

卷八十五

三十

河南二 劉汝思

黃傑

黃傑字士英涇川人成化丙戌進士授濟南推官數決疑獄民敬信若神明樂陵妖民李氏以左道惑眾監司檄傑捕之獲其渠魁所蔓連悉火其籍置不問一方帖然尋以治最擢監察御史視陝西戎政歷按兩畿鋤強剗弊風紀肅然為中官所誣下獄既釋遷

順天府丞未幾出知肇慶府傑雖左遷無怏怏意  
方撫字羣徭咸戴之弘治初百度一新改知慶陽遷  
陝西叅政入爲順天府尹陞戶部右侍郎傑旣進卿  
佐益留心政務慎出納杜請托未嘗少忽 上甚倚  
任之無何以疾累疏乞歸 命方下卒于官

王繼

王繼字述之祥符人五六歲卽能誦詩讀孝經十六  
補郡庠生成化丙戌舉進士後監察御史出按山西  
刺舉不避豪貴數平疑獄境內肅然遷陝西僉事轉  
固原兵備副使尋擢山西按察使時中官將命來採

本朝分省人物考

卷八十五

三十一

河南二

石膽於紫碧山求之無有甚爲民患繼乃取小石子  
給之中官怒曰石膽載諸古書何以爲無繼曰麟鳳  
皆古書所載今有之乎乃上疏言其妄得寢再遷山  
西右布政使弘治初福建江廣流賊起拜右副都御  
史督兵往勦事平移鎮甘肅時哈密忠順王爲土魯  
番所滅據其土地繼訓練士卒丕振天威土魯番來  
附繼乃議取故王從子陝巴襲封 上賜白金文綺  
以旌之召爲兵部右侍郎改戶部秩滿晉尚書嘗盤  
詰太倉得羨金十餘萬悉疏以進其靡類此項之闕  
人李廣事敗言官請並治大臣與廣交通者 上宥

不問明日早朝空班謝罪惟繼與馬文升不與 上  
益重之改南京刑部尋改兵部尚書叅贊機務卒于  
官贈太子少保

高崧

高崧字鍾秀襄城人成化丙戌進士授南京大理寺  
評事歷福建巡按僉事初入境會汀漳盜起且盛夏  
瘴方熾同官皆憚行崧獨奮然往盜竟平身亦無恙  
任滿奏績京師過高郵湖值暴風崧焚香祝曰吾平  
生有欺心事或舟中有非義財當岸家溺歿不然何  
揣我如此耶言訖風息復任陞副使再陞按察使多  
本朝分省人物考

卷八十五

三十一

河南二

李景繁

李景繁字邦泰儀封人也幼而好學器度不羣成化  
五年舉進士授陝西三原知縣三原多大商鬻販准  
湯間貲累數萬每婚喪費千金景繁禁之使如制逋  
民歸者復其田廬歿者給以棺屨數年稍遷太僕寺  
丞改工部營繕主事二十三年遷虞衡員外郎尋轉  
都水郎中管漕河時漕塞自儀真人淮凡三百里舟

膠不行有 詔命都御史暨郎中治景繁獨任之募夫八萬人初濬邵伯湖楊子橋三汊河次濬朴樹灣次濬儀真瓜洲二壩行瓜洲堤上見東南多沮洳區問土人此何所也曰江湖之匯也景繁導之自古割港劉家灣入漕渠土人曰河亢而江下非壩障之則河水悉倒流入江漕渠益淺都御史而下咸謂李策非善景繁曰江水故平潮至則悍激耳潮退水亦易出也遂下令有司具土暨石潮至大決壩開江水奔潮水聲洶洶如雷景繁乃塞壩閱數日會大雨漕渠水瀰瀰襄岸舟乃大行河經徐州盪州將嚙居人震恐景繁又作石堤河不能為害弘治六年遷山西右叅議督理糧儲景繁行塞上十年而餉運不闕擢四川右叅政以疾乞致仕歸

楊 謚

楊謚字文寧儀封人成化五年進士授直隸崑山縣知縣以治行卓異擢浙江道御史院長以謚練習憲體委掌諸道章奏九年秩滿陞太僕寺少卿未幾轉大理寺右少卿復進都察院右僉都御史奉勅巡撫宣府召回理院事會工部缺侍郎廷臣以謚請而諸御史奏留之不果遷左副都御史尋陞兵部右侍郎

以疾乞休不允時北虜寇邊命謚選京營軍馬竟以疾卒賜祭葬如例謚為人端慎平易臨事未嘗近名而名亦隨之嘗巡按浙江為士大夫所重宣府屯田多為勢豪吞占謚悉以法清出之得地千餘頃撥軍佃種歲收米數萬斛嘗署院事憲度肅然及為侍郎悉心贊佐不激不隨士論重之

楚 麟

楚麟字文祥密州人成化己丑進士授禮科給事中彈劾不避權貴 上賜勅以獎之後以忤用事者謫永平同知陞陝西叅議分守漢中兼兵備兩地咸有異政得民心俱祀于名宦祠云

本朝分省人物考 卷八十五

三五

河南二

人物考卷之八十六目錄

河南開封府三

丘璐 陳瑗

賈定 劉璟

楊璉 魏璋

李環 杜明

孫春 康厚

張泰 劉忠

杜忠 郭緒

李滌 張賢

王鵬 楊璉

劉道立 夏塘

李鉞附：惠 李源

賈詠 許廷光

王廷相 田汝耕

陳溥 劉昂

高魁 王翊

劉大謨 張文魁

郭維藩 張原明

時植 張漢卿



本朝京省人物考卷之八十六

河南開封府三

丘璐

丘璐字仲玉蘭陽人布政陵之子成化己酉中鄉試  
壬辰登進士第乙未授南京吏科給事中己亥連丁  
外內艱壬寅終制起為南京工科給事中丁未遷陝  
西布政司左叅議奉 勅督理甘肅糧儲弘治辛亥  
還司乙卯遷山西布政司左叅政分守大同府戊午  
還司以病卒于官得年五十有七璐賦質沉靜加以  
自少家庭涵漬無統綺傲放之習又素富墳典博探

本朝分省人物考 卷八十六

河南三

廣覽餐寢俱忘穿冗古今貫絡百氏雖僻書隱事雅  
號洽聞者第髣崖略而已璐或觸其端輒歷歷舉  
數百言不遺一辭其博學強記如此歷官中外幾三  
十年其建白施設多上當 君心下達民隱在南京  
前後疏二十六事剴切明暢甘州先聖廟春秋祀奠  
惟奏俗樂以為褻遂飾廟貌繹雅音金石絲竹之器  
多自考定禮樂用諧神人胥悅肅州隣極邊璐以戎  
主速壇阿黑麻戕殺哈密都督罕慎遂經畫調發築  
苦峪城且徵苦峪赤斤蒙古罕東等衛頭目愛馬等  
詣肅州宴嘗撫諭及安插哈密殘破夷人都指揮阿

木郎等一千負各給與農具牛種夷人用謐 朝廷寬西顧之憂內地停輓輸之勞生平所與交皆天下名士死之日家無餘貲歸無室處人尤以是高之

陳瑗

陳瑗字大玉別號朴菴祥符人幼而奇穎天順己卯年十八遂領鄉薦成化壬辰登進士丙申拜戶部江西司主事丁父憂免喪復除本司丁未擢廣西司員外郎弘治戊申署山東司郎中在戶部最久以清慎著聞時廷議鹽法久壞請遴選部屬有才望者清理之部尚書舉瑗往治其事瑗搜剔弊端權貴人侵奪

本朝分省人物考

卷八十六

二

河南三

鹺利者始皆知畏畿內大水敗禾稼奉詔賑救饑民獲免死徙事竣陳言十事其間言權貴人役民之害尤切時弊由是聲名益譟辛亥擢江西左叅政在任五載悉心政務適建親藩規畫適宜省財力鉅萬丙辰擢福建右布政使事有利病當興革者瑗必與同官商確次第舉行不肯專主嘗恠文移亂真者猝不能辯一日廉得偽印十餘顆皆老軍吏為之擒其人悉寘于法閩城中有渠通潮汐縱橫如井字形堙塞六十餘年建議浚之伐石甕堤十餘里舟楫通行物貨易致至今民以為便丁巳轉江西左布政使父老

遮道逐之喜曰是故陳叅政耶下車即除民疾苦數事先時有橫取者為委曲裁處上下無怨且謂累歲盜賊不息實因民困征輸所致均其賦稅民賴以甦戊午擢右副都御史總督南京糧儲出納月以數萬計江浙湖廣例有方面官部運或不時至移文促之俾如期集自京衛烏龍潭至江北鳳頰諸倉創置歲久舊制特設工部主事一人專理修葺顧工役苟且隨復損壞至則親為料理視如家事又重建若干楹皆堅固可久實有裨 國計云庚申卒於金陵官舍得年五十有九

本朝分省人物考

卷八十六

三

河南三

賈定

賈定字仲一別號一菴通許人格之仲子幼耽書有自得之趣成化辛卯舉鄉薦乙未丁外艱戊戌登進士第庚子出刺絳州絳人有屠者偕侶遠出拉諸谷中殺之將私其妻不可又殺之乃鬻其女以逸事久不明定根株其實誅屠者辛丑大饑疫叅酌古今為救荒八事行之悉驗總賑少司寇何公喬新大加稱賞下其八事於列郡利濟甚博晉地宜棗約絳人饑不得伐棗棗熟饑者仰之何公始入疆問曰絳棗何以獨完民曰使君有約弗忍違耳垣曲絳屬邑有寇

聚山澤乘其新合遣健徒雪夜急擣之獲其魁復從  
平陽太守李公琮入山撫其餘黨悉委仗即農初饑  
民棄子女轉死溝壑日遣人伺諸途聚而養之凡所  
活數百巡按御史宋公德閱視各有餅餌在握歎曰  
民之父母固如是已弘治戊申丁內艱歸暇日編緝  
守令政規庚戌復除易州易多山近畿內饗薪蒸所  
出經樵百年山童林空乃為立良法民以不罷永樂  
初始建北都民有獻棗栗者久之歲以為常乃列園  
林登耗之狀以聞得減其半甲寅以考最擢山西按  
察司僉事適巡撫都御史張公敷華訪時政定曰如  
本朝分省人物考 卷八十六 四 河南三

高平繫通者田業已盡淹械園土中永無出期不若  
通簡邑民物其丁產稍殷者俾十分出一分償之又  
欲令州邑簡其民淑慝之泰甚者識以善惡二籍歲  
終則勾稽其實而誅賞之又言山西統屬視他省為  
少而晉代潘封國在焉椒聊日滋祿徵無極彼解澤  
晉寶與穀同利三藩之祿盡併鹽粟均輸為便多見  
採錄丁巳正月卒于官得年五十有一

劉璟

劉璟字德輝鄆陵人生有異質弱冠補學官弟子自  
同邑司徒張公謝政歸一見器之曰公輔器也他日

名與位當不下我東吳劉欽謨時提督河南學政試  
居優等當廩以讓同學之貧者曰助之養也成化十  
年舉於鄉明年第進士試政刑部當外補司寇林莊  
敏疏留本部理刑授主事十九年陞本部署員外郎  
慮囚江南多所平反又明年署郎中克副使冊封  
蜀府二十二年陞松江府知府洗手奉法督率吏民  
勤職業勸農桑修水利敦士習舉人宋論凶戾殺人  
前守莫能治立置之法豪右斂迹海上有城隍威靈  
太守廉明之謠郡人張某嘗為鄆陵學諭璟所從受  
業者致仕家居非公事未嘗一至郡齋常躬候之間

本朝分省人物考 卷八十六 五 河南三

政有疾斯夕往事自進湯藥比卒為持心喪其舊第  
久鬻於人出俸金贖歸其子松人至今兩賢之丁外  
艱改太原府惠綏窮民如在松江時再期陞四川叅  
政漢州屯軍殺人為亂巡按御史欲調兵勦之璟曰  
是不可激親往招諭之首惡就擒亂遂定以內艱改  
山西隨御史按澤州宗室有訴州守者袖刀截耳以  
脅御史眾皆走避璟挺身入諭以理法引臂出之血  
流其衣聞者壯其義陞山東右布政使正德元年轉  
左轉剔宿蠹御史嚴而賦民寬部使者交薦之明年  
擢右副都御史巡撫宣府事事務存大體罷諸苛細

條貫人以爲便賜金緋衣一襲勞之未幾召爲刑部右侍郎大同人有訴將官不法者 命璟往勘奏復稱 旨四年轉左尋階尚書時逆瑾專政毒流縉紳璟委曲調護裨益亦多五年以寧夏平加太子少保廷臣會鞠逆瑾有微斥瑾者輒反辱璟厲聲叱曰朝廷有大法在尚爾私懟邪次訊諸奸惟允 上方大用而遽以老請得 命旨乘傳歸歲役有隸月餽有廩歸則自扁其所居之堂曰怡閒因以爲號與親舊日觴詠相樂也七年流賊之亂燬其廬誥勅俱焚命補給之仍優卹其家 世宗馭極覃恩進階榮祿大夫十一月十六日晨興忽焚香危坐命長孫壻程侑書遺言教諸子勉爲忠孝不及家事書已就枕如安寢者明日遂卒固無他疾也得年七十三訃聞命禮部諭祭者再工部治葬事

楊 璉

楊璉字用章祥符人也成化十一年進士授丹徒知縣會中使如浙所至縛守令置舟中得賂始釋將至丹徒璉選善泗水者二人令著者老衣冠先馳以迎中使怒曰令安在汝敢來謁我邪令左右執之二人即躍入江中潛遁去璉徐至給曰聞公驅二人溺死

本朝分省人物考

卷八十六

六

河南三

江中方今 聖明之世法令森嚴如人命何中使懼禮謝而去雖歷他所亦不復放恣云牟都御史按部丹徒以索饌器不得誣以它事免官璉奏辯得白擢南京監察御史郎中李諒以事謫靜寧知州持尚書黎淳陰事率家人竊取公帑物淳不敢詰璉并劾罷之給事中某等言事忤旨衆懼禍出叵測璉疏救乏曰諫官乃 天子耳目若以盡職獲譴則天下事誰復敢言者是 陛下自塞其耳蔽其目也奏入 上悉宥之總制兩廣都御史秦紘劾安遠侯柳景不法諸事勘實得旨景罷紘亦致仕璉奏曰景之罪既明是紘之劾不謬也今俱免者何也且紘忠實有大略不宜擯棄從之隨起紘爲戶部尚書璉又奏建宗忠簡公祠於丹徒如岳忠武杭州故事給卒守墓春秋祀饗 上俱如所請云弘治初擢山東按察僉事以疾卒年四十九所著有絃齋藁數卷

魏 璋

魏璋字廷圭鄆陵人成化乙未進士除武進知縣擢監察御史彈劾先貴近而次權要巡按盧鳳淮揚奏開古芍陂溉田惠民陞大理寺丞以直道忤時左遷九江府同知致仕

本朝分省人物考

卷八十六

七

河南三

李環

李環字佩德祥符人生有至性壯而學以躬行爲務  
舉成化丁酉鄉試授廣平推官以父憂歸起補延平  
決獄無留民亦孚其德而重犯法會大疫延平守死  
環署其事沙縣民胡天秀者殺人以命因爲亂環募  
壯士捕之且喻來附者得宥其死不旬月悉平居九  
載遷青州通判督糧儲時山東盜起又歲凶民無所  
辦租環乃以官藏金克其糧數約民徐徐償之事聞  
有詔免民償藏金于是民懽然歌頌其惠當事者欲  
大用之環固請老歸卒于家子士允工古文辭舉正  
本朝分省人物考卷八十六

河南

八

劉光

德丁丑進士仕至陝西苑馬寺卿

杜明

杜明字文昭河南祥符人也姿貌俊偉司寇金堂杜  
公銘爲郎中時以公事至汴見而異之時貧甚顧刻  
志讀書靡間寒暑兩肱當几處木爲之穿由是業益  
進領天順壬午鄉薦成化戊戌登進士拜禮科給事  
中封駁克慎有聲諫垣維時陝西甘肅洮河岷州等  
處邊儲積弊滋甚奉 聖書稽察之乃會同巡按御  
史徐舟暨陝西藩臬二司自成化十三年以後各倉  
場糧芻一一盤驗洗姦剔蠹風采凜然凡黜而罪者

若干人人不以爲刻成化末言事者尚細故多被遺

請明掌科事最久多所建白務持大體善類倚賴之

丁未春天下諸司例朝京輦首倡大班舉劾來朝官

丰儀音吐動人 憲廟簡注遂擢通政司右叅議弘

治辛亥轉左叅議壬子擢右通政出納惟允聲稱藉

甚朝著方留以柄用忽遭疾不起得年六十 上聞

計遣官諭祭有曰方當大用胡遽云亾蓋深惜之也

明重厚端慎能急人之難鄉人凡以事至京者有所

控告必盡心爲之所無不感悅而歸初娶劉氏貌甚

寢親族多不堪其配至有勸遣之者禮之終其身不

本朝分省人物考卷八十六

河南

九

劉光

衰鄉人稱其有陰德云子昌正德戊辰進士官御史

巡按山西能振揚風紀蚤卒士論惜之

孫春

孫春字一元尉氏人生有異質爲諸生開封郡庠性  
剛直寡合獨嗜學不倦成化乙酉領鄉薦戊戌舉進  
士授戶部主事歷員外郎丁外艱服闋實授郎中尋  
陞知鞏昌府鞏昌地鄰番族號難治春職無不舉副  
使王雲鳳御史王凱奏春仁愛如廉范勸課如龔遂  
撫字如陽城清直如包拯給白金綵幣以旌之任滿  
陞貴州左叅政奉勅提督糧儲三載陞廣西右布政



使尋轉左御史陶煦言其事體練達才識老成將三載陞應天府尹歲餘言官以浮論中之遂具疏自陳始末懇乞致仕時年已六十九矣疏請老還汴治城南草堂集鄉里諸耆艾為會日巾車往來觴詠談笑其精明剛大之氣老而不減云平生不蓄姬妾壽七十有四

康厚

康厚字本淳河南祥符世家也少岐嶷不凡苦心舉業弱冠領成化甲午鄉薦登戊戌進士授丹陽尹時父已致仕里居乃迎父就養父日訓以守官字氏之本朝分省人物考卷八十六

卷八十六

十

河南三劉汝德

要服行惟謹在任凡四年以寬平見旌擢南京監察御史出按江西九江直隸鳳陽諸郡監督商稅軍儲風裁峻整所至肅然父憂守制復除南京御史乙卯監應天鄉試察知弊端綜覈嚴密夙弊一清在南臺前後八年著清白之聲丙辰擢知溫州府溫僻在海埔軍民雜居號難治蒞以清簡郡人安之又更張蠹民者十餘事人皆稱便為政雖尚寬恕及臨利害則毅然不可奪故溫之三衛二十三所素恃伍籍黠悍皆畏憚斂戢構戲綵堂於宦邸迎養母孺人卒去任百姓遮道挽留號泣羅拜服闋改除順德知府時父

母俱逝乃迎伯兄於宦邸祿養鄉人賢之順德故衝要郡歲且饑民多流徙極力賑卹存活者甚眾大理寺丞海陽吳公以督理賑事至乃歎曰賢哉守乎真無愧古循吏觀風使者累薦可大受癸亥奏績銓曹書上考當遷引疾乞骸骨不允還郡復上章懇辭允之正德改元詔以禮致仕者進階一級應詔進亞中大夫築晚節亭於後圃藝花竹與里中諸耆舊招邀飲宴以太平庚午病卒年止五十有六

張泰

張泰字世亨祥符人器資英邁自少即留心天下之本朝分省人物考卷八十六

卷八十六

十一

河南三劉汝德

務成化丁酉領順天鄉薦明年戊戌登進士第試政兵曹已亥授山東鄒縣知縣政尚仁恕六載績聞召補省臺適罹內外艱守制還服闋拜陝西道監察御史初監河東鹽課有勢要撓法為奸上疏劾去之嗣按蘇松常鎮四郡憲度峻整豪強斂迹時漕堤為居氓蟻聚其上五六百家歲久為定業河漸淤塞廉知其事奏徙而之他漕運通利再巡按山西劾貪酷吏若干人軍民咸稱快焉在內臺滿九載擢陝西按察司副使奉璽書整飭洮岷河州等處兵備踰四年擢本司按察使明年擢山東右布政使尋轉陝西左布

政使老成練達士論歸之未幾擢右副都御史巡撫陝西陝西之地官遊最久熟知利病乃撥軍民困苦者十餘事嚴列條約刊布郡邑關中至今頌之踰年改大理寺卿時逆瑾用事以剛直忤瑾免歸亾何瑾誅復起爲刑部左侍郎擢右都御史開府固原總制三邊軍務感 上知遇拜命卽行至鎮則選易將官振厲士氣一新攻守之具疏凡百數十上皆見嘉納奏捷者十有二璽書褒獎盡心籌邊寢食靡寧竟以勞瘁成疾亟上疏乞骸骨命未下而卒得年六十有二計聞賜葬祭贈太子少保刑部尚書子焯以功歷

本朝分省人物考

卷八十六

十二

河南三

劉汝德

者

劉忠

劉忠陳留人成化戊戌進士授編修累進學士爲日講官是時逆瑾用事惡忠于講筵指斥近倖授意吏部陞南禮部左侍郎尋遷尚書改南吏部當時宦遊官視南爲閒散多務苟容忠獨毅然持風裁庶僚秩滿署考必當其實有御史素恃勢驕橫郎中爲瑾黨

私昵者皆直署下考無少徇 毅皇帝念潛邸舊臣名還爲吏部尚書兼翰林學士專理制誥瑾終衛之兩引疾乞休不報瑾誅始召入內閣未幾以寧夏叛逆平加少傅兼太子太傅尚書如故又以持正守法不合于張永頃之主考會試左右有指摘試錄中訛舛字以白上忠聞之卽日陳致仕不許乃以展墓請報可特令乘傳歸旣抵家疏再上始許致仕仍給月廩歲夫終其身錄一子爲中書舍人 世廟嗣位臺諫屢薦不起遣行人存問復廕一子爲中書舍人詔有司時致問未幾以疾卒計聞賜祭葬贈太保諡文肅忠寡交接慎許可歷事 兩朝屢見阻于權奸而志節終始不變云

本朝分省人物考

卷八十六

十三

河南三

劉汝德

杜忠

杜忠字世臣河陰人登成化戊戌進士授新城知縣多善政擢監察御史歷按兩畿出爲平陽知府值歲凶忠竭力撫綏至捐其俸金以賑之累遷副都御史巡撫延綏卒于官忠精敏持正所至卓有政聲逆瑾專政不少阿附故老于邊陲士論惜之

郭緒

郭緒字繼業太康人生七年父母繼沒祖母王撫教

之幼端簡沉默勤苦自勵閉戶不出遇歲歉嘗以所得廩米分給族人與人接莊不可犯成化庚子舉于鄉明年辛丑聯得進士觀工部政有事楚府却贖饋楚王賢之既而授戶部主事嘗督運銀二十萬兩于陝西既給軍而主者以羨告曰羨以正支法也歸之藩司弘治戊申陞署員外郎監水次倉者再監馬坊倉者一皆以廉謹聞癸丑陞郎中奉璽書總儲宣府宣府諸鎮歲用糧草不下數百餘萬每招商則奸豪蟻聚時有持都臺某書謁者叱不得售戊午陞雲南布政司叅議雲南去京師萬餘里僉謂非宜口分也

本朝分省人物考

卷八十六

十四

河南三

過家置妻子獨行抵任日事事不弛鶴慶地山水暴發漂流廬寨見途號者哺之野暴者瘞之大理蒙化諸土官侵賦銀數萬蓋久且隱訪而追之其分守所至克殄久叛巨盜楊才輩數十人先是迤西有夷曰思六越金沙江界據地千里積二十年拒不受撫至辛酉歲勢益猖獗鎮巡合議以勦請事下公卿議撫之便 孝廟重用兵從之詔與按察副使王同行旬餘抵金齒盧叅將和統軍距所據地二程許而次遣官持檄往者皆被留不報盧還軍至語其故且戒勿迫緒曰吾受國恩報稱臣在此如公言若臣節何昔

蘇武入匈奴十九年尚得生還况此夷非匈奴比萬一不還亦分內事也或謂曰蘇君以黑髮去白髮而還君今白矣將以黑還乎正色不答單騎從數人行旬日至南甸巖突不可騎乃斬荆徒步繩挽以登又旬日至一大澤憂都土官以象與乘之上霧下沙晦淖迷躓而行愈力又旬日至孟賴去金沙江僅二舍芟次手為檄遣官持過江諭以 朝廷招徠之意夷人相顧驚曰中國官今亦至此乎即發夷兵率象馬數萬夜過江抵其所持長槊勁弩露刀環之數重有譯者泣走報曰賊刻日且焚殺奈何久此日爾譯雖

本朝分省人物考

卷八十六

十五

河南三

微亦世受國恩不以死報乃為間邪因拔所佩劍指示曰明日我渡江敢復言者斬眾皆股栗因賦詩見志思六既見檄論禍福明甚又聞其志決即遣酋長數輩來請聽令及餽土物供具悉却去之乃奉宣勅榜且與語云云大略先叙其勞次伸其寬然後責其叛罪思六等聞之皆俯伏泣下請歸侵地緒曰此固我 聖天子意也宣言許之皆稽首稱萬歲歡聲動地因詰盧叅將先所使人出以歸之盧曹得報馳至則已撤兵歸地受緬書矣是夏五月歸至會城鎮巡以下皆極稱與鎮巡以狀聞詔于奏事者官一級餘

功伺覈以錄僉謂且有殊擢越三年考六年績僅陞  
四川督儲叅政松建爲蜀極邊內地轉輸勞苦備至  
率數石而致一石建議歲費米價銀往令以半糴而  
存其半貴則米賤則銀惟時酌給省費而便行之又  
一年正德丙寅始以雲南功加俸一級丁卯進萬  
壽表至京師因請致仕歸明年戊辰以疾卒年六十  
有四所著有學吟稿撫夷錄藏于家緒忠確簡儉孚  
於家達於政臨事不避意氣壯偉有如金沙之行非  
智勇天植能當此而不縮慝者乎

李 濬

本朝分省人物考

卷八十六

十六

河南三  
胡三

李濬字宗禹祥符人也早孤力學美鬚眉儀觀豐偉  
倜儻有大節舉成化辛丑進士久之拜南京戶科給  
事中會 敬皇帝初卽位是歲六月朔日有食之上  
疏勸 上飭躬修政以銷弭變異因陳慎始保終之  
戒 上嘉納焉都民當供雜調者其高貴富人大抵  
爲貴勢家私役而官中百需特倚辦下戶濬令所司  
覈實而均其征有挾私干請者痛斥絕之於是宿弊  
盡蠲上下稱便中貴錢寧素饜諛時典畱鑰兄弟爲  
姦利暴橫都城中外乃奏劾其罪狀又論刑臣不宜干  
紀與政辭指尤峻切用事者怒俄有盜取土於 孝

陵壩中者廉得其主名以聞用事者因指摘以爲誣  
罔非所宜言有詔鐫一階補肥鄉丞肥鄉小邑去京  
師差近朝貴往來境上每有所發取守令不能距違  
至則一切裁之以法其後遂莫敢妄求皆曰無撓彼  
疆項丞爲也是時左降官多簡傲不省事濬獨盡心  
吏職推情與下先諭教而後刑罰民大信愛之惟恐  
其去也一日集數百人走闕下上書言願從 明天  
子乞李丞惠養小民書報聞而以母憂歸比居喪年  
纔五十餘遂無仕進意家居旦暮手一編絕跡公府  
部使者以下造門不輒見既見語不及私所居湫隘

本朝分省人物考

卷八十六

十七

河南三  
胡五

或請更諸爽塏者謝曰先人安焉余不足以嗣之余  
保此足矣巡撫都御史孫需陶琰先後列薦於朝使  
郡守丞卽其家勸之復出譬說良苦弗應既而拊心  
笑曰此中乃堅過於石何可轉也因署所居曰石菴  
以著其志中貴廖鏜鎮守河南勢張甚蔑視士大夫  
獨心敬濬間爲具名之時賓客滿坐待以舉酒不得  
已彊往酒一再行卽據席睡大鼾鏜慙顧左右曰李  
公老人也不勝柘杓矣少選起拭目理髯長揖徑去  
鏜惘然自失自是不復名也論者擬之宋廣平待王  
毛仲事云素輕財居官所得俸祿悉分遺族人未

營立產業既老益貧常飯脫粟猶時時弗繼獨居一室土牀葦席而已然無不足之色遇良日乘小車從子姓出游茂林廣野靡所不之意欣然樂也正德癸酉年七十一乃終滌仕盛明之朝數上書顯譏貴勢亦矯矯壯激矣其謫也非 上意令異時復起必且馴致尊崇而乃泯迹里間優游終老即有力者虛轍相援執志弗變方諸槐里令雖所遇不同而風操則似之矣滌善書所為詩文皆有思致有集若干卷藏于家

張賢

本朝分省人物考

卷八十六

十八

河南三

張賢字堯臣別號任真子祥符人也母夜夢神人送袍笏金帶至其舍覺而生賢自幼聰穎過人務學勤苦每旦昧爽起朗誦經史竟日不絕聲夜則閉目默誦不近燈火或諷其夜讀曰吾見為學者晝嬉游間輟而乃夜費膏油非徒欺人亦自欺已吾不為也年二十五領成化丁酉鄉薦戊戌辛丑會試俱不第卒業太學甲辰中春榜出知山東之單縣時邑人有在京為權要官者厥子暴橫里中強奪人妻女財產前令莫能制至則擒縛之榜笞無完膚竟正諸法邑內肅然將三載母歿守制服闋改知海豐僅八月父沒

守制還服闋改知山西之襄陵境內有山泉可灌田久為臨汾勢家所據襄陵人不得沾其利奪返之邑人立祠祀焉弘治丁巳擢陝西慶陽府同知在任九年與利除害不畏強禦法所當為者生死以之人莫敢撓都御史楊公一清周公季麟咸薦之乙丑擢四川順慶府知府下車清理累歲滯囚囹圄空虛事干權勢難詰者當道必以屬之亦不辭避分守張叅議發贖罪紙下岳池縣製造川扇民苦于賠償聞知移書已之宦怒中傷遂暴其事于巡按胡御史賜賜具奏以聞時逆瑾用事傳旨兩罷之正德庚午瑾誅復起為山西太原府知府其至太原也躑躅如在順慶時虜犯太原居民震恐有陳憲使者同諸僚夜飲宗室第單騎往叩門呼曰虜患孔棘非燕飲時也矧時例有禁為法吏顧昧之耶坐是不合于當道乃謝病歸平生以輒熟諛諂為深恥人有持詩文相證者賢指摘瑕疵盡言無所諱人多怒而去曩正德辛未在京邸汴舉子會試南省者幾四十人以為舉業著蔡咸誦場中作質之悉不許已而曰士貴實學諸君藝未精何敢與天下多士角後生多罵詈之既揭曉視之果無一人登第者眾始服其藻鑑云里中為語曰

本朝分省人物考

卷八十六

十九

河南三

不諛人張堯臣卒年六十有二所著有二渠巴語名賢珠玉

王鵬

王鵬字萬里祥符人也成化辛卯領鄉薦卒業太學弘治己酉授山東青州府同知奉兩臺檄催府屬歲負花布數十萬足時布價翔踴遣人買之德州諸郡負省銀若干而獨先五府以完兩臺深加獎勞復言府屬城壕外多餘地悉豪右私占乞委官勘報給民耕種秋成官民均分足以濟民食而備荒賑於是通行六府得地數十萬畝歲積穀數萬石再獎勞之

本朝分省人物考

卷八十六

二十

河南

丑以母憂去任士民父老擁泣攀留如失怙恃丙辰服闋補濟南府同知益勵操守奉檄預買戰馬事竣稱其居官廉慎幹濟得宜獎勞繼至俾署德州倉舊用木斛率大入小出虧折累民其害甚鉅乃取工部所發鐵斛比造木斛出入惟均奸弊一洗代日餘米銀八百兩貯於官癸亥以課最擢湖廣衡州府知府下車首詢民隱以洗冤澤物為已任郡獄淹囚六百餘人皆數年不白即為申理犯大辟者復數十人察其多枉力言於恤刑廷評傳公習得平反者數十人獄幾為空弘治乙丑 孝廟升遐進香至京師不說

者謀改他郡即上章乞休下吏部勘久之不報再章乞益懇乃得俞允致仕既歸閉門掃軌不與人接嘉靖戊子以疾終壽八十餘所著有洗冤敘述錄

楊 璠

楊璠字廷佩別號靜軒原武人甫弱冠提學陳公選見而異之曰吾禮經有傳非子不可遂授焉成化丁酉舉于鄉錄其經義一為式屢試春官不第且親老家貧諸兄相繼沒服田力穡以養其親暇日從事問學至弘治庚戌登進士辛亥丁外艱服闋授兵部武庫司主事改武選司辛酉陞車駕司員外郎奉命同

本朝分省人物考

卷八十六

二十一

河南

御史某汰京衛軍得避匿者萬人歸伍且上章劾私役者 上嘉納之爰著為例乙丑陞武選司郎中奏行蔭襲嚴比試大司馬深器重之正德丁卯擢廬州知府至則壹以廉正御之郡有疑獄歲久不決親推勘得生者六人郡大疫請禱徧給醫藥活之若敦禮士夫勸課農桑甚得古循良之體庚午陞長蘆都轉運鹽運司運使署設滄州近京師商旅多豪右然鹽場有遠邇美惡凡場置一籌納竹箒中令各商以次出之豪右不便曰吾革弊耳權貴何郵焉由是鹽法大行壬申劇賊劉六等攻滄州急州吏失守督州民

諭以大義登城守之且伺間發礮矢以斃賊首賊乃解去事聞 上賜旌獎是年冬滄州內變殺吏民劫倉庫倉卒率市民力破而逐之先是有馬指揮者與之善出白金二錠寄焉變後袍笏罄然惟馬金投破篋中獨完左右欲私之叱曰是何言安可作此喪吾所守癸酉年逾六十上章求退者三而銓部方錄其賢勞得旨陞山東右叅政致仕優游林下十有三年丙戌歲卒壽七十五性剛直善談論古今非其道義不肯取與歷官中外循循簡朴澹無所好歸田閉門靜坐飲酒彈琴無所干於人而人亦不敢干以私故本朝分省人物考 卷八十六 三十一 河南

劉道立

劉道立字成已河南杞縣人成化庚子舉于鄉成弘治庚戌進士授朝邑令有刺客殺人而逃誣及無辜已成獄矣覆勘疑之忽若有神附耳言曰景陽殺人奈何冤及他人耶道立遣人密伺果得所謂景陽者一訊立服邑中號為神明以治行最著拜監察御史立朝剛正挺直不圓時劉瑾虐熾傾中外獨毅然不屈每危言指謫即以禍福懼之屹不動也巡按真定丰采凜凜墨吏望風解綬尋陞陝西僉事丁外艱歸

服除仍補陝西尋丁內艱復除廣西所至咸以剛正著聲而亦以不善俯仰遭人側目故百姓畏愛而當途嫉之未幾累疏乞休致歸歷官二十餘年未嘗移妻孥之任剛毅鎮靜易事難悅有古人風焉

夏一塘

夏塘字天美鄆陵人自少即有志聖賢之學非其義一毫不取事親孝其父常病醫者云藥得斑毛可差塘求之弗得號泣欲絕有燕銜斑毛寘之几用之果愈人咸異之居喪不用浮圖一遵古制鄆陵之復行士喪禮自塘始舉弘治乙卯鄉試授署齊河訓導卒本朝分省人物考 卷八十六 三十三 河南

李鉞

附子惠

李鉞字虔甫別號毅齋祥符人氣宇恢廓不凡童稚時與羣兒游於市有行路僧見而奇之曰此子他日必大貴是歲始從師西社學提學副使天台陳公選閱視社學器之遺補邑弟子負治毛詩有名中弘治壬子鄉試丙辰舉進士戊午選授山西道監察御史巡視中城權貴家有奸法者繩之不少貸辛酉勅理河東鹺政時鹺池苦潦悉令築防延袤數里而國課用饒安邑有疑獄久不決逮繫者若干人廉得其

情一言立決人以爲神鎮守官席寵毒民劾罷之比  
 代去民遮道流涕甲子出按福建監臨鄉試得人爲  
 多未幾以疾在告正德丙寅病痊改浙江道覈刷京  
 畿文卷時羣閹竊柄濁亂國紀會疏劾之乞盡除去  
 辭旨伉直尋罹內艱去繼外艱適逆瑾擅權惡鉞曾  
 議已乃誣以他事罰米五百石輸邊庚午免喪改山  
 東道亾何擢知鞏昌府蒞政寬簡期在不擾而已辛  
 未擢四川按察司副使值劇盜方四等嘯聚劫掠全  
 蜀繹騷巡撫都御史林公俊屬以督勦所向克捷斬  
 首萬餘捷聞聖書獎勵賜以金幣仍加俸一級甲戌  
 本朝分省人物考 卷八十六 二十四 河南三

擢陝西按察使持憲嚴明獄無停滯未幾超遷右僉  
 都御史巡撫山西兼提督鴈門等關自陝入晉道經  
 河東父老羅拜馬前曰我公來矣先是守臣侵漁邊  
 儲軍告匱士卒嗟怨至則釐革夙弊兵食克初將士  
 樂爲之用丙子秋虜寇宜府出白羊口南牧鉞度宜  
 大擁重兵虜必不利即移檄山西崑崙五臺諸郡宜  
 亟爲之備虜果犯崑崙密授之算斬首百五十級獲  
 馬千餘匹我軍全師而還 上嘉其功賜聖書金幣  
 再加俸一級時中貴欲攘爲己功改捷大同鉞不之  
 辯而給事中潘公塤爲之不平乃倡言于朝士論益

重之是歲山西有內寇武廷章等荼毒地方勒兵勦  
 之旬日蕩平 詔加俸如前鉞疏辭且請老歸里溫  
 旨慰留丁丑擢兵部右侍郎尋轉左署掌部事奉  
 詔裁革武臣抑僥倖汰冒濫武選肅清嘉靖壬午春  
 虜寇西陲號十萬飛檄告急遂以兵侍兼僉都御史  
 行邊 陞辭賜麒麟服寶鈔仍發內帑銀四十萬給  
 軍需馳至固原虜勢方熾進薄城櫓時援兵未集危  
 甚乃下令大開諸營門晝夜不閉虜疑有備不敢逼  
 間用火砲擊傷甚衆虜引去 詔總制三邊軍務申  
 明紀律增築墩堡謹烽火嚴斥堠廣儲蓄選壯勇軍  
 本朝分省人物考 卷八十六 二十五 河南三

聲大振踰時虜復深入平涼涇州放兵大掠人懷疑  
 懼鉞曰此成禽耳乃密命游擊將軍時臣周尚文等  
 分伏要害斷虜歸路我軍大捷斬首百八十級獲牛  
 羊萬計諸將入賀鉞曰汝知賀寧知憂乎虜性狠關  
 既失利必憤憤而復來延綏諸路宜有備虜果寇延  
 綏伏發邀擊之斬首百餘級或請以捷聞曰偶勝耳  
 惡足爲功鎮巡奏捷聖書嘉之虜敗屢遠遁 詔還  
 朝進右都御史總督漕運兼巡撫鳳陽地方冒暑南  
 下察其利弊而興革之救荒賑饑不遺餘力未幾召  
 還掌院事再引疾求去 上慰留之僅兩月拜兵部



尚書侍經筵兼提十二團營鉞感知遇修明戎政凡  
邊報警急必審度事勢指示方略期於萬全不求近  
功不徼小利尤注意邊將務在得人請謁者無所容  
時部事叢委文移旁午皆手自裁削坐是過勞疾作  
乃上疏乞骸骨 上遣中使存問兼賜羊酒而疾轉  
劇復上章求去益切 上賜勅褒獎命馳驛以還比  
行病篤竟不起得年六十有二 上輟視朝一日追  
贈太子太保謚恭簡遣官護其喪歸葬子惠丁丑進  
士官行人 武宗南狩以諫死贈監察御史

李源

本朝分省人物考 卷八十六

二十六

河南三  
楊南

李源字宗一祥符人成化丁酉鄉試第一弘治丙辰  
進士歷兵部主事負外郎郎中值劉瑾竊柄怒源守  
正不阿謫襄陽府同知瑾誅擢湖廣布政司右叅議  
無何以病免歸源資敏學博尤長于詩成化間汴中  
藝林以源為首稱云

賈詠

賈詠字鳴和臨潁縣人初舉弘治己酉河南南鄉試第  
一丙辰登進士改翰林庶吉士授編修克經筵講官  
詠儀觀秀偉長身玉立識者知為公輔之器正德四  
年為纂修事忤逆瑾改為兵部武選主事五年遷禮

部祠祭員外郎瑾誅還編修六年遷左春坊左中允  
兼修撰九年轉侍講學士掌南京翰院十一年拜南  
京國子祭酒故事諫官御史有闕選國子博士等官  
克之而南監每不得選詠疏以南北一體宜遷擢以  
勵其志 詔可之十三年轉北祭酒以父樂菴翁年  
九十有五詠便道歸壽其親於潁上遂草疏終養而  
父適以疾卒服除會 世廟登極擢為禮部左侍郎  
奉命詣承天恭上 皇考獻皇帝尊號賜白金文綺  
嘉靖二年改吏部左侍郎三年兼學士掌詹事府事  
專管誥勅纂修 武廟實錄克副總裁官四年晉禮

本朝分省人物考 卷八十六

二十七

河南三  
楊悅

部尚書兼文淵閣大學士叅預機務實錄成加太子  
太保武英殿大學士尚書如故五年復修 獻皇帝  
實錄成加少保光祿大夫柱國屢被鞍馬金幣寶鏤  
襲衣玉帶麟蟒飛魚之賜數 名見諮問平臺燕對  
親灑宸翰賜詩褒諭詠在內閣端嚴持大體然數抑  
貴倖如奏止中侍奪牧馬草場不得與貧民爭利勳  
貴請薊州莊田復奏罷之皆以詠有古大臣風然當  
是時方更化典治士皆喜趨事功好紛華而詠更謹  
德雅度挈綱整紀納之太和不為聲聞其所匡維調  
護甚多人不及知也要其悃幅誠厚卓然稱鉅人長

者而落落不苟合六年竟以老致仕雖不究厥施而  
脫屣榮名田野咏歌有洛社之風焉詠性耿介初在  
翰林惟局門讀書不從同舍宴游爲文章醇雅暢達  
無艱深險僻之語嘗同考會試主會試主應天鄉試  
及武舉試各一又主考會試凡程文一出天下誦之  
所取士徧列中外至今稱得人雖老猶著作不倦耳  
日益聰明四方求文者踵至揮毫運思酬答如平時  
居鄉謙抑真坦若未嘗貴顯者人稱爲篤行君子云  
歸二十年壽八十 詔遣官存問加月廩歲夫又四  
年丁未秋以疾卒年八十有四贈太保謚文靖

本朝分省人物考

卷八十六

二十八

河南三  
楊悅

許廷光

許廷光字本謙河陰人弘治己未進士授兵部主事  
改光祿寺丞時大官器用歲費不貲廷光擇其太侈  
者請減之 上嘉納遷浙江按察副使梔源盜起廷  
光且捕且招民賴以寧入爲應天府丞陞僉都御史  
巡撫浙江改四川轉視漕運再撫雲貴而卒

主廷相

王廷相字子衡儀封縣人弘治壬戌舉進士選翰林  
庶吉士時方有邊警閣試擬經略邊關事宜疏廷相  
卽明指利害陳權宜振刷之策疊疊數千言當道者

况其有經濟才授兵科給事中父疾疏歸起復謫判  
亳州陞高淳知縣授四川道御史巡鹽山東裁勢豪  
私販之弊巡按陝西貪吏望風解去鎮守廖太監煽  
虐關中廷相隨事禁革廖銜之會中官陷搆下獄謫  
贛榆丞陞寧國知縣松江同知歷四川山東提學遷  
湖廣按察使山東右布政尋陞四川巡撫覃威布信  
撫輯有方夷沙保向信倡亂日久廷相往勦平之宥  
降散衆夷境遂安陞兵部右侍郎督修邊牆尋 詔  
還陞南京兵部尚書革內外守備各監局科尅役占  
諸弊以魏國公守備年久宜如各處文武官推代奏

本朝分省人物考

卷八十六

二十九

河南三  
陶安

入 上遂更置陞都察院左都御史兵部尚書督十  
二團營兼掌院事慎選差明憲體以臺政分條類奏  
上允行考滿加太子少師其于營務修舉廢墜明  
作士氣無敢私役科害者會吏部一考察京官兩考  
察外官皆簡覈精當奔競斂迹辛丑罷歸抵家閉門  
讀書對親友不言官蹟時遊東園會客葛巾野服訢  
訢焉廷相德罷弘粹氣稟剛大修身立學以聖賢自  
期不事浮藻旁搜遠覽上下古今唯求自得無所循  
泥灼見其是雖古人所非者不拘灼見其非雖古人  
所是者不執立言垂訓根極理要多發前賢所未發

焉蒞官以忠誠事上以公直率下沉幾先物深毅  
謀期于有濟遇大事不動聲色處決自得其當事已  
濟竟不言其所以尤善御小人雖秉道嫉邪無所假  
借然不輕發必伺其便而決去之使不得逞人謂狄  
梁公不是過也有家藏集若干卷居恒嘗自盟曰大  
識者外偽不能累大氣者外侮不能動大德者外物  
不能遷又曰權所以運國勢紀綱所以繫國脉人才  
所以主國命故國之不亾者三權不下移紀綱不墮  
不用小人以長國也又曰迂儒強執不識古今之宜  
鄙儒依阿不顧國家之計俗儒淺陋不達治忽之機

本朝分省人物考

卷八十六

三十

河南三  
陶安

田汝耕

田汝耕字勤父祥符縣人弘治乙丑舉進士授行人  
選給事中是時劉瑾竊政瑾誅闖承嗣其所行朝紀  
聿紊官惟附權潤已汝耕挺立其間絕請謁攻詞賦  
與崔銑交舊而雅好何舍人景明每過兩人浮白唸  
詩慨時自憤曰引裾請劔者固丈夫許國應爾顧事  
不當其會而請不中款殺身無益嗟乎迹與心違命  
與世左每自悲感于懷耳汝耕遇事斤斤自信敢斷  
行值端揆虛位爭進者汝耕上疏言當用大臣以忠

本朝分省人物考

卷八十六

三十一

河南三  
陶安

去位如韓文等遭旨斥然不視職遷江西提學合  
事江西士習諛恣尚請託提學官校士不合素所評  
輒歎謹徑去善宦者先陰訪眾議悉以今試者列名  
下之汝耕雅好秦漢諸家書刻行史記往以舉業譽  
者汝耕病其腐置下列又遵 勅諭賢知府伍文定  
同知曹琥四人及教官十二人及退居御史宋景及  
逸士某俱上疏薦又劾知縣及校官不職者十餘人  
憲臣及僚友惡其侵官乃共騰謗當考官時南臺劾  
之調山西自山西遷湖廣副使皆理獄訟清屯田修  
水利催度儲事靡不飭無何與御史言不合即抗疏  
自劾乞休還汴力田養母杜門誦讀聲琅琅聞戶外  
病六經庸學傳註紛如字稱句品思纂輯成一家言  
僅畢周易而已詩暨古文集若干卷弟汝棘以鄉薦  
為兵部司務詩文藻麗與兄竝美焉

陳溥

陳溥字一卿鄆陵人弘治乙丑進士授大理評事以  
忤逆瑾謫武鄉縣丞稍遷曲陽知縣瑾誅擢戶部主  
事歷遷貢外郎郎中總理大同糧儲經制有方陞山  
東右叅議守海石道值歲大侵溥冒雪賑恤全活者  
甚眾因感疾上疏請歸有 詔進階

劉昂

劉昂字孟頌別號蘭谷汴人天性狷介與眾寡諧積學勤苦無間寒暑家固貧至昂益甚閉門讀書處之怡如也成化間都御史江浦張公瑄巡撫河南聞其名聘為子師昂曰禮聞來學不聞往教辭不往提學副使天台陳公選聞而重之乃餽魯齋遺書為力行之助復命生徒有器資者從之游昂以身為教講究義理務使學者體而行之經指授者多為名士累試場屋弗利年四十貢禮部拜內丘縣學訓導教士不倦三載罹內艱還汴服闋改授東強縣學訓導啓迪本朝分省人物考 卷八十六 三十一 河南

之稱蘭谷先生云

高魁

高魁字文元新鄭人性仁孝有大節事親無惰容與兄弟居財貨盡以屬之成化丙午舉于鄉弘治末授金鄉知縣勤恤民隱罷不急之務作人崇化必自身始冬不爐暑不葢食無兼味一布袍九年邑士大夫信而服之為立生祠擢工部主事歷郎中時逆瑾用事乃棄官歸卒于家子尚賢舉進士

王翊

王翊河南許州人正德三年知安平先是民多爭訟邑令弗能折輒愬之府故府檄勾稽無虛日翊隨事剖析迎刃而解曲中其情民自以為不究府由是無愬者而聽案晝寂雖隣邑求直當道亦往往乞下翊其明斷類如此視學政久弛風化漸漓迺圖修舉自堂齋號舍廟廡門垣次第加繕自教事常規外別為私程以課進修政暇親為解經日移弗倦而勸賞有格供億有常士始知學邑有社學久為人占翊復之擇師以教朔望考閱以勵勤志河間真定神武三衛屯則在安平軍士相沿不奉約束翊以為既居吾土不從吾教可乎脫有他變責將誰歸因立屯長編總

甲以聯屬之申嚴其令俾不得肆有頑梗者即經以法辛未羣盜起畿甸攻城屠邑所至淫掠翊築堤挑塹高城深池曲為捍禦賊屢窺城以身督民兵奮死守之卒保其城及擢德州守北行民遮道攀留悲隨如失怙特相與立去思碑

劉大謨

劉大謨字遠夫別號東阜儀封人明亮豁達髫年入邑庠即淬礪志節刻苦學問一時豪俊未之或先弘治戊子薦於鄉正德戊辰登進士初授戶部主事督收黃花鎮古北口清江浦諸地糧芻是時逆瑾擅權

太朝分省人物考

卷八十六

三十四

河南三

扇虐朝士凡行役往還皆趨候伏謁冀免禍者 陛

辭即出國門士論高之庚午改廣東道監察御史自是風裁播中外矣辛未上疏勸學與政壬申巡按遼東陳三事皆有關政體時太監岑章肆毒遼陽廉知即捕其左右用事者悉置之法章惶懼至誣讎以他事逮繫詔獄遼士民奔走泣送先後相望於道癸酉謫陝西隆德典史旋量移蒲城知縣既至蒲日惟行所當務蒲民頌德勒之貞珉丁丑晉同知鳳陽府會大水檄委賑濟多所全活戊寅晉浙江僉事首革菜戶於私衙既而分巡金衢時宸濠構變乃勒兵常山

元聲四達兩浙賴以弗恐辛巳 世宗御宇入賀萬壽晉陝西按察副使時總戎李隆者謀殺都御史許公銘事久未決當路以屬謨竟正諸法輿論快之癸未晉四川左叅政分守川南川東二道值番夷為亂督師征勦擒其元惡全蜀以寧事聞有銀幣之賜丙戌春罹母憂戊子免喪北上時三晉大饑趨拜右僉都御史提督雁門撫綏山右即上疏請出內帑溥賑

上所其奏遣官齋銀五萬入晉陽時方旱謨巡歷所至問民疾苦齋沐虔禱雨旋澍民大悅會有議撤備關官軍者抗疏止之先是父黎城翁垂白在堂嘗乞終養不報既而糾劾叅議魏倫忤重臣意遂得致仕或勸之辯者笑曰老父在里乃今得遂侍養吾又何求况暇辯哉既歸與黎城翁怡愉終日每風和日晴即約朋舊登高眺遠觴詠為樂若將終身焉者自巳丑至巳亥數年餘南北大臣臺諫及撫按多所論薦由是再起巡撫川中其宣布朝廷德意獎拔廉平洗刷垢弊凡地方事宜罔不經理精密至於臍臘逼逼北虜堡屯曠遠舊設指揮防禦謂其未足以震懾之也具奏乞設守備施州地界川胡夷多肆行劫掠亦欲添設叅將疏入 上俱允從壬寅奉勅諭條五

太朝分省人物考

卷八十六

三十五

河南三

子以安邊禦虜又皆積有成效撫屬凡四年澤被咸  
宜銓部屢擬入佐院事竝總督糧儲戶待宮僚皆未  
之授蓋廟建以材木爲急而川中固採辦地也癸卯  
大木告完大司空奏薦資望獨深勞績爲最遂晉左  
副都御史撫川中兼賜銀幣馳驅間關因感瘴癘邁  
疾卒於官享年六十有八所著有東阜集若干卷藏  
於家臺臣上其功蒙恩賜葬祭如制蔭其子爻爲國  
子生

張文魁

張文魁字元甫別號字川蘭陽縣人方垂髫河決舉

本朝分省人物考

卷八十六

三六

河南三  
高嵩武

家舟而覆恍有朱衣人掖之泊於林杪以免弱冠補  
縣學生正德丁卯鄉試中式戊辰登進士授刑部陝  
西司主事時權瑾流毒縉紳衆爭以苛刻冀自免魁  
獨多平反人皆危之弗恤也旣而連丁內外艱服闋  
赴部冢宰曰是權瑾時執平主事耶陞刑部員外郎  
平反如主事時陞山西按察司僉事巡冀北道初大  
同當權幸隨駕經過之後地方官緣爲姦利至是巡  
按張侍御英檄往勘之乃按都指揮章傑朱文尅削  
軍資十四萬禡其職竄巨猾陳萬寧於炎荒旣而督  
修沿邊險隘身往臨巡嘗遇伏虜於橋頭堡以護兵

前迫之皆遁去事聞賜帑金十兩陞布政司左叅  
議復守冀北首疏宗室聰瀾長史趙寬太監王哲總  
兵楊玉數十家之橫罪其黨二百八十餘人權勢斂  
跡覈追豪商蘇霑逋稅八萬餘金皇店李瑀逋課十  
萬餘金克軍儲又閉大同關王廟以釐請罪之俗毀  
潘府聖母祠以絕結緣之妖陞陝西行太僕寺少卿  
大同副總兵以鞍馬金器馳賀於陝曰吾不以易地  
易介也卻之陞死馬寺卿裁革豪強私買私賣之弊  
馬政以清陞山西右布政使尋轉山東左使革堂食  
裁冗費羨餘月計千餘金別貯以資海道備倭之用

本朝分省人物考

卷八十六

三七

河南三  
吳生

適寧夏撫臣告缺陞都察院右副都御史建節朔方  
虜三入指畫方略捕斬甚衆捷聞凡三拜白金文綺  
銀牌之賜陞俸正二品嘉靖戊戌春虜困夏遊擊於  
宴官湖得報自率大衆援之虜始遁因襲寒感疾力  
求解任不允會有中傷者罷節鉞叅知行省政事力  
辭以都御史致仕云旣歸杜門謝客鳴琴賦詩時名  
親故子弟能文者考德問業終日不倦偶晨興曰何  
錦衣甲馬者克斥吾庭耶居數日乃卒年六十有四  
計聞特遣賜祭葬生平聰察沉毅剛直果斷內行修  
謹雖隆夏未嘗裸體晏坐盛怒未嘗撫案大叱嚴於

惡見吏之貪污者如仇讐然服善休休若已有之  
陸太史鉞謂其氣清而貌癯身若不勝衣而剛中有  
制至臨大事決大疑確不可移云

郭維藩

郭維藩字价夫儀封人正德辛未進士改翰林庶吉  
士授檢討遷南京國子監司業未幾進侍讀學士克  
經筵日講官每陳經義啓沃諄切一日講尚書天維  
純佑命章末獻言有曰去躁急之習而崇敦大之風  
上謂輔臣曰維藩意必有所指其使究言之維藩  
乃上時務八事 上嘉納之未幾蜀撫臣獻白兔詞  
本朝分省人物考 卷八十六 三十八 河南 劉汝達  
臣皆獻頌維藩以為非瑞獨不上頌有 旨免歸尋  
名還為太常少卿兼翰林學士掌院事病卒 上念  
講幄積勞特賜葬祭蓋異數云

張原明

張原明字孟復儀封人也正德六年進士授刑部主  
事歷陞郎中清嚴明慎江彬錢寧嘗以事謁原明悉  
峻卻彬寧銜之十四年 毅皇南巡眾情洶洶懼變  
原明與郎中陸俸等合疏入諫意指近侍蠱惑 上  
怒罰跽門五日杖三十奪俸六月及彬寧事敗原明  
補四川按察副使 世廟嗣位旌其忠原明特加正

三品俸尋陞甘肅行太僕卿布衣張紳獻書闕下言  
原明李時董玘輩宜屬以軍國大事不報後數年原  
明累遷陝西左布政使以疾乞休詔進光祿寺卿孫  
鹵舉進士嘗尹高平有卓異之績擢禮科給事中累  
遷吏科左給事中所上數十疏皆切中時弊

時植

時植字良材通許人也植儀觀瓌偉少以志節自負  
僉事賈定器其才以女妻之顧數試不第入粟補國  
子生居常感激欲奮拔樹功名以見于世正德六年  
春授四川梁山主簿潔身惠民聲稱籍籍時蜀寇肆  
掠漢中東窺鄖襄西薄重慶巡撫都御史林俊率兵  
討之檄植督餽餼數加獎諭會知縣闕且偵賊出沒  
鄰境遣植還至則增陴浚隍廣儲待募勇敢泣盟于  
戎曰國家承平日久民不知兵賊乃敢厲民違天天  
必厭禍吾儕協心共濟懷貳者斬以徇人皆震駭用  
命十一月二十八日賊薄境植先伏銳卒於多喜山  
扼險要自營于蟠龍溪犄角以應是夜賊至乃大舉  
火縱兵斬獲數十級餘遁去慮其復至乃於城周塹  
原索石起戰樓於城上躬擐甲冑指使戰守屹為保  
障遣使請兵於俊賊騎斃于道不能達方南攻忠

本朝分省人物考

卷八十六

三十九

河南 高尚武

州憤敗于梁也退合陳二兵直趨城下植繫印于肘  
誓與存亡率眾死守梁城三面負山瞰溪西門夷坦  
受攻以身當其危而南則義官曾明守之方寇進攻  
植命礮弩交下遂少卻抵暮寇營于石馬山趨南城  
樓墉墮圯曾先以貨賂賊得匿去植哭之曰天也遂  
遣素倚信者取子寵以隨乃憑堦墉率諸吏卒固守  
又二日方寇分翼夾攻復督壯士五百出墉力戰殺  
數百賊踪血被道陳寇繼進悉眾合圍植知力不可  
支乃左挈子右揮戈以蔽西門失守遂被執置寵於  
地曰吾不忍汝生爲人奴死於人手欲刃之賊遽抱  
本朝分省人物考 卷八十六 四十一 河南三  
子奪刀褫衣而灼其身植仰天歎曰嗟乎植蒞官不  
九月而與賊拒者幾三旬外援不至民疲力殫矣汝  
獨不聞檻蘭廷瑞于京師磔鄢本恕于襄陽平方寇  
壯其言曰汝健男子若能事我妻子當更完聚共圖  
富貴植瞪目大數之寇知不可致命卒斫其肩顧印  
在肘奪弗與因并斫其首以死時年四十有七方寇  
以子昇一老嫗復資金帛曰善育之無使主簿無後  
賈氏在官解聞植既執經于別室賊至縱火大劫女  
九歲哀母死趨火就焚後方寇入城令所部敢有殺  
主簿家族者斬卒其實告寇嗟嘆久之仍令撲其火

而所經室巋然獨存越二日援軍始至植姪孫永壽  
始來解賈氏訪求植屍初賊退醫秦覃購得之容色  
不變昇至廨所同殮焉老嫗負子道遇其母偕至覃  
乃館穀于家事已巡按御史王綸疏聞詔曰時植贈  
知縣賈氏貞烈可嘉女赴火死俱旌表仍廢子寵入  
監所在給舟送歸葬後數年梁人感德建祠奉祀

張漢卿

張漢卿字元傑儀封人正德辛未進士授魏縣知縣  
徵拜刑科給事中歷戶科都給事中嘉靖初議大禮  
漢卿抗議謂 上必當嗣 孝皇疏再三上皆伏哭  
本朝分省人物考 卷八十六 四十一 河南三  
于午門外 上怒杖于廷罷歸卒于家隆慶中 詔  
追贈太常少卿



人物考目錄卷之八十七

河南開封府四

党以平

婁志德

高尚賢

劉詵

杜楠

左國璣

楊汧

高叔嗣

王教

高拱

徐自得

劉自強

張鹵

姚繼可

梁策

李濂

又月入省人物考 卷八十七目錄

高瑾

徐聰

補遺

孫賢

王濬

王潤

劉校

曹嘉

侯于超

孔貞一

喬登

本朝分省人物考卷之八十七

河南開封府四

党以平

党以平字守衡號頴東其先自平陽徙禹州公當時母夢白鶴繞庭槐乃孕生四歲始能言六歲授以詩輒了大義弱冠就婚陽曲有異人相遇公署預言名位與壽甚異二十二中河南鄉舉正德甲戌第進士授戶部主事管倉淮安餉事清簡日與諸生講學論文東南高士多從游者時闕宦用事屢干其怒使校日夜蹤跡無所得乃已田某者除夕投金於平與羅

本朝分省人物考 卷八十七

河南四

主事英家上書其名翼日集官吏比較呼名至田某皆之責付領回其後羅卒被中人始服其有見 武宗新收家將朱乾等六百名直入臺基廠取馬草去平禁之責發兵馬司獄提督太監江彬面奏上朱乾率數十眾執至豹房彬又奏上 上竟釋之改差浙江監兌癸未冬補陝西司員外尋陞浙江司郎中歲乙酉京畿大侵死者枕籍於路題發太倉粳米六萬石粟米八萬石照原價變賣又令蠟燭幡竿二寺每日添米三石作糜食乞人之無名籍者其本處人收入順天府養濟院衣食之麥熟停止京師米價頓減

全活甚衆國計亦不失原額大司徒秦公歎曰爾才十倍金不能及至今會府庶事遵遺法者甚多吏部擬以提學外補秦公留之曰金老矣部事全賴此官整理疏上中止冢宰廖公招與相見避嫌不往廖益重之擬以四品京堂爲內閣張羅峰所奪補浙江溫處兵備副使清節表表貪汙者望風遜去溫處軍素驕乃因餉事激變嘯聚教場中樹旗幟爲亂縛草人磔之曰殺某官矣平往諭之曉以恩信衆皆首伏懲其魁桀卽日解散倭夷警殺爲地方患獲海賊五百人憲臣欲以爲功喜謂平曰我列公功以聞於朝例

本朝分省人物考

卷八十七

二

河南四

當封侯如信國公故事平訊其爲海中魚樵爲賊所掠悉縱之曰殺無辜以幸賞吾不爲也陞參政分守兩浙常以政暇訪求鴻儒講學談道爲兩浙名士錄陞廣西按察使未行陞浙江右布政使尋轉左在浙旣久熟知浙東西戶口田賦土宜民情以一省事直任於已雖越職侵人皆所不避人亦不敢尤之甲午文武二舉提調場屋貢舉一一得人程文皆所裁定爲各省冠陞太僕卿未幾轉右副都御史巡撫順永薊州躬視要害起亭障特芻糧謹烽燧條陳戰守勝敗之要考求利害以爲禦戎長久計又內修保甲之

法禁銀礦之利條所部廢敝者百餘事時世宗巡遊天壽山屢過沙河等處周覽工作每每稱善於是特旨命協理院事有蔣倫者興獻皇太后之姪兄弟爭爵誣以內亂倫木訥不能辯或欲阿太后意坐倫以死訊得其寔立出之他事亦多平友世宗皇帝往往嘉悅兩疏乞休俱荷溫旨乙亥扈從聖駕南巡往返八千里嘗在左右時賜咨問是年風雷之變擊睿皇帝廟王廷議令三品已上自陳平陳辭特懇始得致仕歸時年未五十家居三十四年優游田里權門要津不通一字太監黃錦爲舊知南行過

本朝分省人物考

卷八十七

三

河南四

婁志德

婁志德字存仁上世唐師德之後居汴之懷慶徙通許生而穎異向學十七丁父艱哀毀骨立人以孝名二十補邑學生縣尹任廷傑爲舉婚媾速秋登省薦越明年居母憂檣廬授徒非聖學不講丁丑第進士

刺真定之趙州如冰如燄嘗酌水以自堅大司徒孫公稱曰古循吏也入覲遂留副戶部郎諸郎署缺悉委以攝晉陝西司正郎會北虜寇邊邊備告匱命往甘肅督理出納凡有奇羨輒舍以舒民出守杭州屬邑海寧多海患親視之為築石塘防焉杭災沴錯出德禱雨輒雨禱晴輒晴杭民歌之會壬辰入朝僅一身一吏囊無片帛諸當道彌益賢之甲午補福建鹽運司使行之日裝橐蕭然晉浙藩叅政閩商人思之為建祠勒碑以志廉正御史包蒙泉知德最深凡所咨白輒嘉獎行之比復命登武夷指九曲泉謂潘泉

本朝分省人物考

卷八十七

四

河南四

高尚賢

高尚賢字大賓新鄭人正德庚午舉鄉試第一丁丑登進士授工部主事改禮部遷員外郎會乾清宮災尚賢上疏言外戚漸盛宦官漸恣言路漸塞數事語皆剴切上嘉納之尋陞山東提學僉事正文體崇節義士風為之一變無何以憂歸服除補陝西僉事入為光祿寺少卿脩供儲錄革累年弊政未幾致仕歸卒於家

劉訥

劉訥河南鄆陵人故尚書璟之子正德丁丑進士授寧國府推官武廟南幸訥署蕪湖縣事中貴索饋不得執繫詔獄嘉靖初復原職尋擢御史陞南京通政使司右叅議歷大理寺少卿僉都御史大理卿刑部侍郎南京右都御史工刑二部尚書會任丘王聯告訐獄與株連縉紳四十餘人訥悉覈實以聞聯伏法因蒙譴歸嘉靖三十八年九月卒年七十有七

杜柟

杜柟字子木臨潁人少穎敏博涉墳典罔不契其旨要登正德辛巳進士授戶部主事改兵部遷通政司叅議歷左通政所至咸有聲績擢右僉都御史動合軌則政遵憲典事有所不可為雖奴隸不為之欺道

本朝分省人物考

卷八十七

五

河南四

有所不可渝雖三公不爲之移一時朝野咸注望焉  
嘉靖中卒於官柎嘗云文不載道不足傳世詞不古  
雅雖傳弗久故力追風雅左氏先秦之調佻僻險怪  
一洗而空之有研岡集行於世

左國璣

左國璣字舜齊其先江西永新人大父輔正統間爲  
御史以言事謫雲南驛丞擢河南尉氏令因治第汴  
城遂爲大梁人舜齊風骨瑩爽長身玉立幼師其姊  
夫李夢陽李公奇其才挈之京師俾受毛詩於慈谿  
姚鏞舜齊跡弛不羈性嗜酒不汲汲仕進束髮作詩

本朝分省人物考 卷八十七

六

河南四

賦古文出語輒驚人顧不甚攻舉子業年幾四十始  
舉於鄉數試禮部不第嘉靖庚子夏六月飲南郊水  
亭醉歸而病病數日卒時年六十一舜齊襟度灑落  
無城府哇嗔平生不藏怒蓄怨故人樂與之交喜讀  
史記文選李杜諸家詩其爲文馳騁踔屬落筆滾滾  
千百言顧所作多不存藁嘗自言曰詩文乃儒者餘  
事奚用藁爲字畫適勁奇古四方之士得其片紙輒  
藏以爲寶每會試之都下海內豪雋填館修謁公卿  
大夫折節造訪其傾動一時如此

楊 汧

汧字宗源祥符人性孝父母卒悲哀幾絕四族同  
慶內外無間言補郡庠生一時聲稱出諸生上鎮守  
中官劉朗延之爲其從子講業嘗引汧至其私藏令  
恣所欲取之汧一無所取朗大加敬服嘉靖壬午貢  
入太學授安肅縣訓導正身率物遇才雋之士輒改  
容禮之諸生有貧者則出俸金以濟其不及督學陳  
公講稱之曰此真後進者之楷範也乃命總教諸庠  
士熙然向化後遷海陽王教授比卒安肅諸生思之  
請於當道祀之名宦祠云

高叔嗣

本朝分省人物考 卷八十七

七

河南四

高叔嗣字子業祥符人賦資穎異年十六著申請賦  
幾萬言邑長老皆嘆服嘉靖癸未舉進士爲工部營  
繕主事改吏部稽勳歷遷員外郎郎中與薛君采輩  
倡和歌詩人爭傳誦名動海內多忌之者會外戚蔣  
氏乞封叔嗣執不可忤時宰意遂謝病歸築讀書園  
爲終隱計居三年復起前官同舍郎諧之冢宰出爲  
山西左叅政治冀南永和王欲改馬跑泉水環汾州  
城中丞報可叔嗣曰王專其利奈小民生業何卒止  
其議汾人感其惠爭肖像祀之無何改治太原遷湖  
廣按察使歲大旱叔嗣禱於山川中暑卒年才三十

七耳海內名流共惜之叔嗣嘗自號薊門山人為詩文苦心矢力特超玄乘卓然名家其兄仲嗣丙戌進士歷官廣西府知府文詞奇古王子衡嘗稱為大梁二俊云

王教

王教字庸之祥符人少與兄天敘並著才名稱中州二鳳嘉靖癸未進士及第授翰林院編修與修會典庚寅應 詔獻郊祀議無狗詞已復陳時政十二事上嘉納之遷侍讀嘗三為會試考官衡鑒精明為時所稱癸巳充經筵講官歷遷國子監祭酒上薛文清本朝分省物考卷八十七 八 河南四李那公從祀議識者趨之會慎簡官僚以教兼右春坊右諭德而祭酒兼春坊寔自教始未幾遷南京兵部右侍郎時闕尚書教署其事議以鹽引羨金辦漕舟料價民甚便之後朝 萬壽節道病趨家遂卒

高拱

高拱字肅卿新鄭人人生而狀貌瓌奇學問攻苦義為文沈雄開爽出人意表年十七魁其鄉嘉靖辛丑成進士改翰林院庶吉士授編修 穆宗為 裕王出閣講學居外府拱為講官務在開道王目屬而心儀之時兩府雜居讒言肆出拱竭力周旋邸中 王深

倚重之考滿陞侍讀戊午典順天試尋陞侍講學士在府凡九年陞太常寺卿管國子監祭酒事 王賜金繒甚厚哽咽不能別雖去講幄府中事無大小必令中使往問手書懷賢二字遣中使賜至第無何又書啟發弘多四字賜之壬戌陞禮部左侍郎兼學士癸亥陞吏部左侍郎掌詹事府事乙丑主考會試所為程文奇傑縱橫傳誦海內六月陞禮部尚書丙寅進兼文淵閣大學士參預機務會 世宗不豫入直諸公各移具出時江陵公尚為學士以公事至語拱曰君父病篤臣子移具可乎拱愕然曰吾意乃如此竟不出會 世宗龍馭上賓議登極賞軍事拱曰祖宗無此自正統元年始也先帝以親藩入繼時尚殷富遂倍之今第如正統事行則四百萬之中可省二百萬矣當事者竟如嘉靖事行而司農苦不支會有言大臣某者其人實有望不當擬去而首揆重違言者意乃以揭請上裁拱曰此端不可開 先帝歷年多通達國體故請上裁 今上即位甫數日安得遍知羣下賢否而使 上自裁 上或難於裁有所旁寄天下事去矣乃竟請 上裁兩人嫌益開言者爭謂拱擅矣於是胡應嘉歐陽一敬輩論劾不少休因

分省物考卷八十七

力請去疏十二上得請賜馳驛遣行人護送又賜銀幣以歸越一載 詔還內閣兼攝吏部凡晨理閣事卒視部事所黜陟取辦倉卒不無紕繆乃集諸司官各授之策曰東部職在知人人不易知也今幸早計之某德某才某不德其不才書諸冊皆親封記之月終以復以故賢否不淆黜陟允當北虜頻年入犯中外以兵事為憂拱曰大司馬安危所係至重也不得其人由儲之不豫少司馬止二員此無事時可耳閱邊事未免假於他官總督之人未免移於他處移彼就此支東補西一或告警動即掣肘請於兵部增侍郎二員一遇巡閱即以一人往邊方員缺即以一人往凡邊方險隘虜情緩急將領賢否士馬強弱皆已曉暢方略素定遇大司馬員缺即以補之如此而稱乏用必不然也兵部司屬職在軍旅今宜特高其選以智謀才力者充之使其專官於此不復他遷如邊方兵備即以司屬往邊方撫臣即以兵備往邊方總督即以撫臣往而總督與在部侍郎時出時入以候尚書之缺邊關總督之臣在邊日久著有成績當令回署以休暇之後不妨再出使其精神不疲而知慧不竭以勤王事則濟必多已又上疏嚴邊方有司之

本朝分省人物考 卷八十七

十

河南四

選俱得 旨報可時虜甚警朝臣無經戰是人心震恐乃以尚書陳希學曹邦輔侍郎王遴各率師背城列陣以待而以總督王崇古譚綸專征勦無內顧是歲也虜竟不入霜降讞獄故事府部皆在冢宰當執筆至是大司寇意拱閣臣不屑往拱曰吏部事皆吾事也則集諸司議於朝房凡二十日出寃獄百餘人往大計時銓曹祗問藩臬為黜陟拱多所參伍或眾否獨留眾可獨黜其黜者必告以故無不惴服先是貴州撫臣白土官安國亨叛逆當勦久而不克拱曰安國亨安智夷族自相讐殺何謂叛逆而撫臣以告本朝分省人物考 卷八十七 十 河南四 高向武 國亨懼禍不測且圖苟全有司不原其情激而成變即以爲叛逆之證遂使 朝廷欲開釋而無由國亨欲投順而無路於是召職方郎中至授意疏請以科臣賈三近往勘復面授以方略乃國亨聞科臣且來果喜曰吾生矣吾豈叛逆者哉將漢夷犯人王寬吳瓊阿弟輩獻出而母子出就理輸銀四萬一千有奇抵罪蓋科臣未至而事已定矣北虜俺答孫把漢那吉來降邊報至中朝人心洶洶罔知所措繼報者至日酋婦甚愛其孫而老酋甚懼其婦泣欲得孫耳於是請下令獻我叛人趙全等以贖其孫奄酋果以計

本朝分省人物考 卷八十七

十

河南四

招全等全等皆中國人而為虜用居板升領眾數萬  
 往歲破城殺吏皆其為也 世宗懸重賞購之得其  
 一爵通候然竟不可得至是乃以那吉購之又令邊  
 臣以緋袍金帶鶴蓋鼓吹送那吉歸而宣諭奄答曰  
 那吉是我中國臣若善視之老酋夫婦既喜得孫而  
 又見其榮寵南向取胡帽叩首呼萬歲而封貢之議  
 起矣時中朝疑畏盈庭鼎沸動以宋人講和為辭拱  
 曰宋人求和於虜機在虜故曰講今虜求貢於我機  
 在我直許之而已彼曉曉者豈為國籌利害哉乃請  
 封奄答為順義王其餘都督指揮千百戶有差而奄

本朝分省人物考

卷八十七

十一

河南四

虜吉能等亦請願如例於是上疏請每歲特遣才望  
 大臣四出閱視以今視昔錢穀贏幾何兵馬增幾何  
 器械整幾何其他屯田鹽法以及諸事拓廣幾何果  
 有成績論武功爵若襲故常罪如失機 上嘉納之  
 一日 穆皇有旨高閣老夜宿乾清宮門外拱奏曰  
 禁地非人臣所宜宿願宿闕門 陛下有召可頃刻  
 而至 上可之 御體漸復具疏請 上懲忿寡慾  
 覽奏甚喜越二日 聖恙復劇宜內閣受顧命司禮  
 監以二札一授 皇太子一授拱蓋遺 詔也拱泣  
 奏曰受 陛下厚恩誓以死報 神宗登極上言五

事得旨報可以陰謀遂馮保機先洩翌日有 旨逐  
 之即乘驟車去歸杜門謝客口不言時事未幾而有  
 王大臣之獄柄人將借以殺之至次日殺王而拱獲  
 免自後不敢復見一人矣素好讀書作問辨錄十卷  
 春秋正旨一卷邊略五卷繪屏外藁四卷政府書答  
 四卷繪屏集一卷日進直講十卷獻忱集四卷萬曆  
 六年卒於家祭葬止半給又二十餘年值建儲大典  
 嗣子務觀具疏上有旨高其擔當受降北虜稱臣功  
 不可泯贈太師謚文襄廕一子尚寶司丞

徐自得

本朝分省人物考

卷八十七

十一

河南四

徐自得杞縣人甲午舉鄉薦聲籍甚一時戊戌偕計  
 南宮聞母楊孺人之訃躡踊慟哭瀕絕而甦辛丑成  
 進士筮仕行人司行人奉使瀋藩明典禮卻餽遺得  
 使事體丙午召入掖垣改兵科給事中時大虜擁眾  
 戕殺朵顏福餘三衛諸夷內避乞給衣食耕具乃上  
 言朵顏三衛風稱崛彊一旦遭破殘之慘既不敵於  
 彼將必窺利於我烏窮則啄獸窮則搏勢固然爾迤  
 北諸虜性猶豺狼既飽而驕饕貪亾厭且朵顏既破  
 撤我藩籬何所顧忌趨起而不內犯哉宜申飭邊備  
 繕堡廣偵以觀未萌之釁已而虜酋卑辭求貢實觀

緩我邊防以圖大逞 廟謨將許之廷臣明知其詐而陰闕 上指所嚮觀望莫敢發抗疏言勿許便疏入五日不報同列或爲危之命下則大見采納他日有以吏垣協理請者疏未及也特批曰徐某乃知上默識其名固將大用之矣既而陳情終養得請南歸又四載封公卒容瘠骨立人稱死孝至奉繼母田孺人一如奉封公居則游情圖史以開卷自娛視世情焚華脂韋不翅將免如是者數年乙丑詔起諫垣再乞終養不許入朝補工科給事中先是河決曹縣防河使疏請開趙皮寨孫家渡以殺水勢特遣侍郎

本朝分省人物考

卷八十七

十四

河南四

吳公鵬都御史魯公鈞董其役上書極陳關繫 祖

陵周藩至急乃不果開晉尚寶司少卿履任之夕聞

田孺人訃匍匐歸里襄事後遂堅卧不起矣蓋起家

三紀立朝蒞官甫四年餘皆優游泉石之日也既歸

構市隱堂數楹歌誦其中詩尚典鬯不驚纖靡文爾

雅有則一洗鈎棘雅工詩餘小令少游美成而下不

多遜也所著有苦中踏墊二藁京華集京華續集大

游子樂府二冊藏于家

劉自強

劉自強字體乾扶構人嬰年之會城值周藩遶堦用

事者奇其材欲鉤致之輒走匿密室中以免蓋屹然有巨人之志焉少明毛詩戴氏禮嘉靖辛卯舉鄉試甲辰第進士授廣平府推官陞吏部考功主事歷稽勲文選分宜子世蕃以鸞爵干謁峻拒不納蕃深銜之會遷太僕寺少卿亾何出補陝西叅議一時輿論籍籍不以屑意也遷山西副使甫蒞官悍卒王慶率衆以夜畔城中大駭自強知慶有嬖妾選勇士伏旁舍待詰旦慶來携孥輒斬其首以殉餘黨瓦解遷陝西叅政進按察使時大旱一城亾所得水自強相解舍旁當有泉鑿之泉源涌出一郡饒給居人神之名

本朝分省人物考

卷八十七

十五

河南四

曰劉公井遷湖廣右布政使轉左歲侵民苦饑出羨

金大賑之所全活不可勝數甲子遷應天府尹秩滿

進右副都御史巡撫四川寇黃中負險猾驚奉勅會

湖湘兵討之屬妖人蔡伯貫乘間嘯聚鹵掠郡縣勢

張甚自強策曰黃中穴鼠耳直以泥丸封之伯貫出

柙虎也可急擊勿失輒移師攻貫一鼓殲焉已回兵

向中中大怖乃所據牛欄坪者險絕其中夜當道垂

巨索屬鈴百餘勒卒更番守鈴索一動礮石交下人

無得免者乃斬木百章爲雲梯陽攻之微察山旁側

有少罅督甲士夜銜枚上鉦鼓并作呼聲震巖谷中



賊黨戰栗莫知所出以為自天而下也不戰而潰捷  
聞賜文綺白金羊酒勞之丙寅入拜戶部右侍郎總  
督倉場戊辰轉南都察院右都御史進南戶部尚書  
再改兵部參留務庚午入為刑部尚書閱歷三部時  
推老誠持大體無出其右者隆慶初元累疏乞骸骨  
歸戊辰卒享年七十有五計開賜諭祭命司空治葬  
為人精敏果毅事事致於理留都素狡猾難治一切  
峻之以法一尚書以事囑怒曰賊吏敢爾耶起奮擊  
仆其隸人都人語云尚書賊與臺僵矯矯劉公洵自  
強至今傳之

本朝分省人物考 卷八十七

十六

河南四  
梁仲德

張 鹵

張鹵字召和儀封人年二十一舉鄉試數上春官不  
第名日益高嘉靖己未成進士除婺源高平二邑令  
以治行異等徵拜禮科給事中英毅慷慨多大畧持  
論侃侃無所避值 穆宗踐祚疏請勤視朝蒞經筵  
廣顧問以隆新政 上嘉納之時 神宗甫六齡即  
引累朝立東官故事以請已復上言慎選內臣給事  
東邸宦官孟冲以內旨有所罪極言祖宗家法輔臣  
無不與聞之政法司無不詳獻之刑中旨可邀置廷  
尉何為庚午晉太常少卿 命未下而內江相請更

兵營制猶事疏極言其不可或勸以已遷官矣願少  
巽鹵曰未拜命猶諫官也疏入竟從議營制皆如故  
辛未遷右通政九月拜南京右僉都御史撫浙江以  
養母棄官歸戊寅 詔守舊秩撫保定已加右副都  
御史鹵自銀臺擢中丞三領節鉞在金陵殲叛卒馬  
應祥在河道獲妖人王後溪在保定修三關險阨數  
百里保障功為多大璫馮保乞為建坊不許以為勞  
百姓力媚士大夫尚不可况內璫乎保目攝之而未  
發也江陵以材望相推每與談膝輒前席既別與之  
約事可否具以書相聞鹵益自發舒引當否無所詘  
本朝分省人物考 卷八十七

十七

河南四  
方

姚繼可

姚繼可字光父號又軒襄城人父汝臯登正德丁丑  
進士因諫巡幸議大禮被廷杖有古直臣風繼可生  
七齡即知向學嘉靖甲子舉於鄉乙丑成進士初授  
南陵令俗狡政煩以寬大明敏治之一年而民服一  
日同官失金呼衙役某前曰金爾盜也不任遂令人  
持其衣至家索金頃刻而至僚屬問故笑曰吾先見

若所執刀柄有土淖若足踐然已心疑之忽聞失金料必踐此出入也訊之果然遂有神君之號戊辰以治最徵選四川道御史奉命巡按直隸宣大提督學校以興賢育才振綱肅紀為首務因陳言邊務指斥和戎之陋拂當事意疏雖未行而時論趨之外遷四川僉事分巡重慶等處地號冲煩苗夷雜處至則修器械繕城隍剔蠹除姦驚如播酋且帖然就化丙子陞陝西叅議分守慶陽地當極邊兵食兩詘詰戎蓄糗屹然為西北保障遂遷本省副使兵備定邊等處邊適當冲擾亟命郡邑衛所修築簡練夙夜靡寧警本朝分省人物考 卷八十七 十八 河南四 劉方

書促就道中道聞督臣被逮逆黨構虜深入掠城堡戍運軍絕我糧道遂星馳入關提兵至河州地方以精兵過其鋒死士搗其穴虜遁糧餉始得至靈州數萬枵腹卒不至生他虞而逆黨就戮當為首功及克城後疏上善後事宜數千言 上依擬癸巳陞工部右侍郎上疏請告不許時大工煩興蒞任即奉勅提督工程兩宮鼎建殫精以管職業甲午再懇恩乞身始予告歸戊戌復起前官仍奉勅提督工程踰歲大工告成蒙恩嘉賚滿考稱最荷金幣之賜廕一子擢工部尚書 水衡缺費悉力計畫委曲助勦精竭神耗而兩目矇矣屢疏乞休具蒙溫旨勉留疏至四十五上歲乙巳始得俞旨賜乘傳歸里歸則杜門謝客踰二年而告殂計開贈太子少保遣官治葬守臣稱制臨祭者四再廕一子為人員誠疎爽風骨稜稜自少至老動止準繩無失尺寸當官守法務在鉏抑彊梗惠利小弱居常踈踈簡默及當大議大謀眾莫敢發守經據古鑿鑿指畫率以片言取次蓋老成正直君子也

梁 策

梁策鄆陵人性至孝七歲母病將不起旦夕焚香泣

中庭請以身代持香謁城隍廟伏地涕泣幾絕一黃  
冠授藥一莖僅寸許日煎湯服之服即旋已亦不知  
為何藥人謂孝感致然時稱孝童就外傳手孝經不  
釋十七齒鄉校二十四登賢書孝聲籍甚行部使者  
往往移檄書物色抗辭逃避三十四中嘉靖乙丑進  
士授工部營繕司主事歷員外郎中居郎署十年三  
請告省親留妻侍養未嘗以隨陞四川成都知府嘆  
曰我不能叱馭如王陽矣抵家蒲伏父前號泣以請  
父大怒曰盡力王事非孝乎爾好孝經不憶始於事  
親終於事君耶猶伏地不起舉杖欲擊方起而戒途

本朝分省人物考

卷八十七

七十一

河南四

抵成都數月而大計計畢疏請終養時父母年皆七  
十躬調甘脆未嘗任侍兒一茶一湯必跪進父老而  
好遊日遊於所知家寒暑不廢每至漏下數十刻秉  
燭坐待聞人報至趨門迎掖入寢室候寢定而退質  
明盥沐至寢門問侍婢安否安則喜稍不安即憂惶  
廢食人言修虔太和山可致親壽徒步往十步一下  
拜千有餘里不知勞二人壽並八十母歿喪毀如禮  
既葬日廬墓側暮歸侍父父病脾不能離衽席調飲  
食跪榻下手舉匕筋以進如此者年餘父歿既合葬  
廬墓側至服闋不能去縉紳先生曰如禮制何再拜

泣而徹廬初成進士部送遠左軍餉獨如額遼軍  
懽聲動地主帥盛筵再拜曰近世所僅有也管膳部  
董大工往年錢穀盡中官處分闕出無筭一切禁革  
大忤中官日圖中傷之陰伺無所得改度支郎督維  
揚餉裁革一切冗費揚人感嘆不容口晉郎中大工  
成敘功當陞尚寶以中官中之陞知府親終當補官  
有司具徒御不行直指中丞交章列孝行以聞詔補  
山東登州府時倭夷蹂躪朝鮮登州戒嚴南兵三千戍  
守曰督府曰瀕海多健兒與衣廩而日練之皆精兵  
矣彼利得衣廩保室家豈不勝召募耶督府稱善數

本朝分省人物考

卷八十七

七十一

河南四

月得精兵數千一胥為妖所愚聞而怒曰何物妖敢  
爾檄城隍治之胥夢妖曰梁孝子驅我我去矣翊日  
無恙居無何陞陝西副使力疏投閑中外歷官十餘  
年俸外毫無染指交際應酬一切取足於家自壯至  
老急於周人人有片長加樂稱羨其拂意者未嘗形  
色辭孝廉仁厚悉根天性鄉人慕德孝不能忘醮錢  
立孝子祠

李 濂

李濂字川父大梁人為兒時恚而啼以棗栗啖之愈  
啼示之書則止七歲就塾師日可誦千言九歲能為

詩其語多警人稍長習舉子業即攻古文詞非秦漢書不讀嘗作理情賦李獻吉自左舜齊所見之輒歎曰班馬之儔乎締爲忘年交年二十五舉河南第一人明年舉進士高等以王府姻不得待宿衛乙亥出守沔陽會丙子丁丑兩歲大祲獨加意撫字民賴以無徙亾暇則開閣與諸生談藝文體翕然丕變其所造士甚多辛巳擢貳寧波其治亦如沔癸未擢山西按察司僉事顯督屯田凡積幣滿除殆盡後攝學政三晉人士駸駸嚮風未幾歸臥河山之陽慕延叔堅之爲人乃闢景延堂朝則肆力六籍手自箋注夕則

本朝分省人物考

卷八十七

三十一

河南四

詠詩南軒百家衆氏投間而作請文者無虛日所著有嵩洛諸集祥符文獻志汴京遺蹟志勾異記醫史諸傳凡若干卷

### 高瑾

高瑾大梁人爲人孝弟儉直喜誦書史嘗歲暮出取逋負見多窘乏輒割券馳一空車歸里人望見盡笑之瑾不較也子珣爲東明丞強逆之官邸輒感額求歸曰吾往未嘗入公府乃今公府居耶輒歸舊令得代去問曰我孰與新令賢熟視久之曰君似弗如也人歎服其直鄉閭從化家居子弟見輒趨拜却立里

中人假僮僕使不復關白其主人雞豚放猶一家數里之內淳風藹然妻侯氏亦孝讓有幼子爲嫂子捉殺之侯泣謂瑾曰吾幸尚有珣奈何令伯氏無後卒出之獄嫂子以百金詣瑾謝瑾不受詣侯謝侯不受曰吾利而金出汝耶

### 徐聰

徐聰字聞博郟城人也嘗亭濼上於是稱濼亭先生力行篤學苦節清修以廉孝聞春母病思櫻桃非時無從得泣禱而行彷徨叢薄間得櫻以歸母食之愈人異之稱徐孝子以貢爲醴泉縣學訓導先行後文

本朝分省人物考

卷八十七

三十一

河南四

制外兼內端士習士氣久之士翻然而革聰乃忻忻喜曰吾志其行矣於是構齋植竹峩冠委裾講說周孔微緒會乾州學官缺機聰往攝之久之而乾之徒猶其徒也人始知其才醴泉饑錢參政者出帑金千檄聰賑之或問錢奚捨縣而任學也錢曰聰也孝廉孝則不忍人廉則不愛金久之使攝其縣事縣以之治於是豪人懼歸我侵田無何免去或咎之聰直晒曰子謂我兀兀腐夫邪其亭濼上也年向衰矣猶聚徒講說顧益篤卽大寒暑罔輟也晚病目背省延接矣至遇經生學士則顧繼絕竟日濼上至今稱恭儉

鯁直篤行耽學必首聰云

補遺

孫賢

孫賢字舜卿杞縣人景泰甲戌進士第一授修撰預修寰宇通志成轉侍講天順初改左中允侍 東宮講讀 憲宗即位遷太常寺少卿兼侍讀成化庚寅預修 英宗實錄進太常卿兼侍讀學士上疏請立皇太子且引疾乞休示無希覬意章並上 上皆允之皇子立是為悼恭太子賢憤憤不樂而卒年五十四贈禮部左侍郎兼翰林院學士謚襄敏

本朝分省人物考

卷八十七

二十四

河南四

王濬

王濬字文深河南商水縣人天順四年進士由平鄉知縣選江西道御史巡視兩關建言卒于杖下

王潤

王潤字敷仁河南臨潁縣人弘治二年舉人由國子學正選雲南道御史正德元年巡鹽兩浙忤瑾坐免後復原職巡按北直陞陝西副使

劉校

劉校字宗夏開封府鄆城人正德丁丑進士授刑部主事迎其父就養至定州卒校聞跣奔抱尸慟絕已

而少蘇視面目有塵垢跪以舌舐而拭之服闋復任值 武廟南狩校諫止 上怒罰跪五日杖四十尋卒嘉靖初元追贈尚書 卿錄其子入冑監

曹嘉

曹嘉字仲禮河南扶溝人正德丁丑進士由庶吉士授浙江道御史建言謫大明府推官嘉靖元年起補原職復謫禹城知縣尋降茂州判官後復御史指摘宮闈 上命賜死復昇樞以諫十二年陞山西提學副使累陞江西右布政致仕

侯于趙

本朝分省人物考

卷八十七

二十五

河南五

侯于趙字宗度開封府杞縣人嘉靖乙丑進士授平陽府推官清介執法不避貴勢陞戶曹尋改兵科給事前後疏奏數十上皆有裨時政戚畹武清伯一日請營菟裘費三萬金 上以 太后故允其請抗疏極言其不可舉朝危之自亦懼禍不測乃與家人決別待罪闕下賴 上英明袖其疏不使 太后知得以無恙於是中外咸誦為直臣而權倖舉目攝之矣尋以開泃河議與江陵相左出為江西大參遷左右轄擢拜都御史巡撫山西時北虜順義王俺荅物故部落內闕慮有意外變乃多方宣諭陰制黃台吉把

都播力克等不使跳梁又以恩威宣諭卜失兔等而勤為練兵儲糧之計其所以陰杜潛消者即共事之人不能窺其深也未幾以母憂去家居十四年累薦不出卒年六十有三

孔貞一

孔貞一號紹虞杞縣人萬曆己丑進士授湖廣江陵知縣邑最衝疲歲受江水之害蒞任後相方築堤為本邑無窮之利過客往來設立常規應付能無悞驛遍亦不困江陵前後多循良此其卓然者在任八年行取福建道壬寅巡青癸卯巡漕乙巳巡按四川丁未按真定掌河南道印管外察一時去留從中多所幹旋臺中論列悉關 國家大計本年丁憂癸丑補江西道管京畿道乙卯陞大理寺左寺丞未幾卒

喬登

喬登字子高延津人吏員敢死有義氣嘉靖癸丑倭初至登任平湖典史奉檄禦之倭勢洶湧人退且却奮身不顧遂歿于陣士民憐惜之

本朝分省人物考

卷之七

三十六

河南五

人物考目錄卷之八十八

河南歸德府

韓政

梅思祖

楊睿

梅殷

楊敬

樊鎮

李從義

徐永達

張景

張景

皇甫仲和

軒輒

朱謙附子未

潘禮

李孟暘

蔡天祐

本朝分省人物考

卷八十八目錄

陳聞詩

沈瀚

朱洪

宋纁

沈鯉



本朝京省人物考卷之八十八

河南歸德府

韓政

韓政睢人元季為義兵長 上定江左來歸授江淮  
 行省平章政事李濟據濠為偽吳守 上命善長書  
 招濟不報 上曰濠吾鄉濟為偽吳守是吾有國無  
 家可乎命政率指揮顧時等以雲梯礮石四面攻濟  
 濟出降留時守濠召政攻安豐以兵扼四門政不下  
 潛穴城東龍尾壩二十餘丈城遂破克安豐至穎獲  
 糧艘歸淮東西悉平從平浙右北伐中原分兵扼黃  
 河斷山東援兵取益都改山東行省平章政事大將  
 軍取元都檄政會東昌鎮撫臨清元都定又令政分  
 兵守廣平林慮西北二十里元右丞相庸等據蟻尖  
 寨剽劫旁近以給軍食大將軍收諸山寨蟻尖寨恃  
 險未下政進攻庸降調征陝西還兵守禦河北洪武  
 二年封東平侯食祿千五百石與世券移鎮山東未  
 幾復征河北招撫流移出居庸搗應昌取和林深入  
 土刺進至渾河大獲而還出巡河南再巡陝西練兵  
 臨清十一年卒贈鄆國公子英散騎舍人

梅思祖

本朝分省人物考 卷八十八

河南五

本朝分省人物考 卷八十八

二

河南五

梅思祖夏邑人初為張士誠中書省左丞守淮安歲  
 丙午大將軍徐達既下高郵進兵攻淮安思祖封府  
 庫甲兵率眾來歸 上嘉之授大都督府副使是年  
 八月從達伐吳取浙西降偽吳將呂珍得兵數萬下  
 湖州進圍蘇州吳元年九月城破士誠被執師還特  
 降褒諭擢浙江行中書省右丞十月從征中原克山  
 東沂州等郡洪武元年取大梁破陝州下潼關七月  
 旋師徇取河北衛輝等郡未幾檄赴北平取未下州  
 郡遂征山西二年晉冀悉平復從征陝西取奉元鳳  
 翔平涼鞏昌四郡八月於邠州獲故元參政毛貴等  
 三十人送大將軍斬之十二月中原平賜思祖白金  
 十斤文幣十五襲三年擊走王保保軍於定西還自  
 秦州破畧陽入思州取興元是年論功封汝南侯四  
 年伐蜀五年征甘肅還命巡視山東陝西遼東諸處  
 城池十四年四川散毛諸洞長官作亂命思祖為征  
 南副將軍同江夏侯周德興率兵討之諸洞夷悉平  
 十五年復同傅友德克平雲南置貴州都指揮使司  
 以思祖署都指揮使 上以雲南初平欲使重臣鎮  
 之又命思祖署雲南布政使司事思祖善撫輯民夷  
 安之十月丁丑思祖薨賜葬鍾山之陰子義武德衛

指揮陞遼東都指揮使

楊睿

楊睿柘城人洪武初舉進士累遷平陽知府廉介公平處事詳敏不數月政教大行刑清訟簡民稱其賢嘗歲旱瘠禱之甘雨隨注後致仕歸吏民遮道泣留歿祀於鄉賢祠

梅殷

梅殷河南夏邑人汝南侯思祖兄子也尚高后長女寧國公主有謀能騎射天性恭忠最爲太祖愛幸受密命輔建文君以誓劍一遺詔一付之既守淮

本朝分省人物考

卷八十八

三

河南五

安悉心防禦燕王來假道以進昏爲名殷拒之曰

皇考有遺詔王怒遽更書言朝廷信奸我欲清君側之惡耳殷割使人耳鼻授以荅詞曰留汝口與殿下言君父恩義不可忘王不得道乃渡泗水破肝

胎出六合革命日殷聞變大慟欲死已執見文皇曰駙馬勞苦對曰勞而無功文皇恨之二年冬陳

瑛言殷招藏亡命匿胡人有私謀又嘗詛呪明年殷仇家都督譚深指揮趙曦令人擠殷死篋橋下職言

殷自投水死都督許成懷不平發其實文皇怒罪兩人兩人曰上命也益怒立命力士持金瓜落兩

人齒斬之謚殷榮定公公主牽上衣大哭問駙馬安在上咲曰爲公主蹤跡賊無自苦謹護二子于是以其子順昌爲中府都督景福旗手衛僉事孫純舉進士爲中都副留守

楊敬

楊敬歸德衛人父昱洪武間死於陣時敬纔十歲聞訃哭踊每思求父遺骸不果乃取衣冠葬于先營之次事母艾氏溫清以時服食有節凡母意所向無敢少違暇則讀經史開家塾以授生徒每閱戰陣事輒流涕不已時人以王哀擬之後母卒敬哀毀踰禮方

本朝分省人物考

卷八十八

四

河南五

殯在堂而西隣不戒於火將及樞敬仰天大哭俄風反火息卿里思之事聞詔旌其門子愨舉人任至知州

樊鎮

樊鎮考城人賦性剛直博通經史洪武中登進士第授監察御史振揚風紀有能聲歷任山西副使浙江叅政山西右布政使所至廉幹勤敏時論稱之

李從義

李從義字守信歸德人洪武戊辰以人材舉上疏言黃河泛溢決鳳池口永夏蕭縣皆罹其患乞以軍民



於農隙時塞之 朝廷從其議水患遂除民得安居  
既而試事有能授監察御史執法不撓久之出知晉  
州為政得民心引年致政終於家

徐永達

徐永達字志道歸德人洪武中由太學生授侯官縣  
教諭永樂間召拜翰林編修侍 皇太孫讀書後陞  
右春坊右中允宣德初陞鴻臚寺少卿復陞本寺卿  
時交趾酋長陳暲死其臣黎利謀叛南徼騷然 上  
遣永達如其國永達諭以順逆曉以禍福利稽首稱  
罪貢獻於廷行有厚餽却之勿受 上深嘉悅燕勞

本朝分省人物考 卷八十八

五

河南五 劉光

甚厚已而陞湖廣按察使丁內艱服闋復除山西蒞  
官清正軍民畏服永達在任日止蔬食兩冷妻在故  
里紡績以供其衣食時巡按御史顏繼非法用刑永  
達奏而降之都御史陳智大怒使後巡按密察永達  
之過久之無過可舉智又怒巡按者欲黜之於是巡  
按多方誣訐朝廷宥而不問智大慙永達之名益振  
後以疾卒少卿于謙往吊見其官舍蕭然解束帶金  
賻之

張 景

張景歸德永城人儀狀豐偉篤實和易表裏不二既

寇時 仁廟為世子奉命宿衛靖難師出仗劍以從  
東取大寧還戰鄭村琪連大捷以功超授義勇中衛  
指揮同知遂援薊州敗遼東軍之攻薊州者追奔至  
榆口而還自是侍衛守北京南軍圍城日暮效力永  
樂二年以功陞本衛指揮使三年調金吾右衛五年  
調錦衣衛十四年調府軍右衛二十二年陞中軍都  
督府左都督是歲冬封彭城伯食祿一千五百石子  
孫世襲明年侍衛 宣廟謁 孝陵歸奉命總督操  
練右哨軍馬正統元年患痺疾 上遣太醫院官督  
醫視療竟以不起春秋六十有五平居孝於父母友  
愛諸弟祗事四聖小心恭恪以勲以戚爵位累加禮  
遇極隆錫賚甚厚執謙秉和居靜守約循禮奉法深  
戒滿盈家庭中外以清以肅其薨也訃聞特遣中官  
監視喪事命禮部賜祭工部賜賻管葬

張 昇

張昇字叔暉永城人初以城守功授義勇衛千戶永  
樂三年陞羽林前衛指揮僉事調府軍衛七年授諸  
封昭勇將軍十二年隨駕北征二十二年陞後軍都  
督同知洪熙元年陞左都督宣德元年 宣宗征  
定州三年巡邊俱命分守北京四年 上優禮至

本朝分省人物考 卷八十八

六

河南五 劉光

命輟左府事朔望奉朝請凡朝廷有大政事亦得預議正統五年封惠安伯歲祿一千一百石賜誥券子孫世襲六年正月以疾卒壽六十有三訃聞遣官諭祭勅有司賻葬 太皇太后遣官致祭爲人端重孝友之德夙著於家閨門整肅教諸子有方平居簡默臨事卓有定見歷事四朝公勤忠謹未嘗有過 宣廟爲皇太孫時往來兩京及隨侍 文皇帝北征皆命以保衛出入起居深有規益其居顯官恒自謙抑每陞拜祗畏如不勝其臨政事必諮詢同官審擇而行不恃已長遇文學士必加禮敬服食儉素絕無富貴態而急於利人常施藥石以療人疾爲糜粥以濟饑者少留心載籍至老不倦見古忠臣孝子端人正士每遇事輒以訓諸子故子孫世守其家法云

皇甫仲和

皇甫仲和睢州人精天文推步之學 文皇北征袁忠徹以相仲和以占從一日師至漠北不見一虜上意欲還師召仲和占之曰今日未申間虜至自東南勝負如何曰王師始却終必勝召忠徹問之皆如仲和之言 上怒以朋比黨欺命械之虜不至皆賜死隨令內監雜噶之日中不至 占對如初

本朝分省人物考 卷八十八

七

河南五李都

頃之奔告曰虜大至矣時初得安南神鎗虜一人直前卽以神鎗衝之二虜直前復以神鎗中之虜按兵不動頃之虜衆齊發 上登高望之召總兵譚廣曰東西不可却乎廣率精兵舞牌斫其馬足虜稍却已而疾風揚沙兩不相見虜引去詔欲引還二人曰不可明日虜必來降明日虜果詣軍門納款曰不知乘輿在是賜以幣帛乃還正統十四年仲和老矣大學士曹鼐與隣時有旨親征鼐急歸召仲和與議曰胡王兩尚書率百官諫可止乎仲和曰不能止也紫微垣諸星皆動矣曰事將若何仲和曰以老夫計之當

本朝分省人物考 卷八十八

八

河南五李都

先治內而後行曰已有旨謀監國仲和曰不如立儲君而後行曰東駕幼且未易立也仲和曰恐終不免於立土木之難虜騎逼城下城中皆哭仲和登高望謂家人曰雲頭不向南乎曰然曰大將氣至虜將退矣明日楊洪自大同將兵入援虜遂遁仲和一日出朝有衛士見之曰願爲我相之仲和不肯固請之仲和曰若不能正內何相爲衛士怒曰何以知吾不能正內也曰汝不有妻妾乎曰然曰二人在家正相闢不解衛士不信至其家果然後人問仲和何以知之終不言所以堂上官固問之乃曰彼問時見屋上兩

鵲正相副是以知之其術如此

軒輓

軒輓字惟行鹿邑縣人永樂甲辰進士天性廉介初為進士往淮上催糧時冬寒舟行忽落水救出衣盡濕得一棉被裹之不能出有司急為製衣一襲却不受直待舊衣乾著之後為御史獨振水蘖之聲用當道薦為浙江按察使前使林實在任一切供給取諸民輓皆罷之俸資之外一毫不取自著一青布袍寒暑無間破則補之蔬食不厭午則燒餅一枚而已與寮屬約三日以廩易肉一斤人不能堪或故舊公幹

本朝分省人物考

卷八十八

九

河南五

經會晤者留供一飯至厚者殺一雞僚屬見驚異此舉不易得也自餘盤肉一味而已忽聞親喪明日就行雖僚屬尚有未知者景泰元年陞右副都御史鎮守浙江會福建賊吳金八等流劫青田等處奏遣布政孫原貞僉事鄭彥舉兵勦之尋以憂去五年起服陞南院左副都御史掌院事兼督糧儲清操愈勵張都御史純素侈縱設席會諸僚獨不赴既而以卓食饋之亦不納天順元年大學士李文達薦為刑部尚書勁節挺然一無所撓以太監曹吉祥忠國公石亨等怙權侵官疏告不許會吏部覆奏始賜休致 陞

辭召問輓歷陳為御史為按察使為都御史 上曰昔浙江廉使考滿歸家行具僅二竹籠是汝乎輓頓首又問年未老再可用乎輓頓首以疾告 上知不可強乃賜織金綵段白金輓辭即日就道後四年起左都御史總理南京糧儲前後所上疏草甚多俱關軍國大計既而以疾乞致仕方章上不報携一吏兼程徑歸至家之日即命取浴具浴畢數問日早暮或云午矣遂卒賜祭葬如例

朱謙

附子永

朱謙夏邑人父真靖難功授世留守指揮僉事謙嗣官累征迤北功陞萬全都指揮使充右叅將分守宣府功陞都督充鎮朔將軍總兵宣府 裕陵北狩過宣府率其子永出謁頓首哭獻犒軍勞虜金帛累出兵截虜有功景泰元年虜入石峯口又入龍門關謙與虜數戰斬首中律封撫寧伯卒永嗣伯爵與世券

本朝分省人物考

卷八十八

十

河南五

天順初永陳父宣府謁 上事贈侯因稍進用永永慎重不洩法令嚴整四年虜入宣府永出禦虜退班師六年總兵三千管八年兼總神機營時定襄伯郭登出鎮甘肅永薦留登同事充總兵兼領三千管成化二年充靖虜將軍征荆襄有功未幾虜酋加思蘭

入大同塞充平胡將軍禦虜虜退與世伯尋充平虜將軍出榆林禦虜有功卽軍中封侯總制陝西三邊與世券七年虜入柳樹泖永出奇邀戰有功十二年召還加太子太保十四年建州夷結朵顏入遼東塞明年永出塞破其營加太子太傅進封保國公十六年出延綏禦虜十七年大同禦虜因戰海東山有功賜券世公十九年虜大入塞充鎮朔將軍總制宣大二路二十三年孝宗卽位召還加太師掌後府總團營如故九年卒追封宣平王謚武襄

潘禮

本朝分省人物考

卷八十八

十一

河南五

潘禮字嘉會歸德衛人天順中舉進士授戶科給事中剛直敢言中外震懼累遷工部左侍郎奉勅理易州廠故有園圃果蔬之利爲守者所侵漁歲時饋遺中貴人禮取直以需國用絕饋中貴人疾之禮恐禍及已乃累疏乞休許之歸篋惟敝衣數襲圖籍數卷而已巡撫都御史韓邦問以禮清節純行疏於朝乞優禮之武廟命有司月給米三石特加慰問年八十四卒禮治薪於易州清潔自矢賄門以塞歲省民資累千暨歸里則草舍飯蔬意恬如也歸德有河患禮因鄉居盜夜掠之有粟數升一敝表爾盜驚嘆

叩頭曰使在官皆若公我輩安敢亂禮謂之曰有酒在可飲乎盜諾羣飲而去緣是復居城中在城常徒步出城乃御車其敦朴如此

李孟暘

李孟暘字時雍號南崗睢州人天順壬午中河南鄉試游大學會司成邢公讓被謫率同列上書力辯義聲振於一時成化壬辰登進士十年授戶科給事中十四年丁憂十七年補前職癸卯盤糧大同值虜寇入邊危甚歸陳邊備十事內陳民壯事著爲令甲辰使占城初占城爲安南所侵其王爲安南所害朝

本朝分省人物考

卷八十八

十二

河南五

廷遣使封王之弟齊亞麻其臣提婆苦者攘所封印復遣孟暘封王之次弟古來比行上言占城險僻安南之構未靖而提婆苦又嘗竊據萬一弗順損中國威宜縱其來使傳命古來仍勅安南悔過上悉從之乙巳遥擢本科都給事中留廣中數年卒致古來厓州而定其封弘治戊申始歸陳地方五事曰懲舊弊以修軍政設兵備以鎮邊方開衙門以散嘯聚修城垣以禦寇患通朝報以廣德意多見採納尋擢湖廣左叅政常德歲歉民饑分守其地戢盜賊抑豪橫通米商禁藩府之苛革里書之弊用蘇其民庚戌進

廣西左布政使屬夷獠為訐而廩食多匱眾口囁然  
 丞遣官糴諸遠方軍餉以給乙卯遷右副都御史提  
 督南京糧儲奏修官廨以便分理聽支勲臣祿米以  
 省轉輸戊午轉南京戶部右侍郎改北庚申轉左壬  
 戌晉拜南京工部尚書中官以宮殿傾圮欲修之孟  
 暘徐曰萬世不拔之基已有定所修此何為議乃塞  
 南畿織造多取資葦課歲久為勢家所侵乃清查之  
 於是課增用足而民不擾言者又以災傷欲併葦課  
 而國用不足則將加派於民是損本實而益浮蠹也  
 卒尼之雖撥怨不惜正德丙寅乞致其事疏三上而  
 本朝分省翁考 卷八十八 十三 河南五 李郁  
 後獲允錫誥給驛月廩歲隸 恩數甚優自後權奸  
 用事士夫保全者鮮人賢其知幾已巳卒享年七十  
 有八所著有南崗吟稿三卷奏議一卷睢州誌一卷  
 存於家

蔡天祐

蔡天祐字成之別號石崗其先碭山人元季避兵徙  
 睢陽遂占籍焉幼岐嶷聰敏過人弘治戊午舉於鄉  
 乙丑舉進士選授庶吉士改吏科給事中憲譔自持  
 封駁無避忤權貴出為閩臬僉事會江西盜起聞于  
 朝以閩兵協勦往平之在閩多風力嘗董內府供應

綾紗紙盡革宿弊權豪歛跡省價數千緡部使薦之  
 未幾轉山東叅政尋改憲副守遼陽按部所至弊絕  
 風清值歲歉多方節縮活饑民萬餘又闢海道圩田  
 數萬頃民真其業名曰蔡公田濟南龍山有惡少哨  
 聚為亂勢甚洶洶分兵勦之擣其穴淄川盜起劫掠  
 鄉邑捕獲其魁坐以法餘黨悉散再改陝右遷山西  
 按察使提點刑獄一道肅清居無何雲中五堡軍亂  
 殺撫臣事聞進右僉都御史即日就道至則與朱總  
 兵振誓曰弭此變非奮不顧身不可乃集亂軍諭以  
 朝廷恩威眾始奮會桂總兵永密率家眾誅亂者十  
 本朝分省翁考 卷八十八 十四 河南五 李郁  
 餘人眾攻圍其家幾為所害冒白刃救之得解廉其  
 首惡四人正諸法餘孽度不自容夜焚朱總兵宅天  
 佑下令懸賞示之火遂撲滅人心少定值督餉主事  
 至羣心自危復起亂 上震怒命胡侍郎帥兵討之  
 眾赴天佑前泣求救乃示以早圖自獻或可逭誅眾  
 皆響應獻元惡十餘人傳首以示脅從者宥之帖然  
 無復反側天佑遂請班師 詔下凱旋人心益安  
 上優詔答之進右副都御史有彩幣白金之賜旋進  
 兵部左侍郎行日民為罷市哭聲震野且送且留者  
 三百餘里已而為權倖所忌以事中之懇求退避疏

三上乃俞閉門以詩酒自娛教授生徒課子力學而憂國之心未嘗少忘誣亦自白再起至中途以疾辭荷 溫旨許暫回調理明年不起卒於石崗書屋之東軒

陳聞詩

陳聞詩字庭訓柘城人性純篤舉嘉靖丁酉鄉試以親老未仕及親沒哀毀骨立人以孝稱之癸丑秋劇賊師尚詔倡亂被執欲屈之不從乃自絕飲食誓以必死至三日得間自經焉事聞旌其門贈鳳陽府同知仍為立祠與檢校董綸並祀

本朝分省人物考

卷八十八

十五

河南五李郁

沈瀚

沈瀚歸德人舉進士授西安府推官有悍僧樂妓恃藩府殺人瀚實於法一郡凜然歷禮部主事員外郎出知建寧府以誠信養士愛民考至上上當遷時逆瑾索賄瀚耻之遂致仕以歸

朱洪

朱洪歸德人登進士知唐縣治豪族除黠吏人心快之選諸生才者授以經義後多掇巍科以卓績召拜監察御史出按浙江綽有風裁還朝以疾卒于家

宋 纁

宋纁河南商丘人嘉靖己未進士歷南戶部侍郎轉戶部尚書萬曆十八年改吏部尚書是時銓部之權久歸內閣纁夙持風節入銓以來亦思矯矯自見惜不及竟其施云

沈 鯉

沈鯉號龍江河南歸德人嘉靖乙丑進士改庶吉士授檢討轉中允壬午典試應天尋陞春坊掌院萬曆二十九年以禮部尚書召入東閣大學士尋加少保文華殿大學士生平素甘清苦斤斤重名行守法度入內閣議論與四明相左未幾同時去位里居多年

本朝分省人物考

卷八十八

十六

河南五李郁

杜門養重好周貧恤寡為德于鄉外事一無所與惜不能盡竟所施云

人物考卷之八十九目錄

河南彰德府

郭資

石璞

蘭從善

翟政

周晟

劉潺

李和

李顯

徐憲

樊凱

崔陞

李鎰

賈錠

崔銑

張士隆

馬卿

本朝分省人物考 卷八十九目錄

張衍瑞

王勳

葛覃

郭樸

李秦

王邦直

河南衛輝府

邢冕

靳義

郭欽

馬英

周鳳

王嵩

李文泰

原潔

劉璋

陳暉

陳玉

馬龍

李光幹

潘鐸

李可登

劉珏

蔡揚金

陰秉場

河南懷慶府

郎敏

蓋霖

劉幹

王黻

王懋

何瑋

劉涇

本朝分省人物考 卷八十九目錄

本朝分省人物考卷之八十九

河南彰德府

郭資

郭資字存性彰德府武安縣人自幼志氣超羣弱冠入邑庠從師受春秋有所造就洪武辛酉入太學甲子領應天府鄉薦明年乙丑進士初爲戶科庶吉士改戶部主事丁外艱服闋實授本部湖廣司主事吏不容奸聲譽頓起陞都察院左僉都御史無何尚書郁新以才薦之授前北平布政司右叅議蒞事之初卽以本司弊政爲言 太祖嘉其忠直陞本司右布

本朝分省人物考

卷八十九

一

河南六

劉九

政資悉心殫慮贊佐有方不數月陞左布政使精勤詳慎紀綱大振豪猾歛跡良善獲安時 成祖在藩邸尤愛重之資有所言無不聽納及起義靖難命資城守撫輯兵民供給糧餉百費所需未嘗乏誤嘗以漢蕭何擬之 成祖卽位論功召陞戶部尚書 賜白金文綺楮幣視諸伯未閱月以北平重地命掌布政司事未幾 詔建北平設行部拜資行部尚書資以北地軍民初安生業始遂而官司所費冗濫當樽節以恤下乃惓惓以祛弊舉廢爲務或有不悅而謗資者 成祖聞之降勅樹諭益以心膂任之滿考賜

宴內廷頒勅獎諭歲辛丑定都北京革行部調資戶部職務叢勝資勤以率下百事修舉 仁宗嗣位加太子太師寒義夏原吉數短於上謂資偏執妨事且病令致仕 上意不然間以語大學士楊士奇曰

先皇興義旅一切軍需糧餉皆出資調度及吾昔居守甚得資力其人亦才且誠今必如二臣請是吾危則任人安卽棄之吾誠不忍士奇對曰故舊無大故不棄此 皇上盛德顧資疆教人不得干以私但

詔勅所蠲租稅資必責有司依歲額徵此過之大者誠如二臣言然耿介守廉非衆所及 上曰吾在此

本朝分省人物考

卷八十九

二

河南六

劉九

復有原吉與同事彼雖偏執莫能行也已竟罷政事賜璽書歸武安資歸 上念之不已間謂士奇等曰無使大臣怨乎不以資其謂我何 命戶部給半俸復其家 宣皇嗣位詔起資爲戶部尚書免朝謁資視事勤雖大風雨不避僚吏敬憚滿考 賜宴於禮部獎以勅書譬資如歲寒松柏愈老愈勁其優待隆厚若此宣德癸丑十二月疾劇屢言蒙被 朝廷重任無以効報爲愧切切訓諸子及孫當感恩思報不及家事以卒年七十三 上深悼惜爲資罷朝遣禮部尚書胡濙賜祭勅工部製棺營葬贈進光祿大夫



松國湯陰伯謚忠襄官其子佑為戶部廣東清吏司主事卒之日家無餘貲公卿大夫皆往哭弔致奠祭自始仕至老家視國事凡所施為毅然自任不畏強禦怨有弗避害有弗辭與人辯論嚴厲之氣見於辭色而推之於政略無害人蠹物之心所居在馬莊村類垣樸舍未嘗治第府城故人稱其有守云

石 璞

石璞字仲玉臨漳人永樂庚子鄉貢入太學初為監察御史宣德中遷江西按察副使按察使山西布政使璞剛介有治才所在著稱在江西時民娶婦三日

本朝分省人物考

卷八十九

三

河南六 劉光

矣婿婦往拜其家婿先歸婦後失之徧索不獲婦翁訟婿殺女婿不勝榜掠自誣服云棄尸前塘中官使人求之果得尸獄成獨璞疑曰殺其人而棄尸非深怨者不如是也彼初婚方燕好胡乃爾爾乃齋沐夜焚香祝曰此獄關綱常萬一其婦與人私其夫既受汚名又枉死於理安邪夜夢人贈一麥字璞思曰兩人夾一人也獄有歸矣比明械囚首令待時行刑囚未出璞見一童子竊向門內窺璞令人召入曰爾羽客胡為至此得非爾師令爾偵某囚事乎童子大驚吐實果二道士素與婦通見匿之棉麥中江西人號

日斷鬼石在山西時議修堯廟一夕大風拔木積廟前皆棟梁材後進工部尚書正統戊辰河決滎陽經漕濮至陽穀入漕河潰沙灣東隄入于海命璞治之河決口塞明年己巳處州盜起命璞討平之景泰辛未也先寇獨石命璞兼大理寺卿往璞充餉勒兵修垣守險 康定帝賜璽書曰爾忠勤善謀素為邊人

信故爾事平進太子太保改兵部尚書丙子湖廣苗叛奸民李珍魏玄冲往為向道引之寇掠作讖文于湖湘訛言日騰民用大擾又命璞往璞以計生得珍玄冲檻送京師苗平還治部事數年致仕天順庚辰

本朝分省人物考

卷八十九

四

河南六 劉光

英皇召大學士李賢謂曰石璞純臣也聞其尚健然貧為我以璽書召來至京師 上召見文華殿璞服素袍繫角帶入 上曰吾賜爾緋玉敝乎璞叩頭曰臣平生以孤忠奮無結納今臣自分填溝壑矣詔至臣自知亡他途必臣有罪當誅遣耳 上說是時璞微贖乃命掌南京都察院事成化初致仕歸五年卒初璞在山西時其夫人與諸僚妻燕歸慍曰彼多金珠綺采吾布裙襖甚不稱布政妻也璞曰爾何坐曰席首日使吾墨于憲汝安得居此座且吾素不以妻子故宦彼金珠綺采者後欲居汝席得乎明年

其夫果有以墨罷者自大司馬歸彰德買田百餘畝  
貧不能治第爲別業于高平渠南但傍岸作屋三楹  
卑甚且闔屋左茅舍垣內僅一畝有安陽人自典史  
歸璞往其家盛治具几上陳銀器前列金杯十餘璞  
見之問曰爾宦幾年曰未一考也曰胡歸乎曰刁民  
誣吾貪奪職曰使吾治爾爾焉能還鄉里哉拂衣出  
其廉介性成若此

蘭從善

蘭從善字從善磁州人山東陵縣教諭遷揚州府學  
教授 宣皇爲皇太孫志慕堯舜 文皇擇天下名

本朝分省人物考

卷八十九

五

河南六  
劉汝思

儒輔之中選者毋得拘階序從善召授翰林編修與  
王值錢習禮十五人日侍講讀從善行端貌重所論  
上皆帝王之道閱十年從善遷贊善 宣皇爲皇太  
子從善自侍讀遷洗馬 宣皇嗣位同事者皆遷顯  
要甚者卽拜尚書而從善獨與王值留滯不調遷者  
得志逞氣勢焰赫赫從善日坐東閣中細書暇則取  
秘書讀遇休沐與柳巷公載酒郊遊覽勝賦詩意泊  
如也又數年以久次遷學士 上方擢學從善以舊  
臣見信用每進講多鄉音 上曰久宦不改其素從  
善其君子哉年七十援例求謝事上慰留之又四年

乃得請還郡而卒

翟政

翟政字以德安陽人少穎悟越人同舍生傳萬學士  
詩義數百篇甚珍愛每夜俟諸生寢始出而誦之政  
立戶外竊聽盡憶景泰甲戌舉進士授大理評事晉  
山西僉事李都御史者嘗坐事 詔廷臣案之廷臣  
下政勘政以實報都御史幾失秩吏部汰省府官都  
御史署政考下下曰雖任風憲亡能激揚遂罷政政  
不能平曰上官過固當覆如欺君何古以忠賞今罰  
吾忠吾君安得聞遂 奏辯 詔令致仕政歸貧甚  
本朝分省人物考

卷八十九

六

河南六  
劉汝思

周晟

周晟字德明安陽人也始生之夕其祖夢一儒生趨  
而揖之祖曰是孫他日必以儒興吾家既能言卽穎  
敏如成人爲文章卽有理趣歸補郡庠生甫一歲卽  
領河南鄉薦時年十九也甲戌登進士第拜廣西清  
吏司主事又三年奉 聖書審南畿重囚天順中推  
永平知府在任七年陞湖廣右叅政歲辛卯丁父憂  
服闋改叅山東政乙未就陞按察使於山東丁酉晉

江西左布政使觀政刑部時大司寇尚嚴毅屬官少  
 當其意者獨晟所分因引審未嘗有所反異其所為  
 獄辭往往得事情合律意用是大為稱重具疏留為  
 本部主事前後有所平反全活者甚眾然未嘗出法  
 外以邀譽出守永平政尚寬大尤留心民事聞屬邑  
 有不種二麥者親為勸課之民始得享其利民間子  
 女有貧過時而不婚娶者諭富戶出財帛資之一時  
 婚配殆盡晟出自刑曹於治獄尤其所長郡中積年  
 冤滯一一為之伸理民有水清鏡平之謠及參湖藩  
 所至刺舉惟當凡利民事不擇劇易視其力所及而  
 為之改山東其所施為略如在湖藩時既長憲臺發  
 摘奸伏幾無所容然嚴而不苛論者以為得憲體其  
 施為大略有如此者事母極孝待諸弟更友愛人以  
 為天性夙稟抑復得之家學云

劉 潺

劉潺字宗瀾安陽人天順丁丑舉進士授刑部主事  
 四時着布袍出止乘驢湖廣都御史翁世資與都指  
 揮訟 詔潺往會御史焦顯治顯欲歸獄于指揮潺  
 曰如公言何名為法卒坐世資遷郎中京師有兄弟  
 爭襲者各重賂累年不決至是賂潺潺持金白于司

本朝各省人物考 卷八十九

七

河南六 劉汝奇

寇乃竟其事晉浙江叅議進士盧某暴其鄉潺案問  
 除名再改陝西鄜民寇氏關中大猾也部民寇扁頭  
 與其祖適戌者寇扁都名相近遂竄軍籍潺閱籍疑  
 之卒驗實軍歸寇氏遷叅政再遷四川布政使却宜  
 慰楊氏金召為順天府尹道出褒城流民入蜀就食  
 守關吏不許潺令弛禁遷都御史巡撫遼東弘治初  
 致仕歸自課童僕耕時兩子舉于鄉日校授諸孫所  
 誦書春秋祭墓必泣諄切質直無華言雖幼賤與均  
 禮弘治乙丑疾革遺命母于恩澤作墳擾鄉里卒年  
 七十有八

本朝各省人物考 卷八十九

八

河南六 劉汝奇

李 和

李和字本中安陽人天順丁丑進士授吏科給事中  
 嘗論事忤旨廷杖幾死遷都給事中通政司叅議右  
 通政每居一官積年不徙成化末李孜省以左道進  
 而大臣競樹黨中官梁方等用事最後萬喜有寵士  
 夫躁進者與相結納朝合夕遷和獨以靜正淹滯有  
 齊姓者閔和久次謂曰公常恬如將俟河清邪今諸  
 貴人亦素敬愛公特二帕贊造請食頃耳而卿佐可  
 得時乎可隨而不可與之亢也和謝曰吾譬之屨黑  
 髮守節皓首乃求聘乎退謂所親曰吾見附人者有

害亡利是時有郎中素結倡優進欲爲通政乃傳旨遷和爲南京戶部右侍郎以彼代和至戶部六閱月而卒和豐貌恢量雖倉卒言色罔躁喜愠莫顯然內含獨朗於事低昂及人賢不肖不失分寸父光道得痿疾彌年和自奉養躬上溺器久益虔儉薄不計生產子華少好俠稍侈和每責之曰由奢入儉難爾少耽安閒老必辛苦論者稱其不競不激含光蓄景如澄潭無波珠玉自瑩時以爲確論云

李顯

李顯字道彰安陽人成化丙戌進士授翰林院檢討

本朝分省人物考

卷八十九

九

河南六  
文汝德

事 吉王後拜長史再改楚府弘治辛亥卒年五十一顯介特有志不輕下人凡舉進士者即圖陟顯要富貴可致而顯終身留藩邸當選授時多稱病避或託貴勢請免顯曰士筮仕即擇便利邪必如公等顧令王孤立乎往就選在楚府放逐豪猾官田稅改令謹厚者掌奸人訟指揮于其受賂顯直其罔某夜持金謝顯叱却之顯居鄉時歲太凶日以糜藥給饑暨病者在楚歲又凶出俸金寄親戚少與張文友文死顯葬之事其兄如父時人稱焉

徐憲

徐憲字振綱安陽人成化戊戌進士授松江府推官松江天下稱饒而民頗狡憲以約已推誠爲治民稱之曰徐青天有盜牛者以火刀更其角莫辨也憲令縱牛入野牛奔王家闌中乃治盜罪入內臺爲御史出按甘肅番貢獅子憲令守關者勿納上疏言獅子異物受之則夷生玩心況日食牛羊百夫杠之昔武王受獒召公戒曰細行能累大德往者夷貢獅子受之故敢再貢彼蓋窺我好尚矣却之便時例贖徒者并贖杖憲上奏流之罪三贖米四十石而止雜犯死罪不踰五十石今增贖杖法則三年者米至四十五石矣是雖輕於死而實重於流也憲以親老謝病歸天池卒年五十一

本朝分省人物考

卷八十九

十

河南六  
文汝德

樊凱

樊凱字大振安陽人少給役至縣令見其狀貌驚令學凱長身玉立美須髯成化初選尚 廣德公主凱與周景同鄉凱慕景爲人襲其行事景傾心與友凱亦能爲詩成化丙午命統禁兵日介胄升殿侍衛正德初劉瑾用事自公卿以下莫不折節而凱獨不屈嘗曰凱幸託主爲朝廷肺腑戚縱自輕柰辱主何所統卒王某者瑾鄉人也有心疾凱數掠治其知瑾惡

凱正值瑾出東華門將升肩輿其稱冤狀列凱受禁卒金且多私役者遂罷凱侍衛凱善論事有康濟心河間諸郡民貧苦於繁役生子越兩人即闔之每歲終禮部納用數千人不與者猶數千入部中譯自尚書以下反避匿凱曰此已無家故志意蘊憤誠得發遣使事藩王嚴禁後勿得闖不二年此患遂息論團營軍曰軍大半私役矣不即受錢代人役或負擔以生遠操弱弓敗矢取具臨時食頃罷一日有緩急非但不可賴亦不能集宜於都城東曠郊指揮以下將兵官各立保伍毋得他出給兵符為信且守且練有

本朝分省人物考 卷八十九

士

河南六

崔陞

崔陞字廷進號南郭學者稱南郭先生其先樂安人也後籍安陽童時會父失官貧甚日一食然猶糲也而於書顧益攻成化乙酉舉于鄉己丑登進士拜都水主事改武選以父憂起改主客又以母憂起武選擢職方員外郎出知延安府陟參政厥歷中外凡三十餘年陞既以蓬華力致青雲巨才洪識遠越倫輩而水蘖奮勵無殊寒約遂能輝前裕後慶流于子孫

至今相人訓學誨德必曰不見南郭公少時貧邪今人凡少貧至貴顯必焚而陞主客時番人有踰額以請者業賂鈞樞者許之矣日趣上議而執弗僉名番人夜持玳瑁奇香各十餘斤餽斥之出且聲其事遂寢雖歷三部階五品然僦屋而居兢兢如少時出則一瘦馬青布袍耳僮日出拾馬通淑人李雜儲薪手爨之先是星變求言與餘于蘇章同奏陞闈于政妖僧盡惑拔芫憐壬竄逐忠良所致又言兵部尚書王恕今之伊傅不宜置之南京奏入不報而他言者或頗及宮禁秘密 上為之怒於是書言者六十人姓名于屏擬升則絀其級不則遠惡地於是吏部故遲之 孝宗即位乃有延安之命邊郡瘠耗習猾而俗夷至則立規畫固扇鏞謹簿書節浮浪省遊宴公暇則親植菜私園乃清疆場覈徵稅平徭役鋤豪橫招流逸墾荒田實廩庾葺廢墜療疾疫敦行布惠黜邪崇禮興學誨徒咸鑿鑿名實先是成化末郡大饑民大半亡漢中山谷中陞蒞郡復者十六七會屢豐斗米數錢耳嘗見宜川知縣唐來馬鞍驚曰鞍如是華邪廉其價近百金日有一鞍百金者邪遂收按之果盡獲其貪狀又杜文祥者延之巨猾每大言曰崔誠

本朝分省人物考 卷八十九

士

河南六

好然貧官也聞其自少貧吾起大獄必使之不窮意聞之必通其關節而佯若不知者已而以殺人專致于理鞠之罪不至死遂生之議者謂其內明而外容剖大決難靡動聲色而不知履堅秉貞識體負器自郎署時定矣在郡七年擢四川右叅政弘治丙辰監營壽王宮於保寧役者數萬人費覈而力舒戊午逆申王于境民無擾者人稱之行部勾稽既詳顧又喜廉臧否與僉事曲銳齊名蜀人語曰崔叅曲僉屹如雪山嘗如松茂得暈疾久弗愈已未秋遂致仕歸三十年卒陞恭儉出于天性少壯隱顯一致故能芻

本朝分省人物考

卷八十九

十三

河南六

蔡蔬糲文錦布縕輪與蓬茅器無飭銀服無裁綺家居檢書課農灌漑花竹年踰八十則日焚香靜坐精神內瑩聰明長存出入不杖卒之日顏面猶生也雖天畀之以遐齡康祉然而祿位未極議者每有蒼生之憾云

李 鏊

李鏊字時器湯陰人天資穎敏氣宇端凝成化壬辰進士授都水主事管河臨清改作板閘又緝內使私鹽數萬引沒官復除刑部遷員外郎郎中奉命賑山西饑民多活流民有爲盜者鏊入其巢諭還本業開

渠灌田萬頃民刻石頌德權鴻臚寺少卿諫罷鄧常恩廢職及毀西山戒壇弘治初數上言便宜再擬巡撫會有沮之者遷南京太僕少卿再遷光祿卿削冗濫之俸抗章數工部器具窳薄耗財無益遷工部侍郎虜入榆林命兼憲職治餉虜遁還朝言十事且謂外攘宜先治內今盛齋醮嗜燕游寵他技以雜金紫畜異禽以糜梁肉此好漸長恐遠人偵伺以順逆邊方觀視以勤惰命山東漕上言塌城之壩毋毀沈河之塞毋通浚泉疏水漕利可復邊城奏密雲將有虜宜備之 上曰非鏊往不可召至榻前諭旨鏊始至

本朝分省人物考

卷八十九

十四

河南六

簡將廣儲已乃治壁壘飭器械守險隘梁溝澗墾荒田疏河流悉有成績 上謂司馬劉大夏曰鏊果善幹國者正德初遷尚書劉瑾用事惡先朝大臣不附已遂致仕瑾誅詔起還部加太子少傅四辭乃允是後倭幸益雜修建大增鼇山之戲內苑之供造軍器繪綺豹房僧寺鎮國延壽凝翠太素知殫刻畫色累金碧文石采瓦窮麗極奢隱憂顯諫未嘗遠已也 內宮災新作之鏊雅有心計量物平價擇舊成新費省而工堅諫疏歲數十上其曰漢文之賢罷露臺而著隋帝之敗開汴河而致益民所有惟財與力力竭

則懟財散則叛今亡微已顯可又促之屢請停他營併成內宮 上或奪俸示譴或間從一二太監劉養監各工鏃與議不協而叱之養素寵貴泣懇于 上前直鏃不究嘉靖改元年七十有五曰吾在先朝義不可去今 聖主興遺賢進吾納祿讓能此其時乎歸來八年春秋祀墓外靜坐觀書不出戶庭不燕飲無音樂蓋天性節約至老不渝云卒年八十二謚恭敏

賈 鉞

賈鉞字良金別號東林安陽人幼有奇質刻志苦學本朝分省人物考 卷八十九 河南六

弱冠補郡庠弟子員成化丁酉領鄉薦戊戌聯舉進士授知山西汶水縣汶水民健訟至則務以德化遠近帖服甫三載以賢能被剡薦召授監察御史行囊蕭然民有包老之稱老稚遮道悲號不忍捨去居臺未幾即巡中路風裁粟粟盜賊逆息丁外艱奔歸哀毀踰禮服闋按遼東有都指揮李姓者久橫不法首劾之武弁震懾而邊地蕭然再按兩浙值溫處礦賊陳廣等搆亂勢焰甚烈不避危險提兵勦平之捷報上有彩幣之賚弘治壬子擢福建按察僉事時建寧礦賊猶溫處奉 勅兵備其地一方以寧遂擢憲

副歷山東憲長左右布政使憲度嚴明德意誕敷在有聲而清操益至正德壬申晉巡撫陝西等處地方兼贊理軍務丁內艱聞訃即日歸時逆瑾恣橫織羅百司以直慙不阿坐事罰米千斛輸邊傾家償之畢事懼他禍遂乞休情極迫切再疏乃俞瑾敗銓部累起辭不赴 世宗初詔晉秩二品階資善大夫逾年卒享年七十有六性資沉靜器度宏雅嘗以矜莊自持自外觀之貌若遲鈍及其臨事毅然有為雖甚難處者無不曲中厥歷中外餘三十年始終一節不少渝其居林下十有六年自處一室無媵妾暇則課子讀書惇行孝弟絕口不及時事物論高之本朝分省人物考 卷八十九 河南六

崔 銑

崔銑字子鍾更字仲是安陽人父陞仕至叅政廉靖有聞母李淑人之娠也芝產門闌及誕夢蛟龍驚寤而生啼聲洪亮風骨岐嶷見者異之五歲口占成誦稍長博極羣書講太極圖通周易弘治戊午年舉於鄉庚申入太學祭酒謝鐸歷試稱首大奇之壬戌會試又不利乃與三原秦憐馬理諸公相友約明經修行母慕高虛母溺訓誥母勉詞章母蹈利各其志毅然以洙泗為師乙丑舉進士改翰林庶吉士正德丁

卯授編修預校實錄戊辰會試爲同考官執欲私其子以託銑銑不可竟出他手時關瑾竊政囚戊元老奴僕端揆銑與修撰何塘見瑾長揖而已瑾怒謂其黨吏部尚書張綵曰翰林白面後生輕薄如崔銑尤甚欲重罪之綵不可塘謂曰吾兩人不可易節對曰銑安義命久矣是歲實錄成瑾僞傳上旨史臣未練政體各陞俸一級調部屬州縣銑改南京吏部驗封司主事部歲儲縱糧長易羨惡銑齋出之糧長賂請權貴固執不可尚書謂曰爾謫僊也何苦爲此對曰何勤非忠孰忠非分竟格姦庚午瑾誅召還史

本朝分省人物考

卷八十九

七

河南六

館辛未會試再爲同考官時輔臣治文藝銑上書勸以及時悟主救民薦賢理財強兵母事瑣末懇懇千餘言癸丑冊封周藩歸卻厚餽還京掌廷試卷充經筵展書會御史王廷相下獄瀕死亟請執政曲拯出之丙子充經筵講說官啓上以擇相輔德納誨去讒頑戒逸豫時權倖錢寧錢安廖鵬在側大銜之各歷三考晉侍讀丁丑春罷經筵引疾求去少傅梁儲素重銑固留之乃三爲會試同考官竣得歸稱觴二親時父母年皆八袞餘矣已卯作後渠書屋董耕授徒刪定二程遺書作郡書世廟卽位輔臣諫官

交薦起修武廟實錄以備經筵癸未講論語開陳治本啓沃懇切尋擢南京國子監祭酒銑開誠心崇正議明教條嚴祀事獎僑彥警輕惰諸生朝夕問難銑嚮答不倦周貧佚老問疾賻喪士林大說逸尹梅繩南謫時友也抗瑾奪官貧且卒矣其母自鬻書屋銑分祿以養爲治棺斂甲申議大禮銑抗疏勸上勤聖學辯忠邪以回天變自分必被逮已而報休銑曰天恩蕩覆見老父幸矣諸生愕然如失怙恃銑歸囊無江南一物惟携古書數篋因自笑曰人言金祭酒我今若水矣公卿及諸生送者千餘人從而渡

本朝分省人物考

卷八十九

六

河南六

江者又數人銑乘醉登舟歌曰故園菽水知堪養提徑南山保未曾歸見父愉愉如也日讀書沮上折衷羣言四方來學者衆或持厚幣來學悉却之每教以研經飭行曰道在五倫學在治心功在慎獨丙戌罹父艱哀更甚於母時著松憲寤言中庸凡演大學全文又著士翼政議中說考文苑春秋家居十六年初號後渠繼又號洹野已丑立皇太子上慎選宮寮起銑詹事府少詹事兼翰林院侍讀學士少師夏言政殿過談夜午忘歸贈句有一字不曾通政府十年始得見先生尋進南京禮部右侍郎庚子署戶部



篆清耗厘弊進賀 萬壽聖節部例公牘悉拒不受  
時有風霾之變銑自劾 溫旨慰留冬過家疾作杜  
客調攝著讀易餘言辛丑病不克南行議乞休未果  
病劇卒年六十四銑博學善談從遊者多所感發門  
人如吏部郎中王與齡輩皆日依之不能舍去計聞  
上遣官治塋諭祭贈禮部尚書諡文敏所著書多  
行於世天下學者惟稱曰後渠先生

張士隆

張士隆字仲修安陽人弘治乙卯舉于鄉卒業太學  
春試不利三原馬理集友講學期以明經修行甘慕

本朝分省人物考

卷八十九

九

河南方

高空母溺詰訓母脫辭母陷利與名其志以洙泗為  
師士隆獨持議曰諸君日端默寂戢可謂能閑其心  
矣要須干事為驗其實身與世為二理與事相乖非  
聖人合內外之道也已而士隆還安陽乙丑舉進士  
授廣信府推官晉監察御史光祿卿李良素諂事少  
師洛陽劉公得美遷又以女字少師孫時少師以諫  
為劉瑾所逐良詐言女死乃他適仲修上疏劾良良  
坐罷癸酉巡河東鹽法運使劉瑜貪而有與援士隆  
劾罷之豪右肅然欽手鹽法大行又以其暇建正學  
書院鑿青石槽開茅津皆為大衢甲戌內宮災上疏

曰 陛下前有逆瑾之橫後遭薊盜之亂既不知警  
方且興居無度臆近非人積戎醜于禁中戲于戈于  
臥內徹夜燕游親信內臣取貨于外又扣軍糧皆名  
進貢織造龍幄科害靡極鄙猥無聞使之巡撫納銀  
指揮授之政事盜伏而虜發民竭而兵罷守法御史  
如劉天和則就逮張璞則死詔獄間聞之苦禍機之  
蓄皆不知也今宜痛懲前弊更宜克慢絕淫早朝親  
政講官說經師保論道究精一之傳考典亡之故以  
表天下哀衣博帶之雅孰與市井狡穢之羣廣厦細  
旃之樂孰與邊徼凶危之隊不報巡按鳳陽織造中

本朝分省人物考

卷八十九

十

河南方

官吏宣醕酒作威以大括財荷黃挺二日賜棍有拒  
令者杖殺自都御史以下都不敢禁士隆疏言之且  
列其賄若干還京守道事有張順者京大猾也隨中  
官守雲南歐門子死潛回京避之雲南巡撫移文逮  
之急乃出官以二隸押送至桃源重貨二隸竊取准  
上病丐斃之二隸告順死勘實給文歸已三年矣士  
隆開案疑之密廉之數月果得順坐殺二人罪時錢  
寧大有寵賜姓朱廖鵬附之初鵬以中官廖堂為兄  
守河南鵬凶殘積金帛如山既敗又以鸞為兄鎮守  
陝西而其子鐙用事二廖名振京師傾財結納自師

保元臣相與接席酣飲士隆率其寮疏其罪且曰堂來鸞往兄甫罷而弟嗣任鵬內鎧外父制中而子擅利鵬毒河南已起內盜鎧毒陝西必召外虜朝廷豈無他才專用一家兩省亦有何罪日受百害耶鵬寧大恨罷職御史薛鳳鳴以殺人被逮又夜自殺二婢子置朝門外懷謀訴其冤鳳鳴素事逆瑾當案者卽遜去累年不決都御史幸庵彭公以獄付士隆及御史許完掠治取服鳳鳴知事急貨錢寧以其妻女往要之寧受鳳鳴愬爲上奏乃下士隆及完獄閱七月士隆降判晉州完判定州已而士隆陞知州嘉靖本朝分省人物考卷八十九

本朝分省人物考

卷八十九

圭

河南方

士隆論之曰汝能擒賊卽汝功吾賞若否則吾率軍焚山是二者禍福汝何居主見士隆備飭語直皆叩頭曰幸公活我居數日各獻賊士隆又取賊主怙惡者十家破滅之歲遂大安乃堰響水溉田千畝立隄防溢又修雲霧水未成而卒安陽崔銑痛惜之輯其行實志之甚備

馬卿

本朝分省人物考

卷八十九

圭

河南方

馬卿字敬臣林縣人也父圖沁州知州卿少而穎敏甫十齡圖示以經書大旨旣曉析已摘文清峻弘治初年十七舉鄉試兩試春官不利卒業大學時臨清王佑以貢至卿察其博覽有行遂借張士隆田汝籽輩講易於王氏十八年會試中式入對大廷策問道未行法未守卿答曰政事之柄握於司禮刑法之權移於厥術益切中時弊云大學士劉健覆閱卷奇之改庶吉士正德二年授戶科給事中六年同考會試未揭曉禮部移文內簾主考學士靳貴奴洩試題於常州舉人某某受千金主考劉忠驗號一人中式比填榜黜之曰用戒黷貨者已出院卿疏請究之竟坐奴罪一舉子克吏貴大愧恨吏部遂以卿爲大名府知府時蘇盜大亂大名戎馬充斥又值凶歲卿至郡

修城浚池礪器募兵以令陳智教諭陳惻為總領親閱能否大彰賞罰人思奮力東明小邑賊攻圍十有  
 二日不拔遂去相戒勿入郡中卿復請留運米若干斛  
 採荒得報自散之無餘侍郎王某掌賑濟怒卿之專入境見道樹不伐民安不流乃更稱其才初遼東  
 甯杲自御史陞僉都御史已除名潛居京師厚賂閣承求復官擒賊永諷諫官薦之卿適在工科同官有  
 及之者卿奮袂而言曰世果無人寧用鴛如卿者可也畿內可復令渠壞之耶已而傳旨復杲僉都御史  
 巡撫真定并討羣盜杲必欲中卿以危法至大名摘本朝分省人物考卷八十九河南六  
 疵索癥威脅語侵卿不為動亦無從得聞乃令供軍需二千金卿謂必得印信公移乃敢發卒如請十年  
 進浙江按察副使溫處兵備孝豐湯氏作亂莫克平者卿至上議曰湯氏自知罪大不赦無一日而忘死  
 則為備必深凡孝豐在官者皆與通我有作彼必知之今糧差不及孝豐湯之故也豪右名曰讐之實欲  
 存之以便已况法弛綱頽民畏湯如虎而眇官如羊夫千里襲人情必先露山路險狹如鼠鬪穴林木蔽  
 翳可以設伏彼安居以待我竭力以攻或遭連雨勢難持久皆我之所忌也然度彼之勢敗形亦多負險

固守聚而不散則可圖拒命假息多疑少決則可劫素雖桀驁未見大敵則可威收召豪傑引結讐家明示利害公出刑賞則可用榜諭謀說降赦誅我威  
 既振彼思自脫則可離皆彼之所忌也夫用兵者不以短擊長而以長擊短則兵未接而勝已定矣時不  
 能用及改山西提學轉參政時晉國發喪妖民張鉞欲乘虛取會城張旂舉號卿先知之有備鉞不得發  
 御史不然後行部為鉞黨所攻幾不免乃大索賊忿將多戮卿又從容開釋無辜者甚眾嘉靖二年進浙  
 江右布政使中官張志聰吳助造幣于杭自擅權利本朝分省人物考卷八十九河南六  
 又縱行頭色料既不中程而挾金以逋十年不訖工卿蒞之乃與御史歐珠協心裁抑檄杭守查仲道以  
 平價易色料於商他無與也中官奏卿及仲道抗違新命凌忽使臣有詔逮卿及仲道詔獄治卿及仲道  
 各引為已罪珠疏救卿謫鶴慶知府珠仲道亦坐降調卿歸省親會友飲燕甚洽久之適當別笑語之日  
 丈夫志在萬里如雲南直履堂與耳至滇見鎮守中官不答禮卿立而言曰吾不過再繫而已矣中官改  
 容謝過鶴慶民樸而士少文卿推誠布化抹撤煩苛均徭平賦通道水利漾江西至登和地亢而藉潤枯

樺抄濟詢之士人云惟麗江可疏而灌之然異境民私之而壅其流卿乃移文麗江委官作漾江堰高丈許濶如之沿江鑿渠深濶幾丈旬日而就暇則教誨生徒講授大學中庸又諭之以文曰古之學者首之六藝近事也繼之六行崇本也至六德考厥成矣今習課試之文科第爲志官祿爲功及幸一第筌蹄盡廢名曰舉業之弊綴砌爲文借偶爲詩拾古人之餘做一生之力不足以覆瓿名曰詩文之弊晚宋陋儒浚伏羲之畫轉濂溪之圈不反身心但求毫楮今又噉其糟粕以自迷名曰理學之弊宋之四子翊道之本朝分省人物考 卷八十九 三五 河南光

汝恩與汝之受朝廷者厚不待較一旦反噬何難麗江人欲得汝之處者何限顧畏朝廷威鎮之且朝文不有其君與其兄何有於戚即事成容能處汝下乎君乃北面而事之乎沐公感泣出兵二千往援會城滇人曰麗江兵故難調也由是二酋失助瓦解矣七年正月遷雲南叅政再遷按察使委勘平蠻功過當實當道器之御史劉臬薦卿宜亟召還貳六部贊國大猷巡撫大同蔡天祐薦卿自代謂卿氣量可以消反覆才畧可以理紛結不報明年轉福建右布政使尋進南京大僕寺卿丁外艱十六年服除起光祿寺卿遂擢右副都御史總督漕運巡撫鳳陽地方卿至淮會漕塞議者紛紛謂復海運開濟汶卿謂六月無漕京師困矣姑紓目前之急乃疏黃河故道而固隄毋令走洩未幾漕利上錫白金綵段奏除淮揚軍餘無田子粒凡若干兩又請餘置并鈔關銀賑濟僅畢事而卒年五十有八

張衍瑞

張衍瑞字元承河南林縣人也舉弘治十八年進士明年爲正德改元授清豐知縣以勘事執法爲逆瑾所惡矯旨下詔獄楚毒備嘗瀕於死者數矣瑾誅赦

出歷陞吏部文選司郎中十四年 毅皇自榆林還復欲南狩時寧藩蓄逆上下以為憂大臣科道交疏留不聽江彬輩又從史詔以三月壬子駕出衍瑞曰即畏罪不言寧不為宗廟朝廷慮乎乃抗疏率同官六七輩赴闕上之大畧言巡游費財動眾寓縣騷然而隱憂伏禍且不可測 上不允明日諸曹屬各上疏諫前後百有七人詞益亟切 上怒罰跪門五日而京師忽風霾晝晦禁內海子水溢高四尺許橋下七鐵柱折有金吾衛指揮張英者以是為變之明驗乃內袒戟刃于育以 諫 上大驚詔諸言事者各

本朝分省人物考

卷八十九

三七

河南六 劉汝思

杖三十倡之者謫外衍瑞得平陽府同知 世宗即位召復原秩尋擢太常寺少卿踰年卒於是言官疏衍瑞負性忠直兩遭困厄宜加褒恤以勵臣工詔可贈太僕寺卿仍賜祭葬廕子

王勳

王勳湯陰人少為諸生納粟入太學銓授涑水知縣慈於撫字明於聽斷眾稱其才正德初宦官用事有歸葬其親者有旨令眾闈會葬所過州縣競事奢媚勳恐厲民止備牲醴數事逆瑾聞之忿怒欲立加顯

校入縣署覘之室中蕭然惟衣帶掛壁婦子紡績爾瑾始信其廉犒以肉帛勳分給里甲一無所留詭言曰令眾感劉之惠也時優伶有進戲 御前者一鬼躍舞於途諸達官過之鬼恬不畏忽傳呼王勳來鬼亟趨避之間何故鬼曰官不要錢神鬼皆怕由是勳廉名徹於內廷矣特蒙旌獎且令吏部移文為天下諸官式擢知汾州勳堅持廉操終始如一無何去官歸里躬耕食力不履城市幾三十年始卒

葛單

葛單字延之磁州人正德甲戌舉進士令樂清三遷官至南京戶部郎中守平陽乃憲陝西單有治才理簿書詰囚獄精明立可辯吏不得為奸在樂清堪與家言建署背吉地故令無遷官者宜改治延之不從減武官濫役民遭其構不動在平陽辟盧生又辯其屬之誣皆忤上官蓋其操廉無可指瑕故遇事守法執典天性簡言笑交遊每日兢兢律身恐越繩墨論者謂宜濟之以弘裕然循其習性無變也

郭樸

郭樸字質夫世稱東野先生安陽人也生而穎特甫就外傳即開敏見奇文聲籍甚里中文敏崔公器異

本朝分省人物考

卷八十九

三八

河南六 劉汝思

之固安楊公以狀元督學中州鮮所許可至閱其文未嘗不擊節稱善也十四舉茂才二十一為嘉靖辛卯舉於鄉乙未成進士 肅皇讀其策亟稱善命金 一甲後蓋異數云尋讀書中秘授翰林院編修歷春坊庶子典試兩畿分校禮闈最稱得人晉禮部侍郎尋加太子賓客予二品服後以六載秩滿遷南京禮部尚書加太子少保辛酉命掌部事尋拜吏部尚書俱出特簡壬戌大計手詔樸慎評衆職以守令為先奉行惟謹癸亥丁外艱 賜乘傳歸乙丑冢卿虛席時未終禫 肅皇念其持衡平特 旨召用 疏懇 河南六 陶見 本朝分省人物考 卷八十九 三

辭弗獲其母以大義趣就道比入都門服既已闋矣乃易服拜命尋以二品秩滿加太子太保丙寅兼武英殿大學士入參機務丁卯 肅皇升遐 穆皇嗣服念翼戴功加少保命 總裁 肅皇實錄同知 經筵重錄 永樂大典成加少傅兼太子太傅一日忽念母春秋高迺稱疾疏乞骸骨 穆皇固不許諭留甚溫命醫視疾賫予特厚疏累上始得請 賜乘傳歸侍養樸蚤歷禁垣鬱負公輔之望一分校禮闈再與兩都試所錄士必學術經濟有裨實用毋取窾言以故得人為盛兩典銓部絕請託奔競惟以大公

行之其稱進以賢不以譽其斥謫以不肖不以毀且度地遠近才細大要使人與事相稱而止否雖權勢所主不稍假借而大指迺在惜人才捐細過母以尅核繩下嘗謂人稱銓曹為恩怨府夫亦已自為恩怨耳恩怨出於已實難自人何害故在事日人莫測其喜愠之端亦卒無能以私喜愠有加也迨入內閣受命滋益恭與同事諸臣造膝陳謀叶心圖理未嘗有所勃礙一時相業無訾議焉歸且十年乙亥丁母憂壬午 神宗念 先朝耆舊月賜廩歲賜輿隸庚寅壽八袞遣行人將命 存問加賜月廩與隸癸巳五月十八日以疾卒蓋年八十有三矣為人豐頤洪聲舉止端慎天性至孝初第時將二尊人京邸朝夕色養怡怡如也比居喪雖白首如孺子必盡哀撫諸弟篤摯仲先亡每念之必泣下視其子猶子也立宗法建祠堂以聯其族敦睦之間性尤冲澹茹蔬衣素家居未嘗高大垣屋將令後世師吾儉治二親窶有司欲大其塋制亟止之請卹賜祭具成禮而已諸子若孫皆謙冲節約望之者不知其為相君胤也當其以太宰宅憂學使者里選三子俱異等矣識其深意無一赴省試者比得謝歸角巾私第絕跡不至公府然

或兩臺蕃臬諸大夫而下式廬就訪政事所宜興釐  
輒媿媿力贊其便里人甚德之

李秦

李秦字仲西河南臨漳人人生而穎異嘉靖十三年舉  
於鄉明年登進士改庶吉士授刑科給事中尋轉吏  
科左條陳時政六事 上嘉納之著為令陞禮科都  
給事中時分宜任禮部尚書寵子蕃頗放縱納賂秦  
抗疏劾之分宜惶懼訴辯疏雖留中不報而秦聲望  
大著後竟遭中傷調倅大名分宜屢因考察欲罷秦  
奪於公論不果秦在郡聽斷明允屢白疑獄有濟民

本朝分省人物考

卷八十九

三十一

河南六  
劉光

屈際者素虐其妻妻逃去妻父告際歐死沉屍於河  
指際讐僕證其事際誣服獄成數歲秦閱案疑之密  
訪於五橋堡民家獲際妻際得開釋歲饑上官委秦  
施賑旬日徧歷十一邑給散有法全活甚眾郡守載  
之守魏錄承為荒政式陞鳳陽府同知父喪去任服  
除陞戶部郎中尋丁母憂服除補武選郎中陞通政  
司右叅議遷左通政自嚴氏專政淹滯外內二十餘  
年後竟為其黨所排歸來結廬洹上名曰知止時與  
朋舊吟咏灌蔬種芋此外無所事也卒年七十

王邦直

王邦直字國寧磁州人也生而駢脇有神力稱王千  
斤云弱冠補州學生業已食廩矣而非所好也乃學  
騎射窮諸畧有求試請纓頸繫單于之志日擐甲令  
左右奉弓刀侍自府谷歸遇虜于道發一矢不中中  
石石為之泐虜取矢視如枉駭焉遂不敢近嘉靖二  
十一年邊警頗急詔舉才勇於是兵科都給事中戴  
夢桂薦邦直於朝命詣大同贊義總督侍郎翁萬達  
與語甚驩乃延入幕府以國士遇之解衣授食分坐  
談邊邦直亦願以肝膽相歸再踰年謀報虜將入寇  
萬達使邦直同叅將張鳳率義兵五百人出塞外規  
視抵鵝鴿峪窺山上賊數十騎往來邦直感而擊之  
無子遺者復見山下賊百餘奔焉邦直與鳳謀可悉  
取殲之後者曰將軍功奇矣可勿逞竟飛騎以往踰  
谷口數里忽至大陸溝中伏兵約三萬餘騎列兩大  
翼而陣邦直激眾奮勇以矢石急擊而身自引弓射  
殺賊首賊憤合圍七重戰七日夜邦直斬虜千餘級  
會天雨雪矢食俱盡邦直潰圍而出檢義兵從者惟  
王國順一人耳邦直嘆曰吾與汝等本欲立功沙漠  
以報主恩不意眾寡不敵損亡殆盡且鳳既亡而吾  
獨存耻也異日何顏面見軍門邪遂策馬復入賊營

本朝分省人物考

卷八十九

三十一

河南六  
劉光

力竭被害虜固壯邦直環其尸相視嚙指翌日遂引  
退我軍輿其尸而歸既而有自虜中還者云諸部落  
皆悲泣謂是役死傷不勝紀自此虜數年不復敢犯  
初邦直之死也諸鎮士吏知與不知皆為盡哀萬達  
親為文祭之已乃上疏請錄恤又擬張世忠故事乞  
謚表為立祠與張鳳並祀而以李尚倫等八人附焉  
詔從之贈邦直都指揮僉事建祠以祠仍廕子化熙  
為潞安衛正千戶世襲

本朝分省人物考

卷八十九

三

河南衛輝府

邢冕

邢冕新鄉人洪武初進士任江寧縣主簿勵操清苦  
妻張氏躬親杵爨 太祖微行至其廨舍見之翌日  
朝謁特召出班嘉賞歷陞戶部郎中重慶知府皆以  
賢稱歷官都御史

靳義

靳義字原禮淇縣人洪武中以鄉薦任北平道監察  
御史正色立朝風憲得體永樂初出按北京糾治貪  
墨讞決疑獄咸得其情吏民畏服日啖蔬食禿毫髮

本朝分省人物考

卷八十九

三四

河南六

無取於下時 皇太子居守北京賜魚米以旌其廉  
且語左右曰靳義可謂真御史也陞湖廣按察副使  
以入覲卒於京

郭欽

郭欽字子敬獲嘉縣人登永樂甲申進士授行人權  
監察御史嚴毅清簡吏民憚服鑿呂梁洪以通運道  
後護軍北征皆以風力見稱於是權貴亦斂手畏避  
焉

馬英

馬英衛輝人天性狷介有志操景泰中以鄉薦任淮



女府通判九載公廉卓有惠政淮人愛戴之擢本府同知蒞官始終一致聲績益著自懇乞休雅志恬澹動循禮度鄉人重之

周鳳

周鳳字文祥汲縣人昶躬狷介不屑脂韋天順中舉進士授兵部主事歷員外郎郎中陞大平知府廉儉之操終始如一麤衣糲食如寒素士九載滿去郡人老稚擁道泣送仕至福建都轉鹽運使

王嵩

王嵩字邦鎮汲縣人也成化十一年進士授太湖知縣丁母憂服除再授青城以卓異拜監察御史嵩恥苛察崇忠厚務持大體初按遼左遼之將領弊端百出嵩悉為裁正其開原鐵嶺諸衛前按遼者多不至其地嵩遍為閱歷事事嚴明一時邊備清肅繼按江

本朝分省人物考 卷八十九

三五

河南六

右會巨盜楊九龍者聚嘯山林吉安迤南俱為騷動嵩處以方略不踰時而盜就擒事聞降璽書文綺旌之會歲稔民饑人多轉死嵩急令郡縣長吏發廩賑之所活甚眾擢大理寺丞進左右少卿指揮其母再以小孝告法凡再告者不復訊其犯稱冤不已嵩疑其母與人通而疾其子又據律有父母誣告之疑

遂駁之諸刑曹皆笑以為再告無駁者及復訊其母於囚棚下產一女舉朝歎服內府匠申能格殺人法當抵命匠迺負緣權貴得上旨與之辦理勘者欲希順上意嵩獨曰生殺予奪君上之權也奉公執法臣下之職也匠兇殺人甚慘若生者得以倖免死者何辜覆以為不可上從之由是嵩名益著十一年擢右副都御史巡撫延綏時武備久廢鎮守暴貪嵩至頓革其弊而邊務始振後逆瑾擅政求賂於嵩嵩弗從遂誣嵩侵尅官銀矯詔下獄籍其家仍戍於鄴嵩雖為瑾所誣而怡然自處不以夷險易節後四年八十四卒嵩生平篤於孝友兄三人事之甚恭所得祖產悉以讓之

本朝分省人物考 卷八十九

三五

河南六

李文泰

李文泰字時雍輝縣人成化丁酉科舉人任長清縣教諭造就人才卓有聲譽歷翰林院待詔陞榮府紀善加奉議大夫性至孝遇父母疾衣冠不解親嘗藥餌以進宗黨咸以孝稱

原潔

原潔胙城人少勵志讀書成化辛丑進士歷官戶

部郎中居官清謹嘗督大同兵餉以羨餘還所司不悅者以藥瘖其音上疏乞歸結廬草店布衣蔬食澹泊自甘邑人至今稱之

劉璋

劉璋字廷圭汲縣人登成化丙辰進士授高密縣令廉明仁恕興利除奸增學舍勵生徒聲稱茂著擢福建道監察御史陞山東按察僉事歷官右副都御史勞績弘多風紀振肅比卒朝廷遣官諭祭并營葬事纂集山東通志以才名見重於時

陳曄

本朝分省人物考卷八十九 河南六 周姓 三十七  
陳曄字文耀汲縣人成化間以鄉薦分教臨清精於易學諸士多執經受業弘治九年任池州通判清慎明敏監司優其處屯軍之宜奏調蘇州府以障水功陞廣平同知改真定任至陝西按察司僉事臨清池州兩祀于名宦子與音進士官御史歷參政

陳玉

陳玉字德輝輝縣人舉弘治庚戌進士授靈璧知縣治績稱最擢淝江道監察御史累有建白為時所重出按福建風紀大振值延寇嘯聚設機蕩平 孝宗嘉其功賜衣一襲正德初以事謫湖廣布政司照磨

旋擢令會稽陞四川按察僉事以母老求歸杜門謝客未嘗一至公府人高其行

馬龍

馬龍字道濟英子耿介有父風登弘治丙辰進士授臨汾尹有治行再補新城擢監察御史風裁凜然以名節自勵凡言行必取則於古人居親喪衰經不去身者三載其事兄尤盡禮人以孝友稱之

李光幹

李光幹新鄉人弘治己未進士任南京戶科給事中時逆瑾擅權抗疏力諫言甚切直瑾激 上怒逮下本朝分省人物考卷八十九 河南六 周姓 三十八  
錦衣衛獄廷杖革秩 世宗即位詔復原官尋陞台州府知府政暇輒進諸生躬課教之士類翕然化焉所著有定疑諸書

潘鐸

潘鐸新鄉人弘治己未進士任兵科給事中時雍泰巡撫宣大廉隅稜峻嘗縛參將李傑撻之傑有內援奏泰擅打將官罷職鐸抗章力諍泰有敢死之節克亂之才為逆瑾所忌尋以都給事中出知漢中府公議鐸之歷官浙江右布政使

李可登

李可登字思善輝縣人翰林待詔文泰之子也幼慷慨有大志居恒以忠義自許孝親信友內外無間言已為宗黨所推重矣弘治甲子領鄉薦正德十三年任大理寺司務轉兵部司務嘉靖三年會大禮議未決隨諸大臣後昌言之越明日伏闕候命眾大聲號慟徹於宮寢上震怒命執其疏首八人餘固伏不肯起命俱執下獄三日詔杖于廷各三十而可登竟斃於杖下見者莫不悼惜之穆宗馭極首褒直言諸臣詔贈可登光祿寺少卿

劉珏

本朝分省人物考卷八十九

三九

河南六

劉珏汲人以貢士任刑部照磨正德中武廟將南巡珏連疏伏闕諫止上大怒令同諫者跪於午門五日因下獄廷杖卒車駕亦不果出世廟嗣位詔贈刑部主事命有司諭祭蔭其子鈺為太學生以旌其忠令從祀鄉賢祠

蔡揚金

蔡揚金字子礪衛輝人舉嘉靖甲辰進士授溧陽知縣有惠政擢監察御史巡茶陝西嚴飭販禁增額外馬四百匹以足邊用巡按順天條奏荒政見之施行民賴全活者甚眾歷陞浙江左布政使以入覲卒於

京邸平生忠信謙謹小心周慎絕無矜傲輕倨之習鄉族以孝友稱子叔達進士官布政使叔達舉人

陰秉暘

陰秉暘字子寅衛輝人舉嘉靖丁未進士授餘干知縣有善政擢監察御史毅然風紀自任前後抗疏數十上朝紳憚之後為忌者所排謫判同州稍遷館陶知縣平涼同知歷陞陝西僉事叅議所至皆有聲績還家堅志不起益肆力於問學居常佩服聖訓紀其言行以自考驗士類推服所著有四書贅說等編六卷四書自訓歌一卷陰氏讀書抄三卷內經類考十卷

本朝分省人物考卷八十九

四十

河南六

河南懷慶府

郎敏

郎敏河南濟源人洪武七年以國子生選入武英堂紀事授監察御史九年以才能陞饒州府知府敏為治廉明有惠愛樂平縣民有詣闕訴邑大姓五十餘家謀逆者詔指揮潘某率兵往捕之兵至饒敏驚曰樂平民素淳朴未必有此請先往察之至樂平民皆耕牧如常時敏廉得告者乃無賴子素以假貸不得怨諸大姓故重誣之冀獲賞耳敏還白潘初不之信自往察視故如敏言於是各以其家長至京辨其誣

本朝分省人物考

卷八十九

四十一

河南六

蓋霖

蓋霖孟縣人有奇才洪武中由太學生任禮部主事三十六年被旨掌部事規畫建置多所裨益歷戶工二部員外郎坐事謫興濟薦授交趾同知未抵任卒

劉幹

劉幹字孟貞修武人洪武癸酉鄉舉初仕長洲縣丞清修苦節公平仁恕民信愛之比卒邑人如失父母貧不能歸民為買舟資送留衣冠葬于虎丘山側立石表其上曰劉公墩歲時致祭焉

王黻

王黻河內人永樂癸卯鄉舉授嶧縣知縣蒞政廉勤練達治體秩滿嶧民詣闕乞留上從之仍賜勅褒異後致仕歸民遮道挽留不忍釋

王懋

王懋字希昭修武人永樂甲辰進士授海豐知縣嘗入覲以治行卓異詔賜錦衣一襲楮幣五百緡仍宴禮部以褒顯之累遷西安知府

何瑋

何瑋字粹夫其先楊州如臯人國初隸河南懷慶衛籍性穎異弱冠時即已博通六經諸史討探有得於天人理欲邪正是非之辨卓有定見必欲措之踐履名重一時弘治辛酉解元壬戌進士選翰林庶吉士

本朝分省人物考

卷八十九

四十二

河南六

甲子授編修不納泛濫之交不入勢要之門讀書窮理衣布食蔬縉紳重之乙丑孝廟升遐與修宗實錄陞修撰時逆瑾專政瑋無異容自知不免遂乞休歸里瑾敗始復職辛未四方流賊起瑋上言祛賊三事時論韙之癸酉瑋於經筵直言納諫數日有旨外補同知開州為三審法以平徭役為分程法以築河堤民親戴之乙亥陞東昌府同知尋兩疏求歸

既得命乃隱居於南村四方從學者衆瑋以大學條  
 領立為訓格究解經旨常曰從此研究涵養則進取  
 自裕 世宗嗣位起瑋為山西提學副使以父憂不  
 赴癸未改浙江提學副使浙人文華靡瑋務敦質行  
 士風丕變甲申陞南京太常寺少卿署翰林院事比  
 郭學士來代有羨餘白金十斤應瑋得者瑋執義不  
 取郭以修公署勒石誌之丁亥夏陞本寺正卿秋陞  
 南京工部右侍郎署印奏革 神帛暨九庫多餘機  
 戶夫役絲料工作省銀數千是年改工部右侍郎隨  
 改戶部以官民財用虛空之由立論六篇未幾改禮  
 部右侍郎偶疾兩具疏乞歸方允御史毛鳳紹疏瑋  
 敦朴正大允宜邦禮改命在京調理再乞休致尋陞  
 南京右都御史力辭有旨致仕居家讀書不問寒暑  
 與關中呂涇野靈寶許司徒儀封王浚川諸人簡札  
 往來究辯經書性命之學戊戌母卒瑋先有足疾至  
 是袒跣在傷室廢坐立晦日不起壽七十歲瑋資稟  
 高明孝友端潔早歲讀書勵志躬行剛直不阿為文  
 浩瀚宏暢醫卜術數皆潛心通曉所著有陰陽律呂  
 管見大要以繫辭動靜有常虞廷依永和聲為正有  
 儒學管見醫學管見等書行于世

本朝分省人物考 卷八十九

聖三

河南六

劉涇

劉涇別號次山懷慶衛人少承父訓長游柏齋何公  
 之門講性命之學舉進士入史館讀中秘書者三年  
 學益進既授貴州道監察御史初奉命清戎順天故  
 事謫戍者類編發遠方歲煩清勾類多逋逃無補軍  
 政涇職清戎時胡虜寇掠士伍空虛計以寇方在近  
 且徵兵於遠而畿輔之民顧使之謫戍遠方非所以  
 實畿輔壯根本也乃疏請發戍遼薊邊益新軍而民  
 免遠行疏入報可迄今著為令時上役未休工部以  
 順天所屬積欠料價數多請兼委清戎俾嚴督輸辦  
 本朝分省人物考 卷八十九

四十四 河南六

復奏以民新被虜方急撫摩顧以數十年之逋而責  
 之一旦人將不安執政避之事遂寢其臨事敢言有  
 補國是者多類此後按滇南適沐國襲爵之後權奸  
 構煽人心皇皇沐氏幾搖至則鎮以安靜廣綏懷釋  
 疑貳約束一新故事遠方選用頗輕官不得人易以  
 階亂涇奏請視內地參用進士又念遠方文教未揚  
 民不知禮請增廣解額以作士心人咸悅服復命諸  
 所舉劾小大悉協輿論已權知鳳翔府涇念地震之  
 後民多蕩析乃加意拊循事稍煩民者悉為破除暇  
 則進士子課教之以父憂去民奔擁扶送者百里不

絕服闋補任登州如鳳翔先時遼東饑賑濟爲難建  
議者請寬海禁聽民市糴于登萊後遂聚衆商販勢  
不可止至有挺刃相戕者涇憂之上書政府恐以一  
時之權而啓異日之患市糴遂止三年晉山西按察  
副使整飭潞安兵備分巡冀南嘗與防秋駐師雲中  
八角堡時虜入犯嚴兵固守身爲長城屹不可動虜  
遂逡巡退去言者誤以前保沐國事疵之涇殊不辨  
遂落職歸涇少學於柏齋何先生已知自立既由史  
館授御史所建白率據經引理可垂久遠出補郡守  
撫民必賑其急計事必防其微既晉臬司籌邊事尤  
能身捍虜衝卒被浮論略無怨尤惟建家塾教子弟  
與朋舊吟咏自適已耳

本朝分省人物考

卷八十九

四十五

河南六

本朝分省人物考



人物考卷之九十目錄

河南河南府

蔡子英

李郁

劉淳

開濟

宋禮

薛崑

周濟

耿九疇

閻禹錫

滕昭

耿裕

畢亨

劉健

翟瑄

許進

喬縉

本朝分省人物考

卷九十目錄

一

何鈞

李興

韓鎬

張九功

王尚綱

許誥

許讚

王卿

王邦瑞

王冕

孫應奎

許論

梁震

曹端

吳瀚

補遺

齊魯

張用瀚



何濬

戴珙

李情

陳相

喬佑

楊松

董定策

本朝分省人物考 卷九十目錄

十一

本朝京省人物考卷之九十

河南河南府

蔡子英

蔡子英永寧人也元季舉進士以擴廓帖木兒薦授  
叅判累擢都督叅軍及王師征西擴廓帖木兒軍敗  
子英單騎入終南有司繪形求之檻送京師至江濱  
亾去未幾陝西又購得之械過洛陽遇信國公湯和  
不爲禮和怒焚其鬚懾之終不屈其妻適寓洛聞子  
英至欲相見子英避不肯見至京 上命釋之授以  
官子英不受退而上書曰欽惟 皇帝陛下乘時而

本朝分省人物考 卷九十

河南七

起提三尺劍削平羣雄混一四海九夷八蠻莫不賓  
貢臣釜魚漏網假息南山曩者見獲河南拘送京師  
垂及渡江復得脫亾七年之久勞動有司旣違 陛  
下又忤大臣揆之常情雖死不足以贖其罪而 陛  
下以萬乘之尊欲全匹夫之節不降天誅反療其疾  
易其冠裳賜以酒饌授以名爵 陛下之量包乎天  
地之外矣臣感恩無極非不欲竭犬馬之力以報覆  
載之仁但以名義所在不敢改其初志自惟家本羣  
布遭值亂離操戈行伍智識粗淺蒙主將之薦仕至  
知命隳焉食肉十有五年愧無尺寸之功以報國士

之遇及國家板蕩又復失節何面目見天下士所以  
寧死不敢有他志也蓋臣之仕君猶女之適人一與  
之醮終身不改昔馮道歷仕五代司馬光曰不正之  
女中士羞以爲家不正之人中君羞以爲臣偉哉言  
乎管子又曰禮義廉耻國之四維四維不張國乃滅  
亾方今金城湯池兵極其精器極其利府庫充實米  
粟紅腐國家之盛古未有也 陛下猶以爲未足於  
是興學校明人倫褒死節獎忠義蓋以爲治天下之  
本莫大於禮義廉耻也夫以今天下之廣人物之衆  
既不以臣一人而加少又豈以臣一人而加多授臣

本朝分省人物考 卷九十 河南七

以官何益於國舍臣不用何損於事 陛下創業垂  
統正當提挈大經大法以昭示聖子神孫功臣烈士  
不宜以無禮義廉耻之俘虜而廁於維新之朝賢士  
大夫之列也臣自被獲以來日夜所思惟追咎昔之  
不死以爲今日惟死可以塞責 陛下乃待臣以禮  
沐臣以恩臣固不敢賣死以市名然不敢全身以苟  
祿若察臣之愚全臣之志禁錮海南以終薤露之命  
則雖死於炎瘴亦受賜多矣奏入 上命館於儀曹  
忽一夜大哭不止人問之子英曰思舊主耳語聞  
上知志不可奪勅有司送之出塞

李郁

李郁字文燁洛陽縣人由洪武丙子鄉薦授四川中  
州訓導秩滿超遷工科給事中舉正駁違無所顧忌  
坐事謫戍五載 朝廷方有營建將取材於巴蜀廷  
臣以郁薦起掄採有方應期而集洪武改元轉禮科  
給事中尋遷光祿寺丞復出爲長沙知府賜璽書便  
宜行事宣德八年召還陞行在兵部右侍郎又二年  
奉命鎮守山東無幾持節使交趾封王還理部事正  
統丁巳丁內艱服闋調南京兵部右侍郎以疾卒於  
官遣官諭祭命有司營葬事郁有才智臨事明決多  
本朝分省人物考 卷九十 河南七

劉淳

劉淳字文中洛陽人自幼穎敏不羣長嗜學問博物  
洽聞凡天文地理陰陽醫卜諸子百家無所不窺居  
家孝友工詩善屬文築室穰中以文史自娛不求聞  
達元末兵亂中原鼎沸避地洛陽洛陽士大夫愛其  
文行多樂與遊壺觴咏歌以待天下之清 皇祖開  
基始出遊四方所過郡邑有司交薦辭不就洪武二  
十五年壬申以原武令陳義薦爲其邑學訓導時兵  
燹之餘北方學校久廢士弗知學淳循循啓迪靡聞



寒暑自是人文蔚興登科第者數人是時年尚未艾乃遽謝事以去占籍祥符治田舍為定居計杜門掃軌專力著述茅屋土垣若將終身焉維時周藩方闢東書堂延訪耆宿為世子師會有薦其學者乃禮聘就塾淳每進講必先忠孝禮義俾王遠聲色貨利以無干訓典世子庶子輩守淳之誨咸知飭檢無驕縱氣壬午右長史闕王疏薦於朝允之其為右長史也數有論諫如毀塌房酒務減省朴刑一切越禮度者咸更之持正匡輔不遺餘力雖游衍燕間弗忘規諷如中和亭熙春堂簡雪軒虛白齋悉為箴銘欲王

本朝分省人物考 卷九十

四

河南七

知所警惕永樂甲申有騶虞產於封內神后山表獻京師淳作頌以張天休端禮門夾路槐盛夏如蓋偶枯斂榦歷陳咎徵進戒於王王納其言修省虔惕枯榦復榮王乃書一牌懸於樹曰憶忠槐一日自惟曰昔人謂知足不辱知止不殆吾以衰老之年曳裾不已母乃有戾於古訓歟懇乞骸骨歸卧夷門之下是時年八十餘矣華髮丹顏猶親翰墨里中子弟樞衣從游者弗拒德望風節士林悚慕學者咸稱之曰菊莊先生洪熙元年卒壽九十有七所著有菊莊集白雲小稿修辭正音四書解疑小學大學羣經要義刊

王叔和脉訣纂述傷寒秘要皆梓行於世

開濟

開濟字來學洛陽人以明經舉為府學訓導陸國子助教與胡丞相善以疾罷歸訓徒里中洪武十四年御史大夫安然薦其有治才 召試刑部尚書未幾為真濟勤敏有為嘗奏令司置考功圖日書所行事稽覈勤怠 上喜賜大第甚宏麗曰有司以此為式十五年 諭濟等條議取士之例以經明行修為一科工習文辭為一科通曉四書為一科人品俊秀為一科言有條理為一科曉達治道為一科六科備者為上三科以上為中三科以下為下不通一科者不在擢中濟敏慧有才辯凡國家經制田賦獄訟公役河渠事眾莫能裁定得一筭畫即有條理可為世守以得上信任益奮勵效職他部事輒為兼理人忌其才高又見上每召之議事謗言遂起竟暴卒

宋禮

宋禮字大本永寧人也父彬知儀隴縣有惠政禮以明經克貢補國子生是時諸生以才能選者皆待以不次洪武中授禮山西按察僉事持法嚴峻鋤奸剔蠹無少貸 文皇即位累擢工部尚書九年二月命

本朝分省人物考 卷九十

五

河南七

禮開濬會通河會通者卽元之故河也初元都燕漕運江南糧有二海道由蘇州太倉至直沽入京歲約三百餘萬石然風濤不測損失頗多又自東平州安民山開河北至臨清引汶絕濟直屬衛河建牖以節蓄洩名曰會通河當是時河道初開岸狹水淺不能負重載每歲運不過數十萬石不若海運之多也故終元之世海運不能國初會通河故道猶在洪武二十四年河決原武漫過安山湖而會通河遂淤自是南運舟楫不通而立陸路運所往來者悉由德州入河永樂初改立運法自海運者踵元人之舊由直沽達京自河運者由江入淮由淮至陽武發山西河南丁夫陸運至衛輝入河舟運至京而海險陸費耗財溺舟不可勝紀至是濟寧州同知潘叔正上言舊會通河四百五十餘里其淤塞者三之一浚而通之非惟山東之民免運之勞實國家無窮之利從之遂命禮及刑部侍郎金純都督周長發山東六郡丁夫十餘萬開濬以復故道禮乃築壩於汶上之戴村橫亘五里遏汶之東流令盡出於南旺分爲二水四分南流以接徐沛六分北流以達臨清又相地勢高下增脩水閘以時啟閉自分水至臨清地降九十尺

本朝分省人物考

卷九十

六

河南七

爲開十有七而達於漳御南至沽頭地降百十有六尺爲閘二十有一而達於淮自是河成而平江伯瑄亦疏鑿淮揚一帶南北遂通矣禮等還京上嘉勞賜寶鑑二百錠文繡二襲其分董役者爵賞有差十四年營建北京命禮取材川蜀又六年卒於官弘治間主事王寵上疏以祠祀請上允之遂建祠於南旺以金純周長配

薛崑

薛崑閬鄉人有口辯建文三年以鎮江知府爲大理左少卿是年方孝孺建議草詔令崑賞至北平又作

本朝分省人物考

卷九十

七

河南七

宣諭數千言刊印千紙付崑令密散北兵諸將士崑見成祖曰上言殿下旦釋甲謂孝陵暮卽旋師成祖叱曰事至此尚誰欺左右請殺崑成祖曰天子命使也釋之歸靖難後崑死謫廣西

周濟

周濟字大亨洛陽人初父以不羈之才遍涉江湖濟自入郡庠爲弟子員博學強記因讀論語至父母在不遠遊章味定省曠而音問踈之語愀然不樂曰父在數千里之外幾星周矣若之何而不往省乎卽棄學徒步以往再越月抵閩適遭疾已危一見濟遂愈

乃奉以歸復入學曰方寸定矣於是刻苦不知寒暑  
 有累年遂領河南甲午鄉薦赴太學學業大進尋歷  
 事烏臺會蠡縣豪民毆人至死賂同行證一老人已  
 問未決濟訊其情有疑既二日乃得豪民狀遂出老  
 人合院異之聞於都堂自後獄有疑必以委之無不  
 得其情者適 宣廟馭極寵中貴因有過大怒送院  
 鞠之御史嚴繼先輩莫測 上意咸避之濟曰何以  
 避為立訊成獄都御史劉觀由此注意擬補監察御  
 史以日疾不就宣德戊辰夏除江西都司斷事初獄  
 重惟都指指是決濟曰此吾職也彼何與焉雖

本朝分省人物考 卷九十

八

河南七 李郁

盛怒執愈堅既久服其公反加禮焉藩臬鉅公由是  
 皆重之癸亥春以父喪去位居家不作佛事一從文  
 公家禮鄉人咎之謝曰僕儒者流安敢從佛因歎曰  
 昔程子之賢亦不能化况我輩乎服闋調湖廣都司  
 正統改元用薦拜監察御史立朝有憲詩風士大夫  
 為之改觀二年冬鎮大同中官郭姓者以豪橫僭度  
 聞於 朝廷勅一御史往廉之先往者不得其情復  
 以濟往乃微行代負芻者入其宅盡得其違法狀實  
 於理 朝廷嘉之明年出巡宣府邊將斂迹邊務一  
 清四年夏以母喪還家躬修塋域見其地多磚曰此

古者不封之墓即掩之因增土數尺是夜夢一老  
 人衣冠甚偉揖謝曰感公脩吾宅問其名乖崖也既  
 覺悟曰乖崖乃張詠之號已而考之實葬其地七年  
 春服除復受命往巡西蜀威州土官董敏王允讐殺  
 累年不解勢愈大朝廷勅濟率方鎮兵數千至其境  
 濟曰朝廷本意欲安之撫而不服然後加兵未晚也  
 吾不忍其肝腦塗地乃令人齎榜往允沉思之書四  
 字於榜尾令持還衆不解其意曰此非難見罔者誘  
 禽鳥之媒也意謂誘而殺之耳復釋此意原以誠信  
 允大驚曰非凡御史也即投服以馬數十令子入貢

本朝分省人物考 卷九十一

九

河南七 陳昌

贖罪敏亦愧服一方遂安朝廷嘉勞之十年秋復巡  
 鳳陽逢歲歉民多窘於食輒開倉賑之然後聞於朝  
 有司危之曰以此得罪甘心焉若俟報何帝穿井以  
 沃焦釜邪民賴全活者數十萬事竣出守安慶至之  
 明日召合郡父老問疾苦皆流涕曰此處三歲不熟  
 矣以子女易食滿載而南者無虛日即命止其舟借  
 漕運糧以濟之子女得存者不下萬餘連章懇陳歲  
 荒民流之故復乞停稅朝廷俱從之復與僚屬捐俸  
 再新余忠宣祠而民之樂從者亦甚眾俗尚奢親沒  
 不葬者數百家女聘未歸者千餘家乃出令示期違

有罰之貧者助之不兩月無留焉閩中寇起天下騷  
動安慶貧民亦欲乘勢聚眾強取富民粟富民以盜  
訟於濟曰此非盜也乃貧耳曰得其穀者報以數吾  
代償之貧民聞之感愧遂解散暇則集職行錄以驗  
爲政之得失櫛垢爬癢務蘇其困民賴之如父母焉  
工部尚書周公忱巡撫畿郡獨慮安慶歲必數至親  
爲綜理自濟下車之後曰吾無安慶之憂矣在任三  
年以疾卒六縣之民爲之罷市巷哭若親喪願扶柩  
至洛陽者數十人視古之循吏亦何愧焉爲人謙恭  
不立崖岬外和内剛事上接下交友無不得其懽心

本朝分省人物考

卷九

十

河南七

耿九疇

耿九疇字禹範廬氏縣人永樂甲辰進士宣德辛亥  
擢禮科給事中凡事務存大體有清操正統改元之  
明年大臣言兩淮鹽政之弊必得重名檢者理之於  
是擢爲鹽運司同知巡行諸鹽場盡革宿弊公私便  
之復條奏數事曰均歲派節樣鹽二事遂著爲令癸  
亥丁母憂鹽場數千人詣闕乞留從之乃進陞鹽運

司益循法責效廉名大著十四年以誥誤逮至京事  
白 朝廷知其廉正特陞刑部右侍郎屢與司官辯  
疑獄不爲勢利所怵八月有邊警 乘輿出巡命留  
守京師旣而鳳陽歲凶盜起復 勅往綏之乃留英  
武飛熊諸衛軍耕守以杜姦寇覬覦之心招徠流民  
七萬餘戶一方晏然兩淮鹽政自九疇去任多廢至  
是復屬兼理之於是奏罷易米法申飭條戒有加於  
舊尋復勅巡撫江北諸郡益盡心宣布德意凡可以  
惠民者無不極力爲之景泰初勅審錄諸郡大辟囚  
九疇曰洗冤澤物吾所願也凡以情得原者二十六

本朝分省人物考

卷九

十一

河南七

人三年代還適議關中重地守臣缺人特 勅以往  
旣至革弊黜貪威望愈振初六部卿佐使外文移不  
得徑下按察司以故偃蹇不受約首奏下之邊將請  
於臨洮諸衛添取防兵 朝廷下九疇議上疏言邊  
城市卒不爲少矣在爲將者馭之何如耳果能嚴紀  
律精練習勤撫卹絕侵漁以養其銳氣則一可當百  
加之以賞罰明信則人人自奮而醜虜不足慮矣不  
然添兵何益徒冗食耳遂從之初邊民春夏就耕田  
作秋冬移入具疏言邊將所以禦寇而衛民也今民  
自避寇而失恒產將何爲哉乞委邊將以止移入不

衛者罪之民皆稱便 朝廷以九疇兼理戎政宜  
居憲職遂轉都察院右副都御史仍鎮其地聞 朝

廷下有司買羊角以充燈費上疏曰昔宋神宗買浙

燈而蘇軾輒諫止之此忠臣愛君之至情也今買羊

角製燈無乃類是遂止繼以災異下 詔求直言復

上疏願延儒碩以廣聰明公賞罰以別忠佞擇守令

以惠黎庶簡將帥以固邊疆優詔答之 英宗復位

思九疇可大用顧侍臣曰耿九疇廉正人也即召為

右都御史士類皆賀臺憲得人時于裕任給事上

言父子同在要地非宜遂改裕為翰林檢討自幸遭

本朝分省人物考 卷九十 十二 河南七

遇思圖報稱首進五事曰崇廉耻以勵士風清刑獄

以召和氣勸農桑以厚民生節糧賞以簡軍士任憲

臺以振綱紀 上皆嘉納之因勅戒風憲乃進御史

告曰 朝廷望治於憲職至矣各宜操滌以副任使

不然吾不汝貸衆皆悚息風紀為之肅清時邊事不

寧將臣怠命將率諸道御史劾之事泄返為所訴置

九疇等於理 朝廷察非其罪出為江西右布政使

尋陞四川左布政使明年召為南京刑部尚書先在

職者流於諧俗有乖清議及至肅然一歸於正大天

順四年卒年六十有五訃聞 上深哀悼遣官諭祭

於其家復令有司為營葬事士大夫識與不識莫不  
惜之後謚清惠

閻禹錫

閻禹錫字子與洛陽人負氣自許不肯脂韋世俗亦  
不事邊幅與物無忤童時穎敏讀書日記萬言長博

極羣書性純孝九歲時哭其父幾至滅性正統甲子

年十九領河南鄉薦明年會試中乙榜授昌黎訓導

丙寅以母喪歸廬於墓終制有強暴見化白蟻出集

之應有司以聞詔旌其閭既而聞河汾薛文清公講

明濂洛關閩學遂謝舉業去洛從之遊得其大指而

本朝分省人物考 卷九十 十三 河南七

歸以考功員外郎紀振薦為開州訓導遂以其所得

為教四方從者日衆學舍幾不能容州之氓無少長

皆化之曰無取閻先生非刺也稍涉不義即相誡曰

毋令閻先生知之正身飭行望者消釋人以比司馬

端明之在洛云天順丁丑大學士李文達公薦為國

子學正尋陞監丞諸生之事干謁者悉不得行不遂

者或以賈怨癸未謫徽州府經歷諸生詣 闕奏留

者至再甲申陞南京國子監助教復轉監丞掌京衛

武學事世祿子弟悉知讀書由禮登甲科者相望而

中外擁貂蟬握虎符號稱儒將者亦多出其門四典

衡尤號得人久之聲望愈隆薦譽騰沸超拜御史  
督畿內學校禹錫感知遇慨然有造就人材之志  
勵名節敦士風抑詞章之習明本原之學取周子太  
極圖通書爲士子講明之一時人士皆粗知性理又  
疏塲屋數十弊陳之皆賜施行時論稱快焉世方仰  
其有爲成化丙申無疾正衣冠而逝公卿大臣多惜  
之士子如失所怙恃宦遊三十年清苦蕭索如吳隱  
之每去任囊無一錢如劉寵死之日家計如黔婁其  
文武門人及故屬吏相與賻而殯之平日著述甚富  
有自信集晦菴要語二程全集薛文清公讀書錄河

本朝分省人物考

卷九十

十四

河南七

汾詩文司馬法吳子註解孫子選註武學詞範行於  
世

滕昭

滕昭字自明汝州人正統六年以舉授監察御史  
巡按順天福建俱有聲績天順初擢左僉都御史佐  
理院事踰年以憂去 純皇嗣位詔起復巡撫遼東  
昭謹斥堠嚴訓練備芻粟明賞罰凡數年虜不敢近  
塞昭乃上疏言大明律乃一代定法而決斷武臣獨  
舍律用例以是武臣益貪縱不檢請一切以律從事  
不報成化二年進右副都御史總督漕運兼巡撫淮

昭奏建吳二庶人宜移本城舊中書省居之或安  
置有城池軍衛之所稍便出入亦聖王罪人不孥之  
意也疏下禮部議不可遂止五年 召還復遣巡視  
福建上杭有紫雲臺者鄧茂七之黨嘗據爲亂昭乃  
相其要害請立歸化縣治未還改視蘇松而馬馱沙  
最繁盛寄治江陰民苦往返昭復請分置靖江縣  
上俱報可七年拜兵部右侍郎復轉左侍郎時汪直  
管西廠刺事僭橫日熾中外累足而立於是兵部尚  
書頃忠倡義草疏約九卿會劾詔罷西廠而御史戴  
縉久不得調乃言直所行皆公道不宜革罷於是

本朝分省人物考

卷九十

十五

河南七

上復命直管西廠縉遂進用直既司廠事首發忠過  
廷鞫遂坐賊罷去昭以忠故亦致仕年五十九卒於  
家

耿裕

耿裕字好問盧氏縣人父九疇南京刑部尚書謚清  
惠裕登景泰甲戌進士改翰林庶吉士與修寰宇通  
志丙子授戶科給事中尋改工科天順丁酉清惠公  
任都察院右都御史裕言不當在言路改翰林檢討  
當是時將臣有怙寵專恣者清惠劾奏之忤 旨出  
爲江西布政使裕亦判泗州既而丁清惠公憂服滿

定州成化乙酉 朝廷知裕無罪召還復檢討丙戌同考禮部會試預修 英宗實錄進脩撰仍充經筵講官己丑陞國子監司業十二年陞祭酒尋擢吏部右侍郎丁母太夫人憂服除轉左侍郎丙午擢吏部尚書俄忤首相萬安妖人李孜省改南京禮部尚書丁未 孝宗即位轉南京兵部參贊機務弘治戊申 召為禮部尚書癸丑仍為吏部明年加太子太保累階至榮祿大夫又二年而卒年六十七贈太保謚文恪裕儀觀豐偉鬚髯若神而器度弘遠人莫能窺測涯涘初列官清要一旦被斥於外人皆為裕不

本朝分省人物考

卷九十

十六

河南七

甚至則孜孜訪求民瘼兩州惠政被於人者甚多至國子時臨諸生舉教條嚴而有恩公而有法勲厥年幼者奉 旨受業裕患其難教取其所當習讀者萃成一書授之他日中使至偶持去 上閱之嘉歎及擢吏部益慎其職李孜省執左道以登顯仕庇其鄉人故裕不得安於其位居南京二年鎮靜持重論者以為得大臣體後既召還禮部當改元之歲多行大典禮裕素博雅通知古今能斟酌而行得會通之宜時以災異求言裕率左侍郎倪岳同羣臣等陳七事一預節親藩一懲究欺弊一均平銓選一照例附選

一減造軍器一遵復舊制一裁抑侵尅大意謂田土有限藩封日增國賦日消乞開示條件去國之際不許生事擾人在國之時不得輒行奏討又人臣事君以不欺為本近日諸邊鎮侵犯者不為尅復之計盜竊者不聞捕勦之策甚者殺良民以為賊假敗績以為功捷奏率為虛聲掩護遂為良策宜一一從公究理以懲欺弊又兩京官職出身既同而遷轉之際乃至懸絕及監生考選先後互異須斟酌通融庶事體歸一又南京兵仗局前廠建造軍器貯庫候用今地早年久朽壞鏽爛有名無實乞暫且停止以後減半

本朝分省人物考

卷九十

十七

河南七

成造至於鈔關收稅乞免戶部差官照舊制 勅鎮撫鎮巡委府官管理及曾經抽分去處給與執照不許重複抽分 上謂有防微杜漸之意深嘉納焉 崇王嘗乞詣京師朝賀 勅諸臣策議裕言王雖至親於制不宜况茲饑歲所過必勞供役民何以堪 上從之西夷貢獅子 上言賈胡嗜利受之無益且彼泛海而來非由故貢道宜却其物亦從之畿內多自宮以求進者 上疏請治其罪一時雖不能絕然自是禁例甚嚴無敢再犯者至再掌銓曹感 上知遇益竭心力凡所舉薦必當其人舊緣傳奉貶謫有

求復進用者上疏極陳其弊務抑絕之弟律任都督  
府都事秩滿當遷裕故緩之衆稱其無私裕爲人坦  
夷公平常以關輔饑代祀嶽鎮所過輒督有司賑卹  
還朝上章言十事悉下所司議行若事有係於天  
下者會議於朝必持正道不可徇人意或舉人才  
從衆論而用之及退朝獨居不敢以物私饋者至老  
不營產業不治居第自奉儉約人以爲有清惠公之  
風居清惠公喪哀毀踰禮奉庶母及待弟禧禮意殊  
厚與人交和易可親其學該博凡前代人物與山川  
古蹟考求無所遺著有青崖稿澹菴稿若干篇

本朝分省人物考

卷九十

十八

河南七  
經坤

畢亨

畢亨字文亨河南府洛陽人景泰甲戌登進士第除  
南京陝西道監察御史時都御史軒輓掌臺事兼督  
京儲性剛介人少當其意者獨委錢穀之任亨盡心  
清理宿弊頓革及凡諸道有疑獄一以付之片言之  
間立以剖決天順六年壬午陞福州知府臨三司事  
繁劇而民健訟亨蒞事區處斷決咸得其宜如素習  
然者衆咸畏服閩藩歲造段疋聽民自辦往往以造  
作不如法累及二司亨曰百工居肆以成其事乃設  
織造局於府門之右時加檢視用是所費如故而精

織中程度舊例驛傳馬每疋率用民糧數百石然所  
得皆羸弱未久卽斃乃痛革其弊價減其半而馬得  
其良數歲乃一易民甚稱之凡所施爲必爲經久計  
甲申陞應天府尹輦轂之下俗雜五方頗難於治且  
舊京百司所在凡有營爲必責於有司徵求無虛日  
一以公心應之非理者一切拒絕在任七年以省事  
節費爲先歲終計二縣所費比前政減十之三四民  
不受害而官事亦不廢民到於今稱之成化八年陞  
右副都御史巡撫江南兼督浙西賦役自文襄後至  
此餘二十年八易其人矣蓋浙西民俗浮靡士風囂

本朝分省人物考

卷九十

十九

河南七  
劉仲文

薄人惟利已而不恤公一不如意輒作無名詩騰榜  
當道者不及察故用者不三四年輒罷去亨至究心  
經制一應賦歛征調率循公道以行凡欲舉一事輒  
問曰舊例如何如此得無虛於官損於民乎必須官  
待其用民不受害然後行之有以私意相干者雖不  
行亦以善辭遣之然時移世變終不能以盡如其意  
十二年三乞休得致仕買田數畝偶得司馬溫公獨  
樂園故址乃曰文正公大賢君子故獨樂其樂吾安  
敢獨有其樂哉盍與衆共之乃與洛者舊十數人做  
古人結真率會朔望相與樂遊其間命之曰水南樂



官時自奉儉約致政家居無良田大屋凶年日  
不給然處之晏如卒年六十有九為人質實通達  
為城府善於詩文不事雕刻著述有復齋小藁六  
卷省愆錄四卷藏於家

劉 健

劉健字希賢河南府洛陽縣人父任華州教諭時母  
張夫人夢一偉人致 上帝命持紫玉帶賜其家驚  
而寤猶有見也時白夫人有身比寤則報生男生而  
頭骨隆隆起相貌奇甚教諭公大異之性聰慧又絕  
嗜學自幼所與遊皆洛陽老生知名者於是洛陽人

本朝分省人物考

卷九十

二十

河南七  
仲文

長幼無不知名也天順庚辰登進士改庶吉士尋授  
翰林編修成化甲午進修撰丙申陞春坊右諭德丁  
酉進左庶子丙午陞詹事府少詹事凡三任皆職輔  
導 皇太子二十三年丁未 孝宗錄輔導功陞禮  
部右侍郎兼翰林院學士入內閣參預機務賜胡騎  
夷奴戊申改元弘治 上始御經筵初知經筵事辛  
亥進禮部尚書文淵閣大學士甲寅加太子太保賜  
麒麟服進武英殿戊午加光祿大夫柱國少傅兼太  
子太傅戶部尚書謹身殿大學士庚申健率同官上  
言自古願治之君必早朝晏罷日省萬幾 祖宗

本朝分省人物考

卷九十

三十一

河南七  
仲文

視朝在黎明以前每日奏事二次矧今各邊啓釁四  
方游災尤為可慮怠荒是戒勵精是圖庶可以回天  
意慰人心也 上嘉納辛酉健率同官上言近有旨  
中官往武當山設像掛幡修舉齋醮命臣等撰勅并  
祝文茲山宮觀像設已極壯麗若復差官實為無益  
矧今災異迭出生民困苦苗賊肆亂軍旅方興糧餉  
供餽猶恐不及君門萬里豈能悉知宜斥邪妄以遏  
無良報罷癸亥加少師兼太子太師吏部尚書華蓋  
殿大學士甲子健率同官上言近有旨欲於朝陽門  
外修建壽塔臣等竊惟人主信佛莫梁武帝為甚卒  
餓死臺城信老莫宋徽宗甚卒困斃虜地本以求福  
反以致禍似此異端蠹財惑眾何關於治欲造佛塔  
非所以訓天下垂後世也又令撰真人杜永祺等誥  
命朝廷所以獎貞勵能雖卿士大臣必待秩滿考最  
乃得頒給况 祖宗廟號不過十六字親王及武大  
臣有功德者謚號止一二字此輩何賢何能封號多  
十八字流布朝野傳聞後世皆曰此 朝廷所給與  
儒臣所擬撰也天下後世其謂之何俱報罷蓋自戊  
午以來 孝廟之御極十餘年矣益明習機務勵精  
治平而健身任天下極所私凡進用大臣及政事減

否必反覆密喻侃侃竭忠悃而 上亦推心委用未嘗不嘉納也 上數御文華殿及平臺召健等奏對至則屏左右左右莫得聞時竊從屏隙中觀但聞上數數稱善 上性至孝雖望治切甚而守憲承法不變易尤惡慘覈健等善將順德意每議及政令及積弊與革必却顧遠謀省機而發使天下隱然受其福乙丑 上寢疾召健等至大內進御榻前執手欬獻令 太子侍立具言軍國重事命健等匡輔 武宗即位健以顧命大臣翼新政承 先帝之後舉故事勸 上耕籍田幸太學冊大婚御經筵惠天下百

本朝分省人物考

卷九十

十一

河南七

之公論而不恤臣等叨居重地徒擁虛銜或 旨從中出略不預聞或有所擬議徑行改易似此之類不能一一備舉臣等心知不可義所當言累有論列多不見 允比為兵戶等部議處鹽法功次等事具本上陳極言利害拱候數日未蒙 批答若以臣等言是則宜俯 賜施行臣等言非則亦明加斥責而乃留中不報視之若無使臣等趨向不明進退無據因循玩愒竊祿苟容既負 先帝又負 陛下不但取譏當時亦將貽誚方來乞特允退休別選賢能代茲重任少追分毫之罪幸延犬馬之齡不報又率同官

本朝分省人物考

卷九十

十一

河南七

為人情視爵祿如糞土此政令之失二也 內府冗員奉 旨裁節僉書守門及分守守備等官裁革者百無一二而南海子淨身人又選入千餘至於蟒龍玉帶濫賞無算此政令之失三也御用監書篆缺人吏部奉 旨考選乃令革退人役通送本監考校優劣是不信銓衡之任而信寵幸之臣况該部查出革退之人俱係賞緣轉陞奉 詔裁革纔不幾時遽開此例此政令之失四也他如 皇莊田土已令巡按官查數又復差官踏勘取者未回差者繼出帶領人役騷擾地方此政令之失五也 駕帖出外拿人累

本朝分省人物考 卷九十 河南七 劉汝德

經各衙門論奏恐生詐偽近因 皇親家人奏懇畿民侵占田土租憑一面之辭輒為出給提解來京鎮撫司打問情節俱與原奏不同未免仍解本處官司問理株連負累破家蕩產此政令之失六也韋興齊玄蠱惑 先朝盜空府庫罪大惡極一則黃緣分守累劾不退一則奉請追究止令取回遷延至今未正刑典此政令之失七也各營執事官軍及 內府軍匠各倉庫斗俱經奏 准查赴團營及各衙門乞留仍復照舊廢管伍之籍供私門之用此政令之失八

內庫承運庫銀兩支銷累數百萬 內庫支用

不給印票該庫內官自請查算竟爾不行司鑰庫銅錢該部累奏支用展轉遷延至今未發此政令之失九也饒州磁器奉 詔蠲二年又令起運來用此政令之失十也臣等或傳聞坐視無可柰何或封還執奏不能終止其為失職實所難辭 伏乞特 賜罷歸亟選非常之才俾任難為之事疏 上付各該衙門查奏革之未幾戶部尚書韓文首倡九卿共劾劉瑾而王岳范亨徐智為之內應健卒亦助之 上震怒傳旨捕岳等繫獄令劉瑾入司禮監勢傾中外瑾等先嘗奏內閣專主大事納賄行私及言文官欺壓

本朝分省人物考 卷九十 河南七 張忠

內官軍職之事行於劇戲上久信之至是遂令劉健與謝遷自陳准致仕惟李東陽獨留不出又榜示天下指為朋黨矯詔奪其官謫罰米復逐謝遷子丕而言者悚息受禍矣久之瑾誅復原官還所罰米 上數符邊又幸江南健每聞必嘆息不飲食曰嗟乎使帝纍衣露蓋自苦如此而吾安處家食吾死無以見先帝矣輒又憶弘治時事復不語淚潸潸下也 世宗嗣位改元詢謀遺老欲召用而健年已九十不可強起乃 降詔存問明年遣撫臣就其第致束帛餼羊上尊酒成化年健嘗掌 制勅比又修 兩朝實

錄成又續通鑑綱目總裁會典皆直質宏雅無溢詞  
又嘗主文試所第皆海內名士教子務依儉嗇忠厚  
鄉里信而化之無間言賦性剛正理學深邃翊運  
三朝夷險一節卒年九十四贈太師謚文靖

翟瑄

翟瑄字廷瑞洛陽人天順甲申登第初授奉化令擢  
浙江道監察御史巡禁城及通州倉及濟寧以南河  
道所至有聲按應天徽州諸府至寧國廉知有二豪  
虐焰甚熾有司庇之莫敢發公事竣且去忽厲聲曰  
吾再至倉陳兒不毀倉許小官不拆船罪且死府縣

本朝分省人物考

卷九十

二十六

河南七

皆連坐衆相顧駭愕於是二豪者皆屏跡後復業改  
行焉改山東道掌道事兼總諸道奏牘名益起甲辰  
監禮部會試綜理有法尋擢南京大理寺左寺丞評  
駁惟允丁未擢都察院右僉都御史巡撫山西兼督  
雁門諸關內輯外捍務勤夙夜逆賊王良李鉞潛遣  
人出境構虜患且作瑄馳至忻州道阻賊衆即督官  
兵擒之或請報捷瑄慮及無辜執不可以常奏上  
降勅獎勵加俸一級邊儲折銀民困輸納多流徙失  
業奏減大半歸者相屬弘治辛亥遷右副都御史入  
理院事陳恤刑革弊數條上以其深切時務多賜

採納丙辰進右都御史庚申遷刑部尚書皆在南京  
寬嚴中適每斷大獄必詳加審覆未嘗苟決人皆以  
長者稱之間疾作具疏乞休不允後再疏未上而卒  
作令數年始以政績被徵雖若晚達竟臻顯用弟瑛  
舉進士官至南京太常寺卿

許進

許進字季升河南府靈寶縣人成化丙戌舉進士尋  
丁父憂已丑授浙江道御史庚寅丁母何氏憂服闋  
復除山東道御史乙未命巡按甘肅都指揮周敏  
私騎官馬奏問如律黜貪暴官數千餘人上下肅然

本朝分省人物考

卷九十

二十七

河南七

岷隣番夷人利其貨物潛結爲親致剽掠居民爲邊  
方害進於西寧侯口等處增設橋寨遣指揮劉琥等  
分兵守之遣番僧往諭利害及禁結親邊徼遂安河  
州致仕兵部尚書王公竑名素重爲族姪王紹誣奏  
不法事進辯理實紹於法王公從未遣人致謝進亦  
從無問遺之禮人兩多之丙申回京掌道事戊戌再  
命巡按山東憲體益舉事于官吏及豪右多自問不  
批行所司貪污望風解組長清等縣大小清河專通  
鹽船舊設二十五關每關夫十二名盡爲一叅政修  
華陽官諸遊遊所役進劾奏落職減十八關關止夫

二名革濟寧等處濫設役夫三千餘名已亥直歲荒節財役均輸糴民不知災平反死獄數十人人服其明禁孔林周垣修陵縣顏真卿沂州諸葛孔明祠而不及他日吾崇仰在此濟南察院後一亭相傳有崇進常息其中左右以崇告進叱曰焉有避崇御史是年冬回京兼看三法司奏疏雲南太監錢能誅求煩擾交人不靖進奏罷鎮守先是太監汪直妄殺建州夷人兵部尚書陳鉞附勢從人冒襲賞陞遺燹邊方御史強珍劾直直反誣奏珍以檻車徵至京下獄進不平具疏直強之寃劾汪及鉞之罪留中不出士夫

本朝分省人物考

卷九十

二十八

河南七

多為進危者數日得 旨珍謫戍遼東進得罰俸三月總兵李震鎮守湖廣日一道士干以黃白術不遂怨之誣首李不軌事於直謂李回南京船泊洞庭湖數日招夷軍為亂直奏逮李氏百口至京諷錦衣銀鍊成獄 憲廟疑有寃 命都察院勘問畏勢不敢二詞進審知無他即自具寃狀以聞 上允其議禁校尉不許妄緝即日誅道士於市李氏百口獲全直怒進日令邏卒偵於門無隙可指後竟以章疏字訛奏進被杖於午門幾殆壬寅擢山東副使李氏暮懷金致謝進固却之癸卯監臨鄉試揭曉之前同事欲

實貴介一卷榜中進厲聲曰天下事俱廢盡公道幸此事存耳若然無事不壞也同事者屢言進直議不回乃止東昌一武職子與一生員飲酒肆中囊中有銀四兩暮散武職子隨被殺且無首其家以為生員殺之也訴於官不勝拷掠即誣服進視生狀知其寃私念必酒肆中人殺之又意貧人得銀必易貨物忽拘一縣賈客人不知其故至則驗閱私曆見市酒者以飲之第三日易布數疋一鞠即款服始獲死首於空桑樹中其他理寃抑發奸伏東人戴而且畏之丁未春分巡遼東六月以地方事與巡按俱逮至京下

本朝分省人物考

卷九十一

二十九

河南七

錦衣衛獄八月值 憲廟寘天赦出之 孝宗即位命為廣西按察使俄擢都察院右僉都御史巡撫大同兼贊理軍務條陳邊備四事一曰定策應二曰備戰具三曰修墩墻四曰築屯堡反覆千餘言皆極切邊方戰守利害又開種引鹽痛革包攬等弊比三年邊儲充實奏黜將官為害者數輩武邑王兇縱不檢其實跡以聞 詔謫為庶人徙大原再陳邊事八條曰恤邊軍寬邊民專主守均輸納復軍糧便接遞去無益革冗官 上多可其奏庚戌北虜深入營長三百里號六萬欲為寇遲疑數月進悉力備禦畫定戰

守事宜令各城兵馬嚴備烽火砲石相應不絕馬行  
係帶於尾塵翳障天虜計難入遂稱款蓋北來小王  
子引瓦刺同行兩酋部落共八十營臨時入貢則欲  
携瓦刺同入又欲比常數增二百名 朝廷不可進  
謂虜雖包藏禍心但既稱納款効誠意不可阻 詔  
遂許以一千七百人入貢諸處分允精悉允當北虜  
凡貢三次其初入擁衆本欲爲寇賴進防禦於未貢  
之先厚待於既貢之後使 朝廷威德遠布四年之  
間邊事無警其力居多奏舉謀勇堪用將官數人劾  
太監石崖貪暴崖據拾中傷差官勘問無實崖乃於

本朝分省人物考

卷九十

三十

河南七

中排擠竟以擅用前官所遺藍綃旗 詔謫兗州知  
府辛亥九月抵任值荒旱張秋河決凡事寬平專務  
鎮靜衍聖公弘泰素厚進乘間曰公此來政體何與  
昔年異進曰昔日法官今乃郡有司耳矧吾此行小  
人多不足者不謂吾乘威以虐吏屬則謂吾忿懣不  
堪於懷吾所以優游寬適者正以絕物議也甲寅錦  
衣百戶企鑿暨南京後府經歷周廣榮應 詔上言  
進清慎有爲忠直不阿可當大任十一月 命爲陝  
西按察使先北虜大寇甘州地方殘破十二月事益  
急 上命都督莊鑑馬升擇京營人馬二萬往援又

用廷臣議復以進爲左僉都御史巡撫甘肅乙卯虜  
酋也七克里求於近邊貨易以爲障蔽進奏言宜照  
赤斤罕東番夷事例一體羈縻上陳邊事其略謂用  
兵之道非務多而無實在精強而有制今調到延綏  
等處副總兵朱瑾等人馬一萬二千名兵老財費俱  
宜收回京營人馬不必啓行止可於固原等處共選  
精兵五千名統以都指揮聽甘涼鎮巡等官調度則  
緩急易於應援自致克捷 詔可再奏復洮岷漢土  
軍官於甘涼鎮番二處備禦更調副總兵彭清各守  
所宜地方督勵指揮楊翥張濟等累取斬獲虜方引

本朝分省人物考

卷九十

三十一

河南七

去邊郵遂安哈密國在嘉峪關外幾二千里 成祖  
降金印封元之遺孽脫脫爲忠順王成化間與吐魯  
番爲讐因擄其金印而去朝廷累立其王皆爲吐魯  
番殺擄弘治甲寅其酋速檀阿黑麻僭稱可汗轉略  
罕東等處使降且令其部酋牙蘭占據哈密城池爲  
經久計因挾求爲忠順王聲言若 朝廷不從則大  
舉兵取甘肅城衆計議無所出及進巡撫甘肅謂僚  
佐曰往事旣不能威服其心又不爲自立之計苟且  
爲之宜乎有今日也乃獨以哈密可復狀 上聞詔  
可卽勅進經略進謂自古有以夷攻夷之法乃遣人

罕東赤斤也七克里各宣布 朝廷恩威時加犒勞  
 又厚撫苦峪寄住夷人既得其歡心爭為用命又因  
 北虜小列禿之子於吐番有讐乃通和小列禿部落  
 俾與也七克力屯兵哈密吐魯之間以斷吐魯番東  
 援牙蘭之路復遣人數十往吐魯番議和以款其心  
 謀既定乃令總兵劉寧統官軍至肅州再以副總兵  
 彭清統精銳官軍同去嘉峪關隨路調赤斤罕東各  
 衛番兵以彭清所部及番兵之半深入二千里直抵  
 哈密克奪故城獲回忠順王罕慎妻女斬首百餘獲  
 牛馬三千器械無算牙蘭與所部夜遁時城中居民  
 本朝分省人物考 卷九十一 三十一 河南七 王國瑞

尋詔為陝西巡撫儀賓樊瑛淫兇事發詞連撫按三  
 司莫敢誰何進初至即奏葉市陳地方事宜八條曰  
 設驛通以便接應革僻驛以甦民困禁緩例以除民  
 害別淑慝以示勸懲省盤詰以除奸弊給月糧以責  
 後効嚴防守以保地方降印信以防奸詐 上多見  
 採納先是州縣徵納公事人役投牌三司皆苦於科  
 罰留難進至間以牌呼訊之輩其弊因廉守令臧否  
 軍民利病上下肅然藩臬出巡多應故事進著令凡  
 巡歷所部府期十日州縣期三日逐日自籍行過政  
 績回則憑籍稽其勤惰至是守巡多留心民隱鎮守  
 本朝分省人物考 卷九十一 三十一 河南七 王國瑞

被牙蘭脇從者尚八千人總兵貪功暮詣進耳語曰  
 此輩已從牙蘭且面貌不異吐番人若誅之得八百  
 首級真奇功也進正色曰此皆真哈密人但被牙蘭  
 脇耳吾此來務在安輯且得城無人城誰與守乎寧  
 乃止既撫定居人乃全軍而還克復寧 上賜勅  
 獎勞進既入關即遣苦峪寄住遺人歸哈密故城給  
 牛種衣糧犁具俾為生聚計且令小列禿及也七克  
 力兩部常住哈密之西以藩蔽之吐魯番既不能  
 逞越二載遂稱款以所虜忠順王金印來歸西域乃  
 定皆進之謀也丙辰以前功進右副都御史辭不允

太監劉瓊貪虐跋扈巡撫莫敢誰何進數勸戒反不  
 遜進乃數其不法諸事欲手擊之瓊懼更為循法進  
 承安福張公敷華之後關中人有張明鏡許重磨之  
 誣丁巳轉戶部右侍郎時大原周公經為尚書亦正  
 人也與進同留心國計常有詔取太倉銀三萬兩為  
 張燈具進同周公執奏不可乃止 孝皇每痛孝穆  
 太后上仙求其族不獲乃施恩后家但益其富弗假  
 政權而公及文端公志全 主德嘗上言 東宮親  
 王則例每畝徵銀三分獨以五分厚戚氏是恩有偏  
 施例為徒具戊午轉左侍郎十二月刑部主事鄭岳

無罪下獄進爲疏雪得微譴時慧星見進與周公經復上言宜加修省明用舍省靡費會推大臣或不協時議卽正言人以爲侵官進曰古之大臣知無不言今旣曰會議而乃默默豈朝廷法意也庚申奉命往勘河間貴戚莊田事竣卽疏言實係民人承買納稅養馬地土宜照舊管業事不得行四月北虜火節大寇宣大命以本官兼左僉都御史提督宣大諸軍總兵多帶領諸貴游子弟爲參隨諸目初意欲叨冒功次進出居庸關卽下令曰參隨諸人旣以自備鞍馬報效而來驛不得應付鞍馬廩給每日止給行糧

本朝分省人物考

卷九十

三十四

河南七

三升到鎮卽編入行伍聽征敢有買功并侵擾地方以軍法從事近習不便乃競爲媒孽五月入大同卽奏處糧芻百餘萬簡閱士馬屢出奇挫虜得首級六十餘諸務就緒乃參總兵官王璽平江伯陳鉞畏縮玩寇六月二日奉旨以參劾將官不與監督同議行取回京尋言者訕其畏怯嬰城日守無功罷職致仕辛酉西夏不寧府部科道會薦爲陝西總制不允又尚書林瀚都御史林俊臺省任良聯周魯等先後四十八疏謂宜起用以當重事乙丑武宗嗣位值北虜寇大同戕遊擊事勢甚急科道復交章奏薦遂

召爲兵部左侍郎提督京營人馬復命兼理部事疏辭不允尋陞兵部尚書仍督團營未幾命預經筵進乃上疏有伏望時敏問學痛止遊逸以古堯舜之君爲必可師以昔荒淫之主爲必當戒等語上嘉納之方起廢居官五月章凡十數上多與權貴爭論事其奏討車船頭日出常例者皆執奏不與時有太監王岳奏稱官校王縉等十餘人緝事拏賊有功得旨官校陞一級王縉象房管事進執奏謂賞罰人主之大柄當功則勸浮功則憚各邊官軍萬死得一首級止陞一級比之此輩勞逸懸絕此命一行各

本朝分省人物考

卷九十一

三十五

河南七

邊聞之孰不解體太監陳貴錦衣千戶蕭瑄總旗韋寵等各奏稱有拏賊功希圖陞職太監劉雲亦爲其姪乞官皆格不行且請治貴瑄等罪以爲奏擾者之戒魏國公爲言官劾其聽信下人不法諸事定國公新寧伯各自陳乞加品級進曰勲臣乃武職領袖所爲如是何以令人皆請究治或加切責以彰懲戒京衛武職有以賄營求者卽呼至部堂大杖數十郎中林廷棉每言曰只此一事已痛快人心然非公不可也團營及三大營聽征官軍爲內府做工借撥太多頻致逃亡具疏言團營非爲營造而設且養兵之法



必於無事時結其歡心作其銳氣有事方可得其死  
力因備論內監役占軍匠納錢諸弊反覆千餘言章  
凡三四上有 詔以陳新等五百餘名收充勇士極  
言投進濫收之弊糜費糧食俱宜革退又條陳八事  
其重者曰遵 成命欲將 內府役占軍士三萬三  
千名革退送操并治中貴阻撓 成命之罪曰革冗  
員欲將 午門等門并九門多餘內臣取回別用毋  
令貧緣添設曰蘇困苦欲復嘉疏所舊制革司苑局  
科剋軍士顧陪等弊曰重爵賞欲裁革傳陞冒濫軍  
職前後論諫雖或不得行然 國家典章尚賴以存

本朝分省人物考

卷九十

三十六

河南七

者為多海賊鈕山東為患東南守臣奏已殄絕進參  
勘謂事涉不明未幾果復出為寇正德初公卿臺諫  
共劾羣倖之罪眾必欲真之極刑進獨曰此輩得漸  
疎斥足矣何可激也甘露黨錮之事不可不監後丁  
卯之變果如其言其先見如此十一月會推吏部尚  
書既受命切切以薦賢為心取人先行檢氣節而後  
才藝於抑奔競杜請託尤嚴御史某滿三考及郎中  
某負外郎某皆結與緩必覲京秩進一日悉外補工  
侍某同里開託闈營求改吏部公對眾面語之曰君  
年尚未秩已不卑循資而往不憂不貴乃託斯人速

化乎瑾矯 旨欲革天下提學按察司官進執奏不  
可謂提學作養人材之本竟得留行取推官羅鳳文  
選司門外不跪文選短其驕傲進曰為推官已能不  
屈膝文選使為御史肯畏強禦乎卒用羅為監察御  
史南京科道忤瑾盡械至京具奏南京科道俱緊要  
衙門欲行南京部屬暫署科道以待各官問畢還職  
瑾怒罰進俸刑部郎中孫燧洎一郎中劉姓者皆素  
識也劉候問頻而孫疎遇擬推大理寺丞竟以孫補  
其喜恬退類此劉公忠楊公廷和以學士進講經筵  
因譏諷切直忤 武廟論改調別用二公皆自危進

本朝分省人物考

卷九十一

三十七

河南七

擬劉南禮部侍郎斥為南戶部侍郎未幾推劉為南  
戶書楊為南吏書俱如進擬丁卯四月 賜玉帶加  
太子少保正治上卿是後奸宦劉瑾始大用事一切  
請託悉不聽凡遇戕害士類假 詔旨廷謫進必委  
曲調護處以善地戊辰考察天下諸司官楊黜幾二  
千名甚愜公議荆州知府貪暴無比監司考語不敢  
署其惡進奏為民知府復賄瑾中批留用且命查其  
考語來看僚屬悉懼進乃查奏諸司考語而自署其  
後曰上司畏其挾制而考語欺天下民被其殘虐而  
怨聲動地知府後卒廢棄先是銓選考畢不判名第

於卷或有請託者因得上下之進每考畢即看定卷面而以選簿挨次填註選人劉姓者一輔臣內弟也囑進上下之進曰名第業已判定雖余亦無所庸力竟不從纂修譯字諸色人不畏清議多請託權要儒士其人書法精楷而貧甚會纂脩考選書辦其人自必不可得及 旨出某乃在選論者謂選法之公自王端毅公而來惟進一人王處其易進處其難時逆瑾竊弄威柄自輔宰以下多阿意奉承吏侍員缺進意有所囑凡六推皆不用或勸進通一言進正色曰扶同奏啟 國有明法雖百推改節乎卒行進言

本朝分省人物考 卷九 七十八 河南七 高尚

初進提督團營與瑾同事進既諳練事務每操演口操畢忽呼一把總都指揮至將臺下杖數十不言其故如此者凡三日瑾請其故進乃出請權責請託札承之瑾心服後瑾得志進入吏部凡有賄瑾囑進者瑾常難之進在當時猶能自行其志使綱紀不至大壞者蓋清節偉望有以素服其心耳其後瑾之欲甘心於進也乃輔臣焦芳因請託不遂積成讐恨遂謀起張綏到京因與共謀擠進適一選人賄瑾欲得房山縣丞進復拒絕不聽綏復加誣詞請進以激瑾怒

進素重尚書周經都御史雍泰常曰周伯常雍世隆不用吾即死不瞑目累次推薦 上起用周為禮部尚書復推雍為南京戶部尚書瑾既恨之戊辰七月推南京刑部署員外主事劉吉為署郎中乃百餘年舊制瑾誣為違越選法勒令致仕恨不解八月御史郭東山叅宣府都御史汜瀾邊糧內有雍泰名瑾即令查雍泰履歷以進及馬文升劉大夏俱會推薦雍咸削為民二子誥讚調外任庚午瑾謀諸奸黨欲重害之又據其大同時常籍軍丁出銀顧役為典守者所剋故苛為稽察因以中之幾至不測事未決而瑾

本朝分省人物考 卷九 七十九 河南七 高尚

敗用言者復其官仍致仕而已卒矣年七十有四贈太子太保進諳練政體嘗指哇蔬曰為政如理此蔬須備知其可灌其可藝斯茂矣質質然為之能不亂乎立 朝無朋進用皆因公論去世幾二十年謚典未頒天下咸抱不平嘉靖丙戌巡按河南御史以為請詔謚襄毅後其子讚為吏部尚書入內閣進少傳誥為南京戶部尚書論為兵部尚書人為盛德之報云

喬 縉

喬縉字廷儀洛陽人也少穎敏學士薛瑄見而奇之

授以毛詩及太極西銘諸書成化八年登進士尋以家艱歸服闋授都水司主事督理山東泉源初漕由魚臺至臨清行泲汶泗沂四水其地復有泉百七十餘道會於四水而分流於漕渠為牐凡三十有六設守津吏以司啟閉為淺二百二十各有津老以時疏治然歲遠法弛諸泉湮塞或為豪宦侵匿漕運屢屢告艱緝行郡得湮塞泉四百有奇侵匿泉二百有奇合六百餘泉會於四水漕運大濟工部以蹟奏改兵部職方又二年遷員外郎弘治四年出補四川布政司參議時馬湖府知府安鰲殺敘南衛千戶曹明奏

李興字伯起嵩縣人也

成化十一年

進士

何鈞

何鈞字仲衡靈寶縣人成化乙未進士授太常寺博士陞浙江道監察御史歷太常寺丞少卿再遷右副都御史巡撫山西兼提督雁門等關時晉王妃父怙勢驕縱有司不能制鈞至欲發其姦其人懼伏門請

罪鈞責以大義乃自戢鈞亦不較庶幾寬而有制也正德改元陞戶部右侍郎提倉場旋以足疾請告後遂致仕正德五年十月卒

李興

李興字伯起嵩縣人也成化十一年進士授冠縣知縣以憂去百姓遮道泣留起復改鄒縣尋擢監察御史忠鯁敢言每上疏言別妻子不復留意家事及按陝西大振風紀所至姦盜屏息是時參將郭鏞怙勢違法諸司皆畏之間有劾者鏞即令人劫於道并其奏章奪之興乃密疏罪狀請按誅之上俞其奏興

李興字伯起嵩縣人也

成化十一年

進士

捕鏞戮於市百姓稱快又儀賓樊某者嘗歐父父愬之官莫敢有理者興廉之以計縛至階下杖死其它鋤強戡暴皆類此布政韓某素與興不合及轉都御史即撫關中因郭樊二氏子愬遂奏興逮至京師坐以重辟吏部尚書王恕乃上疏論其略曰邇者御史與巡按陝西克盡憲職所至秋毫無犯其有益於地方多矣今之所傷雖有數人蓋欲懲治奸頑初非有意挾私今若處之以死是使御史垂首喪氣而貪污豪強無所忌憚欲小民獲安四方晏然難矣疏入上薄其罪謫成嶺表而興名益震會赦歸所著有西

巡奏議嵩南野錄若干卷子尚當父與被誣論死三  
上章乞代及與謫戍賓州遂從行弘治十一年尚由  
賓州學生中鄉試

韓 鎬

韓鎬字民瞻河南盧氏縣人成化十四年進士授給  
事中陞浙江右叅議屬浙大旱金衢爲甚有饑民奪  
富家食以自救奸盜乘之劫掠鄉村往來東陽義烏  
山中鎬聞之卽抵義烏夜遣人諭之曰汝饑民欲自  
救耳亦何罪吾來將賑之宜各散去否則勦殺之固  
不分饑民與盜聞者相顧愕然比明悉遁去卽命各

本朝分省人物考

卷九

四

河南七

縣發粟賑濟且令鄉村嚴立保伍以相救護糾察由  
是數郡肅然不復有警弘治八年陞本司左叅政寧  
紹台溫四郡濱海歲輸粟數百萬於沿海各倉而鄞  
縣糧長相率爲奸詐稱出洋遇風沉溺復議重徵積  
弊者累年鎬至復有詐者鎬曰海神乏食矣何見奪  
之數耶因廉得其實衆皆驚服十二年陞本司右布  
政使海鹽濱海塘岸崩塌數千丈衆議塞之計費不  
貲以民貧無所于辦鎬曰此事屬某當不煩官民而  
可成蓋塘雖決舊石皆在又今年海鹽糧長當追餘  
價數千兩行令每銀若干兩脩塘一丈當衝之田亦

令若干畝脩塘一丈糧長憚於出銀誠得脩築則米  
穀雜貨皆可僱役况舊石之外增添不多半歲可塞  
也乃以屬鎬不三月而塘成十四年陞湖廣左布政  
使中使往來者多以私鹽鬻於府縣索厚價鋪行率  
至破家鎬和買之民賴以不擾十五年遷右副都御  
史巡撫其地贊理軍務命下甫七日而卒訃聞遣官  
賜祭

張九功

張九功字敘之河南陝州人成化十四年進士改翰  
林院庶吉士授戶科給事中陞禮科右給事中戶科  
都給事中轉吏科弘治五年陞太僕寺少卿丁父憂  
服闋復除太僕寺卒賜祭九功性簡直寡合居言職  
能先其所重弘治上疏請正祀典下禮官詳考其他  
建白多見採納未竟其施而卒人多惜之

王尚綱

王尚綱字錦夫號蒼谷陝縣人五歲讀孝經至立身  
揚名以顯父母乃謂其父曰兒長當如此年十八以  
儒士中弘治乙卯鄉試壬戌第進士授兵部職方主  
事正德戊辰調吏部稽勳主事尋遷驗封員外郎稽  
勳郎中值尚書張綏阿逆瑾勢每有私屬輒以正對

且友覆理論綵甚銜之或謂尚綱曰固知不屑富貴如取禍何尚綱曰是有命焉非逢迎所能免不閱月綵坐瑾黨誅楊遂菴為尚書與議論多不合乞補外為山西叅政疏請侍養家居十九年於蒼山谷中築讀書臺開渴睡洞往來於扈礪墅徜徉於馬牛亭隨意所適若將終身京師故舊不通一字雖徵書屢至不應起四川叅政亦不赴嘉靖丙戌起陝西時陝西值虜寇遂菴自吏部尚書歸復起三邊總制見尚綱喜曰吾今日乃知王錦夫也即以兵柄付之不閱月奏捷遂菴特疏以薦聞母喪歸起復赴部中途適歲饑奏採荒十三事又上昭聖心述臣志疏復除山西叅政遷浙江右布政使巡按御史李信以其不行磬折妄據論列尚綱遂棄官歸吏部奏信職在激揚論事不實尚綱宜照舊供職乃復入浙蓋亦非其志矣冬十月疾卒四壁蕭然囊無一金子三人仰體先志卻賻金四百有蒼谷集十二卷

許誥

許誥字廷綸號函谷靈寶人也襄毅公進之子其母夢巨蛇入室覺而生公在童髻岐嶷不羣長而機神警朗望見之者無不羨其奇偉十歲治大小戴禮便

能屬文弘治乙卯與弟讚同舉於鄉己未登進士第庚申選授戶科給事中奉 命清理延綏倉場檢閱精嚴不避權貴時有苗中官者出督三邊貪縱罔法即劾其狀邊人懷之乙丑陞刑科右給事中屢疏上時務其均考察便解納備要害數事迄今行之正德初 朝廷以舊德遺老起襄毅公為大司馬例宜避言路改翰林院檢討奉 命教司禮監官戊辰襄毅公為太宰直弗媼阿中人亦弗敢干以私逆瑾忌之乃欲誥納交以通出入絕跡瑾門瑾乃大怒曰謂我不能制爾邪乃矯詔黜襄毅公籍罰邊儲三百石京本朝分省人物考卷九十一 四十四 河南七 誥廣西全州判官欲置之死歷險冒瘴與魍魎伍挺挺無威容竟宜風土無恙庚午襄毅公卒奔赴憂制即宦情泊如矣自是閉門掃軌潛修述覽嚙齋聖真罔深弗入乃遂受徒講道若將終身焉久之都御史御史交章以薦有 詔守正不阿為昔逆瑾所斥者錄之遂起為尚寶司丞復疏病還十餘年來養晦存神曩屈林藪壬午 世宗改元復起為南京通政司叅議誥曰堯舜在上夔契思奮斯其時也乃起從仕丙戌 帝以文學侍從弗克經幄 命輔臣各舉所知被薦改侍講學士戊子為經筵講官進講多所剴

切據經引史古昔興衰治亂之跡如指諸掌 帝皆聽納嘉獎復上緝熙聖學四事一曰則圖書以明道原二曰主聖經以求道是三曰辯諸儒以祛惑惑四曰屏襍說以防道害其餘尊經崇聖闢邪衛道無不至焉已丑主武舉試事尋擢太常寺卿掌國子監祭酒事乃弘獎風節絀抑華競以經世為士筮尊德為學軌故一時人士翕然化之不徒敦悅典墳涉志弦誦而已時太學生有遐方旅視暴露無歸者幾三十人歲時名字漫滅無稽乃以公帑羨餘購地葬之復察生理窘迫衣食弗給者數十人咸加周卹由是生徒感德懷服又奏罷教職不稱者及劾勳戚習禮不律者一時成均條約肅然改觀因災異乃上乞察天道以平治道疏其略云 大君為天下神人之主情發中節斯用人行行政順應天心陰陽和而風雨時矣帝嘉納之先是文華殿有孔子塑像 帝欲從古易以木主誥乃以所著道統書上之 賜茶及禮神品物復 命各為講章以進誥衍中庸喜怒哀樂章入講 帝謂誥欲以一人之情通天下之情所言良是自後月朔望 帝必躬祭事品物必 賜以為常辛卯 帝開講無逸殿宴幽風亭誥與焉明日以無逸

篇中宗受命敷之講義以進謂民者天之心天心不離乎民中宗以天命度其身以身治其民所謂欽崇天道永保天命也 帝善其說壬辰擢吏部右侍郎時天下入覲謂官之失德寵賂彰也况干涉公事以敗名憲乎乃具奏以戒諸司 帝從之復上疏乞休帝不允尋擢南京戶部尚書時兄弟居兩京大司徒又出襄毅公之後父子兄弟並至八座前此未有縉紳榮之流事無私與物以誠雖議論激發而儀度宛綽僚屬靡不敬服有司厨軍五百餘人以例更調營操而糧賞不及各營軍士誥與具奏增之他如倉場本朝分省人物考卷九十一 四十七 河南七 胡五 之弊無益之費多見裁省復上疏乞休 帝再不允甲午春將 朝賀如京忽一夕痰疾作卒享年六十有四

許 讚

許讚字廷美河南府靈寶縣人太子少保吏部尚書謚襄毅進之子也進生八子伯曰詔鄉貢士次誥太子太保南戶部尚書謚莊敏次即讚次記次詩工部主事次詞鹽運使次誌青城尹次論太子太保兵部尚書金緋銀艾並聯通籍一時海內莫與京焉讚生穎異弱不好弄十歲通戴氏經力學強記平時手不

釋卷弘治丙辰舉進士授大明府推官以明法舉職  
 有夜殺人者取其首去比曉劉姓者負薪售諸市途  
 拾其血刃置薪中邏者執以告拷掠之遂誣服讀獨  
 疑之曰豈有手刃人而不秘形跡者乃榜市曰劉某  
 殺人已服罪有能得其首者重賞遂得殺人者一訊  
 卽服乃釋負薪者郡稱神明焉方士妄以妖言誣讐  
 家詞連開州民李志且旁引十餘人李志素儉者讀  
 曰志且冤矣况濫及其他乎執捕細究已而方士果  
 坐誣死壬戌徵拜陝西道御史乙丑以疾歸正德丙  
 寅復入爲御史戊辰襄毅公入位冢宰以例改翰林  
 院編修聞瑾盜王鉄鉗織士類襄毅素不附瑾瑾銜  
 之遂矯旨罷襄毅莊敏調全州判官讚調臨淄尹庚  
 午丁襄毅憂瑾誅起復陞浙江僉事孝豐寇湯毛九  
 集衆陷城邑乃分地畫籌元克就擒戊寅陞副使巡  
 視海道會宸濠反兩浙戒嚴潛募丁壯扼險要待之  
 民恃安焉已卯改山西提學校士先理道而後詞章  
 每試畢必進諸生於庭下論身心之要晉人士斌斌  
 知向道焉辛巳陟四川叅政酉陽土酋構兵累歲不  
 能平徃出數語折之二酋稽首服兵罷嘉靖癸未陞  
 按察使平反冤獄脫死籍者數十人甲申陞浙江布

政使浙賦繁重吏胥緣爲奸乃摘發其尤者置於法  
 一應織造頽料發銀府縣擇大戶給領限完不由本  
 司其府縣文移註爲號數循序散給杭人有許不解  
 担之誣丁亥陞光祿寺卿瀕行以羨銀三千付汪公  
 鉉汪私歎不已至比之於楊公四知旣而陞刑部右  
 侍郎尋轉左時勲貴郭勛恃權寵擅勢邊官取充戍  
 人犯爲臺諫所論劾下刑部鞠之勲貴人恃勢無敢  
 決者讚上疏曰明法所以重王章申天討也今不能  
 行法於貴近可爲尊 朝廷乎 上特允之獄乃成  
 戊子陞本部尚書是歲議郊禮分合讚上疏曰分祀  
 者致嚴辯之道也合祀者通功用之妙也昭格天地  
 不在禮文而在淵衷 請慎茲大典先是揚州商袁  
 英者 武廟南狩錦衣指揮施恭怙權璫韋霏之勢  
 矯 詔籍其家至是英妻訴聞屬訊理權者日偵伺  
 鼓釁爲挾持計讚不爲動竟寘恭重典棍徒童原李  
 糾挾詐張皇親不遂奏張乞斷 萬壽山龍脉諸違  
 法事及奏內閣并郎署官員數十人受張賊計數萬  
 讚辨析其賊諸臣賴焉諸凡許奏妄議事關國紀者  
 讚悉據法讞之不少徇庚寅改戶部尚書河南軍餉  
 舊允於大名府小灘有奏改他鎮者讚曰利不百不

本朝分省人物考 卷九十一 河南七

本朝分省人物考 卷九十一 河南七

一第丁巳年庚寅日之二十五年 2 五三句

變法乃今增役創置勞費且十倍勿改便又有議令  
有司積穀備荒以多寡為殿最者讚曰預備既有倉  
今舍此而別積穀徒增苛歛勿從便會諸省類報災  
傷因條議救荒便宜并條鹽法在減價革勸罰量地  
免搭配以寬報邊之商餘鹽不過正數下商免其附  
帶以制餘鹽之濫兵部議與甘肅屯田發銀三十萬  
兩讚曰兵弱虜強士不得耕徒損國儲非計及論內  
府供億海戶冒濫宗室祿米十餘事俱報可御史郭  
弘化疏請止採珠讚覆疏以憂天變憫民窮廣 聖  
心乞 俯從其請太監奏各馬房香火地土不敷供  
支乞照舊增添四十頃讚指摘循襲積弊請 旨戒  
飭竟未增一畝凡所規措務循舊則數報罷新議曰  
母徒狗名貽害也甲午聞高太夫人病疏乞終養不  
允令給驛歸省高卒哀毀踰禮十五年特簡吏部尚  
書候服闋蒞事既至乃上疏決壅滯公薦舉復久任  
停無故改調之法抑奔競濫陞之習 上皆嘉納丁  
酉考績加太子太保巳亥冊 大禮成加少保扈從  
聖駕南巡疏節程途以保 聖躬 上褒答勞錫之  
東宮應設官僚四十餘員有求進者毅然拒之曰輔  
導東宮須端人正士今一營求即是奔競何以充選

本朝分省人物考 卷九

五十

河南七 胡三

集眾議僉同乃擬數人推上以是輔臣銜甚辛丑  
九廟災引咎乞罷詞甚切 詔許致仕給驛歸 上  
雖從其請而意不釋復起吏部尚書至則條奏諸弊  
政及上安邊方略數千言壬寅 上懲邊患未寧責  
在巡撫大臣專恣罪在言官各令讚考察讚乃叅稽  
輿論擇巡撫脂韋訛法及苞苴自私者擬斥十餘人  
其科道素乖風紀并建白無聞冗曠可厭者擬黜調  
二十餘人一時士氣復振尤念人才當愛惜有孤特  
自立為人擠棄及言事傷激遭擯者前後薦起十餘  
人如南科給事中曾鈞等以其資深敢言不次敘陞  
其甄別流品南北各定所宜除目一下人人稱平方  
面以上或以儀通問舉人監生謁選或經營美缺必  
當眾發其私竟抑壓示懲每大計吏治雖憑考語猶  
跡行履若官常素守為上官所刺必留之存心險詐  
干清議雖考無貶詞不曲貸甲辰春考察外官有一  
二巧宦竊虛稱擬欲黜之都院不從讚指而言曰今  
為公等留此人異日害人誤國陷善類雖悔無及後  
果如其言丙辰以一品六載考績加太子太傅尋  
命兼文淵閣大學士入閣辦事乙巳 太廟成加少  
傅歲冬素所銜者復起柄政即連疏乞休忤 旨令

本朝分省人物考 卷九

五十一

河南七 高



閑住歸出賜金遍惠鄉族曰吾不忍自私也又助修孔廟山川坎疾革謂諸子弟曰吾父子兄弟俱列上卿吾以涼德受 主上寵甚渥知甚深故數履危機卒賴保全今已矣爾輩有官守者當思圖報遂卒年七十有六讚歷官五十餘年晚荷隆遇凡大典禮多遣命將事其錫子飛魚服銀瓢彩帶及白金綺幣不可勝紀讚德性溫粹意氣凝定蒞官翼翼小心以不欺不怠為主在吏部前後十年用人不憑臆決每遇來京官見各令舉所知其薦同者注錄於心不拘疏逸推用之每銓注必論才高下與地繁簡兼風土南北而劑量之考覈公而恕或疵以細故飛語悉置不行以是人德之子姓祇嚴訓閉門息囂無敢以私入僕從穿短衣如農家裝士大夫羨其家法不釋口平生寡慾年已七十猶作細楷政暇閱經史典籍老而不倦所著有松臯集續集諸史私論五經臆說諸曹奏議若干卷卒贈少師謚文簡

王卿

王卿字良佐弘農衛人舉正德甲戌進士初授德清令後改上海令上海三年召為戶部主事敦厚質實所居不為赫赫名其治上海也循循然因土之故而

本朝分省人物考 卷九十一

五十二

河南七

辨上官未之或知也卿處之淡然不疑無峻城府人樂親附有以非意于者即睽目視面頰然變竟不一語其人流汗走故卿之去行李才數簏爾舉之若囊槁葉也民尤以是思之 武廟南巡道路洶洶有緣以為姦利者卿抗諸邀索一不應第曰 車駕至日供不供有令也何先事自擾為竟以安堵他郡邑有坐是得譴者時疫流行操善藥作糜粥躬行鄉落遍給之小舟獨行侍御簡少民初不知為官也江藩犯順人心騷動諭眾曰江海潮汐非賊利也固無慮奈武庫何吾且有備乃以告許人獲罪者許以鐵贖由

本朝分省人物考 卷九十一

五十三

河南七

是兵刃森然而民免科賦矣尤慎改作三年無土木之役舊民復甦公宇解舍嘗曰取足居止已矣至於出令則曰令何可遽出出必祈於行行必祈于夕朝自為之暮自更之何以範民為故終卿之任若畫一焉雖胥隸坊甲之人亦以不譁乃若疎簡權倖抑遏才項理剔冤滯躬親淡泊一用清淨之治海俗幾為之一變其德遠矣

王邦瑞

王邦瑞字惟賢別號鳳泉宜陽人也敏惠溫方凝靜不苟識量弘遠視天下事無一不可為應機立斷而

張弛必中要以久暫鮮毫髮出入者言擇可而發平居退然若不出諸口至臨大節建大議衆所嗷嗷挺然諍之而不疑弱冠舉進士改翰林庶吉士居父憂起復授廣德知州祖喪去職補滁州有材賢聲陞南京刑部員外郎南京吏部文選郎中陝西按察司僉事提督學校以註誤謫山東濱州知州復陞陝西僉事分巡關內道平反八年免獄人稱神明陞本司副使整飭固原兵備居祖母憂復補陝西副使提督學校士喜其再至益興於學陞陝西布政司叅政丁母憂服闋陞右僉都御史巡撫寧夏在任二年餘陞南京大理寺卿兵部右侍郎改吏部右侍郎轉左侍郎庚戌陞兵部尚書性勿穎拔九歲知文自始學至終老無故未嘗一日釋卷性尤喜觀史道及古今之務禮典法制兵賦沿革繁略之變歷歷如指掌其爲文能發心所欲言者頃刻數千言立就而俊辯可觀初以才選儲禁林迨守三州按北地所至必以教化爲務至以其俸入易經史百家之言貯之學宮視學政時朔正學書院羣士子肄業其中爲政雖和易坦直至於鈎校欺漏劾劾豪黠又不爲一切恩貸如廣德之豪夏姓滁州指揮徐爵及涇陽之孽令張某者寧

本朝分省人物考

卷九十一

五十四

河南七

流臺臣之意雖三反不爲移判故所至肅然憚而去後則復見思自少儻負奇總非爲諸生屬山東盜起卽上安剿十四事河南守哨曰異哉洛陽少年廼爾奇絕耶及兵備固原屬松石劉公視西師劉公固自偉人見則大加器重延之幕府每事朝夕諮語時涇邠巨盜李孟春等流劫河東西莫之櫻也至則夷夷之無遺類民用大靖初以文行吏治有名其以武略顯自茲始追寧夏益著寧夏介在河曲三隅逼寇烽火貫四時歲爲常內治旣嚴又能招携夷黨刺虜中事甚悉每有先事備虜嘗乘間一入輒失利斬其首而去不敢輒近塞者終在任之日西人語保障功者前後多稱之故庚戌之變衆籍籍恃以爲重云卒年六十有七

王冕

本朝分省人物考

卷九十一

五十五

河南七

王冕字服周洛陽人也正德十二年進士授萬安知縣踰年宸濠叛所過屠燒無子遺諸郡縣長吏多望風潛走冕聞變卽奮我募勇得死士數千人會都御史王守仁帥兵至冕以衆從時我軍已復南昌濠解安慶圍還救至鄱陽湖兩軍相拒濠盡出金帛犒士殊死戰自晨至午我兵不利王守仁憂之俄而風順

見密白守仁以小艇實葦於中擬建昌人語就賊艦  
乘風舉火濠兵大驚遂潰敗焚溺歿者無算濠易舟  
挾官女四人而遁冕追及濠投水水淺濠不歿遂并  
宮女執之檻送京師伏誅嘉靖初論功守仁封新建  
伯其下爵賞有差而冕仍知萬安縣久之稍遷兵部  
主事命守山海關甫五旬而妖卒作亂侍吏欲拽冕  
趨避冕曰不可吾有親在乃亟趨母所執兵以衛賊  
至執之以刃脇不從遂見害守臣疏聞詔贈光祿寺  
少卿仍命有司建祠祀之子西星舉鄉試第一

孫應奎

本朝分省人物考 卷九十

五十六

河南七

孫應奎河南洛陽人正德辛巳進士初授章丘縣令  
徵拜給事中嘉靖十五年以言事忤 旨兩繫獄既  
得釋旋以大計論臺臣不法謫高平縣丞稍遷兵部  
員外郎歷陞都察院右僉都御史巡撫順天左副都  
御史協理院事戶部右侍郎提督倉場本部尚書被  
論改南京工部尋改戶部引年致仕隆慶四年九月  
卒賜祭葬如例應奎為人愿謹退然如不能言及居  
官則鏡剖刃斷吏不能欺勢不能屈而其要卒歸于  
仁厚故所至人皆畏愛之

許論

許論字廷議靈寶人正德己卯舉鄉試第四人越七  
年成進士奉使餉榆林邊士氣勃勃自負直將長驅  
沙漠封狼居胥出理邢州以無害課最會仲叔並列  
卿貳例格臺垣尋進職方既終母喪補禮部奉詔進  
九邊圖論 世宗嘉納之歲庚子由尚書郎進南京  
光祿少卿尋遷南京大理寺丞釋囚汪敬劉鎮冤獄  
會邊事起南京交薦論材可備急邊會推京兆撫臣  
著居次 上曰是嘗上圖論者遂進都察院右僉都  
御史撫薊州始入軍上備邊十二事要以振律宣威  
汰冗蘇困居常選鋒團練橫槽飼秣士馬一新白通

本朝分省人物考 卷九十

五十七

河南七

事結虜人邊襲殺守備大掠而去論督將士設伏出  
奇斬白通事及首虜四十人捷聞進右副都御史賜  
金幣躬歷諸要害築邊城增敵樓造營房計出百全  
登陴可守矣以勞致疾請告歸庚戌虜大入薄郊關  
廷臣奉詔薦論可屬大事 上覆閱圖論驗其蚤見  
亟召論分宜故不可羈闕下踰年得命出撫山西籌  
山西一如籌薊上書力卻互市厚戍嚴關臺壘數十  
章亡不剗切乃設亭障謹烽火列拒馬佃營田部署  
周詳屹然足當山河之固虜犯柞子塢不得入乃伺  
大同龍鬚墩集精銳邀擊之虜挫復入親援桴鼓護

軍血戰以捷聞詔進兵部右侍郎賜金幣獎諭壬子八月虜犯紫荆關督入八營兵布八陣厚待之虜聞而遁時論業已受詔協理京營會城京師奉璽書爲植時雲中上谷饑甚釋憾者出之督府且謀奔之甫出關檄傳雲中兵亂殺副將笑曰治亂如治絲也急之益勞亟發條約懸書徧諭之閭伍乃輯論疏其狀乞假歲月以布恩威 上心然之手條約置坐側既至申令誓師吾家世受國恩直將奉不肖之軀以徇爾曹超距之日久矣寧避疆場而就市曹意懇辭嚴亡不人人感奮旣以軍興不給亟請發度支通鹽筴

本朝分省人物考

卷九十

李八

河南七

李禹

足芻糧廣轉輸密棕核妖民呂鶴結虜人決筴擒鶴斬之獻馘者四十詔進右都御史鶴旣誅虜旋馬西向旣敗之紫塞八角堡追襲俘馘百七十有奇詔進兵部尚書廕一子世襲錦衣千戶總督如故甲寅虜連營犯瓦窩口業已完聚備之虜先嘗我伴遁論督諸軍奮擊俘馘百四十有奇明年秋入掠獨石其酋俺答大舉四十萬衆寇山西分部發兵遣輕騎搗其穴據險設伏夜出銳師破其營虜狼籍分崩歿傷不可勝紀已復犯龍門火石嶺勒標兵尾擊之至響水舖出虜不虞募死士持刀斧乘夜突虜中所觸糜爛

虜大潰墜崖竄谷膏血川原伏兵悉起來攻聲震數百里火鼓徹夜不絕明發殘寇號泣而遁乘勝躡之俘馘者五百三十詔加太子太保廕一子世襲正千戶 上益多其伐召入爲兵部尚書於時北虜南倭警息日至 上患倭與患虜等集羣議下本兵論折衷上平倭九事諸軍謹奉廟略悉中機宜丙辰倭入淮揚虜入寧夏諸軍戮力驅剿悉從本兵受成苗寇盧阿項粵寇馮天恩會寧寇許以明陳孔榮各負固稱兵有司遁上變論決策誅首事者餘黨悉平 上故眷論習兵下手札問邊方大計乃掇其要七事以

本朝分省人物考

卷九十

李九

河南七

李禹

對悉當 上心大同右衛孤懸虜圍不解因陳六事五要大率主於振厲積衰責成專任言者俛俛告急請罷本兵憾者主之遂免已未虜大掠深西 上曰薊遼督府務得人朕欲仍用許論命甫下驪聲震邊隅遁上便宜申條約一如嚮法庚申虜酋把都兒宰愛大舉分寇東西論業已完繕葺障簡練部伍不遺餘力虜窺不得闌入無何伺大水峪聚精騎傳諸堞計無堅不瑕登陴誓諸軍力戰而卻迫至段伏嶺俘馘以聞 上賜金幣軍中尋下譽命憾者無所釋適以虛報邀功輓獻六俘面詰乃寢論旣經略邊徼分

為十區各以憲臣監之區分衝援為主守分兵奇正為犄角至今從之歲大侵列戍嗷嗷待餉為之請賑言者以亟請擿之遂罷核諸軍實無闌出入乃已丙寅冬十月自理喪具端坐而終年七十二論故於文事優率以用武顯終始邦政身繫邊圉安危者餘三十年以首功計者二萬三千降者二千酋首旗纛車馬器仗以鹵獲計者三萬五百修築邊牆以里計者四千墩堡以座計者三千人言襄毅之有恭襄猶絳侯之有條侯驃姚之有冠軍也 穆考即位詔復故秩謚恭襄諭祭九壇遣中書劉天衢營葬

本朝分省人物考 卷九十 河南七 李禹

梁震

梁震新野人世榆林衛指揮使嘉靖七年陞署都指揮僉事協守寧夏興武營慣戰敢先登破虜八年進遊擊將軍益奮勵士卒練訓東西援應有斬虜功十一年進副總兵延綏十三年斬虜首功歷陞都督同知十四年總兵鎮守陝西當是時關中少虜患大同宣府虜數入塞殺掠吏民十五年陞右都督改總兵大同大同自五堡之役殺巡撫張文錦叅將賈鑑尋又殺總兵李瑾鎮巡每甘言煦之稍不如意即反唇瞪目或飛章訛言以相搖撼震聞命率家丁五百人

馳至雲中申明約束曰我無爾凌爾無我叛王法軍令具在我不敢破紀綱誤國其家丁時時向鎮兵語曰爾敢殺主將者恃眾耳兒郎輩無不一當百五步內恐爾不得用其眾也自是鎮兵稍稍斂縮十六年春震率兵出玉林川斬虜首一百四十進左都督又出黑山門貓兒庄各斬首八十敘一子百戶十八年鳩卒給餉修五堡軍中不敢譁益身先之與同甘苦五堡竟復虜不敢近寨卒以五堡功贈太子太保歿五堡亦旋廢十九年二十年俺答阿卜孩吉囊三人雲中塞直逾太原窺平陽假令震不死五堡不再廢

本朝分省人物考 卷九十 李一 河南七 李禹 虜亦不敢輒輕入自是鴈門河東雲中上谷殘破朝廷亦思其功優與卹典贈太保謚武壯震在邊專練家丁時時出塞劫虜營虜不敢輒近塞得虜營馬盡與諸出塞劫者以故人皆效死趨利虜以故益畏其威或謂以出邊起釁者曰起釁律有之謂承平時虜牧獵為生不擾我邊而我邊將撲殺以邀功也乃今虜數深入駐帳塞上官堡民堡十去七入我曾搗巢否也及卒家丁無所歸守臣以聞令人伍與衣糧邊將頗得其力

曹端

曹瑞號月川河南沔池人戊子鄉薦已丑乙授霍州學正壬寅改蒲州教人以踐履爲主日著述有四書說詳太極西銘通書釋文孝經述解性理文集儒家宗統譜家規輯略存疑錄夜行燭等編其事父母養志喻色飲食衣服惟務精潔及遭喪五味不入口寢苦枕塊始終不易既葬廬墓六年建祠堂以事先又建義祠以薦外族之無後者不用浮屠巫覡諸縣上書請毀淫祠年荒勸賑全活甚衆屢舉同僚之喪貧不能赴任者贖之客死者葬之學徒從教一於禮我郡人皆薰然而化甲辰蒲霍二州弟子上章競留

本朝分省人物考 卷九十一

李萬

河南七

之霍州先上得允宣德甲寅卒於官正統中河南僉事始蘇張敬灑池知縣胡復立特祠祀之

吳瀚

吳瀚字受夫洛陽人少敏慧日誦數千餘言博覽羣籍發爲文辭迥出流輩與弟瀛同舉鄉薦又同第進士初授南京山西道御史性素介直自負慨然有埋輪之志會中官廖鵬播虐河陝事發逮詔獄羣黨徇曲護之冀得未減乃抗疏列鵬罪狀竟寘重典時論快之陞江西按察僉事所蒞湖西訟訴繁委乃省文例詳聽斷發奸摘伏人稱神明嘗平反疑獄其人感

本朝分省人物考 卷九〇

本朝分省人物考 卷九十一

李萬

河南七

泣繪像祠之陞湖廣布政叅議守辰沅諸郡歲旱率吏民徒步雪禱雨隨沾足郡人歌頌其事時流殍載道請於撫臺發廩賑貸議欲行勘瀚曰勘則遲久亡者過半矣竟發之撫臺益疏薦其賢陞陝西副使整飭延安兵備有妖賊聯黨爲幻出沒無常悉計擒之陞陝西行太僕寺卿復陞山西按察使瀚法比精練爲衆推服凡大獄訊決罔留罔無淹禁陞右布政使轉左使是歲虜酋擁衆寇太原城素無備警衆分部固守而躬督糧出犒師已而援兵四集士獲宿飽衆賴以安又議築外城以固保障晉人至今德之陞應天府尹尋陞右副都御史巡撫畿甸兼督三關值邊疆多壘遣戍靡常乃廣積貯修器械簡士馬嚴校閱匝月而戰守之具各備又以馬水口李家領爲宣大要衝乃剉壁築垣增屯置戍備戒孔嚴後虜果至浮圖峪不得入議者以二堡經略爲有功焉無何以事忤時議以回籍聽用於是乃還洛屏迹山墅人罕見其面撫按薦其經濟可以匡時清忠可以勵俗宜亟起用以慰人望而竟以疾不起年六十有

五〇七

慶諸弟友愛雖通顯澹素如布衣時喜聲律晚益工集古句千餘首彙帙藏於家子三長三樂領省解第進士改翰林庶吉士歷官駕部郎中次三聘舉人補遺

齊 魯

齊魯河南嵩縣人洪武初進士授監察御史鯁介敢言嘗以言事觸 上怒命力士擊落二齒魯徐拾之曰此二齒當送史館 上默然者久之自是益重其人歷遷都御史

張用瀚

齊魯省人物考

卷九

六古

河南七

張用瀚字志本河南府郊縣人宣德癸丑進士授戶部主事正統元年進員外郎出納謹飭操守不渝四年調吏部考功司員外郎六年陞驗封司郎中於公侯襲爵及百官封贈惟守舊章無所訛法尚書王直喜其謹厚特薦陞吏部右侍郎未幾同官忌之構以罪戾謫陝西右叅議歷叅政卒于官

何 濬

何濬字秉哲河南府靈寶人正統中以貢士知象州值洞蠻黃甫榮叛濬親往宣示 德意遂致款服後入覲甫榮率所部護送出境改知道州有宦官侵民

用二千餘頃濬以狀聞卒歸其地于民陞南康知府修白鹿洞書院廣構齋舍聚屬邑子弟讀書其中延知名士胡居仁等六人以教之一時造就者甚眾以致仕歸所在皆祀于名宦

戴 珙

戴珙字廷璧河南府滎池人景泰中進士授監察御史天順初巡按真定劾總兵官石彪不法謫博野知縣時大風振搖禁殿天色昏慘召還原職清理在京三千營凡軍士為權貴役占者悉奏歸伍成化元年恩縣民劉甫聚眾募緣惑眾有僧密開執僧三百人赴京 憲廟命珙鞠之察其非罪奏為釋免累官山東布政使以致仕歸

李 情

李情字宗善河南府靈寶人弘治中進士授御史彈劾不避權倖逆瑾啣之謫驛丞瑾誅起僉事陞江西副使姚源洞賊王察等叛情率兵討之竟為賊所殺事聞贈按察使錄一子入監賜祭于家時登封李錫為主簿尉氏馬聰為饒州照磨同死于難

陳 相

陳相字君輔洛陽人正德末進士知崇德縣事為人

太朝分省人物考

卷九

本五

河南七

剛果庭無留訟吏不敢欺強悍歛跡時中賞用寧其  
黨至邑者賂遺之相獨不為禮一切裁抑唐侍御廉  
得其狀有不畏強禦旁邑咸羞之獎擢為御史

喬佑

喬佑字德徵河南洛陽縣人嘉靖八年進士由行人  
選南道御史丁憂改補貴州道巡按遼東應天建言  
降階州判官累陞山東叅議

楊松

楊松字惟喬河南衛人嘉靖四十四年進士由刑部  
主事改山西道御史建言降山西布政司照磨六年

本朝分省人物考

卷九

六十六

河南七

陞廬州府推官累陞山西副使卒

董定策

董定策號崑星洛陽縣人中萬曆丁酉鄉試甲辰會  
試授真定府推官庚戌行取壬子實授湖廣道御史  
巡中城北城巡蘆溝甘肅巡按丙辰卒父堯封戶部  
亞卿夙持風節定策司理畿輔矚然不染綽有父風  
選入臺中議論鑿鑿不與俗伍惜未竟其施也

人物考卷之九十一目錄

河南南陽府

唐俊

鐵鉉

宋鈺

鄭剛

朱昇

張鵬飛

侯諒

焦顯

焦宏

李賢

周宗

胡瑞

張景純

王鴻儒

柴昇

徐茂

居書

蕭麟

熊紀

任賢

牛鳳

藍瑞

衛道

張苾

王鴻漸

宋伊

郭良

張誦

霍達

張沂

史筆

蘇文

東

河南



本朝京省人物考卷之九十一

河南南陽府

唐俊

唐俊南陽人誠信廉介始終不渝洪武初授兵馬指揮拜監察御史持部使者節叅預戎機以政事著稱超拜福建右叅政

鐵鉉

鐵鉉鄧州人洪武中國子生授禮科給事中調五軍斷事奏對詳明上喜賜字鼎石藩府坐法刑官久鞫不能奏當上屬鉉立決上益喜凡兩法可疑

本朝京省人物考卷九十一

河南人

十一

河南人

獄盡屬鉉未幾陞山東叅政建文二年李景隆駐德州鉉督餉飛芻挽粟水陸並進軍興不乏五月靖難兵圍濟南甚急鉉暨徐將軍盛統兵宋叅軍高僉憲等悉力防禦令軍民詐降開城門候文皇入急下鐵版幾中比出戰令軍士噪罵文皇大怒攻至秋七月不能克舍之南去宋叅軍說鉉曰濟南天下之中北兵今南去其留守北平者類老弱且永平保定雖叛諸郡縣堅守者實多郭布政輩書生大叅公能出奇兵陸行抵真定南朝諸將潰逸者稍稍收合不數日可至北平其間豪傑有聞義而起者大叅公便

宜署部號令招徠之北平可破也北平破北兵回顧

家室必散歸徐沛間素稱驍勇大叅公檄諸守臣倡

集義勇候北兵歸合南兵征進者晝夜躡之大叅公

館穀北平休養士馬迎其至擊之彼腹背受敵大難

旦夕平耳鉉以軍餉盡於德州城守三月士卒困甚

而南將皆駑鈍無足恃莫若固守濟南牽北兵使江

淮有備北兵不能越淮歸必道濟吾邀而擊之以逸

待勞全勝計也乃設宴天心水面亭犒問辛苦述賦

賡歌激發忠義未幾又有東昌之捷建文以却敵之

賞賞鉉進布政使再陞兵部尚書叅盛庸軍務賜金

幣鉉入謝京師賜宴饋粟肉小河之捷中原震動

文皇欲北還以諸將言再戰得勝遂長驅渡江鉉感

憤欲自裁文皇登極鉉尚擁殘兵駐淮南已而擒

鉉至不肯屈令一顧終不可得割其耳鼻竟不肯顧

劈碎其體至死罵不絕聲時年三十七子福安戍河

池康安先卒父仲名年八十三母薛安置南海

宋鈺

宋鈺唐縣人洪武中舉人材知杞縣廉慎有為治行超卓擢授監察御史執法不阿不避豪右陞知南雄府轉金華俱有賢名

鄭剛

鄭剛南陽人天資英邁質直無偽家貧嗜學洪武中釋褐胄監署廣西布政使事尋改充州知府留心民瘼均田稅正版籍有遺愛在民為時所重持節巡視江淮救荒撫民踰年卒于官洪熙初贈工部尚書制稱其資稟純寔蹈履清慎夷險之際一心不渝

朱昇

朱昇舞陽人洪武中由進士授行人司行人砥礪名節務存大體奉使安南不辱君命尋擢廣東道監察御史正色立朝糾彈不避權奸凜然有桓典之風

朱幾卒于官

張鵬飛

張鵬飛唐縣人初名九萬洪武二十年以耆宿聽宣諭上問唐鄧動靜近日如何鵬飛應對稱旨賜今名字以九萬授戶部郎中廉勤清謹時有里商餽鴨子者強其家人受之鵬飛怒詣朝自劾上笑曰張郎中何乃至此仍賜鈔二十貫尋陞平涼知府未行以明刑命錄大理寺囚三月獄平九尋卒于京特賜鈔一百二十貫以資歸葬

侯諒

侯諒舞陽人體貌魁梧穎悟過人讀書攻苦貢入太

學時高廟勅吏部簡拔風憲而諒與焉立朝風裁疑峻有激揚之志纔踰四年擢安南守值遠夷弗庭諒日夕惶惶屯聚士馬多方訓練隨機應敵民賴以安朝廷嘉其績褒封之未幾致仕

焦顯

焦顯字宗仁南陽人為諸生時居母憂有司以入試當服闋迫之行弗從永樂甲午領鄉薦歷易州訓導轉府教授年四十致仕平生邃於理學旁通星曆地理醫卜力田甘隱謝絕公庭頃白蓮社作孽招累干

人顯將招冊焚之合境安帖不啻古渡蟻者云

焦宏

焦宏字克明葉縣人性至孝篤學永樂辛丑進士拜監察御史守正不阿時都御史顧佐馭下嚴御史有不謹禮法者皆罷斥獨善待之常出按貴州貴有疑獄不決論死者百餘人察其實以聞皆釋免坐者十人而已公署相傳有妖前御史皆避正寢不敢居宏處之恬然陳都督鎮鳳陽行有違法者人重誣之欲寘之死地宣帝疑之命擇御史之賢且明者往廉問以命宏至則為直其誣而坐以所當罪得不死諡

戍邊由是日益有名人有受誣不能白者皆以得遇  
 為幸壬子陞江西按察副使人謂江西俗健訟宏曰  
 吾知其人多讀書識道理吾當以理論之訟無難決  
 者於是惟折之以理不尚嚴酷人亦感其德無不服  
 從獄遂清省江西連歲歉積逋稅藩府病之吏部侍  
 郎趙新任總督奏委宏以循撫之民皆歡趨事以辦  
 治已未陞江西右布政使益務寬厚不事苛察下吏  
 中有才行者累疏奏進有起自末僚而為縣令者九  
 江歲納蘆柴此地不產乃斂錢於民買自他所逋負  
 歲積民益困踣乃為奏免重新南昌府學修公署正  
 堂及吏舍皆捐俸以倡僚屬故不勞而集每以公事  
 行縣寬而不縱嚴而不殘吏畏而民愛焉九江濂溪  
 書院久廢地址為人侵軼查復其地更建祠宇有與  
 鄉薦而貧不能赴春官者咸厚以贖之辛酉徵為戶  
 部右侍郎本年閩浙蘇松半臨海濱寇往來海中伺  
 便抄掠 上命往視閱諸軍修城堞備戰艦防守之  
 法有當因革增損者悉以便宜行事政令一新寇不  
 得為害蘇之嘉定民有田數百畝已歸之官而稅尚  
 在民乃蠲其稅甲子閩中復開銀場又命往視課煩  
 重者請減之以利民乙丑 上以陝西緣邊皆宿重

本朝人物考卷九十一

五

河南八  
李郁

兵俱仰食內郡河南濱陝多積粟而諸衛多屯田慮  
 有名無實復命按視其廩庾考校其邊獲奸弊盡革  
 儲特以充正統己巳詔征叛賊思機發而以宏主餽  
 運抵金沙江奉命謹甚冒瘴癘以進軍不乏食而身  
 則病矣然尤力疾終其事師還浮三峽道荆襄以朝  
 京師因家南陽葉縣以困憊弗堪少止求醫藥而疾  
 加劇不能就道踰數月卒訃至 上深悼惜之命禮  
 部致祭工部為治墳塋宏盡心 朝廷遇事勇果為  
 之必盡其方不擇利害為取舍與人交謙恭和厚言  
 語恂恂有不當其意輒毅然自任不少回於得失故  
 於其卒也世多惜之

本朝人物考卷九十一

六

河南八  
李郁

李賢

李賢字原德鄧州人人生而氣宇凝重不妄舉止嘗得  
 疾劇葉夫人危之有老嫗來視曰此非凡子也幸毋  
 以為憂言已即去明日疾愈人以為神宣德壬子舉  
 鄉試第一方宴鹿鳴有鶴數十旋繞廳上布政使李  
 昌祺舉酒酬曰將必有名世之才乎癸丑舉進士命  
 察山西河津蝗災時學士薛公瑄以御史家居賢往  
 造之叩質所疑薛公亟稱之以為英悟淳確非流輩  
 可及 英宗皇帝嗣統賢上疏言帝王之道在赤子

黎民禽獸夷狄未有赤子不得其所而先參養禽獸者今京師韃官不下萬餘以俸言之指揮使三十五石而實支一石韃官則實支十七石五斗是韃官一員當京官十七員半矣况夷狄人面獸心一旦有警其勢必不自安前代五胡之亂可不鑒哉乞 勅兵部漸次出之於外不惟省 國家無益之費亦可以消未萌之患蓋賢筮仕卽有志當世如此已已之變畿內韃官羣起應虜賢言始驗正統丙辰授吏部驗封主事會有 旨文武誥勅三年不得請必候九年者賢以職守所在復上言此獎勵臣下之良法若候九年則得者恒少不得者恒多廉貪不分勸懲不立乞仍舊便後卒從賢言賢以人才繁太學而太學因元之陋上疏言 國家建都北京以來所廢弛者莫甚於太學所創新者莫多於佛寺舉措如是可謂舛矣若重修太學雖極壯麗不過一佛寺之費請及時修舉以致養賢及民之効後數年詔新太學實自賢發之乙丑陞考功郎中踰兩月丁母憂久之轉文選郎中候終制赴京賢官吏部更三任每公暇手不釋卷尚書王文端公直以公輔期之而少師楊文貞公每以不識賢為歉南陽知府陳正倫文貞友也因要

本朝分省人物考

卷九十一

七

河南八

本朝分省人物考 卷九一

賢往見之賢不肯曰無一面之雅而造門是求知也士大夫兩賢之已已秋虜寇大同時中官王振用事力主 親征吏部侍郎當扈從以疾告賢代之行師潰於土木 英宗北狩扈從官多預其難賢瀕死而還景泰初年上正本十策曰勤聖學顧箴警戒嗜慾絕玩好慎舉措崇節儉畏天變抑貴近振士風結民心奏入 命翰林繕寫置左右焉辛未虜遣使求通好有詔絕之令廷臣共議長策賢上言虜所以敢輕中國者恃其弓馬之強而以中國長策惟有所謂戰車火鎗然用得其法又在將士者何如今 朝廷於將帥特彰剖封之典於士卒頻加賞勞之恩待之厚矣然不能一為國家復讐雪耻何也乞飭勵中外將臣務期功實著明賞罰允當 上嘉納之是冬陞兵部右侍郎壬申奉 命察四川有司之不職者癸酉還京轉戶部右侍郎賢以虜欲無已不宜終徇上疏言北酋也先近殺其主併吞諸夷包藏禍心其志非小若只聽其講和貢馬圖金帛之利蔑敬順之誠增數冒名會無定約竭生民之膏血供無厭之貪求醜類日見盛強中國日加罷敝惟 陛下奮仁者之勇勵總戎之臣以振中國之威則夷狄之心自懾方來

本朝分省人物考

卷九十一

八

河南八

五二三

之患自弭 詔下兵部少保于謙謂李賢言誠為正論請下其章以勵邊臣甲戌轉吏部右侍郎詔頒君鑑錄於羣臣賢擇其中善可為法者二十二君又詮其最切者數事曰鑑古錄上之 英宗復位一時輔臣多竄殛乃以人望召賢兼翰林院學士入內閣典機務未幾進吏部尚書兼官如故左右欲以汪后殉葬者 上問武功伯徐有貞及賢賢言景泰初汪后即不得志况二女皆幼可憫臣愚以為宜厚遇之上憮然以賢言為是山東奏民饑雖得內帑銀二萬而不足 上復召有貞及賢議有貞持不可曰散銀有弊無益饑者賢言天下之事未嘗無弊顧奉行何如耳散銀有弊而不貸是視民饑死而不拯也因噎廢食豈為人上之理 上深以為然命增銀四萬兩民賴全活甚眾時太監曹吉祥忠國公石亨以迎上復辟為己功竊弄威福 上漸不能堪賢自念遭遇不偶凡事一以至公處之吉祥與亨滋不悅亨率兵西征御史楊瑄劾吉祥與亨縱家人奪民田 上嘉其敢言命吏部識其名將擢用之亨遵與吉祥謀此必有貞及賢所使相與愬於 上言已有迎復功為有貞賢等所傾將俾臣等無噍類因伏地流涕不

本朝分省人物考卷九十一 河南八

已乃諭 旨言官劾賢等并下獄其日風雷雨雹大作損殿宇公署瓦木甚異 上知天怒在此亨等反言上天亦怒賢等雖強解釋然不自安明日言於上釋之詔俱謫外任賢得福建布政司右叅政將辭吏部尚書王翱是日得專對語有間 上曰李賢與有貞雖同事未嘗阿比王翱因頓首力言賢淳謹可大用 上領之即日留為吏部左侍郎踰月承天門災 詔復賢尚書學士賢上章懇辭不允二年賜玉帶以優寵之 皇太子將出閣賢請擇學術端良之士為輔導乃上劉謙等數人為春坊官 上仍命賢總之日授書正字於文華殿 上思建庶人幽大內六十年欲赦之左右多以為不可召問賢賢曰 陛下此一念 太祖在天之靈實臨之堯舜存心不過如此 上意遂決遣中官衛送居之鳳陽出入自便初石亨以文臣總軍務於邊使武臣不得逞因請罷之居無何邊檄驟然 上悟其非命賢舉可任巡撫者數人皆克堪其職尋命賢督修大明一統志賢偶患足病不能造朝 上遣御醫來視又數遣太監安寧以政務問賢旬日方愈入謝御史劉濬劾太傅安遠侯柳溥敗軍之罪 上怒曰與賊遇安能保其無

本朝分省人物考卷九十一 河南八

損且將校聞濬言豈不解體將遣人繫之賢曰耳  
之任職所當言惟明主用其是舍其非而已不當見  
譴石亨等遂乘間讒賢以爲阿護文臣會 上知賢  
已深譖卒不行而大悟賢言爲是濬得薄責已而溥  
還自陝西 上曰溥爲主將畏縮致敗不罪之何以  
警衆諭言官廷劾之奪其太傅景泰二年度僧數萬  
及天順二年如期來集賢言於 上曰此輩有損無  
益宜俟十年一度著爲令初 上於便殿屏人謂賢  
曰吉祥好預國政聞四方奏事者必先造其門奈何  
賢曰自古人主權不可下移若 陛下每事自斷惟  
公道處之則彼漸不敢附而趨附之人亦自少矣  
上曰朕意亦然會石亨敗遽置於法因問賢迎復事  
賢曰當時亦有要臣臣不敢從 上怪問何也賢曰  
天位乃 陛下所固有若景泰不起羣臣表請復位  
名正言順何至以奪門爲功奪之一字何以示後此  
輩實貪富貴非爲社稷計倘景泰先覺亨等何足惜  
不審 陛下何以自解幸而事成得以貪天之功然  
天下人心所以歸向 陛下者以正統十數年間凡  
事減省與民休息所致今爲此輩損大半矣 上竦  
然大悟 詔凡以迎駕奪門冒功陞者四千人悉褫

本朝分省人物考 卷九十一 河南八

中外肅然前此賢父以封贈 恩請 闕謝至是  
陛辭 上特賜寶鑰三千貫因顧謂賢曰先生已盡  
天倫之樂乎賢頓首曰臣父子所以有今日者皆  
陛下之賜是冬賜甲第一區賢上章懇辭 上曰聞  
卿舊宅去朝頗遠特賜近居以便宣召所辭不允遷  
居之日 上及 皇太子皆有落成之賚賢以朝覲  
官黜陟之典往往虛應故事無以示懲勸言於 上  
罷不職者數百人旌異者十人賜宴禮部 上命賢  
與尚書王翱主之四年庚辰虜酋孛來寇大同守將  
失利遂深入鴈門烽火徹於京師民驚遁不可止賢  
請急發兵遣兩都督將之出鴈門倒馬二關旬日始  
定五年辛巳虜西寇涼州莊浪賢知 上以虜入爲  
憂陳邊事五條 上從之遣懷寧伯孫鏜率兵往禦  
時江南北太水而加以師旅賢言宜布寬郵之典遂  
罷天下所取花木板枋之類及暫免采柴追馬清匠  
刷卷諸事而采柴一歲省銀三十餘萬兩吉祥從子  
昭武伯欽殺人 上因下詔戒諭勳舊欽懼與吉祥  
養死士謀不軌欲幽 上於南宮而立 皇太子因  
西師行乘機入內爲亂朝臣當道或有憾者戕害之  
擊賢傷首及耳且持賢謂曰某等迫於讒聞不得已

本朝分省人物考 卷九十一 河南八

此請入疏以申救賢曰爾既殺仇償怨能止戈反  
 正我當言之 上得疏乃知賢在甚喜既脫於難  
 上急召之入宮手疏曰逆賊就擒此非小變宜詔天  
 下一切不急之務悉皆停罷且言自古治朝未有不  
 開言路者惟權奸欲塞之以遂其非由是陷於大惡  
 而不悟自石亨等排黜臺臣言路閉塞其流遂至此  
 極 上悉報可下寬郵條而以開言路殿焉 上念  
 賢忠勤下 勅加太子少保賢上章懇辭不允賢以  
 西師未解而京師有變大軍不可輕出請復都御史  
 王竑俾與兵部侍郎白圭分道禦虜虜引去邊臣請  
 罷兵而議者懼有後警賢上言兵出在外可暫而不  
 可久暫則為壯久則為老且虜安能保其不來若慮  
 其復來更無休息之期况人民供輸疲困已極宜趁  
 河開班師使民得屯種為便 上命廷議卒從賢言  
 聖烈慈壽皇太后崩 上見賢所服斬衰與眾異取  
 視之乃知賢服制合古即以賢服著為法命宮中悉  
 易之孟冬享 太廟適大喪禮未終 上以問賢言  
 宜俟釋服後庶人情事理兩安 上曰微公言幾舛  
 於禮七年春 上足疾不 賢曰大祀將至而  
 疾未愈欲遣官代行可乎賢曰亦須至壇所雖不能

本朝分省人物考 卷九十一

十三

河南八 劉世任

行禮人心亦安 上至齋宮召賢曰朕惟俯伏艱於  
 起身欲令一人扶之何如賢曰 陛下能力疾行禮  
 尤見敬天之誠遂竣事而還二月晦夜賢聞空中有  
 聲明日密疏曰傳言無形有聲謂之鼓妖上不恤以  
 而有此異惟 陛下憫念黎元凡一切不便於民者  
 悉皆停罷則災變可弭 上覽之即召賢曰此事正  
 須先生言先生不言誰復言者其具寬恤事條密封  
 以來賢遂疏十事一請清淹禁罪人二止銀場煎辦  
 三停歲造紙劄四蠲被災糧稅五弛芻米之徵六罷  
 虧損馬匹七飭邊臣撫郵兵民八命有司存恤流移  
 九戒御史察貪吏十禁外官因事苛斂 上曰朕諦  
 觀之皆實惠也宜即詔天下賢又請罷江南所造段  
 疋及燒磁器清錦衣衛所監罪人止各邊守臣進貢  
 停內外買辦採辦 上不從賢執之數四止取前十  
 條行之左右見力爭皆寒心同列亦為賢懼賢曰古  
 之大臣知無不言今雖不能盡然至若利害繫於安  
 危者豈可默默以苟祿位然 上聖明亦不以爲忤  
 也是時錦衣衛指揮門達有寵於 上專理詔獄且  
 兼緝事於中外道路洶洶相視以目賢嘗以爲言達  
 衛之會指揮袁彬爲所誣下獄有楊暄救之 上命

本朝分省人物考 卷九十一

十四

河南八 劉世任

達連訊達欲并傾賢林暄使誣賢為草奏狀狀牽捕數十人勢危甚上命廷鞠之其人遂吐實曰此達所教也賢以事白上疏力辭且以知足不辱知止不殆為言上不允曰此細故無用介意八年春上不豫久之疾劇命中官以遺詔示賢十七日上賓天後五日憲宗嗣位有欲專致隆於上生母者賢曰天子新即位四海顛望凡事宜悉遵遺詔庶幾順天理服人心於是尊皇后為慈懿皇太后貴妃為皇太后尋進賢少保吏部尚書兼華蓋殿太學士未幾門達以附中官謫遠方又為言者劾其欺罔故殺諸罪謫戍嶺表不知者以謂出賢意其黨相與為匿名文書指賢姓名欲中之賢不自安懇乞退休上不允下令禁議謗者時災異屢見賢請出宮人以昭聖德又上疏言治安之本在於君德輔養君德又在左右前後皆老成端謹之人若喜生事工逢迎專以諛悅供耳目之玩者望即日退出母令隨侍賢以疾在告詔免早朝尋降勅命知經筵事及總修英宗睿皇帝實錄成有司請造鹵簿已得旨賢聞之亟入言先朝所造車駕尚有貯內庫未經御者今恩詔方頒百姓懸息未久奈何復為此

上即日寢其首皇后吳氏之廢小人乘機欲害賢者益甚上命錦衣衛嚴禁之且遣衛士夜宿賢第護賢以行有內直將軍愬天順初因入直迎駕而陞冒功者今一切褫職非法意上念其久於役特復之而以迎駕奪門陞者紛然入愬不已賢言於上曰自石亨輩此舉之後人以得富貴之易貪利者懽幸有事宜早治之且請復故少保于謙等官賜祭改葬以雪幽枉上亟是賢言命兵部按其以迎駕奪門陞者自太平侯張瑾與濟伯楊琮以下俱奪爵蓋賢欲消患於未萌故於上即位極言之由是洵為營葬事賢累疏請終制不允遂遣太監林興輔行賢聞故鄉歲祲加以師旅請止官營葬不從既抵家襄事興即日促賢上道五月至京師入見上慰勞有加賢退即疏言乞俯察至情矜從守制詔令勉起就任賢復疏言臣累訴衷情而陛下曲加勉諭徒重臣之慚增臣之罪詔即日就任慎勿再言又遣中官至第道上意乃供職賢因上道中往來所得軍民利弊八事大約乞重守令之選毋拘常格以



免墮政留河南所運之粟以備民饑停通州諸衛薪炭之徵以蘇民困蠲江南馬戶而復本處民戶代之以均勞役增天津諸衛及河南榮澤新鄉諸處驛遞以便往來開衛學軍生歲貢以振淹滯 上即命所司議行賢有所陳奏俱裨主德民瘼 上方虛已以聽而賢感疾挾旬不愈 上遣中官臨問賜尚食及命御醫日夕診視報疾狀凡三閱月疾亟語弟監察御史讓及子璋惟以 國恩未報史事未成為念以是年十二月卒享年五十有九贈大師謚文達賢少即有志聖賢之學為諸生時督學者問所志對曰為學之道當如周子言蘊之為德行行之為事業其人

本朝諸公考卷九十一

大異之在吏曹大書箴銘於座右與學士薛瑄相厚善務以性學相切劘而窮理之功益密立朝四十年不立黨與惟守一誠自以受知 英宗遂身任天下之重知無不言天下亦倚之為重雖遭讒罹謗處之泰然 英宗嘗論景泰不與大臣接言賢曰自古明君未嘗一日不與大臣商確治道也 天下常安先儒謂接賢士大夫之時多親宦官官之時少於君德方有益又言朕自復位以來未嘗一日忘在南城時每以此戒左右賢曰安樂不怠患難古昔聖賢之

君存心正如此又言飲食隨分曾不揀擇衣服亦隨宜雖著布衣人不以為非天子也賢曰如此節儉尤見盛德若朝廷節儉天下自然富庶 英宗每為首肯愛惜人才惟恐弗力而以獎恬退厲名節為先耿公九疇及軒公輓皆以廉介聞首舉耿為都御史軒為刑部尚書未幾二公以見排去位又屢言於 上而還之年公富亦為亨姪彪所誣陷及亨敗力言富有執守可大用遂起為戶部尚書 上嘗謂賢曰左右多不悅富者賢曰不悅正見其賢禮部侍郎員缺禮部郎中李和求近習薦陞 上問賢何如對曰不知其人臣所知者學士李紹可任此因進言邇者士風不立多夤緣以求進如若用紹請於黼座召吏部面命之庶幾士類知警 上從之命下之日傾朝懼然其後任事大臣賢多所薦拔人不及知之反有訾賢者或以告賢賢曰吾知用其才耳三選庶吉士儲養於翰林親加督教如愛子弟與學士呂文懿公原陳公文彭公時相處十餘年未嘗失辭色每語具以忠言相告而於講學論政至終日忘倦人有善若已出不白之不已兩廣兵興編修丘濬實廣人具嶺南事宜告賢賢繳奏言可用請付軍中為平賊之助遇

本朝諸公考卷九十一

天變民瘼憂形於色每以裁抑浮費蘇息民力為本  
謂內帑財物非濟兵民則人主必生侈心而移之於  
土木禱祠聲色之用自賢柄政前後發內帑銀救荒  
卹邊凡數十萬計人有急難以身救之而於植臺諫  
慎刑獄尤惓惓焉成化初言者歷詆中官之惡謂不  
可使與國政得補外而或咎賢不申救者賢曰此事  
何可激也甘露之變黨錮之禍諸君獨不知之天順  
中宗室臨川王弋陽王前後為緝事者發其陰事已  
而多涉虛因 召問賢賢曰觀此則其餘所枉多矣  
法司雖知其枉而不敢辯乞 明詔理官不許畏勢  
本朝分省人物考 卷九十一 河南八

避嫌實傷和氣 上乃召三法司面加戒飭中外咸  
悅凡 朝廷大政令涉於軍情邦計者必經賢議而  
後決虜酋字來近邊有言傳國璽在其處石亨請發  
兵乘機掩取之 上為之動賢曰頻年災荒府庫空  
虛兵民困極宜與休息且虜近邊而未嘗犯塞無故  
伐之必賈費况秦璽亾國之物亦不足寶 上矍然  
罷之內府奏乏金用 詔下戶部議請以蘇松嘉湖  
四府歲折糧銀折金五萬兩賢曰 國家財賦仰給  
東南而金非其所產今欲折金價必湧貴聞雲南諸  
夷有歲辦金銀若以銀折金亦足以充國用松藩恙

寇亂已勅三司調兵勦之久不下賢曰三司頡頏牽  
制自不能成功若 朝廷命一大臣統之則事定矣  
因薦都督謝貴為將而寇始靖凡冊后妃與諸王大  
喪大祀婚冠之禮及 憲宗之初親耕視學諸大典  
禮悉命賢與禮官增損其儀式而後行白金文綺上  
尊珍饌與夫四方貢獻內帑圖書賜賚無虛月賢每  
以盈滿為戒取小旻詩中語扁其堂曰臨深以寓安  
不忘危之義雖位及三孤不治田宅不鬻女侍為學  
務實踐不為空言因自號浣齋孝友敦睦之行有人  
所難能者所居圖書左右口誦手錄雖老不懈每有  
本朝分省人物考 卷九十一 河南八

文若干卷  
周 宗  
周宗字繼先裕州人成化乙未進士知鹽山貴池二  
邑大有政聲擢陝西道監察御史按遼丰采嚴整貪  
酷畏懾宦監侵伴軍食率以為常宗痛刷滌軍民稱  
快嘗自言曰寧為法以受禍不陷人以要名仕終浙  
江按察司僉事  
胡 瑞  
胡瑞字良禎內鄉人成化甲辰進士選授禮科給事

中緊官右副都御史巡撫山西地方為人老成持重進言得體所在有聲卒賜祭葬

張景純

張景純字文粹南陽人中成化丙午鄉試天資穎敏志向精專凡天文地理性命道德之學無不精究曉悉著書立言名重天下為當時學者所宗王文莊夙負重望每嘆服其人未仕而卒

王鴻儒

王鴻儒字懋學南陽人成化二十三年進士聰悟天成書過目成誦作字端勁有古法里人有為府史者

本朝分省人物考

卷九十一

二十五

河南八

嘗以鴻儒所書置之府中知府段堅偶見而奇之史

對曰里人王生書也堅即召見曰子風神清徹豈塵

埃中人即留讀書府中續食授衣遣入郡學為諸生

提學副使陳選異其文曰此生文章經世非直舉業

未幾發解河南第一筮仕南京戶部弘治九年僉事

提學山西十五年進副使提學在晉九載 泰陵勵

治思賢嘗召見劉大夏論人材曰藩臬中如王鴻儒

他日可大用大夏對曰此人才學不易得誠如 聖

諭正德改元乞致仕賜誥四年於家拜國子祭酒不

數月憂去七年又拜南戶部侍郎十年召入吏部歷

左右侍郎嘗曰惟誠與直能濟國事趨名者亦趨利於社稷生民無益也時吏部尚書陸完有才名與宸濠通亟稱夏忠靖王忠肅二公賢可師法完意不說十四年三月陞南戶部尚書是歲六月宸濠反完敗鴻儒督餉留都至九江聞變遡流欲入武昌約守臣起兵討賊又聞 康陵南巡益憤億疽發背卒謚文莊博文多識凡 祖宗設政任人及先輩立朝行已歷歷能言至論時務決成敗可否如探囊指掌待物開誠不問人私人亦不敢以私問也弟鴻漸亦舉河南鄉試第一官至山東右布政使致仕廉靖有吏才

本朝分省人物考

卷九十一

二十五

河南八

柴昇

柴昇字公照內鄉人幼知嗜學十五補郡庠生歆粥讀書寒暑靡廢常受知郡守段堅成化丁酉舉於鄉不第游太學力學十年丁未始舉進士是年選擢工科歷左右給事中特為 孝廟眷注調兵科歷十有三年在諫垣即以死直為心謂官祿非夙志也弘治庚戌彗見東井下 詔求言首疏十有五事急切時弊 上首為嘉納辛亥北京山東河南水旱有 詔亟求時政得失疏陳四事甲寅工部營造 皇親府第人心怨詛劾之疏留中明日宣 詔面諭片言靈

威 詔用以寢乙卯四月番僧領真占竹黃綠行取  
中外騷動禮部劾科道又劾 上不之聽昇乃上一  
疏反覆千萬言欲恤人言杜無益 上讀之大悟其  
果欺罔也 詔用中止天下誦之丁巳丁內艱庚申  
起復掌兵科適大同虜逼平江伯陳銳將兵百萬老  
師玩寇蠶食日費中外相視無敢言者奮筆舉劾衆  
色懼明日奉 詔取回偏裨以下各置以法邊境用  
清他如革畫工止僧度定柴夫至今著爲令辛酉陞  
山東叅政奉 勅督糧巡歷所至查革奸弊興學勸  
農賊吏望風引去水旱租稅已經奏復而戶部邊警  
本朝分省人物考卷九十一 壬午 河南八  
檄徵昇部運至京米麥草束原價糶需不足具論民  
無餘力何以再徵庫無餘財何以再借論入得暫收  
原價宣府龍門喜峰古北口諸倉亦各被區處官吏  
稱便乙丑陞廣東右布政使革缺官皂隸銀貯之公  
庫稽其出入人服其廉時十三村賊與良善雜處議  
難進兵乃設法招諭俘獲罔究捷聞 賜銀牌紵絲  
衣二襲正德丙寅陞山東左布政使舟還荆襄官司  
盛備夫騎至則行李蕭然途人興歎丁卯陞副都御  
史巡撫江西會革改陝西振肅憲度聞者凜凜已而  
陝西革總制三邊率聽制於昇令行禁止終任雖解

舍器物一以給官三年改吏部右侍郎四年轉左庚  
午冢宰逮繫攝部事督屬攜掖手自省閱凡所以壞  
選法者俱議請釐正法比畫一五年陞南京禮部尚  
書六年改兵部勅叅贊機務議陳兩都形勝粵自  
祖宗朝迄今百數十年設官原有意義奈何承平既  
久百度寢衰加以內府冗員四方饑盜歷數漢唐往  
迹要以救時弊收人心爲急務條十有三事率祛逆  
瑾餘孽具見施行自是不悅者滋衆繼以賊勢猖獗  
疏保國之策 上遂以守備事悉委之殫竭心力會  
選官軍分布據守盜隨以息坐是病目乞休得 旨  
本朝分省人物考卷九十一 壬午 河南八  
褒留壬申外艱繳勅奔喪中途及南京戒嚴僉議以  
奪情例檄差官遮留乃謂奪情其令典耶就檄答之  
東歸乙亥吏部以南京工部起辭弗允九月固辭乃  
奉 俞旨優以月廩歲隸乘傳還鄉杜門謝客構亭  
後圃吟咏其中居常稽古課子崇正黜浮究心世務  
雖細靡遺暇則招舊傳觴澹於勢利非公事不入城  
府門逕蓬蒿干請絕迹婚喪不舉者力爲之助四方  
名賢至必造廬 世廟入繼大統郊迂寵顧未幾詔  
起不果屢用言官論薦以幣醢存問卒贈加太子少  
保壽六十八

徐茂

徐茂字景芳新野人以成化進士擢雲南監察御史奉勅整理邊防按治淮揚等郡風聲赫奕成化三年再按京畿其貪墨不律者悉望風解去居道九載拾遺補過激濁揚清人稱其得體陞山西叅議入祀鄉賢祠

周書

周書字大經裕州人成化中由監生任陝西伏羌尹清廉自律秋毫無所取實倉廩以備邊化頑民以成俗當道奏白廉能以書稱首未幾卒縣祀于學宮

蕭麟

蕭麟新野人成化中以舉人授高郵訓導轉定州學正陞鹽城知縣制行端謹蒞政廉能孝友之風尤孚于鄉間及卒人猶前之人祀鄉賢祠

熊紀

熊紀字時振南陽人中弘治己酉鄉薦壬戌進士歷知縣給事中陞湖廣叅議素履剛介問學老成識疏通達于為政宦業方隆卒于官士論惜之

任賢

任賢裕州人正德六年以母喪家居適流賊至同知

郁采請協心拒守賢與采共招集其鄉兵三千人登城拒守城陷罵賊不屈遂遇害一家死者十三人巡按御史覈實以聞贈太僕寺少卿予祭葬仍廕一子為國子生時正德八年六月

牛鳳

牛鳳葉縣人正德辛未進士試南宮選第六授驗封主事時黔國公應襲大賂冢宰求免入朝鳳執法不從幾被中傷止 武宗南幸被杖幾死後 世宗即位錄言者功陞正四品為太常值 承天門災遂自陳歸卒

藍瑞

藍瑞字伯麟鄧州人正德中舉進士任青州府推官蒞政廉明轉南京刑部郎鞫獄多所平反不避豪要陞知漢中府單騎赴任二年百廢具舉凡所設置皆為數世之利瑞朴直自執不為時所容比歸未嘗有餘貲平生所著有日省篇求仁錄名言錄湍南稿藏于家卒祀鄉賢祠

衛道

衛道字正夫葉縣人正德中舉進士授武昌府推官有治蹟徵為南京刑科給事中會 武廟南巡道抗

疏諫請 回鑾詞極懇切 上嘉納之累官南京刑部右侍郎清直之操終始不渝致仕卒

張 苾

張苾字延齡新野人由縣學生貢入太學正德間為內黃縣丞操履清介持正不阿民有饋一雞斗米者苾却之曰吾俸可以養廉何忍剝吾民也尋陞交河令有異政益安淡薄父瓚聞之持米肉以助之且戒曰毋渝初心論者謂不愧古之良吏云入祀鄉賢祠

王鴻漸

王鴻漸字懋德南陽人中弘治甲子鄉薦第一登嘉

本朝分省人物考

卷九

河南人

靖矣未進士初授大理寺評事決獄稱平出守廬州才堪治繁未幾調蘇州府及入覲通判解清被冤當黜乃正言力解一時京師甚重之既擢關南兵備擒獲巨盜馬興等數十人民賴以安歷官山東布政使問學該博惠政孚民致仕歸尤廉介絕俗與兄鴻儒中州稱為雙鳳焉

宋 伊

宋伊字汝任裕州人嘉靖辛丑進士初知崑山縣年少老成強禦不畏諂練治體遠近稱賢未三載當道保薦者八上權為戶科給事持正風駁有古諫臣風

以遷葬歸在道疾作而卒士民罔不痛悼

郭 良

郭良舞陽人以監生授武清知縣政尚寬平民懷其惠時入覲道遇數寇行李盡被標掠從吏泣訴曰吾輩之物任取去天寒乞留吾尹衣被寇曰爾尹無乃武清郭知縣耶曰是寇遺之監司以為有化盜異政上其事 賜勅褒旌尋陞銅仁判改衡州益精治體吏畏民服工部尚書翁公世資以待郎謫守與良同寅深得其歡心贈別詩有知君不能薦深負長官羞之句後致仕家居坐卧一小樓足不履地者數年其靜專之功類如此

張 誦

張誦字記學鄧州人由歲貢歷晉州平定州判陞文水知縣時邊官有大獄不決誦承簡命一訊即剖陞知定州嘗覆州縣地欺隱以均貧乏甦息酌贖銀市牛種招給流散復業民有再生張父之謠建正學書院贍給諸生創修陂堰利數百餘家人名其堤曰張公堤在郡八年盜賊屏息民為立生祠入觀象 璽書褒獎為直隸清官第一後歷韓府左長史以老致仕

霍達

霍達字成章裕州人器度凝遠雖燕居必衣冠危坐終日儼然由鄉舉任安化教諭誨生徒祁寒暑雨不輟也當道聞而薦之而守制還矣後補應城尋陞淮安教授復改登州前後四任終始如一造士多有成效巡撫等交章論薦欲為提學僉事不果陞國子監助教卒于官貧不能歸祭酒周洪謨素重其為人為之經理歸葬

張沂

張沂字希魯鎮平人世居南陽以鄉薦除直隸鎮江府通判權貴占據荻州佃人因而潛匿水寇劫掠商賈即拏捕之權貴以書囑不聽竟寘之法一日獲盜賍巨萬長官欲以公用沂正言拒之遂獲嗔即挂冠歸家貧不逮齊民鄉人咨嘆之

史筆

史筆字秉直南陽衛人性至孝父病劇嘗糞母卒遺命以白綾斂不得終身不服綾以鄉薦除山東武城令調襄垣守愛民被其澤爭繪像祀之尋陞太僕寺丞馬政大舉年未艾即引疾歸杜門不謁府者十四年撫姪讓產恤貧周匱人多義之以輿論申允入

祀鄉賢祠

蘇文

蘇文字子朴南陽人少孤貧事母至孝母病暑月思牛餽不可得遂終身不食牛族有遺變獨持數百金寄者逾數年封識宛然還之以鄉薦歷樂亭棗強知縣却常例革浮費杜請託釐積弊均賦清訟興學勸農尋擢國子助教民攀轅卧道留之轉岷府長史未幾謝政歸清貧如寒士誠無愧于古之孝廉云

本朝分省人物考 卷九十一

三十

河南

人物考卷之九十二目錄

河南汝寧府

何德

趙好德

徐理

岳仲明

孫顯

王平

梁銘

衡岳

趙毅

尚禱

強宏

楊威

徐廷璋

李嵩

胡智

熊翀

本朝分省人物考卷九十二目錄

李鸞

胡瀛

高鑑

閻倫

曹鳳

程文

張文佐

李遜學

熊槩

盧藝

劉紳

何景明

李緋

林時

王相

許達

蔡翠

馬錄

孔輔

朱紀

郭五常

楊來鳳

桂祥

馬敷

蔡光

本朝分省人物考卷九十二目錄

二



本朝分省人物考卷之九十二

河南汝寧府

何德

何德者光州人也至正末 太祖隆興德仗策來歸 從 上定江左諸郡轉征吳楚屢立奇功授驍騎衛 千戶吳元年七月沅陵人向珍八作亂德率兵討之 至官廳嚴珍八以衆逆戰德擊敗之進拔其寨而斬 珍八逆黨周文貴率划船三百餘艘復攻辰州德使 別將與戰于西門外自將輕騎直抵其塞攻破之獲 張千戶等百餘人文貴退保麻陽德追擊之又俘其

本朝分省人物考

卷九十二

河南九

萬戶等四十四人文貴遁去是年拜虎賁右衛指揮 僉事既定中原陞指揮同知率兵守遼東召還改虎 賁右衛指揮同知尋擢大都督僉事洪武十三年改 立五軍遂爲左軍都督僉事十七年扈從北征還以 疾卒于家年五十二賜葬鍾山之陰追封廬江侯謚 莊毅

趙好德

趙好德字秉彝汝陽人幼警敏能文章有經濟大志 元季汝穎兵起郡縣多陷沒好德謂其妻曰今元運 將終豪杰並起我觀東南有天子氣將往從之遂洒

泣以別自和陽渡江謁 太祖于金陵語合以儒士 授峽州同知尋遷安慶知府飭兵治具屹然江淮保 障歷六年陞戶部侍郎明年進吏部尚書嘗召與四 輔官何顯周等至內殿坐論治道 上悅各賜錦衣 一襲命工圖其像

徐理

徐理西平人國初從諸將定江右諸郡積官至永清 左衛指揮僉事調營州中護衛靖難兵將下大寧理 從間道詣軍門請見遂從 成祖戰于白溝河破雄 縣滄州藁城定兩淮入京大小十餘戰皆買勇先登 所向克捷累擢都督僉事壬午封武康伯賜白金文 綺貂蟬冠服還守北京寬厚馭下士樂爲用永樂六 年薨子禎嗣

岳仲明

岳仲明固始人宋鄂王七世孫也洪武初徙家于汴 仲明少負清節隱居不仕嘗廬墓九年有司以孝廉 舉朝廷三召不起賜號純孝先生今三召祠故址尚 存所著有遺安集

孫顯

孫顯信陽人洪武丁卯領鄉舉卒業國子監 太祖

臨幸說書稱旨授工科給事中累陞工部尚書丁外艱廬墓三載鄉里推重之 嘗御闕樓睹欄楯上有紅光閃爍令人跡之則顯衣緋袍以督役也由此忌之會廷諍忤旨杖四十謫戍雲南密藉其家止水牛一頭茅屋數間使者還報 上嘉歎召復原職至中途卒于是復贈八十金勅有司營葬事

### 王平

王平息縣人洪武中以國子生擢江西道御史陞陝西按察使 文皇卽位召爲都察院右僉都御史坐事謫衛經歷用薦陞福建右叅政從英國公張輔征交趾事平進交趾右布政使時清化府蠻賊梗化平與都督黃中往鎮其地民賴以安還至交趾卒平爲人氣剛不容物臨政頗刻而所至不受私餽交人至今頌之

### 梁銘

梁銘汝陽人洪武末以父廢改補燕山前衛百戶革除間北平被圍銘拒戰甚力以功歷陞後軍都督僉事侍 昭皇監國于南京坐事下獄已而宥之命往廣東備倭 昭皇卽位陞都督同知鎮守寧夏封保定伯宣德元年從安遠侯柳升征交趾卒于道子瑤

襲父爵正統間征鄧茂七有功佩平蠻將軍印平湖貴諸苗景泰間進封保定侯出鎮陝西三邊成化間召還掌都督左軍府事薨追封蠡國公謚襄靖

### 衡岳

衡岳字世瞻西平人少以俊茂補郡學弟子員中河南鄉試遂升大學洪武三十年詔國子監選諸生通理道者赴詹事府議事六館之士咸推岳往岳敷陳時政切而不迂所司以聞擢廣東潮州府同知酌已惠民自常祿外餽遺一無取布衣蔬食不異寒士嶺海間翕然稱其廉三十五年遷西安府知府其清操善政如在潮時丁內艱去職服闋改慶陽益以清白自勵民愛之如父母僚友諸婦嘗會飲岳之內子與焉在席者金鈿綺綉爛然而岳內子荆釵布裙而已既罷頗不樂岳曰汝坐于何處曰首席岳曰既坐首席又要服飾華美富貴可以兼得也耶慶陽人至今以爲口實永樂十年朝覲至京以言事忤 旨謫戍交趾慶陽西安二郡民千餘人詣闕請贖岳以終其惠不報 仁宗嗣位下詔求賢監察御史表錠鹽運使何士英指揮范智交章薦岳起爲南城令以舊官復任改南豐令其爲令祿薄不足用常于官舍種蔬

以自給家人或有愠色輒曰不猶愈于充軍時邪無不意滿正統四年夏五月秩滿至京欲告歸會刑部侍郎薦岳于朝遂擢桂林守在郡五年廉慎之操愷悌之政終始如一以年踰七十致其政而歸景泰三年終于家享年八十有四

趙毅

趙毅字孟弘汝陽人尚書好德子也博雅多才凡六經子史天文曆數等書無不精詣善屬文工草書頗有晉人風度隱于鶴庄與處士張一中金子齡時相過從忘情勢利永樂初徵為工科給事中歷工部左

本朝分省人物考卷九十二

五

河南九

侍郎 太宗嘗召與語隨問進見多見采納一日

上召侍奕時盛暑亭午流汗浹背即以手中扇賜之無何以內艱歸起復原官兼詹事府少詹事上欲作木牛流馬問羣臣無應者毅獨得其法就便殿製之能行數步 上曰昔武侯因蜀道之難作今四海一統舟車之便安用此為並其法納于內府八年奉使交趾卒于途

尚禠

尚禠字景福羅山人中正統己未進士初授行人擢南臺御史會掌院都御史周銓貪污不法禠偕諸御

史范霖等合疏劾奏銓下詔獄銓亦奏辯諸御史俱被逮會銓遘病卒禠得謫雲南驛丞量移豐城知縣為邑豪誣繫憲獄處士吳與弼以詩解之禠用是名重海宇

強宏

強宏字士容汝陽人天資明敏書過目輒成誦登正統壬戌進士拜監察御史彈劾務存大體不矯激以沽直會 景皇帝命監京畿兵馬保障山東紀律嚴明虜不敢逼陞山西僉事陝西副使致仕歸闔門養重時論高之

本朝分省人物考卷九十二

六

河南九

楊威

楊威字冲儀汝陽人父璽洪武間為歸安令有善政威生而穎異日記千言領景泰庚午鄉薦授霸州訓導抵掌談世務切抱隱憂天順初陳十事多見采納明年又上疏劾本州官寮貪庸盜賊縱橫不能制遺禍將來當必不小侃侃千百言不報後數十年大盜劉六等果起霸州卒如所慮四年遷武鄉教諭五年復上疏陳五事其一論軍政謂徒戎狄于內地于計非是亦未報雖當路嫌其抗直而識者趨之九年遷永平教授不赴歸年七十卒子元方榆次知縣孫世

祥嘉靖丙戌進士祁門知縣

徐廷璋

徐廷璋字公器羅山人性豪邁有才畧登景泰辛未進士拜刑科給事中時錦衣指揮門達有寵橫恣羅織卽大學士李賢幾不能免于虎口事敗上命廷臣會鞠廷臣夙畏達無敢言者廷璋忿然叱校士刑之達乃伏辜由是直聲震于中外累陞都御史巡撫寧夏寧夏故無邊墻套虜數入廷璋始修築塹山湮谷長數百里迄今以爲保障

李嵩

本朝分省人物考卷九十一

七

河南九

李嵩字文明汝陽人父縉吉安府通判以故得從楊文貞公游博極群書領景泰癸酉鄉薦除辰州同知城麻陽黔陽兩縣民不知擾洞苗以爭田相讐殺嵩單騎詣洞片言解之苗夷警服競奉金寶爲壽悉却不受九年秩滿民夷交奏復留三年擢鎮遠知府嘗行部遇虎正色端坐了無畏怖虎乃去無何以致仕歸經女兒澗風濤暴起舟且覆嵩仰天祝曰嵩居官不敢欺天罔人如有之天覆吾舟須臾風止抵家發篋惟圖書數卷日以自娛雖餽粥不充怡如也所居舍壞太守欲爲修葺嵩不聽年八十卒子舉鄜州知

州

胡智

胡智字尚明光山人成化丙戌進士歷戶科給事中數上封事彈劾時宰念其親老一旦乞歸旣登途忽聞父喪一痛幾絕匍匐抵家而母亦卒智哀毀骨立幾不能生服闋或勸之官智曰吾親旣歿更出何爲乃扁其堂曰知足自號雲山道人築精舍于城南百里之外白沙關竟日掩扉靜坐玩易如此者二十有八年丁巳元旦禮拜天地畢公服端坐而逝自通籍以來凡俸金租餘悉以贍宗黨之貧者不私尺寸以遺子孫其忠孝大節恬退高風真有超乎流俗者矣

本朝分省人物考卷九十一

八

河南九

熊翀

熊翀字騰霄號止庵光州人少齡業南壇從遊者十人許忽夕覩一絕色女立松樹上衆皆錯愕走翀畧不爲意女滅焉遂以刀刮樹皮大書曰作怪風雷折成形斧鋸分夜半雷劈之至今人猶能道其事登弘治己丑進士授武進令濯瘼煦寒無毛髮點染稱循吏擢爲山西道御史按陝西武臣橫強發其甚者如指揮王昶輩置之法按江西蕩夷凶慙不少假借貪墨望風解去而釋死刑之寃者爲多刷卷南畿以考

最陞山西憲副且 詔以天下官員都照依熊狎其  
受知于 朝廷如此分巡冀北道擒白蓮會謀不軌  
者萬眾惟戮其首妖王良輩而脇從者免陞按察使  
正德庚戌督工張秋陞都察院僉都御史多茂烈又

被欽賞無何陞副都御史節鎮陝西均徭額興錢法  
刺奸植良紀綱振肅入邊夜見寶氣上轟命掘之得  
古玉璽一顆文有受命于天既壽永昌八字納之上  
是年以工部右侍郎召無禪者不泣下而遞留者行  
間改兵部侍郎立朝抗顏多建白時大司馬馬文貞  
公名談然而侍郎有左熊右熊京輦有兩熊夾一馬

本朝分省人物考卷九十二

九

河南九 李郁

天下太平之謠 孝廟呼熊鬍子而不名一日奏事  
鼻帶液 上曰鼻液乃膝寒耳命以宮繡護膝賜之  
滿期加正三品服色俸廩一子入監年七十擢南戶  
部尚書遇兩宮慶禮成得特進階資政大夫正治卿  
上柱國時七十有二矣巧休詔許馳驛歸累官要樞  
家居絕無秘玩但藏古書千卷所製奏疏與詩文有  
止菴集行于世

李鸞

李鸞字廷儀確山人成化己丑進士授南京刑科給  
事中正色立朝風猷特著時中官竊柄中外軀脆鸞

抗疏奏彈竟為所構謫判秦州量移上海令廬州通  
判任真推分曾無幾微見于顏面以內艱歸遂用懸  
車廳事僅容旋馬夫人猶然布衣清風凜節當于古  
人中求之矣

胡瀛

胡瀛字孟登羅山人成化乙未進士授餘姚令明敏  
廉介有應變才適日本夷來朝所過騷然瀛預市瓦  
器寘以魚菜餅糗至即給之夷得飽殊驩皆踴躍去  
歲饑悉發廩以賑猶弗給乃節量温飽令饑民備食  
富家多所全活仍奏免田租之半時監儲督折銀甚

本朝分省人物考卷九十二

十

河南九 李郁

急瀛罷弗徵坐罰俸又弗徵明年秋成始下令徵折  
銀民皆兢入曰勿復累我矣也有爭燭湖水利者積  
年不決至操刃相向瀛為分水均其灌溉遂解居數  
年以憂去服闋改武進尋擢南京戶部主事員外郎  
以忤權貴請與國同知遷浙江僉事自度與時不合  
遂致仕歸子止進士官御史能世其家聲云

高鑑

高鑑字克明信陽人第進士為武選司主事崇王既  
之國汝寧請置守備大司馬謂信陽已置守備難其  
手鑑曰是無難也即移信陽于汝寧俾兩備之便遂

著為令尋以事忤中貴人遠謫鎮遠通判適洞夷相  
讐殺督府檄鑑往輯之不服鑑乃夜徙居他山供帳  
如故遲明則臥榻已推碎矣鑑從容束帶出帳中議  
事羣夷望而神之皆叩首伏遷鎮江同知夔州知府  
甫一載致仕歸鑑體貌脩偉才器磊落善談辯曉音  
律詩書圖畫自成一家云

陶倫

陶倫字天敘息縣人弱冠舉于鄉父歿哀毀骨立及  
塋遂築室于坐側居之晨夕悲號哀感行路登成化  
戊戌進士歷官禮部郎中清慎端敏以疾乞歸加叅

議服色累徵不起卒祀鄉賢祠

曹鳳

曹鳳字鳴岐新蔡縣人生之先日母自外歸見火光  
如車輪當其前明日鳳生生而靈異書過目輒成誦  
成化十七年登進士為祁門令九年擢監察御史當  
弘治改元之初鳳持風裁崇論正議多所嘉納偶奏  
事失儀鴻臚糾舉上特宥之謂左右曰此曹御史  
也好官當畧其細過五年巡按江北劾罷大吏貪墨  
望風解綬以抗直不容出守蘇州蘇富饒甲天下俗  
尚奢靡為定婚喪禮不得過制一切務從儉素法在

必行當時各郡莫不推先蘇州者陞山西左參政湖  
廣右布政權都察院副都御史巡撫延綏正德初召  
還京師逆瑾方用事賄賂公行諸部院見者多長跽  
稽首鳳故不見及見又長揖不拜一無所贈送瑾不  
喜乃問曰都御史知回院故耶鳳曰 聖恩也瑾曰  
何以報稱鳳曰振肅紀綱激揚淑慝耳時瑾嚴勘天  
下錢穀以中傷不附已者勘官希瑾意言延綏布糧  
池爛過緣主者鳳適丁外艱所司奏鳳當守制瑾乃  
罷其官聽勘竟誣鳳償布五百疋粟千石鳳鬻產完  
報瑾怒猶未解也鳳積忿一日無疾端坐而逝明年  
工部尚書別有傳

程文

程文字載道確山人少聰穎異常兒未冠舉于鄉登  
成化辛丑進士授舒城令民詠歌之擢南臺御史累  
遷太僕寺卿南京右通政使屢疏劾逆瑾皆留中不  
報歷仕三朝以忠謹著稱居憂時兩臺以河夫積剩  
千金為贖文毫無所取盡留民間且輸粟捐金賑歲  
之荒其高義如此

張文佐

張文佐字良弼西平人成化甲辰進士累官山東叅政父淵邁疾顛天所代疾遂愈後天年終徒跣哀號既絕復甦及葬身自肩輦而行遂廬墓側負土築塚高數尋手植松栢千餘株哀勞過度忽感疾夜夢異人賜以藥方醒合服之即愈後居母喪亦廬墓三年墓左產靈芝三本色赤如鷄冠事 聞旌表其門

李遜學

李遜學字希賢別號悔齋上蔡人自幼聰穎嗜讀書成化丁酉中河南鄉試丁未舉進士改翰林院庶吉士弘治己酉授檢討充經筵官丙辰陞浙江按察司

本朝分省人物考 卷九十二

十三

河南九

僉事督理學政教人因材造就每試封卷置號手定甲乙預決中式名列後悉如其言私請一無所售時皆服其識鑒未幾以憂去諸生送之水滸多泣下者辛酉服闋改陝西提學遷副使甲子丁內艱丁卯復提學山東戊辰召入為太常少卿己巳以少卿兼翰林院侍講署詹事府事秋八月開經筵進講虞書一章詞懇音暢左右聽之聳然庚午陞戶部右侍郎是冬改禮部又明年轉左乙亥拜南京禮部尚書除歲以齋聖壽表至留為禮部尚書凡祀享朝會諸儀必考古據今行之唯謹尤務持大體不為文義所牽制

屬吏有以節孝當旌門而于例少礙為請曰此勵俗之具其亟行之無拘拘也用心之厚多此類丁丑夏五月命以尚書兼翰林院學士仍掌詹事府事上恩遇日隆前後屢賜玉帶蟒衣及文綺寶鏹諸物至是引疾乞歸甚力章凡九上輒蒙溫詔褒答聞命益知感激強起視事戊寅冬以疾卒於官

熊槩

熊槩字大節商城人成化丁未進士授南京戶部主事遷員外郎中優游郎署者十年屢筭錢穀毫無覬覦人服其廉出守臨洮地當夷夏河西諸鎮皆取辦

本朝分省人物考 卷九十三

十四

河南九

于此槩悉心經畫咸中機宜隱然若長城焉以疾請告歸卒于家

盧藝

盧藝字士能息縣人居家孝義五世同居成化中以里選歷都察院司務戶部員外郎時陝右大饑奉勅往賑區畫多方軍民數萬賴以全活陞太僕少卿未就卒于途賜祭葬祀鄉賢祠

劉紳

劉紳字大用汝陽人成化戊子鄉薦第一登弘治庚戌進士拜監察御史 孝宗嘗欲差緹騎逮繫郡守

第一冊 續修四庫全書 第 14 版 正內

紳疏諫止之出按京畿山東風采凝重群寮憚服每治死獄必委曲求其生路至志寢食曰吾以盡吾心也遷山東按察副使釐奸剔弊不著風猷辛酉致仕卒于家

### 何景明

何景明字仲默號大復山人信陽人也生有異質穎敏殊絕八歲時即能賦詩為文章年十二以父仕臨洮驛丞乃隨侍臨洮守李紀者聞其奇召置門下甚愛幸之為延師授春秋居頃之節善說春秋年十五魁河南省試諸王公大人爭迎致一見候車常數十

本朝分省人物考

卷九十一

五

河南九

乘所過觀者如堵既入京師遊太學祭酒林公又甚愛幸之年十九登弘治壬戌進士授中書舍人是時北地李獻吉武功康德涵劇杜王敬夫歷下邊廷實皆好古文詞景明與獻吉又駿發齊名憂憤時事尚節義而鄙榮利並有國士之風其文類國策史記詩類漢魏盛唐于是明興詩文足起千載之衰而學士家稱曰何李屹然為一代山斗云在中書時自館閣諸縉紳與四方學士人人願見車馬填門巷不絕而景明德性醇明言儀雅雅栖酒談笑間詩文立就作字復秀拔奇勁迥出常格一時聲傾都下顧高潔不

妄交游錢寧欲與交驩間持古畫求題景明日此名畫無汗吾題留一年終不與題是時寧賜宗姓景龍貴弄權景明顧奴視遠之會乾清宮災應詔言便事乃極言邊軍番僧義子數事義子者斥錢寧也疏留中不出師御史客死京師權倖廖鵬者賄之棺謂可結縉紳謹也景明日御史生不苟受奚為受汗地下邪乃約所知共賄金斂之竟却其棺後督學關中會鵬弟鸞鎮守關中恃勢益橫諸叅隨者遇二司不下馬乃執叅隨者撻于市責數之諸叅隨始人人斂避矣先是逆瑾撓吏部權則移書許太宰引正大義獻

本朝分省人物考

卷九十二

十六

河南九

### 李紱

首書疏騷賦序記銘贊雜文數百篇盛傳當世



李排字廷章固始人弘治乙丑進士為戶部郎可儲  
薊鎮適 武廟南巡度支浩繁排悉心經畫事集而  
民不擾又推其餘以贍貧士之婚喪不能舉者邊士  
懷之歷江西按察副使儲直指獨薦其才堪巡撫後  
果進都察院副都御史總理河道所至有治聲家居  
好行其德遠邇慕義繼母年老喪明事之如嫡前輩  
風猷大都若此

林時

林時字懋易號介立山人正德庚午舉河南鄉試第  
二丁丑舉進士為翰林庶吉士已卯授檢討尋以內

李朝省人物考卷九十三

十七

河南九李朝

艱歸壬午起復會修 武廟實錄為纂修官乙酉實  
錄成進編修為經筵官丁亥擢國子監司業辛卯改  
南京通政使司右叅議甲午擢右通政乙未改提督  
膳黃會繼母喪歸遂卒壽四十有五時幼奇疑穎悟  
絕人六七齡讀書一日成誦大父卒值家中置時甫  
九齡或日一食或竟日不食讀書不輟名翹然起後  
為舉人則有郡守畢公昭問周之畢重其學每夕必  
輒輿造訪所居不容輿必踵就為與論古今常變經  
史信疑及在館務學益勤劬每讀書夜半為文深思  
不苟會議大禮忤旨與同官俱逮獄杖三十病踰月

乃間 武廟實錄且成惟迎立 世宗等二事未決  
眾議紛然時奏記副總裁中峯董公曰昨聞迎立一  
事或云由中或曰由內閣誅賊彬或云由張永或云  
由楊廷和疑信之間漫然無據竊意廷和以忤旨罷  
歸永坐罪廢 今上方綜覈名實書進二事必首登  
乙覽恐將以永真有功廷和真有罪不待左右汲引  
排擯而君子小人進退之機決矣董公以白之總裁  
鵠湖費公可之書進 天子由是傾心任宰輔而宦  
寺之權輕矣為司業立十二會選博士堂官文行優  
者六人分領之月終稽核親為改正諸生中有悍惰

李朝省人物考卷九十三

十八

河南九李朝

久不至者一切繩以法曰朝廷法非吾意也異日有  
持當路之親面抗者曰吾以司業治監生非治當路  
也爾何抗痛責之已而閣老有遣祭文廟者作詩得  
御和遂立石于廟時曰不可文廟具瞻之地一物不  
可損益况有聖製可輕舉耶事遂寢及孔子祀典成  
有欲上表稱謝者時曰吾既不能正又從而謝之人  
其謂何事又寢亡何慎選師儒之議起上疏請休  
上下吏部覆奏得留京別用之命已乃改陞南京國  
子監祭酒在南公事殊簡升堂後寂如也暇則取諸  
經傳閱之作文賦詩亡虛日嘗著介立子未就會慶

歸焚焉初奔喪急途中積熱十月疾作謂子宏等曰  
吾所為爾曹極知之能勉于為善吾死亡愧矣天下  
事平生儘有志卒不能一為命也當復奈何越十二  
日遂卒是日大風霾汝人聞者皆曰泰山頽矣至有  
憤惋泣下者

王相

王相字夢弼光山縣人辛酉中鄉試正德戊辰登進  
士初授淮之沐陽令沐陽邑僻民貧公帑無風積會  
歲且大饑民日流移百方求所以濟荒者因請官錢  
數千緡賑之躬親計口面給焉全活甚眾逆瑾用事

本朝分省人物考卷九十一

十九

河南九

管變賣鹽引及沐陽相乃白之當道謂舟楫不通百  
家之產未足以當千引之費後竟事寢時山東盜起  
近遠騷然乃築城廓浚池隍練民兵由是盜相戒莫  
敢入境者比啓行沐民老弱泣隨者相望未幾拜山  
西道監察御史獨持風裁門無私謁及領湖湘清戎  
之命乃更飭法令定立條格使官吏有所畫一用是  
軍政肅清奸猾屏迹嗣後奉勅閱城池驗軍器凡湖  
山險地道所出沒者悉令脩築以為捍衛斬府往嘗  
作看花樓于城隅至侵及池隍為魚沼相一切按之  
以法始還其舊凡羣小憑依狐鼠者必懲之不少假

借時邊將多羅織平民指為奸細以冒功者無慮三  
百人相知其寃將奏聞于朝邊將懼乃賂權勢冀獄  
成以掩其詐且遣人恐嚇之而屹不為動尋出按山  
東風采視昔益倍先是臨清地衝要設鎮守太監一  
又各倉場設至五六有司供費動以萬計軍民病之  
相按臨初即會議以聞辭甚懇切而又榜之衢市以  
示禁約由是有司不敢過于奉承無賴不敢恣于無  
忌而不便者羣起而謀中傷之矣後果被逮補判高  
郵州東人號泣遮留者無異沐陽也方從容就道病  
作未幾卒年僅四十有九相孝友天植睦族周筑居

本朝分省人物考卷九十二

二十

河南九

官垂廿年未嘗為自私計不經之事未嘗一出諸口  
有奏議詩稿若干卷藏于家 世宗即位贈光祿寺  
少卿諭祭一壇有司奉其主從祀賢祠

許達

許達字汝登河南固始人正德戊辰進士仕至江西  
按察副使宸濠之變不屈被害贈刑部尚書謚忠節  
長身巨口猿臂燕頤沉靜有謀略初為樂陵令期月  
令行境內辛未春劇賊劉七齊彥明颺起圻甸焚屠  
城邑殺戮長吏達先築城浚隍貧富差工越月而成  
文使民各起墻垣高過其簷仍開墻實如圭才可容

人家令一壯者執刀伺于實內其餘人皆入隊伍令  
 曰守吾令視吾旗鼓違者有軍法首功者上賞又設  
 伏巷中洞開城門未幾賊果至旗舉伏發賊火無所  
 施兵無所加盡擒斬之自是賊不敢近樂陵城撫院  
 交薦其才超陞山東按察僉事兵備于武定州是時  
 劉齊二寇猖獗自陝以東橫行而武定城圯隍夷不  
 格牛馬民欲奔去力定之壬申五月劉七楊寡婦以  
 千騎犯利津追至高苑縣斬首四十有八未幾賊以  
 百騎劫德平復追戰于楊二莊一鼓盡勦平之自是  
 賊南奔狼山颶風敗舟乃滅尋陞江西按察司副使  
 本朝分省人物考 卷九十二 河南九 梁休

執達暨孫公以出顧謂孫公曰達疇昔之言正為有  
 今日耳達嘗與孫謀先發後聞也遂遇害于惠民門  
 外時盛暑尸不臭蠅蚋不近數日容顏猶如生達父  
 方家居聞江西有變殺一都御史一副使便為位易  
 服而哭人怪問之曰此必吾兒也吾兒素志如是故  
 知之

蔡翠

蔡翠字羽秀固始人徙家光州正德丁卯舉于鄉授  
 高苑令端介不阿政崇節愛毫無所取于民境內河  
 溢為害築堤捍禦迄今垂百餘年人猶思之曰蔡公  
 云朝分省人物考 卷九十二 河南九 梁休

馬錄

馬錄字君卿信陽人正德三年進士授固安知縣縣  
 當南北衝劇號難治錄嫻習政體周察人情廉明惇  
 信士民悅服踰年有異寇之亂襲破固安錄被執寇  
 見臥內無長物乃賢而釋之獨縱其獄囚去囚曰我  
 輩罪宜死幸母竄以累吾慈父也復相率詣獄再踰  
 年徵拜監察御史督理山東馬政以內艱歸免喪出  
 按江南嘉靖初遣使捕高唐州官屬連坐者五百餘

人中外大駭錄上疏極諫 上從之六年按山西妖人李福達事覺錄捕抵法初福達以丹術干武定侯郭勛勛奇之相與頗密及被繫勛乃移書請賞錄大怒劾勛庇姦亂法勛惶懼入辯 上疑以屬三法司于是刑部尚書顏熙壽等會鞫俱如錄擬而給事中王科等御史高世魁等二十五人各又奏論勛先後十餘疏 上以人言衆愈疑而左右又有爲勛言者乃令福達并勘官俱至午門以兵部左侍郎張璉署都察院禮部右侍郎桂萼署刑部少詹事方獻夫會審璉等鍛鍊傳會盡改原擬錄與都御史李璋等坐

本朝分省人物考

卷九十二

三

河南九

故入俱謫戊王科等坐挾私彈劾俱編氓福達釋歸勛置不問羣論皆爲之不平

孔 輔

孔輔初名孟富字道充汝陽人幼以神童稱登正德戊辰進士授中書舍人遷刑部員外郎鞫刑明允上覽其疏賜名輔蓋以公輔期之也己卯 上將南巡輔偕同舍郎孫鳳等伏闕諫被杖幾死尋出爲松江守丁內艱復補辰州 世宗改元大褒諫臣得進俸一級又以外艱歸起補廣南便道抵里卒輔天資穎異積書至萬餘卷過目輒不忘所著詩文甚富而

子姓零落不少概見人共悲之

朱 紀

朱紀字維憲固始人天性孝友父本患中結用管以口吹無難色嘗夜失牛家人逐盜已獲乃舊識者縱之不問以子冠貴封御史正德七年霸寇至紀于將家埽結義兵拒之斬賊黨七人賊怒四面環攻力疲遇害事 聞贈光祿寺少卿

郭五常

郭五常字大經西平人正德辛未進士授大理寺評事 武帝南幸上書切諫罰跪門五日杖之八十謫

本朝分省人物考

卷九十三

三

河南九

通政司知事嘉靖初復原職恤刑陝西多所平反陞萊州知府廉介自持萊人繪祀楊震祠中起補鄖陽郎人爲立甘棠碑累陞山西行太僕寺卿調停馬政屢奏邊功欽賞有鑑金文綺之賜以入覲卒于京邸飲量兼人與客縱飲松林之下客皆僚倒乃呼松爲伴一松一竿飲可八斗人謂風流無減晉人云

楊來鳳

楊來鳳字從儀汝陽人正德甲戌進士授會稽縣令以政最擢山西道監察御史時 上將南巡來鳳同諸御史疏諫 上怒杖于闕下幾危出按陝西事未

竣以病告歸杜門養重尺牘不入公門衣乏羅綺行不與馬猶然一寒士也清風高節汝陽人至今仰之

桂祥

桂祥字子和汝陽人幼而孤奉貞母之訓讀書攻苦罔間寒暑正德丙子領鄉薦授慶陽推官因母不習北地苦寒疏請改教不報居官廉直數有平反嘗雪史揮使之獄揮使懷千金為壽祥力却之遷泗州守有惠政以 皇陵功階四品尋擢工部員外郎欲得當以報國顧太夫人春秋高矣遂乞終養奉母歸無何太夫人卒祥哀毀泣血頭鬚為白竟成疾不起生

本朝分省人物考

卷九十一

三五

河南九

平嫻于詩文所著有北地泗上諸稿行于世

馬敷

馬敷字子抑上蔡人長軀劍眉豪宕不羈然有忠孝大節登正德辛巳進士需次銓曹念母孀居即上疏乞終養未許授兵部主事改南臺御史敷上危言以定國是有吏部尚書王瓊者正德時節制三邊邀功喜事 肅皇龍飛業加譴責斥逐之矣無何寅緣復起敷率諸道御史疏諫數瓊大罪者十乞罷黜以謝天下 上怒令緹騎逮敷等至 闕下杖問諸御史有死者敷始終無撓辭中外服其壯烈謫判興國州

遷蘇州太守蘇故劇郡且繁于獄訟敷雄才敏斷處之裕如暇則與學士大夫登虎丘泛太湖杯酒嘯咏悠然遠致遂起新亭之嘆兼有所觸一旦解印綬歸日從朋舊為泉石游不復問人間事所著有蒼臺集行于世

蔡光

蔡光字汝謙本饒州人其大父斌天順間司訓光山因家焉光生而穎異十三齡從其父與王文成公論良知力行不合從旁曰能行詎非知也文成驚嘆嘉靖己酉舉于鄉授江華令禁溺女毀淫祠禱泉泉湧

本朝分省人物考

卷九十二

三六

河南九

禱虎虎伏政聲為諸邑冠壬申兩臺疏薦卓異加州守銜調寧遠寧饒十倍華而光躬行節儉三月而寧治屬入覲上安邊四事疏乞終養不報俄以艱歸服除擢兗州郡丞尋調臨洮遂乞身歸歸而布袍杖履深居簡出惟與諸子弟及同志講學不輟其學以靜而入以敬而存開來繼往無愧西山文肅之裔一日疾作衣冠拜家廟朗吟含笑而逝邑人為立默齋先生祠所著有光山志寧遠志中興頌諸書後以子翰林院檢討毅中貴贈奉政大夫

本朝分省人物考卷之九十二

人物考卷之九十三目錄

河南汝寧府二

劉可 雷雯

黃綰 熊榮

王誥 喻時

張景 張守約

劉訓 胡賓

劉繪 曹亨

張祉 劉大實

劉容 尚維持

本朝分省人物考卷九十三目錄

張四知 陳耀文

張九一 官思恕

趙賢 廖逢節

張庸 何洛文

孟洋 李孟楨

劉鷓 陳璋

劉修已 劉光國

王祖嫡 孫克

劉黃裳 汪治

胡孟清 黃杰

補遺

遠志

汪清

張奎

朱冠 附朱塔

本朝分省人物考卷九十三目錄

二

本朝京省人物考卷之九十三

河南汝寧府二

劉可

劉可字以中羅山人正德辛巳進士授南京主事歷員外郎中擢鎮江知府鎮江故有織造例呈樣段于府可盡革之往直指按部守以下皆庭謁長跽可預約諸郡守毋跽及見諸郡守復跽可獨挺立直指心忌可然陽浮慕之尋陞九江兵憲歷山西布政所在有治績竟以忤權貴乘大計罷歸雖居官二品環堵蕭然其操履端介如此

本朝京省人物考卷九十三

河南十

雷雯

雷雯上蔡人舉進士授行人擢戶科給事中霸寇起奉勅紀功奏總兵不法免撫臣甯杲丰采凜然乾清官災應詔陳言十四事指斥乘輿皆人所不敢言者武廟惡其疏直留中不下以疾請告卒于家呂涇野嘗云雷給諫在國國重在野野重孫大壯為祠部郎著有上蔡縣志

黃綰

黃綰字公綬息縣人進士授刑部主事正德十四年上將南幸綰同眾伏闕叩諫廷杖三十罰跽門五

日得不死遷本部郎中恤刑江西多所全活日執法議獄忤權貴人出守紹興竟被逮紹人感其惠哭聲震野醵金錢為贈綰選受二錢至今清江有二錢太守之謠下詔獄卒諸薦紳為棺殮以歸隆慶元年恩詔贈太常寺少卿命有司立祠春秋祀之

熊榮

熊榮字以仁光山人初授行人正德十四年上將南幸眾情洶洶榮與郎中陸俸等各疏諫留杖謫國子監學錄尋擢御史出按山東平礦賊之亂復按雲南協征岑猛功業赫然累官至叅政卒祀鄉賢祠

本朝京省人物考卷九十三

十一

河南十

王誥

王誥字公遇西平人嘉靖癸未進士授行人遷戶部員外郎郎中屬大同兵變擇廷臣有文武才者出守誥既受命遂單車就道計擒首亂兩人餘悉相機撫定邊鎮以安紀功者疏其勞詔廕一子汝寧所世襲百戶陞陝西副使整飭薊州尋擢僉都御史巡撫甘肅練士馬增城堡為綢繆計虜一入犯率兵擒斬首功百九十餘受白金文綺之賜累遷都察院右都御史總督漕運兼撫淮南地方時值倭夷猖獗內外戒嚴隨疏請旗牌節制兵馬諸將用命江淮以寧

捷聞 上復賜金幣獎勞倚任方殷忽感疾卒 上震悼賜祭葬如禮所著有河西稿淮南奏議東隅集等書藏于家

喻時

喻時字中甫號吳臯河南光山人也以嘉靖癸未成進士首拜吳江令吳江巖邑戶口財粟甲天下吏緣是得乾沒為姦隱賦賄出入若萑苻然比至則嚴拘校具得其狀始為絜法提衡之秋夏稅以限上毋事敲朴應以時至毋待號名鄉小民間有鬪鬩片語立決大者笞十餘斥遣之各自輸服諸司下訊牒及它

本朝分省人物考

卷九十三

三

河南

利害關白鑄一大櫃中手自封發吏亡間不得事也即不敢望得一顰笑以少見指而鄉小民亦不復知有吏亦不為操切假惠文彈壓間右時時有所劾治皆取大猾尤者吏及大猾惴惴戴三尺而立然竟任亾敗墨吏既御史行部吳江亦不問吏及大猾以為無事再訊令代我治之矣大江而南四郡一州十五邑亾論遠近稱喻青天竟用治行第一徵拜御史前是太保王肅敏公廷相見其文而善之意不欲以外補時對曰必不我也誰當外者王公奇其言而疑其未鍊後乃心服為御史屬虜欲求貢或謂虜狡給我

且事體大勿許便疏曰毋爾也虜以虛給我而我遽絕之是授彼名也虜以實輸我而我逆拒之是剝彼心也夫不為彼先不為彼後內固吾守而外探其幾此在一才邊吏任耳又條備虜十四事上之咸報聞相嚴者初得幸上有墨聲抗疏論列謂其人險而獍久之且亂天下業已上即素服候訊北闕 上心動于時之言而難去嚴因弗究遂出視鹺政河東屬歲旱禱雨旱弗利民而當饒得鹺或強毋禱曰不可利國等耳吾不忍以吾職易吾民竟禱之而立澍應歲大稔而鹺額亦不虧相嚴日益貴用事乃移疾歸會

本朝分省人物考

卷九十三

四

河南

其毋李老病卒毀瘠踰禮服除徬徨久之相嚴頗忌以中州名士行能高未有以中而部檄強起出按蜀亦自勵有風稜汚吏望風解印綬去蜀以大治還長其道事尋遷應天丞轉太僕俄以右僉都御史督西輔六郡日夜拊循其吏民練兵實選將扼險虜騎入犯距浮圖峪十里覘我師整而和遠巡引去亡何改督操江佐南臺數上疏陳便宜計擒大盜汪然朱良弼等進右副都御史督漕運時故嘗為令屬江南運為四議以請其大指約束長賦者毋私兌留減存料銀添給運卒行糧改徵脚直詔可仍著為令益精勤



於職爬搔垢弊殆盡積羨餘金萬計入之朝時人為  
 諺曰寥寥鼓下長淮真若翁青天來俄用言官薦進  
 督陝西三邊軍務至則獎率將士出邊鹵首虜百餘  
 馬駝牛羊稱是虜吉能賓免台吉入寇合三鎮兵破  
 之獲首虜五百餘又以延綏兵搗虜獲百餘級三上  
 捷賚白金文綺進食二品俸久之拜兵部右侍郎協  
 理戎政應 詔上八事所陳嚴補替禁奸詭定編派  
 於兵政尤切虜入寇京城時佐大帥鎮遠侯營於郭  
 虜不敢越而南 手詔慰勞賜玉食法酒尋出為南  
 兵部時大司馬病在告而時攝武選軍政進其屬矢  
 本朝省人物考 卷九十三 五 河南十  
 天諭之一時翕然稱明考績至家有嫉之者中以浮  
 言候別用歸可三歲所而薦疏騰上名為南戶部侍  
 郎督留儲業已病矣強起其職條上四事曰明注選  
 重部運省解納分水兌 詔次第行之竟以不勝劇  
 卒年六十五好為古文辭源出盤庚周禮追琢精工  
 世所謂喻氏學者也

張景

張景字光啓汝陽人嘉靖癸未進士兩宰劇邑俱有  
 善政擢監察御史出按陝西疏陳邊務十事並薦涇  
 野呂先生于 朝繼按蘇松浙江建天真書院祀陽

明先生仍買田數百畝以給肄業諸士丰采凝重激  
 揚得體至今臺中用為典刑丁酉巡視京營謝絕請  
 託遂與嚴世蕃相左假年例出為漢中副使尋罷歸  
 卒祀鄉賢祠所著有泰華集六卷子孟容以鄉薦為  
 岳州同知致仕端廉恬退稱其家兒云

張守約

張守約字伯操確山人嘉靖丙戌進士授中書舍人  
 歷兵科都給事中請罷鎮守閩人出閱延寧兵馬諸  
 疏卓識宏議中外避之已亥扈從 聖駕南巡行在  
 數有論奏搏擊權豪無所迴避遂為郭勛遭陷歸年  
 未四十而終終且無後母論識與不識咸痛惜焉  
 本朝省人物考 卷九十三 六 河南十

劉訓

劉訓字子伊汝陽人嘉靖壬辰進士授西安推官持  
 廉秉公人不敢干以私以憂歸起補溫州有權貴人  
 子怙勢恣睢從惡少數十輩橫行州里漁色罔利欲  
 奪其友人妻不得乃毒殺友人事發到郡太守莫敢  
 問遂托病推印務于訓訓慨然領受故以好延貴人  
 子于廳杯酒笑談密勸人閉門呼訟者至與之對  
 理獄既具即杖殺貴人子置羣惡少于法一郡快焉  
 權貴人大以為恨然陽浮慕之屬主爵陞為戶部主

事訓知其微卽挂冠歸隱于東村日共素心人話桑  
麻事時跨一蹇游壠上角巾布袍儵然物外如此者  
三十年

胡賓

胡賓字汝觀光州人生而穎異髫年已能屬文年十  
三選克儒學弟子負卽有聲領嘉靖辛卯鄉薦錄其  
文以式多士會母疾不欲上春官父強之再不得已  
行會試中式稱疾亟歸母夫人尋愈乙未廷試戊戌  
授行人奉詔大名開封諸處開讀己亥營葬 建安  
王庚子拜兵科給事中疏論兵馬國之大事而願令

本朝分省人物考

卷九十一

七

河南十

之作役諸監工官利其通逃虐使之誅求日急軍政  
日壞京師馬駿習爲姦利賄通太僕諸局以民所依  
馬更相販鬻馬以大耗辛丑虜大掠山西廷推大臣  
有武備者一人往經略之時被推三人各有難色賓  
草疏率諸同列論其臨事避難不忠狀詔罷遣有差  
廷中慄慄推重尋議畿輔保障全恃太行而真順懷  
諸郡枕太行不可無備宜責諸路撫臣豫爲隄防兼  
勅戶部宿軍餉咸切機務是歲畿內大饑粟踊貴莘  
死者多疏請和糴得發粟十數萬全活甚衆壬寅聞  
父病卽上疏陳情赴蘄水父捐館財八日哀號幾仆

扶柩以歸襄事如禮甲辰服闋復受兵科給事中時  
有作僞璽僞撰武臣貼黃者事覺詔遣賓治其事因  
檢內外貼黃悉覆其弊端疏請遵舊章注專職置底  
簿定揭毀四事積弊以祛人服其識丙午詔冊封

岷王餽遺一無所受考績轉吏科右給事中時都察  
院副都御史關貞巡撫僉都御史某欲緣以入賓抗  
章歷指其奸賊不可任 上是其言丁未春考察山  
東布政使某時宰庇之尋推撫遼東賓疏詆其罪語  
侵時宰怒抵之罪左遷亳州判官比至毫躬敦儉朴  
帥先僚案暇日與諸生發疑論難稽古考德劾邑聞

本朝分省人物考

卷九十二

八

河南十

而來者雲集講下居歲餘得量移南京太僕寺丞庚  
戌擢山西僉事會當防秋急詣繁峙激勵將士督修  
城堡嚴守備壬子冬聞母喪奔歸乙卯起除陝西僉  
事兵備寧夏兼管糧儲先是糧不宿儲至失時翔貴  
丙辰大饑軍告急賓爲稍增估直以致之期月致穀  
十數萬斛賀蘭山東故無城堡虜得恣出沒擾人病  
耕賓按尋前人基堵嚴督僦功延表可數百里虜不  
得馳民狎于野晉本省布政司叅議分守關南駐金  
州去寧夏之日軍民環泣遮留至不得行金在萬山  
中居民獷悍百務弛廢至則痛繩以法檢行縣廉得

漢陰白河兩令不法狀按如法諸邑肅然敬憚之民有趙打虎者坐征紫陽山賊功不賞怨望調征倭不行悉械致其眾宣示威福激以忠義咸願答自贖因各答四十隨第行功賞趙因感泣奉惟謹盜為屏息境內無事時誨諸生衍行忘倦宛如判毫時丁巳春陞山西副使去金之日士民泣送而諸生中至有巖糧追送四五百里外者夏五月取道過家七月遂疾卒賓為人莊重立朝無所附麗在諫垣侃侃正論見憚同列闔門視草務在勿欺一日草劾布政某鵠聲甚惡至隆廳事竟上之其搏擊不避禍患類若此居

本朝分省人物考 卷九十三

九

河南士 劉仕任

外藩務持憲體引大義不詭隨臺史意旨故臺史不甚汲引之然公論著性尤孝友恒以父日不及養而母老養不能迎故數任不攜家常憂弟賢多病為分俸置產令自適雅厚族黨時推其餘以相贍與朋友交重然諾有信義不能姻葬者率助之好德如怡聞善即拜以故海內多士樂與之交

劉繪

劉繪字子素光州人祖進官太僕寺少卿繪身長七尺脩髯豐頰目爛爛如巖下電喜讀左氏與縱橫家書擊劍蹴鞠挽六石弓益豪士也舉嘉靖辛卯鄉試

第一乙未成進士授行人選戶科給事中 九廟災疏陳洪範五行休咎勸 上深居法官靜攝日久夏相與郭勛共傾王大司馬罷歸繪疏劾夏十罪夏亦罷去轉刑科右給事中出守渝州至渝閱士得銅梁張肖甫奇之後竟以文章功業顯會播州永寧爭地相攻殺繪單車入赤水上草檄撫定兩臺疏薦為循吏第一而貴溪復相嗾其黨論劾即日南還製荷衣芒履攜二小僮放歌長途曾無幾微見于顏面抵家問玄湖蘆植松竹花卉與故老談笑舟中酒酣起舞或自度曲飄飄若神仙中人每與楊用修唐應德

本朝分省人物考 卷九十三

十

河南士 劉仕任

諸君詩筒往來無虛日嘗與康德涵何太華會于武功東沂作燕趙之音宮羽轉激風雨驟至輒掀髯長嘯其意不可測也年七十卒所著有通論四十篇詩賦序記雜文二十卷行于世

曹亨

曹亨字伯貞新蔡人都御史曹鳳孫也嘉靖乙未進士授刑部主事亨素諳法家語奸吏無所措手亦未嘗一徇豪貴之請名稱藉甚出守兗州用嚴為治奏 天下第一會有紅羅女者以妖術惑眾至數萬 下執官兵莫敢櫻其鋒亨提兵往勦乘風縱

火以萬弩射其後賊敗走至曹坡集驚曰坡者破也公姓當之遂就擒擢荆南副使時遼庶人多不法然憚亨不敢大橫遷浙江叅政以外艱歸服闋當起念母老且病疏請終養日擇甘毳進母而夜則伺其呼吸及卒哀毀踰禮丙寅起原官尋陞副都御史巡撫真定適虜犯太原羽檄夜至亨卽貫甲出鎮帥追及挽其轡亨曰我雖老猶辯殺賊卽馬革裹屍公能無恙乎將吏咸奮懼破虜龍泉關下進兵部侍郎協理戎政管伍一新 穆皇大閱賜飛魚服廕一子尋陞南京工部尚書舊織造大瑞歲冒水衡錢不貲亨奏劾之留中不報遂求去得致仕歸戊子冬卒年八十一 河南十王國瑞

張社

張社固始人嘉靖戊戌進士授戶部主事歷都察院右僉都御史巡撫陝西時套虜方強數謀內犯社整飭士馬控扼關隘虜竟不得志而去乃乘閒暇增脩都城覆磚甃石不期月而告成高逾三丈濶可方軌

警舖樓堞無不畢具屹然金湯之險矣費金錢以十萬計民不知擾適楚相當國有所私囑社抗節不阿遂拂衣歸邑志稱其墨卿藻匠諸體兼工文準歐陽詩宗大曆守郡籌邊似尹晉陽持身約已似婁師德蓋實錄也

劉大實

劉大實字子虛確山人嘉靖戊戌進士授高平令擢吏部主事遷文選郎拔幽滯抑奔兢銓政一清趙文華怙勢欲由銀臺拜少司馬大實薄其爲人卒不以分宜故私之尋遷太僕寺少卿綜覈馬政不遺餘力

本朝分省人物考 卷九十三

十一

河南十

奏劾趙愷等置之法諸廢漸起進順天尹戶部右侍郎竟爲忌者所擠罷歸家居二十載不畜姬妾田產所入悉以贍姻族及鄉里之貧者曰吾安忍獨富貴爲也年七十二卒有司以 聞賜祭葬如例子渾成嘉靖乙丑進士歷官工科給事中浙江右布政使有治績

劉容

劉容字汝大汝寧羅山人也生而恬澹無所好成童時動止一以禮授經于叔祖東東發解中州行誼爲里人重而尤負人倫鑒每撫容謂族中人曰是兒他

日不但功業顯當以令德著惜吾不及見耳自是邑人稍稍奇之而容益韜晦嘗慕徐孺子非力不食之義習勞甘苦刻意向學家貧恒教授以養父母父母安之每舉筋歎吾食藜藿不知列鼎之為美也嘉靖庚子舉於鄉上春官不第從遊日眾青袍草履寒暑不易坦夷不校人望而親之嘗之館塾無賴子醉詈遜謝不已久而方解次日里人共責無賴子非人悔恨至欲自經友愛甚篤二弟宋官授室治生讓先廬與之而別初茅屋于其側里之閱墻者往往感化時諸邊缺馬大括郡縣不惜重價人競趨之容若不聞

本朝分省人物考 卷九十三 河南十

也者令鄧君雅相敬重又憐其貧密以詔之容謝曰我無馬鄉人共知今又有馬乎姻黨被誣乞居間容論之曰吾人處世所恃者天道神明而已爾誠誣人即不直神亦直之奈何舍正路而鑽別竇令聞其言乃白誣者生平不喜女色友人疑其矯強飲外墅而先寘美姬于空室夜分各寢一所謂容好靜宜居此鏞戶去而姬出竟危坐待旦天甚寒姬啼以衾與之終不一顧友人太息曰坐有魯男子而吾不知何云交厚哉遊南雍宿正陽主人婦少而新寡夜就容婉轉誘之故作暴疾狀呼僮篝燈煎藥味爽馳去僮為

人言終不洩也已未父母相繼卒哀毀逾禮令陳君造廬樹論摘禮不慈不孝之文以示矍然汗下始有起色辛酉禪除矢感風木不赴公車或曰不忍仕是也如夜臺未沾一命何又矍然汗下跨一蹇驢去試復不利謁選判黃州抵家而姜宜人卒泣曰此與我同辛苦事父母者父母不及祿養而宜人亦以荆布從之吾何忍再娶且有牛衣鹿車之誓矣營葬畢單車赴任黃號難治而判專催科逋負至二十餘年務以至誠開諭不事鞭笞爭先輸納他郡糧不完及錢穀焚贖亦以委之立辦監兌蘄州黠吏悍卒相戒斂戢容布袍蔬食不殊寒士人或風之笑曰惜福礪行吾自甘之不知其他也自是廉平之譽孚于上下薦剡旌牘莫可殫紀乙丑 景王樞回京中貴人僕從橫甚兩臺以下凜凜恐獲譴容力任之中貴人素聞其名嚴諭其下無所擾撫臺徐公謂其屬曰吾儕嫉閹宦如仇畏之如虎每每激而取禍觀劉君事良愧矣居久之擢同知府事監收船料夜泊蘆洲賊拔刀突至詢知為容叩頭謝過仍衛送出境而荏苒之警稍靖副推僉臬者數黃人恐其去環訴兩臺竟從民情不遽奪也隆慶改元籍沒陶氏適當其事無一波

本朝分省人物考 卷九十三 河南十

及守缺例入覲一篋自隨見者垂涕任既久操愈厲而吏事益習漕院檄造運艘數十工竣而洲涸百人推挽屹然不動相視無計乃命通一小渠布以田間淤泥數人曳之利涉如川遂達江潯癸酉擢南戶部員外郎任黃十一年矣士女攀臥號哭之聲震于原野爲立生祠歲時伏臘若水旱疫癘禱亾虛日抵白下未幾權關武林公私稱便久之值滿考堅欲乞歸少司徒汪公曰知君志不可奪顧不爲二尊人地邪又矍然汗下貸十金行時銓曹二人一爲門生一爲舊部僚風以少需當有顯陟容不謝亦不辭而去又

本朝分省人物考

卷九十三

十五

河南十

久之擢知滇之廣南貧旣不能行又疾作懇疏乞休得允致仕獨居索處一榻蕭然親知勸爲主饋計流涕曰老而再娶是曰昏悖卽賢邪且有累如不賢敗德破家所不忍道吾卽忘糟糠約可以四十年苦行頭陀萌還俗念哉俸入盡散親族至不能舉炊陋室湫隘不蔽風雨讀書課子泊如也每出仍布袍草履婦人小兒見其來亦斂衽起里有不善惟恐其知絕迹公府達官貴人避匿不見式廬造請亦不及公府事也壬午大慶覃恩進中憲大夫甲申五月痰疾大作猶手一編寘牀頭誠諸子甘貧安命毋爲市井計

六月三日索湯飲訖就枕少憇卒時盛暑顏色不變人咸異焉

尚維持

尚維持字國相羅山人嘉靖庚子領鄉薦第一明年登進士授廬州推官擢御史巡鹽河東修舉鹽政孚于常額仍推其羨全活饑民以萬計繼按蘇松當倭寇殘破之後爲畫長策建沿海五城勢若率然永絕後患維持故高才能文章按部之暇時以課士遂陞陝西副使提督學校懸鑑持衡錙銖無爽秦晉三吳豪俊出其門者嘗半天下

本朝分省人物考

卷九十三

十六

河南十

張四知

張四知字子畏河南汝陽人也舉嘉靖庚戌進士是歲禮部所籍奏士多海內文學之選號稱極盛而一時諸公聚闕下若維揚宗子相嶺南梁公實吳興徐子與豫章余德甫鄂州吳明卿西蜀張肖父輩並馳聲騷苑而諸公者更喜驚新調競單詞隻句之雄轉相引重爲名高少年爭附麗之四知日遊諸公間意獨不謂爲然數以口語折諸公兩不肯相下乃四知愈益閉關下帷湛精極思自攻其所好久之出其所爲古文詞類能剗削浮豔直臻雅道纒纒然成一

家言諸公竟不能詘也初郎比部尋調駕部往時傳符闌出于者如蜩一切拒絕即大司馬有所縱舍為貴勢人地直持之不毫髮假貸以是貴勢人多銜之居亾何出為四川按察僉事比至所部壹意修舉憲體故示嚴重五馬大吏來關白事不長跽不起坐而諸所懲汰尤峻賊墨望風憚於神君川東故有禹坊會蜀撫公阿寵臣陸某意檄所司為其遠祖宣公樹碑製制禹坊特敵斥之曰宣公即名臣功高神禹耶亟縮之毋玷累宣公為也或以聞撫公撫公大慚悲欲有所中而四知以母病業上書請急行矣明年

本朝分省人物考 卷九十三 十七 梁仲德

撫公念前恨不已竟劾罷其官既罷官居汝自傷坎壈益與世疎一夕忽夢張平子語之曰吾宗之彥在子矣寤而歎曰嗟乎天將畀余以窮愁著書耶堅鏞其戶戒門不與通賓客日坐一室旁羅圖史惟以著述自娛而已汝故南北都會士大夫喜務豪舉每招客或徵歌選舞以為驩一切悉屏弗御自是汝人目為崖異罕與之往來乃自信較若刻畫終不肯少刑以徇眾人也所著書有韶亭詩集若干卷雜文若干卷中州考若干卷崇古韻證若干卷四書釋義若干卷藏于家

**陳耀文**

陳耀文字晦伯確山人生而穎異日記千言目視數行俱下鄉里號為神童十二補邑庠生登嘉靖庚戌進士授中書舍人官有餘閒得博極羣書自經史外若丘索竹書山海經元命苞穆天子傳等類以及星曆術數禪官齊諧無不該覽時有撰造或思不屬夜輒夢一叟共相擬議益鬼神通之也陞工科給事中感慨時事數上危言忤時相意謫魏縣丞量移淮安推官寧波蘇州同知遷南京戶部郎中淮安兵備副使淮揚多盜其里中豪恣為奸利往往稱逋逃主耀

本朝分省人物考 卷九十三 十八 河南 畢四

文悉擒治之民為立德政碑尋陞陝西行太僕寺卿耀文故倦遊不樂邊塞遂請告歸有指揮饋以造船餘金千兩麾而却之抵家杜門日以著述為事初不問家人產即于旄在門猶高臥不起年八十二卒所著有天中記正揚學林正學圃萱蘇蘇經典稽疑花草粹編諸書行於世

**張九一**

張九一字助甫新蔡人嘉靖癸丑進士授黃梅令以治最權吏部驗封司主事是時李于鱗王元美吳明卿諸君方結社談藝九一遊處其間睥睨一世會元

美父中丞公失分宜相繼構下詔獄九一數過存問  
坐是出爲南尚寶卿再調廣平丞尋遷湖廣僉事駐  
節岳陽 景王歸葬所過巨璫要挾以千萬計九一  
給曰第行後當自辦延至斬黃將出境維舟以待九  
一故令數百人舉火遠譟駭懼以爲盜也夜解纜  
去遷布政司參議以憂歸于洪河之濱構綠波樓積  
書萬卷諷誦其中凡十年起補涼州陞副使兵備甘  
州適虜王西牧駐兵青海謀且叵測乃用奇計制虜  
使北歸視陳戶牖解白登圍如出一轍以功歷都察  
院右僉都御史巡撫寧夏夏孤懸河外與虜爲隣  
大朝分省人物考 卷九十三 十九 河南十 畢云

文學世其家

官思想

官思想字子仁光山人嘉靖乙卯舉于鄉喜任俠走

軍中數驚乃斬賀蘭山赤木口諸隘修典武營清水  
堡諸壘擊刁斗自衛虜不敢犯數受白金文綺之賚  
會言者治江陵事註誤坐調歸歸而開大呂社與羣  
少談詩或呼朋嘯侶泛舟南塘雄飲豪吟軒軒霞舉  
蓋吞雲夢者八九王元美以爲吾黨有三甫公其一  
也卒年六十有六 上遣藩臣諭祭所著有綠波樓  
集朔方奏議若干卷子體震領萬曆戊子鄉薦能以

馬燕山有封狼居胥意歸而母彭沒思想哀毀幾絕  
結廬墓旁有白鳥冬笋之祥居廬百家之言無不涉  
獵而尤喜讀易因而有悟遂絕意仕進南之楚與天  
臺耿先生兄弟焦弱侯楊道南游數年還居天中山  
房默坐研思至忘寢食一日遺友人書曰始吾從羣  
書入茫乎莫得今從靜中討出端倪方信此心原與  
天地萬物無兩道其在茲乎士人熙然宗之所居白  
沙關山連兩省民俗頑梗乃結社其間講明正學發  
揮 高皇帝聖諭六言聽者如堵亾何有四十八人  
者鷄冠佩刀請見曰某等柴山盜魁也習聞先生之  
大朝分省人物考 卷九十三 二十 河南十 畢云

叔願自洗濯以歸聖化奈鼎鑊何言畢環拜而泣童  
僕皆走避思想從容謂曰律自首者免爾果洗心來  
有乎無遺後悔歸試思之詰朝詣社如是者三乃以  
聞之邑邑聞之郡太守史公桂芳異其事召四十八  
人者至如向語太守請于中丞御史待以不死蓋隆  
慶已巳間事也明年兩臺疏薦思想孝友 詔下徵  
用會病卒

趙賢

趙賢字良弼汝陽人嘉靖丙辰進士授戶部郎庚申  
臨清辛酉遼東兩差皆司錢穀風清弊絕可泣鬼神



壬戌擢順德守未任丁內艱歸乙丑起補荊州荆道  
有大浸賢席不暇煖身行村落間計口賑饑操舟渡  
溺閔閔焉若慈母之於子也仍為築隄障水流渠灌  
田於是荆人始無水患而且享水利大盜楊勝德黃  
中輩流劫地方賢單車詣壘責勝德以大義賊眾皆  
叩首伏黃中等亦聞風降各待之不死地方以寧會  
遼庶人以罪廢武岡王署其府事謀危二孤賢械其  
黨惡教人抵干法叅武岡王而易之兩臺及張給諫  
齒皆疏薦治行第一丙寅加三品服俸戊辰陞湖廣  
叅政仍守荊州荊州士民不啻家戶而戶祝之亾何  
本朝分省人物考 卷九十三 河南十 畢云

丁外艱歸壬申起補湖廣叅政四月陞浙江按察使  
七月陞僉都御史巡撫湖廣下車即畫楚便宜條上  
十事復疏救荒四事一一措諸實政暇則塞帷行部  
問民疾苦顯揚節行益三年而楚國大治乙亥 名  
回協理院事歷副都御史巡撫山東吏部侍郎南京  
吏部尚書鴻猷亮節所在著稱時江陵方秉國最稱  
知已然以公非以私也守荆撫楚嘗以三尺繩其親  
識僕從無少貸及其奪情罪言者又移書規諫而江  
陵不聽遂以形迹自遠乃卒為所波及海內惜之後  
子壽祖為安慶守考績上章白狀 詔復原官准致

仕萬曆丙午卒年七十有三公生平孝友厚德高義  
輿論重之

廖逢節  
廖逢節字應時固始人嘉靖丙辰進士授戶部主事  
癸亥陞郎中督儲永平悉除舊弊另創新規足 國  
裕民聲猷大振遂守永平丙寅陞朔州副使以病請  
告歸已已有虜警起補口北道內修外攘邊人倚為  
長城不聽遷去乃加叅政職銜仍管口北道事庚午  
陞都察院右僉都御史巡撫甘肅甘肅即漢酒泉張  
掖地孤懸絕塞以番為蔽然虜數掠番我不能庇番  
本朝分省人物考 卷九十三 河南十 畢云

因與虜合且為之鄉導逢節撫番禦虜恩威互施開  
闢五年邊人安堵嘗受白金文綺之賜乙亥改南京  
太僕寺少卿是歲十二月聞憂歸屢薦不起晚節好  
佛遂為有髮頭陀築精舍于城外鐵佛寺與僧明玄  
等結社談禪恍若有悟丙戌歲忽無疾而終

張庸  
張庸字子登光山人嘉靖己未進士授揚州推官坦  
夷而介有定遠令致餼匿金於甑庸曰余性不喜飲  
可將去然竟不以是語人也擢刑部主事恤獄江西  
多所平反得疑獄百八十八人疏請矜釋大豪吳姓者

欲以賄脫介千金抵其里趙趙未投已聞其生平行  
誼遂夜遁去里人爲之語曰定遠懷金令江干抱壁  
囚一時廉平之聲播于中外歷本部郎中丁丑陞延  
安兵備副使開虜變單騎之任練兵脩守虜遂退上  
章乞歸自是閉門養寂凡公私宴會俱不赴每言及  
壬申之難輒涕泣不能已竟以是感疾卒

### 何洛文

何洛文字啓圖信陽人淵源家學少著英稱領嘉靖  
辛酉鄉薦第一乙丑成進士改庶吉士每試館閣輒  
冠曹耦已巳授編脩壬申 神宗出閣講學洛實躬

本朝分省人物考卷九十三 河南十 二十三 張忠

奉之 賜宴文華殿錫之金綺尋緣 上登極恩擢

脩撰克 經筵 日講官數受白金文綺之賜歷中

允諭德侍讀學士掌院事詹事府少詹事禮部右侍

郎尋陞左凡在詞垣者七任而周旋講幄者十年每

入講必先齋沐期以精誠悟主旁引曲喻用規時政

及罷講 上未嘗不稱善嘗大書責難陳善四字賜

之與脩 兩朝實錄起居注大明會典累效編摩辛

巳以省親歸會江陵事起爲言者所波及 詔予休

致丙申居 喪庚子卒計 聞賜卹典特厚仍廕一

子入胄監公天性孝友好行其德慕義急難無所怙

惜家居垂二十年嘗與汝陽趙大宰良弼新蔡張中  
丞助甫諸君爲山水游角巾野服觴奕詩篇不減香  
山洛社矣所著賦頌詩文二十卷

### 孟洋

孟洋字望之其先金山人徙居信陽年二十三舉進  
士爲行人時洋之內弟何仲默方有俊名與其羣李  
獻吉王子衡崔子鍾田勤甫及洋日切劇爲文章揚  
摧風雅以相振發酒觴會聚婆娑酣嬉以相樂時稱  
十才子也而洋選爲御史即疏論當道大臣張聰桂  
萼用是下詔獄謫桂林郡學教授天下又皆高洋之

本朝分省人物考卷九十三 河南十 二十四 張忠

節而諸子者亦各以氣節自著不獨稱才也洋由桂

林遷汶上知縣嘉興府同知擢湖廣按察司僉事持

憲專決恥唯唯恭遜意小拂即日拏舟徑歸引疾致

仕久之起山東僉事歷陞陝西叅政拜都察院右僉

都御史巡撫寧夏尋改督儲聞母疾劇即解印馳歸

或以職守難之曰吾安能顧此耶會改洋總理河道

命下值郊恩馳封躬捧冠帔至家踰四旬母乃殂詩

論謂孝感云服闋拜南京大理卿衆謂駿駁柄用矣

到官甫五十日遘疾卒有有涯集行于世

### 李孟禎

李孟禎字子吉汝陽人少補邑庠卽有先民矩度事親最孝對妻子如嚴賓戲謔不出諸口喜怒不形于色視聲色貨利箴如也嘉靖間以里選爲濟陽司訓謝絕餽遺揭周程張朱諸格言于壁間化誨諸士偕之大道諸士駿駸向之有過不敢使知俄解官歸家徒四壁立怡然安之生平善大書人得一紙不啻拱璧然頗自重不欲應豪貴人求西平王司馬走幣數千里靳書坊額而行人失辭遂麾諸門外先後郡太守若王公崇古徐公中行皆雅重其爲人數加請召或枉車騎過之而禎絕口不談時事未幾卒

本朝分省人物考 卷九十三

二十五

河南十 張忠

劉鵬

劉鵬確山人始劉政以孝行受旌而鵬其從孫也幼有至性操行甚高事父母極備色養與兩弟同居怡怡如也母病衣不解帶焚香籲禱母方在昏夢中恍有告者曰汝子孝子汝病至某日而愈後果然六年有流寇之變鵬負病母攜弟侍父走避山谷間跋踈險阻手足清裂賊入城大肆焚劫至鵬家見一老嫗問主人何在嫗以孝子負母入山封又睹其門有孝子劉政坊乃叱其徒曰此世孝子家也勿犯故其舍歸然獨存後父母繼歿鵬哀毀骨立目幾喪明葬祭

悉如家禮終身孺慕化及鄉鄰萬曆丁丑卒邑令東棐率諸僚屬躬往吊送士庶雲集相與泣下事聞受旌表其子家傳家齊俱能世其孝友焉

陳璋

陳璋字公獻河南光州人也七歲舉奇童郡太守鄧公令賦卿雲立就數千言稍長工詞賦精右軍書性貞介裋身脩潔以孝友聞弱冠登高第守景州五年冰蘖如一日清徭役革積弊者三百餘戶理馬甲虛冒累及子孫者安撫青兗礦徒二千餘令自解散九河水患由阜城築堤至德州迄今平成頌陳堤父老

本朝分省人物考 卷九十三

二十六

河南十 張忠

立祠血食陞太平府同知遷松江府倭寇作舉經略才欽委協同蘇州府同知任環操練籌畫上禦倭十事切中機務自統兵敗倭斬首千餘級餘寇浮海東遯重蒙 欽賞朝議叙功當顯陟緣不阿相臣轉司寇郎日坐署中操觚染翰以纂述自見李于鱗王元美徐子與無不推許者性不樂仕進歸臥星湖杜門著書四十年闡闡罕覩其面足不履公庭有司屢請乃一入飲立義學義田教養宗族其鄉里親戚貧乏者每加周給郡人士有污行恐陳公知文行踈蹶咸稱陳太丘云年七十應本州聘著誌書十六卷文

高古有良史風又星湖漫稿四十卷葆光堂別集三十卷陳氏世範二十卷太平事略四卷行于世

劉脩已

劉脩已字以敬汝寧新蔡人也舉丁未進士為吉安府推官為人簡素伉直於辭貌無所修設每羣會遠遜俯揖若不甚解事者當道厭其所為將予殿課郡守靳君學顏力抹乃免間謂君曰忠信篤敬四字吾平生學而未能汝第勉之無憂齟齬也既感激受教而郡故健訟明習法令日夕手撰獄辭不他寄耳目當道且多其才督委檢括往來郡邑無虛日俾署吉

本朝分省人物考

卷九十三

二十七

河南上

水吉水素號繁衝每受賦役率因俗便安不盡其豪右怙拒者道令諭意必聽乃已無何朝廷以邊劇遣使索逋旁邑牒猝辦民多瘐死乃名掌賦者期日入賦民相謂曰公素庇我我不可負公未旬日畢如期無一人受鞭笞者每聽訟據案默坐徐折以片言或摘單詞相詰莫不愧服情既白令休外舍月餘不名久之多悔悟去不復追逮其敦教化如此為推官三年強半居吉水其在郡一言無所假借至為吉水即三尺童子可以牽衣告語亦時時降色撫慰之故吉水之民率視其來去為喜慍聞新令且至莫不

感額時感疾留郡輒疑其避事無何卒人人頓足禱涕即深山婦孺亦歎息嗟駭比卒家無遺金知府陶君大年為棺衾以殮經紀其喪乃得歸

劉光國

劉光國字黽勳上蔡人幼孤貧母王孺人以績紡資遣就學登隆慶戊辰進士授太原推官渾厚精明能斷大獄有盜入人家劫財殺主三年不獲巡臺以屬光國乃悉呼其比隣至潛察一人色動大聲曰殺人者汝也奈何以累多人一訊而伏血衣兇器具得眾駭顧以為神癸酉徵拜監察御史因旱陳言欲停梵

本朝分省人物考

卷九十三

二十八

河南上

宇不急之工上怒責令回話賴賈都諫疏救猶奪俸一年乙亥出按陝西庚辰出按順天所至發奸宄懲貪墨風采凜然癸未以內艱歸免喪拜順天丞俄改陝西副使會奢酋西犯河湟天子遣大臣經略督府詢謀可當大事者是冬權叅政駐金城壬辰擢按察使駐湟中皆深入絕塞治兵飭備拮据萬端虜遂款關無何有唃廝囉之變官兵攻圍年餘不下餽餉告急光國自臯蘭城下筏經行虜地芻糧軍器絡繹不絕擢僉都御史巡撫陝西凡資金幣者二陞俸者一嘗自言曰世以含宏為雅量而我任法世以圓融

為善仕而我好執寧無戾乎竟以是中忌者萬曆甲午罷歸乙巳卒

王祖嫡

王祖嫡字胤昌父詔為信陽衛指揮僉事負氣自喜不肯屈下文吏用他註誤具獄奪世爵祖嫡幼警敏殊常兒稍長日誦數千言即能詩二十八舉于鄉乃走闕下上書白父究竟得昭雪復其爵隆慶辛未舉進士改庶吉士癸酉授檢討明年春 詔冊封 韓藩登太華絕頂得詩賦若干首皆驚人語壬午以內艱歸廬居基側服闕起補原官俄遷國子司業上疏本朝分省人物考卷九十三 河南十 三十九 景皇帝言革除間事請及時釐正得 旨許重錄 景皇帝事而 建文君事姑止明年遷司經局沆馬兼翰林院脩撰纂脩 玉牒扈從 上閱壽宮賜四品大紅羅衣一襲嘗探明因寺碑中有塗膏藥血語微以示諷偶達 慈寧宮賜以寶鏹文綺佛像藥物及諸珍饌尤詞林盛事也尋擢右春坊右庶子兼翰林院侍讀以妻喪遂請告歸祖嫡孝友天植終身色養無違詩文博雅瑰麗卓然名家晚逃于 此屬續神氣倫然不異平日著述種種未及成集而卒

孫充

孫充字應文固始人萬曆甲戌進士授翼城知縣以憂歸癸未起補涑水治聲為三輔最乙酉擢湖廣道御史在臺獨持大體不激不隨丙戌出按畿南廉得巨猾十數皆根據衙門依倚城社者捕而置之法其小者勿問也激濁揚清威稜大著有邑令貪而善宦預結權貴人為之地充怒劾罷之談者謂為真御史丁亥復 命十二月差按淮揚次年二月竟以抗直出為山東僉事卒于官充立朝居鄉挺挺節操初不問家人產里居但有茅屋數間他長物其澹泊寧靜有如此

本朝分省人物考卷九十三

三十九

河南十

劉黃裳

劉黃裳字玄子重慶守繪之子也七歲操觚摹逸少書十歲寓長安賦京都諸篇奕奕動人乙卯魁兩河士明年上春官不第傲然不屑思欲一當千古發憤為詩文著述日富王元美紀于鱗後三十子其一也乃黃裳故習天官家言諳諸邊形勢機略沉雄欲有所用之復起應試登萬曆丙戌進士授刑部主事遷兵部員外郎會倭犯朝鮮遼左大震 上特賜黃裳四品服俸贊畫宋司馬經略河防并授屬國遂度山海關趨平壤進擊城下倭敗走黃裳率眾追逐直貫

賊陣引大黃射金甲酋倭兵死者過半逾金山島而去事定幕府上其功遷郎中賚以白金文綺擢邊道副使遇缺推用黃裳以久勞異域請告歸野服猶不復道海上事日賦詩弄琴游意翰墨偶飲其徒文學家揮洒至丙夜天寒甚不憚而返卒所著有元符圖藏徵館海上編東征雜記諸書行于世

汪治

汪治字子順光州人生而敦穎孝友篤學登萬曆己丑進士除大理寺左評事勘詳疑獄數有平反甲午典試西粵所識拔多知名士乙未陞南京祠部郎戊

本朝分省人物考

卷九十三

三十一

河南十

戌擢保定知府務與民休息不苛察以立威會歲饑檄所部煮粥給粟而身自單車督視所存活百餘萬其招撫復業者又數萬人保民以蘇有孝廉某為中貴人誣構訟之京治請得自理竟置中貴人于法復調停礦稅減歲額若干金即權璫耽耽勿恤也辛丑畿輔旱而保定為甚饑熒嗷嗷是用疚心為禱于神奔走營救不遺餘力至捐俸二百金佐之坐是焦勞成疾遂不起父老子弟皆罷市為立祠祀焉光州亦祀於鄉賢子若霖壬辰進士禮科左給事中

胡孟清

胡孟清字汝揚光山人壺關令錠之子十二歲補邑庠生溫然如玉父母絕憐愛之而清亦善承親意曲盡子情萬曆丙子舉于鄉母陳孺人病清旦暮侍側衣不解帶及卒水漿不入口者七日己丑成進士宰長治補任丘所至有治聲擢戶部主事權稅九江取道過家拜其父東臯公於堂下依依戀慕如為赤子時閱數月迫于簡書始涕泣別去既抵九江事欲便民適初設小池口稅厥權璫為政清力諍不允感憤成疴遂不起

黃杰

黃杰字式彥息縣人三歲而孤穎悟異常兒伯父黃御公家棟愛之誨以儒術遂登萬曆己丑進士高等授武選司主事奉命賑恤邊陲殫力區畫事竣過家以板輿奉母楊安人北上就養京邸曲致其懽尋擢庫部員外郎楊安人忽感疾杰躬侍湯藥至廢寢食籲天求以身代母竟不起杰扶櫬南歸哭不絕聲抵里之日僅存皮骨遂以此成疾終年三十有八楊安人已奉詔旌表節孝總萃于一門

補遺

遠志

遠志河南遂平縣人洪武五年由兵部司務陞陝西道御史陞大理寺丞尋陞僉都建言被謫陞戶部主事員外調永州府同知陞應天府丞致仕

張奎

張奎字文星河南商城縣人正統十三年進士由東光知縣選浙江道御史清軍北直隸建言下獄謫蕪湖知縣卒

汪清

汪清字湛一河南固始縣人景泰二年進士由豐城知縣選浙江道御史巡按淮揚建言降涿州判官旋陞順天府丞疏請致仕

朱冠 附朱塔

朱冠字仲瞻河南固始縣人正德三年進士除廣西道御史巡鹽兩淮流賊陷固始縣父母合族皆被害聞變慟絕回籍不仕嘉靖元年起江西僉事不就初時橫被流賊之害族丁俱絕冠獨與舊役吏居苦勸之再娶始從之因以有後居鄉多行善事朱氏仍冒大朱塔舉甲辰進士令臨晉有循聲行取湖廣道巡漕按浙所至動著風裁又每事務從簡靜議論獨特大體卽其孫也斯亦世德之報矣

人物考卷之九十四目錄

山東濟南府

高復 王璉

宋性 耿通

李溢 趙文

王佐 鄒襲

趙紳 薛理

邢奇 張惠

李濬 尹旻

王允 張綱

李森 王敕

張鶴 李綱

畢亨 劉嶽

李遜 趙璧

李芳 洪漢

徐暹 張海

邊貢 喬岱

孫銘 劉天民

仇相 李攀龍

于鯨 李開先

本朝分省人物考 卷九十四目錄



方廉

沈淵

王之猷

趙卿

補遺

郁綸

徐以貞

張諾

姜佐

李嵩

范瑟

周繼

王詔

初貞

王廷輔

趙世卿

本朝分省人物考 卷九十四目錄

二

本朝分省人物考卷之九十四

南直督學御史西浙過庭訓纂集

門人蘇松備兵副使南郡熊膏參閱

男 過銘盤

過銘孟

過銘籃

寧國府學生員嚴弘志全訂正

山東濟南府

高復

高復字再興臨邑人洪武初擢知長春府事為政有

惠愛早禱於城隍夜夢禱告曰雨至矣天明果雨歲

遂登民歌頌其德改吉安府同知以老疾辭賜半祿

贍之卒勅葬上元縣

王璉

王璉

王璉長山人器局沉凝學問精密師事宋濂洪武中

鄉舉至京召見試詩擢史館編修選入文華堂肄業

尋攝御史按河南回奏稱旨上悅謂近臣日文華

堂諸生如王璉等皆異日將相才也

宋性

宋性德州人洪武中由國子生為刑部主事署本部



右侍郎後請湖廣按察副使調陝西永樂初陞四川布政司右叅政進刑部右侍郎所至以廉能稱卒人多惜之

耿通

耿通齊東人洪武間領鄉薦任都給事中嘗面奏有犯無隱侍 太宗覽奏牘事其御案鎮紙金獅欵側將墜通趨進移置案中 上謂曰幾危哉通曰古人安不忘危况敢忍視其墜 上顧侍臣曰一器之微置於危處則危置於安處則安天下大器也獨可置之於危乎尋擢大理寺卿奉詔往安南諭以小事大之禮安南臣服後負冤抑死于奸黨

李溢

李溢字守謙利津人由太學生擢戶部主事數載身無更衣遇 聖旦命服錦繡假諸千戶者服之 上詰其故具以對賜衣一襲歷任饒州府知府政績著聞尋陞山西左叅政

趙文

趙文字煥然山東齊河世族九歲充庠生十三食廩二十二貢入太學洪武癸亥選堪為人師者 太祖面諭注四川巴縣學教諭授符一勅一奉二親以往

抵任正身立教課試訓飭之條極備且嚴諸生化服三載考績仍奉二親至京孝養愈至滿九年陞徽州府學教授父卒安厝于歙東關服闋上書自陳母老乞鄰郡便養遂授江西鄱陽學諭食教授祿母卒竭力定卜於馬尾山奉二親葬焉服闋還齊河祭掃至京師授湖廣岳州府授辛卯 詔吏部選老學之士面諭授左春坊左中允輔 仁宗皇帝於東宮進講經史悉寓箴規 睿旨嘉獎癸巳卒於南京年五十四

王佐

王佐海豐人永樂中領鄉薦入太學擢吏科給事中儀表凝重器宇深厚宣德中陞戶部侍郎正統中進本部尚書雖政務叢雜未嘗廢學士林重之後死於土木之難贈少保

鄒襲

鄒襲字繼芳濟南衛人以進士拜官南京兵部郎中居官清苦及歸杜門三十餘年不出以詩文自娛有司數造其廬未嘗少干以私鄉人推重之

趙紳

趙紳歷城人永樂間舉人初授監察御史激揚有聲

以劾尚書金蓮出爲揚州府同知後陞山西叅議轉  
江西叅政皆卓然有聲以老疾致仕朝廷念其廉介  
賜半俸養老

薛理

薛理歷城人永樂間進士授行在戶科給事中宣德  
初中官驕橫理論劾剴切尋授湖廣衡州知府有惠  
政嘗捐俸貲給士之窮乏者在那數年以疾乞歸

邢奇

邢奇字彥美長清人天資穎悟議論敏捷蓄書萬餘  
卷時號書皮當道薦于朝以直言忤大臣授河泊官

張惠

張惠德州人永樂間任監察御史按雲南道池口驛  
巨蛇傷人至沅陸有羣鴉啣火之異惠皆除之又嘗  
奉詔招安諸蠻再按浙江處州民聚爲盜惠撫之州  
郡獲安召拜禮部尚書卒於官

李濬

李濬字伯淵武定州人自居庠序時已爲流輩推服  
由歲貢入太學永樂中擢行在四川道監察御史卓  
然有聲 宣宗卽位漢庶人據樂安州謀叛劫衆從

已濬以外艱家居語族人曰吾先世皆以忠孝爲立

身之範今吾必不爲叛逆所辱汝等善自裁吾計決

矣晨夜馳京告變朝廷仗大義討平之改樂安爲武

定州嘉其忠陞都察院左僉都御史復賜以襲衣綵

段特賜誥命五年立廠於易州平山命督其事初庶

事草創未備濬區畫有方不激不隨規模槩定未幾

回院 英宗嗣統簡任賢能勵精圖治時濬丁內艱

還適遼東守臣懈於邊備虜數入寇 上命在廷大

臣舉素有才者一人往撫綏之僉以濬爲宜 上遂

召蒞其事至則集諸將士宣布朝廷恩威諭以禦戎

之道莫重於守於是高城深池謹烽堠鳴刀斗揀精

銳士馬分布要害暇則躬督屯田區畫措置由是邊

儲充切甲兵堅利自瀚海以東悉奏平寧 上聞喜

之進左副都御史仍勅以便宜行事在邊八年以目

疾乞休致還未幾卒於家計聞遣官祭葬如例

尹旻

尹旻字同仁歷城縣人正統十三年進士改翰林院

庶吉士授刑科給事中景泰間值國多事屢有建白

皆力持正義天順初遷左給事中 英廟重其器識

欲大用之擢通政司右叅議未幾轉左時王師有事

陝西旻出總軍餉因陳備邊十事策皆鑿鑿可行以  
 去踰年驛召至京擢吏部右侍郎轉左久之進尚  
 書累加太子少保在吏部先後二十餘年甄別人物  
 隨才授任各得其職奸人李孜省方貴幸憾旻甚會  
 旻鄉人兵部郎中鄒襲坐累補外諸衛武官奏留之  
 吏部為覆因謂旻子侍講龍所為嗾發其陰事諸武  
 臣皆下獄罷襲為民遂落旻太子太傅尋又訶龍他  
 事下詔獄內閣大學士萬安學士彭華皆以囑托不  
 遂構成之斥龍為民令旻致仕卒於家年八十二訃  
 聞賜祭葬謚恭毅旻儀觀環奇神采英發有才略善  
 斷大事凡經銓註雖稱人小吏既久猶識其名奸偽  
 無所售而課功覈實一以典例旻既退言者累疏薦  
 起不果人至于今稱之

王允

王允字執中歷城人少孤勵志讀書正統間登進士  
 官至左布政使事母曲盡孝愛所至以清潔稱母卒  
 廬於墓三年景泰三年有旨其母貞節行詔

旌其閭

張綱

張綱字大振長清人景泰丙戌進士拜監察御史時

曹吉祥欲庇一指揮孽庶奪嫡陰綱疏奏阻之入呼  
 為真御史出按寧藩削護衛軍士再巡湖廣有李總  
 兵者遺千金劾奏落職屢陞僉都御史禦北寇奏捷  
 憲廟嘗曰西有王越北有張綱朕何憂哉

李森

李森字時茂歷城人景泰丁丑進士授官給事中有  
 直聲每奏先舛極于外時成化間萬妃家人驕橫上  
 疏指斥言甚剴切謫定州同知未任而卒

王敕

王敕字嘉論歷城人成化甲辰進士及第授翰林編  
 修謫判夷陵陞四川僉事河南提學副使終南京國  
 子監祭酒博極羣書尤善風角習堪輿推驗多中所  
 著有五經通旨漫遊雲芝諸稿大成樂譜

張鶴

張鶴字用和歷城人成化間進士為監察御史抗疏  
 劾李孜省出為彬州判官 孝宗即位起為河南僉  
 事值黃河泛漲督治有功汴民立生祠祀之累陞都  
 御史巡撫遼東修飭堡伍尋詔入掌院時劉瑾竊權  
 有吏殺人賂瑾求免鶴不從遂改南京尋逮獄削職  
 而歸瑾敗復官學者稱鶴先生

李綱

李綱字廷張長清人幼負志挺特不與凡兒狎讀書日記數千言下筆爲文不竊陳腐視世之侈靡者若將浼已嘗侍父州判君來京家僮驅車行狹道中偶失脚墜轍下車從身橫過衆以爲必無全理已而不傷若有神護持之者識者曰大難無危後當遠到天順丁丑登進士選授山西道監察御史慨然以功業自期明憲綱究律意舉大體略細故疏陳時政得失無所迴避其出巡南直隸浙江等處所至舉廉能黜奸貪風聲大振淮人有宦族子婦私通武弁子逾年

登朝分省人物考

卷九十四

八

山東一

以下事不集者笞之行冀州道劇賊驅騎卒至乃從容解鑰與之賊指隸人曰此豈太僕寺李某耶隸人曰然衆賊曰無錢無錢遂不開箱上馬徘徊有退謝之狀節丁內外艱前後六載足跡未嘗出門卽吉轉右僉都御史綱素諳憲事凡疏奏必取省閱至淮奏准運船遭風飄流糧米者以免送聞未及二載運事畢舉人用大和至成化己亥以疾卒於官平江伯陳公具棺殮如禮啓箱視之惟敝衣數事而已他無一物陳公曰真君子也爲上章乞葬祭許之得壽五十有五

登朝分省人物考

卷九十四

九

山東一

畢亨

畢亨字嘉會新城縣人少遊庠校卽負經濟志成化甲午領鄉薦第二明年登進士戊戌授吏部驗封司主事乙巳陞本司員外郎丙午陞本司郎中弘治庚戌改考功司辛亥陞順天府丞甲寅奉命捕蝗忤權貴爲所中傷孝廟察其誣宥之時諫垣有躁進者素銜之遂乘隙誣劾調兩淮運同陞副使剗剔宿蠹於鹽船屯集處驗計掣割積弊以除適開中鹽引五十萬權璫家僮競先自占三之一亨曰利均則鹽法行渠先得此如後來鹽引何時勢焰正赫人皆

之毅然不聽鹽法御史委掣真州所鹽御史突至和  
 驗無他益加敬服東山青谿二公素慎許可時被召  
 入朝語人曰一路好官惟畢運使耳轉湖廣右叅政  
 淮人為碑去思贈言者有瓊花觀裏長廊下千古清  
 風滿素碑之句武靖苗賊構亂督餉贊畫功多 詔  
 賜彩帛轉浙江右布政先是歲造官段二萬貯司年  
 久避咎莫敢驗發立檢僉解咸歎其難浙中饑出內  
 帑賑給既有飛語中傷者事白而清操愈厲改陝西  
 左布政使未任陞都察院右副都御史巡撫甘肅閱  
 士伍出匿占三千人又簡丁餘為邏卒莊浪有警率  
 師直抵城下屯師於郊令民樵牧有餘官給賞以充  
 儲特軍威大震虜遁去以憂歸軍士泣送之曰公去  
 我輩不獲生矣上聞遣官祭葬正德二年服闋陞南  
 京工部右侍郎湖廣河南災命兼右僉都御史巡視  
 至其地區畫無遺策境賴以寧比還當改兵部時逆  
 瑾欲引鄉人謂吏部曰此人性剛不宜此任四年仍  
 改工部尋陞尚書五年庚午有玉帶之賜未幾瑾敗  
 上其不法事請釐革誤及請封立祠例遂得罪罷歸  
 亭才識過人敷歷中外所至赫然有聲初為驗封主  
 事巡南城見一亡命曰此盜也一訊而服政少暇輒

及經史為員外郎時常使 淮府行冊封禮饋遺一  
 無所受為郎中時 憲廟上賓朝士有為詩哀詠之  
 者索和不答或問之曰哀悼不暇何以及詩其識大  
 體類此進官尚書節財用嚴門禁省徵派杜請託風  
 裁凜然雖瑾之奸兇亦不為撓既遂閒陶然無所芥  
 蒂乃擇子姓教之於有司事一無所預士大夫尤服  
 其高乙亥卒遺命長子右副都御史照等曰吾官惟  
 有清白吾祖父以此傳家不可改汝輩讀書要深見  
 義理方是學不可苟也勉之我死後慎勿煩瀆 朝  
 廷求葬祭言已而逝更不及他器識英邁好學多聞  
 耿介正直之操出於天性平居接物有禮而嫉惡太  
 甚以是被誣遭抑乞老不為屈有古大臣風

劉 嶽

劉嶽字廷珍濟南衛人成化己丑進士歷官刑部郎  
 中才識明決折獄稱平陞都御史巡撫大同遼東兩  
 鎮致仕卒自為墓誌著平生勤苦之節

李 遜

李遜字敬之陽信人成化間舉進士任大理評事多  
 平反疑獄嘗持命賑關中全活者甚眾屢陞四川按  
 察使有善政

趙壁

趙壁字潤夫歷城人成化戊戌進士授刑科給事中時萬妃家人驕橫壁奏劾謫榮經主簿天水高陽二詔討司警殺不止壁奉命往諭至則帖服酬以金帛不顧而出弘治改元調無為州判官尋陞知州陝西按察司僉事行部至永昌金川堡遇虜賊千餘騎壁挺身與敵斬首數十顆奪馬數十匹尋卒於官朝廷嘉其功遣官以羊酒祀其家

李芳

李芳字德馨濱州利津人成化丙辰進士授監察御史劾尚書薛遠滕昭出按山西值歲荒奏發內帑賑之時汪直恃寵嘗令人誣告兵部尚書項忠不軌事命都御史王越往按其事越薦芳同往芳語同事者曰吾寧得罪於權倖豈可得罪於天下卒明忠之誣累陞江西按察使發奸擿伏吏畏如神時李孜省鄧常恩輩居要路族人恃勢凌人芳皆置之法年七十三引年歸卒于家

洪漢

洪漢字天章章丘人成化壬辰進士授工部主事累陞江西叅政平桂林荆竹永福諸徭獯遷陝西左布

政權都御史巡撫大同條陳地方便宜八事多見採行會朔州星變漢奏以為夷狄侵中國之兆未幾虜果大舉人寇邊師失利漢亦坐去官有飛白大書于朝壁云洪漢無錢却去官蓋為權奸中傷之也及歸貧不自給屢薦弗起

徐暹

徐暹字進甫歷城人弘治壬戌進士任給事中正德初疏劾劉瑾竊柄械繫下獄榜笞幾死落職家居凡七載足不入城市瑾敗復起為山西僉事尋陞副使時有鉅寇號混天王劫掠郡縣暹不煩兵以計平之民為之謠曰不發一矢賊乃盡死不荷厥戈賊死實多卒於官

張海

張海字文淵德州人成化間進士由都給事中擢順天府丞時中貴方用事海以公事往見不屈出知雲南鶴慶府累遷兵部侍郎會吐魯番侵擾哈密上命海錫之璽書海因條上六事多見采納於是吐魯番始相畏服哈密漸得自立海徑趨還言官論其不

邊貢

邊貢命謫山西右叅政踰年致仕卒

邊貢字廷實歷城人弱冠舉進士授太常博士擢戶  
科給事中遷太常寺丞出為衛輝守久之以按察副  
使視湖廣學政移病歸 召拜太常少卿遷太常卿  
累進南京戶部尚書貢丰姿凝秀饒吏事好交與天  
下豪俠其所搜積金石古文幾徧屬 主上清明備  
閒秩亡所見稍稍游歷留司諸山水竟日夜而又好  
浮白多屈其坐人汪鉉時長憲心忌其名以為罪論  
去之卒年七十七所著集行於世士林咸膾炙之

喬岱

喬岱字希申章丘縣人弘治辛酉以禮經魁多士壬  
戌第進士除行人授四川道御史出按兩浙鹽政時  
逆瑾竊威侵牟鹽利以不副望謫太平府教授整肅  
精詳嚴于課士稱者曰是真嚴師而具法眼者也遷  
鈞州判流賊猖獗精騎數萬一時至城下州又宗藩  
所居民頗富庶賊必欲破之岱率眾登陴效死拒守  
閱八日解嚴陞永城知縣兵火之後修城浚隍苦無  
工費忽羣卒懼報曰掘土得銀往取之約以萬計自  
是修浚畢舉人有更生之望調繁廬陵治與永豐相  
連亂寇蜂起攻掠鄉村岱用計設奇悉就撲滅初邑  
旱且風禾瘁民憂岱至雲結雨注偃禾盡起閭里歌

曰前在永城天賜銀而城成今在廬陵天賜雨而禾  
興年餘陞廣德知州尋陞瑞州府同知會丁外艱服  
闋銓部有知其淹者推陞山西僉事提督屯種帶管  
河東事無巨細靡不迎刃而解州縣吏民有事或不  
解行囊即決斷歸矣癸未以母老乞致仕

孫銘

孫銘字日新鄒平人襲祖爵會昌侯銘自幼莊重沉  
毅絕去綺紈之習嗜讀小學武書習射藝天性極孝  
痛父早世思慕至廢寢食奉母敬養備至立身嚴慎  
雖居勳戚不改儒素之風累封親藩餽遺一無所受  
成化癸卯管理三千營弘治辛酉遷五軍耀武營正  
德紀元改奮武營尋掌府軍衛提督神機營僉後軍  
都督府事以平西夏功加太保歷典兵戎克修厥事  
一時武臣尤為稱首 上嘗御大內演武以技能稱  
上意命掌右軍都督尋轉中軍都督府正德末 上  
北巡南征銘總營務與文武重臣同心協議晝夜憂  
勤保固京師中外倚重竟以勞瘁成疾不起屬續之  
際戒其子曰子德薄官世爵兼太保名位已極恨無  
以報國恩身後勿請謚贈以重子咎

劉天民

劉天民字希尹號函山歷城人十五遊郡庠督學陳  
矩菴一見奇之每令侍食于側正德丁卯中鄉試甲  
戌登進士丁艱服闋除戶部主事調吏部文選已卯  
諫止 武皇巡幸罰蹕五日廷筮二十辛巳 世宗  
踐祚前諫罪者俱陞俸一級天民首與焉歷員外郎  
中甲申泣諫大禮復廷筮三十在文選登良黜劣遠  
近風動給事中陳姓者假以進君子退小人爲名上  
疏指摘天民調壽州知州陞南京宗人府經歷南刑  
部郎中庚寅陞河南副使分巡大梁時 上命刑部  
錦衣審河南獄囚重刑者一千五百餘人得平反者  
本朝分省人物考 卷九十四 山東一  
幾七百人天民之力爲多退語人曰吾之遺子孫只  
此足矣未幾爲胡御史所論改四川去汴之日士民  
號泣攀留車不能發乙未考察致仕辛丑無病卒所  
著有愧菴集遊蜀吟南行稿草蟲吟田間集并禹貢  
洪範二解

仇相

仇相淄川人正德八年知饒陽嚴貧富差等按籍徵  
發靡不適均由是復業者李能等百有餘戶民有訟  
以理委曲諭之民釋然有望廬而返者司府滯獄咸  
檄相平之境內有鼠竊繫逮良久相按罪抵元惡餘

皆釋去行無冤囚丁丑歲大饑督民楸齊採薇煎鹽  
易粟且時加賑濟全活尤衆一日出途有饑民數輩  
赤體乞食下車泣曰子不德以至災厲震集鬻已廩  
衣之癘死者給棺槨掩覆野無暴骨貧男不能自娶  
勸民資助完聚甚多滹沱河接唐沙二河頻年衝決  
壞田相度宜捍禦害由是息又于堤口上下植柳二  
萬餘株迄今永無水患九載滿秩去邑人爲立去思  
碑於縣

李攀龍

李攀龍字于鱗號滄浪歷城人九歲而孤母張氏緝  
本朝分省人物考 卷九十四 山東一  
繡教之嗜古文辭登嘉靖庚戌進士授刑部主事遷  
員外郎轉郎中曹事寢以劇守文法無害而其業日  
益進大司寇有制作輒以屬于鱗藉藉公卿間與其  
同舍郎徐中行梁有譽王世貞及舍人吳國倫考功  
宗臣相與切劘千古之事爲社會時有所賦題人人  
意自得最後于鱗出片語則人人自失也于鱗雅不  
欲以刀筆見長然其聽讞最號公平俄出守順德延  
見鄉老問疾苦爲興除利害政聲流播進官三輔嘗  
獨馬牧地垂三千金留永濟倉粟母灌輸京師以餉  
戍卒裁將作供比真定十之二置郵傳于沙河邯鄲



界中寬一邑力移郡尉置鉅鹿官亭扼盜衝又移巡  
司黃榆嶺為晉趙關前後爭得之臺使者無以難也  
于鱗又謂京師仰東南餉不時至而燕齊汴趙邊河  
百里而近者母出賦錢皆賦菽粟浮於河達京師緩  
急一策也時頗躓之滿三載擢陝西按察副使視學  
政于鱗謂陝古西京也先朝士大夫北地外多陽浮  
慕古文辭而時離之思以實反其始亡何鄉人殷中  
丞來督撫以檄致于鱗使屬文于鱗不憚上疏乞歸  
乃差次古樂府擬之又為錄別諸篇文益工不踰而  
走四裔大司空朱公衡時巡撫迫起之 穆宗初薦  
起浙江按察海道副使俄遷布政司左叅政奉萬壽  
表及賀道拜河南按察使中州士大夫聞于鱗來鼓  
舞相慶而于鱗亦能摧亢為和圓方互見其客稍稍  
進無何大恭人捐館扶服還里尋暴病心痛卒年五  
十七所著白雪集三十卷于鱗以古文詞創起齊魯  
間諸弟子不曉何語咸指以為狂至于有韻之文則  
心靡間言蓋有夙授神解者

于 鯨

于鯨字子長歷城人四歲授章句九歲能文甫當舞  
勺冠諸童子試督學裴公大奇之手攜入壺中與之

沐與之飯開府太倉王公世懋一試而三覆之曰阿  
懋尚不及而于鱗先生會予告嘗指鯨為千里神駒  
定為文章交邑左史殿卿者簡貴自負其家數覓快  
婿難焉一日從衢路望見鯨驚曰此誰氏子真吾倩  
矣鯨父遜謝不敢當而鯨挺身數言殿卿尤加贊異  
曰此子真吾倩矣嘉靖甲子中鄉試戊辰成進士除  
刑部主事 詔用曹郎備台臣選拜監察御史出按  
真定指天而誓之曰此西走邯鄲道也使者不絀一  
絲往乃絀一絲還人將唾吾背矣其所平反多引經  
以斷邢州富人置同姓姬前使深文論成適鯨一覽  
笑曰于禮有之買妾不知何姓則卜之此尚不足城  
旦春而當戊乎立破械釋之自餘寃死刑往往原情  
求活用是失江陵心及瓜而還一襪被如京師而已  
女之按順天用臺例遷太僕卿奉 旨護江陵喪還  
荊州舟過小孤舳舻千尾相銜俱敗江陵行李亦半  
沒魚腹中而鯨艦卒破浪出無恙人謂有天意云偶  
以甚口趣棹歸歸里每月朔合族上先人壙事婆娑  
一無所怙遇季鮫友愛推與田宅商氏姑二女孤寡  
館居之長乃擇嫁其卒以萬曆之戊戌得年五十有  
九

李開先

李開先字伯華章丘人嘉靖戊子鄉試第二人明年  
第進士授戶部主事久之調吏部尋擢太常少卿罷  
歸開先七歲善屬文讀書一見成誦又知聲律吟咏  
之學舉進士時嘗運餉金至寧夏使還過訪太史康  
公海王公九思二公才雄睥睨一世見開先獨驩然  
相得踰年授戶部主事部為金穀巨曹更有中貴為  
監開先持法無撓以望調吏部往吏部率矜厓岸示  
尊開先獨數與諸友游人卒莫敢干以私者遷太常  
會九廟災自陳柄政者銜其不附已令歸歸時年  
才四十卒年六十有八所著有閒居集十二卷雜集  
二十一種

方廉

方廉新城人邑僻一隅無由得師遂入省從明師或  
病其勞曰吾徐行可得腹藁一篇固就此不為罷耳  
形家言新城學宮不利請遷城北多福寺更之僧持  
之堅縣官不能絀沙門洪聰夢神人語有社稷臣當  
出其中第勿爭工既竣廉以嘉靖庚子舉鄉薦辛丑  
召對公軍除南康府推官折郡獄如迎刃而解迎父  
養郡舍卒貧不能喪賴上官賻始歸葬主爵舉廉卓

本朝分省人物考

卷九十四

山東一

吳服闋例得臺諫廉謝乃受祠祭主事歷員外郎中

上有事齋宮罷朝十餘年廉時時討朝議不輟庚

戌虜入世宗猝臨朝朝儀無所失出守雲間島夷

寇數萬薄城下率以暇應之上海故無城再被寇乃

躬巡工城上海遷江西副使備九江郡遮道留不可

相率置祠俎豆之無何進廣東左叅政尋進右僉都

御史治軍督儲時兵荒代至抗疏數千言得減賦百

餘萬進右副都以言罷歸穆宗即位起南大理卿

尋遷左副都御史總督漕運理淮揚諸郡故事中貴

守皇陵者關受民詞按制禁止之轉南京工部右

本朝分省人物考

卷九十四

山東一

侍郎三引疾請老許之邑中田賦多飛匿上書均之

歲饑請縣出粟賑貸松葛二谿隄圯倡眾築堤為石

梁數十丈水不為害新先正許公遠祀字年七十卒

沈淵

沈淵字子靜號澄川新城人嘉靖乙丑舉進士改庶  
吉士授檢討修國史執事經筵戊辰分校禮闈辛未  
東宮出閣校書人侍萬曆改元進編修為經筵講官  
開陳剴切明年擢國子司業上幸太學進講尚書  
賜金綺宴闕門攝大司成矩度極嚴少所假貸貴遊  
高第凜凜步趨明年病二月餘卒貧無以殮

王之猷

王之猷字爾嘉其先瑯琊人自始祖貴徙居新城遂為新城人父重光官太僕寺卿當 世宗時建三殿太僕公督木於黔出入谿洞崎嶇迫院間卒于事天子憫其勞賜祭贈官有加焉太僕公生六子次卽之猷隆慶庚午舉於鄉丁丑舉進士授平陽司理精於讞獄辨誣釋疑其以微訾煨煉成獄者皆平反之人不敢干以私有裨將其操守狼籍懼其敗也奉金幣為壽以嘗之之猷正色發其貪狀致干法於是郡中廩廩無不震懾奏最擢禮曹郎有蜀藩為假印文以請封者衆莫辨孰視曰贗證之故贖果然於是條上藩封議十二著為令鳳陽等處大侵民羣起嘯聚為盜擢為觀察副使備兵潁州議賑蠲施糜粥平糶價事事有法民於是相戒不為盜而獨戮其渠魁數十人江以北為患莫如河築隄疏壅歲靡費度支水衡錢數十萬自河決范家口嚙雙溝灌泗城 祖陵幾成巨浸河使者舉以相屬乃遍歷水濱望形勢從上游以緩懸湍使得滌洄而下不至淵瀉為隄患功成賜帑金紀錄晉浙江叅政將行父老相率泣轅下願得再借王公當事者特疏請得借乃復蒞潁

本朝分省人物考

卷九十四

三十一

山東一

而以內艱歸相率戶祝之服闋起守河北河北濟源按太行連王屋盜藪也加以採權令下人情洶洶有異心之猷以三郡無兵卒有變何以支乃留宣薊班軍之半以衛河北召募民間健士銳卒五千人而河北始有兵稽屯田之侵沒者餉兵而河北兵始有餉冬無雪春無雨河北之民困之猷為條行十二事歲不為災尋擢觀察使鎮維揚是時貂璫之使四出之猷至力與璫爭減稅之半與化民金勝等坐稅事迂璫璫怒令其驛丞逮勝等之猷禁丞勿與璫益怒并欲逮丞又不與丞是時稅使勢張甚郡國守令監司就吏訊者數矣於是人人為之危而璫卒憚不敢發居常悃悞不事粉飾其所至惟以實心實政蒞之在淮揚以狼山濱海要地每以片帆巡行西抵江東入海勞瘁甚而不知也尋上書乞歸 天子惜其才特予歸攝病痊召用舟次淮揚而終

趙卿

趙卿濟南人以本衛指揮起家累至宣府總兵子崇璧襲其官亦累至宣府總兵父子皆名將也卿御士嚴有紀律以才數用事崇璧沉毅寬博得士心有長者稱至其廉而好施父子一也卿老於家崇璧卒塞

本朝分省人物考

卷九十四

三十一

山東二

上一軍將吏無不流涕再世貴顯家益貧落里人惜之

補遺

郁 綸

郁綸字理之德州人進士景泰時知崇德時縣署廢久綸自學校壇壝街巷河渠市肆之類悉規畫繕理大盜章正等為患設方畧擒之以素剛直不能俯仰忤當路罷去縣人以為遺恨

徐以貞

徐以貞字本良山東長山縣人成化八年進士由寧

本朝分省人物考 卷九十四 山東一

晉知縣選福建道御史蒲松溪知縣弘治三年陞霸州知州累陞右僉都御史巡撫陝西以忤逆瑾革職復起巡撫真定瑾復中傷之降鳳陽府同知致仕後復都御史致仕

張 諾

張諾字承之山東濱州人弘治九年進士由戶部郎中改河南道御史以忤劉瑾出廣平府通判累陞四川副使卒

姜 佐

姜佐字廷輔山東濱州人弘治九年進士由藁城知

縣選廣西道御史巡按應天劾瑾廷杖謫安東知縣陞太倉知州累陞山西僉事疏請致仕

李 嵩

李嵩字維嶽山東濱州人弘治十二年進士由刑部員外改河南道御史巡按真定陞常州府知府殺流賊功陞俸二級疏請致仕

范 瑟

范瑟字孔和濟南府人登進士選庶吉士授翰林編脩經筵講官明年謫開州判官勦巨寇量移大名有報笥發焉金也輒斥去擢南戶主事歷員外郎郎中

本朝分省人物考 卷九十四 山東一

選四川參議駐節川南道先是都蠻叛師討之不下瑟至罷其兵躬以 朝廷威信往諭之都蠻稽首謝請內屬遷陝西按察副使分巡西寧道屬征羌道遇暴風起車東入于西謂諸將曰是何祥也羌豈舍掌吉而就紅崖乎乃趨紅崖羌果至迎擊大破之羌平屬北虜來旁塞欲乘餘威驅之遣百戶齎牛酒往風其王俺答曰使者乘障出土卒候望久勞苦無益天子神靈諸羌豪先後既授首即所請朔方騎士亡慮三萬人張掖武威驍卒萬人羌降兵萬人不谷將焉置之虜無以應獻馬千匹謝項之輒去莊浪則虜

在焉疑有伏走黃羊抵黃羊虜又在焉虜乃引去虜更寇復破其衆于紅崖尚書上其功未報明年以他奏報免官邊長老言瑟所起湟中塞百四十里稱累世功紅崖之役先利致敵再策羌虜一何雄也猶復制于脣舌故袪于虜可禦也袪于口不可詛也

周繼

周繼號志齋山東歷城人由進士歷陞南太常少卿最善堪輿在 留都環眺應天府學嘆曰好一留庠惜未有以形家言脩之者未幾會大京兆乏人來攝府篆視學之日即周覽詳畫以留庠乾巽向宜補坎

本朝分省人物考

卷九十四

二十六

山東一

氣助木氣會泉木以成林于是建青雲樓樹天下文樞坊置聚星亭闢文德橋謂十年間春闈必首占三榜秋試必中至十餘人而後止為請于撫臺王公學臺房公按臺柴公命太學王生元貞張生仲鳩庀董成此萬曆丙戌事也及戊子秋舉賢書者僅三人時已巡撫應天榜出而愕然者久之至冬仲特委姑蘇一縣佐來 留都刻以日時督命工役撤去學門內磚屏易以木屏致期立就語人云來春 留都不發大魁吾即不信吾術明年己丑焦君竑果 殿試第一乙未朱君之蕃亦 殿試第一戊戌顧君起元亦

舉南宮第一 殿試第三神識真可謂洞如指掌矣歷官愛士恤民本諸天性攝篆時課試諸士鼓鑄駁駁講稅談道無倦期士習翕然一丕變云

王詔

王詔字孟宣歷城人以鄉舉知定州定畿內地雜戎夷守無善去者詔更約法示誠信釐弊幾盡政化大行蜀生卓某者道定遺橐裝百金來言自詔曰第往有為守者至則有守者一人生謂何不携而去也守者曰人有棄子者我守公不忍也為流涕語之我恐携金去使君流轉于我公之境哉梁御史按部猝入

本朝分省人物考

卷九十四

二十七

山東一

獄惟二繫囚焉先是州田多汗萊人不能市牛耕為孔明木牛法代之耕力得半牛在定三歲擢開封府同知會朱僊鎮盜起陷尉氏詔即往繫賊設伏扶溝下約舉幟翼攻之賊果向扶溝冒伏中遂鼓而捕首虜以還蓋微知賊家在扶溝必重棄妻子故也河決金相寺口水出地上一丈所石橋歸德間殫為河二洪悉壅漕粟不得上議者請自孫繼口至清河口百餘里大興卒塞之非十四萬人不可計伐薪買石費十七萬餘緡詔往行河即湛祭令水工表舉爰而自蹈穉埋榘事卒徒勸赴畚鍤者百里雲舉凡三月河

隄成纔算九千七百餘糧賜從四品服色會母卒歸  
治喪比禪懸車不復出

初貞

初貞濟南府濱州人正德中流賊入城父雄被執賊  
欲刃其父貞以身蔽之賊怒砍折貞右手二指貞抱  
護如故賊濡兵血書孝子二字於垣而去父子得免  
于難事聞旌表

王廷輔

王廷輔濟南府德平人少有膂力善騎射正德間流  
賊猖獗廷輔與宋瑀倡率得三百餘人賊將楊虎突  
至城下二人奮勇却之明年虎復掠兩界縣令招往  
禦之賊反攻官兵皆脆懦遇賊即潰散廷輔曰縣官  
仗吾兩人去則何以復命下馬步射殺數十賊矢盡  
遇害而城卒賴以不陷有司上其事 諭祭于墓瑀  
亦德平人

趙世卿

趙世卿號南渚山東歷城人隆慶辛未進士以南兵  
部主事于條議中譏切江陵出為楚府長史又以考  
功法處之江陵敗起之請籍歷官戶部總督侍郎至  
戶部尚書時值吏部乏正卿多係世卿代攝世卿筮

仕時卽負氣節兼勵清修所至各有樹立雖屢被  
言以去要于生平大節無損也

本朝分省人物考 卷九十四

人物考卷之九十五目錄

山東兗州府

牛諒 曹本

韓克忠 寧直

宋亮 劉寧

王彬 師達

張本 樊敬

賈諒 孫時

李驥 張廓

許彬 李興

本朝分省人物考 卷九十五目錄

郭魯 王賢

李秉 張琛

梁觀 王晟

李木 秦紘

孔公恂 秦崇

郭璽 侶鍾

王珣 劉約

王璟 杜玠

張賓 孟麟

魏紳 湯清

孟鳳 王憲

韓智 胡海

王崇文 王崇獻

王紹 陳九疇

劉田 劉坤

王崇仁 宋滄

張錄 樊繼祖

劉源清 張景華

吳鎧 王杲

路迎 彭占祺

本朝分省人物考 卷九十五目錄

柴世需 杜萱

劉隅 陳守愚

王汝孝 趙鯤

戴繼 侯度

扈永通 吳嶽

殷學 楊賢

田大有 曹邦輔

郭朝賓 靳學顏

任瀛 路可由

侯鉞 梁成

何海晏

朱綱

于玘

劉爾牧

劉寅

胡汝桂

張守蒙

王嘉賓

杜輅

張祿

李文芝

李良

王湘

于慎行

趙惟勤

張綸

劉不息

賈三近

趙雲翔

任勵

本朝分省人物考 卷九十五目錄

王潺

陳職

蘇則曾

趙邦彥

楊挺高

三

本朝分省人物考卷之九十五

山東兗州府

牛諒

牛諒字士良東平人洪武初以秀才薦舉除翰林典簿同學士張以寧奉使安南 太祖優詔褒美御製歌詩賜之使還報命擢為禮部尚書洪武七年降本部主事尋復前官諒優於文學著述甚多為世傳誦益國初才士也

曹本

曹本字子善滕縣人漢曹褒之後也父思明嘗夢數人以車載篋至門問曰汝曹某耶思明應曰是也其人開篋取人支體與之曰此隸人支體也思明受之

一人後至謂其人曰曹某當得一侍郎兒何故以隸體與之其人大驚曰吾忘之然侍郎皆已散盡奈何後至者顧視篋中良久曰此不一侍郎鼻耶遂復與之已而本生天資穎異志操不羣國初以貢遊太學官北平布政司都事永樂改元以勞遷刑部主事累官廣西按察使所至有聲洪熙元年陞兵部侍郎在部四年邊防經略宣力居多以忤於時宰左遷山西參政



韓克忠

韓克忠字守信城武人登洪武下丑進士第一授行在翰林院修撰 太祖愛其學行淳實僅三月命署國子監司業自祭酒宋訥後學政多隳忠與祭酒張顯宗創制立法興廢補壞編立監規參酌時宜永為遵守學政自此振舉革除一年陞河南僉事未幾卒於官初忠之會試也不與中試之列時所取宋琮等五十二人江以北無一與者及殿試賜閩人陳郊為第一被黜落者咸以為言 太祖怒命講讀官張信戴彝等十一人再閱下第卷中擇文理優長者復其

本朝分省人物考 卷九十五

十一

山東二

竇直

竇直滕縣人性穎敏好學洪武乙卯舉於鄉為學官宜德間擢宿遷知縣寬廉平易興學勸農未期月民相率趨令邳州有張氏以種瓜為業一夕為人刈其苗殆盡訴於直直曰汝有讐家乎曰李榮與舊有怨直即召榮及瓜田四鄰收其鎌鋤數十事雪之獨榮

鑊水味腥苦榮遂辭服州民張謹妻朱氏遺失金環釵釧六事為姑所撻幾死其兄弟訴於直直召朱氏問曰是日往來者何人曰有出嫁小姑并鄰婦三人即日召四婦人至則以布蒙其面坐之帳中使各伸足帳外令隸曰此是盜金環者取大杖杖之一婦即縮其足出而詢之乃小姑也一鞠即服鄰境楊氏兄弟五人爭產訟經年不能決越境來訴直命跪庭下累日引古人兄弟友愛者反復開諭之五人感悟請不復爭上元縣人有囊鈔五百貫為人盜去訴於直直曰汝何所見答曰只枕一石他無所見直令人取石入城隍祠決而求之復以其狀焚於祠下人爭趨觀密令隸數人聽察眾人又令二人立門下凡觀者出入皆索鈔一貫無鈔者不得出有二人私相語曰我知盜囊鈔者我與汝至其家索分其鈔隸聞輒執之遂得盜者其理民訟多類此正統元年卒於官邑民老幼携扶哭於縣門相屬不絕有送喪至滕葬畢而後歸者

本朝分省人物考 卷九十五

十一

山東二

宋亮

宋亮字均禮魚臺人魁梧英發涉獵經史每以古人自期洪武八年有司辟為本縣儒學訓導承元餘俗

力以古道倡率數年之間風俗丕變未幾復應經明  
行修詔拜福建右叅政撫綏有聲民懷其德值回祿  
引咎罷歸優游耕釣鄉人隨而化之

劉寧

劉寧汶上人洪武中以監生任刑部主事剛毅廉明  
不受私謁夫人安氏方櫛髮有以瓜盛銀餽者安氏  
被髮呼僕拘送於朝 詔賜金幣勞之官至太僕寺  
少卿

王彬

王彬字文質東平人洪武中爲御史巡視江淮靖難  
兵至彬與指揮崇剛共守揚州指揮王禮欲舉城降  
彬與剛知之執禮及其黨繫獄彬外禦內防七日不  
解甲靖難兵飛書城中有縛王御史降者三品千戶  
徐政張勝縛彬昇至城上投靖難兵中不屈而死

師達

師達字九達東阿人資稟過人八歲讀書日記千言  
少孤無兄弟奉母極孝年二十餘貢入太學從御史  
出按遼東方嚴不阿御史劾達逮至闕下囚服入見  
狀貌偉麗面如玉盤戟髯拂拂 太祖目而偉之卽  
以達爲御史不三月擢陝西按察使至則獄囚繫者

本朝分省人物考卷九十五

四

山東二

數千達檢案牘訊鞫各以其罪輕重立爲讞決旬月  
而盡永樂改元召爲兵部侍郎未幾改佐吏部典選  
幾二十年嚴密慎重人莫敢干以私車駕北征沙漠  
以達督運達以道里回遠飛芻輓粟疲不能給奏設  
頓舍於道令民互相送迎以次轉輸著爲定式營建  
北都遣達采木湖湘達以十萬之衆深入窮山賈販  
不通軍夫艱食乃爲除關道路檄召商賈往來貿易  
軍民樂趨績用有成凡在湖湘八年 仁宗卽位念  
達暴露日久召爲戶部尚書兼掌吏部修明國賦選  
拔人材朝廷倚重焉宣德二年卒於位 賜祭葬如  
本朝分省人物考卷九十五

五

山東二

張本

張本字致中東阿人也九歲爲邑諸生後舉京闈鄉  
試授江都知縣釐奸革弊豪猾斂迹靖難兵起擢揚  
州府知府尋陞江西叅政巡行郡邑躬理民事祛除  
蠹政吏無容奸聲稱愈起 詔爲工部侍郎已以事  
迂旨謫交趾布政司吏復起刑部侍郎 仁宗卽位

以其特立不阿首進南京兵部尚書兼掌都察院事  
召掌行在兵部宣德初征漢庶人本以戎樞扈從調  
度兵食庶人伏法遣本治其餘黨本奏漢國吏民為  
王所脇倉卒從亂可無盡法以安反側詔從之一方  
賴以全活時軍政久弊本奏遣大臣分出清理為條  
例頒行天下著在令典詔兼太子賓客數賜璽書褒  
諭已以戶部政弛又命本兼之本夙夜講求興廢舉  
墜必求至當宣德六年本病詔遣中使絡繹臨問論  
令近醫藥自輔母以國事為念本涕泣受命未幾卒  
賜祭葬世復其家本為人直諒通敏持身廉介議論  
本朝分省人物考卷九十五 六 山東二

樊敬

樊敬字守一鄆城人洪武辛未進士初授左春坊司  
諫改行人司副擢鴻臚寺丞累至大理寺卿永樂八  
年以左通政鎮守真定撫安軍民十六年車駕北征  
時以廣惠伯劉才總兵王友行師朱律命敬馳至軍  
中斬之撫師而歸十八年復以行軍司馬鎮守濟寧

撫操十萬壯士指揮等官得自除授總兵以下悉許  
節制違令者斬其委重如此宣德元年以刑部右侍  
郎清理江北軍務二年大征安南遣敬轉運軍餉入  
蠻方樵蘇不後敬鎮守濟寧時過其故里駐節城  
南草堂里人榮之

賈諒

賈諒字子信嶧縣人永樂中繇鄉舉陞太學選侍太  
孫說書講論詳明深荷眷遇歷陞刑科都給事中  
色敢言廷中推重宣德間擢行在都察院右副都御  
史會江淮羣盜劫殺夷使受命往捕以計擒之江  
本朝分省人物考卷九十五 七 山東二

右豪民暴不奉法諒往按得實悉寘憲典良善以安  
川蜀姦盜作梗捕其首惡餘黨解散正統初出鎮湖  
湘鋤強暴屏表魃楚人頌之巡視江淮賑活饑民十  
餘萬口歷撫諸省風猷凜然其居內臺益振紀綱存  
大體卒於官賜祭葬如例入祀鄉賢子傑仕至陝西  
叅政

孫時

孫時字習之鄆城人以舉人授壺關教諭陞金壇知  
縣刑部員外郎出補河南僉事人為大理丞亭謙寬  
獄多所平反嘗以論報忤旨繫獄疽發於背成祖

察其忠出之賜藥存問洪熙元年陞工部侍郎改南京太常寺卿正統改元固請休致賜璽書馳驛歸

### 李驥

李驥字尚德郊城人永樂間以舉人任戶科給事奏罷有司征商重稅者出知新鄉東安二縣東安有狼食娶婦之子驥惻然禱於神狼還死噬所秩滿陞刑部郎中以事謫戍洪熙改元應薦遷監察御史嘗疏陳時政十餘條多見采納宣德六年陞河南府知府與治補弊鋤奸抑強道不拾遺居民為立祠洛陽城東門歲時水旱禱焉

本朝分省人物考

卷九十五

八

山東二  
州方

### 張鄜

張鄜汶上人永樂中領解任教諭陞山西按察司經歷承檄執妖賊勦北虜屢立奇功陞廣東德慶知州母卒扶襯抵家廬於墓詔旌其門累官鳳陽府知府

### 許彬

許彬字道中寧陽人第永樂乙未進士選入翰林為庶吉士歷任檢討編修修撰與修仁宣二廟實錄正統丁卯福建鄉試詔往蒞其事號稱得人己巳陞大理寺少卿轉太常英廟被留虜庭虜酋悔過遣使赴京議和且要大員迎駕僉以虜情莫測必須選

有學識大臣往覘虛實公論推彬彬曰主辱臣死此豈計身家時耶遂同都指揮馬政深入虜境凡三往返諭以禍福曲直虜悟奉駕以歸英廟復辟首進

禮部左侍郎兼翰林院學士文淵閣視事彬既執政翰誠秉公侯伯中有以迎復為功而陞秩不愜意者再三言於政府彬執手詈之曰爾戮得幾人何功之有其人慚而退每為英廟言陛下當宥過錄材如王竑宋傑曹太商輅王偉才皆可用不宜置之散地昔唐太宗不罪王珪魏徵反錄用之輔成貞觀之治此前代明驗也石亨恃功驕恣權傾內外當如宋太祖杯酒釋六藩鎮之權則功臣皆獲老死闕下今寵享太過恐非保全之道英廟心善其言而未欲顯露亨聞恨甚乃內結太監吉祥共濟之遂調南京禮部侍郎中道復左遷陝西叅政又復以事繫獄遂乞骸骨致仕卒年七十有六所著有東魯先生文集今祀學宮

### 李興

李興曹州人以勤儉起家性好施與有貧不能償所負者輒焚其券有喪不能舉者給以棺斂江西賈人楊彥成負錢若干以女代之興即遣歸不責其償同

邑蔡嫗老無所依與收養於家終其身正統初大饑流民數百輩逋聚於曹哭聲振野與憐之出糧振贍有司恐其為患將驅之出境與曰官府懼流民為患而驅逐之是也然以數十百瀕死之民驅之出境必死無疑矣有司為之少緩遂給以楮幣使詣闕陳情俱得占籍由是存活者益千餘家歲時伏臘相率來祝曹人傳誦以為美談

郭魯

郭魯東阿人父履洪武中為濼城教諭坐在任九年士無中式謫戍雲南魯及弟純皆以永樂間中式因上疏請代其詞有曰李密孫男尚能報其祖母緹縈女子猶得贖其父刑今臣父病體衰羸年垂六十跋涉萬里道路艱危桑榆之景無多客死之期立至有親至此生子奚為書奏 成祖憐之詔召還仍以為鄆縣教諭

王賢

王賢字惟善寧陽人領永樂辛卯鄉舉登乙榜授鄆陵教諭時學久廢弛賢嚴立條約課業有程不易寒暑又言於有司新學官飭廟祀煥然一新士多所造就戶部尚書張睿禮部尚書薛瑄皆其門弟子也陞

鈞州佐秩滿擢戶科給事中正統九年進光祿寺少卿奉勅巡視淮揚盡心民瘼廉幹著聲 上知其才召陞順天府尹輦轂之下兵民雜處權勢縱橫賢不剛不柔爬奸剔蠹一處以公道人見其言動尊嚴不敢以非禮干謁吏民化之嘗以柴炭為民病走語工部尚書石璞曰京民勞疲極矣今採運夫役與直保諸郡等無乃不可請遞減之又惜薪中貴縱其下非法凌府屬叱跪於庭熾火圍之賢聞趨至縛其人欲以聞主者溫言謝乃釋去一日坐公堂有懸金牌直人稱權勢官索板扉若干賢曰明日來取察知其詐及至執之寘於法九載滿表乞致仕不許陞正二品俸復任又三載再疏乞骸骨 上曰卿年七十禮當致仕然京畿冗繁非爾不治所請不允 英宗復辟之初顧近臣曰府尹如賢者何可得哉五年上章引疾力辭得請即日上道士民攀援塞途戀戀不忍舍去在任以當務為急嘗修府治學校及宋文丞相祠事集而民不擾苟有所省即省之惟恐累於民故民德之深成化改元用恩例進階一級成化三年卒享年八十有一賢少時嘗夢入授之書曰讀吾書可衣緋不讀吾書止衣綠覺而異之數日於路得一書視

本朝分省人物考 卷九十五

十

山東二

本朝分省人物考 卷九十五

十

山東二

之青鳥家說也潛玩久之乃以善地理聞為鈞州佐時漢府有異志遣人構之不往曰欲得予非詔旨不可漢王以名聞時 上以仁孝皇后未葬有事壽陵曰吾正欲得之乃遂取以往見於房山 上指示其處對曰此公侯地耳扈從至寶家莊蓋寶十郎故址曰勢如萬馬自天而下真天子地乃定今長陵是也前有小阜欲去之曰恐有妨於皇嗣 上問無後乎曰非也但多庶出耳 上曰庶出亦可遂不去

李秉

李秉字執中曹州乾都人宣德乙卯領山東鄉薦第

一丙辰登進士授福建延平府推官有兇豪為民害

官莫能禁秉廉得其狀即捕治之因被誣下獄後事

白兇豪伏法其名愈著越兩考擢都察院經歷未幾

丁內艱服除改戶部主事陞郎中出督鳳陽等處漕

運再理宣府糧儲所至事集景泰辛未用薦陞右僉

都御史巡撫宣府叅贊軍務總理糧儲秉請帑金三

萬買牛給貧乏軍民秋成償其價 上允之軍民樂

業邊餉亦足且奏都督紀廣叅將楊能怠忽邊備能

亦誣秉不法 上降旨取回別用擬差都御史蔣林

代之科道連章言風憲糾劾跋扈未辯曲直遽以撫

拾之言而改罷之適足以鈴言官之口 上止林行

命御史練綱給事中嚴誠往勘果誣勅切責能等秉

復奏准邊軍雖無妻但有四口同居者許支一石之

糧汰宣府尼僧配軍士無妻者又奏都督過與怯懦

無謀及叅將方政等陞官賣宅之罪 上切責政等

而以宅付代者癸酉虜入近邊放牧廷議擊之上疏

謂邊牆之外皆夷狄牧養之地彼未嘗犯邊掩其不

意而襲殺之是倖功賞而啓邊釁也 上嘉納之虜

寇以剽掠男婦易糧米 朝議每大口米一石小口

米五斗虜不從秉曰是重物而輕人也每口與米一

石總兵官以為礙例秉曰何忍使吾赤子為夷人耶

專擅之咎吾任之悉如數與之後具聞 上允不究

常條陳邊務其目曰蓄將才恤孤寡增衣糧汰冗員

專防守肅邊備行營田革奸弊杜奸謀停造作修城

池均田土貨官鹽悉允行之數年之間邊境無虞軍

民攸賴至有祠於家者天順改元巡撫江西一守陳

泰之制改蘇松加耗之例時郡縣多貪吏為民患秉

去其甚者數人餘悉改貪為廉民始得安其業戊寅

巡撫大同等處一時痛革諸弊凡腹削軍士者必置

於法羣情洵洵度不能自容乃以事中之坐除名久

之 上知其誣特召復職掌南京都察院事甲申進  
右副都御史再巡宣府越兩月擢左都御史掌院事  
屬歲當考察乘舉劾無所避公論快焉是歲秋 上  
以大同等處邊備廢弛 命秉整飭適虜寇入境秉  
率官軍與戰於鳳凰山擒獲人畜萬計成化二年建  
州虜酋董山作亂復 命秉提督軍務討之秉奏建  
州等諸部落進貢邊臣不得過為棟擇以啓邊釁下  
部議從之三年同武靖伯趙輔破女直擒董山等二  
百餘人誅之師還特賜一品服勞以羊酒丁亥遂拜  
吏部尚書錄建州功進太子少保秉素剛直不阿人  
意及居吏部凡內外士夫有聲望者皆以次擢用不  
得上命不已會大臣有忌之者嫉給事中蕭彥莊劾  
之遂落太子少保以尚書致仕前祭酒陳緝熙不平  
作詩送之有古道自無三黜愠直臣又見一番歸之  
句人相傳誦方秉被劾時六館士就試於禮部咸曰  
某罪不測則願不試以贖之及聞薄責乃罷丁未  
恩詔進階光祿大夫又二年卒年八十有二秉居官  
介然有守無敢干以私者及與鄉人處忘其勢位人  
人得而親之後謚襄敏予祭葬

張琛

張琛東平人正統間由舉人為衢州府同知迎父就  
養父卒廬於墓側泣血三年不視家室服闋陞吏部  
文選郎中銓選公明為時所稱仕至福建左布政使  
梁 覲  
梁覲字廷實東平人正統間舉於鄉薦授監察御史  
歷按陝西河南以言事忤時幸謫嘉善丞未幾復官  
山西河南大饑時撫治鄖陽馬文升奏求如梁御史  
覲者往蒞焉朝廷從之遂擢為陝西副使控制要害  
懷來安輯民得樂業漢中人感德為祠祀之

王晟

王晟字景昭鄆城人舉正統丙辰進士初授刑部主  
事陞員外郎英敏剛直鞠獄平恕秩滿陞浙江僉事  
專理山場銀課時麗水青田諸縣山賊陳鑑湖等哨  
聚劫掠晟召募勇敢殺賊數百人已而賊勢復張官  
兵不能支晟遂被執罵賊而死事聞遣官諭祭贈江  
西叅議官一子

李木

李木字時升曹州人景泰甲戌進士拜禮科給事中  
繩糾得體輿論稱之遷尚寶司丞陞本司卿本性友  
愛念兄子蚤孤撫養教訓視如己子又舉先人遺產

本朝分省人物考

卷九十五

十四

山東二

本朝分省人物考

卷九十五

十五

山東二

悉讓其姪里中至今義之累至南京光祿寺卿卒於官後賜祭葬如例

### 秦紘

秦紘字世纓單縣人性剛毅不與世苟合景泰辛未成進士擢南京御史侃侃奉職綽有風裁天順元年以事忤左都御史軒輓軒疏紘不職降宜黃驛丞御史練綱知其賢薦知雒縣天順八年又忤中官下獄調陝西平谷知縣廉能有威修建縣治學舍民自不擾成化元年陞葭州知州政平訟理二年調秦州知州廉明剛果民多愛慕五年陞鞏昌知府持身公正本朝分省人物考卷九十五 山東二

不敢干以私又禁官府市賣豪猾無緣爲奸久之調西安府益勵精勤庭無宿案賦役累數萬心計不爽錙銖雅性儉素孤介無纖毫費及於民進陝西右叅政陞左布政使在關中最久民情益練凡典司出入雖寸牒禽豸皆手書閱奸黠凜然知戢又平徭役完逋負至於聲色譙遊之樂泯然不戾其心說者謂紘起西安歷藩司與余肅敏同聲望並著至今陝西並祀於遺愛祠十六年陞右僉都御史巡撫陝西時秦府旗校肆橫民苦之紘擒治不少貸秦王不能堪奏其欺滅親王 憲宗震怒逮下錦衣獄命內臣尚亨

藉其家止得黃絹一疋故衣數事亨回奏紘貧狀

上親閱其貲嘉歎良久詔釋其繫且錫鈔萬貫以旌其廉調撫河南既抵任巨鑄注直亦以事至汪時竊弄威福聲勢烜赫他巡撫官率屈禮以見紘獨與抗禮略不爲屈汪亦重之不爲較紘乃密疏汪多帶旗校騷擾地方後汪回京 上問各省撫賢否汪獨稱其廉能 上以紘疏示汪汪叩首伏罪稱其賢不置上釋之未幾改撫宣府時虜患方劇日夕謀求邊務謂禦虜莫如自治乃謹堦堦明烽火蓄威養銳以待之邊境恃以無虞二十年改左僉都御史理院事風本朝分省人物考卷九十五 山東二

采益峻御史姜紘輩不職劾之皆謫去陞戶部右侍郎未踰數月以忤時貴降廣西左叅政弘治元年太宰三原王端毅公素重其剛正特起左副都御史總督漕運益侃侃自樹風采嶄然已而進右都御史總制兩廣兼理巡撫先是山後諸賊爲患有年紘調兵委湖廣按察使陶魯討平之時總兵官安遠侯柳景貪黷不法具列其狀劾之逮下刑部獄追贓鉅萬禡其爵秩景挾威曉于內降冀減其贓且撫他事誣紘以圖報復紘亦被逮赴獄坐免臺諫交章論救王端毅又極言其當大用起爲南京戶部尚書持身孤特



御下以嚴不入非義一錢及致仕行李蕭然歸家閉門不理外事臺諫交薦起之十四年北虜犯固安等處起戶部尚書兼左副都御史總制陝西固安等處軍務巡撫而下咸聽約束至則奏陞開城縣為固原州明年冬甘涼諸路備禦官軍以資乏乞少休息武安侯鄭英以為虜酋在套不可絃曰時草枯馬瘠虜必不至已而果不至所省芻餉甚多嘗謂守邊之策惟戰與守乃推演古法造兵械置火器修海子口等處九堡甃石為垣裹鐵為門及築下馬房邊城三百餘里以絕虜道又修城堡關隘一萬四千一百九處

本朝分省人物考卷九十五

十八

山東二

孔公恂

孔公恂字宗文曲阜縣人宣聖五十八代孫景泰甲戌進士授禮科給事中天順中李賢言於英宗謂公恂與贊善司馬恂皆古聖賢後可居輔導之職遂同日起陞少詹事侍憲廟於春官及即位改大理寺左少卿因自陳不諳刑名仍改少詹事兼左春坊左諭德會撫寧侯朱永命出征公恂上章留之且言永當時武臣中一人而已為眾所嫉被劾出知漢陽府未之任丁內艱服闋復少詹事任南京詹事府卒於官公恂慷慨尚氣不肯卑汚屈抑遇非其人一言不合輒悻悻然見於顏面而去故在宦途亦屢起屢

本朝分省人物考卷九十五

十九

山東二

厥云

秦崇

秦崇字智崇單縣人天順四年進士授兵科給事中憲宗即位與諸科臣糾劾權倖舞法者成化元年貴州蠻酋起為邊患朝廷命將征之崇往監軍凱旋遷都給事中陞太僕少卿南光祿卿轉南太僕卿弘治三年遷應天府尹明年卒官邸蕭然府丞冀綺合購贈為治後事計聞賜祭葬崇性剛勁不屈居官三十餘年皆財貨出納之地而清約無染尤人所難

郭璽

郭璽字文瑞城武人天順甲申進士初選庶吉士以請解館激怒李賢授工部主事時宦官黃順貴幸嘗有私屬璽叱之因誣璽以酷暴被逮責問復命搜其家惟圖書舊衣敝被而已 憲廟怒責順曰爾奏郭璽如彼是誣之也黜之南京遂遷兵部主事松潘指揮楊安沒而無子族人謀其爵者賄當路已有成言惟璽不從卒卻其賄而置之法所善給事中閻某嘗以忠義相期間畜名馬玩好璽不知也一見遂與之絕剛正之聲聞於中外 憲廟嘗書其名於御屏曰清介郭璽遷員外郎卒今祀學宮

本朝分省人物考 卷九十五 辛 山東二

侶 鍾

侶鍾字大器鄆城縣人成化丙戌舉進士授浙江道監察御史都御史黎陽王越特薦御史四人可大用鍾其一也十五年陞大理寺右寺丞轉左進本寺少卿陞右副都御史巡撫保定擢刑部右侍郎歷官戶部尚書在部四年屢以師出給餉有勞賜綵幣白金以疾在告命醫診視中官禮問於家賜內醢諸珍物尋請老溫詔慰留不允再以疾請命馳驛還鍾白哲長身不妄語笑剛毅諒直夙夜惟勤初爲御史時奉勅巡兩淮鹽中費用事者道淮勢張甚獨抗不與見

名頗起及按事尤煩劇鍾不違自遜日閱訟牒夜分乃寢凡行臺亭榭舊以備遊眺者悉封不視有布政以賄聞暴於衆卽引疾以去致仕兵部項尚書忠嘗爲鄉人誣奏禍叵測承命與中貴人獻之白其冤項宗獲全海鹽海岸崩工久不就令所司以荆器實磚石先塞旁流工乃成夏旱不雨虔禱立澍監秋試場黜舉子之私以賄請者而不暴其名曰毋以一人玷我賓興盛典比還朝論列益無避忌巡撫遼東都御史馬公文升亦爲用事者所惡風鍾劾之鍾不可竟以蜚語中傷被廷杖鍾執益堅卒不屈其巡撫保定

本朝分省人物考 卷九十五 辛 山東二

却守關者餽金河間海濱淤地舊爲豪所占種者悉還之民其在江南日以擇廉吏禁侵漁爲阜財要務屬吏之彊有力者亦被笞掠歲值澇條寬恤事請允之旣而澇復甚又條奏九事戶部格不行時特遣廷臣齋內帑銀賑杭嘉湖三府水災因上疏理前奏且言蘇松嘉興杭湖五府均之赤子也賦稅之出蘇松重於三府水災所傷三府輕於蘇松今三府乃蒙賑恤而蘇松之民何獨不一蒙恤念乎又奏設高淳縣以分治溧水民便焉其在吏部進退黜陟一視輿論卽有薦剡未嘗令人知以爲恩其在都察院詳定條

例夙夜惟謹讞獄俱從仁恕在戶部振刷宿弊事無滯流嘗以四方多災報乃疏十二事以聞於時政多裨益焉又以九門內臣職譏察不可令干國課疏累上必得請乃已時國用不足上疏言冗食太多宜汰減內降官吏光祿寺供應大繁宜減內侍及畫工番僧酒饌天下有司存留糧稅歲不充用宜自郡王以下量為裁處大倉銀不宜收入內庫內庫所蓄金幣不宜修齋造像及充私賞城門中使不宜干預國課朝廷難之久不報及貴戚有丐長蘆兩淮鹽引者既得旨又執奏乞寢成命以杜將來 上是之常創破本朝分省人物考卷九十五 五十一 山東二

庫以儲羨餘諸司由是有所稽覈比去積儲至餘千禹鍾居家孝友晚雖謝客日以書史自娛至語及時事輒鬱鬱不樂屬續時子以後事請不答但云天下事大可憂而已壽七十有二

王珣

王珣字德潤曹縣人舉成化己丑進士授太康知縣調繁信陽擢南京監察御史行部蘇松獲劇盜三百陞四品俸時部中所獲至數千人珣按其非實多所平反曰吾不能殺人求進也歷湖州府知府陞河南叅政轉本司布政旋陞右副都御史巡撫寧夏以寧

夏孤懸河北而境土狹小當先守後戰因濟賀蘭山渠以廣屯田遏虜騎邊防賴之虜寇花馬池深入臨鞏總兵郭鈞以衆寡不敵不敢出戰珣曰虜深入獲利而還實驕且疲以逸待之勝可必矣戰於石溝破之道階通議大夫無何以疾致仕章再上得馳驛還珣為人孝友少時為兄璉所撫及考滿受廕官其兄子以報之里人稱焉卒賜葬祭如制祀於學宮所著有奏稿十卷南野詩稿二卷

劉約

劉約字博之東阿人第成化己丑進士累官吏部郎中出為河南叅政徽王嘗請民田若干以益國租下吏勘實約奏以田還民王賂劉瑾遣他使復勘以田予王逮約下吏罷之瑾誅乃復故官約為人修偉有儀器識超越初聘里中徐氏女忽病目而瞽女家以返幣請約曰女瞽即棄不娶假使男瞽女家亦不字耶終不改聘其後女目忽開里人奇之約生六子兩舉進士為名臣各有傳

王璟

王璟字廷采沂州人舉成化壬辰進士除登封知縣六期以清節聞擢南道御史凡所論列悉關大體讞

本朝分省人物考卷九十五

五十一

山東二李郁

獄不泥成案率多平反以起復改北按視山海等關保定諸郡旌別臧否罷行利弊累至光祿寺卿轉右僉都御史總理兩淮鹽法通變革奸私販屏跡浙東大饑被命賑濟條上經畫要宜十事奏省杭湖軍糧三十餘萬石所活四十萬人改巡撫保定疏陳地方事宜并乞罷皇莊名目以蘇民困 孝廟嘉納之時中官奉命勘寧晉新河諸縣土田吏稍侵侮遂奏遣官校捕捉鄉民二百餘家遠近驚擾環備疏其害謂宜斥罷諸璫田土盡歸小民人皆壯之正德丙寅入理院事逆瑾矯詔罷官瑾誅薦起巡撫山西時巨盜流劫河東爲甚環至閩視通賊處所設險防禦製火鎗火箭等器攻守具備斬獲頗多山西地瘠民貧復經兵燹凡各部歲派物料及戰馬四千餘環疏請改徵以甦困弊已召爲左都御史掌管院事獨持風裁朝廷倚重嘉靖初進太子太保乞歸因給廩米與皂仍勅有司歲時存問卒賜祭營葬如制今祀學宮

杜 玠

杜玠字仲純滕縣人世隸武籍父紀獨改業事儒玠舉弘治庚戌進士授慶雲知縣擢戶部主事刑部員外郎中出爲山西僉事時大寇劉六等攻破壺關御

本朝分省人物考 卷九十五

五十四

山東二李

史檄玠守沁州玠塞險守隘繕城浚池勸粟穀治兵器盛旗幟簡練士民軍聲頗振賊由他道引去不入沁境良民爲賊所虜者乘間逃歸有司輒捕論之欲以爲功玠悉出之定襄有饑民千餘聚匿山谷中有司以反聞撫臺議發兵擒捕玠乃言曰有司不能備荒於平日民無所食乃相聚山谷以延數月之命今捕之急此不北走胡卽以死拒我矣治亂民如治亂繩宜撫而解散之遂畫方略數事撫臺乃檄下州縣如玠指數月悉平玠爲人疆力能肩大事不可搖奪部有貪吏玠發其贓晉宗冒支祿糧九千核其實以請因與撫臺相左引疾乞歸詔陞山西叅議致仕玠奉母至孝家庭嚴肅夫妻相待如賓教子弟必先孝謹而後文藝卒祀學宮

張 賓

張賓字廷賓單縣人成化戊子舉鄉試乙未舉進士授睢寧知縣以憂去服除改金壇擢監察御史弘治庚戌遷湖廣僉事復丁父憂服除改山西遷浙江副使江西廉使正德丁卯遷南光祿卿明年廷臣薦爲大理卿劉瑾用事怒無所餽遺勒令致仕賓知睢寧時大稔發廩賑饑或勸待報賓曰穀爲民積今爲民

本朝分省人物考 卷九十五

五十五

山東二李

發之罪我自當也金壇又大水以全災報都御史怒  
上九分災賓抗言曰民溺而匿之不仁告不以實不  
忠民將芋矣為御史劾太監蔣琮擅伐山陵琮幸臣  
也疏入不報巡山海立社學使行伍皆知書守備劉  
某貪殘有內援案賓之法湖廣知縣某素佞幸上官  
後民訟下賓治都御史屬賓曰此官賢罪當坐訟者  
賓竟罷之御史喬恕按江西嚴斷省府畏之禮諂言  
甘賓至將衣豸見或勸更他服賓曰此吾命服如面  
君又何如每與御史論事更端復起媿媿不厭御史  
憾之賓抗執如初布政林某謁御史趨賓止之曰奈  
本朝分省人物考 卷九十五 二六 山東二

市民獻諫令患無政無患無聞山西省城北廣袤百  
里無水宿相地得井有欲紀之者賓不可湖廣民作  
德政碑賓見毀之居浙入覲垂索如京知府于鳳喈  
有獻不納賓素貧不妄取未冠時夜讀書鄰女私就  
叱之尤薄勢利曰官豈一家物哉有以官為家者未  
之思耳卒年七十有九

孟麟

孟麟曲阜人性行恬素操守嚴潔聰穎力學寒暑不  
倦舉成化甲辰進士歷工部主事郎中奏興水利六  
事至陝西左布政歷仕凡三十年清苦自安不營家  
本朝分省人物考 卷九十五 二七 山東二  
業及歸林下衣食無以為給淡薄清修悠然自得邑  
人高其節祀之學官

魏紳

魏紳字廷珮曲阜人母卒廬墓三年朝夕哭奠舉成  
化辛丑進士歷刑部主事郎中廣西有冒稱外戚者  
事覺被逮人皆避之紳一訊即得其狀累遷都御史  
歲旱奏減民稅四分之一築邊墻四十餘里增墩堡  
五十餘所 孝宗賜璽書褒勵官至刑部侍郎卒祀

學官

湯清

王皆行義士一日相詬欲相擊詣賓求直既見悔愧  
不敢言而罷御史張淮按睢寧民狀賓善政賓曰此

湯清其始祖祿從 高祖起兵累立戰功世襲指揮  
僉事隸籍濟寧衛清於成化中襲父職勇幹有略奉  
命督山東濟寧棗林關招調四十八衛以飛輓著績  
調宣州衛指揮同數傳而族遂大四世孫湯鈇弱冠  
補郡文學篤於孝友嘗鬻舍傾橐爲伯兄館償所負  
庫金家以益落值歲大稔日不能再炊道逢遺囊累  
金及典質券可百金候之終日爲筆其處去後遺金  
者願割以謝叱且笑手還之歸而與家人共饑厄幾  
無以存也劬書攻苦至老愈篤郡博士李公別駕戴  
公後先設席東贊之外卒無所點染諸大夫高其行

本朝分省人物考 卷九十五

五八

山東二

聞於學使者旌之異等優賞甚腆諸所與交游多後  
先以達而鈇孤貧杜門自絕不肯交一刺也曰吾不  
能自達亦不能過達者之門

孟鳳

孟鳳卽臧鳳字瑞周號梧岡山東曲阜人父紀由舉  
人任華亭訓導鳳生與伯兄麟同祗弘治己酉發解  
山東庚戌登進士第選知嶧縣嶧浙東巨邑齒繁而  
賦殷至則勤農桑興學校務在使民利安又礮石甃  
堤百八十丈以障水衝民甚便之材譽日彰治聲騰  
播徵福建道監察御史丁內艱服闋改浙江道出按

宣大時北鄙多警肅憲貞度以振戎備屢聞之不敢  
侵軼復按江西值寧藩潛蓄異謀一處以正折其機  
牙比及代不能少逞在道七年疏屢上未嘗示人人  
問之答曰揚人之過以爲己名子弗忍也陞懷慶知  
府挈綱維布條約倡僚屬以興教化均徭平賦扶善  
抑奸開惠通河漑民田二千餘頃暇則進諸生語以  
讀書作文之要陞河南左叅政督理糧餉屬流寇猖  
獗提督彭公率官軍追勦引鳳自輔鳳雖司犒賞稽  
愧饗而匡贊寔多寇尋殄滅督運至京輸納以速而  
餘羨有歸公私稱便陞河南按察使夙興蒞事所寒  
暑再弗休書所行者於壁日稽銷之吏屬警畏刑獄  
一清陞山西右布政使銓司奏舉方岳以行旌異之  
典鳳首與焉尋轉河南左布政使務持大體略細苛  
旬宣之政旣舉而案牘出納纖悉必明陞巡撫保定  
右副都御史巡撫順天等府嚴察舉飭兵戎罷庸懦  
畿微以寧後以攘敵功屢有錦襲寶楮之賜改提督  
漕運時漕政久弛悉心經畫選能以任功剔蠹以祛  
害運舟相繼而上國賦以充兼巡撫鳳陽等府威信  
素著禁令益行第以河溢徐邳田廬湮沒 聖駕南  
巡之後儲特一空乃奏免常租裁縮冗費民之死徙

本朝分省人物考 卷九十五

五九

山東二

者稍用甦息又建徐節孝陸丞相祠延學者讀書其中  
中以作人才以厚風化辛巳陞刑部右侍郎適世  
廟承統命以本官兼左僉都御史提督宣大三關等  
處軍務至則選將領作士氣明賞罰謹烽堠虜懼弗  
入間一入焉雨雹交作而咸曰此天威也有希  
功者執遊僧乞巧數十人以爲奸細力辨於朝竟得  
全活癸未奏復孟姓六載考績進階尋轉左侍郎陞  
南京刑部尚書精白一心申嚴邦禁不徇於情不撓  
於勢始或議之終乃貼然服入官三十七年歷事三  
朝清慎勤倦倦自盟而忠孝大節尤所致謹於寢門  
本朝分省人物考 卷九十五 三十一 山東二

王憲

王憲字維綱東平人第弘治庚戌進士授阜平知縣  
改滑縣入爲監察御史巡按蘇松諸郡時有豪貴怙  
勢暴橫鄉里家置水牢有負其債者禁滯於中憲發  
其罪狀置之於法一方肅然進大理寺丞尋陞右僉  
都御史清理甘肅戎政進右副都御史巡撫遼東外  
艱起復歷撫鄖陽大同虜入應州憲勅所部斬獲甚  
衆捷聞賜緋魚晉戶部右侍郎巡撫關中已而改佐

兵部宸濠謀逆扈駕親征經畫軍需所在節省江彬  
矯詔繫國子生跪於行宮門外憲入奏事因力白詔  
貫之明年晉本部尚書嘉靖改元乞休歸里六年詔  
以本官兼左都御史總制三邊吉囊入寇調集兵馬  
分屯要害授以方略戰於細溝堡五日四捷俘獲甚  
衆璽書褒獎進太子太保明年改南京兵部尚書參  
贊機務再改左都御史總持內憲居二年乞休辛卯  
遣官卽家起爲兵部尚書會雲中逆卒戕辱主帥招  
誘胡虜據城抗命憲舒徐運奇旋就底定以年滿七  
十乞休賜傳歸里仍給月俸與未以示優榮卒年七  
本朝分省人物考 卷九十五 三十一 陶見 山東二

韓智

韓智字愚夫滋陽人五歲能書大字有司以奇童薦  
入翰林第弘治庚戌進士授禮科給事中累至工科  
都給事中在諫垣十餘年論議明剴緣以文義有賈  
人附會貴戚侵併鹽利智抗疏劾奏聲動廷中他所  
陳說如正心任賢愛爵賞節財用之類多見采納嘗  
勾稽宣府邊儲尤稱明審居常手不釋卷問學淵博

所著有澹菴稿少師李東陽嘉其素行爲表其墓祀於學官弟普登成化丁未進士仕爲御史兄弟友愛人無間言

胡海

胡海字朝宗城武人爲人端方謹畏蒞事不苟初知東鹿作新士類愛養百姓清敏之聲著於上下擢廣西道監察御史嘗清軍兩浙甚得憲體後陞按察司僉事未幾致仕歸進階副使家居非公不見邑宰戚里有干請公事者大者則辭曰不敢小者則辭曰不屑于者怒曰安得不大不小事以干公耶年八十六而卒

本朝分省人物考

卷九十五

五十一

山東二陳士

王崇文

王崇文字叔武珣第三子也弘治癸丑進士授翰林庶吉士改戶部主事歷員外郎中武宗卽位遣中官織造因討長蘆鹽萬二千引鬻銀買料崇文與李夢陽等言於尚書韓文執奏至再得旨減半歷江西四川提學副使擢山西叅政壺關盜起將發兵勦之崇文戒勿輕出諭以禍福多所解散因擒其首惡餘黨悉平由河南右布政使陞右副都御史巡撫保定引疾罷歸卒賜葬祭如例今祀學官所著有兼山

遺稿

王崇獻

王崇獻字季徵珣第四子也弘治丙辰進士選翰林院庶吉士後改禮部主事以逆瑾擅權引疾告歸瑾銜其避已削藉爲民瑾誅改兵部主事時山東江浙巨寇稱亂崇獻條陳六事悉見採用寇平賜白金文綺西北夷兀良哈入寇用總制叢公薦屬崇獻往先聲搗巢棄馬用步設奇料勝卒以成功尋陞郎中奉命徵南直浙江驛傳銀盡革積弊歲餘得銀四十餘萬陞南京尚寶司卿以錢寧專政復引疾去嘉靖戊午用言者薦起爲南京通政司右叅議再晉南京大僕寺卿癸巳拜左僉都御史巡撫寧夏偶感時事三疏乞休得歸家食三十年屢薦不起扁其堂曰三巳所著有孫子釋疑小學撮要禮記擇言雙清詩集韻語拾遺等書

本朝分省人物考

卷九十五

五十一

山東二陳士

王紹

王紹字繼宗曹州人舉弘治癸丑進士授南京太常寺博士擢監察御史巡按貴州蠻夷劉五支黨復逆紹單騎諭以大義賊衆皆羅拜解散時聞瑾忌之出爲山西按察司副使累官光祿寺卿致仕歸值歲大



疫捐俸延醫存活者十之七嘉靖乙丑 詔進大中  
大夫有司備儀問勞月廩歲給當道扁其堂曰清朝  
存問

陳九疇

陳九疇字禹學曹州人弘治壬戌進士授刑部主事  
囚越獄勢莫敢攫九疇荷戈獨先囚敗就擒名重京  
師恤錄南畿閣瑾以不賂銜之謫廣東陽山令瑾誅  
詔還歷郎中任四川叅議從制府彭公澤平流寇藍  
鄆陞陝西副使尋陞按察使嘉靖改元以宿望擢副  
都御史巡撫甘肅時九疇在甘州虜偵知直趨肅州  
率驍騎晝夜五百里凡七日與虜戰梟夷王首斬獲  
甚衆捷奏壘書賞勞甘肅等處皆有生祠為忌者所  
中傷詔下之理尋 手勅廷尉赦之 單恩致仕家  
居州南卑濕間澇則傷稼蕩廬為請通渠今以永奠  
已亥歲饑輸粟百斛計散俸金六百民藉以甦

劉田

劉田字伯耕約之長子也為人俊爽玉立豪宕魁壘  
少所折節而孝友慈祥藹然篤至年二十餘舉弘治  
乙丑進士授元氏知縣為治嚴明不阿權貴時劉瑾  
用事遣中貴人刺事畿內所至長吏皆郊迎謁及入

元氏坐傳舍召令至田駕車雍容傳呼而入中貴不  
為起田厲聲曰咄闖胡不為長者下坐中貴大愕起  
呼其徒欲辱之田前提其一人擲堂下召吏縛送獄  
曰若刺事郡邑奉何詔旨吾上書請之矣中貴大困  
蒲伏求解久乃得去走白真定知府知府大恐以千  
金為謝不使知也時郡邑多獻生物元氏人得白兔  
送邑僚佐大喜以為奏當授賞皆前賀令田笑謝之  
乃置酒召丞尉博士飲酒三行奏炙起屬客曰諸君  
噉白兔炙否此乃是也丞以下愕不能對田笑曰諸  
君樂飲耳令豈獻白兔者已召為戶部主事稍選員  
外郎正德丁丑命督江南漕運時漕政久廢有司催  
科後期而軍衛尉士多所需索吏毋敢答其一卒田  
悉繩以法如期而竣年三十有九卒于官今祀學宮

劉坤

劉坤字伯生壽張人少而穎異都御史劉大夏治河  
張秋見而器之為建屋十楹以居弘治辛酉舉於鄉  
嘉靖初以母老就選得萬安知縣富民彭嵩與南林  
爭訟嵩投書賄千金坤出書折嵩嵩懼服罪及坤入  
覲林復持百金為贈坤又却之陞山西汾州知州汾  
宗藩常祿歲九萬金民間不以時完或稍漁羨輒持

守長短坤裁之以法宗祿不匱已而思母乞休四申乃允坤為人端誠醇謹孝友著聞其處鄉里尤敦嫻睦助棺以葬者十餘喪里人識與不識服其家行至今稱之

### 王崇仁

王崇仁字仲安珣第二子也第正德戊辰進士授工部主事時土木繁興貂璫競爲請托崇仁蒞之以正上下肅然盜起充豫奉詔討之仁綜理諸營器具先事備辦兵以無譁遷刑部員外郎較下獄事多涉權貴據法治之一無所徇出爲江西僉事宸濠潛蓄異志其妻黨素橫悉裁以法濠欲中傷之乃餌以重幣崇仁辭不受竟無所得其間改陝西副使飭兵洮岷時虜酋亦卜刺出沒西海因上區畫事宜當道不用遂引疾歸今祀學官

### 宋滄

宋滄字伯清鉅野人舉正德戊辰進士授中書舍人陞刑部員外郎清雪冤枉平反惟公選陞鴻臚少卿歷陞左通政嘗疏陳時政六事俱中肯綮滄貌偉聲揚敷奏明敏朝著色動權左僉都御史巡撫四川入境宿神宣驛夜半有數鬼訴冤及至成都乃訪向鬼

本朝分省人物考

卷九十五

三十六

山東二

### 張錄

所訴者核其情實置之法遠近神之會白草番蠻劫掠安綿城堡滄移兵擊滅之復所侵十八寨真州流賊周天星嘯聚可三萬人官兵不能擒制請於朝發兵勦平前後壘書褒賚陞右副都御史世宗每念滄功且熟於禮嘗曰天下巡撫皆如宋滄朕無憂矣一日傳御札擢滄禮部侍郎掌鴻臚事主者奏滄有功力鎮不宜處以寺卿遂寢已而五奏乞休予告還里而卒鄉人慕其忠孝祀之學宮所著有臺文稿十卷秉忠定議十卷

本朝分省人物考

卷九十五

三十七

山東二

張錄字宗制城武人登正德辛未進士初授太常博士擢貴州道監察御史清介敢言時西夷貢獅子錄上言明主不貴異物惟懷永圖請卻其貢嘉靖五年大同兵變朝廷遣侍郎胡瓚與師問罪復使錄出按錄至宣布朝廷恩威叛卒方棄甲兵填滿街巷各歸本衛及議大禮與張桂相左不數月張桂驟登樞要復劾之曰祖宗之法不可變僥倖之途不可啟大爲張桂所啣尋按山西憲度修明汚吏遁迹雖權貴有犯者亦不少貸及陽曲賊李午作亂當誅賄囑權貴得免先御史馬錄疏發其事謫戍南丹錄繼其後

復上疏申理竟以此罷後當道有薦之者亦不往謝  
有勸其通書執政者笑曰吾昔以言而失官今復以  
言而求官乎家居二十年卒

樊繼祖

樊繼祖字孝甫鄆城人侍郎敬之曾孫也舉正德辛  
未進士授臨穎知縣流寇倡獮修城嚴備寇不敢犯  
召為監察御史 世廟即位疏請勸學勤政條陳明  
切俱荷嘉納奉命查勘畿輔莊田清出侵占民田二  
萬餘頃一時權貴為之歛跡陞河南副使勦平劇賊  
稍遷江西叅政值大同兵變拜右僉都御史往撫其

本朝分省人物考

卷九十五

三八

山東二

地繼祖力主招撫請奉金牌宣諭因設方略內應推

其首惡邊鎮以寧晉右副都御史佐理院事遷兵部

左侍郎已亥 聖駕南幸提督薊州山海等處邊備

進兵部尚書兼左副都御史總督宣大時虜騎充斥

縱掠關南繼祖督兵應敵積首虜共八百五十七級

癸卯改工部尚書採辦大木督發不置後以太子少

保謝政家居卒年七十九所著有秋霽玄吟南國漫

興金丹百詠及雙巖奏議雲朔行稿縣孤微志諸集

劉源清

劉源清字汝澄東平人舉正德甲戌進士仕江西進

賢知縣值宸濠叛源清以縣當午道日規戰守計揭  
旗大書誓死報國四字仍積薪環室戒曰事急即火  
吾家母汗于賊會濠命婁伯及關樂園以兵出縣境

源清募死士二百人繞出其後獲伯圍誅之濠復移

檄源清源清立斬其使以是濠兵不得越進賢而東

賊勢少沮王守仁起兵檄與俱進賊竟殄滅徵拜監

察御史尋陞大理寺丞擢僉都御史巡撫宣大調度

士馬歲省四十萬金北虜大舉入寇總帥被圍源清

冒險遣發斬首虜數十餘級虜遂遁去滴水崖卒郭

春等與民訟辭屈以數百人據城叛源清遣兵附城

呼曰禽春等數人而止守陴者執春等斬之進副都

御史再進兵部左侍郎總制宣大會大同軍亂源清

奉命討賊總兵卻永決水攻城賊勢已窘郎中詹榮

因得入購其黨斬倡亂者以降源清以籍手逆黨為

恨不居其功侍郎黃綰附尚書夏言因為蜚語中傷

逮繫司寇年餘給舍曾忭為之論辨乃得罷歸隆慶

改元言官交章追論詔贈兵部尚書賜祭遣官營葬

源清忠貞孝友出自天性崛起寒素偉幹負氣臨義

不顧利害嘗有恩蔭舍其子而蔭弟之孤人以為難

今祀學官

本朝分省人物考

卷九十五

三九

山東二

張景華

張景華字時美鄉城人舉正德甲戌進士初授吉水知縣剖決如流民有鬼破膽之謠時寧濠蓄逆策其必薄吉州請築磚城以固捍禦其後賴以無虞入為監察御史武定侯怙寵驕恣眾莫敢言景華抗疏論列聲震朝廷累至左都御史開闢薊遼總督漕運所條上邊防漕政皆關大計極力主持期於得請時嚴氏柄國薦紳賄賂輻湊其門景華一無所覩嚴以雙縑遺之報如其物嚴氏大恨諷言官以蜚語中之景華罷歸家居十餘年足跡不入城府卒後不數歲子

本朝分省人物考卷九十五

四十

山東二

孫貧困至鬻居宅今祀學官

吳鎧

吳鎧字文濟陽穀人第正德甲戌進士授行人擢南臺監察御史以外艱起復改河南道出按北畿淮揚風紀肅然奸宄屏跡陞福建副使時以甘肅屯政久廢欲得素有才望者改鎧肅州兵備已而大征安南上諭文武大臣求賢任事咸以鎧對陞陝西叅政未幾擢雲南按察使所至聲績赫然

王杲

王杲字景初汶上人舉正德甲戌進士授臨汾知縣

威信大行治行為山西第一徵補江西道監察御史

巡視陝西茶馬會歲大稔詔遣中貴人分守蘭靖臬

卽上言窮邊饑歲民方救死不贍若額外設官勢必

增派民將重困乞取回內廷供掃除職庶合 祖宗

官制總兵官趙文貪墨恇怯私結佞倖魏彬為內援

累經論劾皆寢不治杲因列文所犯皆有狀彬附下

罔上害治匪細乞併論如法以彰國典文竟罷鎮奉

命巡按蘇松江南大饑多方賑貸民賴以全入掌河

南道協贊考察公行汰黜無所承望凡所建白皆關

治體而不掇拾短長以事搏擊癸巳陞太僕寺少卿

本朝分省人物考卷九十五

乙未轉大理寺右少卿丙申陞都察院右僉都御史

協理院事已亥歷左副都御史戶部右侍郎河南大

饑奏發帑銀卽民所聚量口給食全活不可勝計辛

丑陞右都御史督漕于淮緣河苦災民多輕徙蕩滌

煩苛噢咻而賑貸之入為戶部尚書夙夜審畫乃折

兌米開事例括積羨責宿逋理屯鹽悉心畢議率鑿

鑿可行不加賦而事辦丁未再考加太子少保會有

詔買龍涎香久而未獲忌者因以中之逮下詔獄謫

戍雷州卒於貶所隆慶丁卯都給事中辛自修等交

章白其冤狀論祭四壇遣官造葬贈太子太保

路迎

路迎字賓暘汶上人舉正德戊辰進士授南京兵部主事與堂邑穆孔暉武城王道同師事王守仁專務講學以相切劘轉本部郎中歷知襄陽松江淮安三府豈弟廉平務先惠養至制馭胥吏則操切精嚴治稱第一累官副使叅政浙江按察使擢僉都御史巡撫宣府軍士驕橫往往竄名尺籍錢穀侵冒至不可校迎綜覈有方得其要領上下讐伏母敢乾沒尋陞副都御史巡撫山西入為兵部左右侍郎陞本部尚書以上疏乞休聞命從容就道祖餞屬路莫不嘆其知幾卒年八十

彭占祺

彭占祺字朝吉費縣人舉正德甲戌進士除永嘉知縣占祺性廉介剛毅力敦苦操為邑謝罷供需自奉蕭然不異寒士民以彭青天稱之召擢監察御史權貴有所請托執不肯聽其人啣之出為浙江僉事乘考察譖罷其官考功覺而自悔言于朝曰某當去官以謝清議中丞劉源清等交章論薦以明其屈甫擬起用而卒今祀學宮

柴世需

柴世需字元功陽穀人舉省試高第夙有文學尤長詞賦更善四體書法選入中書纂修國史成遷工部司務督修內苑工程綜理詳密為時所重官至本部員外郎

杜萱

杜萱字文孝東阿人以舉人為順天府通判嘗勘中貴田莊忤逆瑾而罷瑾誅再起官至姚安府知府土夷木邦作亂奉檄往論出入寇壘志不少懾夷難遂平為人風采凝峻舉止端嚴不失尺寸居鄉有禮不肯混俗州里之會市人雜坐其間輒撤尊更席而坐

劉隅

劉隅字叔正約之中子也舉嘉靖癸未進士授福建道監察御史時詔以邊憲為御史大夫隅以憲不任綱紀上書劾罷已而吏部尚書喬宇免隅以宇海內人望上書奏留出按江北糾繩貪殘擊斷無諱陞四川按察司僉事謫官稍遷至永平知府晉河南管河副使世廟南幸承天所過守臣以供張不辦或至譴死隅除道河上為龍舟以濟規制宏敞鉦鼓有節

舟無人聲 世廟大喜陞河南按察使比至承天  
詔拜右僉都御史巡撫保定 聖駕北還已於保定

奉迎矣明年進右副都御史西輔多事下令所部繕  
完城邑百家之聚皆有雉堞劇盜王士舉以三千餘  
人流劫七省隅協各省兵吏勦之以功受賞隅用兵  
不惜小費厚賞死士揮金若棄卽有失律必置重典  
以是人樂用命未幾罷歸家居幾三十年七十七歲  
隅器度汪洋韻宇冲遠居常不爲小察及遇大事確  
有定守萬夫莫能折死生利害所臨坦然當之神色  
不動風流韞籍海內所推誠一代名人也博極羣書

本朝分省人物考 卷九十五 四十四 山東二

文詞沉雅號爲名家所著有文集奏議治河通考古

篆分韻諸書

陳守愚

陳守愚字如愚壽張人從邑人殷給事遊舉嘉靖癸  
未進士授行人擢都給事中前後十餘疏忠言讜論  
疊疊萬言至 嚴旨譙呵亦不少變出爲四川叅政  
適番酋猖獗變詐叵測守愚與兩臺定議沮其納款  
力贊進師不三旬悉平羣寨邊隅寧謐以母老陳情  
得允終養家居十餘年內艱服闋補湖廣左叅政分  
守湖南入賀過里而卒守愚天性嚴毅家法凜然自

奉儉薄食無兼味妻妾布衣蔬素存心公平人有  
輒面斥之蓋方正之士也

王汝孝

王汝孝字紹甫東平人康毅公憲之子也第嘉靖丙  
戌進士以禮部郎中改翰林修撰歷山西提學副使  
陝西叅政河南左右布政使晉右副都御史巡撫順  
天爲當途者所忌嫉竟以謫戍卒汝孝器宇淵涵問  
學該博督學山西獎進士類敦尚風雅一時髦雋多  
所競勸南北履歷所至皆有聲績爲人所稱

趙鯤

趙鯤字宇南壽章人宋濮安懿王之後也登嘉靖己  
丑進士初仕臨穎知縣興利除奸政聲大著擢南京  
大理評事獄平允爲時所稱出爲漢中知府大盜  
胡海珠依山險爲寇父子相繼四十餘年鯤首下車  
卽選練民兵躬率捕緝境內悉平遷雲貴兵備副使  
卒於官鯤居官清謹囊無餘貲所著有遺稿六卷讀  
書日記八卷選雋二卷

戴繼

戴繼字叔嗣曹縣人舉嘉靖己丑進士選刑科給事  
中累至工科都給事中繼丰姿雋雅見者起敬庶務

旁午衆議紛紜常以一言決之中貴爲其黨樹官力  
爲參駁不徇以私時冢宰汪鋌陰求附已啗以美官  
繼謝弗與通且借科道劾之鋌既褫職繼亦去位年  
方強壯杜門不出有司罕見其面保薦二十餘疏竟  
不肯出

侯度

侯度字憲甫東阿人舉嘉靖壬辰進士出爲淮安府  
推官江都富室殺人倚憑權貴久不成獄度廉得其  
實竟置諸法泗州民有被誣爲盜者數人吏知其冤  
皆以避嫌不肯爲解度得其枉狀立論出之選四川

本朝分省人物考卷九十五 四十七 山東

道監察御史出按山西前御史王汝楫劾按察使曹  
嘉嘉憑內援亦奏御史下吏治後御史畏嘉悍戾皆  
不敢竟度至即取爰書訊之立劾罷嘉起汝楫士論  
快之報 命還掌本道遇事勇敢不畏疆禦長安富  
民蔣氏藍氏以貲雄都邑倚中貴人爲援乾沒縣官  
金錢動至億萬御史臺忌其請托八年不問度立正  
其罪謫戍窮邊廷臣皆爲言不爲少徇都人凜凜憚  
之出按河南坐湖廣貢使遇盜於境逮杖闕下行至  
良鄉以創甚卒年四十有四度爲吏廉死無以殮請  
御史錄金葬之

扈永通

扈永通字一貫曹縣人嘉靖壬辰進士授中書舍人  
轉戶工左右給事中尋陞兵科都給事中封題參駁  
動以百計具中機宜時緣邊大將要結權貴以冒官  
賞厥衛恃擁護功多所干請永通皆以令甲持之當  
路爲之奪氣累至南京光祿寺卿應天府尹已爲忌  
者所中外補臬司累至河南右布政使所著有會溪  
類稿四卷

吳嶽

吳嶽字汝喬其先東阿人也遷汶上三世生嶽舉嘉  
靖壬辰進士歷戶部主事郎中知廬州保定二府歷  
山西副使浙江叅政湖廣按察使山西右布政使晉  
右僉都御史以疾請告家居數年起爲右副都御史  
協理院事轉吏部左右侍郎南京吏部尚書滿考致  
仕嶽爲人耿介端方清操絕俗主事督上谷餉積羨  
千金吏以送納正色拒曰羨金卽正餉也或以爲利  
吾甚耻之爲郡治貴大體不尚苛細山澤之稅及吏  
役班值舊供府堂悉罷却之用代厨傳人以爲難保  
定在輦轂下一時徵發四出民不能應嶽具疏奏裁  
免十六七諸郡以寬隆慶改元奉 詔內計科臣有

本朝分省人物考卷九十五 四十七 山東

異議疏入留中獄請政府抗聲曰公視諸政府往考  
察去者科官欲留之有請其母以傷國體閣臣悚服  
其事遂寢在南都專抑浮薄杜僥倖板會約禮考諸  
書以行風俗爲志一變卒年六十有七遺命子孫毋  
求卹典事聞諭祭遣官管葬賜諡介肅平生孝友誠  
厚篤於倫誼待人容恕居常惻惻見人不善嫉之如  
讐奉身儉素器無銀飾服無裁綺歸自留都行李蕭  
然廳事不備至借僧寺接客里人信其清苦不謂矯  
也工爲詩歌沉深典雅屏去色澤而耻以自炫著述  
不多样行詩集二卷

本朝分省人物考 卷九十五 學人 山東二

殷學

殷學字時敏東阿人舉嘉靖壬辰進士授合肥知縣  
選山西道御史疏數 上皆干權貴人所不敢言按  
陝西虜入安定殺掠吏民邊臣匿敗更以捷聞學具  
狀以上邊臣懼行賂貴近以爲御史張皇賊勢虛唱  
朝廷謫浙江按察司知事稍遷南京刑部郎中累至  
陝西左布政使拜右副都御史巡撫陝西擢南京兵  
部侍郎改佐北平協理戎政以疾求退臺諫論其規  
避學聞上疏自訟奪爵還里爲人端恪凝重風裁凜  
然人莫能窺其際精於吏職志在必行蓋沉毅而具

大有爲之略者也

楊賢

楊賢字子庸濟寧人舉嘉靖壬辰進士授西安府推  
官以王親例不內補歷遷常州府同知武昌府知府  
再遷陝西副使 勅守岷州西邊無警備閑役採木  
修九十六橋於洮水之上以免衝溺西人德之歷河  
南左叅政按察使湖廣四川左右布政使出納賦金  
委官稱兌錙銖之美一無所取隆慶二年大計以廉  
能卓異賜宴南宮號爲方岳第一遷南京光祿寺卿  
轉北太僕寺卿疏乞歸田奉 旨致仕卒年七十八

田大有

田大有字豫甫東平人舉嘉靖壬辰進士授行人選  
河南道監察御史謫判鈞州稍遷工部郎中擢慶陽  
知府興學治戎賢聲大著虜常攻圍郡城出奇制勝  
威振西邊已以母老乞歸遂不復出爲人材略優長  
伉直負氣居家孝友敦睦有古人風性好讀書多所



涉獵以博雅著稱

曹邦輔

曹邦輔字子忠定陶人第嘉靖壬辰進士歷知元城南和二縣治在廉平裁省與民休息擢雲南道監察御史巡視河東鹽政釐革為多課溢常額出按陝西會虜入延綏殺酋甚眾邊臣匿不以聞邦輔上疏奏逮大將以下七人咸論如法秦宗人有殺人獄數年不決一訊而服奏正憲典出為河南副使流賊剽掠兩河奉詔捕治一日寇至監司錯愕或走伏匿邦輔親率吏士提刀躍馬馳入賊壁眾皆買勇向賊一以當百賊攝而潰遂破走之再擢浙江按察使值倭夷入寇特拜右僉都御史巡撫應天將兵禦寇追奔逐北前後斬虜首六百餘級會趙文華視師求賄不得反構蜚語論劾謫戍朔州州人感其功德立祠俎豆之隆慶改元起為左副都御史協理院事遷兵部左右侍郎總督薊遼軍務擢南京都察院右都御史遷戶部尚書考績詣闕以年滿七十疏請致仕邦輔為人忠孝耿直志在殉國不避夷險登仕四十年苦節清操始終如一田產蕭然不異寒士嘗欲以身死封疆為朝廷掃清朔漠不究其施世以為恨卒 賜祭

葬如制今祀學宮

郭朝賓

郭朝賓字尚甫汶上人舉嘉靖乙未進士授戶部主事再遷郎中督餉大同歷陝西河南副使累至浙江左右布政使隆慶辛未入朝留擢順天府尹拜右副都御史巡撫浙江入為戶部左侍郎總督倉場擢工部尚書滿考累疏致仕為人老成渾朴雅有器局能任大事斷決神敏吏不能欺而御下寬簡不為苛細其在大同令邊商能轉粟者各以力多少自占倉庾即有收券輒給銀鹽不少留滯貴近請托無出而至比代羨金二萬毫不入其私橐其在西寧撫綏諸羌不妄勦殺羌奉約束伏不敢動韓宗人奴闖變於市為指揮所捕因夜入指揮宅毆之懼而殺其小兒以誣指揮指揮坐死朝賓廉其枉狀遂雪其冤其在兩浙收買料價修復陂塘不使豪貴居間有所侵沒其在工部賈人領價各以其時按籍給予不使困累時江陵柄國銳於興作議開湖口膠萊二河前後遣官行視朝賓心知其難不肯附和兩集廷議以請皆得報罷所省鉅萬談者以持重稱之卒年七十二賜祭遣官營葬如法

靳學顏

靳學顏字子愚濟人舉山東省試第一登嘉靖乙未進士以藩府姻連久仕郡邑累至吉安知府廉平節愛刑無濫施吉人翕然服之歷藩臬長佐隆慶改元為太僕光祿寺卿拜副都御史巡撫山西遷吏部侍郎以新鄭當國移疾乞歸不出而卒詔賜祭葬如法學顏為人廉貞樸茂守正不阿於世味時榮澹然無所嗜好博學慕古文詞道麗有魏晉風軌林推之

任瀛

任瀛磁陽人舉嘉靖乙未進士改翰林庶吉士累至都給事中歷遷卿寺擢副都御史撫治鄖陽告歸不為人廉介剛直稜稜有氣節扼腕談事慷慨動人久在諫垣數有建白風采著聞一時憚之

路可由

路可由字子正曹縣人嘉靖辛丑進士授行人選江西道監察御史巡視京通二倉計察天下財賦利弊甚悉出按江北風裁峻整有監司貪婪結納權貴前按臺皆為彌縫莫敢誰何可由疏其罪狀劾之中外悚懼九載秩滿歷知保定安慶二府皆有惠政陞山西副使備兵雁門晉秩叅政尋陞右副都御史巡撫

遼東屬歲大侵蠲免賑濟軍民全活者甚眾虜由馬根堡入犯檄鎮將血戰斬首二百一十四級虜由清河堡入寇飛檄諸將分道防禦斬首八百二十四級捷聞告廟策勲將有世賞而為分宜所沮罷歸朝野莫不歎息所著有遼陽奏議若干卷

侯鉞

侯鉞字義甫東阿人金丞相摯之後也為人魁岸有大度戰鬪電目狀貌如神論事侃侃口如懸河每慕賈生陸贄之為人讀書日以卷計三數過終身不忘舉嘉靖辛丑進士請告里居三年請闕授工部主事奉命修古恩橋於涿州之南中官上其估百萬鉞為上書指陳其狀乃二十萬而足權本都郎中出為山西屯田僉事有詔築龍門邊垣五百里衆以虜所出入相顧莫敢往鉞獨以身任之一日虜大至左右請入城避答曰吾舍數萬丁夫獨先安往乃驅民入城身為之殿夜至宣府城下有老嫗避兵者復數十萬擁門不得入鉞乃坐門外盡入借民而後入再擢為山西副使整飭陽和兵備大將軍仇鸞行邊司道皆伏謁鉞獨長揖不伏鸞初不悅及進而與語縱橫指畫旁若無人鸞奇其材謂軍門曰此中樞機侯若

人拜右僉都御史巡撫大同嘗一再遇虜有首功百餘級未及論功會總兵岳懋死兵部尚書聶豹劾賊主兵視邊軍散不整餉乏軍興逮下吏治因諷賊自辯欲令歸過戶部賊曰事有不可吾寧身任其咎不敢為朝廷起大獄竟不以戶部為解削籍罷歸田里常布袍戴笠乘一白驢從蒼頭一人遊行隴上與田夫漁父抵掌笑謔至揮鋤分畝相娛樂遇者不知其故中丞也時塞上多事賊有重名廷臣部使交章奏薦方有詔召疾卒今祀學宮

梁成

梁成字公濟平陰人質直廉謹有古人風初舉鄉試

卷九十五

山東二

勸駕禮幣不下百金成曰仕將以利民而先自利且擾里中父兄將安用之力辭不受舉嘉靖辛丑進士授行人擢兵部主事歷職方郎中時嚴氏柄國苞苴公行成柄樞曹廉介執法不通請謁輿論有清官第一之稱遷江西副使備兵饒州素性簡直不事奔競遂掛冠歸家居二十餘年足跡不至公庭孝友之行人無間言卒年七十有六

何海晏

何海晏字治象平陰人舉嘉靖甲辰進士除順慶府

推官英敏詳明擊斷無諱擢吏部主事歷文選郎中遷太僕寺少卿被例補外再遷河南叅政分守汝南罷歸時年三十餘歲遂不求出為人風神俊雅綽有儀觀孝友溫仁恂恂退讓里人懷而思之

朱綱

朱綱字振甫曹縣人嘉靖丁未進士授晉江知縣政績丕著應召赴京涕泣攀留者數千人入為湖廣道監察御史出按山西多所興革軍民便之歷按蘇松廬鳳會歲大饑朝廷遣使行賑不及齊魯綱疏力請賑貸全活不可數計六載考績外補陝西副使備兵

梁成字公濟平陰人質直廉謹有古人風初舉鄉試

卷九十五

山東二

關南勦平劇盜稍遷四川叅政按察使浙江福建布政使入為應天府尹陞右副都御史巡撫河南奏建商丘學校以振士風劾廢逆藩以絕禍本未幾以疾疏請致仕杜門養靜不妄延接卒賜葬祭如法今祀學宮

于玘

于玘字子珍東阿人天質穎慧十歲能文一時目為聖童舉嘉靖戊子省試以母老謁選歷知許州靜寧邊平涼府同知為郡明習文法政先教化令行禁止道不拾遺聲稱堪著靜寧大侵民或相食請賑臺省

以邊郡錢穀未許輕動乃冒禁發倉按籍賑貸全活可數萬人大吏感其為民不以罪也韓宗繁衍不法至聚眾毆擊別駕囚之別室玘徐至其所以法曉譬諸宗悚懼而解別駕得免大猾高良據清平萬安二苑牧地投獻慶府暴橫苑民莫能禽制單車入壘誘良出見縛之部使上其治行議擢大郡以邊地寒苦聞子慎言舉於鄉輒申請致仕不俟報而歸為人矜慎好禮博學工文居家孝友處鄉退讓教訓諸子以行誼為先出入起居皆有繩度冠婚喪祭參用古禮不隨世俗為吏十年家無裕產子女既眾匱於贍養

本朝分省人物考

卷九十五

五十六

山東二

衣食不充兩州感其遺愛咸為立祠邑人祀諸學宮

### 劉爾牧

劉爾牧字成卿東平人侍郎源清子也舉嘉靖甲辰進士授戶部主事歷郎中爾牧天資殊絕器度凝重第時年甫二十練習吏事才伏一時在部八年推會精核出納明敏尚書方鈍器之諸司署奏皆與議決西苑建醮詔所徵發常以帑藏空虛力請於上得減其額積為中貴所嘆會嚴世蕃舍人窩占邊鹽爾牧以名奏世蕃恨之諷御史某以變亂錢法劾爾牧廷杖一百削籍歸里家居十餘年杜門下帷披閱典

記自旦至夜手不釋卷里人罕識其面為文沉浸奧雅取裁西漢詩有陶柳風骨號為名家隆慶改元廷臣交薦未召而卒年四十三歲

### 劉寅

劉寅字敬甫壽張人知州坤之子也世以質行醇謹為士族式寅性度溫仁口踈踈不能道辭好施能讓里人有貧不能自振者必竭力資之舉嘉靖丙午鄉試選永平知縣政在拊循勞來恥言刑罰遇事敢為無所規避歲災租稅不完至出私財佐賦邑人感之遷隰州知州嘗入山西省試取士二人出而不以告士竟不知舉者為誰其不求名迹如此官至揚州府同知

本朝分省人物考

卷九十五

五十七

山東二

### 胡汝桂

胡汝桂金鄉人舉嘉靖丙辰進士仕刑部主事累至吏部文選郎中擢太常少卿為人好學慕古潛心理性與江右諸公講陽明之學月旦為會海內慕其名行翕然稱之

### 張守蒙

張守蒙字啓哲其先陝西華陰人六世祖良弼元末避亂於滕之王開村遂占籍焉守蒙舉嘉靖甲辰進

士歷知寶應鄆陵二縣咸有能名擢四川道御史督理屯田時裕景二邸開府各賜庄田千頃守蒙檢先年所沒逆鸞地數百頃為成國公所占追奪收入二府時相嵩方用事世蕃姻連成國屢以為言守蒙曰公父子有今日者以為恩出君上乎抑出成國乎奈何視其儲貳不如姻家也世蕃不復請而心銜之陞河南按察司僉事左遷石州判官陞鄖陽同知時伊庶人驕橫不法為中丞御史所劾有詔墮其官城庶人治兵自衛吏民洵懼守蒙知河南府召其用事爪牙以法論之持重鎮靜徐取所侵奪官民地各歸其主即已庶人乃去其兵洛民以安遷鹽運司運使疏乞骸骨歸一歲而卒

王嘉賓

王嘉賓字國光滕縣人舉嘉靖壬戌進士除太湖知縣政尚廉平務在全安景王樞過安慶江上騷煩嘉賓綜理詳密所省不啻千金部使才之擢南京河南道御史太常周怡以言事左遷給事石星以言事廷杖嘉賓具疏論救聲動臺端久之廷議置三中丞分部海內屯鹽人情騷動嘉賓上疏極言不便上納其言罷寢時嘉賓弟元賓舉乙丑進士同時仕為御

本朝分省人物考 卷九十五

五八

山東二

史者著風裁里人榮之已以疏官官織造事語侵部臣外補歷知寧國大名二府所至皆以興學訓農治行為最陞山西按察副使過里道嘉祥舍館疾作而卒所歷郡邑吏民聞訃皆縞素為位哭之今祀學官

杜輅

杜輅字從殷泗水人舉嘉靖壬戌進士授中書舍人以刑部郎中擢河南按察副使備兵汝南請告不出而卒為人清姿玉立耿介絕俗精於吏職此謝平允無所阿縱嘗奉命清獄山西平反為多薄世味士也

張祿

張祿字宗制城武縣人嘉靖丁未進士出太常博士選貴州道御史侃直之性出於天成雖權倖之輩諧朝家之斧鑊皆不足以懾其神者以建言兩被廷杖處之坦如撫安大同軍隨巡按宣大恩威並著搜債帥之積弊蘇士卒之艱苦邊務肅清兵威整峻膚無敢窺關而伺我聲息者後按山西會御史馬祿直言被謫上疏陳救竟罷斥為民

李文芝

李文芝字元徵東平州人嘉靖間進士除湖廣道御史巡茶陝西以議大禮與張桂不合謫都督府都事

本朝分省人物考 卷九十五

五九

山東二

累陞山西副使致仕

李良

李良字遂伯平陰縣人嘉靖八年進士授漢中府推官精於法比而不以伺察為明每讞斷之際必審覈詳明然後具獄獄成奏當即一字出入屹然如山不可拔民故無冤結舌者擢拜河南御史建言被謫起大理評事陞僉憲累陞都御史巡撫宣大卒

王湘

王湘字大清濟寧人嘉靖乙卯上計偕乙丑舉進士改翰林吉士時館選久停湘首膺茂簡眾論榮之解

本朝分省人物考

卷九十五

本

山東二

館為山西道御史出按貴州蠻夷懼服內艱服闋北上遇海運舟漂損過當衛士冤號疏請罷海運專用漕輓以息民勞有詔如議遣按順天程書迫急獄囚久繫多瘦死者先期劾請出二百餘人三輔無冤乙亥內察署河南道時相有所囑執弗從見驟遷陝西按副妖徒李一真聚眾更莫能制湘投方略殲焉陞金衢叅政義烏年少多去本業應募從軍湘命長吏加意拊安遇有召募應以淨民毋輕發聞左杭管之變衛兵聞風不譟湘登壇示以軍法士股栗無敢譁者遷本省廉使改山西擢湖廣右布政轉左 上遣

中貴從司寇治江陵湘主議請毋波及全楚司寇從之籍見產以報無所株連中貴欲復遼國湘據眾議不可中貴弗能奪也此兩事有大造於楚楚人德之而湘為故相所抑反全其孥世尤多其長者故事採木之役弊孔百途湘以便宜召買費省而速及他所裁損歲可鉅萬居楚五年遷南太僕卿抵滌值歲不稔出秩金糴穀滌人賴之陞南大理卿一以律文從事無所唯阿嘉興陸公為司寇亟加稱服嘗與要人有郤于告歸田日與昆弟親戚醪社使車及門輒匿不見識者嚴之居家內行甚修子弟遵軌聞軍民疾苦輒言於吏不使人知里頌其義病而羣禱於祠沒而悲嘆罷市其得人心如此

于慎行

于慎行字無垢東阿人父玘為平涼同知以廉節祀名宦鄉賢母劉淑人夢菴摩羅果綴實甚巨遂生慎行生十一歲而淑人蚤世條淑人言行著於篇讀者悲咽十四試童子郡縣皆第一學使孝豐吳公異之拔冠交郡學官州判其來攝邑以側理隄糜餉慎行不受父問故曰此分宜客也宜遠之嘉靖辛酉舉省試第六髻而赴鹿鳴諸大夫即席欲為冠辭以未奉

本朝分省人物考

卷九十五

本

山東二

父命隆慶戊辰登第選庶吉士庚午授編修纂修肅穆兩廟實錄甲戌同考禮闈晉修撰充日講官

上勤政勵學日御經帷慎行主講唐史每至成敗得失之際反復論說 上輒悚聽講罷或分命題咏慎

行不善臨池詩成則倩人書之具以質對 上大書責難陳善字賜之丙子進侍講明年江陵奪情同官

蘭谿新建輩七人共為疏力言不可時毘陵吳姑蘇趙以爭奪情杖闕下疏入而桂林呂公中止勿奏江

陵以講臣未敢顯斥佯以他事致喪次謂曰子吾所厚亦從人為此耶則正色曰以公厚我故為此相報

本朝分省人物考 卷九十五 本三 山東二

江陵艱然再踰年已卯遂引疾歸歸四年 詔入日講如故久之進左諭德時江陵已謝世言者振暴其

罪 上命司寇丘公同內璫往籍其家江陵柄國既失士大夫心至是咸推波助瀾甚之為快慎行獨貽

書丘公言江陵嘗有勞是非功過當為別白即間有受取亦可指數較分宜馮璫萬分不及必欲捕空捉

虛廣為搜括恐株連全楚皆受其累且江陵母老在堂諸孤少不更事覆巢之下顛沛可傷宜謀之有司

請於 明主乞以聚廬之居立錐之地合古人惟葢之意纏纏千餘言極其切至丘卒從之乙酉典試南

畿晉侍講學士丙戌晉禮部右侍郎己丑改吏部掌詹事府即擢禮部尚書兼學士疏請 冊立郊廟諸

大典禮而冊立最懇章十餘上時 上意已默定不欲人言屢責慎行慎行持之愈堅至自劾乞罷九

疏乃報允賜金幣給驛以歸久之 上復思慎行以舊官掌詹事府使講春秋疏辭不報至丁未命以太

子少保禮部尚書兼東閣大學士入輔政時以宿疾發微有所苦就道則趙趙不欲行乃勉力抵陸見以

怯寒拜起舒緩自疏請罪 上溫旨慰令視事慎行勅舍人勿解裝為歸計自是臥病草遺疏惓惓以親

本朝分省人物考 卷九十五 本三 山東二

大臣補言官起廢棄為請已伏枕長歎曰吾終不能報國矣更數日遂逝得年六十有三自兒時已儼然

大人器度高文襄與父平涼公有通家誼卒不一往見御史劉臺上疏被逮人以江陵故率避匿慎行獨

往視當江陵柄政士大夫稱功頌德者十人而九慎行絕不相附及死而被禍所為引大體調護營救者

惟慎行其所與丘司寇書天下傳而誦之所著有穀城山館集春曹奏議讀史漫抄經筵講章兗州志筆

塵史摘等書郡邑併祀學官兩臺使復下檄有專祀趙惟勤

趙惟勤字業甫曹州人少負奇節以古人自期許嘉靖丁酉弱冠魁東省三上春官不第謁選令獲鹿地逼邊民慄悍多盜為蠲苛削冗挫強抑奸民賴以寧歲歉借賑以活饑民內召赴闕有欲以五百金代賂分宜者堅辭之遂知平定州府守道經獲鹿以坐索受窘得報甚喜無何復丁內艱惟勤曰向以弟幼不能迎養二親既又不能棄母大事今幸老父在奈何不效菽水恨無官哉朝夕承歡未嘗少間疾躬藥餌衣不解帶者四十餘日焚香祝天願以身代而父竟不起居家三十年修謹好施勸化里俗年七旬卒邑

本朝分省人物考卷九十五

六十四

山東二

祀名宦州祀鄉賢

張綸

張綸字宣甫人咸稱為鈞石先生汶上人綸生而重瞳舞象之歲即志聖賢之學同里旺湖吳公講學綸從之遊後四方名學從綸遊者與吳公埒綸數奇不第嘉靖癸亥纔歲舉時旺湖公方佐太宰欲縣美缺待綸綸謝不受丁卯司訓秀水一切修費弗納日羣諸生講道于羣樂軒故事以貨入太學者率厚餽綸欲却恐不便於諸廣文姑聽之稍遲即持所餽充賀儀辛未陞青縣諭捐金風諸生築河隄衛學官壬申

擢三河令三河衝疲綸力任勞怨查隱地省畝稅均邑車定馬戶發中貴之陰事責太宰之通租督撫及直指薦綸有三不撓三不知之語乙亥擢通州守綸至通剔奸釐弊不避權豪聽獄以情片言立折密雲有妾毒殺其夫之弟綸訊其夫立叩頭服守通四載兩人計不持一芥已卯用卓異擢戶部員外督運惠通河一日夜運二萬石督儲易州先郎中被劾構者欲擠之死綸力雪其冤條上便宜六議俱報可出入平允收支俱不令有羨金忌者乃誣綸江陵黨左遷肅府長史上疏乞歸家居四年卒卒之日囊無長物

本朝分省人物考卷九十五

六十五

山東二

劉不息

劉不息字體道磁陽人舉隆慶戊辰進士授寶坻知縣政績卓異入覲賜宴南宮擢吏科給事中累官太僕少卿以疾請告滿詣闕會吏侍王篆用事權門求



賈三近字德修嶧縣人舉隆慶戊辰進士選翰林庶吉士授吏科給事中萬曆改元起戶科都給事中所議吏治民生皆匡濟大略不為文具論救言官彈劾彊貴多與政府相左以久歷太常大理少卿再遷南京光祿卿請告里居甲申起為光祿寺卿拜右僉都御史巡撫保定西輔大饑民多死徙疏請停罷徭租大發倉庾量日賑貸設厰千餘區賦粟煮糜粥日食

賈三近

男婦二十二萬口他省流民多出其境別具食道上待之西輔之民賴以全活家室咸為位祝焉以親病乞歸家居五年壬辰寧夏兵變用廷臣推薦召為兵部侍郎未行而卒三近器宇軒豁風神朗秀持已當官端方揮霍無所阿私而溫厚坦夷不設城府涉獵羣書博綜衆藝為歌詩疎爽有致咳唾立成蓋才士也所著有先庚生傳寧鳩子東掖漫錄奏草諸書

本朝分省人物考

卷九十五

六六

山東二

趙雲翔

趙雲翔字元舉平陰人隆慶戊辰進士歷文安遷安知縣歷陝西按察副使備兵延綏為人瑰岸豁達磊

磊有度心計精敏家居十年以邊才議推未及用卒

任勵

任勵金鄉人為人嚴潔剛正貧時謂友曰他日倘膺一命厥志若何其友答曰當官固欲奉公亦須為子孫稍置私橐勵怒髮上指後為長葛知縣部使私囑少購皮革勵陽應諾少頃牽水牛數隻詣堂下曰此赤子耕具粒食之原也部使慙怒因以他事誣之羅織下獄竟憤抑死

王潺

王潺字元順東阿人以貢仕華陰丞為人朴厚醇確潛心力學步趨言動皆有準繩常危坐靜室月餘不出曰當其靜極時心如皎月當空平生所疑觸處皆悟少時讀書山寺僧藏一婦人於潺所居舍潺即獨處終不近視僧竊窺之相顧嘆服平生口無妄言身無妄動其天資近道如此

陳職

陳職字汝受東阿人為邑庠生應貢以母老不行受賢書而藏之以終其身為人純朴慈厚好談理學初得陽明先生語悅之日夜潛思若有所悟與同邑邢文舉荏平張後覺月旦會講諸邑子從之者數十人

本朝分省人物考

卷九十五

六十七

山東二

廬陵鄒公善南城羅公汝芳皆與之遊至集齊魯諸生延職升席使爲都講四方慕之

蘇則會

蘇則會字宗魯東阿人以貢爲武安訓導博物洽聞於經史百家無不貫穿考核理數剖析名物細入芒忽然不多著述間爲詩歌頗近宋體以是不著平生積書甚富後爲里人竊賣無一帙不經點竄者人稱之曰蘇經笥

趙邦彥

趙邦彥字元哲東阿人少有儁才豪宕負氣不修小文舉嘉靖癸卯省試十上春官不第構室虎窟山中閉戶下帷覃思著述馳騁千古有文二百餘篇雄渾精卓自爲機軸詩凡三千餘首詞藻壯麗取法初唐其品在東省二李之間其自謝茂秦以下皆弗如也不仕而卒

楊廷高

楊廷高字叔謙山東金鄉人由進士嘉靖二十八年授平湖知縣性狷介不苟取與督家人紡織未嘗知有肉味衙後有隙地種蔬自給以其餘饋士夫且曰爲士夫不可一日不知此味排里之輪役者謂之見

本朝分省人物考卷九十五

六十八

山東二

年凡縣一年之費皆需焉民苦浩繁楊一切裁省減十之九民甚德之在任三年水菓之聲徹于遠邇清介絕俗雖古廉吏不過是矣官終布政使

本朝分省人物考卷九十五

六十九

山東二

分省人物考目錄卷之九十六

山東東昌府三



李仕魯	郎俊
郭敦	吳中
王士嘉	劉堅
劉昱	李春
馮昱	馬豫
李著	趙岩
劉忠	朱舉
郭良	魏元
張文昭	劉濂
李晟	郭鏗
周洪	謝綬
蔣昺	張雄
敖山	梁璽
朱應昌	劉魁
王禮	丁璉
蕭淵	許路
李瓚	喬通
許堂	耿明

本朝分省人物考目錄卷九十六目錄

本朝分省人物考目錄卷九十六目錄

李廷相	高顯
閻鎬	李元吉
穆孔暉	王道
許成名	宋顯章
田美	桑溥
閻閔	倪宗嶽
王應	林瓊
蘇祐	江東
田濡	郭鉉
謝國賓	許東望
張後覺	潘龍
邵璋	張登高
鮑文縉	曹自守
雷稽古	王嘉祥
栗祁	梁承學
孫維城	孟秋
陳節亨	傅光宅

本朝京省人物考卷之九十六

山東東昌府

李仕魯

李仕魯字宗孔濮州人幼具穎資勤于問學奮志下  
惟足不窺戶外者三年胸藏賅博造詣淵沉益切尙  
友之志聞婺人朱公遷得晦翁朱子之傳千里負笈  
從之百舍重繭一見深相契合揣精探究盡得其所  
學而歸值元之末季四海鼎沸烽燧壁壘相望屠城  
戰野民無寧居仕魯隱居不出以待天下之清然所  
在聲望奕奕 太祖龍潛時業已識其名矣洪武初

本朝分省人物考

卷九十六

山東

首自

詔求天下有能傳朱學者所在以聞有司乃舉仕魯  
應召乘傳至京入見 上迎謂之曰吾求子久矣何  
相見之晚也仕魯對曰 陛下方以武定天下臣逢  
掖下士溺於章句不能左鞭右弭馳驅中原冀禮典  
樂成之會以文事進身故意有所待耳 上曰文武  
初無異道俎豆軍旅豈截然兩途且朕方收攬才士  
以佐太平乃以文武擇乎遂除黃州府同知仕魯曰  
臣所夙願惟欲朝夕陛前備顧問以行所學 上曰  
姑以民事試子耳仕魯乃奉 詔抵任風裁整峻政  
理寬和乘大亂之後加意撫循民之瘡殘者卹之吏

之莠政者斥之期年之後刑清訟簡民以大和用以  
治行卓異聞于 朝召拜大理寺卿律比精嚴守正  
不撓時有僧金碧峰者應對稱 上旨寵眷日隆求  
為僧建職司仕魯曰 陛下建極之初意所祈嚮卽  
為後世子孫天下臣民之標表奈何不崇聖學而信  
外道乎懇疏至三十章 上堅決不從仕魯曰 陛  
下既深信其道無惑臣言之不入也願還 陛下笏  
放歸田里 上震怒命武士摔搏之立死階下

郎 俛

郎俛字抑之館陶人洪武間補縣諸生儀表魁岸行  
誼高潔雅為里人推慕許兒庄等三社頑梗不馴有  
司莫能治俛至反覆曉譬相率悞伏委攝縣事條平  
徭役凡三閱月四境稱理登太學授工部虞衡司主  
事遷雲南府知府所至著聲績

郭 敦

郭敦字仲厚堂邑人洪武間鄉舉授戶部主事知衢  
州府釐正敝俗振恤窮民時郡中旱蝗敦齋三日徧  
禱于神大雨蝗盡漂去嘗舍內飼蠶繭成簇為金縷  
如帶士民以為德政所感狀其事于朝坐累左遷以  
薦召拜監察御史陞叅政言者謂敦持重有大臣體

本朝分省人物考

卷九十六

二

山東

首自

召見陞禮部右侍郎兼少詹事進戶部尚書鎮守陝西邊陲晏然敦性平恕事至屹然不苟合雖官列六卿泊然布素沒之日子孫不能餘一錢里人傳其出關之日僅跨一騾携老蒼頭自隨云

吳中

吳中字思正武城人儀觀秀整吐音洪鬯由太學生授營州屯衛經歷永樂初陞大理寺丞少卿右都御史歷工部尚書嘗扈從北征督理軍餉改刑部持法寬平以言事繫獄洪熙初復工部進太子少保當時鼎建京城宮殿及諸陵寢皆中董役程工飭材殫力

本朝分省人物考

卷九十六

三

山東

經營一日自天壽山還召入便殿賜坐與語及歸遣中官至其第賜帛六百疋每宴夷使上召中主席且曰使彼知我中國有人宣宗即位從征武定賜詩畫銀圖書寵遇隆于廷臣正統七年卒追封在平伯謚榮襄賜祭葬中謙恭和煦善馭下吏使人各盡其長同列論事不合輒應以好語不甚引當否歷事四朝以功名終

王士嘉

王士嘉字道亨武城人年十二賦古塔詩劉中行見而奇之永樂初由太學生任大同山陰知縣善斷疑

獄有瞽者賣錢百緡臥城南荆樹下覺而失之訴于縣士嘉佯言曰此樹孽耳出城按問百姓大駭傾城往視因密捕其不往者訊之果服代府內藏失幣門戶扇鏞如故王召問士嘉士嘉視非人跡疑為徂所竊乃以幣列庭伺群徂過而觀之一徂果攫去因詰其王皆服追還府人以為神歷工部員外郎監饒州陶有清譽擢陝西布政司叅政正統初以少傅楊士奇薦召為禮部右侍郎勤于稽古禮文之事關中大早奉命往禱輒應兩知貢舉皆得人居京邸室傾于雨上命有司給材治第後致仕上賜食給道里

本朝分省人物考

卷九十六

四

山東

贊慰道之年八十七卒命官祭葬士嘉為人端重詳雅語笑不妄去就咸依古道子玉翰林院侍講

劉堅

劉堅字子固濮州人舉永樂丙戌進士授茂州知州課民農桑訟獄少稀以治行聞時蠻寇竊發師出數給餉有功茂州衛奏請立學羌民難之堅集眾羌論以朝廷化民成俗之意於是遣子就學及滿去羌民乞畱遷寧藩左長史正色匡輔王嚴重之時郡主沒儀賓王爽受祿如故堅請停削王怒奏堅倨慢無狀被逮繫獄久之得白流爽遼東尋復堅職嗣王嘉其

守法禮待益隆後以母喪歸濮卒孫明榮曾孫汝  
俱鄉貢汝立萬曆庚辰進士

劉 昱

劉昱字景陽武城人初任吏科給事中陞通政司右  
通政河南參政英奮勇敢所至吏民畏憚改交趾從  
征時黔國公沐晟總軍務襲賊大安海口昱疑有伏  
固請駐師不聽已戰于生厥江風作賊伏兵起與尚  
書劉儵都督呂毅力戰死之雲南建表忠祠祀焉五  
世孫希稷登正德辛巳進士官戶部主事端恪攻文  
賦六世孫啓元登隆慶戊辰進士官衛輝知府清白  
本朝分省人物考 卷九十六 五 山東三 楊林

李 春

李春丘縣人正統三年鄉薦由刑科給事中進禮科  
都給事中前後上七十二疏多裨益時政封駁協衆  
議已巳虜犯京師大軍禦之春紀功以明稱遷光祿  
寺少卿天順中西南夷作亂蹂金齒廷臣薦春才轉  
雲南右布政協理鎮守梅忠軍事親冒矢石俘夷酋  
七十五人斬首五百餘級鹵獲象馬器物無算捷奏  
召拜禮部右侍郎仍從二品俸視光祿事已遷工部  
左侍郎成化初汪直用事遂乞骸骨歸卒春祿二品

一表十餘年不易人稱為清正君子

馮 昱

馮昱字景陽濮州人正統丁卯鄉薦卒業太學授監  
察御史錦衣衛指揮門達怙寵弄權數起詔獄傾擠  
善類舉朝側目莫敢言昱獨抗論其罪達遂伏法由  
是直聲震天下巡按甘肅番人例獻金佛昱峻却之  
陞河南按察司副使周府承奉卞某出督租縛民妻  
孥裸辱之民怒將為亂昱白王王不省乃獨騎率健  
卒數人入府縛卞疏其罪于 朝詔論如法先是河  
決金龍口費數萬緡不能塞昱建順導之策河患乃  
息久之以老歸田居喜吟咏有和唐詩草  
本朝分省人物考 卷九十六 六 山東三 楊

馬 謙

馬謙字彥安臨清人正統間登進士歷官大理寺副  
已巳從 駕北征土木不利既追山谷間厲聲叱賊  
遂遇害 英廟復辟憫其忠加贈寺正錄其子遜入  
監

李 著

李著字廷光濮州人仕魯曾孫正統間鄉舉授慶陽  
同知巨寇李英為邊患商旅不行著以計擒捕遷平  
涼府知府勸學勤士輯第嚴盛參將楊姓為胡種最

獲悍恣為不法鎮巡大臣欲除之恐激變著狀其罪于 朝治之士番也哩哈逼于酋屯兵將為亂總帥招之不下曰得平涼李父來乃降著往相率歸命又虜滿四聚眾三萬抄掠州縣 上命侍郎項忠討之項檄府備熟糗千石時民竄匿山谷獨護藩府軍在城著請于王治糗如期而辦賊平項上其功遷通政使命下而卒邊人感其德立祠祀之

趙 巖

趙巖堂邑人母早卒事父甚孝家貧嘗稱貸供甘膳父卒合葬建祠墓側廬居二年肖像事之且夕上食如生時夏大雨雹自西北來摧傷禾稼甚慘至墓而止里人異之有司上其事 詔旌表祀學宮同邑李尚質王璠楊琮俱以孝聞

劉 忠

劉忠字攄誠濮州人少在庠序行輩讓其敏景泰二年舉于鄉任監察御史出按浙江執憲不阿知台州府以異政聞 詔旌褒陞山西右叅政三晉薦饑民嘯聚垣曲山中省臣議發兵勦之忠爭曰是迫于饑耳可撫而下也遂單騎入山諭以禍福眾羅拜感涕明日皆散去垣曲人樹德政碑以前後勞績陞

本朝分省人物考 卷九十六

七

山東二 張奇

院右副都御史巡撫榆林忠剔歷有年練于邊務至則嚴斥埃簡卒乘練材勇廣儲蓄芻牧老成持重不喜邀功塞下晏然烽燧不警守陴乘障者且忘其身之在於窮邊極塞也共相與賦從軍樂以紀一時太平之盛云久之以疾請致仕 溫旨諭留疏請愈懇 詔乘傳歸未幾卒予祭葬如制

朱 舉

朱舉聊城人景泰庚午薦于鄉早歲攻苦食淡以行誼稱于宗黨性至孝母老百道承順以衰疾故兩試不上春官會母病卒慟哭殞地家人環守之多方論解溢米不入口者兼旬已葬身操畚鍤築墳結茅廬於墓側朝夕哭奠哀感路人三年白燕乳巢兔蛇馴擾有司具其事聞于 朝詔旌其里時同邑裴俊王安孫良梁瑾俱以孝聞

郭 良

郭良字克忠館陶人景泰間進士授朝邑知縣鋤梗嘯弱植良懲奸積弊肅清流徙漸復吏民悅服薦剡章騰民深去後之思邑有甘棠之愛後累官光祿寺少卿以致政歸居家內行淳備人無間言剪榛塗而由夷軌喁喁焉一鄉之善人長者也以上壽終

本朝分省人物考 卷九十六

八

山東三 于

魏元

魏元字景善朝城人天順庚辰進士擢拜禮科給事中成化中萬貴妃兄弟怙寵驕橫元疏列其罪凡七上不報元詣殿庭免冠泣諫奏雖不行而諸萬亦稍自斂戢直聲隆隆徹于禁陛矣 慈懿皇后崩議者以為不當祔享元與給諫徐恪交章論辨會大學士彭時力主元議卒得成禮陞福建右叅政巡視海道嚴禁土人不得越海私販與島夷關出入犯者必寘于法不稍寬假有海商齎重寶賂元元怒曰吾為貧諸生猶不利非其有今幸貴顯何至以賈人金啗我

本朝分省人物考

卷九十六

九

山東三

叱出之母卒歸葬廬墓側二年復除江西叅政卒

張文昭

張文昭字應奎平山衛人少展墓遇老父相云若異日當貴已忽不見天順癸未秋舉進士歷刑部主事員外郎中讞決疑獄著平反聲擢河南副使按察使拜僉都御史巡撫雲南貴州馭將校有恩威懷來綏輯羣夷歸心弘治初年召入協理內臺時 孝廟銳精治理百務振刷文昭叅佐風紀中外憚其威稜凡朝廷內察外計矢以至公至慎之心雄良擢異屏奸黜貪每遇一大黜陟無不懽呼而稱允當者五年丁

母憂歸時未滿四品考 上特以有撫定西南之功詔予之祭未幾卒于家今祀學宮

劉濂

劉濂字宗周臨清人成化己丑進士以工部郎權稅蕪江清介絕俗一塵不滓諸商有江水深百尺未比使君清之謠陞廣西叅政適鬱林寇起兩廣三司合兵征剿多以妄殺見譴濂獨當一部出奇用正咸有紀律上功幕府獨無間言以勞勩成疾竟以不起行篋蕭然棺斂不具布政使舒清多方經紀其事始克還櫬歸里

本朝分省人物考

卷九十六

十

山東三

李晟

李晟字孔陽濮州人成化己丑進士初令宜陽召授監察御史慷慨有經世志喜談兵尚書王恕奇其才力薦于朝不用乙巳虜入寇上書欲自效進所製兵圖當事者以舊事銜之謫曲靖府知事會有邊警廷臣薦其才詔改都察院照磨往叅謀大同軍事鎮巡器重之已遷鄖陽府同知非其志也乃上書曰臣由儒起家潛心韜畧三十餘年前後所著兵機等書古人不能遠過頃大同有事撫按薦臣禦虜而吏部人臣撫民用臣違所長臣所製飛矢火礮馱車火傘等



器皆殫思創造前人智慮所未及令臣當一隊出薄  
使楫角可橫行單于之庭設謂臣無當于用乞放歸  
田里願屏居濮上以畢餘生不敢拜命當事者惡其  
語直遂予告年八十餘卒所著有六經舉要經世通  
畧平胡兵式安攘六論晨聰悟異常自比諸葛武侯  
揭膺潤視每議論旁若無人以故仕途齟齬云

郭鏜

郭鏜字子聲恩縣人登進士擢兵科給事中成化初  
郊祀甘露降大臣欲稱賀鏜力陳其不可河湟兵弗  
解奉詔經畧易置諸將事竣陳備邊三十策 上咸

嘉納轉都給事中陞通政司右叅議僉都御史巡撫

山東

宣府大同奏置平虜城宣寧等堡以備捍禦劾中官

之憑藉不法者尋改遼東坐大同匿虜事追論奪職  
謫知射洪縣陞雲南按察司僉事時木邦孟定相讐

鏜深入撫諭事定以疾乞歸鏜聞朗軒豁博通群籍  
尤善讀穰苴司馬兵法嘗謂其弟進士鉦曰我病緩

汝病急可取弦韋各名其居以自警故因自號弦庵

子

周洪

周洪字寬夫武城人成化間進士初尹項城奏毀貴

戚店舍蝗不為災擢監察御史屢陳時政都人憚其  
風裁時山西大饑建入粟議活民數萬以言事謫未  
寧宣撫司經歷改光山令多惠政光人立祠權四川  
僉事後以忤權貴遂致仕

謝綬

謝綬字朝章朝城人成化甲辰進士令任丘得民譽  
有指揮奉巡按御史之命至任丘不遜綬收下獄御  
史聞之遣兵隸繫綬任丘民數千泣訴于御史竟不  
能加害未幾擢留臺御史時內守備蔣琮怙恩恣肆  
起第鑿雨花臺綬劾下吏竟死獄中巡按兩浙織造

羅綺費錢以巨萬數奏罷之進湖廣按察司副使時

山東

李文

逆瑾招權納賄惡其戇直撫往事罰穀千斛調四川  
瑾誅入為大理少卿嘗錄囚千餘人稱不冤尋陞僉  
都御史巡撫雲中稽軍實理屯餉繕城堡逐貪暴威  
聲大振時北單于廬帳雄據塞上望風遠遁以勞瘁  
卒于邊 詔予祭諸子若孫咸以經術世其家

蔣昂

蔣昂字克明丘縣人成化間登進士授行人司行人  
權貴州道監察御史遇事敢言當時與靈寶許進齊  
名已奉命巡鴈門關值中官汪直用事往謁者皆趨

聽昂獨長揖不屈直大怒裙疏中語矯旨廷杖謫四  
川建昌衛知事移令長洲縣有善政芝草生庭尋擢  
湖廣按察司僉事平生鯁亮以忠義自負母卒廬墓  
慈烏萬數日馴其側里人頌其完節

張雄 附黃質

張雄字鵬飛范縣人登成化乙未進士儀觀修偉銓  
部器之授吏科給事中立朝侃侃諸所敷奏咸切時  
務進本科都給事中會大臣有樹黨相攻者雄獨立  
不倚謫烏蒙縣丞同官莫敢送雄歎曰士窮見節義  
平昔握手出肺肝相示一旦臨小利害顧若路人耶  
本朝分省人物考卷九十六  
未幾移知鈞州有殊政以課最遷應天府治中病歸  
同邑人黃質弘治間進士授禮科給事上弭變疏  
有直聲陞按察司副使

敖山

敖山字靜之莘縣人七歲補郡諸生天資英邁負氣  
自豪屢試咸屈其同儕舉山東鄉試第一登成化戊  
戌進士選庶吉士授翰林院編修陞江西提學副使  
江西故多文學山采摭經史百家之疑及古今事勢  
變故之難彙為問目以策諸生其說先儒所未及士  
張目不能置對丁內艱服除改山西以疾歸山賦才

雄爽為文如奔峽騰川馳放橫逸不煩刻削自合繩  
度當時與濬縣王越齊名人稱江北二傑云晚年日  
手皇極經世一編妙契邵學不傳之旨嘗夢吟詩云  
先天不肯畱人任遺下三皇五帝春既寤吟猶在口  
逾數日卒所著有先天手冊燦然稿

梁璽

梁璽字朝用聊城人早歲博綜善屬文登成化甲辰  
進士授南京戶部主事督中都軍儲嚴覈漏隱歲饒  
奇贏牘報大司農貯庾粒米不以自潤前後職民曹  
者稱璽為最事竣當代軍民上書請畱尋陞吏部考  
本朝分省人物考卷九十六  
功司員外郎未任丁內艱歸卒于家子相字惟賢鄉  
薦知杭州府新城縣鎮守中官橫索州縣相曰吾何  
忍惟民脂髓以奉奄豎獨無所齎遺有論死囚挾重  
賄納巡按御史請解相固執不聽坐罷官歸無環堵  
之宅儼居市舍授生徒自給葺修郡乘衆多其事核  
詞直孫承學登隆慶戊辰進士官按察副使曾孫衍  
祚舉人

朱應昌

朱應昌夏津人成化間進士知元城縣勸農興學剖  
決明允庭無冤滯以治行異等擢浙江道監察御史

應昌天性嚴毅不尚驚擊風米屹然內修行飭妻子咸服其化未幾卒于京士論傷之

劉魁 附子孝

劉魁字士元高唐人成化間進士尹賴榆多勞績推監察御史按蘇松常鎮彌盜有功淫雨害稼力請于朝蠲貸蘇門像祠之以直道左遷黃梅縣丞丁內艱歸當道屢薦不起卒于家魁天性純孝對妻孥相敬如賓凡歷官無所趨避以此偃蹇終身子孝字必先弘治初進士令獻縣徙河間奉公勤民不飭厨傳兩邑爭頌其美陞刑部主事員外郎歷陝西按察司山東祖兆事獻斷明允緣飭儒雅卒于鳳翔郡守檢閱囊篋僅敝衣數襲人比之胡威父子

王禮 附史蘭

王禮朝城人質直懷義早喪父事母至孝日上食非手調不以進母疾藥必親嘗時密禱于神乞減其算以益母壽及卒勺水不入口者三日慟哭濱死葬畢跣足負土築室墓側勝其所曰追思以志風木之感三年時栢成林有三蛇馴擾廬畔人以爲孝感所致事聞旌表 詔復其家又同邑人史蘭邑諸生父及廬塚上日僅啖米屑一盂以毀瘠卒

丁璉

丁璉字汝器聊城人成化乙酉舉人授汝寧府確山知縣縣舊隸信陽州璉以道遠多費奏改隸府士民稱便蒞任九年斷疑獄以數十牘有異政錄調直隸慶都減徭輕賦流民自占者八百戶丁內外艱復除宜陽儀真穎上所至民懷其惠以不善骫骳竟謝政歸推祖產讓諸弟鄉評重之孔璋登正德甲戌進士官參政曾孫懋儒登嘉靖乙丑進士官知府

蕭淵

蕭淵字文靜堂邑人父瑛鄉舉徽州通判廉靜有賢操淵少膺家訓不慕芬華偕計京邸拒奔女不納聞者歎服登弘治庚戌進士由行人擢監察御史糾舉甚有聲出爲山西僉事以忤逆瑾謫守鄭州民婦古氏被人謀殺淵禱于神得主名抵罪流賊萬騎攻城淵授兵登陴督衆捍禦賊竟引去遷山西參議潼關兵備副使商洛番夷作亂率兵討平之事聞璽書旌褒以疾致仕歸構桃林書屋課農教子足跡不涉公庭諸子若孫咸恂恂能世其業

許路

許路字由之平山衛人父麾鄉舉官太僕寺丞力學

篤行里中稱長者路登弘治戊辰進士為刑部郎正  
德間諫武宗南巡廷杖嘉靖初議大禮再杖遷陝  
西副使兵備洮岷番夷數寇臨鞏路厲兵擊之前後  
斬首三百餘級招服四十族改廣西兵備賓州撫諭  
徭種而剪其不用命者事聞賜金幣朝廷命師討  
安南莫世庸路監兵多指畫功久之病歸嘗疏格言  
于屏訓示子弟每遇朝賀雖隆寒必盛服先往垂  
白對客無惰容敦睦鄉曲弔死問疾不避風雨子孫  
彬彬以詩書顯

李瓚

李瓚字宗器濮州人世傳宋李文定後弘治間進士  
為刑部郎陞通政司參議以不附逆瑾出判饒州轉  
江西按察司僉事陞大理寺右少卿累官都御史巡  
撫順天經畧邊塞繕治城隍募兵設監勞積懋著憲  
臣列其事數賜白金文綺進戶部尚書致仕卒贈太  
子太保賜祭葬如例

喬通

喬通字世亨臨清人弘治間鄉薦授河南登封教諭  
入為國子監助教擢南京湖廣道御史初在登封召  
諸生口授五經貧不能自存者分俸周給既拜留臺

志操益厲江賊龍覆天等擁兵數萬侵掠郡縣通矢  
志討賊裹瘡力戰群惡次第授首未幾病亡旅櫬歸  
家蕭然四壁通勁節高標所至以宦積著稱今祀學  
宮

許堂

許堂字升之平山衛人父庠省大父于景州旅舍得  
遺金一囊追還其主里人高其義堂領弘治乙卯鄉  
薦知絳縣復除安化諸大姓山居數負租課召至庭  
下曉諭人皆感動輸者繼屬不絕以病改乾州學正  
入為國子監助教陞晉府長史時武宗西巡諸閩  
檀檣將不利于王堂代為草奏事解王喜甚嘉靖初  
詔加四品服致仕王手書慰問餽遺相踵于道晚歲  
神氣清瑩恍有悟于歸根復命之旨當易簣時援筆  
書曰太極圓光內先天一竅中無人得遇此獨我翫  
真空投筆而瞑

耿明

耿明字晦之館陶人登弘治丙辰進士授貴州道御  
史輦下論列無所避忌巡按雲南周行箠棘徃以遐  
徼有司多不檢露章劾奏數十人嘗慮囚有民家子  
為妖巫魘死復甦事發巫論死有司以謀殺未果矜

之明日此輩妖術所殺不知幾何人幸發之不當宥  
亟命戮于市遠近稱快正德間逆瑾用事出知湖州  
府賑貧救災摧暴扶良以治行最超擢江西左叅政  
督餉佐兵翦除群盜功成不受賞以疾乞休甫抵里  
三月寧濠以反聞人服其明哲

李廷相

李廷相字夢弼濮州人尚書瓚之子早工文賦制義  
婉秀為一時絕唱登弘治乙丑進士及第授翰林院  
編修操履端直不競進取正德初逆瑾擅權惡其不  
附已改兵部主事歷職方員外郎中當宗藩構亂領

本朝人物考卷九十九

十九

山東三

部章奏事平以勞 賜文綺後瑾誅復改春坊中允  
歷翰林院學士經筵講官 武宗遊獵無度財用耗  
費廷相講百姓足君孰與不足章剴切詳晰 上為  
感動亟稱曰真學士嘉靖初歷南京吏部侍郎陞戶  
部尚書卒謚文敏先是同郡清平人張天瑞字文祥  
天資絕人為詩文數千言嘗信筆成篇不復檢覈人  
有難之者律詩限以百韻天瑞亦揮毫立就限者至  
供韻不及成化間及第左春坊左庶子與廷相兩人  
俱早登鼎甲居詞林有聲里人謂天瑞上人使氣不  
及廷相恬穆溫粹云

高顯

高顯字德章濮州人登弘治壬戌進士由魏縣令擢  
戶科給事中時逆瑾用事顯首論中官蠹政害民并  
大學士焦芳阿附不職請罷斥直聲震天下出為湖  
廣僉事從彭尚書平諸夷獠陞陝西按察司副使尋  
陞按察使御史嫉其亢直遂解官顯坦易惇篤臨大  
事不動聲色善調笑與人交披肝膽相示歲得俸輒  
施于卒之日發篋筭僅圖書酒具無他蓄

閻鎬

閻鎬字孟周臨清人弘治間鄉薦力學安貧事父母  
孝郡守偉其志行已授饒陽縣教諭迎養學舍旦夕  
上食甚腆非遠出不去側訓迪諸生左文右行捐俸  
葺廟廡三年改教寶坻以父憂歸三日粥一溢時隆  
寒苦卧殯側因遭危疾親屬環視之鎬曰毀不滅性  
禮也不日行法以俟命乎含淚而卒

李元吉

李元吉字守正堂邑人通判雄子少負才名督學使  
者嘗携之徧誇示六郡且語人曰齊魯故多文學之  
士不及李生尋魁鄉試弘治間登進士選翰林庶吉  
士歷文選司郎中銓叙流品有平允聲廉隅嚴峻論

本朝人物考卷九十九

十九

山東三

事務抗引是非爭大體一日同工部議開納例不合奮袂投筆遷右通政告歸僻居別墅凡朝紳問遺之牘不報于旄時過其廬輒引避嘉靖初召為太僕寺卿固辭不起元吉博該群書謹繩墨檢勅族人規約嚴于官府蓋自束髮時雄視一世于人鮮許可白首英氣猶揭揭云

穆孔暉

穆孔暉字伯潛堂邑人淳懿溫恭早負文望弘治甲子王文成主試舉第一登乙丑進士授翰林院檢討正德間宦瑾擅權卿佐皆伏謁跪拜孔暉與安陽崔

本朝分省人物考

卷九十六

二十一

許金

銑獨長揖瑾怒矯旨調南京禮部主事瑾誅復原官進南京國子司業左庶子充經筵講官因摠所得懇惻規切嘉靖初進學士掌院以忤權相改南京尚寶司卿給事中葉淇上言學士某昭代淳儒留之左右足以裨益聖德不聽尋遷南京太常寺卿致仕孔暉初工古文辭有聲已棄去研經六籍潛心聖學雖二氏諸書時擇其精者詳說之曰吾性原無分別相也久之抉去藩籬頽脫超詣嘗論心學之要曰鑑照妍媸而妍媸不著于鑑心應事物而事物不染于心自去自來隨應隨寂如鳥過空空體弗礙識者服其

妙悟平生無疾聲厲色變故粹至神氣怡然知德者至擬諸程伯子所著有讀易錄尚書困學諸史通編大學千慮居官二十年茅茨僅蔽風雨卒贈禮部侍郎謚文簡姪策負奇氣閱博能文自稱又玄子

王道

王道字純甫武城人未冠登鄉舉正德辛未進士選庶吉士時山東盜起將奉祖母避地江南疏改應天教授召為吏部主事歷考功文選司郎中大學士方獻夫薦其學行淳正可任官僚擢春坊左諭德引疾固辭曰朝廷以名器為重不輕假人以不次之官而

本朝分省人物考

卷九十六

二十二

出東三

人臣惟義分是安當致謹于非分之獲凡三疏始得旨以病歸而聲望益重居一歲起遷國子監祭酒拜吏部右侍郎僅閱月而疾不起矣道英敏絕人精擇強記于書靡不究其要指已厭博反約紬繹聖經不欲標門戶自表著久之神解渙然自信盡破世俗拘學之見所著有易詩書春秋大學億持論多前儒所未及兩掌胃監端軌申約六館諸生翕然向風人比之宋仲敏卒贈禮部尚書謚文定

許成名

許成名字思仁聊城人早歲穎異困諸生中嘗著論

見志正德辛未舉進士第四人選翰林庶吉士累試  
哀然居首賦禁中春曉詩藝林傳誦授編修歷論德  
進侍讀學士嘉靖初 上重文學之選命輔臣擇有  
才望者遂推成名陞太常寺卿掌國子監祭酒禮部  
右侍郎前後為講官十年纂修 武宗實錄大明會  
典文典麗宏偉詩工近體評者謂品在晚唐錢劉間  
書初學逸少已沉酣吳興小變之適逸飛動甚為海  
內鑒賞天性長厚不以名位自高雖幼賤必鈞禮間  
黨親戚有急傾身營救累牘無所愛里居曠達觴詠  
自適有江左風致所著有龍石集

本朝分省人物考

卷九十六

二五二

山東三

朱顯章

朱顯章字文光濮州人郡諸生有醇行正德辛未廬  
父墓流賊至伐其墓樹顯章大哭請止之賊首喑嘆  
曰此孝子里也戒勿復遺之矢約五里內不得殘傷  
一木里人依之賴全活甚眾學使者高其行越格廩  
之辭曰吾豈敢徼虛聲奪國家養士之典累試居高  
等治家嚴飭儀矩御賊獲有法農桑歲事輒先奏功  
里人不言而化與蘇尚書祐倪御史宗嶽友善二人  
折節敬之顯章工草書善臨古帖詩大類唐人累舉  
不第卒不旬日妻辛氏自經殞側州守卒緝上其事

建祠樹碑黃詹事佐作孝烈祠樂章二闕云

田美

田美字在中濮州人正德甲戌進士獨行寡交為御  
史與中官齟齬出為山西僉事時虜犯柳園美督戰  
馬蹶死于邊贈光祿寺少卿

桑溥

桑溥字汝公濮州人父春襄陽府推官精春秋飭法  
律以經術溥高才倜儻恥齷齪曲謹登正德甲戌進  
士初守華州民家有妖祟溥符而遣之人稱神明嘉  
靖癸未擢陝西按察司僉事尋以總督楊一清薦轉

本朝分省人物考

卷九十六

二五四

山東三

固原兵備副使值虜入寇督護將士邀擊于鎮戎堡  
大破之馘五百餘級梟其酋首捷聞議陞大理寺卿  
以兄濟尚襄藩郡主改授浙江按察使會桂太宰子  
自安仁如京凌杭守溥語激而釁又監試廉知貴人  
子通關節黜之坐讒落職歸居城東構萬綠亭鑿池  
築山賦詩彈碁自娛山東副使某以事被逮溥遺百  
金為橐餽費人頌其義子孫科第繩繩

閻閱

閻閱字尚友臨清人鎬之子生有異稟讀書過目不  
忘年十七舉于鄉登正德丁丑進士選翰林庶吉士

授吏科給事中 世宗自藩邸入繼勅車騎由正陽門闕叩頭曰殿下未即位不得由天子門舉朝壯其言嘉靖初大學士楊廷和以定策功進封伯又大賞迎扈諸臣闕言叙援立則威柄攸私隨從則侍御驕恐累初政之美事遂寢以劾大臣忤旨謫雲南蒙自縣丞是時史給事中道曹御史嘉俱由庶吉士一日言事並罷人稱館中三傑累官提學副使乞歸閑持論謇諤下急不能容人之過地方疾苦直陳剴切無所諱爲文善比事引類非關世教不以矢口初與夏文愍公同官相善已夏入相謝弗與通又數年夏趨召再相過臨清造請竟引匿不出賦詩一章寄諷夏歎息而去

倪宗嶽

倪宗嶽字鎮卿濮州人正德辛巳進士嘉靖初以才器授山西道御史伏闕諫大禮廷杖尋出按真定綜覈有司墨吏望風解綬順德地方飛沙不田而稅勸明蠲除偶痰發不治巡撫某不職至自視病宗嶽出袖中疏草視曰吾欲露章彈公今不能矣請公更絃而治福此畿南生靈遂卒四郡士民哭之慟初宗嶽從郡人譚某受經已登薦書蹴鞠于道譚遇之召至

庭下數而杖之宗嶽俯伏不出一語再拜引咎識者兩稱焉妻杜孺人子婦馮俱以節聞

王應

王應字德鄰朝城人父雄慈愛喜施捨每嚴冬嘗設煖榻招群瞽寢處其上雨雪給食應舉嘉靖壬午鄉試初令杞縣有能聲擢山西道御史首上君德五事崇聖學廣言路禮大臣遠嬖倖正綱紀皆深切時弊數劾大臣中貴不法京師震駭巡視三關請于桑乾河修長橋築敵樓以扼虜咽喉建沙河城以護衛陵寢識者服其遠畧按畿南四郡遇 駕南狩權貴蹂躪地方恥不得其職自投劾去家居事兄如父邑中婚喪不給者賴賑濟無慮數千指闕塾城南課子弟徒喜薦寵下輩人有註誤務相掩覆調護故人子弟尤厚士論多其有維持風俗之功

林瓊

林瓊字廷獻臨清人嘉靖丙戌登進士高第授刑部主事天性簡澹論事依傳古義領部內章奏精察不苛有天文生童至者誣建昌侯謀逆書上 詔下司寇獄瓊廉其狀窮治無左驗力白侯枉 上怒罷瓊官侯卒得不誅瓊歸杜門掃迹非先聖之書不讀爲



文雄蔚淵奧善獎掖後進一時名士及門者甚眾州俗靡蕩競徵逐聲利瓊蟬蛻濁穢皜然不獲世之淄垢評者謂其磊落大節如嚴霜孤栢挺立獨秀云門人鐫其所著文曰霜栢稿

蘇祐

蘇祐字允吉別號穀原濮州人祐生時烟霧覆室三日及在襁褓或撫之晝寢忽展轉亟啼不肯卧抱而下堂屋梁斷免馬識者知其貴矣補郡庠長吏為禮送酒方行忽大雨霹靂火光如斗一座皆驚曰是必有名聞天下者居母憂會流賊劫畧至郡父恩趣之

本朝分省人物考卷九十六

二十七

李三

走避泣曰母殞在堂兒將馬往願以死守竟不避俄而寇去正德癸酉舉鄉薦嘉靖丙戌成進士授吳縣令編徭役戒奢靡三年大治以嫡母周喪去吳舟泊穀亭穀亭人夢神告曰河上有尚書至旦日視之祐舟在焉服除補東鹿邑多繫囚下車一日罷釋數千百人民有昵妾殺妻沉之井而逸者吏弗問也是日捕置之法明日革罷徭車三十兩又明日有詔召東鹿令東鹿人語曰三日官府百年父母拜廣東道御史癸巳中丞王以奏疏過誤元日下吏祐偕諸御史論救皆得廷杖無何按宣大大同兵變討平之乙

未據江北江北太旱疏請司農金六萬賑貸符離舊苦於河患築石堤十里禦之人號蘇堤如杭丁酉按山西錄大辟減死五千餘人代還掌河南道臺法應擢九卿同臺忌之薦以為江西提學副使江西士眾歲試日閱數百卷不數月而已徧決科第銷銖不爽壬寅擢山西參政分理鴈門三關已晉大理少卿乙巳拜僉都御史巡撫保定丁未進副都巡撫山西奏功進秩已酉人為刑部侍郎改兵部轉左無何以所居官總督宣大山西軍務是秋虜犯京師率三鎮兵入援斬首虜數十馬牛以萬計威寧侯鸞在邊嘗言

本朝分省人物考卷九十六

李八

山三

以首功一級官祐少子謝曰見未嘗從軍吾又且朝暮罷去不敢以累將軍癸丑遷右都御史虜二十萬眾將入關聞報提兵馳至永安堡遇戰斬首虜四百有奇捷奏祭告郊廟榜示九邊晉兵部尚書蔭孫錦衣正千戶祐居北邊十年虜懼其威幾不近塞會總兵岳懋陷虜幕府者懼奏言不請兵餉樵蘇后期故敗本兵亦素有卻如幕府言詔逮獄然祐實嘗乞餉無以難而分宜官尚書時嘗為祐所論從中主之削籍為庶人隆慶戊辰東官立單恩致仕家食十八年卒所著有孫吳子集解三關紀要法家哀集穀

原詩文章奏疏適旃瑣言等書

江東

江東字伯陽朝城人七歲能文弱冠舉嘉靖己丑進士授工部主事倜儻有大畧累遷巡撫遼東總督宣大免歸南京軍變召起兵部侍郎往按治誅首惡戊午江南倭亂奉詔討平之擢南京兵部尚書改戶部時俺答圍大同右衛三月絕糧命東總督宣大齎米二萬斛往救以護兵七萬行東問曰爾行糧幾何曰七日東驚曰過期吾與若輩法當死死虜可乎令士各持火銃倍道趨進距右衛百里許晝鳴鼓發

本朝分省人物考

卷九

山東

銃夜列萬炬燭天喧傳九邊兵至虜驚遁去獲三日糧已入城報命云奉勅大同幹事畢不他言其謙恭不伐類如此壬戌虜大舉入寇東提兵急趨賊右賊不意我兵猝至夜遁出塞癸亥虜由潮河入薊抵通州張甚東督兵躡其後與賊遇將士力戰賊首百餘級事聞召遣中使勞問加太子少保賜蟒玉廕子卒于邊東精忠天植推誠御下所至人樂為用官登八座田不益私廬不更椽海內服其清德宿望贈少保諡恭襄

田濡

田濡字少生聊城人白晳疏眉目風標秀朗少從兄濬受詩登嘉靖己丑進士由行人選工科給事中疏請宥議禮諸臣楊慎等不報監築都城以劾中官侵少府錢逮下詔獄尋釋之癸巳星變陳修省六事陞刑科都給事中論吏部尚書汪鉉武定侯郭勳貪橫無狀竟用罷斥累陞南京太僕寺卿未幾請告歸里濡志操修潔喜繙閱圖史居官雍容嫺雅語不危而中視躬飭族依倣藍田規約閭閻遠整內外秩然郡人服其家政年八十餘卒

郭鉉

本朝分省人物考

卷九

山東

郭鉉字汝器平山衛人早負雋才郡守陳公儒讀其文異之累試冠諸生嘉靖辛卯舉山東鄉試第一數罷公車肆力問學敷寬善誘一時英俊樂出其門仕太原府推官晉諸王孫慕其各爭輸欵納交概謝不報為政務在疏滌冤滯所慮囚徒咸稱不枉累官順天府治中歸無負郭之田冬夏僅一裘一葛菜糜自給早工樂府甫脫口遠邇傳誦高者足奪金元詞人之壘制行淳恪抑節為恭里人賢之

謝國賓

謝國賓字思敬平山衛人早歲聰敏志行高邁母病

瘡齟醋血淋漓人稱其孝登嘉靖戊戌進士乞養歸杜門掃軌蒐獵群籍善古文辭人勸之仕不應間遊神方外招集高士揮塵竟夕几榻凝塵湛如也事兄嫂敬而婉里中無少長皆慕其為人嘗憫衛卒不勝股削尺籍空虛上書監司請調停諸役比于州縣議雖不行論者以為石畫

許東望

許東望字應魯平山衛人嘉靖戊戌進士初令山陰政尚寬平民愛之如慈父入為戶部郎嘗督江西述賦貴要無所假歷浙江叅議分守紹興會倭夷突擾軍興煩費東望一切鎮以簡靜推赤心待下將卒爭自効柯亭龕山之捷親督矢石敵數百級同事攘其功僅進按察司副使嘿嘿不言累官行太僕寺卿致仕東望廉慈豈弟不設城府居鄉恂恂善推讓同儕每語侵之不校闔扉冥坐習養生家言手緝古今名方所著性命三編多可覽年八十餘目光炯炯燈下能書蠅頭細字郡人傳其少年遇仙云

張後覺

附王牧

張後覺字志仁荏平人事父母至孝居喪哀毀骨立三年不御私室早歲得王文成之學于顏博士鑰屏

本朝人物考卷九十六

三十一

山東

棄舉業深思力踐雖隆冬盛暑不爐不扇久之充然有得嘗曰耳本天聰日本天明順帝之則何慮何管又曰真知是忿忿自懲真知是忿忿自窒懲忿如沸釜抽薪窒慾如紅爐點雪摧山填壑愈難愈遠當時門人孟秋趙暹趙維新獨契宗旨海內名流道荏山者往往紆軫請益督學鄒善郡守羅汝芳兩建書院集齊魯諸生其中延升席使為都講以歲薦仕華陰縣訓導視邑篆起仆弭亂境內安堵歸之日士民遮道泣送里居教授所著有弘山教言同郡恩縣人王牧字汝謙已酉舉人篤志聖學與後覺友善辨析仁體往復數千言卓有深詣官溫州府通判一介不取

潘龍

潘龍字子霖夏津人有異質日記數千言父卒產中落嘗採樵給食讀書僧舍鑿壁引燈治博士業有聲嘉靖庚子舉鄉試第一是科歷下李按察攀龍名相次人稱山東二龍云累罷春官紬繹經史為文不競藻績談名理刺骨居嘗兀坐一編垂白伊吾至丙夜不休布袍蔬食澹如也負笈從遊者戶外之屨常滿所指授皆成名士以經術政事顯同年殷少保人相獨執故人刺投謁踞坐東鄉字少保少保擁篲布席

本朝人物考卷九十六

三十二

山東

終身尊禮不衰人兩高之子敦復萬曆癸未進士官知府

邵璋

邵璋字宜卿朝城人周歲喪母及髫髻慕未嘗不痛哭失聲從學御史王公應以德行稱嘉靖庚子舉于鄉事繼母孝父年八十餘病痢甚璋卧牀下一夕數十起手奉溺器滌滌浣席盛暑無難色已嘗其矢苦喜曰父無恙也尋起後五年卒璋柴毀骨立喪儀一稟諸古提學袁洪愈旌其廬璋謝曰吾方抱終天之恨而名暇恤哉固辭不受旌知西平縣慈祥節儉卒

本朝分省人物考

卷九十六

三十四

山東

于官百姓歛獻罷市樹碑立祠璋清修醇行動遵幅

尺子弟門人相觀而化邑人傳其孝廉錄

張登高

張登高字子升濮州人嘉靖辛丑進士初任蘇州府推官讞斷疑獄吏不敢欺擢廣西道御史按順天部內多中官貴戚侵奪民田登高一切繩之法覈實歸民涿州民訟其守于錦衣衛衛校窘守甚急登高厲聲曰守即不法御史按治錦衣何得藐視令甲追攝百里之外輕辱長吏乎時都督陸炳掌衛事權傾中外登高具疏劾炳忽有鴉鵲迎叫馬首歎曰吾固知

不利于身計為朝廷明法耳疏上詔逮榜掠幾死削職歸里昇行過涿百姓遮道泣送隆慶改元復原官陞南京尚寶司卿加太常寺少卿致仕

鮑文縉

鮑文縉字子卿臨清人七歲而孤勤學力行遵奉母訓撫弟文紳教愛備至一食之甘必推而分之領嘉靖壬子鄉薦授井陘縣知縣謀虜南窺繕治武備核石田之不苗者蠲其租百姓感之立生祠徵入為戶部郎陞平涼府知府豪宗有事納賂乞寬假文縉固謝不聽嘗自稱曰吾已委質而仕身固當奉職死節

本朝分省人物考

卷九十六

三十四

山東

曹自守

曹自守字伯化荏平人早孤事母至孝少聘張氏女病而瞽其父請罷婚自守娶焉里人高其行登嘉靖己未進士令吳縣澣衣糲食三年不市一縑以治行最召入為吏部主事轉員外郎檢摘詭牒吏胥無敢因緣為奸所條畫選規著為絮令籍甚公卿間太宰楊襄毅公丞屬意掌選難于躡次以請自守以鬚髮早白不樂郎署力乞外轉江西按察司副使分巡

饒南糾墨吏散客兵飭紀貞度郡邑翕然卒于官吳人嘗言曹令去邑之日僅兩蒼頭負敝篋出閭門圖畫不持也居鄉益廩廩稱德讓君子云

雷稽古

雷稽古字汝徵恩縣人嘉靖己未進士授平陽府推官讞獄有平反聲旁郡質成無虛日召拜監察御史疏上輒焚其草初按甘肅已按湖廣所察應條輒舉甚有威名隆慶間籍遼庶人產是時江陵執政陰欲啗楊麟洲田稽古拒不與曰吾安敢奪公家之利市交貴人遷南京大理丞尋轉應天徧括屬邑之藏以奉朝分省人物考卷九十六 三五 山東三 于四

王嘉祥

王嘉祥字兆興華縣人早孤稍長遇父諱日雪涕不食事伯父如父登嘉靖壬戌進士授臨晉知縣復除陳雷但飯蔬藿羹自給兩邑士民頌其廉平陞工部主事員外郎中督理營繕程工掄材中官不得乾沒縣官錢物以使事過里卒嘉祥天性謹愿所至事辦

善事母蚤莫問衣煖寒疾痛疔癢而抑搔之門無雜賓讌會不下夜人問之曰吾謹奉慈訓不敢妄交游貪杯勺傷母之志母卒哀毀瀕死三年不酒肉每哭隣里感動人稱至孝

栗祁

栗祁字子登夏津人生三歲而孤稍長為名士嘉靖辛酉舉于鄉壬戌第進士授徽州府推官徽俗故黠好氣小不相下或聚徒格鬪或殺傷人投諸水火詰吏訟常十餘年不決祁謂此難以法治嘗為好語之復譬之民反輸心有所感動乙丑擢南戶部主事推奉朝分省人物考卷九十六 三六 山東三 于四

梁承學

梁承學字師顏聊城人生六歲而孤家貧從母王宜人居攻苦誦習髫年學成十八舉省試隆慶戊辰成

進士有同姓中官用事請序族曰吾不知系所從出  
謝弗與通除陝西延安府推官讞獄平恕一日閱獄  
中囚有八歲兒投石戲誤中死七歲兒吏增見年論  
死承學廉其狀立貫之有府卒出覓金錢照磨管卒  
後病死吏當故勘平人律承學曰卒爲奸利非平人  
照磨管之固當奈何中法亦減死論滿考以柄銓者  
有嫌僅擢南京工部主事改戶部時九江權稅序當  
遣承學往郎中有所善者奪之同曹咸不平承學曰  
使職等耳何必九江後所遣者竟以墨敗進員外郎  
中改雲南司專主漕政尚書欲扣漕費奏爲羨餘進  
奉朝分省人物考卷九十六 三七 山東三

孫維城

孫維城號衛宇丘縣人隆慶庚午舉于鄉明年成進  
士授濬縣知縣旋以內艱服除補太康邑俗健訟乃  
預爲籍記皆知其蹤迹主名有奸輒發黜風遂止尋  
又以外艱服除補任丘任丘當道多中貴士族城持  
法堅信壬午召授南御史先是江陵奪情寧國諸生  
吳仕期將上書譙之未發而郡丞宗武白操江都御  
史檟檟者江陵私人馳告桎而斃諸獄生婦爲冤書  
走都市哭城至首疏劾都御史及丞下吏謫戍天下  
快之趙公志臯等以忤江陵中考功法城疏陳謂三  
臣無罪 上用其言立召三公復位其后皆至卿相  
奉朝分省人物考卷九十六 三十八 山東三

孫維城

關乞款議者不敢任城疏謂不可以小費淪約示不信于外夷 朝廷從之而業以積勞成疾卒于軍郎中秦兵道劉入哭檢索中餘秩金一錠將吏無不流涕鎮人為罷市馬城去永平時僚吏以府藏羨金致之境上笑謝弗納其去上谷口北亦然座師江陵柄政三為邑令不通一牘塞上十年于中朝要貴亦終無所請問然其議論常依大體聞有自恃操節而繩人以為名者亦不取也

孟秋

孟秋字子成在平人早歲從外傳受毛詩至鄭衛輒棄去更治尚書已聞張弘山先生講陽明之學執弟子禮受業下帷發憤慨慕前修家貧甚嘗撤屋瓦鬻之以供膏薪提學鄒公善講道濟上召與語大悅曰

本朝分省人物考卷九十六

三十九

陳元

功利之俗孰能不波不意乃有孟生登隆慶辛未進士知昌黎縣政尚清惠萬曆初遷大理評事尋轉職方司主事守山海關是時關政久弛江陵當國選于諸曹得秋至則嚴譏察裁供億竟為前官所忌中考功法調外陞刑部主事進尚寶司丞少卿卒秋雅志澹泊嚙嚙聖真貌癯然若不勝衣遇事神閒氣定萬夫莫能奪與人交樂引其所長而覆其短晚年徧證

四方同志問學洞徹其論中和已發未發犁然有當于中庸之旨鄒考功元標張論德元怵讀而善之曰此孔門嫡派臺省交章請易名格于例未果所著有二明一脉經翼行于世

陳節亨

陳節亨字子安東昌衛人萬曆丙子舉于鄉悛悛如處女善事母試春官畢輒策蹇蹙躓冒風雨歸趨侍晨昏無故不去左右家貧不通謁有司一日監司行部召諸孝廉請為治偕計裝節亨謝病不往聊城縣罪人應傅城且書縣令語曰但得陳孝廉一字吾立釋汝其人泣請三日竟閉門弗應所居破屋頽垣日近午不舉炊隱几讀書自若居母喪月餘以毀卒郡守署其門曰獨行振俗

傅光宅

傅光宅字伯俊號金沙聊城人母一夕夢瑞光滿室寤而生曰此子必耀吾宗遂以光宅命名四歲誦詩十六經術通明隆慶庚午舉省試萬曆丁丑進士授靈寶知縣外艱闋改令吳縣拜監察御史按行二關薦故帥戚繼光眾論大快廟堂弗是也詔讓光宅因請告已還臺按浙會申救寧晉王御史劾太宰改按

陝光宅疏語侵御史大夫有阿大夫旨者下令大索  
 山人得光宅舍客戍之坐註改行人司正遷南兵部  
 郎中內艱服除補工部郎中內工河漕歲費不貲籌  
 畫財省為多會稅璫馬堂橫權臨清其徒鬪殺市人  
 市人因焚其署光宅曰此璫所自致發難不在民也  
 疏白堂激變狀請誅其記史鄭惟明附璫者謬謂光  
 宅為侵官側目視之矣己亥播酋作亂詔發兵誅吏  
 部薦光宅為郡曰當賢于十萬師至則治粟轉輸民  
 皆安堵師無後爨制府李長垣謀畫多所贊決寇平  
 請釋脇從全活萬計辛丑考察以能奏調成都時播  
 本朝分省人物考 卷九十六 山東 張子五

郡新置借鎮重臣乃進副使分巡遵義所部皆兵後  
 多暴骨祭而瘞之遺俘畏誅小反督兵擊定以望改  
 督學政甄拔名流甲辰大計前側目者乘間中之曰  
 無傷也吾已日夜治裝歸矣抵舍而病以其年終于  
 正寢生平慕義好施嘗置腴田五百以奉兩庠膏楮  
 內外戚屬待之舉火者數十所著有異曲吳門燕市  
 蠶叢諸草夙慕方外之遊內典玄宗無不深詣

本朝分省人物考卷之九十六終

人物考目錄卷之九十七

青州府

王讓	杜澤
崔廸	楊辛
王璉	焦瑾
劉福	李柰
馬愉	劉珩
張翰	劉或
石瑛	陳達
李旻	趙鑑
陳清	王琳
韓珩	高昱
公勉仁	石存禮
蔣賜	馮裕
黃卿	陳經
楊應奎	李舜臣
朱潤	宋延年
冷起元	程紳
石茂華	馬文燁
馮惟訥	張時

本朝分省人物考 卷九十七目錄



曹凱

孫鏗

王基

朱伯華

公家臣

朱鴻謨

補遺

武衡

陳松

韓必顯

馮琦

本朝分省人物考 卷九十七目錄

十一

本朝京省人物考卷之九十七

山東青州府

王讓

王讓字宗禮山東青州府益都人幼勤敏端恪讀書日積寸馳聲庠序間事親有孝行嘗廬墓致涌泉之應洪武末由鄉薦授國子學錄施教以孝為先文藝書翰皆在所略諸生有以罹艱告者讓一聞涕淚輒下以故多所感化永樂十年八月癸酉 文皇帝特簡侍 皇太孫讀書大司成胡儼薦讓孝行 上謂侍臣曰孝者有行之原朕聞讓孝於其親故擢用之

本朝分省人物考 卷九十七

十一

山東

讓在講筵首陳堯舜之道惟在孝弟人主躬行孝弟則天下感化不勞而治每談經必端疑拱立敷宣明暢 皇太孫敬而愛之時同事之臣陳山張瑛以順旨被寵戴綸林長懋則強諫不少詭隨惟讓謙卑自牧簡默寡言每進規諷亦委曲切中事情 皇太孫欽容聽之益加禮重及扈從北行常被 召見厚加賜予十八年九月廿泉縣學教諭張昱東阿縣學韓岫永年縣學教諭劉順皆被 簡擢為國子博士侍皇太孫讀書讓雖先進以官序折節下之意每恬如也二十二年始陞北監助教洪熙初 皇太子正位

東官讓進左春坊庶子未幾宣德改元以輔導功首  
陸讓為吏部右侍郎山瑛及綸等皆居其次時讓同  
官黃宗載負才學尚氣槩讓每退遜宗載遂和衷交  
好日密居部二年因浙江秋租負欠積多命督理未  
幾卒於官時七十四讓言若不出諸口而禊身素履  
人所不及游歷榮顯恭儉若布衣時為上簡注未嘗  
矜耀忠亮清介始終如一士林重之

杜澤

杜澤青州沂水縣人洪武中以文學授沂水縣學訓  
導二十年侍臣薦其經明行修陞司經局試較書二  
本朝分省人物考卷九十七

卷九十七

二

山東四

十五年進詹事府丞澤朴實持重言動不踰禮上  
嘉之二十九年正月特陞吏部尚書首定朝覲之制  
以辰戌丑未年為期往年一歲一朝之制俱革上  
令魏國公徐輝祖及禮部翰林院官詣國子監考試  
師生甄別高下令澤以次錄用又奏定在京官員府  
州縣首鎮官員考覈等第及撥歷司吏俱從各衙門  
大小均分除授品職澤掌銓慎守不欺高祖信任  
後以年老致仕

崔廸

崔廸字惟吉益都人家世業儒通貫經史長于理學

至正末高皇帝嘗幸其家廸敬事焉洪武初召授  
青州府儒學訓導轉益都教諭擢左春坊左贊善謝  
病歸乞以教諭終其身賜之誥命白金文綺龍頭拄  
杖一品服色以寵異之

楊辛

楊辛高苑人洪武中以歲貢知臨淄縣事適漳水泛  
溢城郭淤陷民被其害辛為巨筏數百民渡於高阜  
全活甚眾水患既息民相率詣縣拜曰吾民得活者  
公之力也辛曰禦民之患吾分內事何以謝為後徙  
縣治建學校皆其規畫民利而思之

王璉

王璉字器之莒州日照人學通經史長於春秋初任  
教授謫遠方洪武末以賢能薦授寧波知府清儉律  
已平易近民杜私謁革吏弊每夜四鼓升堂秉燭讀  
書聲聞於外或即詣學課諸生諸生必三鼓赴學無  
間泮池舊惟一石梁乃捐俸增建左右二梁以崇偉  
觀遇驟雨必躬詣學巡倉視其漏濕輒用厝灰識而  
葺之毀諸淫祠或以殃譴為戒璉日如其有靈宜降  
割我躬不他槩也政教兼舉德化大行五邑變俗自  
奉儉約一日饌用魚肉璉大怒謂內子曰汝尚不識

本朝分省人物考卷九十七

主

山東四

吾意更不憶食草根時邪命左右撤而痊之人稱埋  
羨太守時武職橫暴璉痛抑之洪武壬午靖難兵起  
璉造船欲航海勤王軍衛以怨故縛請罪賴宥釋  
還鄉璉之去任也行李蕭然父老追贖堅卻不受寧  
民至今稱之

焦 璉

焦璉諸城人父汝霖永樂初被薦留京思念二親快  
快成疾璉方弱冠在側卽慨然陳情乞身代留上矜  
其孝行賜免明年授璉濬縣稅課大使通商利民署  
縣事尤得民心秩滿保陞知縣事後改贊皇濬與贊  
皇之民交章爭留上方以黃巖難治得璉甚喜特進  
六品俸知黃巖務以德禮化人刑奸禦暴境內翕然  
有麥秀兩岐字生三男之異後致仕民爲肖像祀之

劉 福

劉福字慶之益都人宣德間進士授戶科給事中正  
統間上章言 英廟駕迴當復位不合時論外補陝  
西叅議陞山西叅政以疾致仕持正守介歷任三十  
餘年家無遺貨人咸重之

李 柰

李柰字時珍蒙陰人永樂庚子鄉薦第二宣德下未

進士除行人擬南道監察御史柰持風裁糾舉不避  
權要尤貪惡暴有王御史納賄柰按之或曰同僚盍  
少假柰曰御史爲朝廷執法不敢以親廢况同僚耶  
工部王員外贖貨爲人所訐卒按如法刑部徐郎中  
素刻深有法不當死者竟杖殺其母子一人徐與柰  
有舊冀得寬假卒以酷刑坐罷人號爲鉄板李御史  
蘇豪民擊人碎其首而死柰鞠之獄具豪以尸無傷  
弗承柰厲聲曰汝殺人陰易其骨將誰欺耶豪色動  
一訊而伏蓋賂守尸者以他骨易之也衆驚爲神囚  
婦王季奴隨夫罰役北京夫道亾季奴携幼子還巡

本朝分省人物考 卷九十七

五

山東四

司謂其殺夫也季奴不勝拷掠遂誣服械送法司將  
棄市柰監刑閱其案不見夫體所在且察其容色甚  
戚問曰得無冤乎季奴泣曰冤分一死耳若求平反  
必更加拷掠又不知幾死也柰疑之不忍行刑同事  
曰法司已有成案柰曰死者不可復生柰何局于成  
案而輕殺人後于他所獲其夫季奴得不死時張都  
憲凡滯獄弗決者必以屬柰吏見有柰署字不更視  
曰李御史所錄必無冤也丁卯補陝西叅議明年督  
理河西邊儲及代會邊報急代者逗遛不敢進或勸  
趣車過河避柰曰吾荷國恩叨寄一方今有警宜以

死報柰何去之竟候代者至乃還陝西虜勢猖獗命臣防守衆憚行柰獨請往曰主憂臣辱今國家多難正臣子盡節之日可避勞耶偏頭關戍卒乏食衆恐虜騎突入亦規避柰復請往修繕防守一方以安慶陽民苦饑有司不敢發柰曰民以食爲天爲民父母恐坐視其死耶卽令發賑之民有逋賦積歲不完有司嚴刑督之柰曰民困故不能輸耳柰何以刑解其縛從容諭之同官曰彼頑民督促之且不肯輸顧寬假之彼肯輸耶民感極轉相語曰此吾父母也可不勉而使之貽譏誚乎爭假貸以輸卒無負者由是西人號爲李佛叅政孫毓田戲曰君爲御史人號鉄板今爲叅議又號李佛何前剛而后柔乎柰曰御史尚彈壓叅議貴撫循官固不同政亦有異可一槩施耶景泰壬申才逾六十上疏乞歸家居十年易簪之際神氣不亂生平孝友賙卹鄉人嚴剛負京租整所有代輸之嚴貧不能償止一女欲歸爲侍婢卻不納出券焚之其女後嫁良家子柰沒女哭盡哀如喪父母鄉有鉅豪少以不義致富晚年愛禮賢士慕柰柰辭不往或隘之柰曰君子不飲盜泉之水况不義之人何可往其物何可受耶嘗使藩邸外國賜遺一無所

本朝分省人物考

卷九十七

六

山東四

受道經順德里人時爲郡守見所持囊中意必遠方珍物探視之乃黃連數裏蓋數苦目疾爲之備也致仕歸所積不足克道里費身後惟遺書數千卷而已

馬愉

馬愉字性和山東臨朐縣人宣德丁未進士第一擢翰林修撰上嗣位初愉侍經筵尋陞侍讀宣宗實錄成陞侍讀學士正統五年奉詔入閣預典機務十年陞禮部右侍郎兼侍講學士晨起趨朝得疾什不能語上命醫往視越四日卒年五十二上深嗟悼賜棺槨賻鈔萬緡命有司歸喪營塋贈禮部尚書兼翰林學士舊例無贈兩官者贈兩官自愉始愉端重簡默不設誠府兩考會試盡心擇才爲文章不務雕斷論事不苟爲異同自處澹如門無私謁人稱篤厚長者云

本朝分省人物考

卷九十七

七

山東四

劉珣

劉珣字叔溫山東壽光縣人而穎悟氣識豪邁八歲能文章書過目輒成誦有老人相曰是兒面有文類丞字後必爲相初赴鄉試道經臨清值河溢僕馬俱溺珣獨水行半里餘神色自若咸異之舉正統十三年進士改翰林院庶吉士授編修景泰七年修纂

宇通志成陞修撰天順元年陞春坊右中允進講東宮凡義理精微問問疾苦與前代治亂之由皆懇懇言之無少諱八年 憲宗登極以官僚舊臣陞太常寺少卿兼侍讀成化三年修 英廟實錄成陞太常卿仍兼侍讀明年陞兼侍讀學士八年丁母憂歸廬墓側鄉人化之號其里曰仁孝服闋復任十年陞吏部左侍郎仍直經筵日講珣每進講直言正論動數千言而聲吐洪亮音節頓挫聞者敬悚 憲宗愛而重之大學士劉定之稱為講官第一在吏部不徇私請亦不為苛細矯激之行十一年陞兼翰林學士

本朝分省人物考 卷九十七 山東四

人內閣凡軍國重事直前果斷略無 忌天下陰被其惠至於大制作多出其手十二年陞戶部尚書兼職如故十四年加太子少保兼文淵閣大學士十八年修文華大訓成加太子太保進階光祿大夫柱國二十一年奸人李孜省輩左道亂政欲搖國本珣毅然抗言無少避邪謀遂阻然竟不能安于位或構為飛語假優語以中傷之賴 憲宗之明寵眷不替是年以親老乞歸賜賚甚厚家居十餘年事父愉婉悠然自樂父歿哀毀致疾遂卒年六十五訃聞輟朝一日遣官祭葬如例謚文和嘉靖間賜其里曰昭賢命

有司春秋致祭珣丰姿秀偉望之如神仙剛直英邁之氣久而彌甚蓋其質之所稟者純學之所養者正故居家為孝子立朝為忠臣一時宰輔少見其儷文章理完而氣充每下筆滾滾千餘言不竭尤工行草善吟咏有文集藏于家孫澄甫登弘治進士歷官監察御史

**張翰**

張翰安丘人孝友侃直潛心力學正統間由進士授廣東監察御史時毛中貴等怙寵恣橫人多側目翰在御前奏數其過因與給事中曹凱共擊殺之 英

本朝分省人物考 卷九十七 山東四

皇廟罪且干柱上御書敢言御史張翰權貴咸忌嫉之陞江西左叅議愧直道不行輒疏乞致仕家居授徒講學室無環堵巡撫龔給官地裨築室以居貧約恬靜至今鄉曲誦之

**劉彧**

劉彧字著章益都人正統己未進士授工部主事歷郎中陞彰德知府持身正大約已愛民鄙人至今思之居鄉恂恂不見喜愠之色學問醇實不尚浮華人以君子稱之

**石瑛**

石瑛字文玉益都人由歲貢任澤州吏目朴直剛嚴不詭隨於俗家世豐裕性好施遇歉作糜以贍邑里全活甚衆後值瘟疫死者藁葬不給拾棺三百餘以瘞老而無子者捐貲納室賴有後者十餘家造皮履以施負薪作木桶以惠餅汲少年不作家產者則擊以杖間里恒愛慕而嚴憚之其子銘孫存仁存禮曾孫麒麟鳳瑤鯨玄孫茂華繼節繼芳皆通顯人以爲積德之慶云

陳達

陳達字兼善日照人天順中進士授主事出知懷慶府境有巨盜達單騎往諭隨散有故人密以金託者其人死召還其子鄉人以爲難及

李旻

李旻字同仁益都人天資聰敏英拔下筆輒數千言尤精書法行草成化甲戌領鄉薦授同州守改潞州決獄明敏廉潔自持黜貪吏革夙弊甚多疾篤乞休進階四品服色瀕行藩王世子遣人持重賂來餽謝日數年保婚常例不啻萬金是皆不受斯何爲哉聞者歎服

趙鑑

趙鑑字克正山東壽光縣人成化丁未進士授知蕭山縣在縣廉愛有惠政去後民思祠之擢監察御史歷視馬政鹽法奉命按宣大時虜酋火篩犯境朝命平江伯陳銳等帥兵討之師久不進上疏刻之又陳方略甚悉於是兵將奮勇連戰皆捷虜爲遜去爲御史久數推京寺要職值與逆瑾忤出知安慶旋改順德瑾誅擢浙江叅政陝西右布政使正德八年進右副都御史巡撫甘肅歲大侵上疏請出內帑賑之及貸富商貨緡易粟隨所在給以糜粥全活甚衆又令官給牛種勸之使耕次年遂大穰又浚渠招屯

本朝分省人物考 卷九十七

十一

山東四

募民益兵邊務大修又論吐蕃復哈密奪地置書嘉勞十年改視南京院事復命十一年命清理閩浙鹽法入視院事轉大理寺卿鑑於法比素精覈而宅心平恕歷南京刑部尚書嘉靖二年改北刑部尚書命芟治諸巨奸種種按伏咸得其情逆濠之變宗室坐繫者衆上疏止坐元惡請釋其株連者獲全二百餘人一日待漏直廡朝士有託以私者叱之曰此豈汝等請托地耶聲色俱厲聞者壯之嘉靖五年致仕特賜馳驛令有司給米四石歲夫六名及陸辭上特製詩一首書於龍箋以寵其行舉朝臣工咸嘆有此

奇遇卒贈太子太保諡康敏性好士樂善雖面折不  
能容人之過而宿怒弗藏故人弗怨之臨事決議能  
以二三語折衷靡不服學士石熊峰稱之曰清梗忠  
實時以為實紀云

陳清

陳清字廉夫益都人弘治間進士授戶部主事歷員  
外郎中擢山西左叅政鄖陽都御史戶部侍郎陳言  
三十四事清理馬房冗費一十八萬以工部尚書致  
仕孫策以蔭當補官時家宰清同年友也親友請為  
策致書公正色拒之剛介如此

本朝分省人物卷九十七

十一

山東四張奇

王琳

王琳安丘人少孤事母甚謹及長雅負奇氣弘治間  
領鄉貢授武昌令政多惠愛民立祠祀之徒聞喜擢  
監察御史風裁凜然所過豪猾斂戢 武廟嘗賜銀  
牌粟帛獎之後轉山西僉事以大同叛軍憤微而卒

韓翊

韓翊博興人由鄉薦令太康政多懋異蝗不入境民  
為之誣曰欲要蝗不墮須是韓公過欲要蝗不災須  
是韓公來居官清慎常祿之外一無濡染貧約終其  
身

高昱

高昱字孟昌青州左衛人家世襲武昱以儒顯幼事  
親承順顏色出入必告良辰佳節奉親嬉游以取適  
家徒四壁怡然自樂弘治甲子領鄉薦郡守宋公鑑  
見居室敝陋欲為葺理昱力辭曰不敢以此病鄉人  
嘉靖甲申選兵部司務歷武選員外車駕郎中居官  
清約不可干以私卒之日大司馬張公率僚佐臨喪  
悼之各捐俸具棺襯歸葬家益窘幾不能存叅政楊  
公維聰置田以育遺孤其生平狷介不苟槩可見云

公勉仁

本朝分省人物卷九十七

十一

山東四張奇

公勉仁蒙陰人弘治間進士授行人陞江西道監察  
御史太僕寺少卿正德初忤宦官劉瑾左遷四川叅  
議勦蜀寇有功累陞都御史巡撫大同值北虜寇邊  
公率衆力戰復振奇勲尋丁內艱家居 武廟降勅  
崇禮獎勞服闋起巡撫治鄖陽卒于官

石存禮

石存禮字敬夫益都人年十九登弘治庚戌進士授  
行人陞南京戶部員外郎郎中出知紹興在郡凡四  
年剔剔民隱吏弊殆盡居無凡何忤當道尋罷年尚  
未強也存禮質淳厚沉靜而剛方不詭所至以嚴見

憚人多忌之家居三十餘年惟課子耕讀為務非公  
事未嘗一接顯貴性不樂置生產每念以清白遺子  
孫斤斤然有古人之風人呼為萬石君家云

### 蔣賜

蔣賜字文輝樂安人正德間進士知沐陽縣撫流移  
勸耕種興學校飭兵防為舜澤蘇祐所稱服已而擢  
江西道御史糾彈無避督賊河東再巡畿輔咸以歲  
佞為民請賑貼危者諸方賴以全活平河青羊山寇  
擒畿內妖術以千數時論偉之後為權貴人中傷謫  
守吉州創石城以衛民今祀名宦肖像學宮陞僉事

本朝分省人物考 卷九十七

十四

山東四

轉貴州兵備安置土官仇殺者貴州至今寧謐尋致  
仕以壽終所著有歸藏漫藁兩巡奏議

### 馮裕

馮裕字伯順臨朐人以先世戍遼東生于廣寧少孤  
貧刻苦讀書聞義州賀醫間先生倡明理學往師事  
之輒克然有得歸而事身心之學動靜語默雖細必  
謹身無積書借覽以資見聞精心經學雖箋注隻字  
必窮研洞豁然後以正德初舉進士授華亭令清慎  
正直名動一時時瑾豎煽禍邑人張文冕任近侍為  
瑾腹心以家託之裕至邑一無所私庇冕怒懇于瑾

將逮繫之裕知禍在旦夕畧不為動已而逆黨伏誅  
歷蕭縣令知晉州所至多惠政民懷去後之思遷戶  
部郎出納一任法制數忤權貴權貴密遣人偵伺關  
失踰歲無所得乃益重之歎服再拜而去出守貴州  
遷按察司副使後先七年屢建平蠻功有百餘年仇  
殺者先是廷議數遣重臣按治不服給單車往諭之  
一言而解酋長感泣夷兵悉散去南裔賴之安後解  
官歸青州不治生產儆居十餘年力不能酬其直囊  
無遺錙銖無儲粟弗問也性重厚剛介人不敢干以  
私晚年端坐陋室手不釋卷與諸同志結社賦咏不  
忘忠愛之念切憫之學嘗為醫間先生集序疾亟猶  
更定字義命筆皆正俄而正冠斂衽而卒歷官所至  
著冰蘖聲既歸出尤凜凜自守非義一毫不染子四  
維健惟重惟敏惟訥俱登第人以爲清節之報云孫  
琦吏尚書

### 黃卿

黃卿字時庸益都人正德間進士歷知武進涉縣遷  
守應州所至皆以能稱陞南京刑部郎時有宸濠之  
變參贊大司馬喬宇籌畫賊賴以平擢守太原修廢  
決滯五閱月而郡大理汾河決城將墊具詞祭告水

本朝分省人物考 卷九十七

十五

山東四



徙三里民神之陞浙江右布政忤時宰調陝西再遷江西尋陞左布政卿為正里賦寬息耗吏不能欺民感其惠嘉靖庚子歲饑發帑賑之全活萬眾是歲十月入覲中道卒平生嗜學老而彌篤雖隆冬盛暑不廢覽閱有海岱會稿編茗集編茗詩話閒抄漫紀擬珠集藏于家

陳經

陳經字伯常益都人正德間進士授兵科給事中諫直敢言武皇末劾奏寧彬餘黨辭涉當路覽疏顧左右曰此再給事中也經多髯故云世廟登極

奉朝分省人物卷九十七

山東四

擢通政司叅議歷通政使遷戶部尚書總理太倉清謹獨持久之改禮部尚書尋轉兵部加太子少保時西北警檄日至經殫心籌畫至忘寢食條上防禦事上皆允行邊臣建議復河套經力陳其不可忤宰執意因乞骸骨詔許馳驛致仕後起復為戶部命下數日而以訃聞上為之輟朝諭葬祭如例經性方介立朝垂三十年門鮮干謁卒之日囊無私遺有古人之風

楊應奎

楊應奎字文煥益都人天性孝友厚重朗豁正德間

進士授仁和尹徵拜兵部主事轉禮部員外迎世宗于湯陰進儀註賜御膳擢守臨洮刻祖訓以勵俗甘肅驛站久疲奎極力調處民皆復業引洮水灌田萬頃民利之有去思碑及調南陽值歲荒設法賑濟全活數萬人又正陂堰以灌民田郡民感德為立生祠祀之而兩郡乘悉奎編纂平生博覽羣籍精工右軍書法其高致雅操每以希文自期罷歸居鄉日與縉紳結洋溪吟社容與林泉有吟稿并澠谷文集藏于家

李舜臣

李舜臣字懋欽山東樂安人也生而清穎警敏日記千言為文雄厚不露鋒鏑已卯舉鄉試嘉靖癸未會試石熊峰得其文驚異遂置第一今錄刻其策論不臠一字廷試三甲第一授戶部主事調司勳陞司封員外調考功權貴忌之復調戶部郎中時王慎中主選得陞江西提學僉事考閱精審人才輩出陞南國司業與倫以訓鄒守益後先同僚雅相友善轉尚書卿日惟閉門讀書考究六藝陞應天丞均賦愛人與有惠政召還為太僕卿以廟災自陳致仕益時諒思之也屢薦未起竟卒舜臣居官居鄉詳慎嚴密

山東四

嫉惡好善自奉儉約詩文各有古意晚年尤工所著有戶部符臺諸集

朱潤

朱潤字伯雨益都人登嘉靖丙戌進士除知巢縣有聲歷官南京戶科給事中彈劾不避權貴仕至松江府知府左遷寧波府同知卒于官性簡靖不阿自家居逮宦適人不見有喜怒之色沉毅多雅量善舉業文學所著毛詩四書通解凡若干卷足為後進法程卒年四十有六人悼惜之

朱延年

朱延年字仁夫益都人幼奇穎從父宦遊讀書易水之上弱冠歸青州文名驟起以毛詩遊鄉校繼從安丘黃禎受春秋嘉靖丁酉魁東省善古文辭出入秦漢行誼高潔動以古道自持見重鄉評謁銓天曹當領劇職辭不就選魏縣教諭文章德望師範一方遷禮部司務留都縉紳傾心推服乙丑考績過青州展謁卒於家門人哀刻一川遺稿以傳

冷起元

冷起元字繼貞益都人嘉靖辛丑進士授內黃令簡靜嚴毅民不敢欺期年報政上官當道者罪之日非

百里才也時一按部者息其才值移檄後他部啣之日吾終不令每軋已使我氣噎也竟為飛語中傷之稍遷太僕寺丞墨墨不得志數月以病免家居十餘年杜門謝客口不談世務非公事司府不一謁也性恬澹不喜紛華衣冠服用無異寒素鄉人重之生平寡飲惟病寒乃飲少酒壬戌冬適公譙舉醕一再行忽感痰火疾辭客歸家移晷而卒卒之日纔年四十三云

程紳

程紳字伯書樂安人登戊戌進士授長治令擢刑部主事考績陞陝西兵備僉事再補河南所至以平反廉能著聲稍遷山西參議秋防邊境賴以無虞已而晉副使備紫荊關戎務竟以積勞致疾年五十二卒歷官居鄉從未以才智軋人今祀鄉賢

石茂華

石茂華字君采號毅菴青州益都人垂髫補博士弟子嘉靖癸卯舉省試明年第進士授濬縣知縣年方弱冠宰三輔大邑不事鉤攝而能得情實他邑有訟不決下濬治莫不稱平入為戶部主事監督草場時大將軍驚用事奴客請芻蕘不奉約茂華輒以法從

事驚頗銜之謂茂華書生畏事欲帽以軍興必輜重  
先行無後爨茂華笑曰老兵虛喝耳趣召軍吏嚴裝  
敬謝將軍即出塞矣驚氣大沮終不敢出亦卒無柰  
茂華兵罷擢揚州知府會倭寇踰淮江北騷動練簡  
土兵城守甚設幸臣趙奉命視師部使將吏爭餽遺  
恐後趙謂揚天下膏腴地便宜發兵命守親出欲以  
取賄茂華曰守臣職在城郭法不出境趙亦沮其後  
倭寇再至皆敗走之上首虜數百級加秩一階遷山  
西副使丁艱服除河南副使擢陝西叅政進廉使丙  
寅拜右僉都御史巡撫甘肅轅門卒嘗以餉不時給

本朝分省人物考 卷九十七

二十

山東四

羣謀下車立殲其魁數人一軍懾服其後虜嘗一入  
發兵敗之上首虜數百級丁大母艱去位虜陷汾石  
朝廷求才臣往撫屬茂華虜入塞謀襲老營堡堡之  
賊卒私虜命副將郭琥以兵先入縛卒明日虜來城  
得以完虜退入為兵部侍郎癸酉進右都御史兼兵  
部左侍郎總督陝西三邊軍務套酋要市諭以期約  
不使越額首稽顙受約束羌夷作梗盜吏民馬牛道  
塞不通焚其部殲焉其旁七十一族皆請命為外臣  
表 詔賜晉兵部尚書開府如故無何以故官掌南  
京都察院謂太夫人老矣疆場稍寧敢以私請致仕

歸數年陝西督府闕朝議可任無踰茂華復起鎮焉  
時饑草載道至人相食日夜露禱為秦民請命果大  
雨蠲賦發倉全活者數千萬居秦六月竟以積勞嘔  
血卒于軍中將吏莫不流涕賜祭二壇贈太子少保  
謚恭襄

馬文煒

馬文煒字仲韶號定宇青州安丘縣人煒生而白衣  
重胞父惠異之語母曰兒有貴徵顧吾不久當舍兒  
去再越歲惠果逝母茹荼撫煒六歲過里塾聞伊吾  
聲請于祖就外傳稍長從季父受易嗜濂洛家言十

本朝分省人物考 卷九十七

二十一

山東四

七補諸生丁母艱嘉靖辛酉舉省試壬戌成進士除  
確山令折獄如神一日有捕盜卒磔死于塗卒母詣  
訟有主名煒笑曰去我為若跡之已從圍墻呼卒故  
所捕盜李其訊于庭戒門者勿辟人人爭前睨煒遠  
傳令闔扉盡訊諸闈入者中有三人賄李色動立叱  
縛之具服故李使殺卒者也其子甲與人共販夜行  
澤中殺而奪之錢詭言中盜煒察其色異下之獄使  
吏給其母妻甲事露已自實奈何可惡持所奪錢來  
毋連坐母妻驚懼探米罌中錢付吏甲遂伏辜諸所  
摘發多類此徵入為監察御史按醴兩淮上便宜六

事報可積羨十餘萬俱抵正額商困乃甦請建運司  
學文教以興請告起補廷評訊大辟政府有所欲出  
焯勃然曰是嘗希相嵩指殺忠臣鍊并二子罪死且  
不蓋何言出為政府不憚焯竟用是出守德安猾吏  
聞風重足立隨州守坐賕露按如法有要人為請弗  
聽俄要人拜楚中丞同官危之焯益發舒不少避中  
丞竟無以難楚恭王薨嗣子在抱攝者謀奪國與妃  
相訐奏諸司不能決檄焯入王宮問狀以片言折之  
羣小伏辜嗣子得有國為郡之明年城雲夢明年城  
孝感黎郡中要害朔小店新河二鎮募卒置埃刀斗  
本朝分省人物考 卷九十七 三十一 山東四

其罪下焯勘實竟伏法不少貸令裕民以均田窘其  
粹丞因集命縱掠焯從數騎馳諭立解散之梟其  
渠魁均其田民不敢譁革除死難諸賢練公安魯公  
鳳韶輩久已褒錄而親屬坐戍如故特疏請解釋還  
百餘人公論快焉然焯執繩頗嚴下不得逞乃嗾悍  
宗數十譟而呼癸庚焯乞自罷 上譴削悍宗任焯  
如故諸不逞益恨之往城孝感時嘗得古鼎一王元  
美作記以為此仲山甫鼎至是中者為飛語入疏謂  
焯以古鼎餉江陵不知鼎故在焯閣中未出也焯笑  
指曰嘻而鼎尹昔負而要君吾今復負而要相乎聞  
者絕倒有 旨聽改南京焯遂歸家居十八載對郡  
國守吏語不及私為鄉邑畫利病則纏纏不厭焯病  
非走羣望禱者千餘人沒無少長皆流涕以萬曆癸  
卯卒年七十有一子應龍從龍各以經冠東省壬辰  
同舉進士

馮惟訥  
馮惟訥字汝言別號少洲青州臨朐人嘉靖甲子領  
鄉薦登戊戌進士除宜興令邑多大猾有逋賦至數  
十年者訥至刺諸猾按籍而攝逋者賦大集以數萬  
計郡守大奇之謂令纔弱冠乃老吏不如嘗督諸生

就試江陰巡江某以間行縣陽怒不候已而陰有所  
 覬訥弗應愈怒撫他事中訥調魏令會烽火徹郊訥  
 城雙井鎮備之遷蒲守魏人擁車不得發為更定牧  
 馬法而去蒲劇多宗室一以容與治之晉丞維揚以  
 艱服除補松江遷南民部副郎壬子內艱復補北駕  
 部出為陝西僉事兼督學陞河南參議擢浙江學副  
 訥念兩浙海內嚆矢布教示先質後文之意十習翁  
 然歸正陞山西參政進廉使廩然無所受私三晉號  
 曰神君晉陝西右布政秦多豪強錮屯田利不得稽  
 訥以法按搜伏田得萬餘頃轉江西左布政江省歲  
 輸錢器吏緣為奸訥令出一錢諸盜才物者輕重  
 受刑遠近便之辛未入覲精覈下吏能否無所依違  
 部稱之曰諸方伯鑿然不存兩可者獨馮伯也訥名  
 益起咸以公輔期之而請老志堅疏上 天子特進  
 光祿寺卿予致仕歸而習靜遠囂為終老計而天不  
 憖遺不踰年逝矣訥性孝友歷官所至皆奉太夫人  
 以行倥傯夜歸必候戶外問寢食然後退奔喪徒跣  
 數千里柴毀逾禮兄弟五人四登科第自相師友友  
 愛備至教育諸孤無異所生太史宗伯琦者即仲孫  
 也訥仕宦三十年圖書詩卷外無長物督浙學時太

學士袁致書謝而不發幼服庭訓廉平為理在魏有  
 德政碑在蒲及隴右有去思碑在江右則士夫歎服  
 謂二百年所未見小民人人肖像祝之所著有風雅  
 廣逸楚辭旁註選詩約註漢魏六朝詩紀文獻通考  
 纂要唐音翼杜律刪註馮光祿詩集行世

張時

張時字本逸蒙陰縣人由鄉薦署教諭事諸生中貧  
 而有志者葺齋舍以居之時為督誨嘗以俸資給其  
 朝夕士益感勵奮學後多擢科第以去累擢刑科給  
 事中以侃直不避權貴出為順德守惠德善政不可  
 殫述九載稱天下廉平官第一陞山西參政順德民  
 伏闕奏留詔以參政銜復蒞府事廉明勤謹始終若  
 一卒于官祠祀名宦

曹凱

曹凱益都人由進士選授給事生平磊落多壯節  
 每誦昔日百鍊剛化作繞指柔之句則奮髯起曰天  
 下事鮮不壞於柔趨澆恣之流者挺挺直遂彈劾不  
 避權勢 英廟北征陳諫甚力且曰今日之勢與宋  
 澶淵異彼當事者多忠勇而士馬勁悍今中貴竊權  
 人心惕玩彼輩不獨以 陛下為孤注即徽欽懷愍

本朝分省人物考 卷九十七 二十五 山東四

本朝分省人物考 卷九十七 二十五 山東四

亦何暇恤乎聞者吐舌後果有土木之變凱慟哭竟日聲徹禁庭率同官執笏倖壞政者踴殺之

孫鏜

孫鏜莒州人嘗為掾曹負氣不羈習于騎射有四方志挾貨商吳越間嘉靖甲寅倭寇騷掠東南民罹荼毒松郡瀕海為甚當事者思廣召募鏜倡義來謁具道願戮力殲寇及輸貲助餉郡侯方公嘉其志見之子參政翁公大立試之藝超乘異倫所佩雙刀眾莫能舉運若飛翁公曰壯士親酌飲之遂以鏜往時官軍方陳而兵憲任公為賊所窘鏜望見疾呼馳冒賊

本朝分省人物考

卷九十七

二十七

山東四

圍脫任于難自使人還莒括其家遍募所結里中兒為已附郡人恃以無恐鏜氣亦倍有輕敵心無何賊党從郭西燒民廬舟渡泲許鏜奮袂起曰是可感而擒也突出賊后逆戰竟日矢盡絃絕后援不至還及石湖橋半渡遇有伏墮之鏜北人不習溺拍未抵岸而賊艘四集矛刺其腹遂死死之日年三十四后軍與其尸歸有司以禮收之道路歎歎多泣下者

王基

王基字啟亨號對滄青州人基篤志力學讀書數行下為文奇藻千言立就十五入郡庠嘉靖乙卯中鄉

試尚未冠也乙丑成進士授戶部主事督理通州馬房事多中貴阻撓督理不避勞怨差管太倉勾稽精密乾沒者不得逞歷員外郎中陞大同知府嘗有宗室大獄株連百人爰書至數萬言基晞審逮昏而罷奏成手中人皆不測以為神明陞山西副使備兵河東陞參政治蒲州一日河忽南溢且抵城聲如霆震城中驚號基設祭望水拜水旋止崩處見石堤橫巨建議接增之自城抵首陽之麓河自是不為患蒲故繁後婚喪富者踰制貧者效尤民間停喪不葬婚配失期者甚眾基嚴禁諭男長不婚喪三月不舉者治

本朝分省人物考

卷九十七

二十七

山東四

之風俗大變乙酉陞蘇州兵備進浙江布政尋晉右副都御史巡撫大同時虜入貢每要賞格外火前叛順親率師擒斬三百級既而虜又入犯遣兵擒斬二百餘級虜隨帖服嗣是諸將有掩撲要功者峻拒之日通侯可倖忍以枯骨易功乎基自為郎為守及藩臬開府俱任邊塞馳驅二十餘年積勞成疾疏請准回籍調理戊戌起南京刑部右侍郎攝兵工兩部甲辰陞南京戶部尚書總督糧儲兼右副都御史乙巳力請予告登舟行李蕭然圖書數篋而已丁未感風痰復以女孫節逝痛悼竟不起生平持身廉正人不

敢以私干撫大同日代王餉醞二巽詞日此醇耐幸  
自飲基弗知令吏受之將饗客使復來日曩酒非常  
酒也幸自酌勿飲人基乃知非酒嚴詞壁之一僧素  
相識兵部時僧投一書白米四百石怪問之乃爲衛  
官謀陞者大怒逐之去武進士高某十年不得調憐  
其才陞之高具百金爲謝嚴叱拒絕基自幼孤事母  
至孝鮮兄弟獨一姊嫁黃氏姊厚恤其家族人缺  
乏鬻田助其婚喪諸生李者賣屋數楹見其貧折券  
與焉卒于萬曆三十五年享壽七十朝廷遣官祭塋  
贈宮保

本朝分省人考 卷九十七 三十九

宋伯華

宋伯華字汝含益都人爲文有奇氣年二十未隸學  
宮督學吳公覽其文異之選人試遂舉高第時嘉靖  
戊午歲也後十年隆慶戊辰第進士授河隄  
大決漂沒民棲木不得食伯華流涕呼天平民何罪  
請以身當乃括鉞爲小舟就民計口舖之爲請  
于 上大發賑貸民忘其災召爲駕部主事歷員外  
郎中擢淮安知府治法持大體不苟細以慮囚不  
政府旨議歸久之起丞東鹿卽遷永平推官河南府  
同尋拜開封知府伯華益務簡靜或謂宜有科指立

聲跡笑謝日靖民之路不擾而已時已病力疾視事  
以萬曆乙酉卒于官舍郡吏民行哭悲吟如失慈母

公家臣

公家臣字共甫號東塘青州蒙陰人家臣聰悟絕人  
垂髫受書大父中憲公躋奎親督課之日誦數十萬  
言長從中憲公仕涉吳楚絕江漢而南至于百粵周  
覽山川聞見日廣歸補博士弟子雖儒宿咸謝不及  
也嘉靖辛酉舉省試第二隆慶辛未第進士選庶吉  
士萬曆癸酉授編修以母李孺人憂歸丙子服闋簡  
充會典纂修官丁丑分試南宮得僞爲多奏進 世

本朝分省人考 卷九十七 三十九 山東四

皇實錄以勞賜金綺無何居父文林公一載憂時中  
憲公在堂年九十高矣曾玄五世聚食以數百指家  
臣爲冢孫仰奉大父俯聯羣從一如文林公時未幾  
居中憲公憂服闋詣闕乃以辛巳大察調澤州判先  
是家臣與吳中二太史善及江陵奪情二太史上書  
江陵日公生得無有疏二太史輿出潞河家臣遣子  
鶴送焉偵者報狀以是相睚眦不能解且在禁近不  
事與貴疎于將迎遂有是調然而家臣不自失也至  
上黨日坐曹決事無少鞅鞅東帶謁大吏大吏咸不  
自安使門下謝罷居半歲遷廣平推官讞獄持大體

不小苛癸未大計部使刺察郡吏實狀家臣曰某尚不知其人何知長短竟不實狀御史按吏民多冤濫白御史罷之已而 詔書禁如家臣指乃服其識江陵敗人情洶洶不自安家臣奏記河中公曰今日之事去其太甚而已河中深許其言以為明達國體頃之擢南戶部主事家臣故少病然體頗豐益不耐勞暑以六月南行至滁陽道渴疽發背數日遂不起為人坦夷不設城府多情誼尤好延接寒士周其緩急天性孝友文林公晚病風痺在牀從一僕日侍左右寒暑不離仲弟家翰病與同卧起調湯藥數年沒則以子為之後子以繼又已諸子百家無不涉獵六書樂律天文醫卜之術皆鈎其要指而不以自名其詩文雋逸吐納羣言而不事模擬卒之日諸生請于部使俎豆學宮自上世代有簪紱及大父益顯文林公仕而家臣與仲父一揚相繼舉進士元子鶴登進士今官司成克 兩朝實錄總裁

朱鴻謨

朱鴻謨字文甫號鑑塘青州人祖父五世單傳祖樸隱憂之日禱于神夜夢星如月落前楹而鴻謨生方五歲母程夫人棄世哭之哀非凡兒比十五補郡庠

督學穎泉鄒公夜夢虎吐明珠光輝灼天開卷得鴻謨又姓朱大喜初名鴻基更姓鴻謨入衙齋朝夕討論學大進已巳遇超貢業心屬謨謨不至後問故曰謨終不以師愛奪先輩名隆慶庚午鄉試第二辛未成進士授吉安推官郡有要臣來干者出其書示人要臣惕然久之亦與諸吉人相念曰茲道義鄉也匪吉誰容吾慙者丁丑大計有同僚陰蓄謨當路不無少動吉孝廉百人咸聲言曰我公濂洛中人吉數百年僅僅見此此而可議吾輩願叩九關矣議止然僅授南道御史至方兩月會江陵不奔喪杖諸言者謨杜門不飲食淚簌簌下李夫人數使女奴輩晉食不御夫人泣曰親老家貧去牛衣幾何時而忘耶推案曰無多言死矣草疏語語血誠讀者一字一淚江陵欲逮之而中解以 嚴旨勒歸謨跨蹇驢出留都人指歎曰小民無福真御史去矣歸隱手書壁曰洋水樂饑讀天下書不談天下之事康莊擊壤生聖人世願為聖人之氓去七年 詔起故官旋丁父得正憂起補河南道巡按江西晉光祿少卿轉太僕少卿會議與重臣忤即拂衣歸尋以 詔起大理少卿晉僉都御史提督操江巡撫應天會倭告急當事者

本朝分省人物考 卷九七

三十一

山東四

王自



多屑越帑藏謨不肯妄支一錢曰吾安能以未至之  
倭憊久安之赤子久之倭不來吳亦不困遷刑部右  
侍郎為國守法法得公平戊戌病卒不能飲大司馬  
某公等醜金始得具棺謨為理六年衙舍雨注地不  
可足以蓋支雨以屐涉者三年不問李夫人布衣蓬  
首臧獲敝衣垢面如未嘗從宦遊者按江西歸薦者  
厚幣走謝謨不受書諸來役不得勞多典衣還者為  
學務勿欺自大庭以及屋漏無墮容與人處一定交  
終身不忌平居不談人短長聞人善喜動顏色見一  
才推轂不容口其大節如此

本朝分省人物考 卷九十七 三十三 山東四

補遺

武 衢

武衢字廷亨山東沂水縣人成化二十年進士由行  
人選廣東道御史巡按淮揚以建言降通海王簿陞  
杞縣知縣汾州知州卒

陳 松

陳松青州人進士官御史時分宜柄國同臺有非禮  
諂事者邀松偕竹松大詈遂拂衣起分宜聞而憾焉  
左遷秀水令刻意為民鋤強扶弱邑有柄臣子弟奴  
隸橫甚松裁抑不少貸遷平涼二守去

韓必顯

韓必顯字用晦山東安丘縣人隆慶二年進士由洛  
川知縣選山西道御史萬曆元年以劾兵部譚尚書  
降湖廣布政司照磨陞廬州府推官累陞僉都巡撫  
陝西

馮 琦

馮琦青州臨朐人生之夕祖母夢朱衣象笏者立于  
寢門之外曰余韓琦也今為而孫寤而琦生因以命  
名萬曆丙子年甫十八舉于鄉明年遂成進士選庶  
吉讀中秘書與選者琦年最少而天藻拔麗器宇端  
凝為館閣大臣所推重已卯授編修奉 冊使於藩

藩時父子履備兵其地事竣即衣賜服拜於其庭觀  
者擠肩而進曰天朝使臣乃吾郎君也莫不榮羨之  
丁亥陞侍講克經筵日講官 神廟靜攝講席久塵  
臣子無所關其忠因與講官余繼登以通鑑分類註  
解引古誼以傳時政凡治亂得失之故具陳其所以  
然庶幾託於三百篇之旨因以諷諫焉戊子主試湖  
廣已丑主武闈時倭賊之亂方作琦於策問中具言  
虜賊陰熾并滅賊退虜之方縷縷幾千言後事平以  
策中語覆之若持左券大都琦長于策略深諸故典

本朝分省人物考 卷九十七 三十三 山東四

至憂君愛國一念雖七箸不能忘片楮單言語及時  
政艱危未嘗不淫淫涕欲下也已陞禮部右侍郎聞  
父病篤緣經筵舊勞以乞恩封并乞回籍 上允之  
特 賜銀二十兩馳傳歸省歸甫八日而父病不能  
起矣每泣語人曰 聖恩浩大此八日之養勝于三  
公九鼎也服除爲纂脩國史總裁辛丑爲會試主考  
尋陞吏部尚書琦之爲吏部也一以獎廉抑競爲念  
每月首序次循資銓陞者粘列後堂之壁遇缺挨次  
以補吏胥毫不得恣其罔而請託者亦無所容其私  
凡言官抵觸 上怒特旨下吏部降調謫削無不殫  
力救援 上亦屢賜優容焉蓋琦以陸宣公之忠憤  
而託于子輿氏之婉諭所陳諫疏不激不隨深識大  
體故雖以言路金甬之際諫冊立諫豫教諫御朝講  
親郊廟請冠請婚沮三王並封之典不行皆 上所  
最不悅者而竟未一加譴責也歲壬寅而疾作請告  
至二十餘疏閣臣代爲請者亦四五上終不得 俞  
旨未幾卒于京一切祭葬卹賻皆加隆焉

本朝分省人物考

卷九十八

五十四

山東四

人物考卷之九十八目錄

山東登州府

高翼

王綱

孫遇

解延年

許銳

曲銳

于鳳階

叢蘭

于訓

王時中

何亮

陳鼎

任忠

張濬

浦鉞

張子立

本朝分省人物考 卷九十八

卜懷

孫鵬

徐應魁

陸僑

魯麟

補遺

孫祿

郭宗臯

萊州府

黃福

儀智

侯庸

鄧燧

隨贊

呂讓

辛曜

戴給



張信	薛祿
戴新	李綱
李公諒	滕宗智
樂瑄	韓福
譚溥	張斐
孫洪	馮緒
官廉	李介
咎誠	宋漢
侯尚文	劉紳
官賢	毛紀
本朝分省人物考 卷九十八目錄 二	
藍章	庄翼之
李昆	郭東山
鄧中和	高迪
藍田	王蓋
張鉞	李鳳
翟瓚	任萬里
范階	王漸
孫夢豸	張鯉
趙慎修	劉祐
盧宗哲	趙煥

毛聚	孫惟中
遼東附山東末	
陳壽	韓斌
賀欽	傅鑰
本朝分省人物考 卷九十八目錄 三	

本朝京省人物考卷之九十八

山東登州府萊州府

高翼

高翼棲霞人洪武中以才行卓異薦于朝累官至都察院左都御史才氣恢偉人敬畏之後佐師雲南有功累蒙白金文綺之賜

王綱

王綱字振紀黃縣人性朴雅家貧親老日耕夜誦未嘗廢學由歲貢中正統丙辰進士授戶部主事陞陝西按察司僉事奉勅總理屯田臨事敬慎務在公

本朝分省人物考卷九十八

山東五

道不苛於責人雖盛怒無惡言厲色士卒仰戴如父母嘗署督學校較閱精審生徒至今稱之在任七年累疏求退詔許進階副使及歸囊無贏餘惟詩書數卷人咸稱之曰清白吏年七十三歲卒于家

孫遇

孫遇字際時福山人正統丙辰登第以民部郎出守徽州為政以敦風化為本以節用愛人為先伸烈女兩世之冤決潭社五十年之獄祁門有虎患為文祭而遣之瑞麥生于野有一禾而四穗者以父憂去民詣闕保留乃奪情任職後又以母憂去民遮道環泣



至車不得行服闋復補徽州府增秩賜金居徽凡十八年民依之猶慈父焉尋遷江西右布政使會臨川王有罪安置西山遇奏其子女萬一失節柰國體何以五百緡嫁其女於民間後以河南布政使致仕獨居三十年家無長物子四曰珂景泰甲戌進士授監察御史陞大理寺丞曰珪成化戊戌進士授翰林院庶吉士後除禮科給事中日瓚舉鄉進士曰琰成化辛丑進士授中書舍人累官尚寶司少卿孫二曰榮曰樂同登第宦業纍纍人謂其積慶之長云

解延年

本朝分省人物考卷九十八

十一

山東五

解延年字世紀棲霞人賦性聰慧博貫羣籍正統己未登進士第授戶部主事轉員外郎尋知四川順慶府皆以廉慎服官後去任垂橐而歸郡民思之立廟于郡治堂後仍祀名宦所著有策學指歸物類集說叙古干文集解本草集略經穴圖解行于鄉

許銳

許銳登州衛人成化辛丑進士由行人授河南道監察御史有澄清天下之志孝宗初中侍梁芳陳喜韋興以先朝寵臣擅權鼓亂銳再劾罷之時臺閣條詔阻塞言路乃力陳其奸以修省事劾罷中官劉言

徐溥及按口北條陳處置邊務六事陳言時政十二事切當時宜俱得允行又言預備虜患以保重地莫善於用得其人莫不善於私隸其兵蓋劾鎮守等官之分管壞兵也深中弊政人嚴憚之按南畿屏奸旌直人服其公適星變陳修政弭災八事事辭剴切忤當道出僉山西按察事時兄鉞以國子生養母於家乃陳情終養待兄仕疏凡三上未允憂鬱成疾而卒

曲銳

曲銳字朝儀萊陽縣人成化辛丑進士任大理評事寺副為福建四川按察僉事松藩兵備副使改河南

本朝分省人物考

卷九十八

三

山東五

轉陝西按察使都察院右僉都御史巡撫寧夏進南京禮部侍郎改右副都御史仍巡撫寧夏銳既屢陞劉瑾怒其不謝矯令以舊任冠帶閒住瑾誅復其官階以疾卒銳有吏能所至獄無滯囚其在四川馬湖土官知府安鰲恣橫行部者多避之銳誘執置之法疏請改流官州人德之以父憂去服闋給事中劉蒞請令復任四川以為其才宜治蜀其後不污逆瑾蓋亦有自守云

于鳳喈

于鳳喈字世和萊陽人成化辛丑進士歷行人刑部

員外郎中弘治十二年陞浙江嘉興知府正德二年陞雲南左叅政以祖母張老得請終養五年入為太僕少卿六年陞南京太僕卿八年轉南京大理卿尋卒訃聞賜祭鳳喈勤敏有治才為嘉興守時值歲歉賑濟得宜多所全活惠政繫繫人咸戴誦之

叢蘭

叢蘭字廷秀文登縣人弘治庚戌進士除戶科給事中巡光祿寺見有司飾皇炫供器疏崇尚異教為

先朝遺弊當亟罷尋以外艱歸終喪復職巡房山諸草場范內庫出納多所釐正時災異疊見上言消變

本朝分省人物考

卷九十八

四

山東五

當從實行今日之務在借人才慎舉錯恤畿民撫邊戍警息玩杜貪殘元惡如中官汪直輩之陰圖復用奸貪如侍郎林鳳輩之未見罷黜左道如太常卿崔志端之紊亂舊章皆宜懲處以順上天邊惡之命尋陞兵科右給事中內降以署都指揮吳安為都督及邊將姚信以失機獲宥皆極論之大閱京營與司馬馬文升同心協議務祛宿蠹在科十餘年遇事必言言必盡奏劾中官何文鼎至於忤 旨下獄而侃侃大志未嘗挫焉陞通政使司右叅議會災異求言又偕同官疏時事列上明年轉左叅議適北邊有警經

略紫荆等關塞蹊隧可通胡騎者數百處復於浮圖峪夾岸創起敵樓增戍兵易將領諸所籌慮皆百年固守計邊人賴之以內艱歸終喪還朝陞右通政庚午之春逆瑾請遣官規畫邊務兼督糧儲清屯田抽選軍丁檄往延綏至則寧夏之變作矣延綏人竊議洵洵比入境鎮之以靜衆乃少安時方覈邊功賞不時下文武官以罰米賠糧繫獄久不克完其謫戍除名沒產者多出鍛鍊考察之令一歲至再三舉行邊民以催徵逋負逼迫外竄將家由武舉進者分隸各鎮類愁寂不能聊生偵事之卒紛紜四出所過莫不危懼蘭以爲此數事皆人心所甚不便宜速改而不容緩者疏至詔悉行之瑾銜甚弗已欲中以禍數月瑾誅陞通政司使未決旬陞戶部右侍郎兼左僉都御史奉 勅督寧夏等處糧儲值歲旱禱於羣望鞠寃繫釋之三邊皆雨先是開平鹽引利皆歸於權右至按奸剔蠹紀法肅然商通而事乃濟諸有補於邊儲者一一條上行之是年夏又奉 勅兼管固靜等處軍務聞山東河南郡盜倡獮念內地齊民猝遇兵變必不勝供億之苦亟疏於 朝請別處軍餉以紓民急會廷議亦念中都地重兵荒相仍亟召巡撫廬

本朝分省人物考 卷九十八

五

山東五

鳳滁和并以賑濟委之七年春至鳳陽賊已壓境督率吏士防遏緣河諸渡口警報至卽躬擐甲冒身先士卒奔走邀擊俘斬二千餘級溺而死者數萬撫釋脇從男婦幾六百人事聞 賜勅獎勵資以金帛秋九月師還老稚攀留滿車下還 朝論功陞俸一級廕一子爲太學生加賜金帛羊酒宴於禮部捌年又以虜警奉 勅巡撫西路諸關兼督宣大軍餉九年春陞右都御史總制宣大并山西偏頭寧武鴈門等關軍務至邊相地設險令內地居民各築堡入堡亦如塞下賊嘗一再深入蘭自駐陽和以當其衝分部諸將伏兵要害遣謀者往來傳報或荷或角賊乃遁我兵又據險邀之斬獲百有餘級虜酋傷右臂而馳捷聞 賜勅獎勵然坐與監軍不合其功竟爲所攘十年自軍中還 命總督漕運兼巡撫鳳陽諸郡蒐剔宿弊改立條約著漕運錄行於世權右以私貸訴償皆置不問因以蜚語中之遂罷管漕運專理巡撫值歲饑民多流亡上奏截漕粟數萬石益以倉儲賑之全活無算水漕主事王鑿以抗直忤中貴史宣逮繫詔獄上疏宣不法狀鑿當亟釋中官劉允以迎佛使烏思藏所過誅求百計勢張甚乃預檄有司毋循

本朝分省人物考 卷九十八

六

山東五

所欲疏斥佛老無益乞還允勿遣高墻庶人有逸而  
出者又乞併釋其無罪者以篤親親守備丘德以貪  
虐擾人特禁之德為少戢十四年逆濠變起率兵禦  
之江擒偽謀百數 武宗之南狩也屢賜顧問例有  
宴多侈費求媚者蘭惟金酒卮一事餘皆磁漆進獻  
物視他郡僅十之一二逆彬數有讒言竟亦無他以  
六年考滿進階正治上卿其冬陞南京工部尚書聞  
報乞歸展掃已決退休之計明年 世廟繼統方任  
耆舊三疏請老不允冬以濠平復陞俸一級屢疏乃  
允致仕踰年不起卒年六十有八器度闊偉才識英

本朝分省人物考 卷九十八

七

山東五  
徐生

敏所學期於經世而言論足以發之自筮仕以來屢  
將使命經營四方未嘗以艱險避而孝悌篤於家庭  
信義孚於交友儉約廉慎終始不易又人所難及者

于訓

于訓字文教萊陽人少為諸生屢屈場屋以貢入太  
學試銓曹授連城知縣兩值艱服除改知無極邑多  
豪家不法李某者以武斷刃其從父大言曰吾以干  
金賄令吾無慮矣訓捕之急其人自縊而死學宮敝  
訓毀淫祠木石拓而大之風教勃興濔沱河溢沒田  
以萬數巡撫徵郡吏治曰是役也非于無極不可訓

隄防繕完人無怨咨遷倅順德督餉于京屬吏有以  
贖來者悉不受內黃有殺人疑獄二十載不決往獄  
之即釋流賊之變從官軍討之將校貪功欲殺被擄  
者訓諍之曰民幸不死賊乃死于軍民何罪哉將校  
乃不敢殺活者幾萬人訓寬簡沈靜或數日不答一  
人嘗曰古之人視民如傷今人每欲傷之何也令無  
極無極為之立生祠曰昭德倅順德順德為之立生  
祠曰遺愛嘗自言我東海于公之苗裔也實多陰德  
可謂有祖風矣享年八十有八

王時中

本朝分省人物考 卷九十八

八

山東五

王時中字道夫黃縣人弘治庚戌進士授鄆陵知縣  
闢田勸農興學厚俗振靡剔蠹綏良糾奸流移來歸  
飛蝗遍鄰壤而鄆陵獨無頌聲四起既去立碑以志  
至今父老有望碑泣者嘗出郊旋風擁馬首不得行  
時中曰必冤氣也俾隸人尾之旋入蔬圃繞智井不  
散召主者根究其故乃少婦外通殺其夫掘井果得  
屍人以為神有黠豪專持官司短長虎視一邑時中  
暴其奸抵之法丁巳選授監察御史督察畿輔馬政  
母喪起服還臺正德初逆瑾煽亂毒痛海內時中抗  
疏極論瑾啣之識名於屏已而時中巡按宣大見綱

紀隳弛上下玩愒日甚極意振飭風稜肅然總督宇  
瑾私人也嘗為賊吏祈求於時中不從宇既憾之陰  
與瑾謀矯詔繫逮令荷重枷露立三法司之前三日  
閣臣力援乃釋械遣戍鐵嶺衛庚午瑾伏誅用薦為  
四川按察副使時廖鄂兵起震蕩三川總制尚書彭  
公澤檄備重慶保順諸路時中據江為險增陴浚隍  
繕甲勵兵申飭禁令嚴遣間諜寇賊不敢東向百姓  
不及于難事平受白金文綺之賜遷湖廣按察使清  
冒籍折偽券解結疏滯楚民安之雅不喜奢麗僚友  
設燕席過為繁縟命撤其三分之一乃就坐事事有矩

本朝分省人物考

卷九十八

九

山東五

陸右僉都御史巡撫寧夏疏言惠寧堡比  
去鹽池不遠實為虜騎出沒之衝請於此築城為備  
置將設兵列墩臺使烽堠聯絡足以扞固鎮城遠為  
靈州聲援又言今將佐貪而愛身士卒悍不用命尺  
籍不登常額而傭係私門者眾帶甲控弦者無幾矧  
復扣縮歲支辦納月金是冗食無補空名而鮮實也  
且士卒提馘不賞死士不以名聞戰敗則偏置將佐  
於事何益又請靈州建學檢武臣子弟行伍之異秀  
羣肄其中大發丁夫鑿漢唐故渠自是數百里內  
歲登巡花馬池還謀者報虜數千騎入寇時中日賊

遠來疲矣利於速戰乃戎服據鞍夜馳五十里至  
武營與虜遇指麾諸將分布士卒鼓譟而進斬首三  
十餘級時 武皇在榆林捷奏大悅 賜蟒服玉纒  
環旌其功辛巳召為右副都御史入佐院事因請覲  
省旋丁父憂嘉靖甲申服闋以舊官起用慶王居西  
夏所為多不法撫臣列上罪狀 上命時中往按之  
盡得其情奏廢為庶人進兵部右侍郎未幾遷左  
上出 獻皇帝宸翰賜時中丙戌陞尚書奉 勅提  
督團營侍 經筵乃甄才勇汰懦弱隨器授事無不  
任者丁亥 賜恩紀合春堂集 御製五箴註文獻

本朝分省人物考

卷九十八

十

山東五

通考諸書秋鄭村壩有盜嘯聚數百人剽掠鄉邑守  
臣輒張皇請兵時中日無以為也此亡命挾惡少竊  
發爾檄武帥乘賊不意以偏師宵濟遂大破之擒首  
惡數人脅從咸釋尋陞刑部尚書原情考法屢奏平  
反秩滿 賜寶鑑羊酒進投資政大夫星變條上六  
事引咎陳退 上優詔答之 詔許致仕時中自以  
侍 三朝歷中外四十年晚得領骸骨休居林下保  
茲終始從容與鄉人觴咏為樂壬寅元夕坐燈棚下  
觀諸孫羣嬉猶酌酒為歡十六昧日遂死先數日家  
人隱約見車蓋節幢甚都若迎送狀是日寥廓中聞



鼓吹音年七十有七所著有奏議十卷海山集若干卷藏于家

何亮

何亮字文明登州衛人弘治壬戌登進士第除陝西咸寧令秦俗婚姻尚財為諭以古禮士貧有弗能葬娶者捐俸以給所施卓有惠政擢南京戶科給事中遂條劾劉瑾悖逆不臣等事幾遇禍瑾誅復奏請以其財貨充邊用廼除漢陽府守釐弊除奸百度振刷未幾以疾卒于官副使蔡潮請立祠祀之

陳鼎

本朝分省人物考卷九十八

十一

山東五

陳鼎字文相登州衛人弘治乙丑登第授禮科給事中劾廖愷子姓倖舉鄉試會流賊起條陳弭盜機宜與巨璫爭辯不屈坐事繫獄罷歸里嘉靖改元詔復職陝西叅議撫治商洛時逆賊猖獗聲震三輔督兵平之擢副使兵備延綏番夷叛化三十餘年比至撫循有方及處哈密事竣擢浙江按察使尋陞應天府尹未任卒

任忠

任忠字原孝登州衛人忠天性孝友強學懋修登正德辛未進士授工科給事中忠出入不避權貴宦豎

而辭指忠婉 上屢賜嘉納後出守天雄歷江西叅浙江左右方伯朴素自甘所入惟常祿給日用耳人有言之者忠笑而却之曰古人不以財累子孫况後之庸庸者耶且吾分當然又何侈焉以清廉著名當途累官至陝西巡撫卒于宦邸 朝廷追褒賜之葬祭

張濬

張濬黃縣人幼穎悟舉正德辛未進士授常熟尹邑有十四坊每坊以一人輪通直衙供具不貲悉剗革之山虎為患至是虎負子避去行春至西郊民有裸

本朝分省人物考卷九十八

十一

山東五

程于野與姑嫂事農惟而杖之遂著為令又立吳公偃之後使奉祠民翕然嚮風焉

浦鉉

浦鉉字汝器登州衛人正德丁丑登第調洪洞令擢監察御史廷議大禮奪俸半年劾郭勛姦貪奪俸三月時尚書林俊陶琰徵入而復出太監秦文既出而復入鉉上疏曰非內君子外小人以保泰之道也言恤災防虜罷織造三事巡居庸關陳邊務六事時政六事掌河南道司考察仍黜貪屏邪了無避忌巡按陝西上疏論救楊爵下獄死今祀鄉賢祠

張子立

張子立字原禮黃縣人年二十四登第除行人遷監  
察御史按浙江郡守憚其風裁望塵下拜曰人有慾  
故不剛竟以罪斥之巡撫延綏修城堡開紅石峽以  
通水利民庶攸賴用兵西夏失利遂被逮士民號泣  
遮道中使亦泣下延人為立碑于學宮自奉清約好  
古文戍居固原杜門謝客來則答之否則不先見曰  
往役義也往見不義也居常思親為涕泣不御酒肉  
竟以疾卒

卜懷

卜懷寧海人父早卒母教之甚嚴常課其業輒以杖  
擊之母年九十六卒懷執母杖而泣曰安得復教我  
耶祀其杖于母側因廬於墓人以孝稱之有司以其  
事上詔旌其門後歲貢就銓遂以孝行擢首選授湖  
廣鄖陽府通判以循良著聲

孫鵬

孫鵬文登人性至孝粗獵經史日侍父母左右飲膳  
必躬視昏定然後就寢里人多則之母卒鵬哀慟水  
漿不入口者七日幾絕既葬依墓弗去時隆冬大雪  
且無棲廬寒苦不堪族人勸歸不從遂相與三日而

本朝分省人物考卷九十八

十三

山東五  
場林

成一廬鵬朝夕哭奠負土增墳忽野燒將及廬鵬望  
拜風返而火滅墓上枯木秋生萌蘖人以爲孝感所  
致三年衆勸歸鵬曰孤少多病五歲方離親懷抱今  
當五載以酬親德又二載始歸楊叅政維聰聞之曰  
是可以風吾民矣遺粟勸葬縣令王允言奏聞旌表  
其門

徐應魁

徐應魁登州府庠生有至性父母早世孝祖母盧氏  
有聲妻朱事之尤篤盧歿哀毀嘔血隻身廬墓跣  
足取薪水為粥朝夕哭奠負土成墳至冬雪深數尺

本朝分省人物考卷九十八

十四

山東五  
場

廬門道徑盡封水火絕六日魁幾死忽地響若雷廬  
中醴泉湧出能愈疾服闋鄉黨數千人迎歸次日復  
地震而泉竭孝感羣盜餽以百金入之於官知府李  
承選賜塚地官宅提學李化龍賜廩併辭之士大夫  
立感泉碑妻亡竟死不娶耿耿孤貞始終一轍御史  
韓應庚扁其門曰至孝格天事聞旌表有孝孫傳行  
于世

陸儵

陸儵登州衛人鎬次子重厚清修事親盡其孝母病  
剖骨愈年至九十四人曰孝徵喪葬一秉家禮鄒督

旌之仕廣平縣訓導以廉勤善教著稱卒于官有  
寓庵文集家禮易簡聲歌正脉初學輯略等書行于  
世

魯麟

魯麟字文瑞棲霞人世家於縣之朱留社為諸生時  
天資朴茂學問精博鄉邦推尊學徒羣集筮仕令桃  
源縣時監察御史張士隆與楊州孫知府有郤士隆  
以麟與孫同里閉街之奏調長淮衛經歷其地貧瘠  
人難之而麟了不介意直已守義自效官之外無他  
慮當道有知之者安造軍艦其利頗餘竟無纖毫染  
指人益重其介以秩滿陞貳滄州狷介之志始終不  
移及謝事歸杜門講學足不至官所者幾二十年卒  
年八十餘士林重之

補遺

孫祿

孫祿登州府棲霞人弘治間進士以戶曹出知揚州  
府性骯髒不善脂韋遇事有執即上官勵聲色以加  
之屹然不為動也後為瑾禁錮詔獄者數年瑾誅得  
釋累官浙江布政使

郭宗臬

郭宗臬字君弼山東福山縣人嘉靖八年進士  
部主事改湖廣道御史建言巡杖十四年巡按蘇  
陞山西副使丁憂復補山西陞大理寺少卿累陞南  
兵部尚書疏請致仕

本朝分省人物考 卷九次

十六

山東

萊州府

黃福

黃福字如錫昌邑縣人生而岐嶷異常兒洪武初父令讀書鄉校甲子得雋鄉闈升胄監歷項城清源二邑主簿惠政及民壬申陞金吾前衛知事乙亥調龍江右衛戍寅陞經歷善於贊畫是歲四月上章論國大計太祖嘉納超授工部右侍郎日見親幸福感激圖報為政益力譽望日隆成祖正統治齊黃離簡之罪李景隆指為奸臣逮獄福曰臣居大臣固當死奸臣之名臣不敢當上壯其言釋之調左侍郎

本朝分省人物考

卷九十八

又十六

山東五

未幾陞工部尚書永樂二年奉命修補國子監經籍板三年調北京刑部尚書朝廷以安南土酋僭號弗庭與師問罪福承命先赴兩廣營辦軍用處置有方應期而集黎賊就俘郡縣其地設三司控制其土命掌布政按察二司事夷民初附叛服不常福視民如子撫綏有道廉明正大抗志不阿鎮守中官馬騏怙恩肆虐數裁抑之騏誣奏福聚太原宣化等府民兵欲為不軌福亦具奏陳情上深燭其妄寢其事居交趾幾二十年及仁宗即位上言六事悉見採用驛召還京父老不忍舍去泣送於塗者不啻千

萬人至遮道不能行及抵京仍為工部尚書兼詹事

府詹事賜以白金綵幣洪熙乙巳扈從東宮至

南京宣宗嗣位命董獻陵事賜賚優渥適馬騏

激變交趾兵部尚書陳洽累疏乞福復鎮遂驛召還

京上命仍領布政按察二司事時黎利據別城叛

命將討之及至賊境將非其人失利福被執有酋首

識之者抱持福泣且曰此我翁黃也仍集眾羅拜且

曰公不北歸我曹不至此言已皆泣既而首首以已

乘舟至營黎利出迎即置上坐問福所欲福厲聲曰

我天朝大臣今至此願爾等速殺我耳黎利等連

本朝分省人物考

卷九十八

十七

山東五

聲曰我父母我父母以厚資昇送出境乃上章曰禮送賢良福至龍州悉以遺物歸諸官庫分毫無與時總兵王通等為法司所劾被收福既陞見上以福不預軍旅特宥之即勅與平江伯陳瑄總督漕運數年來河道疏通舟艦無阻福又以遠輸勞費建言三年事一日足食二日足兵三日省役宣德壬子調南京雖耳目不職筋力衰微惟念四聖眷顧之隆絕口不援例以謝政乙卯奉勅守備南京叅贊機務是年陞少保兼戶部尚書有白金綵幣之賜正統紀元特疏上言四事曰鈔法日鹽法日官俸日田賦皆切

時務福風儀修整不妄言笑志氣豪爽器識過人忠敬孝友出於天性剛毅正直士風所屬其學根於經術不為無用之文而典雅有法其在安南復輿地增置郡縣籍編氓定賦稅而上其名數他若芻蕘之積軍餉之儲皆屬借辦庶務浩繁雖日不暇給而隨事制宜咸有條理又能鎮之以靜上下帖然恒戒官屬毋苛急於政毋侵漁其民時召父老諭以朝廷德意俾各安其生理有懷來安輯之功學校新設未有教官選待次之官有文學者委攝學事生徒知學漸有可觀官有改任及降者初至或貧乏量給公廩以

本朝分省人物考卷九十八 山東五 楊

用之病故者給槥而歸其骨政務稍閒則俾椽吏輩講讀大明律及小學使知守法持身之道罔弗悅從福素習律令藩憲具獄立斷之輕重得當主者不敢高下其手而矜恤之意藹然行於其中自小官至一品始終以國家生民為心斥奸闢諛無所顧忌下人有過多見優容 成祖嘗命解縉論羣臣自蹇義以下凡十八人皆有褒貶獨福則曰秉心易直確有執守 上深然之兵部侍郎徐琦使安南回福往見於石城門外或指福問安南來使曰汝識此大人否對曰南交草木亦知名安得不識在官幾六十年廉介

自守家無餘財自奉甚約妻子僅給衣食所得俸祿惟待賓客周匱乏而已嘗慕范文正公為人誦先天下之憂而憂後天下之樂而樂之言因號曰後樂平生所作詩文有後樂堂交藩文集後樂續集歲已未疾屢作猶強力視事判署文牘忽焉奄逝都城縉紳士大夫無不哀傷走吊哭者雲集其第訃聞遣官祭葬謚忠宣贈太保

儀智

儀智高密人洪武中薦為教官知高郵州州人愛之曰知州長者陞知寶慶府寶慶人徇悍又畏敬之曰

本朝分省人物考卷九十八 山東五 李文

太守不可犯永樂二年選東宮官陞通政兼右中允未幾陞湖廣布政使三年進禮部侍郎十一年元旦日食呂尚書請賀如常智獨爭議不可眾聽之 上令吏部翰林院擇一老儒侍太孫明日太孫召問得人未蹇及西楊交薦之 太子曰吾嘗舉李繼鼎太悞悔無及如智誠端士然老矣西楊稱智起家學官明理守正精神未衰廷臣中老成正大無踰智者是日午朝 上顧太子問曰侍太孫講書得人未太子應曰舉禮部侍郎儀智議尚未決 上喜曰得人得人智雖老能直言元旦日食執議免賀甚得太體智

可用也智寬平嚴正尚忠厚遇事是非又輒別白為太孫陳說不屑附會年八十致仕卒贈太子少師謚文簡子銘字子新學于吳訥天性易直孝友舉經明行修洪熙時為行在禮科給事中歷編修侍講正統中為郕王長史 景帝初為禮部侍郎未幾召為兵部尚書尋掌詹事府事卒贈太師謚忠襄

侯庸

侯庸字景中平度州人生七歲父坐累謫閩南稍長母告之故庸悲痛誓贖父罪洪武間舉進士拜吏科給事中請納官代父辭甚哀切 上憫之詔還其父

本朝分省人物考 卷九十八

二十

山東五

庸至謫所迎歸尋陞吏部侍郎時學士劉三吾葛鈞受命授晉王世子經庸劾三吾等在職怠惰宜降別用上納其言庸獲知遇如此惜乎早卒

鄧燧

鄧燧高密人中洪武庚午鄉試任南和教諭會署縣事靖難兵起燧監城守因坐謫戍興州而死識者哀之

隨贊

隨贊字從禮卽墨人性果敢有才略洪武初以元故官赴京授六安州英山縣主簿時陳友諒餘孽王玉

兒以妖言惑眾殺掠吏民贊集民兵捕之擒玉兒并其黨與數百人獲偽印器仗送京師 上召見賜宴勞之加賜白金五百兩綺帛各八疋陞知縣民有為虎害者贊移文于城隍虎遂死于民被害之所因斬其首懸城隍廟門虎患永息陞袁州通判政簡而事治流民歸業田野墾闢郡人德之立碑以紀其政洪武三年陞廣東按察使

呂讓

呂讓字克遜平度人洪武中由進士任行人時安南反 上遣讓諭之讓乃為書與安南國王王饋黃白

本朝分省人物考 卷九十八

三十一

山東五

二金及沉檀香等物讓却之曰尉陀以區區之越與天子抗衡是召禍者也陸賈受金以分諸子是苟利者也王顧以尉陀自處而以陸賈處人何其陋哉王無以對後遷監察御史終陝西僉事

辛曜

辛曜字耿之卽墨人天性聰敏廉厲剛正博學下問尤長于詩應洪武年間貢以建言授吏科給事中累有政績擢陝西按察使永樂間勅同昌邑黃福撫安交趾軍民寧息陞交趾布政九年致仕年九十終

戴綸

戴綸高密人由人材進階侍郎見知于 太宗 仁宗為太子時好田獵綸以侍讀累諫不聽因奏 上召太子問曰汝平日與誰相得對曰戴綸因示所奏太子嚙之及即位因詰前事綸乃抗聲辯論辭益激切因怒被箠死天下聞而哀之

張信

張信字彥實掖縣人天性至孝母病數更醫不效聞割股可救即自割臂煮液進之遂愈永樂初鄉里上其行有司達于朝詔旌其門命為尚寶司丞居官勤慎處同寮能讓有過舉輒自引咎陞少卿適用寶函

本朝各省人物考 卷九十八

三十一

山東五

封版內夾敝故紙 仁廟召詢之對云在函封內臣不敢預知函封外則臣之罪遂遣自陳同官有教之他援覲免者信對曰不敢自欺况敢欺君父乎有旨薄罰復職廷論重之 仁廟嗣位首進尚寶司卿授奉議大夫年六十有六卒葬應天府城南鳳栖鄉

薛祿

薛祿膠州人洪武末有靖難功永樂初營建北京祿董其事復從征胡虜宣德初從征武定屢立戰功進爵太師封陽武侯祿為將勇智兼備紀律嚴明善撫士卒暴創赴關有進無退所向成功卒追封鄴國公

謚忠武

戴新

戴新字景一平度州人永樂初舉進士選入翰林為庶吉士侍 仁宗講讀遷主事以坐累謫戍未幾朝廷特宥復職累官雲南右布政兩征麓川贊畫糧儲不乏賜賚甚厚

李綱

李綱膠州人永樂間舉進士任兵科給事中性至孝廉介儉約朝野稱為孝廉卒于京師貧不能斂鄉人同仕者賻贖得歸葬

本朝各省人物考 卷九十八

三十一

山東五

李公諒

李公諒濰縣人性沉重寡言以賢良舉為翼城知縣時兵燹之餘民不聊生公諒教民食野菜槐豆五易水煮之以濟饑民免流離驛中常有崇使客靡寧公諒移牒城隍神其崇遂滅終廣州知府

滕宗智

滕宗智掖縣人永樂間由舉人選授御史時大難方靖朝政多闕權貴用事宗智正色立朝彈駁不避上疏論肅朝綱振國勢八事多見采納

樂瑄

樂瑄膠州人由正統進士任刑部主事陞員外郎有中貴逮獄同官顧望不敢問瑄毅然鞠之中貴卒服辜衆嘆服時大同多事缺知府少師楊士奇薦用之瑄依山爲壑兵禦其外民處其中綿亘千餘里境內晏然

韓福

韓福膠州人由正統進士歷鞏昌知府入覲考廉能第一賜衣一襲加參政俸仍治鞏秩滿百姓立祠樹碑以紀德政官至右副都御史巡撫寧夏致仕歸鄉不乘車馬年七十卒

本朝分省人物考 卷九十八

十四

山東五  
李文

潭溥

潭溥昌邑人由正統進士授刑部主事用法明允案無停牘自大司寇而下率禮重之累官陝西左布政使清介不阿天順庚辰徵爲南京戶部侍郎未逾年卒櫬回行李蕭然鄉人稱之

張斐

張斐掖縣人性敏讀書過目成誦正統甲子鄉薦第一登進士累官戶部郎中奉使卒于遼東及歸葬行橐不具時重其廉

孫洪

孫洪昌邑人景泰間進士授兵部主事氣量宏深才識超邁嘗奉勅選調征勦兩廣官軍陞本部郎中尋改禮部會慈懿皇太后崩葬禮悉從洪議陞山西右叅政奉勅往撫河南流民處置有方巡撫大同累立邊功陞右副都御史致仕卒于家

馮緒

馮緒昌邑人景泰中進士授兵部主事時山海關巡撫非其人奏劾罷之改戶部監通徐二州租稅總管則遼邊儲以廉能稱自總戎而下薦留者章數上會內艱歸服闋賑陝右饑民賴以安擢山西右叅政累遷甘肅巡撫都御史區畫有方恩威並行軍民仰戴焉

官廉

官廉平度人成化丙戌進士歷官戶部郎中爲人剛介嘗賑饑給餉所至有功景州等處民田萬頃界接東宮莊田爲內侍冒占遣廉往勘內侍語廉曰田如歸我講讀官可得也廉曰以萬人命易一官吾弗爲之卒以所占田盡歸于民

李介

李介字守正高密人成化間舉進士擢監察御史以



直諫被廷杖累遷都察院僉都御史巡撫宣府未幾  
召入佐院清簡自持不事苛刻時稱得體尋擢兵部  
侍郎值北虜犯邊奉 命督軍至則徧歷城堡宣上  
威德募兵訓戰以俟征調嘗奏請修大同以禦虜上  
邊事二十餘條多見採納卒于宣府贈兵部尚書賜  
祭葬

咎 誠

咎誠高密人成化乙未進士累官兵部郎中事無巨  
細必盡心力大司馬余子俊罷之嘗條奏便宜二十  
事會疾卒誠天性警敏經史不由師傳及入官猶手  
不釋卷事母以孝著

宋 漢

宋漢膠州人成化辛丑進士任慶雲知縣擢監察御  
史按兩浙京甸革奸剔蠹大著風裁陞湖廣副使道  
遇疾乞歸卒于家

侯尚文

侯尚文掖縣人天性純儉力學苦志有古人風領鄉  
薦授平陸令興學校補廢陞凡有施為率皆便民秩  
滿以繼母老疾不復仕處異母妹恩禮篤至鄉人稱  
為孝友年八十三卒

劉 紳

劉紳掖縣人成化甲辰進士擢監察御史嘗因天變  
建白時政得失多見採納按陝西刑獄平反者甚眾  
陞雲南副使卒于官居鄉曲犯而不校人服其量

官 賢

官賢平度州人廉躬成化甲辰進士任刑部主事謫  
汝州同知開渠灌田貯粟濟民累陞陝西按察司僉  
事尋督學校政聲威著卒于家

毛 紀

毛紀字維之掖縣人父敏舉鄉薦教授杭郡紀幼侍  
父於杭篤志力學弱冠舉成化丙午山東鄉試第一

丁未舉進士入翰林讀中秘書弘治二年授檢討同  
考會試陞修撰充 經筵講官選侍 東宮講讀賜  
五品服癸亥修大明會典書成陞侍讀 賜給驛歸  
省 武廟即位進左春坊左諭德兼侍講 賜金帶

正德元年丁父艱四年服闋值逆瑾竊政削其春坊  
銜 孝廟實錄成陞侍讀學士充日講官尋陞翰林  
院學士五年擢戶部右侍郎歷陞禮部尚書 賜玉  
帶時遣使西域齎番供紀奏言西番佛國遠在數萬  
里外 祖宗雖許入貢賜法王國師名號特藉以羈

廉番衆令不爲邊患而已齋供具以媚之失 天朝  
 體又以 備嗣未建疏乞早定大計十一年以學士  
 司誥勅仍掌府事 賜麟服蟒衣縑環繫帶等物十  
 二年勅兼東閣大學士入閣供事隨加太子太保文  
 淵閣大學士 賜蟒衣斗牛服錢寧等數導 上巡  
 幸會逆濠之亂倡親征議紀等力言不可免冠伏地  
 泣諸司皆泣 上諭各官退復降手勅欲出師自稱  
 威武之號紀奏言人君爲天下主不宜自貶下同臣  
 庶 上意稍悟十五年三載考滿加少保兼太子太  
 保武英殿大學士 車駕幸宣大駐蹕居庸紀力疏  
 奉朝分省人物考 卷九十八 五八 山東五  
 請還十六年以征濠議南幸紀等奉 勅居守憂勤  
 備至懇請回鑾章數十上 武皇晏駕紀等密疏請  
 於 昭聖皇太后決策奉迎 世皇入承大統於時  
 逆彬統京營邊軍及錦衣官校威焰特盛禍機叵測  
 復密請 懿旨先擒彬黨令邊軍官校各散歸中外  
 始安嘉靖元年開經筵勅同知經筵事纂修 武宗  
 實錄命充總裁累賜蟒衣玉帶銀幣 上念定策功  
 勅封紀等伯爵疏辭改廕錦衣一職世襲又改廕文  
 職五品上引前 代漢文加封平勃等功及我 成  
 祖封尚書茹瑄故事俾勉承恩命天語懇至皆力辭

免嘉靖三年六載考滿改兼吏部尚書謹身殿大學  
 士紀以疾面陳乞退允致仕 陛辭賜白金綵幣寶  
 鈔紀歸年登八十 詔賜羊酒存問年八十有三卒  
 紀器宇凝重燕居無褻容素不言人過不妄交際士  
 夫至萊者必造其廬第以刺答之而已平居手不釋  
 卷老而愈篤作文渾厚典實一根於理所著有鰲頭  
 類稿密勿稿辭榮錄歸田雜誌藏於家贈太保謚文  
 簡

藍章

藍章卽墨人字文繡成化丁未進士擢御史按兩浙  
 本朝分省人物考 卷九十八 五九 山東五  
 山西彈劾不避尋轉左僉都御史忤逆瑾左遷通判  
 撫州瑾敗復起巡撫陝西時蜀保兒寇掠漢中章選  
 將練兵殲其首惡餘黨悉平漢中祠祀之仕終南京  
 工部侍郎

佳翼之

佳翼之膠州人成化丁未進士擢監察御史清戎陝  
 西巡按江西風裁炳著陞四川按察司副使時威茂  
 土番寇擾躬詣虜營諭以禍福悉降之忤逆瑾謫知  
 桐廬縣瑾敗陞廣東按察使卒

李昆

李昆高密人介子弘治庚戌進士授主事歷官都御史兵部侍郎才氣超邁每以直道忤時左遷者三操存端重言動不苟有文風以疾乞休卒

郭東山

郭東山字魯瞻掖縣人其母夢吞鶴卵而生資聰敏早孤事母篤孝弘治庚戌進士知濬縣選授御史以劾宦豎忤逆瑾下獄免官瑾敗起擢四川僉事持法廉平征鴟賊有功陞兵備副使又平熨夷亂加俸一級尋陞四川右叅政致仕卒于家

鄧中和

鄧中和膠州人弘治壬子舉人任垣曲縣教諭創講堂嚴束生徒教有成績陞吏部司務轉刑部忤逆瑾改國子學錄尋陞懷慶府同知涖官清正法行不撓越二載引疾歸囊無一錢杜門不出後進階朝列大夫

高 廸

高廸膠州人字允德弘治壬子舉人任良鄉知縣遷宛平縣從容應酬不畏疆禦京輔災上疏蠲其田稅之半進太僕丞奉使宣大二鎮守臣以百金為贖廸却之守臣曰例也廸笑曰以金之却為例于後不亦

可乎其廉介如此

藍 田

藍田字玉甫章之子神穎天成日頌數千言為文宏肆奇拔在韓蘇間初除監察御史 世廟初建言大禮廷杖幾死罷歸三十餘年不入公門惟與門生講學不倦嘗修孔廟葬孤貧遠近頌德先後論薦三十餘疏終不起卒祀鄉賢

王 蓋

王蓋濰縣人字惟忠以戎籍生長京師登弘治乙丑進士任戶部主事以忤逆瑾坐監守不明除名發回原籍茅屋蔬食談道自樂士類鄉人企慕日深後用御史薦復職歷陞河南巡撫都御史惠愛及民得撫臣體官至工部侍郎

張 鉞

張鉞平度人正德間舉人始仕清苑令入覲囊無長物圖書數卷而已後擢南度支抽分淮安不屑奇羨行旅悅之陞常德知府清介如一

李 鳳

李鳳昌邑人正德甲戌進士初知溫肅行政惠民有瑞麥白兔之祥擢工部主事以直道出判常州尋守

本朝分省人物考 卷九十八

三十一

山東五

本朝分省人物考 卷九十八

三十一

山東五

壽州中都官者恣虐鳳劾之遂罷鎮守陞戶部員外  
郎遷工部郎中卒

翟瓚

翟瓚昌邑人正德甲戌進士慷慨有大節初授工科  
給事中有直聲出為河南僉事青羊寇反瓚首破賊  
巢兩省獲安歷陞湖廣巡撫副都御史歸田後日市  
牛酒召故舊為樂比卒以所置田產召其主還之

任萬里

任萬里字圖南掖縣人幼孤事母極孝正德丁丑成  
進士初授行人使代王餽皆謝却之尋選禮科給諫

本朝分省人物考

卷九十八

三十一

山東五

直聲為權貴所憚扈從 世廟南巡從官多所凌索  
則力正之亡何以疏宮僚事忤旨歸里足不及城市  
請寄尤所厭絕唯閉戶讀書課農教子所有茅屋數  
椽不蔽風雨薄田不滿百畝出入一羸馬一蒼頭毫  
無貴倨態極為當道所重薦章凡十九上未及起而  
卒

范階

范階字景志即墨人登正德丁丑進士為工部郎監  
稅滸野有餘貲悉報上之中外咸多其介然亦以是  
不能飭羔鴈為時權所恚遂謝病歸敝衣糲食隱迹

山林凡十餘年里中人見者不知其為貴人也當途  
過邑往往造廬輒引避之惟以琴書自娛

王漸

王漸濰縣人正德丁丑進士為人莊重廉潔令確山  
多善政召拜御史有直聲所至弊廉抑貪汚吏望風  
解綬去歷官至陝西副使晚年里居慎交遊不苟一  
介今祀鄉賢

孫夢豸

孫夢豸昌邑人正德丁丑進士初任靈寶知縣有風  
裁選河南道監察御史以直言出為岳州府知府乞

本朝分省人物考

卷九十八

三十一

山東五

休歸再起岳州府卒于官

張鯉

張鯉字子化膠州人講學以致良知為務督學鄒公  
器之選明經任三河簿遷玉田丞內鄉令值外艱復  
補芮城歷數任止携一僕官邸亦不舉火日市胡餅  
啖之及去囊無一錢士民泣送挽留者不絕後遷鄭  
府審理會大計冢宰陸光祖舉天下清苦官鯉與焉  
奉 旨賜宴優叙拘例陞周府長史以疾致仕家居  
日用不給人有不堪者鯉處之油油如也以上壽終

趙慎修

趙慎修字敬思膠州人初任鹽城縣令百姓戴如父  
母嘗錄士南畿品藻最當上計稱最授職方郎後知  
揚州有廉明聲築大堤三百餘里漕舟民田兩利焉  
勅褒美之有為苛禮中傷之者例當調當事者惜之  
為補大名其治大名一如揚州居常以親老為念一  
遷河南憲副之任僅三月即請告終養投牒遂行既  
歸二親相繼卒無幾慎修亦卒卒之日兩院猶疏薦  
之

劉祐

劉祐字淑修號拙齋掖縣人幼穎異日誦數十萬言  
本朝省人物考卷九十八 山東五  
終身不忘十五補邑弟子員未幾舉于鄉越三載嘉  
靖癸丑成進士授中山司理登薦劾二十六以高第  
徵兵科給事中侃侃言事無所迴避壬戌選庶吉士  
進士某者其父貴顯賂相嵩使為地祐直疏其事謂  
上品無寒門下品無世族 上感其言詔罷選嵩擬  
試題進怒擲之地自此有逐嵩意矣都御史某嵩黨  
也撫閩多有不法疏劾之并總戎二人皆抵罪隨以  
贈公憂歸除補吏科屬大計四明宿司理嘉興侯太  
守被流言力為申救得免後二公並至大僚數歷有  
聲人服其鑑識轉兵科有出守淮揚故事左右諫不

當守以前貴顯者柄銓修却故也祐怡然就道至郡  
首葺徐節孝祠梓其遺文示風勸列侯某建節督漕  
前二千石皆伏謁祐獨長揖山陽沐陽二令暴橫按  
罪罷之民有訟者涕泣誨諭輒悔罪解去郡通賦十  
餘萬奏蠲之淮人相率祠祀晉浙江副憲備兵淮揚  
時海寇釋騷日夜逐賊戰勝捷聞賜白金文綺通泰  
鹽徒縱橫執殺官校設計誅之夷其巢淮揚民始安  
業轉金衢參政僅七月晉右僉都御史巡撫大同大  
同去虜最近桀酋俺答吉囊相繼深入祐諏咨利害  
得其要領虜不得利引去間入寇督兵禦之俘賊  
數百奪馬牛羊千數捷聞賜賚陞級虜自是挫銳其  
部落多來降者祐泊軍嚴統禱子弟不得冒功遂騰  
蜚語祐亦以念太淑人甚移疾乞歸時年方四十三  
日率其弟娛侍膝下故無厚產稱腹者悉讓以子弟  
故塾師尹罷縣佐歸窘甚分甘周之終尹身無失禮  
幼即嗜濂洛關閩之學晚益精詣謂學問在正心體  
不墮知見賦詩作字皆非切務薦章屢上而已絕意  
仕進太淑人病旦夕跪禱進飲食竟愈春秋登九十  
乃逝祐之卒時年七十有三

盧宗哲

盧宗哲字濟卿世居涑水自號涑西方六七歲從羣兒戲一道士遇之驚曰兒貴人法至三品少長工文

辭諸生避席嘉靖乙未進士 天子躬御文華簡試

進士得宗哲等三十人為庶吉士讀書禁中執政李

文康月試每讀其文未嘗不咄嗟嘆賞也丁酉授檢

討值兩艱哀毀骨立庚子服闋甲辰同修會典丁未

擢南司業貴遊子弟關說求出者俱不假貸辛亥滿

考時分宜父子勢甚熾亦欲不次之擢籠宗哲乃哲

實不持一金子世蕃遂大忤曰先生第還南吾行念

之哲曰其來考績不來講遷官也分宜慙則以為南

本朝分省人物考 卷九十八 三十六 山東五

尚寶徙通議居三年乃召為奉常提四夷館丙辰擢

南太僕至則日夜計馬蕃息環滁之山勿問也寺有

贖金二千或謂哲例應納笑曰豈有懷金盧濬卿哉

戊午召為光祿故事 上供不時予賈人值往往破

產哲悉發羨金償之久之推戶部侍郎分宜居中不

報已未請告歸就舊築日偃卧其中故人來則彈棋

對酒終不請謁守吏萬曆甲戌年七十卒哲為諸生

時天津故有節帥過之見哲冠敝適有新冠請易哲

為座上一着罷酒仍着故冠而去其介如此後罷光

祿發囊中裝餘四十金召夫人及子茂示之曰此吾

二十年宦裝可中分之矣茂伯父長史君病革呼茂

昇之千金茂謝不受哲喜曰此真盧濬卿兒也

趙煥

趙煥字文光山東掖縣人嘉靖四十四年進士由工

部主事改陝西道御史巡茶陝西萬曆三年巡按河

南巡視京營京畿刷卷陞順天府丞累陞刑部尚書

告病尋起原官轉吏部以臺中例推不與聞于總憲

攻擊不已而去後再起原官管內外計典以積勞成

疾卒于官

毛聚

本朝分省人物考 卷九十八 三十七 山東五

毛聚字德玄萊州掖縣人幼有異質事繼母秦盡孝

里中嘗寇至衆驚走秦不能聚獨侍左右弗去寇問

曰爾不畏死耶何不避我聚泣曰我老母在敢自求

活乎寇義之不忍犯父嘗病疫居崑崙山中夜渴求

酒山深多虎狼聚弗憚跣走出山乞得酒以還父飲

而愈與兄弟分財恣其所取而受其棄遺者長兄葬

柩將及墳訛言盜且至衆懼欲奔匿聚曰兄柩在斯

安忍棄之卒掩墳而還再從母殯城隅人取其磚殮

盡聚買地瘞之族女六人貧不能嫁聚出私財嫁之

族中不克葬者十餘喪聚皆為葬之歲食有餘粟則

推以濟隣里貸不償者則焚其券有客宿其舍且遺錢數百緡而行聚徒步追五十里還隣人耕侵其畔或以告聚聚曰寧知非彼地耶

孫惟中

孫惟中萊州府昌邑人世為農長身美髯朝晡暮讀善談古今事臺臺也雅愛宋名臣言行錄亟稱之以為省括為寧海州史用推擇上益都會父卒皇皇如不欲生既葬結廬其側苦塊曠野中深夜月冷哭聲依依隨悲風遠聞人為泣下日啜淖糜二盂而止晨起掬雪頰面已輒詣墓前拜久之手足皸瘃形容憔悴或勸其反哭不對事聞縣令夜半携二蒼頭往廉之見蕭然鬼處風雪中嘆息而去娶劉氏亦從其化孝子居廬三年劉亦居聖室不近酒肉者三年

本朝分省人物考

卷九十八

三十八

山東五

遼東 附山東後

陳壽

陳壽字本仁號蠹齋其先江西新淦人洪武間伯祖志敬坐事謫戍遼東喪明不能往一子當代役弟志弘慨其兄養無所托請代戍遂籍於遼東寧遠衛壽補衛學生成化壬辰登進士性孤特不務矯訐甲午授戶科給事中丙午轉左給事中丁未進都給事中弘治戊申吏部薦為大理寺丞尋調南京光祿寺少卿又擢南京鴻臚寺卿庚申被簡命為右僉都御史巡撫延綏癸亥滿九載遷南京右副都御史時正德

本朝分省人物考

卷九十八

三十九

遼東

丙寅劉瑾竊柄矯詔令致仕癸酉以廷薦起改右副都御史巡撫陝西未幾遷南京兵部右侍郎尋陞南京刑部尚書致仕嘉靖改元詔進一品階以羊酒綵幣存問於家時年八十有三矣其在戶科奉勅閱視宣大邊防劾去鎮守中官之不法者巡牧馬草場中貴有恃內庇侵尅者壽請置之法時貴妃萬氏專寵兄弟勢撼京師中官梁方輩結妖僧繼曉干撓國法壽疏論之被逮繫詔獄尋得釋 孝廟登極上封事指斥貴近無所避忌及遷大理為忌者所指摘王端毅公恕嘗疏辯之稱其正色敢言其巡撫延綏適大

虜在邊羽書交至鎮城晝閉道塞不行壽分布兵馬為十路各屯駐要害互相應援多遣覘卒哨探惟謹軍勢大揚虜分兵入寇躬親甲冑為將卒先遇賊鏖戰擒斬八十有餘未幾火節脫羅干諸酋糾率部落精兵大至先以百餘騎誘我諸將請赴之壽曰虜眾未可當也自出帳擁左右數十騎據胡床麾指飲食如無事虜望見疑之遂引去既而諸路將領以壽方略邀擊賊皆大捷斬首若干級捷連上 孝廟降勅獎勞賜賚加俸初延綏守臣以虜勢方熾鎮兵不能支請發京兵比壽屢捷而 王師已至總制者請破其巢未得 上命兵駐延綏戰馬三萬日給草束所費不貲壽議出境揚兵牧馬即採草紆急眾恐墮賊計壽請以身先之得保無事所費省若干萬時同事者諷壽註子弟姪名戰籍中壽曰吾子弟皆不諳弓馬竟不許識者多之先是延綏守臣失事俱得罪代巡撫者難其人太宰倪文毅公岳薦壽或以為疑倪公以問楊一清對曰是固儒將當不負公知也在鎮三年興利除害井井有條十四年本鎮歲饑題准招商納糧區畫咸中事宜本年改南臺其在南京值逆瑾竊柄勅令鈴東臺官不得妄言朝政開讀畢壽正

本朝分省人物考

卷九十八

四

遼東

色諭十三道曰言路豈可闕乎凡時政有當言非劾某者仍稿呈舉行若因之阻抑則負朝廷負所學多矣臺諫以言事忤逆瑾盡被執械繫京師壽與兵部尚書林瀚上疏論救壽又獨疏極言俱不報林瀚既得罪去未幾壽亦罷歸瑾復搜剔壽前任事諷所司文致罰米若干石稱貸以完家素無積至是益貧不能給朝夕瑾誅言官交章薦起陝西巡撫陝西兵荒之後兵民敝甚鎮守大監廖堂與其弟鵬姪錯怙勢以逞椎剝無厭禍且及士夫家人人重足立壽下車旬日即揭榜諭眾利病之原因不悉具仍令長安父老面陳得失量斗斛平時價禁有司官市民物偶劇盜數十標掠良民捕之枷於市俱折其兩股盜賊屏息又令下曰遭喪不許停柩姻嫁不許索財人皆遵之夏大旱令各街巷開渠以通陰氣減刑殺清冤獄齋心誠禱天乃大雨仍因關中薦災乞停逋負錢糧罷額外貢獻俱報可時廖堂稱旨造絨纒帳幄數百間料價數十萬兩壽至已完解廉知其贏餘數萬兩欲輸內權貴檄所司留以備賑仍戒諭此後不得指進貢有所科取不然吾且執奏堂兄弟圖中傷之遂乞歸不允先是鎮守爪牙惡少數十輩散遣于各郡

本朝分省人物考

卷九十八

四

遼東



縣衙所漁獵滋甚壽下令捕之皆逃歸氣焰大沮民稍安已而改南京兵部侍郎報至軍民數千人擁集無臺泣留壽曰君命也出城之日號呼之聲震地擁肩輿移日不得行至留都知政歸近侍佞臣屢疏乞休不允疏九上乃進刑部尚書致仕壽以貧不能歸流寓南都敝屋頽垣不蔽廳事杜門寡交聿遵古道嘉靖改元詔進一品階以羊酒果品存問于家是年九月卒於寓第貧無為殮京兆寇公天叙大司空季公充嗣哭臨為備殮具因具題賜祭二壇命有司營葬域

本朝分省人物考 卷九十八 四十二 遼東

韓斌

韓斌字廷用遼東寧遠衛指揮使年十六襲職禦虜于小團山突陣斬馘數酋敗之天順初陞遼東都司僉事備禦寧遠虜入寇戕其將領官軍陷焉斌馳赴手刃數賊圍遂解時義州屢失事成山伯王琮被勅切責恐甚斌請當先自効琮以五百人屬之突遇虜于八塔兒虜以四千衆圍我闕其一面斌曰彼將誤我不可忽也令管中聯馬死關而出擒斬甚衆虜退有鎗金文綺之賜尋充叅將分守延綏西路時北虜毛里孩擁衆十餘萬入定邊營斌率五千騎伺其歸

擊之環縣虜衆猝至圍之數重斌令我衆悉衣白以自別直向虜衆奮呼而出有所斬獲戒勿顧得以全軍而歸勅改充遊擊將軍馳驛還遼領右哨出清河直抵其巢斬首二百餘級俘男女百七十餘口論功實授都指揮僉事分守遼陽明年改充副總兵分守開原兼提督遼陽賊屢犯廣寧總兵官歐信會斌出義州直抵興中斬首百級陞署都指揮同知虜嘗入清河堡匿深谷中以數十騎薄城挑戰將佐爭欲擊之斌曰是餌我也勿貪已而伏果起斌乃背四陣番休更戰虜既遁復出鹹河十岔口等處搗其巢斬首

本朝分省人物考 卷九十八 四十三 遼東

二百餘級撫寧侯朱永等受命征建州斌與總兵官侯謙復為右哨出鴉鶻關抵泊珠江斬俘無算虜酋有宋管只八者據山險欲夜劫其營斌令譯大呼曰韓馬法在此汝尚欲為偷乎馬法者虜所謂大人也虜衆願一見斌免胄示之皆棄弓矢羅拜馬前遂遁斌度暮至黑松林虜必有從後邀者約謙軍其地以待之而謙徑先歸比至賊果突出斌急令立營一麾而定其料敵應變類如此時天下論武臣可大將者三而斌其一焉前後十數年屢與虜鬪未嘗敗衄而為同事者所忌斌遂以老告歸于時年甫六十日置

酒會親以爲樂時政物評未嘗掛口後十有一年享壽七十有二而卒

### 賀欽

賀欽字克恭其先戍廣寧後屯爲遼西人少穎敏沉厚好學偶得近思錄朝夕玩讀得其旨要遂厭俗學成化二年舉進士爲戶科給事中見白沙論學嘆曰至性不顯寶藏猶霾世卽用我而我奚以爲用卽日上疏解官去執弟子禮事白沙旣別肖其像懸室中事之甚謹泰陵初薦授陝西叅議撫治商洛以病貽母憂上疏懇辭且陳四事一曰資真儒以講聖學謂

本朝分省人物考

卷九十八

四十四

遼東

今日急務莫先於講學而經筵勸講之官所謂師友之臣尤當訪求真儒以充其任二曰薦賢才以輔治道謂新會縣歷事監生陳獻章天性高明學術純正誠當世之大賢宜以非常之禮起之俾之輔養君德三曰遵祖訓以處內官謂內府監司局庫衙門載之祖訓內官條其職掌不過灑掃供養關防出入等事而已近年如王振喜寧舒良王誠曹吉祥牛玉汪直尚銘輩或陷主虜庭身叛賊境或主易儲君禁錮南內或謀爲不軌賄易后妃或邀功起釁流毒邊徼或恃寵招權納賂不貲或引用左道蠱惑上

心或導進淫巧盜虛府庫此其陷君誤國蠹政殃民

昭昭在人耳目者也宜深鑒已往之弊永絕方來之

禍四曰興禮樂以化天下謂陛下紹基之初罷黜浮

屠妄誕之邪術舉行朱子喪葬之正禮真所謂守成

業而致盛治也但初政之施方發其端而頹敗之俗

尚仍其舊禮讓之化未行淫穢之風日甚乞申明正

禮之當行革去教坊之俗樂疏入不報正德四年逆

瑾括田東人驚疑思亂義州以守臣貪故遂先發聚

衆縱火劫財大擾然相戒曰母入東街驚賀黃門欽

往諭曰渠旣知悔卽不殺人可解鎮城當有人至爾

輩直拜跪求生慎無殺人已而撫鎮人果至須臾又

言軍至且勦衆復呼譟曰賀黃門無謾語又趨跪于

里門欽曰城中擾亂至此鎮城焉得不發兵兵雖至

爾等第不殺人必有爾無恐衆遂定城中不傷一人

生平不務博覽專讀五經四書小學靜思默識反身

實踐冠婚喪祭遵用家禮每教人讀白鹿洞規小學

鄉人由是興於行義老更好易究心象數手不釋卷

卒鄉人祠之凌溪釣臺子士諮鄉貢士博學篤行嘗

陳十二事論王政不報辭疾歸終身不仕

### 傅鏞

本朝分省人物考

卷九十八

四十五

遼東

傅鑰字希準遼東廣寧人正德辛未進士召試授禮科給事中屢言當世大計其最著者論邊事一疏大指言今法邊將臨敵亡卒十人以上定坐其將將畏坐卒不敢見虜虜無所畏得以暴苦邊民宜制自今虜入境能格虜者雖亡卒十人以上勿問有功者仍錄之其不敢見虜者即不亡一人罪不宥 上是其說著為令十年乙亥遭母喪解職服除遷工科右給事中本年陞太平府知府選子弟聰穎者延師教之暇則躬校文藝太平由是科不乏人俗好賽神費每不貲嚴諭禁止大旱禱雨輒應隣郡有大獄不央鑰

本朝分省人物考

卷九十八

四十六

遼東

治之立辨在郡日久絲粟無所私庾庫充羨會歲饑盡發之復以餘粟為粥於野賑旁郡之流携入境者所全活甚眾時撫臣及部使者以鑰才賢薦劾上以十數嘉靖三年拜浙江按察司副使巡視海道鑰自乘巨艦環弓矢出入風濤中無險不至其修置戰船收給月糧之法浙東至今行之八年以喪解職壬辰起復授河南副使專備信陽威惠懋著十二年拜山西按察使有富人坐殺人當死獄成矣復以賄免鑰收鞫之竟置於法有主簿能守官箴祇以忤當道為奸人所構者事下按察司或謂鑰宜有所瞻顧鑰曰

陷人吾不為也竟白之十三年遷四川右布政使未行十四年以巡撫王都御史昏夜悞杖宗室子事連坐左遷河南右叅議十五年陞河南副使十六年遷江西左叅政行之日軍民數千人遮留十八年遷福建右布政使本年轉河南左布政使軍民聞鑰復至額手胥慶尋陞都御史撫河南軍民益大喜然鑰為江西時以夏日傷暑救荒跋履山谷感疾至是疾日益增以新受命未敢輒言去且其時河南人饑死者殆半而當輸粟三十萬石鑰具疏乞蠲賦一夕疏成而疾遂篤竟以不起 天子感鑰言切特貸河南粟

本朝分省人物考

卷九十八

四十七

遼東

三之一其二許民出銀以貸粟河南相與哭鑰赴鑰之喪曰我乃從公得活而公顧死耶訃聞 上命賜葬鑰少孤孝養其母及居喪哀毀踰禮平生不見疾言遽色與人交溫厚樂易至於利誘勢怵則屹然山立不可動也年五十有九

對同句容縣學訓導江之鯤

督工句容縣典 史鄭乾直

本朝分省人物考卷之九十八

人物考目錄卷之九十九

山西太原府一

王克巳

董俊

戈謙

姜濤

周瑄

王鑑

王鈇

王夢弼

張淑勵

王永壽

趙文博

林春

張順

雷澤

周經

梁璟

本朝分省人物考 卷九十九目錄

張縉

陳璧

喬宇

王瓊

劉繹

唐希介

楊傑

劉淮

陳璘

王源

崔侃

張天相

寇儉

白侃

胡孝思

吳嘉會

孫璽

張鏡

張文明

党承志

侯倫

陳臯謨

王玫

喬教

寇天叙

孫紹先

張珩

謝蘭

唐寬

潘高

周鈇

本朝分省人物考 卷九十九目錄

二

本朝京省人物考卷之九十九

南直督學御史西浙過庭訓纂集

門人蘇松備兵副使南郡熊膏參閣

男 過銘盤

過銘孟

過銘篋

寧國府學生員嚴弘志

句容縣學生員劉孔揚全訂正

山西太原府

王克巳

本朝京省人物考卷九十九

山西一

王克巳山西太原府壽陽縣人博通經史洪武初以文學辟除戶部主事在部潔已不淄慎出納善於其職七年陞試吏部尚書本年以疾乞致仕

董俊

董俊山西太原府太原縣人洪武初舉人才擢萊州府知府為政廉平寬猛得宜民樹碑頌其美九年陞兵部侍郎十二年以政績陞兵部尚書十三年三月上革中書省陞六部正二品戒之曰識山川之險易嚴烽埃之分明尋令挨無籍貫軍經十次回申者即為開豁未幾免官予致仕

戈謙

戈謙山西太原府代州人永樂辛卯進士擢戶科給事中骯髒勁直不折節下人遇國家大事知無不言雖逆天威不輒避十八年陞行在大理寺右少卿二十二年仁宗嗣位謙數言事洪熙元年又因事直言上厭其繁瑣尚書呂震等交奏其賣直沽名遂召大學士楊士奇等榻前語以謙之踰分士奇對曰謙不知大體有之然其心感陛下超擢之恩欲圖報効古人有言主聖則臣直惟陛下容之不然進言者將懼矣上雖不罪謙然臨朝之際數形於辭氣又數日上御奉天門楊士奇獨奏事因進曰陛下頌詔求言言不當者不罪戈謙不曉事激聖怒數日朝臣皆悚駭相與以言為戒今遠近朝覲之臣皆集闕下目見而口傳將謙之名愈彰而朝廷受不容直言之謗上惕然曰此固是朕不能容亦呂震迎合以益吾過也自今吾不復言謙遂免謙朝叅令專坐司視事自是一月餘朝臣言事者少上特召楊士奇諭曰爾料事不虛自免戈謙朝言者不至豈果無事可言對曰臣下孰不欲進言納忠惟在上寬容以來之上曰朕非怒謙言事但其言矯激

本朝京省人物考卷九十九

山西一

於辭氣又數日 上御奉天門楊士奇獨奏事因進曰 陛下頌詔求言言不當者不罪戈謙不曉事激聖怒數日朝臣皆悚駭相與以言為戒今遠近朝覲之臣皆集闕下目見而口傳將謙之名愈彰而朝廷受不容直言之謗 上惕然曰此固是朕不能容亦呂震迎合以益吾過也自今吾不復言謙遂免謙朝叅令專坐司視事自是一月餘朝臣言事者少 上特召楊士奇諭曰爾料事不虛自免戈謙朝言者不至豈果無事可言對曰臣下孰不欲進言納忠惟在上寬容以來之 上曰朕非怒謙言事但其言矯激

過實爾可語衆人以朕之實心對曰此非臣言所能使之信必得璽書親諭乃見 聖德之實遂令士奇就榻前書勅引過命戈謙如舊朝參令百官言事無以謙爲戒未幾有言中官謝安四川伐木虐民者于是召戈謙諭曰爾本清鯁之臣朕今以清鯁用爾遂陞謙副都御史賜鈔緝驛詣四川罷伐木之役并糾察官吏等宣德元年回院以忤 旨罷爲民正統十四年土木之變 英廟北狩 郕王嗣位布衣走闕下疏前成山侯王通龍門致仕指揮甯河真定同知阮遷十三人皆奇才可用適報虜酋也先犯紫荆

本朝分省人物考

卷九十九

三十一

山西

口時石亨爲時倚重借于尚書謙治兵土城外衆議欲以通副亨召謙等至左順門通辭不預兵政久矣一旦以副人不能也謙則力言專用通衆導之再四兩人持論牢不動事遂已六科聞謙負重名奏留之亦不報不久竟卒

姜濤

姜濤字靜之太原府忻州人永樂甲午鄉舉授嘉興府同知二十一年改河間府宣德九年以剛正廉幹陞本府知府有政績敏決有爲士民宜之正統元年陞順天府尹安常率職民亦不擾四年京大水命存

問被水軍民具奏賑濟十一年陞戶部右侍郎十二年陞戶部左侍郎十四年卒於官

周瑄

周瑄字德孚山西太原府陽曲人應天府江寧籍宣德乙卯登鄉試會試中乙榜不就東書入太學以友天下士學益進正統甲子用吏部銓授刑部江西司主事精究法意獄明審尚書金濂於羣屬中獨愛重之凡大獄必以委之有死罪囚累訴其枉乃微服訪之累月一日至城南聞村姥言其事果冤囚得釋給事中翟讓御史劉訓給燕山左衛鈔誣官盜取下

本朝分省人物考

卷九十九

四

山西

法司瑄辦其誣丁卯奉命錄南北畿重囚所至多平反者已巳北征部屬當扈從者率多託疾乃毅然請行被重創而還景泰初陞署河南司郎中事有校尉受贓縱真盜而以宿讐寘其間欲陷之死瑄力辨之校尉反坐嘗視獄有囚八百人時天暑懼有病死者三日盡發遺衆以爲片言折獄之才時刑部關右侍郎吏部推代之益盡心以洗冤澤物爲已任辛未陪幸大學有絲幣之賚甲戌順天河間二府民饑勅往賑之二府素無蓄積又連遭大水乃條奏八事一裁省各處冗官二停徵當歲糧草三添減軍士糧草

舊四免追久負馬匹五暫罷供應柴炭夫役六皇莊  
 湖泊之利恣民採取七招商中納鹽糧損其斗數八  
 借水次官倉之粟濟民事下戶部不能皆從而招商  
 借粟之說尤以為難 上聞詔特從瑄議瑄又為之  
 具耕牛種粒以便於民時亢旱苗稿行部至武清禱  
 雨立澍時致仕尚書馮昂謂曰昔有御史兩今為侍  
 郎兩矣秋大熟天順戊寅陞左侍郎癸未命掌工部  
 事又命掌都察院事成化改元命祭告中鎮霍山及  
 晉代潘三府未還陞右都御史總督南京糧至則嚴  
 祛宿弊有侵盜為奸者悉抵于法謫戍遠邊倉場為  
 本朝分省人物考 卷九十九 五 山西 徐信

之肅然嘗上南京城守事宜八條戊戌南畿糧貴詔  
 發京庾之粟賤鬻之以平其價民食不艱畿輔乃安  
 是歲陞南京刑部尚書告戒諸司事非會勘者不得  
 出五日以是囚無冤滯適獄中疫罪輕者悉遣之歡  
 聲載道以考滿乞休者再三准致仕先世業鑿無田  
 產又久住金陵樂其風上遂仍歸江南寄籍江寧口  
 與故人親戚飲眺樂至甲辰五月六日卒年七十六  
 瑄德性寬宏氣度詳雅修髯長身議論英發平生不  
 枉道干人在國子時同堂生喪妻無所得榷瑄因家  
 人送貲費至傾橐與之為主事時有罪人貧不能輸

官紙聞欲鬻幼子即以折糧絹償其直還其子事親  
 最孝遇時節雖老猶悲泣出入兩京法司幾四十年  
 沽民利國之功尤多故位登八座壽幾八泰子孫二  
 十餘人策名甲科聯官清要如文端公經尤為各臣

王 鑑

王鑑字參昭太原縣人正統中進士除江西道御史  
 天順元年劾石亨廷杖謫庸施令其年吏畏民懷邑  
 以大治陞延安府知府疏請致仕

王 鈇

王鈇字汝威榆次縣人進士初授行人選除湖廣道  
 御史巡按陝西山東所歷咸以剛正著聲改右春坊  
 兼翰林院侍書以建言謫廬州府知事陞國子監丞  
 擢吏部主政疏劾權相調河南府通判尋陞南京吏  
 部終為當道不容斥罷為民卒後贈光祿少卿

王 夢弼

王夢弼太原府人以進士知掖縣入拜諫垣時楚世  
 子弒逆 上命卽真諸法夢弼持舊典三奏不以廢  
 怒為恐歷七載章疏數十上侃侃言陞太常少  
 卿夢弼故晉產習知邊事是言議諸憐恤自負  
 薦以邊材超拜都御史巡撫寧夏時戎務廢弛

嬉玩疏脩邊墻保疆圍備兵馬責實効數事上于朝  
又以戒請託禁科歛謹烽堠嚴戍守時糧餉下爲令  
期年軍民悅服已而黠虜入寇諜知其虛巢整兵襲  
之斬獲功多晉秩賜金綺復念寧夏三百臨虜乃于  
西赤木諸口相度險要脩築墩堡一百七十餘里居  
六載乃有總督三邊之命威名夙著邊塞而又歷任  
既久凡將帥之貪廉士馬之精罷夷情之向背與夫  
關塞之險易堅瑕無不洞析毫髮虜或入寇斬獲追  
逐後亦無敢窺伺者以致仕歸卒廕子者再

張淑勵

本朝分省人物考

卷九十九

七

山西一

張淑勵孟縣人第進士知歷城縣歷多山磽瘠水則  
陂圩值凶歲民無所自活而又多供億送迎之苦淑  
勵至屬歲灾厲邊被兵師旅在外急催科如捕亡青  
持戟之士肩摩就募道路使者相望疲命于將迎循  
循應之事以次就緒邑田瘠稅腴民逃徙則第坵畝  
履原隰視土嫩惡以登下其賦百姓始不以磽瘠爲  
子孫憂徃供億轉置舊委諸編戶歲終得代其產蕩  
然淑勵始定吏會之議使度支在官工賈無以乘緩  
急器業儲粟得轉相爲用百年敝政如洗民不重困  
日晉接不遑暇而儀愈安未嘗飾厨傳稱過使客疲

民以取譽每折獄率取決片言而壹壹問民疾苦必  
竟辭月旦與諸弟子設俎豆言詩書再登薦者七人  
所在生齒繁殖流移嚮附者衍負版焉輕徭薄賦與  
民休息民亦愛之如父母畏之如嚴師後以徵召入  
京思而慕之不啻赤子之乍離襁褓也以疾卒于京

王永壽

王永壽字延齡太原縣人修躬多髯以淳謹寡默稱  
正統丁巳以舉人任江西饒州府推官三載選廣西  
道監察御史嘗從征北虜凱還受賚巡按山東貴州  
及蘇松等處後任工部右侍郎調南京工部歷三載  
陞本部尚書未幾調北工部奉勅巡撫湖廣以安靜  
得人心尋命兼督軍務征銅鼓五開等處苗賊成功  
賜從一品俸天順初復調南京工部天順六年九月  
卒於官遣官祭葬

趙文博

趙文博字子約代州人景泰甲戌進士除監察御史  
謫陝西淳化令遷守衛輝調鞏昌陟陝西布政司右  
叅政山東右布政左布政都察院右副都御史文博  
爲御史按河南南畿有聲景泰丙子偕同列糾劾忠  
國公石亨 英廟親訊於別殿下錦衣衛值雷雨之



變始得釋謫官去後亨事敗詔吏部簡拔方守衛輝時境內久旱禱於神雨大澍新孔子廟及諸生齋舍民莫知費所出地瀕河舊有舟六特供藩臬意所遣疏罷之藩臬有欲中以禍者又疏聞朝廷遣官覈之改知臨洮臨洮雜戎號難治治之如衛輝以薦改鞏昌通稅積多征輸有法期月而大治為參政西戎為寇奉檄督軍竟以捷報為都御史巡撫河南歲凶民艱食賑貸有方民不苦饑陝西流民率聞風來歸瘁躬竭思以居以哺民忘其流千戶席英與其黨為盜京城懼事覺乃秉甲以行都人莫敢櫻所過肆掠武

本朝分省人物考

卷九十九

九

山西

三

林春

林春字孟陽代州人為文有理致尤工古文辭且精於書翰景泰庚午領鄉試會試中乙榜當得校官不就入太學參政葉公盛舉同纂修都司地誌搜考訂定善於序述持身端慎遨遊公卿間惟以禮接一言不及外事有建繫者責重賄要其解釋力謝絕之居

貧而能有守若此復入太學從學士呂文懿卒業言溫氣和薰然君子也鄉人素愛之延請者無虛日意度灑如也後待次吏部授應天府馬政判以清節自勵攻駒考牧恪盡乃心而民受其惠無敢干以私者行縣較閱止食公廩一毫不取於民蒔蔬公廨隙地至則摘以自給其廉如此或有笑其迂者曰我儒者誠迂若楊伯起則古之迂者也我願學焉再考最政聲日起性酷好書每暇輒磨墨伸紙揮汗呵凍不輟字體清勁道麗得者皆珍襲之以屬理場屋事勞遂成痢不能食數日竟卒為人外雖和易而內實剛毅

本朝分省人物考

卷九十九

十

山西

張頤

張頤字養正其先由江都占籍太原衛天順四年進士改翰林院庶吉士授檢討陞修撰擢都察院右僉都御史巡撫宣府後以軍功轉左尋陞工部右侍郎成化癸卯致仕弘治十三年卒賜祭葬如例頤有才氣而急功名平居持論侃侃恒出人右而才足以副之中外厥歷多有可觀者

雷澤

雷澤忻州定襄縣人天順甲申進士授刑科給事中  
成化十一年陞刑科都給事中時僧錄司有盜賣度  
牒者尚書董方欲緩其事刑部主事鄧存德奏方黨  
比 上以存德違例謫存德釋盜賣者澤上言當罪  
方而有存德不從又妖人李子龍以事伏誅餘黨土  
原等獲宥澤言刑罰太縱乞追究悉誅之 上不聽  
澤寬嚴有執皆如此十六年陞南京太僕寺少卿十  
九年丁憂二十二年再任弘治三年陞南京光祿寺  
卿遂卒於官

本朝分省人物考卷九十九

十一

山西

周經

周經字伯常陽曲縣人父瑄為南京刑部尚書謚莊  
懿經少有大志欲以經濟自見日侍莊懿公習聞天  
下事而氣勃勃不可抑及補父廕入太學益銳志學  
造詣日深天順庚辰成進士改翰林院庶吉士文名  
歛起與劉公健張公元禎俱為大學士李文達彭文  
憲所重而端諒正直經又隱隱於縉紳間壬午授檢  
討成化三年陞編修十二年陞侍讀十四年進左春  
坊左中允仍兼修撰侍 皇太子講文華大訓 皇  
太子每起立拱聽內閣大臣萬安等或以為勞謂經

本朝分省人物考卷九十九

十一

山西

宜跪請坐聽經不從竟得如禮在詞林幾三十年史  
局編摩貢闈考校皆舉其職至於故沃青官尤多規  
正及 孝宗蒞極同事者俱進崇秩經以持正止陞  
太常寺少卿兼侍讀識者已高其骨鯁而未盡知其  
政事弘治己酉擢禮部右侍郎每議政歷事傳以經  
義若却西域貢獅毀黃村尼寺為先朝盛德事皆經  
與左侍郎倪文毅贊成者四年改吏部尋轉左一日  
有中官諭旨欲以通政司經歷高祿為叅議經獨執  
不可過與王端毅上疏論之靈壽獻大明川民田於  
太監李廣戶部駁弗得允經會諸司具奏事遂寢乙  
卯諸司以災異言事吏部請早視朝勤聽政節侈費  
省遊幸止貢獻而斥樂戲一事尤激亦出經手後有  
踪跡為此草者以問尚書耿公裕經曰宜以實對耿  
曰吾為尚書不宜他諉時論益兩賢之九年丙辰拜  
戶部尚書諸王府多奏欲自領河泊所賜稅罷其官  
上言國體非便且民力不能堪乃止有中官織幣南  
京奏給長蘆鹽八千引鬻於兩淮仍給淮鹽價銀二  
萬兩經言課策本以濟邊且各有分地今不嚴禁若  
公許越境則私販必多官鹽反滯命止長蘆鹽勿給  
浙江守臣亦請給竹木銀鈔稅為織費又言關征非

舊浙地大水民困征役乞暫停織造 上從之每委  
官監稅必諭以愛節民力如果入多者則與下考大  
同缺馬尚書馬端肅公請給糧銀市之且解督糧官  
毋得阻格既得旨經言糧馬各有職不宜侵奪且引  
祖訓六部不許相壓之文為據辭甚激 上為改命  
兵部以馬價銀克用會邊方調度日繁給事中曾昂  
以財匱乏請令諸藩公帑積貯及均徭羨銀盡輸太  
倉經言用不足者蓋以織造齋燕土木之故若一切  
節省自宜少裕必欲盡括天下之財恐非藏富於民  
之意又有旨取太倉銀三萬兩為張燈具經言不可  
本朝分省人物考 卷九十九 山西一 鄧明 十三

以小民脂膏供耳目之玩內靈臺奏增灑掃卒當給  
月廩經言禁地非外人所得入不過為守者私役耳  
疏再上竟寢之清寧宮災方議修建兵部欲調山東  
民夫七千餘人經曰今歲歉民貧不可使遠去鄉井  
請以本羨銀就京師催役為之識者服其遠慮而潛  
消默奪非人所及云外戚張氏有河間賜地數百頃  
欲并其旁近民田千餘頃得之且每畝加稅銀二分  
經言河間地多沮洳比因旱貧民即退灘地耕之  
過濼輒沒即欲加稅將貽無窮之害且王府賜田例  
畝稅三分而此獨加稅五分人將謂朝廷待外戚真

宗親異矣三四上後有以雄縣退灘地獻為 東宮  
莊者 上因經前奏皆抵之罪一時近戚貴幸有所  
陳請一裁以法皆斂緝不得肆十三年庚申五月以  
星變乞休 上特進太子太保允之賜勅褒諭命下  
廷臣相顧失色爭上疏留之是後中外奏薦至八十  
餘疏前此未之有也十八年起南京戶部尚書未任  
正德三年太宰許進素重之嘆曰使周伯常不用吾  
死不瞑目矣推起禮部尚書會逆瑾司柄因乞致仕  
不任後卒於家贈太保謚文端識者稱為國朝戶部  
尚書第一云

本朝分省人物考 卷九十九 山西一 鄧明 十四

梁璟 梁璟字廷美崞縣人父諱資有行義鄉人稱為直軒  
先生璟性至孝少時直軒偶血出於面以舌舐之而  
止正統己巳北虜肆亂直軒從征官兵潰璟聞變披  
髮跣號求父所在值歸乃已景泰庚午舉于鄉甲申  
登進士授兵科給事中成化初累遷都給事中論事  
持大體壬辰與諸同官劾大臣不職者因薦致仕尚  
書王竑都御史高明可用言太激獲譴幾殆不為變  
癸巳擢陝西布政司左叅政偏歷所部詢民疾苦察  
郡縣吏稱不稱得牧民體分守洮岷適西番縱掠居

民驚徙璟提兵斬其魁民得復業者千計以內艱去  
辛丑服闋復任巡撫都御史以下交薦於朝乙巳進  
右布政使丁未遷左布政使敷惠勤事視昔尤普前  
後十五年民盡被其澤矣擢都察院右副都御史巡  
撫湖廣兼贊軍務肅風紀賑饑民理冤獄簡民壯以  
增武備永州寇作督官兵平之鎮守中官毆殺王親  
下璟勸覆力拒請囑不爲撓以外艱去壬子改四川  
有武官驚不聽令者繩以法始帖服有劇盜亦督兵  
勦之甲寅擢南京吏部右侍郎獨理部事鉅纖畢舉  
戊午進戶部尚書出納明審時已嬰疾庚申得請去  
本朝分省人物考卷九十九  
歸居里中足不至公府篤倫收族事兄琮尤謹每宴  
會拜跪如少時所賜稟餼月必分給間以散諸族黨  
歲歉則出粟以周貧乏死者具棺斂葬之又建石橋  
書院以教子姓及鄉之俊秀給薪米筆劄而時課之  
暇則徜徉山水間以圍碁賦詩爲樂續且屬屬其子  
曰無廢義學蓋其生平所注意者故尤勤勤云以弘  
治壬戌壽七十三璟敦雅重厚不事矯飾隨所受任  
必舉其職閱歷既久資望兼隆而又先幾勇退以令  
終可謂不失其正矣

張縉

本朝分省人物考 卷九九

張縉字朝用其先順天寶坻縣人曾祖諱仲和勝國  
時爲太原路總管因家陽曲縉幼穎悟不凡旣冠領  
天順壬午鄉薦以成化己丑登甲科初知鈞州鈞民  
多頑獷以嚴治之皆斂手奉令尋以內艱歸終喪改  
知滄州居南北之衝且頻病雨潦多方賑救民賴之  
安權貴欲請境內地爲莊田縉不可其事乃寢陞南  
京工部郎中剷除宿弊羣匠故囊橐爲奸利者無所  
容未三年陞杭州知府縉以廉正自持守臣臺使以  
及監司無弗敬信者在杭八年節縮百費省民財十  
有餘萬陞山東叅政弘治癸丑河決張秋 上命平  
本朝分省人物考卷九十九  
江伯陳銳都御史劉大夏治之百需悉委調度甲寅  
功成遂陞通政司右通政當行河衝決之餘溝防不  
治縉相其緩急以漸修濬無所遺又於決口之東甃  
石岸數里以圖勿壞又新築南旺東堤樹柳其上每  
歲夏秋水溢挽卒得分行無阻至今便之庚申八月  
陞右僉都御史巡撫寶定等府飭士馬以防寇掠有  
發輒得寇幾絕嘗疏陳八事皆切民病辛酉四月陞  
右副都御史巡撫宣府虜人遮繫屢有斬獲之功是  
歲十一月改督漕運造船之價必預給漕卒必選其  
精壯者補之癸亥甲子淮揚連歲告饑奏留糧米萬

六八一

石所全活甚衆丙寅陞戶部左侍郎時逆瑾專政其不已附會南京戶部尚書缺以縉往即因事建之時同建皆復官惟縉致仕過滄滄人留止之乃家於滄然瑾銜縉未釋也復與尚書韓文同下詔獄罰輸邊米五百石又坐前揚州災嘗改揚之兌運二萬五千石於鳳陽上納瑾以爲更制除其名辛未劉齊二賊掠畿甸滄被圍七日城中士民欲許賊和以緩禍乃謀于縉縉曰許和是降城矣於法何如吾家三十口誓不能降賊以生衆義之相與嬰城固守勇百倍於初賊勢挫遂解未幾復召爲右都御史仍督漕運兼淮南勦賊事至則選鋒追勦又設伏以遏其衝賊圍邳縉素知東海千戶張瀛者以謀勇稱遂令率健士開南柵迎敵有三騎突來蓋賊魁也皆中矢以斃其黨遁去城乃完七月賊捨騎入江縉於儀真瓜州皆嚴兵以待既而賊勢日蹙乃有狼山之捷 上勞以璽書金帛時境內累經兵燹民物凋瘵縉加意撫援漸有生意因老而倦於勤凡七疏乞休得允以南京戶部尚書致仕命有司給歲夫月廩居滄一年而終年八十有三縉器宇魁岸風神秀朗持已蒞下嚴重有威理禁處劇綽有餘裕故起州郡歷方岳陟臺

本朝人物考 卷九十九

十七

山西

省所至輒著能聲樹成績居家孝友嗜學手不釋卷星曆醫卜皆臻其妙性好吟咏有玉雪遺稿若干卷又有奏議若干卷藏於家

陳璧

陳璧字瑞卿太原左衛人成化壬辰進士授嘉興知縣改武邑擢監察御史巡畿郡山東剛直有威弘治間陞山東按察司副使整飭臨清兵備權貴過者皆斂戢陞按察使進南京太僕卿正德初陞都察院右副都御史整飭薊州等處邊備兼巡撫順天等府以病致仕尋卒詔給祭葬璧性慤直居官無所屈撓然剛而少容人以是惜之

本朝人物考 卷九十九

十八

山西

喬宇

喬宇字希大號白巖樂平縣人十七歲以金吾衛籍中順天府鄉試錄其文以式中成化甲辰進士授禮部儀制司主事是歲 皇太子婚禮成及 五王冠受文綺白金之賜明年會試天下士署提調官綜理有法撤棘之日簾內什用之器悉還之民丁未母卒歸葬樂平杜門謝客讀禮考究所養益深祖塋有松數百樹皆先人手自封植夏有蟲食之幾盡乃自爲文以祭遂止弘治庚戌服闋除吏部文選司主事王

子署考功司員外丁巳補郎中辛酉調文選司郎中  
日益勤勵門無私謁凡三與考察輿論稱允至於拔  
進賢才杜塞僥倖屏退憚壬無不贊行之遷太常少  
卿武宗卽位命分祭中鎮霍山黃河西海及諸王  
陵園事竣咨諏民隱爲六事上之多見采納戊辰轉  
光祿卿專裁節浮費以甦民困陞戶部右侍郎庚午  
遷左侍郎春至六月不雨漕河涸奉命禱祭海嶽  
遂雨時宦瑾用事公卿多通關節宇恬然自守後瑾  
敗獨皦然不爲所汙辛未轉南京禮部尚書乙亥改  
南京兵部尚書參贊機務治尚簡靜說者謂得畢公  
保躓之道時番國烏思藏傳有童子能記前生事以  
爲活佛上遣使迎之上疏極論甚傷國體且云國  
朝祖宗相承所以不絕番僧朝貢者不過羈縻遠  
夷而已陛下天縱聖明無微不燭抑豈不知異端  
無益中國之治乎南京御史林有年以言事被逮宇  
論救得釋上巡遊無時宣大之地往來數矣又復  
事於關陝以伐虜爲名乃上言天命人心累數百言  
無不剴切是時前星未耀中外危疑疏乞早建皇  
儲以安宗社俱不報已卯寧濠之變濠與留守太監  
劉珣交通欲取南都宇視機務密得濠反狀又知指

本朝分省人物考卷九十九  
山西一

揮楊銳有才略可用迺署爲安慶守備誠之曰安慶  
南京上遊密邇江西賊計汝必先知知則速來告賊  
至必先攻安慶攻則汝當死守未幾賊變銳果能成  
其功十二月上南狩至則叛逆以平遂受朝正於  
行在初有旨命百官以戎服朝見宇獨以爲兩京禮  
儀一體豈容有異遂朝服率諸臣見時幸臣江彬怙  
寵勢焰傾人統邊軍數萬扈從屯處京城懷不軌心  
一日晚彬遣兵官索各城門鎖鑰城中驚駭不知所  
出督府遣人來謀于宇荅曰守備者所以謹非常城  
門鎖鑰孰敢索亦孰敢與雖天子詔奈何督府以  
宇言拒之竟寢城中帖然彬每假傳旨有所求爲日  
數十通宇每得旨必請面奏彬計遂不行鎮安都城  
隱然虎豹在山之勢及駐蹕既久倡九卿臺諫凡上  
三章勸回轡輿以安社稷爲重九月上還京師扈  
從至揚州歸辛巳五月考績錄前功加柱國少保兼  
太子太保七月詔拜吏部尚書辯論官材總統百度  
社請託錄遺逸至於進退君子小人之際尤所加意  
中外翕然稱之世宗入承大統新政之初銳意圖  
治甚爲倚重宇亦忠勤靡倦知無不言言無不盡與  
刑書林俊戶部孫交兵書彭澤協心輔政癸未王會

本朝分省人物考卷九十九  
山西一

之期裁革冗濫至二千員餘前此未有也甲申以議  
 興國大禮不合抗疏乞休歸樂平始買地建宅徜徉  
 於山林中至朝廷之事從未言及戊子詔前議禮之  
 罪得冠帶閑住辛卯少師邃菴楊公卒宇出門下乃  
 渡江弔之及過江日南京父老識者舉手加額曰活  
 我公也多遺之以禮不受九月歸偶感痰疾於十月  
 二十六日卒年六十八宇少從學楊公於京師時楊  
 公為中書舍人談經之學甚盛天下名士多從之遊  
 而成就者衆宇遂為高第既而舉進士又從文正西  
 涯李公游德行道義漸磨者深焉至今北方之士言  
 文苑者必首稱之為文不以蹈襲為工出入六經深  
 沉醱郁自成一家有克蒙稿若干卷其為詩始擬古  
 後擺落陳辭往往多自得語渾然一代大家性嗜林  
 壑嘗歷雲中上恒霍登嵩華海岱搜奇探隱人莫知  
 之咸以為有二李風晚精鑒賞名書古帖一見知之  
 家居所用皆陶器衣服似寒士而延接儒雅如恐不  
 及見善常如已出見不善惡形於色卒之日識與不  
 識莫不歎息泣下

王瓊

王瓊字德華太原縣人成化甲辰進士授工部屯田

司主事弘治四年陞本司員外郎六年進郎中九年  
 改戶部郎中有治才留心國計凡舊卷條例悉錄之  
 以備稽閱十二年陞山東右叅政十四年守制十六  
 年補河南左叅政十八年陞河南右布政正德元年  
 陞整理兩淮鹽法都察院右副都御史二年改總督  
 漕運未任陞戶部右侍郎三年改吏部本年調南京  
 吏部四年改南京戶部右侍郎丁憂六年起戶部右  
 侍郎兼左僉都御史賑恤畿甸山東地方七年陞戶  
 部左侍郎八年陞戶部尚書瓊在戶部嘗著論謂國  
 初制親王歲支祿米一萬石後因地方豐歉或有減  
 支郡王將軍俱有常祿亦因民供有限悉減支一半  
 本色一半折色其折色多不關支又如初封郡王歲  
 支二千石以後襲封俱支一千石後亦有例至今行  
 之夫以民供論之則日益不給以宗室論之往往衣  
 食不繼反不如庶民之家得自生計也又宗室犯罪  
 降為庶民者計口月給米石比與將軍中尉反得實  
 惠宗室例不得種田納糧商販營利而常祿不給日  
 見其貧乏不能存活又國初定制百官俸給皆支本  
 色米石後改四品以上三分本色七折色五品以  
 下四分本色六折色今京官折俸四五年不得一

本朝分省人物考

卷九十九

三十一

山西

本朝分省人物考

卷九十九

三十一

山西

支外官通不得支俸祿之制如此欲禁貪婪是以難也故於邦儲斂散酌盈濟縮不尚同亦不求異凡非分干請有違成憲者執奏不易苟可以厚宗室利官民者亦調停行之人服其有心計十年改兵部十一年加太子太保十二年三月加少保兼太子太保不二年二進三孤初南贛撫鎮不得人兇民羣聚為盜焚劫州縣無忌遠近效尤凡在虔楚閩廣接壤無非賊巢瓊薦王守仁巡撫其地及守仁請便宜行事眾笑為迂屢不報瓊慨然曰朝廷此等大柄不與此等人用又與誰用我必與之竟覆議報可諸賊由是悉平十四年正月守仁乞致仕當路素忌之欲從其請瓊力言不可從留之會福州三衛軍人進貴葉元保等作亂瓊知江西寧藩必反召主事應典曰此小事不足煩守仁但假此便宜 勅書在彼手中以待他變爾為我做一題稿來看既成具題 勅守仁查處福州叛軍及給事中徐之鸞等疏宸濠不法事內閣楊廷和令兵部發兵觀變瓊曰此不可洩近給事中孫懋建議選兵為江西備留中日次第如議行之廷和默然已而宸濠反南都告急瓊會眾於左順門獨曰豈子素行不義今倉卒造亂不足為慮有王守仁

本朝分省人物考 卷九十九 山西一

在彼必成擒矣頃刻覆十三疏詔削濠屬籍正賊名次請命將出師趨南京勅北方壽祥防江都御史俞諫率淮兵翊南京戶部尚書王鴻儒主給餉王守仁率南贛兵由臨吉都御史秦金率湖廣兵由荆瑞會南昌李克嗣鎮江西許廷光鎮浙江叢蘭鎮儀真慎防瓜州壩傳檄諸路但有忠臣義士能倡義旅擒反賊者封侯且令南京守備操江諸武職并五府掌印僉事即自陳取上裁務在得人以固根本詔悉從之濠果不旋踵就擒十五年十月改吏部尚書加少師十六年 世廟登極五月以人言謫戊嘉靖五年起

本朝分省人物考 卷九十九 山西一

劉 釋

將擊討之斬首三百五十餘級撫定七千餘族降勅嘉賞又置下馬關門接修邊墻一百八十餘里起

甜水堡至蘭州因地形勢挑濠墮八百餘里據險以守邊人至今便之十年詔還改吏部尚書卒贈太保

謚恭襄

劉 釋

兵部尚書兼都察院右都御史總制陝西三邊軍務

時吐番侵擾甘肅瓊督兵擊敗之八年套虜入寇統

兵三萬出花馬池禦之斬首六十餘級捷聞 勅賜

獎勵尋以功加太子太保九年洮岷番夷寇鞏昌命

將擊討之斬首三百五十餘級撫定七千餘族降

勅嘉賞又置下馬關門接修邊墻一百八十餘里起

甜水堡至蘭州因地形勢挑濠墮八百餘里據險以

守邊人至今便之十年詔還改吏部尚書卒贈太保

謚恭襄

劉 釋

兵部尚書兼都察院右都御史總制陝西三邊軍務

時吐番侵擾甘肅瓊督兵擊敗之八年套虜入寇統

兵三萬出花馬池禦之斬首六十餘級捷聞 勅賜

獎勵尋以功加太子太保九年洮岷番夷寇鞏昌命

將擊討之斬首三百五十餘級撫定七千餘族降

勅嘉賞又置下馬關門接修邊墻一百八十餘里起

甜水堡至蘭州因地形勢挑濠墮八百餘里據險以



劉繹字以成號斗山代州人成化丁未進士初授戶部主事歷郎中總理遼東糧儲兼屯田逆瑾初擅權正急于貪或告瑾曰文官富惟邊郎耳瑾令人喻以指繹吃不為動瑾怒械至京師荷校于吏部公署前時柳重法嚴晝夜監守雖親故莫敢近他柳者十日餘即死獨繹至月餘得不死時同郡王某者以死侍側日夕不離繹曰我死其職也如君何王終不去方柳時有黃冠者至其邸遣家人藥一丸曰日剝一分服之盡則難脫是日繹昏留中夢仙人自雲霄下以一丸納之口中覺而口尚覺藥香監守者俱言見老人送藥忽不見於是喧聞九市上達朝著西麓張太宰乘此異言之瑾得釋為民後瑾拜選授監察御史朝野咸稱為鐵漢公云

唐希介

唐希介字景賢陽曲人成化丁未進士改翰林庶吉士三年授工科給事中隨事建明直聲大振久之特被簡命稽省真定等四鎮儲備躬親閱實盡得宿弊以聞於是權倖見嫉以他事中之謫四川石柱宣撫司經歷萬里遠竄怡然就道既蒞任承檄署仁壽雙流二邑植善鋤惡俗用丕變又檄視州茶政廉發私

隱黥吏褫魄稍遷漢陰縣令有鉅豪作姦持吏短長所居窟穴湍岨捕吏莫敢蹤跡密設方略擒而斃之繕完城郭百廢具興再遷知揚之通州州臨海有漁蒲鹽泊之利盜劫出沒司微巡者歲入其賄陽捕陰縱民賈交病至則揭賞購示以威信盜望風散逸境內又安河堤潰決撫巡檄以董治乃內籌規畫外別勤情旬月之間績成庚申擢陝西僉事督餉榆林邊吏有乾沒稽緩者糾憲繩違軍餉不乏邊氓有爭田久訟者兩室其侵怨仇立解時大學士石淙楊公總制邊務議增置茶市以贍軍賦因條答便宜二十三事石淙公并施行之未幾改四川僉事尋擢陝西副使榆林兵備仍兼督餉愛養士卒約束裨校戎乘肅睦邊威赫然軍府多贏積中官欲私取力執不可謹籍以俟調發中官銜之構于逆瑾瑾矯制逮繫三木長安市長子淇擊登聞鼓訴冤罰輸居庸米三百石復其官瑾猶覲往謝迨終不往乃嗾御史劾以不勝邊防重寄有詔着致仕歸

楊傑

楊傑字廷俊平定州人成化十四年進士改翰林院庶吉士授編修九年秩滿陞侍講充經筵講官弘治

四年纂修 惠廟實錄成陞司經局洗馬九年充  
東宮講讀修大明會典未幾卒賜諭祭傑未第時祖  
業悉以讓兄自負甚重人亦以遠到期之而竟止於  
是故其卒也人情多惜之

### 劉淮

劉淮字濟之號西溪代州之崞縣人年九歲而孤家  
且壁立母楊脫簪珥為膏火費命師邑人程少尹楊  
嘗撫之曰劉氏一脈若髮引千鈞幸少樹立不替韜  
略之傳即吾含笑入地矣言既衣盡沾淮亦跪泣不  
能仰視乃益自刻勵嘗曰大文不韋大武不劍遂以

本朝分省人物考

卷九十九

山西

張文

道馭兵以文經武成化庚子襲蔭張中丞一見奇之  
遣入學官由是學益邃博弘治壬子始弱冠即出守  
保安新城心綜理嚴武備大修甲子轉守懷來城時  
中丞馬公中錫以懷來為路衝賓需咸索之下曰無  
為免我清白守也遂以官銀三百兩給淮供需不甚  
鉅稽自無所染乙丑攝本鎮西路分守一時恩威並  
著雍中丞秦性嚴毅少許可每器重之逢人即曰我  
劉某云正德丙寅總制中憲劉公詡薦陞南路參將  
丁卯陞宣府副總兵 上賜飛魚一襲時龍門所虜  
酋花當久肆侵犯奮兵勦之捷報 上嘉悅進級賜

金幣庚午註中府都督僉事御勅佩鎮朔將軍印鎮  
宣府以統馭得宜地方寧謐賜勅獎諭及蟒衣金幣  
乙亥取回京管耀武營賜斗牛紗羅衣各一襲環繚  
有差尋管團營東官廳左叅將時 武皇帝幸邊邊  
將輩競起取寵淮獨裁抑退讓 上亦整容待之謂  
為劉夫子云庚辰歲 武皇帝升遐向競進將輩咸  
置之理太皇后與顧命大臣以淮不附權幸命視西  
直阜城門慰以溫旨辛巳 世宗踐阼命鎮守關陝  
註右府都督僉事克總兵官賜制勅符驗金幣鎮陝  
一年虜無侵暴人有寧宇常祿之外諸凡悉裁之千

本朝分省人物考

卷九十九

山西

張文

年疏懇歸總制李公鉞以金幣三百餽贖辭謝之一  
無所受後復起取管揚威營提督巡捕京城庚寅歲  
又註左軍都督僉事勅鎮守遼東賜制勅金幣在遼  
六年招徠夷落振作軍威地方為之一清建州被虜  
者流移高麗王給衣食驛歸淮嘉之以文 上勅厚  
賚國王王感之曰非劉太師 上何以至此其化被  
遠人如是明年以引年致仕 上溫旨留之遼之撫  
巡及文武致政士大夫在京國子生進貢夷人悉具  
通狀留之以故不獲歸未幾有軍變窘辱撫臺淮至  
處分乃止遼人非淮中處禍變將不止雲中矣後淮

惟自劾自訟人有稱其功者曰兵士若是撫臣若是而謂某之功也其謙抑引咎類如此歸里尚康健游林下者十餘年卒

陳璘

陳璘字邦瑞號一石陽曲人弘治己酉鄉試第二癸丑賜進士授太常博士戊午拜監察御史巡居庸諸關躬歷險阨疏守者立將官增戍兵巡按山東會蔡河淤塞河流逆沒民田匪為巨浸而稅尚在民璘奏罷之遷浙江僉事轉陝西死馬少卿時少師楊公一清總制三邊疏遷薦左叅政督軍餉尋晉河南

按察使時豪猾交納宗室侵軼法制人咸苦之璘捕獲悉正其罪境內肅然陞左右布政使拜都御史巡撫延綏至則繕城堡利器械足倉廩募戍兵選將校邊望大震丙子虜入寇斬獲甚多有璘衣金幣之賜總兵柳勇叅將李永定交納中貴緣為奸利劾罷之

巨璫江彬勢焰張甚帥臣戴欽附之其子以殺人抵獄彬欲活之不聽邊人相語為真都御史云數引疾乞歸不允未幾相繼丁內外艱始得解任以歸至嘉靖十七年卒壽七十有二

王源

王源五臺人弘治間進士由主事歷陞四川僉事以政績著正德間流賊作亂提兵捍禦力戰而死詔褒其忠贈按察使

崔侁

崔侁陽曲人弘治初進士歷官保寧知府操守廉明政蹟大著府有疑獄積未決者悉得其情而釋其冤時流賊擁眾欲肆劫掠聞其忤逆瑾得請歸田即引眾避道一方賴免後祀于蜀名宦祠林居三十餘年藿粥自甘杜門不出鄉人多有不識面者所著芥菴集藏于家

本朝分省人物考 卷九十九 山西一

張天相

張天相太原左衛人弘治間進士授戶部主事累官至陝西左布政使積奸宿弊刻剔殆盡獄有疑而久不決者一訊立辨人皆稱其神明

寇儉

寇儉檢次人年二十始折節向學博綜羣籍自經史及百氏探幽發微根極領要而後已雖天寒閱卷坐竟日夜半猶隱隱聞讀書聲早作無儻色弘治間舉進士授大理評事陟寺副駁覈多所平反未幾值內艱以憂勞成疾卒儉氣宇沉默局量疑遠制行一以

聖賢爲法人與之接邪僻自爲之消比卒士林感惜之

白侃

白侃平定州人進士拜監察御史按視南畿條陳六事上深用采納時給諫王徽抗疏劾牛玉及李賢忤旨禍且不測侃率同列連章申救公議重之又巡光祿太倉居庸等處所至有冰蘖聲官至副憲卒

胡孝思

胡孝思字續宗文水縣人進士爲蘇郡守務在與民休息養以寬和博大之治公暇則遊行湖山園亭題

本朝分省人物考卷九十九

三十一

山西

墨淋漓遍於崖石累官御史中丞撫河南肅皇帝幸楚咏詩一律紀事刻之石後致政家居者數載矣邑令王聯曾以貪見扑啣之時爲戶曹郎乃指詩中穆天子湘竹句爲怨望呪咀及素有郤者咸指爲孝思奸黨奏之上震怒悉下獄論死時孝思年八十矣了無怖畏詠歌不輟衆爭掣其筆曰君正以詩坐累尚伊唔何爲孝思掀髯笑曰坐詩當死今不作詩得免死耶久之上怒稍解許廷杖三十放歸時有贈以詩者方病瘡甚呻吟不絕猶口占答之

吳嘉會

吳嘉會字惟禮號南野代州人嘉靖甲午舉鄉試第一明年遂成進士授行人轉比部郎有盜夜殺人壩上斂其貲賊曹拷掠旁近人具獄心察其枉特令頌繫而陰使人跡盜盜得賊曹坐禡官從此有聲郎署間矣辛丑擢山東僉憲歲稔設法賑之明年虜深入太原計以臨清海岱間都會議城其外郭簡練材武士以待虜止不來甲辰小清河決築長堤扞之民免墊溺詔賜金綺轉本省參政青州豪民糾衆數百人牟礪利直指欲擒以爲功嘉會曰此屬片檄可解急之恐鋌鹿走險耳不聽豪果與顏神大盜合執吏逆類行而始悔不用其言單縣妖人楊惠等聚徒數千僭署將校流劫四省官兵攻之不下嘉會單車詣壘宣言曰棄仗走者爲良民不且孥戮衆鳥獸散獨兇渠數十人未服縛而磔諸市東土以寧肖像祀焉丁未陞憲副改備天津庚戌虜闌入薊塞直薄都城薊守臣被逮卽日超拜嘉會右僉都御史整飭薊鎮邊務至卽條上更始善後十二事日夜屯戰守具起居庸盡山海關朔修石垣四萬丈甃敵臺封堠二千六百座有奇卽其地分爲十區區設叅遊兩將軍分統健卒合之凡八萬人人予怒馬堅甲長戟利鐵軍

本朝分省人物考卷九十九

三十一

山西

容煥然一新於是虜犯河防堤師擊走之虜二十萬  
 騎入潮河川設大營待之二酋並馳而前應弦倒乘  
 其亂擊之斬殺無算虜宵遁虜萬騎從馬蘭峪入寇  
 約大帥逆戰於郝家莊斬首虜獲器畜大捷而還虜  
 再犯古北口伏兵陘中而設火器于山巔虜夜至伏  
 起砲發自相蹂踐而去虜寇昌鎮發健卒據大石巔  
 虜至我軍下礮石連斃數酋計窘却走鎮前七年虜  
 匹馬不得入塞事聞先後賜金綺者五廕子錦衣千  
 戶者一國子生者二晉貳本兵闕六師校諸將材武  
 再賜羊酒且大柄用而為相嵩所忌中讒罷歸歸三  
 十年卒壽七十有七 神宗登極追念邊勞遣官臨  
 祭營兆域

本朝分省人物考 卷九十九

三十三

山西一

孫璽

孫璽字廷信代州人明春秋深慕荀息之為人少舉  
 於鄉初令諸城改令扶風有治績正德六年蜀盜寇  
 漢中略陽漢中要道也都御史集省臺議略陽知縣  
 嚴順懦扶風知縣毅而多知可以集事遂檄璽往城  
 略陽順耻之百計撓其所為璽周行相地布令于民  
 期一月而城成未屆期蜀盜卒至城已成三面東門  
 尚未竟功順曰城必不可守曷亡城中人亦譁欲亡

璽抽佩刀斫坐几曰敢言亡者視此几盡出城中已  
 矢令賈輿隸卒持之登城礮石積城上如阜以水沃  
 壇披之障矢命令若丞簿尉各守其一門而東城之  
 未完者璽自守晝傳食夜張火鳴柝警鉦周視無懈  
 賊攻三日弗克已欲移去會執告急者發牒知城中  
 窘甚復悉眾環攻之已而順奔城陷賊執璽殺之大  
 掠三日而去順渡江還牘報曰與扶風知縣偕奔而  
 璽溺于水取江濱一尸棺之還其鄉其子暨族人故  
 視之非璽也乃走京師投匭以辨事下御史王廷相  
 治乃得實奏上制贈光祿少卿賜祭廕一子入太學

本朝分省人物考 卷九十九

三十三

山西一

張鍵

張鍵字君重石州人正德丁卯薦於鄉明年舉進士  
 授南京戶部主事忤逆瑾逮至京師以義命自處竟  
 不為屈調衛輝府通判與境內稅事務為緩輯歲額  
 登而民不擾值河水漲溢壞民居承委治之疏壅峻  
 坊曲盡其法水患以息瑾拜復戶部主事督儲天津  
 值流賊奄至勢甚猖獗兵備副使陳公天祥提兵禦  
 之鍵為居守登城誓眾晝夜不息卒保無虞薊州莊  
 田累經奏瀆有司弗能決銜命往勘躬履疆畝一一  
 為精覈歸其侵於民權勢斂迹人皆避之河套虜入

寇關西大振長沙彭公澤涿鹿鄧公璋相繼總

事諸鎮皆空廩請餉之使相屬于路召商易糴兼搜

積逋不遺餘力轉輸千里士無饑色會蘭州大侵死

者枕籍卽發粟賑之親啜以粥活者甚衆事竣東歸

蘭民遮泣去則思之勒其事於石繼延綬報警復從

統軍都御史陳公天祥給餉邊人聞之喜曰此前張

石州也吾輩何憂名益籍其尋擢開封府治隸郡縣

四十餘文移旁午揮遣如流尤以撫字爲先事有不

便於民必釐革之雖疆禦弗畏飾吏以儒崇學政養

士風務底成效諸生有弗能自給者輒周以粟並恤

婚姻郡齋故有亭亭下有池辛巳秋忽有蓮盛開

人以爲瑞而乃不久逝矣卒于嘉靖壬午年四十有

六

張文明

張文明字應奎陽曲人正德辛未進士授行人拜監

察御史出按遼東斥奸植良人畏而悅之虜犯邊鎮

巡官皆畏縮力主進兵連戰大捷斬首百數十級虜

懼而遁丁丑按陝西發中官廖鑿貪橫捕其黨二十

四人寘于法明年武宗西幸上書切諫指斥權倖

謂江彬有可斬之罪十并謂諸司官有如泥塑紙糊

之語大忤朝貴謫電白縣典史世宗馭極召錄言

官復御史原秩造朝甫旬日具疏請辨忠邪端治本

未及奏語泄爲時宰所嫉出知松江府都御史李公

鐸抗疏言文明忠謹當置之廟堂以作忠義之氣不

省文明北人不習南中水土又舟次蒸鬱涉江而疽

發於背至郡甫視事一日疾劇竟不起卒之日竟縗

冠帶東向端坐而逝須臾大風澍雨飛屋拔木江水

皆漲溢人莫不傷悼之按使者謂以忠直抱鬱而死

宜贈官廕嗣以彰其節詔贈光祿寺少卿

党承志

本朝分省人物考卷九十九

三十一

山西一

党承志字汝孝號牧川忻州人正德庚午舉於鄉明

年連擢進士授直隸保定府推官蒞以明恕疑獄立

釋怙終者不稍貸居三年故俗大革其治行稱天下

第一乙亥徵拜刑部主事會吏部司屬缺員朝廷慎

簡諸曹更補太宰陸公獨器承志奏調驗封主事乙

卯武宗西幸具疏謂朝政紊數威柄下移宜親賢

遠好恭默圖治審審千餘言辭過激杖於闕下未幾

陞稽勳司員外郎嘉靖改元預修武廟實錄是冬

克晉藩冊封使卻餽遺癸未陞驗封郎中甲申議大

禮抗疏忤旨復被杖繼調考功再調文選先是選法

壅於請託銳意裁抑凡銓除擬注各量才器權賞惡其厲已深銜之丙戌擢通政司右通政提督武職錄黃丁亥值災異詔求直言上疏條陳者四曰節財用減徵需飭邊防練兵卒皆切中時弊權貴不悅遂陰諷言官論列然無瑕可指止攻其峭執竟坐罷既歸杜賓客絕交際與二三逸老遊眺川壑怡神自足彈冠之念泊如也先後撫按薦起凡十數已亥詔用屈滯吏部合臺諫疏其儒術弘深特宜甄錄不果或勸結津要謝曰行藏有命君子貴守道不辱身枉尺直尋吾不為也庚子北虜內寇郡城卑且壞亟白撫臺本朝分省人物考卷九十九 三十七 山西 姜洪

檄令增築民樂輸其力工成恃以無恐又捐貲葺古文昌祠輪奐孔飭別構堂數楹羣諸子姪及鄉之俊秀課業於中挾策鼓箏洋洋而興焉天性夷曠篤於倫理事父樂軒公曲盡愛敬弟承賜進監察御史卒於官恤其孀字遺孤如已出處鄉人底裏洞見恂恂若無廟廊貴者居常博覽強記自經史百氏以至兵刑律曆象緯堪輿之說靡不該貫故其文涵肆演迤蔚然成一家言詩尤縝密淵粹得唐人體後學爭傳誦之晚著忻州志若干卷年七十有三髮澤面眸矍鑠無情容俄頃疾作翌日遽卒

侯 綸

侯綸太原人生有異質邃于易學正德間進士任戶部主事禮部郎中擢湖廣副使伸雪冤獄督大工費出有經民不知擾值歲饑上饑民圖民獲賑以蘇官至戶部侍郎子汝諒舉進士歷官都御史亦以廉能稱

陳 臯 謨

陳臯謨代州人少以學行稱正德庚午解元登辛巳進士知三河無錫二縣有惠政擢給事中劾席書謂之至本自 聖心不當貪天功以為已有又論

本朝分省人物考卷九十九 三十八 山西

定於郭勛不宜挾公論以快私忿已丑同考會試時稱得人

王 玫

王玫忻州人家貧有學行正德間鄉舉授許州訓導講學淑人士心感服擢福山令清苦仁恕時多異政民繪像立去思碑官至工部郎中以剛正忤權歸居鄉多厚德高誼士林推重

喬 毅

喬毅樂平人進士選庶吉改給諫糾正官邪規切時弊為時推重歷官二侍始終一節其勛望最著云

寇天敘

寇天敘字子惇榆次人貌而孩即不喜嬉戲五歲時  
母趙淑人病久髮弗櫛家人欲剪之敘曰是不可毀  
傷及卒哀毀如成人禮十二旁通舉子業稍長名燁  
燁動三晉弘治辛酉舉于鄉卒業太學尚友天下士  
而與馬伯循呂仲木崔子衷切劘聖賢之學以躬行  
力踐為本正德戊辰登進士第尋陞南大理評事每  
錄囚務矜恤讞疑理在多有勢豪撲殺人出  
家人代伏其辜敘評之曰天道神明獨誰欺乎乃駁  
奏竟抵其人之罪不畏強禦尤憫憫然留都人人知

本朝分省人物考

卷九十九

三十九

山西  
姜洪

寇評事會兩京曹官得舉科道趨者恐後天敘曰官  
求盡職何必科道耶獨不赴布袍羸馬晏如也既考  
績部院皆著上考丙子陞寧波知府府巨室能訛是  
非成敗人敘曰吾惟知為國恤民為民恤財已矣是  
非在人成敗在天則何能知徭役稅糧宿弊叢積首  
釐革之利罔不與強每肉弱乃抑其強而弱是植丁  
丑百穀不粒糧額如故民患之乃白於部使者米得  
折銀省而易輸皆欣欣稱便且禁遏公役人無落鄉  
勾稽以重民之擾事惟期會而已俗囂於訟每一投  
牒即盈庭聽斷無宿案而日以簡省有董孝子祠附

以女人像非禮也亟踏之祀先師教演大成樂庶幾

洋洋之音尤專意學校每進諸生訓以德義器識之  
大者而論文務崇理致士經品題者多取科第顯顯  
嚮風已卯陞應天府丞民惻惻然如失慈母迨至應  
天會府尹缺即攝府事時寧庶人反 武宗御六龍  
討賊庚辰春駐蹕留都權嬖怙寵提督江彬尤鴟張  
所過率以重賄免於禍守臣亦諷賂之對曰與其行  
賄敗節寧得罪何傷彬洵洵每務持迫之屬有不可  
行之事指畫利害與之抗論多所中止中官勾妓婦  
善音者數百人拘之別室以備供應饑餓疾病累累

本朝分省人物考

卷九十九

四

山西

迫於死言於彬而釋之常以事觸彬怒令人偵之迄  
無短可持偵者乃勸往謝彬竟不往而彬亦不能有  
所加也其他權嬖所需直沮之曰俟面奏與即與爾  
皆莫能誰何 駕北旋諸守臣送之維揚即得還天  
敘迺遷於淮安坐不行賄爾是時江南諸郡皆緣迎  
駕厚斂民而乾沒其間 駕駐留都凡九月費且不  
貲一一出經畫而民不知亦不病也壬午嘉靖紀元  
應詔查舉內府神帛堂十庫及花園進鮮諸冗費謹  
敷奏之百餘年之弊一旦而革甲申饑饉人相食多  
方賑恤鄉落散米粟城中煮粥以舖之尋復大疫施



醫藥周視閭閻或勸止之嘆曰我為百姓癘豈干耶  
 治應天四年餘百姓恃以為命是年陞左僉都御史  
 巡撫宣府已復改撫治郎陽未幾又改甘肅節鉞市  
 臨虜騎犯山丹指揮將士過其鋒斬首首脫腕木兒  
 及部落三十六級威名遂震甘肅荒徼諸司往往眇  
 之凌蕩法守敘訓人以廉德樹素絲之風而先之太  
 監總兵官役軍雜草輸之官廩所給價值一到則盡  
 奪而有之乃榜令軍交草於官官交值於軍毋旁落  
 他人之手屯糧額外有科並嚴其禁又每團軍士較  
 其技勇懸銀的而令射之諸所俘獲賞必及其功買  
 本朝分省人物考 卷九十九 四十一 山西

也若廢置曲之則地彼有之矣豈春秋正侵疆之意  
 乎况倉卒遣使而為彼羈留如國體何乃削去聽爾  
 選擇立王數語直付進貢回使執之去此皆長久之  
 計也又請御經筵親羣儒講求治道又以嚴清戎謹  
 備禦廣屯種添京運處物料添軍器分部官七事為  
 備邊要務皆請行之丁亥陞右副都御史巡撫陝西  
 關中兵荒地貧民艱孔亟專務安靜養民輕徭薄賦  
 節縮費用以紓其力吏習日佻申飭官箴以警之而  
 貪暴之吏必斥芻蕘且訓練軍士作其敵愾虜薄固  
 原鼓而擊之斬首一百有奇捷聞 聖書褒異陞俸  
 本朝分省人物考 卷九十九 四十二 山西

一級兼有文綺白銀之賚戊子春會織造太監至行  
 部之臣議奏罷之敘曰意則美矣但初到遠奏恐即  
 不罷將益張其焰爾事各有機姑待之可也是歲大  
 稔陳乞廣捐糧額大發帑銀兼支引鹽皆得請喜曰  
 吾民生矣乃夙夜 呈皇周咨長慮講求善法手提其  
 綱簡庶僚而分任之凡所以祇承 德意而康濟斯  
 民者無遺力故民雖嗷嗷而卒之溝無涸道無殍又  
 疏織造太監非荒年所宜設非饑民所能供果得報  
 能其精於慮事類如此庚寅陞刑部侍郎遭外艱歸  
 大臣臺諫各騰章薦其可大任癸巳服闋改兵部侍

郎天下想聞風采以疾在告雲中變作力疾上疏極言叛軍稔惡怙終宜彰天討乃陳分別善惡與懸賞格諸方略憂時之心雖病不忘已而疾殆竟卒年五十有四性孝友敬在大學時卒聞父毅菴公有疾裹糧而馳歷六晝夜跋涉千餘里而抵家躬視湯藥疾遂瘳自是無離左右迎養於四明於留都於關中痛淑人蚤卒每言輒嗚咽忌日痛哭如初喪中丞張南川稱其寬而不縱嚴而不迫大不遺遠細不遺近涇野呂宗伯稱其行已省身可與神明質可以知其槩矣

本朝分省人物考

卷九十九

四十三

山西一

孫紹先

孫紹先字汝宗代州人父璋舉鄉試第二汝宗始能言輒取書筆爲戲五歲能屬對七歲能文十三文思迅發書過目不忘提學副使王鴻儒閱其文大奇之鄉試舉第一連舉進士改翰林院庶吉士授檢討充經筵官歸代州卒年三十四紹先長身方面目視不能及遠天資警敏方直寡比非其志雖大貴人不能屈發言必信已志不以一毫徇人明于世務遇事方作暨作事者意所嚮輒逆之曰某何某何已而果然狹中少容有不平厲于言色不惜其人之能堪也

嘗曰應物能化聖人之厚也鳩中飴外儉人之忍也吾上不敢望聖人而下耻儉人之爲吾雖以是獲大疾然吾心無他焉初治易旁通四經大義讀諸史及濂洛家言暨入翰林讀左氏國語暨秦漢人書每日六經未易及必欲爲文此其矩哉故所作古健而辯發意會旨轉相承乘紹先治經不皆用傳所摘發皆大義不以一言一句爲異曰古者以行爲言故其文簡而中後人以言爲行故其文煩而億彼爲傳注之學者自壯至老而見猶未定也其皆聖人之意耶汝宗所爲字辭序記碑表書贊凡百餘篇弟遠宗亦入翰林官檢討

本朝分省人物考

卷九十九

四十四

山西一

張珩

張珩石州人正德辛巳進士授監察御史累陞大理寺少卿僉都御史巡撫延綏尋遷南京都察院右副都御史提督操江未幾召入協理院事進左副都御史會宣大總督罷廷議屬珩珩以鄉曲辭爲言者所指落職久之以原職起巡撫寧夏進兵部右侍郎兼右僉都御史總督陝西三邊前後獲首功甚衆上數賜璽書金幣勞之進右都御史居數歲拜戶部尚書督理太倉未至值虜寇延綏坐失事被逮謫戍慶

陽已復起為副都御史巡撫延綏遷前職丁母憂歸卒于家年七十餘珩素履修潔器識弘遠尤博綜羣籍為御史時會講官缺輔臣有謂珩才行可克侍從者欲推轂入翰林珩三疏力辭不就時論高之計聞賜祭葬贈工部尚書謚襄敏

謝蘭

謝蘭字與德代州振武衛人正德己卯舉於鄉嘉靖丙戌登進士授真定府推官適 詔清三官皇庄承委踏南宮寧晉二邑地瘠多水患主者欲益畝賦力為民爭主者怒蘭毅然曰吾寧獲咎於上司不忍貽

本朝分省人物考

卷九十九

四十五

山西 劉奎

小民千戶之害會臺諫直其議主者竟不能奪自是直聲大起二邑民立祀尸祝焉旌取授御史出按遼左肅邊紀覈功罪遼鎮以鐵面稱繼按浙省貞肅有體簡禮於時宰乃外補山東臬司僉憲時運河塞承部委疏濬底績奏聞加俸一級歷陝藩叅擢河南憲長左轄所至以廉明稱遇督撫觀察咸數其德望勞績屢薦嘉靖丙午推授右副都御史巡撫陝西陝地外供三邊西備番虜兵民事繁疏上方略陳安攘大計數事 上俱許可居常覈軍實括民隱禦虜防邊嚴吏寬民省財恤將靡不究心率作陝士民訟

之歲丁未秦隴大饑民嘯聚山巖劍閣道阻請帑賑恤率諸屬陳兵論盜咸解散捕其渠魁三五人置之法民賴以全活者鉅萬奏聞 上嘉其功晉二品俸賜金幣會督臣誤議復東勝蘭力言其不可謂必挑禍殃民貽西顧憂時藩臬中一少年迎督臣意以抗之蘭即大計直指其罪狀則斥去時朝議未定矢以去就爭之未幾督臣得罪議遂寢人益重其忠諫有執云疏謝病歸 詔不允己酉秋陞工部右侍郎尋以考績 誥封蔭子庚戌轉貳兵部是歲秋虜犯近圻 肅皇怒罪建本兵左遷蘭南京太僕卿尋賜

本朝分省人物考

卷九十九

四十六

山西 張六

以原職致仕歸山課子耕讀悠悠泉石忘其貴顯與諸鄉先生為社日以詩文自娛每聞國家有變故輒戚然憂形於色得古大臣體 莊皇帝立詔晉階一等七十有九而卒

唐寬

唐寬字栗夫號蒙山平定州人嘉靖乙酉領鄉薦明年春下第篤志問學不休壬辰登進士筮仕永平府節推明慎用刑凡所推鞠無不得情者三載考績陞刑部主事歷員外郎中奏劾恤刑陝西平反甚衆壬寅陞懷慶知府會民疲甚寬薄稅省刑鋤強扶弱時

鄭府官校倚勢凌虐平民每執而杖之又有鄉官掘  
城土造屋罪其家人禡其車牛百姓稱快因被毀於  
憲司稔知廉節竟莫之信也且以造毀之人語之後  
與毀者遇諸席絕口不言禮貌如初其人深自慙愧  
爲政三年百姓富庶教化大行丁未陞肅州兵備副  
使肅近玉關番漢相雜素稱難治寬爲政不剛不柔  
撫綏有方夷方畏服不敢爲暴有獻遠物者卽卻絕  
之由是遠人益畏邊圉寧謐時有無碍紙價千金例  
官取入橐寬毫髮不取有勸之者艷然曰若教我爲  
不義耶遂以贍公用戊申陞陝西行太僕寺卿丁繼  
本朝分省人物考 卷九十九 四十七 山西 張六  
母憂服闋補甘肅行太僕寺卿癸丑入賀 聖節歸  
未抵任丁父憂服闋補陝西苑馬寺卿戊午陞四川  
右叅政尋陞四川按察使發奸摘伏剖決如流吏畏  
民懷咸稱神明庚申陞山東右布政明年轉左先任  
者率任庫吏刁索納戶寬知其弊親爲閱視納戶大  
省浪費時撫院嚴治窩盜者逮及士夫一方騷動每  
爲勸解中外德之壬戌入覲陞太僕寺卿未幾忽起  
尊鱸之興語人曰吾精力漸衰虛糜廩祿恐負朝廷  
盍退處山林以終餘年乎遂上疏乞歸 上不允辭  
陞應天府尹不欲往因憶幼年曾夢至南京乃強爲

一行至見南京景物宛如夢中嘆曰吾夢旣應終於  
此矣遂於是年歸越二年卒

潘高

潘高字子抑號春谷寧鄉人自幼以才顯名年十九  
登進士第授大理評事當是時朝多賢士大夫文章  
政事各以所長相高而其篤志好古者則又相聚以  
講良知之學視文與政不屑爲而彼亦詆此以爲僞  
勢幾不相容高盡遊其間論雄詞辨莫可窮詰諸前  
輩相視以爲重於是名益聞然忌者亦抑衆每諸司  
有所建白其詞稍不襲故常輒譁曰春谷筆也出之  
本朝分省人物考 卷九十九 四十八 山西  
陝西踰年以前大理罷官其祿食僅九年年二十八  
耳旣罷論者咸謂處之太過高亦痛自懲思盡屏去  
華藻以就精實士大夫乃更賢之凡持節蒞晉者交  
章以薦竟格於例不果用以嘉靖丁巳卒年四十有  
四

周鈇

周鈇榆次人父文德醇慤有賢行鈇嘉靖間進士任  
監察御史杜奸弊出淹禁巨壻欵服出按陝西規畫  
邊備允協時宜濟通惠渠 爲後改官僚以陳言  
邊事遠謫復起國子監丞遷吏部主事公黜陟絕請

託薦紳畏其節以抗疏出判河間竟落職家居不通官府出間巷徒行如布衣

本朝分省人物考 卷九十九

四十九

分省

人物考卷之一百目錄

山西平陽府

蔣芳

王翰

石撰

暴昭

李祐

蔡瑄

辛彥博

衛子剛

袁泰

陳琦

薛禎

史誠祖

周麟

郭睿

張福

劉元貞

本朝分省人物考 卷二百目錄

史善

王約

張琦

陶銓

柴良

邢讓

衛英

李景

劉琰

王衡

張璠

暢享

李嘉

薛瑄

韓文

李進

韓重

史英

陶琰

李瀚



李浩	文皓
王文	張翰
吳珉	陳孜
王泰	楊謙
郭韶	劉夔
馬騏	張潤
成文	史魯
楊守禮	趙載
陶滋	景濤
亢良玉	陳韜
本朝分省人物考 卷一百目錄 二	
許翔鳳	劉憲
劉翀	楊瞻
崔吉	王珂
喬瑞	李錦
陳希良	張鵬
楊博	王與齡
梁格	裴紳
劉廷臣	王崇古
楊俊民	張四維
晉應槐	覃應元

張夢鯉	邵光先
王家屏	趙三聘
衛瑛	
補遺	
王矩	劉翀
王佐	
本朝分省人物考 卷一百目錄 三	

本朝京省人物考卷之一百

山西平陽府

蘭芳

蘭芳山西夏縣人儻濶達有大節讀書通今古重義薄利不以富貴貧賤動其心洪武中舉孝廉授刑部員外郎陞郎中 上卽位陞吉安知府先是金華朱仲智爲吉安知府寬厚廉潔剗革吏弊禮賢愛民民甚戴之會被召改重慶知府民思慕之而難其繼者已而芳至寬厚持大體而明習吏事庭無滯牘民有告訐者數語立決吏無所容其姦芳以愛民爲心

本朝分省人物考

卷一百

一

山西二

而處事曲當民更大喜吉水有無賴民詣闕言縣故有銀冶烹煉可獲厚利朝廷遣官以其人覆視既至父老羣訴於芳曰卽用無賴言吾屬父子兄弟不能保而邑有無窮之患矣芳曰銀冶誠有之乎曰無之但聞故老云宋季時邑有姦民妄言銀冶於朝者後坐誣罔之罪今芒芒山谷上者樹松栢下者藝禾稼豈嘗見有所謂銀冶太守如疑我言詣闕告者在此請指說銀冶之處我等甘罪芳惻然顧告者而問之噤不能對父老趣之對卒無對父老又言此無賴人平日所爲罪惡累累皆應死其人在傍聞之惴慄芳

曰母恐罪皆赦前今獨問汝銀冶有無耳告者卽叩頭告實言我愚昧人而居鄉素貧誠不甘本鄉之人皆華衣美食揚揚未嘗齒我也妄意禍之以至如此死罪死罪惟太守吾父母何以生之芳爲草奏大意謂告者嘗聞故老言宋時說銀冶事而未及詳輒率意上陳今詢邑人長老皆云率未嘗有銀冶卽不實甘受鈇鑕言人人同謹以實聞同官或不肯署曰朝廷治銀冶吾輩敢方命耶奏入如不信胥受罪矣芳曰吾輩奉命守此土非以爲民乎今 聖天子仁明在上如天日諸公乃不以直道効臣節耶有罪芳請

本朝分省人物考

卷一百

二

山西三

獨任卽自署奏同官不得已亦強署焉 上得奏曰吾固意愚民之妄也遂罷其事然以告出於率意也亦不之罪芳自奉儉約日嘗蔬食被服無統綺事奉母極孝母亦善教凡芳晝所行事夕則命陳於前有未善必讓之芳謹受教不違後爲工部都水司主事督浚治河南河渠凡所經郡縣民情吏治有未便者輒疏以聞陞本部右侍郎以疾卒吉安自芳去其民思慕賢守必曰朱蘭朱蘭云

王翰

王翰夏縣人洪武初以明經薦除本縣學訓導歷河

南鄆陵縣學教諭永樂初周王保陞本府教授入爲翰林編修後調廉州府學倭寇攻城翰率生徒抗敵冒刃而死所著有敝帚集梁園寓藁子礪永樂乙未進士除工部主事陞遼府長史左遷蒙陰知縣致仕歸教授鄉閭後仕進者多出其門孫玉正統戊辰進士除安肅縣知縣陞知大名平涼二府致仕

石 撰

石撰山西平定州人洪武中爲寧府長史靖難師至所過郡縣皆下撰在大寧獨欲爲守備計及北師攻拔大寧執撰終不屈遂支解而死

本朝分省人物考

卷一百

三

石

暴 昭

暴昭平陽浮山縣人洪武中以薦舉授北平布政司叅政二十八年陞都察院左都御史二十九年陞刑部尚書三十年五月奉旨取大誥條因附載於律名曰大明律誥上御午門諭羣臣曰朕有天下做古爲治明禮以導民定律以繩頑刑著爲令行之已久然法在有司民不周知故命刑官取大誥條目撮其要略附載於律凡榜文禁例悉除之除謀逆并律誥該載外其雜犯大小之罪悉依贖罪之例論斷今編次成書刊布中外令天下知所遵守刑期無刑廢

稱朕恤刑之意六月署政平訟理二旛諭囚上諭昭等曰人言法家少恩此後世用法之過朕觀唐虞之世好生之德洽於民心安有是言哉爾等每論囚雖詳其致罪之由然一時裁決恐未得其情自今論囚惟武臣死罪朕親審之其餘不必親至朕前其無罪應釋者持政平旛宣德意遣之繼令法官詳加審錄寃者卽爲奏聞無寃者實犯死罪以下悉如律其犯死罪者准贖革除二年充採訪使至北平知有變亟歸言於朝靖難師入京執之不屈上怒命去其齒次手足次斷頭而死

本朝分省人物考

卷一百

四

山西

李 祐

李祐平陽安邑縣人以孝行重於鄉爲時宿儒洪武十三年以吏部尚書范敏薦其賢召授四輔官兼太子賓客未幾命祐司春季三月皆中旬十日太祖諭曰古以三公四輔論道經邦燮理陰陽順陰乖陰順陽戾者有之是由逆理而使然也人四輔恐上帝艱分善惡累時序之不常時以四季均職於四輔又以上中下三旬人各司之設若上帝福善禍淫變易爲殃着所司者比之混殺豈不利哉特以四輔所司明述於後以驗雨暘時若也祐同杜敷等侍食



殿庭賜衣三襲後以老疾還鄉甲子丁卯庚午三科考本布政司鄉試衆稱其得人未幾以疾卒於家

蔡瑄

蔡瑄山西蒲州榮河縣人洪武十三年以國子生授殿廷儀禮司序班尋改鳴贊十四年陞司正十五年超拜通政使司左通政賜衣一襲尋陞通政使爲人警敏善奏對勤於職事故爲 上所眷厚二十年八月以疾賜還鄉里至高郵州卒 上親製文遣祭賜鈔五十錠復其家徭役三年

辛彥博

本朝分省人物考卷一百 五 山西二  
辛彥博山西汾州人洪武二十年應貢補太學生擢監察御史歷浙江陝西江西三道二十九年陞都察院左僉都御史本年改少詹事三十年復除都察院右僉都御史永樂初降湖廣道御史三年陞山東按察使尋改雲南左叅政調浙江五年乃陞浙江按察使六年又降山東道御史九年陞福建左叅議十三年陞浙江左布政使後卒於官彥博爲人坦夷平直至臨事侃侃無所避爲御史以盡言規時政屢稱上旨爲都御史憲度嚴明恩威兼著故所至咸著顯績云

衛子剛

衛子剛蒲州人敏而嗜脩耿介特立爲鄉里矜式國初有司累薦其才以疾辭不就年八十三猶執易詩資治通鑑爲人懇懇講磨不倦學者稱條山先生子寧達於詩隱居養親善啓迪後進俱有詩集文稿藏於家

袁泰

袁泰萬泉人洪武初進士授湖廣鄱縣丞累官右都御史處心廉直執法不移理枉伸冤祛除民害一時善良獲安奸吏懼不敢肆

本朝分省人物考卷一百

六

山西二

陳琦

陳琦霍州人洪武中舉人任和州知州有善政男女異路囹圄空虛庶乎古之循良後以長史致仕壽百有七歲

薛禎

薛禎河津人洪武中舉人任元氏玉田二縣教諭尋召爲侍從官進講書經大禹謨感動 宸聽改滎陽縣學 上親製勅并給符驗期以重用再歷鄆陵河內二縣學所至卓有師模士翕然宗之

史誠祖

史誠祖解州人洪武末以人才任山東汶上知縣老  
成敦厚勵志廉公平賦均徭勤於撫字政清訟簡境  
內稱安 文皇帝過縣稱爲循吏因撫其背曰何以  
得民心如此特降 勅褒獎陞爲濟寧州知州仍掌  
縣事賜織金紗衣一襲鈔千貫誠祖遂繡 御手於  
衣背在任四十八年壽百有十五歲汝人立祠祀之

周麟

周麟臨汾人幼嗜學博通五經永樂初鄉舉第一授  
清豐教諭造士有方陞肅府教授輔成王德與方伯  
執中講論理學有河汾益友之稱一時縉紳出其門  
本朝分省人物考卷一百 七 山西二  
者甚衆有詩文遺稿

郭睿

郭睿霍州人性至孝嘗從李白雲曹端講明性理之  
學永樂甲午鄉舉任南城兵馬指揮尋聞父喪徒步  
奔歸以不及治葬爲痛遂廬墓側後有白兔穴於廬  
次馴若家畜曹端作歌以表章之

張福

張福蒲州人永樂庚子舉人歷醴泉登昌鳳翔學官  
陞國子助教出知平度州以績最蒙 恩給誥旌異  
天順初入覲會 朝廷簡守令之賢蒙 賜晏資尋

陞大名知府卒於官平度民立祠祀爲子侃由舉人  
同知西安府善剖決爲政有聲

劉元貞

劉元貞翼城人性至孝父平授宜黃知縣卒元貞哀  
毀踰禮既葬廬墓三年羣鳥馴擾瓜蒂開蓮永樂間  
有司上其事詔旌表其門

史善

史善解州人宣德中貢士授邯鄲知縣清謹自持甚  
有惠政陞鞏昌府通判不阿權貴致仕家居州官行  
不法者數以直言勸阻邯鄲人立祠祀之

王約

王約荷氏人父早亡母牛氏遭風疾不能動履二十  
餘年約朝夕扶持躬侍湯藥不息比母亡安葬如禮  
廬守墓側寢苦枕塊不飲酒食肉者三年正統初旌  
表其門

張琦

張琦安邑人正統中舉人由寧陽教諭陞高陵知縣  
在任四年興利除害專以孝弟教人雖有詐名慕親  
者亦蒙獎勞若訪獲逆子奸猾輒寘之死於是頑夫  
悖子皆逃他境天性忠廉剛正而面貌蒼古人稱鐵

臉瀕死之日囊無羨貲永欲啓庫收耗金以贈琦曰此豈人所為哉吾有數子耕者自能力田讀者自能力書足矣即取其管鑰并符籍付丞而死于岫舉進士官至都御史剛果有政績

陶銓

陶銓絳州人正統乙丑進士授行人奉命至太原會中官王振亦至聲勢烜赫銓竟不往謁歷陞陝西叅議愷悌宏博有長者風繼乞致仕與諸里居者為九老延齡會夜有盜持炬入室見所有惟敝書舊衣竊嘆而去有司欲窮治銓曰彼以貧家值吾貧而去

本朝分省人物考 卷一百一 九 山西二

柴良

柴良襄陵人正統丁卯舉人除廣安知州在任廉潔自命嘗捕殺寇擄寇啣之結無賴謀為禍夜報寇至左右請避之良曰吾清官也寇至何為且郡章將誰屬耶獨懷章坐中堂竟遇害郡人哀慕為立祠祀焉

刑讓

刑讓襄陵人外樸內明敏於文藝書法得李北海體正統戊辰進士選翰林庶吉士陞修撰成化初超拜國子祭酒尋擢禮部左侍郎主考南京鄉試構得文

獻通考諸書數百部遺之邑庠以惠來學

衛英

衛英洪洞人景泰中舉人除鳳翔府通判兩遷至開封知府謹災蠲費務在全安小民居官不以妻子自隨歲所支俸錢皆付庫吏掌籍衣服車馬非敝不更造時人語曰有趙抃之清而少琴鶴有包拯之嚴而多仁恕一時治行以廉稱者英為最焉任滿九年以河南叅政致仕累薦不起父母沒俱廬墓三年早失怙以表其門

本朝分省人物考 卷一百一 十 山西二

李景

李景安邑人景泰丙子舉人授清水縣學教諭恭勤博覽嘗從學薛文清而德行粹白詩人多以理學師之

劉琰

劉琰襄陵人年十歲喪父即知哀家甚貧事母曲盡其誠後母疾不能動履琰常背負出入母卒不飲水漿者三日以禮殮葬廬於墓側三載面垢髮結日食饘粥親識有饋悉分散不少留蓄天順間旌表其門

王衡

王衡稷山人天順中進士知淳安縣屏豪胥黠隸省軍需獨不經之費以廉能稱擢監察御史巡遼東清理北畿軍政累條陳時務及劾鎮撫不職侃侃有奇節出守松江廣平二府陞浙江叅政轉陝西左使所至孜孜民瘼剛方有爲凡利當興盡當去者雖阻以權貴弗少挫竟以被誣歸宅第隘陋不殊爲士日時以此高之

張 璵

張璵字廷佩平陽府安邑縣人天順間進士選庶吉士改授浙江道御史成化時外戚萬氏恃貴妃寵幸權軋中朝璵疏陳其十惡語過激戇謫古北口驛丞稍轉邑令磊落之節百折不回凡有便于民者卽當道沮抑勢要剛制畧無諱避必直伸已志而後已數年之後民咸歌誦之累陞太僕少卿卒

暢 亨

暢亨字文通平陽府河津縣人天順中進士授長垣縣知縣大有德惠於民以治最徵拜陝西道御史巡鹽兩淮巡按浙江大著風裁斥貪懲墨時鎮守太監張慶恣威煽虐荼毒浙民亨疏劾之反爲所中傷謫涇陽知縣旋以外艱卒于家

李 嘉

李嘉字允堅平陽之臨汾人天資凝重不妄言笑自幼卓有立志事親孝稍長縣大夫選補邑學弟子員前大學士董公倫時爲學教諭嘉從授業且暮自勵所授書率誦讀數百過四書注釋雖老不忘已而念家貧親老丐罷歸侍養爲師者初惜其去遂獻詩達意其辭懇切師憫而從之後選奉祠所禮生事 太宗文皇帝於藩邸敬恭祀事恒致其誠無幾丁父憂哀毀動人終喪不飲酒食肉覽父手澤未嘗不流涕而養母愛敬兼盡初世父希賢死於兵無子倉卒崇葬念及輒悲竟卜吉壤備禮而葬焉 文皇帝靖內難預效守城勞時南兵逼城城外民有負母入城無所依者避舍以處之且食之粟民母子得全其急義率類此難平錄守城功召至南京有司奏授鴻臚寺序班數月 上親擢爲通政司叅議且面諭之曰以爾誠實故擢實要地必勤必慎毋忝朕命嘉益盡心乃職一日奏事畢自陳臣有老母在鄉里無兄弟侍側願躬迎母就祿養從之旣至時初建北京奉命董運木之役於河南殫竭智慮夙夜不懈後喪母哀毀如喪父詔賜棺及驛舟歸其喪服闋仍前職遂扈從

本朝分省人物考卷一百

十一

山西二

北狩自是巡狩皆預扈從後坐累左遷鴻臚寺丞  
仁廟御極陞左通政使又坐累左遷未行 英宗嗣  
統復通政使改北京刑部侍郎念其老不堪繁務又  
改禮部侍郎雖精力日衰猶勉強蒞事未嘗少間再  
歲以疾聞賜勅褒諭命致仕又數月不起享年七十

薛瑄

薛瑄字德溫世為山西平陽府河津縣人父貞洪武  
初年領鄉薦為真定元氏教諭母齊氏夢一紫衣人  
謁見已而生瑄祖以生時之吉曰此必大吾門童  
時教之詩書輒成誦日記千百言及貞改榮陽教諭

本朝分省人物考卷一百

十一

山西

瑄侍行時年十二以所作詩賦呈監司奇之既而聞  
魏范深於理學乃禮延於家供子弟職日與講習性  
理諸書父之嘆曰此道學正脉也遂焚其所作詩賦  
專心於是至忘寢食未樂已亥貞改河南鄆陵時教  
官考績以科貢多寡為黜陟貞大以為憂瑄乃補鄆  
陵諸生遂中河南庚子鄉試第一明年辛丑登進士  
第以省親西歸是歲秋貞有疾瑄日夜不離左右及  
居喪一遵古禮服闋選擢雲南道監察御史出監湖  
廣銀場瑄聞前監者多致富至則黜貪墨正風俗手  
錄性理大全一書潛心誦讀每至夜分方寢或思有

所得即燃燭記之或通宵不寢味而樂之不知手舞  
足蹈也六年丁繼母憂十年服闋正統紀元提調山  
東學校瑄欣然曰此吾事也首以朱子白鹿洞學規  
開示學者每臨諸生必親為講解不事榘楚皆呼之  
曰薛夫子太監王振之專政也問三楊曰吾鄉人亦  
有可以為京堂者乎三楊以瑄對乃召為大理寺少  
卿瑄初至京宿於朝房三楊先過之不值語其僕曰  
可語若主明日朝罷即詣王太監謝若主之權皆王  
太監力也明日朝退不往三楊使人語之亦不往時  
振至閣下問何不見薛少卿三楊乃對曰彼將來見

本朝分省人物考卷一百

十四

山西

也知李賢素與瑄厚賢至閣下令轉致吾等意且言  
振數問之賢至朝房道三楊意瑄曰原德亦為是言  
乎拜爵公朝謝恩私室吾不為也作大理箴以自警  
父之振知其意亦不復問一日會議東閣公卿見振  
皆拜一人獨直立振知其為瑄也先揖之曰多罪多  
罪自是啣之指揮某死妾有色振姪王山欲娶之妻  
持不可妾因誣告妻毒殺其夫都察院問已誣服瑄  
為辯其冤駁還之如是者三都御史王文大怒又承  
振風旨誣瑄出入人罪譖之於振振嗾言官劾瑄得  
賄故庇死獄詔繫獄當死人皆危之瑄怡然曰辯冤

獲咎死何憾焉手持周易誦讀不輟及逮至午門會問瑄呼文字曰若安能問我若爲御史長自當迴避文怒甚于是不復問理詔擲於市殺之門人皆奔走瑄神色自若會振有老僕素謹厚不預事是日哭於厨下振問何爲泣曰聞今日薛夫子將刑故泣振問何以知之僕曰鄉人也備告其賢振意解會兵部侍郎王偉申救傳詔赦之放歸田里瑄居家六年閉門不出留心理學造詣益深正統己巳以吏科給事中程信論薦起爲大理寺丞時虜騎薄都城瑄分守北門都帥初疑其迂及接言論遂訪策焉瑄曰以天時

本朝分省人物考

卷一百

十五

山西二

粟富家各而不與遂火其屋蹈海以避罪時遣太子太保王文往訊之文以謀叛連及五百餘家衆皆畏勢莫敢發瑄抗章辯之文亦悟其非獲免者甚衆是歲瑄年近七十復乞致仕不允英廟復位素知瑄學行遷禮部右侍郎兼翰林院學士召入內閣知制誥一日上御便殿召瑄入語移時諄諄啟沃皆有關於聖學君德者尋命主考會試事竣轉左侍郎居數月瑄見將臣石亨等竊弄威權歎曰君子見幾而作豈俟終日乎遂引疾懇乞致仕居家八年四方學者從之甚衆瑄惓惓以復性爲教嘗曰此程朱喫緊爲人處又曰學者讀書窮理須實見得徹然後驗其身心體而行之不然無異於買櫃而還珠也忽遘疾彌月衣冠危坐於正寢精神不亂悠然而逝時風雷大作有白氣上昇天順甲申六月十五日也瑄之學以踐履篤實爲本嘗曰萬物各具一理萬理同出一原是其貫通處也一言一動於理稍有違失便覺身心不安凡辭受取予必揆諸義一毫不苟晚年玩極高明默契其妙有不言而悟者矣其出處大節光明峻潔於富貴利達泊如也接人無大小衆寡一以誠待之教之有序而其言平易簡切不爲穿鑿奇僻之

本朝分省人物考

卷一百

十六

山西二

說為文必根於理辭旨條暢所著有讀書錄行於世  
河汾集藏于家

韓文

韓文字貫道其先自相徙居山西之洪洞文將生父  
夢紫衣人抱送文潞公與之因名文幼負奇質才思  
溢發既長從太史襄陵邢公遊學益淵博領成化乙  
酉鄉薦登丙戌進士初拜兵科給事中持節封 韓  
府諸餽遺悉卻不受會左都御史王越總邊事邀功  
啓累率同官列其罪狀又論薦前冢宰李公秉司馬  
王公竑可大用語語涉宮禁 純皇帝震怒逮至 文

本朝分省人物考

卷一百

十七

山西

華殿拷掠幾斃陝西紀功郎中張瑾疏總兵等官殺  
降用 上命往覆之文以情之輕重具實還奏人服  
其公乙未陞右給事中以直言為當道所忌戊戌考  
滿始陞湖廣右叅議提督泰嶽太和宮分守荆南談  
者以用非其地為負屈而文處之裕如勤於其職分  
守中官與其下皆嚴憚歛戢境內賴之又稽覈諸羨  
銀易穀創庾以為荒備越三年用巡撫吳公誠薦改  
理司事會九溪酋長與隣境爭地相攻撫按屬文往  
視其爭遂息歷七年轉左未幾以外艱歸弘治戊申  
終喪赴部陞山東左叅政濟南之俗乘旱輒聚發人

墓暴其屍謂之打魃文曰是甚於魃巫之暴矣亟下  
令禁之越二年庚戌用倪文毅公之薦超陞雲南左  
布政使先是土官襲代旁支恃賄與力輒相仇奪士  
吏滿兩考者例不赴京復以境內轉相叅補皆宿弊  
也至文始立法釐正之越三年癸丑陞右副都御史  
巡撫湖廣地方兼贊理軍務武昌諸郡歲歉疏乞蠲  
逋賦以蘇民乙卯改撫河南值懷孟以北旱饑令所  
司發銀賑貧復竭誠雪禱致雨歲乃大熟丙辰轉戶  
部右侍郎丁巳以內艱歸庚申終喪改吏部明年轉  
左銓綜平允士論翕然歸之癸亥陞南京兵部尚書

本朝分省人物考

卷一百

十八

山西

叅贊機務先是會守備中官議事多遜避不發一言  
或探其意嚮以為可否文曰事之可否有理與法吾  
惟以無私處之可拱嘿為避禍計耶遇事輒昌言商  
確聞者無不敬服時值水旱相仍民饑而死者相繼  
乃移文戶部欲預支三月糧以平糶價所司以未得  
命為辭文曰救荒如救焚民命在旦夕能忍死以待  
即得罪吾請以身任之竟發米十六萬石民賴以安  
甲子改戶部尚書 敬皇帝勵精圖治文感激遭遇  
早朝畢嘗被召直至 榻前論鹽法廢弛邊餉空虛  
屬文稽考舊制及諸沮壞之弊文疏陳七事革關中

引鹽之弊革與販私鹽之弊革賤賣官鹽之弊夾帶  
殘鹽之弊革越境買鹽之弊革運司廢弛之弊指摘  
剴切甚蒙加納於是數十年積弊無遺公私告便時  
宜大聲息甚急需索供億復值大喪婚相繼并內外  
及各王府諸邊賞賜費用不貲悉心經畫緩急以濟  
太監苗達等征虜無效日費千金力爲舉劾甚銜之  
乃乞文督餉以圖中傷遂請究羽流幻術計還節盜  
祭物抑戚畹中貴占奪私買民田及舉正窩占引鹽  
乞討織造皆事干權倖怨謗叢集人咸危之文裕如  
也 武皇登極太監劉瑾等蔽 聖聰蠱惑百出機

本朝分省人物考

卷一百

十九

山西二

柄竊持威福倒置虐酷橫空縉紳凜凜初承運庫內  
官差往南京織造照弘治年間奏討長蘆官鹽載至  
南京變賣銀買辦織造文與司官李夢陽王崇文徐  
廷用議曰今新政之初決不可准 課織造于是再  
執奏 上召內閣問之劉健對以內官裝載官鹽夾  
帶私鹽沿路害人 上曰內官固害人文官也有不  
好的瑾等益橫文追痛 孝皇深以 宗社爲憂首  
倡府部科道等官伏闕抗章暴露其狀乞置諸法  
武皇覺悟毅然欲從而奸邪營救有疏輒報中止于  
是瑾等手握口啣恣其播弄尋搽文細故捏寫旨意

降令致仕并其子高唐州知州士聰刑部主事士奇  
俱革職爲民復令邏卒伺察於途文乘一驟宿野店  
而歸邏卒無所得仍假失落簿籍復捏旨差官校械  
繫至京下錦衣獄會早朝有投匿名文書於丹墀錄  
瑾罪惡益怒甚監禁數月無隙可入該司具實上請  
仍被捏旨罰米一千石大同上納陸續更罰米二千  
石稱貸以給庚午瑾誅復原職 世廟登極臺諫交  
薦起用 賜璽書褒加尋加太子太保令有司存問  
復 賜之誥曰比因權奸之竊柄痛爲朝政之紛更  
乃能守正不阿以忠自誓倡危言而叩闕屹乎山岳  
之難搖甘奇禍以忘家凜爾冰霜之不變天下仰其  
風采神明相其壽康起文彥博於九泉之餘人心攸  
屬繼韓魏公於百代之後家慶彌彰每宣讀畢文俯  
伏感泣痛惟老朽不圖復見今日捐館訃聞再 賜  
誥贈特進太傅謚忠定仍遣官諭祭營葬文以孤忠  
報 主甘受奇禍一時縉紳莫不爲之扼腕而彼惡  
直醜正之徒則或傍觀竊笑以爲不智其甚者忿其  
異已且從而下石焉其亦可慨也已

本朝分省人物考

卷一百

二十

山西二

李進

李進字時勉平陽曲沃縣人成化己丑進士授戶部



主事遷員外郎郎中督餉宣府公于出納陞廣平府知府其地斥鹵恒苦旱進至特建石閘引河水灌田民利之改濟南陞四川右叅政江西右布政使河南左布政使陞右副都御史巡撫宣府時北虜寇邊諸將失利於魚臺嶺官兵多敗死言者因劾進進亦上章自劾遂引疾歸正德七年十二月卒

韓重

韓重字淳夫號拙齋世居絳州成化辛卯鄉薦第六人登戊戌進士授禮科給事中甲辰捧命查勘兩廣糧儲公帑充實諸可貸者悉予于民丙午陞本科左

本朝人物考

卷一百

三十一

山西二

給事中弘治改元再陞本科都給事中在給舍幾九載彈劾不避權勢貴妃萬氏父專上寵犯顏極諫人為悚懼時有西僧煽惑滋蔓上頗溺焉上章救正庚戌出陞陝西叅政通歷八郡旬宣不怠巡撫王公上最于朝丙辰陞本司右布政使清軍務督馬政二載陞應天府府尹南都首司所在賦役繁重加之權貴侵漁玩法難治重直以愛民為念苟可與利祛害靡不殫厥心力提調戊午鄉試得人為多冬丁母制辛酉服闋改順天輦轂之下益策精敷政受知于上復提調鄉試得人之譽視南都尤著適遼陽

有警陞左副都御史往撫時奸宦梁玘在鎮怙勢肆虐按其不法亟疏劾罷之物論稱快僅一年勅撫湖廣黜貪旌廉平徭息民軍餉久缺為請五十餘萬以給軍士乙丑擢南京兵部侍郎時缺正卿署選軍政兩月不歸私第權要不得請托正德丁卯轉北部未幾進南京工部尚書念東南民困上疏請停不急工役上詔允之是時逆瑾專恣懇求休致朝命方下瑾嗾黨惡中以浮言抑鬱疽發于背卒于揚州廣陵公館壽六十有九訃聞朝廷如例祭葬

史英

本朝人物考

卷一百

三十一

山西二

史英字廷珍蒲州稷山縣人成化戊戌進士初授棗強令未視篆俄報賊騎至率兵即日擒斬後冀州盜相繼反獄皆勦平之於是賊不犯境東強人好誣訟切論之凡布禁五千餘條尋有酗酒不孝者英使其族人勸戒之其人遂以孝聞圖像朝暮拜謁焉其督課學校周恤歲凶尤為懇至一時復業者百三十一戶遂增設興仁社以居之其與完聚資喪者五百餘人出俸買藥以療瘟疫者益于有餘人上官橫科不便於民者皆拒不聽及去棗強人立祠記之成化末陞河南道監察御史奉命清理長蘆鹽法國課充足

巡按蘇松常鎮時周駙馬兄爲蘇州同知貪聲大著  
卽據法首黜之他奸宄皆望風屏跡尋又巡按徽寧  
池太俗懼嫁女之難生女多淹溺嚴法禁之在臺中  
諸僚有所論列多各有所托獨謂山西無托英曰英  
大有所托顧諸君不知耳衆問爲誰曰托天天有仁  
心不受賄賂人有敬畏天命可保衆改容謝他日臺  
中糾一勢要疏成已印鈴矣至午門前猶豫不進適  
遇英問曰何以處之艷然曰疏至公所宜進不宜退  
遂進之翰林學士泰和曾公彥嘗稱曰剛明公正素  
厭人心云陞河南按察副使丁外艱閉戶讀書不與  
本朝分省人物考 卷一百 三十三 山西二

識其面故其言之所至如此其粹云嘉靖五年十二  
月二十三日索曆日展視於本日上加一墨圈於二  
十七日上又加一墨圈于姓輩問故曰吾於此已矣  
及日果卒距生享年七十八歲

陶 琰

陶琰字廷信別號逸菴山西絳州人舉成化辛卯省  
試第一登辛丑進士丁外艱服闋授刑部四川司主  
事弘治戊申陞山東司員外郎故事刑部以獄訟繁  
劇奏讞惟艱擇老成明練者典部章疏謂之本科時  
大司寇特以任琰凡諸章疏無不委曲盡情事者而  
本朝分省人物考 卷一百 三十四 山西二

諸司有疑事亦輒以屬斷比歲審錄又多所平反上  
下稱明焉未幾陞陝西按察司僉事癸丑陞副使整  
飭固原固原爲西邊要害唐陷於吐番宋沒於西夏  
成化初滿四之變三鎮幾搖固天下至險要區也琰  
至練士卒繕器械廣芻粟積數年邊無警居人以安  
辛酉陞福建按察使去任未逾月而固原告變日無  
寧居琰在福建廉介絕俗每飯惟一蔬甲子陞浙江  
右布政使半載積羨銀三千兩悉入官帑乙丑陞福  
建左布政使正德元年調山東至今閩浙士夫言廉  
者猶曰陶公琰云在浙時言官會列藩臬之賢者薦

於朝列置第一陞都察院左副都御史巡撫河南至則首黜賊吏黃金寶等屬吏震懾有望風解印綬者丁卯陞刑部右侍郎適陝西遊擊徐謙訐奏御史季高而謙故豎瑾黨也又厚賂瑾欲中高以危法會上命琰往覈其事琰據法直高謙以告瑾瑾怒遂矯詔下琰獄禁錮幾兩月乃罷官去瑾怒未已復兩以他事罰米四百石又追奪 誥命是時瑾勢方熾無敢抗犯者率首鼠謝過幾脫死而獨安之弗懼也庚午秋瑾伏誅言官交章論薦 詔起左副都御史總督漕運兼巡撫鳳陽聞 命單車至鎮至則廉得諸本朝分省人物考 卷一百 十五 山西二

幸豎官民之豪猾者悉治以律權勢斂手淮南為南北襟喉 貢獻必由之路中使往返求索無厭而督運武臣又往往侵漁其間為奸利事軍民病焉乃榜諭以法未嘗有一人敢犯禁者辛未轉南京刑部右侍郎壬申七月河北賊劉六自北而南犯姚源洞賊王浩八已聽招撫人心甫安而寧紹瀕海屬邑颶風大作海堤毀者三百里居民漂溺者以萬數琰聞之憂甚乃親按其地亟出帑銀多方賑救仍委官築堤捍水自蕭山至餘姚凡五萬餘丈琰慮桃源賊誦詐難信乃 奏設兵備及簡拔羣寮之有才者分守要

害處置周悉明年春賊果率眾突入境地琰亟臨督戰賊潰走進兵襲之餘黨悉平捷聞 賜璽書獎勵陞俸從一品又 賜白金文綺有差賊平之後琰以開化常山遂安蘭谿為盜出沒要衝乃議城四邑凡六閱月而訖工因引疾求退 詔不許會總漕員缺復推往督之至淮一如前令然乞歸志益堅疏凡七上皆 溫旨褒答最後乃得請仍許乘傳歸歲給祿隸家居垂七年 廷臣薦者凡十餘疏辛巳夏 世廟登極乃復起總督漕政淮民喜迓於道左歡聲雷動尋進戶部尚書左副都御史仍任前職壬午改工本朝分省人物考 卷一百 十五 山西二

部尚書啓行之日淮民傾城出送獻欷號泣不忍去是冬三載秩滿 詔賜羊酒寶鏹癸未改南京兵部尚書加太子少保叅贊機務至南都屬歲饑死者相枕籍乃移文諸曹盡出其所積以助賑濟仍咨戶部預給軍糧數月米價頓平人賴以生者無算事皆已行而後具聞而又裁抑內臣進貢快船其數視常減半至今官民賴以弗擾時年七十有五累疏乞休言官疏乞慰留者再又具疏乃得請 詔加太子太保給驛歸如故仍令有司歲時以禮存問繼又 賜詔褒嘉琰有別業在城西二里許汾水之陽鑿池種蓮

開徑植菊每風日晴和輒命童子携筆牀茶竈引肩  
輿造之徘徊其間據榻吟哦寄情翰墨至壬辰七月  
以疾卒訃聞贈少保謚恭介 諭祭九壇遣官營葬  
琰天性至孝四時祠廟有事雖老猶夙興率子孫躬  
奠如儀處族以厚遇鄉黨以恩有窮困失所者恒捐  
金濟之有喪者助之以棺平居嚴毅人不敢干以私  
自奉節儉自常祿外一毫不取雖交遊贈遺一無所  
受每罷歸行李蕭然惟二竹筒而已節抗權奸清鎮  
雅俗貞方不詭少壯一節爲世名臣云

李瀚

本朝分省人物考

卷一百

二十七

山西二

李瀚字叔淵自翼城遷沁水成化庚子占鄉試第一  
明年舉進士出知樂亭樂亭歲惡民流瀚至復者十  
六七卽貴戚豪橫亦各還民侵田邑門外有古木數  
十軍作祟吏茲土者多病死人爲公危之一日毀臺  
斬木得朽骨若干令野瘞焉竟亦無他丁未被徵拜  
監察御史奉 命巡陝西茶馬弊端革殆盡歲滿代  
還以憂起按陝劾賊吏汰宿姦郡縣官望風懼伏有  
鉅猾流毒一方衆慮其難制設計擒捕窮治皆伏辜  
鎮守貴璫肆虐庇所陰厚遂擊平民暴諸市出見之  
立命解其縛捕告者抵罪終南山妖僧鳩無賴作亂

報使至密諭使者曰勿令鎮守知恐張聲勢輒擾民  
遂選將授方略而遣之北及鎮守知則已報擒矣其  
先識如此戊午復按河南事叢委至則裁決無遺尤  
莊毅率下有不法者相戒罔敢犯已未還道都御史  
屠公特檄掌諸道奏牘古北口守將吳昭以失律賂  
權貴波及無辜累案不能竟 上命往督察昭竟棄  
市庚申陞湖廣副使又以憂去起河南副使陳州衛  
都指揮子世恩格殺項城典史瀚至適巡大梁卽收  
捕真諸法所部帖然乙丑陞湖廣按察使丁卯轉河  
南布政使無幾遷順天府尹尋陞右副都御史董漕

本朝分省人物考

卷一百

二十八

山西二

憤漕政久弛銳氣舉行淮南守素結逆瑾貪復自恣  
劾罷之時榮王由運河之國戶部恐其妨運奏令各  
船分行兩河貴璫冀得賂動輒阻遏瀚適會議北上  
過天津遇王舟朝見司儀如 陛前贊禮瀚止四拜  
卽興且啓王嚴飭侍從勿阻遏運舟王聽納自是始  
不擾糧運官軍稱快已巳徵入爲左副都御史時瑾  
虐燄薰灼公卿以下咸憚之中官楊鎮怙勢鬻販私  
鹽舟車相屬於道事聞瑾乃奏檄南都重臣按厥事  
守備貴璫劉瑯攘爲已有同事者匿諱比命御史督  
之方檄諸省償銀瑾以諷臺長臺長語塞瀚厲辭以

對衆爲股栗瑾隨奏遣瀚往欲中傷之瀚往仍令瑯  
 出所讓并効落其職守餘咸不問時論壯之庚午陞  
 吏部右侍郎尋轉左是歲瑾伏誅視篆月餘起廢疏  
 壅士類允愜辛未轉南京戶部尚書往蒞政凡論析  
 公庾府帑戶口田賦盈縮之數歷歷如指諸掌居數  
 月請裁冗食節浮費廣儲蓄多見采納時廩藏虛空  
 乘秋熟議發帑金代軍餉數月乃積米數十萬江浙  
 諸藩歲輸布給軍士貴璫主之得因緣爲害奏令徑  
 輪折色戶部人咸便之外守備有縱家人私攬歲課  
 不輸官司噤不敢言瀚收繫獄不旬日宿逋完矣時  
 未及引年乃累疏納祿歸暇則追宋歐陽康靖在穎  
 故事與曲沃司徒李公少宰孟公命駕相往來徜徉  
 詠歌以終老尤篤倫理正士風婚喪冠祭悉崇古雅  
 閭黨化之瀚性鯁介不媿姁詭從見賢德愛之不啻  
 已出晚所得益闕深故凡考德問業來者戶屢常滿  
 歷官四十餘年所至鎮靜明不過察寬不至縱而賑  
 災恤刑尤爲人所稱道平生廉謙捐察凡圖書冠服  
 咸手自經理略不容人少觸居官不苟取所得俸餘  
 止購海內圖籍故其家儲有鄴侯萬卷云

李浩

李浩字師孟曲沃縣人舉成化癸卯鄉薦明  
 士第初授都水主事官呂梁洪故有役夫數千  
 草銀錢歲若干緡比至悉罷之止令  
 用而已署鄰巨豪伺官府短長前任者爲所持獨  
 於浩不敢近改戶部主事丁父憂服闋改兵部車駕  
 主事陞員外郎奉 勅清理畿內田凡豪右  
 若干頃還之民陞職方郎中爲尚書鈞陽馬公所稱  
 重委攝諸司章奏 冊封代府溧陽王充副使凡所  
 餽贈拒弗受弘治十三年陞通政司右叅議十四年  
 轉左持節充正使封晉府雲丘王十五年歷左通政  
 正德二年轉左三年陞順天尹時父早疏論畿甸  
 民所疾苦事當罷行者 詔嘉納之逆瑾擅政無名  
 需求甚急一切裁抑數面議可否侃侃不阿瑾乃日  
 使偵其過失然竟無所得也居二年改通政司使轉  
 兵部右侍郎尋轉左兼理武職貼黃嘗攝工部篆修  
 朝陽門城垣通州新城咸督其工乃疏慎郊圻固封  
 守革冗費修戰具數事多見 山東盜平陞俸  
 一級賜金綵幣丁繼母喪賜祭葬馳驛以歸服闋召  
 拜禮部尚書仍掌通政司事未幾致仕

文皓

本朝分省人物考 卷一百

二十九

山西二

本朝分省人物考 卷一百

三十

山西二

文皓字孔陽號西泉絳州垣曲人成化丙辰進士授平原令明于讞斷有豪以契誣入人田積訟累年一訊立決有奸于孀婦而其婦後爲人所娶者竟以盜誣之廉得其情寘于法又有縱火焚其仇家者乃集同里人詰曰縱火之人我已知矣一人跪最後藏首變色訊之卽服丁母艱歸起補衡水知縣清河民投獻德府莊田千頃百姓累年奏辨有司不敢決至是承委勘實田歸於民召拜監察御史劾留都張冢宰附逆瑾事時論稱快名重於西臺復上保民息盜以固國本六事曰擇民牧惜民財禁民奢節民力除本朝分省人物考卷一百 辛十一 山西二

王文解州人幼孤事母以孝聞性沉默善於詩成化乙酉鄉舉歷武功及縣教諭卓立師道雖盛暑必衣冠非公事不謁府縣張守稱爲古君子致仕杜門不出鄉黨高其行 張翰 張翰平陸人孝友純篤成化戊子舉人授朝邑教諭擢翰林院孔目與纂修 憲廟實錄錫 誥命 賜金帛進檢討同脩國史歷重慶同知臨洮知府所至有政績後以不附逆瑾致仕歸居官三十六年家無本朝分省人物考卷一百 辛十一 山西二

美著卒贈中順大夫

吳珉

吳珉靈石人成化己丑進士授吏部稽勲司主事歷陞右副都御史鎮撫甘州夷夏畏服改南京都察院尋致仕歷官中外三十餘年謹恪直方始終不踰當時在朝稱之有清不過韓文直不過吳珉之語

陳孜

陳孜浮山人成化中進士除知慈谿縣擢監察御史陞湖廣副使歷官貴州左布政使所至皆有異政後致仕進階資德大夫居官雖久蕭然如寒士歸葬繼

母至嚮衣器以備葬具士論重其清介

王泰

王泰翼城人愜幅有內脩成化中進士歷知饒封衛水縣陞南京刑部主事遷員外郎時逆瑾擅權劾索饋謝泰曰介人之寵其識不遠遂乞致仕及瑾敗詔起福建副使歷陞湖廣叅政山東按察使進布政使居官清慎公勤得失不驚未嘗阿人以求譽尋謝病歸莆陽林俊嘗薦於冢宰楊濬云泰温粹類貫道孤持類公實而量過之中和兼備庶乎篤行君子也

本朝各省人物考 卷一百一 山西二

楊謙

楊謙解州人弘治五年舉人任武城知縣以才堪治繁調諸城復謫平山衛知事武城諸城父老千餘赴闕爭保銓部以單縣尤劇調尹之流賊聞名遠遁卒保城池蒙旌異進二級益三歷縣官囊篋蕭然云

郭韶

郭韶霍州人弘治中進士任寧國府同知操履剛方不阿權貴寧人為立去思碑擢湖廣兵備僉事破鄢蘭巨寇擒剿湖南流賊有功復備兵西寧進副使以治績蒙 欽獎官至山東左布政致仕

劉燮

劉燮字舜弼號黃巖世為襄垣人弘治庚子舉於鄉明年辛丑舉進士與庶吉之選肆力讀中秘書癸酉授兵科給事中丁丑聘同考試試所取多名士辛巳陞刑科右復陞戶科左 世宗登極更新庶政有詔起用太監蕭敬上疏謂臨御之始不當先嚮用閹豎非所以令眾庶見也辭意俱烈疏入不報者累日人咸危之 上亦察其忠弗讓京東民田為權倖所據民累訟事聞命燮往訊至則按籍悉歸之民權倖斂跡燮以為難是年以紫巖公為少宗伯例改翰林院

本朝各省人物考 卷一百一 山西二

檢討丁內艱甲申服除史職與修 武廟實錄事竣

當加秩而忽得外補謫判大名人以爲異處之愈閑至郡折節親簿書事長吏惟謹長吏益賢之暇則葺元城書院進諸生闡經義與尚文教彬彬多成材焉丁亥陞南京宗人府經歷歷南戶部郎中江西按察使司副使改提學河南陞貴州叅政調陝西陝山東按察使所至有聲嘗錄囚釋其寃數百乙未夏擢左僉都御史巡撫保定保定畿輔重地俗悍喜鬪歲薦饑民或聚為盜至則按捕之節用愛人緩賦驅蝗民賴以安提三關邊警叵測飭兵食屯要害數親巡視

慨然有勒石燕然之志居三載虜不近塞輯寧保障之績民至今頌之又疏泊連河葺修嶽祠稱旨數膺璽書褒美賜賚加渥方擬驛稱用乃爲言官誣論遂懇疏乞歸越六年忽遭疾不起年五十有七所著有黃巖集金陵稿恒陽集處州錄大名吟奏議七卷

馬 駁

馬駁字世用號梅軒解州夏縣人弘治丙辰進士初授行人奉使周邸未幾選工科給事中馬端肅公見其諫草驚曰董賈未之或先也尋轉左給事儀觀峻整進退中度 孝宗默眷愛之奉 勅清屯田於蜀 本朝分省人物考 卷一百一十五 山西二 事竣還朝益侃直不避權權嘗論李廣之黨宜躬治外戚之權宜禁散諫官具轉之狂直宜包容皆時政切要者 武宗即位有白金文綺之賜旋擢刑科都給事中正德戊辰廷試掌試卷時宰臣某與逆瑾結納勢焰方熾衆觀望意指欲以其子魁天下獨憚駁抗直駁得涇野呂公卷倡言宜首選已而涇野竟得首選如其言時逆瑾用事駁以職當盡言不少避忌瑾亦多勉從之有附瑾新入爲給舍者對賓僚誇毗甚有稔色駁鄙之以無恥客皆縮舌先是逆綵拜瑾爲義父驟人銓衡駁自蜀還與綵父宿同驛館不與

交一語綵聞之以爲慢已會時宰夙憾駁遂乘以構毀出爲淮安府推官既視事怪獄吏日報因病時方大疫乃躬造閱獄間竦放流徒以下幾數百人大辟申救而獲生者三人揚州民以所假姻家金器令家童送還途觀優戲忘而失去匿入淮淮人不知也留爲傭一日遇故主詰其由始謂淮人迷以藥攫其金執之使不得還遂訟於官治淮民罪宜死大以爲疑曰楊淮地咫尺旣取金乃復留傭其人殆不近情因取成案所具藥俾獄盜服之殊不驗蓋淮民被拷而誣服藥冀寬刑責爾因咨於當路竟釋焉他如鹽城張生忠元夕遇豪家婦於隘巷家僮爭道毆辱生羣生不能平明日相率詣豪家褫婦衣報之豪家富且健訟生遂黜駁知非生罪且廉其貧出金爲生贖罪又一日有蕭尹者被誣逮亦爲白其誣尹後官至中丞其他平反多類此行部不盛張騎從老弱歡迎觀者如堵郡守華公璉適並出見之因嘆以爲平易近民不可及也後改官過淮百姓聞而出迎者相望於道郡有何烈女申進妻徐氏皆不從淫暴以死至則爲表墓立祠且撰雙烈記以媿士夫之失節者先是流賊逼境規畫嚴密賊知淮口不可渡竟遁去時陶



恭介公疏薦於朝委之儲備軍粟旬日得金凡四千有奇士民告保留者無慮萬餘人瑾黨既誅海內以駸當復舊物宜殊擢然僅轉同知松江既視築松松多富屋畏駸之廉豪不能肆數年通稅一朝報完都御史王公力薦之會丁外艱歸中途得邸報有擢守饒州之命服闋再補守鄖陽鄖陽在萬山中路多隘過而默計之及蒞政量罪人情法可贖者俾修整之不爽尺寸由是遂成坦途有罪人陳文臯者忿鄖民負楮貲詬詈取償民毋觸柱而死誣文臯重獄察之文臯卒免焉他若創梓橋葺廢坊育賢養老振學課

本朝人物考 卷一百一十一 山西

農敦風振俗屠奸剪弊鄖陽之人無近遠皆忻然昭蘇有顯宦嘗以法及其姻黨陰嗾之遂免歸先是有說駸宜少貶從容者正色曰窮通顯晦命也如命何平生以直道忤權貴用是仕路蹉跎然天下公論亦以是重之嘉靖九年卒得年六十有五

張潤

張潤字汝霖臨汾人弘治戊午舉鄉試第一人壬戌登進士授令宜陽清修有惠政正德丁卯擢刑科給事中抗言大計侃侃不阿奉詔覈甘肅邊儲稽察精明河外震懼還遷禮科右吏科左戶科都給事中時

盜賊延蔓屢用大師水旱流移征調繁急潤請嚴紀律酌轉輸廣招撫時賑恤章數十上採納為多甲戌擢順天府丞戊寅擢左僉都御史巡撫順天至則黜貪殘拯彫弊條上邊民疾苦及便宜十餘事悉見施行郊圻盜起虜復寇邊指授方略盜平虜遁有白金蟒衣之賜已卯以外艱歸辛巳起撫寧夏夏弱鎮也不百里即虜巢潤簡士馬振紀綱謹烽埃修築亭障聯絡聲援境內晏然講教屯田鹽馬諸政日奏正豪藩恭抑宦鎮問遺餽遺一切絕之癸未召還理院事乙酉以九載績晉左副都御史理院事五年署篆者半振揚法紀臺中肅然每疏上皆切中時務丁亥以大獄譴歸臺諫屢請錄用己亥詔復原任遂轉兵部右侍郎又轉戶部左督餉太倉接連抉隱剗洗奸蠹兵民懽服明年晉工部尚書時大工並興漏卮乾沒百出躬勤省閱宿弊盡祛迺請酌緩急為先後上忻納之力專功過費省舊之半屢賜金幣褒焉辛丑以內艱歸服除言官復請亟用為考察內僚起為南京吏部尚書蒞任即甄別去留輿情胥服再疏乞休皆荷溫諭不允戊申以考績赴闕畢即過家懇求致仕時已改戶部尚書仍督太倉矣上亮其誠乃

本朝人物考 卷一百一十二 山西

允焉家居優游林壑足跡不及城市然每聞朝廷一善政輒喜動顏色見民疲役冗每悒悒不自安持守堅凝動有恒則雖事變猝至處之裕如初使甘歸逆瑾索賄無以應欲中危法屹不為動然竟莫能害也廷推巡撫時逆寧使人曰欲副乎欲貪乎意以賄為差也曰惟辟作福人臣敢有擇耶寧深憾欲中傷會敗乃已 毅皇西幸寵閹請改榆河驛為行宮力陳民貧財拙仍舊為宜 毅皇從焉正位司空權貴日工役為奇貨陽施陰奪悉以法裁之勲戚某時主夫役請發太倉銀助工實欲私之力爭曰此朝家正脉軍國仰資急近利而廢遠圖豈人臣謀國忠耶事乃寢其積不能平屢以危言怵且草彈文示之不顧也臨事精詳必求可久之計宦蹟所遺雖名人繼往率取則焉天性孝愛事親色養弗違親終並獲祭葬益異數也兄滋弟灌皆為納八品散官處宗族恩禮兼盡歲時祀先必謹訓諸子孫嚴而有則自奉無異寒素歷官南北行李蕭然好學問文章雖老不倦所著有奏議公移尋是錄試筆稿經略兩鎮詩若干卷藏於家壽八十有三訃聞賜祭葬贈太子少保謚恭肅

成文

成文山西山陰縣人弘治壬戌進士授知縣擢監察御史巡按蘇松遇歲饑條上便宜民賴全活復按陝西劾奏鎮守太監宋彬冒首功且言內外大臣朋肆欺妄力觸權奸逮詔獄為民嘉靖初起知鳳翔府累陞至右副都御史上疏乞骸骨至嘉靖十九年卒賜祭葬如例

史魯

史魯字宗道號首山平陽蒲之大族也正德戊辰登進士授鎮江府推官時羣閹擅政治多苟且至則誅鋤豪猾治其尤者數人一郡肅清江東訟者皆欲赴魯曰史青天云決父冤之獄人祀其惠寢懷金之謝衆服其廉裂大宰之刺人莫干以私三年而政成頌典當道交章論薦之擢給事中比嘗權瑾之後言路久塞公以諫諍為已任彈射皆當權貴自吏部尚書下二十餘人既而又劾叅贊司馬及守備太監曰表裏擅權淫朋也寧藩宸濠逆節已萌人皆知之然濠權術巧中嬰之者奇禍立至又以離間典重在廷無敢言者魯乃首發其奸曰濠必為變無疑也又上疏請省國用以節民財蓋前後二十餘章洞切當世之務會師臣不合於倖寧寧喉稔奸枉狀訐師臣守備

太監素善稔奸因竄魯於狀曰給事中師臣門下士也遂罷歸卒嘉靖己亥年六十七歲

楊守禮

楊守禮字秉節號南澗蒲州人正德庚午舉於鄉明年成進士授戶部主事歷員外郎中陞河南僉事丁父憂起復湖廣時荊州有大盜流劫湖湘間有司不能制改副使駐節荊州至則絕口不言盜賊事俟分布已定一舉殲之衆以為神會以芮傑事忤執政遂中以徵文謫判叙州府是年華陽饑民多流亡按撫奏任成都知府多方賑濟流民底定陞四川副使尋

陞陝西按察使轉左右轄時四川蠻夷擾亂遂陞右副都御史巡撫四川親歷營寨激厲將士不三月竟

誅渠兇五寨悉平改撫寧夏時虜酋吉囊駐牧寧夏歲苦侵掠鎮兵多求內徙至則稽舊籍以實軍伍復關隘以扼虜衝併屯戍以寬士力虜烽以熄陞右都御史總督三邊尋加兵部尚書初陳邊務以固守為先連年虜東寇山西詔抽延綏兵互為犄角虜遂乘虛直犯花馬池率衆乘城激以重賞出精騎直當虜營虜來薄城輒斃于矢石遂遠巡遁去在鎮三年五降勅嘉獎賜以銀幣加太子少保丁母憂解任以歸

家居十餘年卒賜祭葬如例

趙載

趙載字文載初舉進士名君琰武廟御賜今名蒲州垣曲人也中正德丁卯鄉試辛未進士授戶部主事陞員外郎郎中奉命督漕上疏極言漕政利病譽籍籍起陞陝西叅議撫治商洛嘗剿巨寇有白金寶鏹之賜土魯番侵奪哈密為邊患總督遂菴楊公知其才薦為甘肅兵備副使時議者欲掩魯番擊之載言外攘必先內治宜實糧餉利器械固堡寨謹斥埃用間諜及倣趙克國墾田故事食足兵乃可舉否則

虛內事外徒啟邊釁疏上議遂寢於是銳氣屯種開

鹽召商實粟塞下期年而士氣大奮所戰克捷番酋牙木蘭帖木哥等率衆降者萬餘人又酌屯田便益十數事條上俱獲允行陞陝西叅政仍兵備甘肅遂陞僉都御史巡撫其地仍兼理屯政載稽歲所入以革宿弊人不能為欺邊方素不知學為擇師儒以教學官弟子諸番入貢每乞增額奏請遵守制驗放以省供億鹽引課令折兼輸以便商賈虜至督將士出戰凡所斬獲親劾功次革冒級守邊數年政績大著陞南京都察院右副都御史提督操江既去任猶陳

邊務十二事曰此吾所已試者俾後人守之耳然是時言者摘他事劾之秦旨聽勘久之事得白衆望方殷而尋已不祿矣享年六十有二計聞詔賜諭祭命有司營葬復以邊功錄其子爲國子生蓋異數云

陶滋

陶滋字時雨山西絳州人正德甲戌進士選行人司行人屢承命冊封藩王贈賄一介不取凡厥所至如上親臨咸敬憚焉會宸濠構逆陰結權貴詐設淫樂誘致萬乘天下皆知其謀獨武廟未知必欲南巡舟行有日矣滋及朝臣危懼急抗疏極諫武

廟震怒械繫而廷咎之幾死時死甚衆巡幸由是止無何亂作乘輿無虞諫之力也其爲諫首而生者悉左遷滋遷太學學正之任躬率諸生修德講學廟列周宣石鼓有毀爲曰者文多殘缺歷代諸儒如韓愈鄭樵皆病於誦述獨考索精詳爲石鼓正誤一書幾完其文讀者快焉已賜還初職尋陞司正錫命褒嘉嘉靖癸未陞刑部河南司郎中有滯獄數十淑問得情決之因圖頓空尚書金公獻民稱之令掌奏牘總部事有梁錦衣者懷金五百求援重辟及見知不可乃已

是秋轉兵部武選司郎中革吏弊塞倖門一

時武弁感激生勇氣焉甲申大禮興奏議不合械繫廷咎如前仍謫戍榆林戎服從事將帥恒以方略咨焉丙申蒙恩有歸戍戍秋疾甫三日卒

景濤

景濤字濟之號蒲津蒲州人正德庚辰登會試辛巳賜二甲進士尋授南京監察御史任甫數月卽糾論武臣干進詞連中貴及郊迎闕戚貪功冒封語侵宰執士論稱直留都倉場中宦久依爲市摻詭冒慎出納革樣米禁公私科擾儲政一清時以前疏觸中貴怒削籍而歸家食既久克養日遂離臺余公光薦其

才賢奉命復起北臺丰采端凝論思忠懇每監禮隨駕敷奏趨踰肅有常度上時注目焉尋按畿內首劾貴臣繼疏止薊山開礦以及興利辨冤救荒疏凡百上咸稱旨官民甚賴之將代詔築沙河宮城司空奏檄近郊民供役時北虜數入寇關隘久壞又吏治多污徵歛日煩條上四事曰慎選任以清政本溥實惠以厚邦本增邊防以固邦圉停修築以寬民力

上皆嘉納城工得暫停後二十年虜犯近郊卒如濤言繼監十酋畿試防範有方尋按江右江右俗健訟多貴臣號稱難理旣渡江嚴科條數十款洞悉民隱

禁教誘抑豪右吏民懷畏誦之不衰會 章皇后梓宮下九江迎護月餘寢食俱廢檄所司肅祀儲備無敢不虔而諸護使餽遺咸謝罷使者不悅冀有以中之會風便龍舟一夕渡湖 上聞賜文綺兩按南北黜貪墨僥倖弊廉拔滯糾名覈實凡所舉刺賢否心服律已清正御下溫嚴日費不百錢每行郡必令有司檢封衣笥江右北還衣多敝不充原笥雖圖書亦不少携諸司以趙清獻目之所至興學課士斥浮崇正昌黎表韓公祠豫章建文謝祠修白鹿書院申明教規英雋多出其門登顯仕者繼典刷京畿卷主閱

本朝分省人物考 卷一百 四十五 山西二

中臺章奏咸務尚體要中丞獻替多所草定以年勞擢順天府丞約已除蠹官府肅清會司徒議徵畿民牛車空運京粟出關即疏陳不便民狀仍上便宜數事竟從其議無何疾作累疏請告清議重惜之先後家居三十年杜門謝客讀書賦詩教子耕讀坐卧一小室闌堵不治囊無餘資澹然如寒士足跡不入公府人不敢干以私弊勵後進憂憂不倦每聞軍國重事繫思魏闕慨然不忘監司表薦數十竟不起歿之歲无日有龍起于舍中既病革兒童聞空中鼓吹音忽雷雨大作乃逝

亢良玉

亢良玉臨汾人爲府學生事父母能色養得其歡心母卒廬於墓側朝夕哀號有朱草叢生棗葉如蓮之異正德四年旌表其門又有同邑張璽李大經曲沃人斬馳萬泉人王寵並以孝行先後預旌典

陳韜

陳韜絳州人正德初以貢士任山東萊陽縣丞會流賊犯城韜率衆拒之與其子皆遇害事聞贈登州府通判 賜祭并令有司立廟廕子祭入監

許翔鳳

本朝分省人物考 卷一百 四十六 山西二

許翔鳳洪洞人正德辛未進士任上蔡知縣時承流賊蹂躪後翔鳳安集撫恤旬月如初陞監察御史按兩淮又按畿內抑強禦繩官邪臺中有老成之譽陞陝西叅議上疏乞休居鄉忠信醇厚雅好山泉每發藻詠自陶其志

劉憲

劉憲靈石人爲邑學生性朴實有孝行父先歿母八十餘歲正德六年流賊入境憲負母避難賊至憲曰寧殺我勿殺吾母遂遇害御史相繼以事聞 詔旌其孝令立石 賜金助葬

劉翀

劉翀平陸人事親以孝聞舉正德中進士授行人擢御史清戎山東巡秦邊復按畿甸補救時弊多所建白又奏宸濠之變糾李隆之事挺然勁氣不回時稱真御史

楊瞻

楊瞻蒲州人正德中舉人初知扶風樹德單惠誨士足民三載績最擢御史疏請薛文清公從祀孔廟雖朝議未果已服其論思得體矣及按江北作石堤以障水患辨賢能以懲貪汙人以真御史稱之陞四川

本朝分省人物考

卷一百

四七

山西二

僉事平險阻繕橋梁息盜賊川北之墟田牧安堵人後稱為靖江楊焉三履之民至今尸祝之謝政歸讀書談道賑窮賙乏而平生孝友之篤尤人所難及者為祀先睦族錄行於世後以子貴贈兵部尚書入祀鄉賢

崔吉

崔吉平陸人由歲貢授華州同知以貞士習釐民俗為首務躬修節約不自膏潤嘗清稅却金平生雖家貧而孝友曲盡居處嘗列箴規日自檢束澄心體驗有得期力踐之在華州疾篤猶執易西銘易箴始輟

覽

王珂

王珂蒲州人正德己卯中鄉試卒業成均時 詔纂修 武宗實錄遂膺首薦嘉靖丙戌登進士第緣素重史望授中書舍人每代言稱 聖意命待經筵多所啓沃館閣見推焉平生心持清介性篤孝友博極羣書為後學之師範嘗著自省篇楊少保博稱之曰議論切實與濂洛關閩相為表裏編修張四維為之註釋後入祀鄉賢

喬瑞

本朝分省人物考 卷一百 四八 山西二 喬瑞霍州人嘉靖丙戌進士任西寧府推官決疑獄多所平反執法抗秦藩歸侵田設法賑荒民獲免於死徙歷大府官至山東右叅政所在率有異蹟

李錦

李錦芮城人性至孝母卒哀毀不已廬墓三年弘治間旌表後以貢入太學父卒復廬墓側以疾卒于墓所子澤孫柄居親喪一如錦時人謂之三世孝思

陳希良

陳希良絳州人弘治中舉人任真定府推官廉殺有為不徇權勢為中貴所陷死於獄人皆惜之

張鵬

張鵬字鳴南號漳源汾西人嘉靖丙戌進士授河南府推官時方弱冠明刑慎獄雖老吏弗及也父卒于官邸幾無以為歛郡守范君代備棺衾始克襄事服除起補衢州府以治行卓異徵拜監察御史即上經略七邊封事 上嘉納之按甘肅虜化靖虜安定諸地大被殘掠將領匿不以聞而總兵時陳貪殘特甚鵬悉其狀正法治之邊政始肅復按山東時膠莒之地民多流亡所遺荒田數千頃招集開墾薄徵其稅踰年皆成沃土於會城立湖南書院選齊魯諸生肄習其中躬履省之文教彬彬聿興焉壬寅入當京畿道陞大理寺丞會審大辟毅然持正不徇 上有羊酒之賜履任甫期而疾作上疏乞歸竟以不起年四十有四耳有諫草及遺文八卷藏于家

楊博

楊博字惟約號虞坡蒲州人舉嘉靖己丑進士知陝之藍屋徙長安徵拜兵部武庫主事遷郎中故相翟文懿公奉 命犒諸邊參幕府當是時宣大卒悍驕屢戕其帥博告文懿以便宜撫諭之鎮賴無事至蕭州屬番數百人遮道要賞文懿欲弗予不能欲予患

來者滋衆無以應博請文懿坐堂上數以命使至不

悉衆遠迎將縛以屬吏番人叩頭再三請乃釋不罪

而稍資其首至者諸番感且畏竟不敢復來文懿還

首薦于朝 賜白金文綺改職方郎中博之從文懿

也起遼左迄甘肅行萬餘里具得其山川陰陽士馬

強弱怯勇民所欲惡之大端及在職方虜數入宣大

山西撫督奏報一夕十數上懸度立斷悉中機宜時

出奇畫衆謂未必然已而無不然 肅皇將有討於

安南請先以文告及乞降請許以自新因疏便宜六

事 肅皇盡用其策益知其材可大用故自山東提

本朝分省人物考 卷一百

五十一

山西二

學副使山東糧儲叅政不四年起拜僉都御史巡撫

甘肅初罕東諸屬番以避土魯番居肅州境上其後

族類日甚強西人以爲憂而力莫能遣詔語之曰若

屬羈於此謂暫安可耳非所以計久遠也今自白城

至金塔水甘而草肥吾爲若築城堡作渠壩給耕具

俾往居何如咸叩首曰幸甚遂築城七計地與人置

食用之器咸備以示諸酋諸酋謹呼徙出塞遠者至

百五十里鑿龍首等渠墾田三萬餘畝召民耕其中

又請以巡按御史督學政西人由是富而知學虜嘗

大入士競效死戰斬首百四十餘級 賜詔嘉獎晉

右副都御史丁母憂西人遼道泣留窮陬孤戍至今  
以為尸祝仇讐之未敗也博與總督曾襄愍公論之  
徵下詔獄而時襄愍方議逐套虜修東勝及故受降  
三城期並河為塞讐與其黨詆為生事卒殺襄愍庚  
戌虜人薊薄都城讐以勤王有寵數毀博 肅皇知  
其情竟不能害于子讐殛死會服除即家拜兵部侍  
郎兼僉都御史經略薊保二鎮庚戌之變虜實道潮  
河川入議者爭請為備而水湍悍不可城乃緣水築  
墩離立錯峙墩置戍守虜遂不敢掉臂其間秋 召  
還提督京城九門故事歲七月輒分兵守陴如寇至  
本朝分省人物考 卷一百 五十一 山西二

保黜陟將吏人莫敢干以私丁父憂戊午 召還本  
兵方疏辭會虜圍大同右衛急 詔博往援乃墨繹  
出關虜聞曰楊太師至矣遂解圍去先是右衛被圍  
久其將士固守無二心疏請褒卹條戰守及善後十  
事奏行之又築牛心等堡塞墩臺二千八百七十二  
座濬大濠二長各三十里小濠六十四交互聯絡虜  
左右顧不得騁而南晉太子太保兼左副都御史虜  
酋哱素時以輕騎擾邊計擒之斬其黨十五人分兵  
襲擊斬獲又若干人未幾虜入薊州 詔移鎮薊畫  
地為十區檄將分區拒守而三耀武於邊諸酋震悚  
本朝分省人物考 卷一百 五十二 山西二

博曰此自疲術也亟罷歸其營兵不勞而費省冬  
詔總督薊遼保定軍務選士馬繕堡堞除戎器操必  
勝以待攻無何虜寇古北口號二十萬連營百餘里  
身被甲督諸軍禦之虜屢攻不得入則併力攻孤山  
堡夜攀堞登我軍斫其腕墮虜氣大沮 肅皇馳賜  
緋豸出帑金巨萬犒士博宣布德威諸軍益感奮殺  
傷虜無算已又募死士持火器夜驚其營竟夕四五  
發虜自相蹂躪死比明悉遁去論功晉右都御史兼  
侍郎蔭一子錦衣衛千戶明年萬騎入馬蘭峪擊却  
之幾獲其首打來孫 召拜兵部尚書尋加太子少

終歲無敢近塞者 召還掌部事加少保權倖不便  
其所為往往為飛語中以奇禍 肅皇悉拒不納更  
下諭褒美諸邊奏捷 賜本兵金幣特加一品考績  
賜羊酒授勳柱國於是讒忌始息癸亥秋虜且窺薊  
前鋒走遼以策禦虜援詐檄止其行不得手為書三  
止之又不得乃嚴備京師而檄諸路提兵赴 闕下  
後數日虜果踰墻子嶺犯通州烽火徹御宮諸邊兵  
望日馳入援一日夜雲集虜驚謂神乃解去乙丑以  
一品再考蔭子國子生改吏部尚書未幾 肅皇帝  
崩 穆宗莊皇帝奉遺詔錄忠諫舉遺佚修平浪豪



功 召諸舊德布在臺省郡邑長吏有聲績增秩示  
 勞不輕徙官一時所稱善政多博贊畫之功以一品  
 三考晉少傅兼太子太傅再蔭子國子生已巳論事  
 忤 旨會左右倖臣多毀之者謝病歸辛未 莊皇  
 帝 詔以冢宰行兵部事 神宗嗣統邊警益稀  
 詔還吏部以一品四考晉少師兼太子太師仍蔭子  
 國子生 賜賚甚厚癸酉分獻夕月壇疾暴作扶歸  
 上疏乞致仕 上不允加賜餼牛酒米又疏辭謂有  
 不忍言去之狀三不得不去之情三 上乃諭 賜  
 乘傳 命子俊民俊卿侍行至蒲數月卒 上聞震  
 本朝分省人物考 卷一百 五十三 山西二  
 悼輟視朝一日賜祭葬贈太傅謚襄毅蔭一子中書  
 舍人

王與齡

王與齡字受甫平陽鄉寧縣人母李夢有蛟龍蟠巨  
 樹寤而生幼凝重不狎羣童九歲與兄培齡從安陽  
 崔後渠先生學咸見器重嘉靖乙酉領鄉薦已丑昆  
 弟咸登進士培齡尋卒辛卯授蘇州府推官以少年  
 佐劇郡獄訟咸平無滯官有憤人盜鏡者嚴掠之謂  
 盜甚微不足治且近誣姑俟之竟獲真盜乃伸前寃  
 者海寇董氏聚眾攻殺大姓顏氏之族或支解之竟

捕伏法而散其眾申午權戶部主事以廉能不擾調  
 吏部驗封司主事更考功文選遷稽勳員外郎丁父  
 艱起復晉文選郎中以用才罷庸為已任上疏條故  
 事請抑奔競清仕途重撫臣責成守令奏報孜孜力  
 行用人務進廉靖老成痛繩僥倖絕請謁常州知府  
 應君子才以廉不阿上更代延見訪問吏治民瘼眾  
 莫敢望子才由是顯權力遏貪殘用張治典正論幾  
 振而分宜之螟蛉子已漸盜大柄卑侮省郎橫侵銓  
 柄有所請托一切峻拒之其來益瀆乃率同官上其  
 事竟以是報罷一時知名之士咸外謫銓部自此喪  
 本朝分省人物考 卷一百 五十四 山西三  
 氣吏治貪冒日甚計貲得官計日求權而民不聊生  
 寇盜充斥矣歸平陽角中躬稼圃怡然自得仇者媒  
 孽萬端竟無可乘二十餘年忽自願泥丸上神出備  
 紀其事無何遂卒

梁格

梁格字君正號定齋稷山人嘉靖乙酉領鄉薦乙未  
 登進士第授濟陽知縣濟陽劇邑也其俗諛而喜訟  
 或為虞之格曰顧為治者何如耳比至訟者羣集盡  
 收之越數日別淑惡察情偽懲者若干人旌者若干  
 人於是民稍安輯而訟亦衰止先是兼并之家地匿

而稅不辨乃履畝而計按籍加覈未幾得隱田萬畝分別肥瘠差爲三品各立文簿姦吏無所容詐又勞來不怠善於撫循於是復業者甚衆其地通舟楫商賈恒苦無名之稅至是盡罷之又定賓旅往來之式其費省約民甚德焉丁酉 章聖皇太后梓宮返葬承天道出東郡濟陽屬當供億而闈寺橫索無厭勢焰赫奕同事者咸遜避獨毅然以往卒事不淆諸闈寺知濟陽賢亦皆歛跡云審訊明敏諸郡縣難決之訟多屬之禹城有冤獄累歲不白監司移鞠之得其情一縣盡驚它日禹城人持數百金以謝曰法當如是非私爾也竟卻之居常慕薛文清之爲人侵其言行錄於官舍誦而法之又自奉貶損纖毫不敢下侵嘗扁其堂曰一鶴一琴亦是身邊長物匹夫匹婦孰非膝下嬰兒其自信有如此公暇親詣學舍課試諸生出其門者皆循循雅雅濟陽自是多德藝之士矣都御史御史各薦於朝先後凡十有三疏及滿去百姓避道泣留送之者相屬於道越宿始罷徵授南京兵科給事中既陞辭過文安謁紀先生墓始行抵平陽聞太宜人訃擗踊踰節遂嬰疾既襄事乃於墓所建永思洞維則亭葢致終身之慕再踰年竟以哀毀

本朝分省人物考

卷一百

五十五

山西

卒年四十有四所著有窺易集四書古義補及定齋存稿藏于家卒數年伯子紀仲子綱季子維相繼舉於鄉壬戌仲子綱登進士授戶部主事

裴紳

裴紳字子書號右山蒲州人嘉靖甲午舉於鄉戊戌登進士授行人辛丑擢監察御史督理長蘆山東鹽課近京多奸民依憑城社私販大行首禽鄭尚書僕置之法仍對仗彈尚書奪俸比代無復私販者乙巳按真定是時虜連寇太原議增紫荊諸關埤塹事竣有白金文綺之賜丁未按浙江上海防六事紹悉從其議蓋是時海濫漸不靖矣朝議設都御史督軍務而都御史者顧捕戮平民報首功紳檄臬司問狀以其不克肩重任條言其事自後海寇益倡諸建白防禦計無慮數十上率無越其議者戊申丁父憂起復陞山東按察司副使提督學校崇實學杜請謁諸所弊拔皆藉藉有養之士乙卯陞河南布政司叅政撫守汝南其冬丁母憂戊午起復補四川布政司叅政庚申陞江西按察使辛酉陞河南右布政使未幾即拜都察院右僉都御史巡撫陝西壬戌春虜犯延聞警提旅馳之過其南下于是朝議謂總督程公不

本朝分省人物考

卷一百

五十六

山西

任事擬紳代之其冬虜果自寧夏入紳嚮眾迎拒斬首八十餘級以捷聞益飭內備簡西安等衛卒三千人奏設叅將一員團練會城陝當滇蜀孔道民苦于供億有忻城伯某者使蜀過陝特恣貪虐紳廉其不法狀數十奏之且請自今勲臣出使毋枉道 上命著為令併徵忻城伯還忻城伯懼自殺秦地肅然初督學山東時有一二鄉宦求庇其不肖子弟不得則大恚已乃作為謗書徧騰之兩都中當丙辰時撼之不動益慚憤至是屬京察期復以流言中之甚異調改南京紳曰吾矢勤于國而顧增茲多口命也遂歸

本朝分省人物考

卷一百

五七

山西二

卧河山舊廬課子明經尋繹故業日與故友嘯咏杯酒間若未嘗涉世者以正德癸酉卒得年五十五耳訃聞于祭一壇階四品不滿一考于法未應賜祭蓋異數云

劉廷臣

劉廷臣字伯鄰號白石洪洞人嘉靖丁酉鄉舉第一人戊戌登進士第守裕州時 天子由宛城如荆襄比歲不熟諸務蝟集供應不易或有謂且緩其行者曰當官避難非忠也遂單騎之任不三日 駕且到左右皆未識面時起倉卒舉措實難乃博選士著諸

本朝分省人物考

卷一百

五八

山西二

事者十餘人指授規畫事乃就緒比 駕旋益有備于時諸守令多被罪奪職獨獲犇是歲秋 上命刑侍王公賑濟饑民咨以採荒之策其所條陳悉付施行全活甚眾裕民多居郭外城市寥寥請于兩臺從鉅富者實之開創井闢以通貿易民甚便之清慎勤敏歷三載如一日遷刑部員外郎奉命畿甸錄囚殫竭精力緣事求情奏可矜原者八百餘人皆得 俞允自是聲望益重擢知開封府開封為會城且孔道號為難治撻剔弊端立法畫一諸宗藩悉斂不敢肆政事卓異不可枚舉民有活包家之謠庚戌入覲考

上最時湖南苗寇不靖遂陟辰沅兵備副使道出開封裕州百姓爭持牛酒謹呼於道至不能行在楚未幾以北虜猖獗牧馬南向擇異才移鎮重地乃改授天津嚴隄防明紀律拊瘡痍減供用久之山右妖民肆毒蔓延河間大名之間巡臺下捕治之令甚亟意以驟勦之玉石俱焚給執令者曰此地皆我良民焉有妖賊速除捕治之令眾莫測陰呼謹密幹辦者授以方略賊因令弛謀解竟擒殺之地方以寧壬子選試武舉蓄糧飭兵為諸道最臺臣交薦其賢癸丑中州罹師尚詔之亂移兵討平之夏轉河南叅政汝南

撫民招集逃亾賑貸饑寒不三月令肅化行尋陞右  
僉都御史巡撫宣府虜騎憑陵甚於諸鎮首請糧餉  
給其食亟修墩堡衛其居時復簡閱作其敵愾官軍  
莫不戮力用命甲寅虜犯北路防禦有功晉右副都  
御史乙卯九月虜大舉入寇由西路奔懷來與賊對  
壘由是不得南下夜遣勇士劫其營賊衆驚亂乃遁  
去乘勝追擊斬獲甚多捷聞 天子嘉悅有白金文  
綺之賜上谷日行宜鎮地方曠遠難以周知乃編上  
谷須知上谷圖說南山圖考地理險夷兵馬強弱糧  
儲多寡無不備載邊事孔棘神力勞瘁初力疾事事  
本朝分省人物考 卷一百 五十九 山西二  
久不能勝乞骸骨蒙 溫旨賜歸卒年五十有一

王崇古

王崇古字學甫號鑑川蒲州人嘉靖辛丑舉進士實  
出鄭端簡公門鄭負人倫鑒爲所器重悉以國朝掌  
故及戰守機宜指授之已奮然有自見之志矣授刑  
部主事歷員外郎中巨璫麥福縱下爲奸利繩之以  
法無少貸分宜中夏貴溪以危法獄具而獨不署名  
徐文貞亟稱之出爲汝寧太守伊藩驕恣置左右于  
法而歸其侵田大盜師尚詔蹂躪吳楚間諸郡震動  
設方略戮其魁數十人賊鋒爲挫晉副使飭兵常鎮

創海防條議率命大猷等于海洋殲倭奴二百餘級  
晉按察使河南右布政擢右僉都御史巡撫寧夏上  
豫秋防六事虜寇清水營遣大將吳鼎擊走之又招  
降卜兒丈三百餘人虜徙榆林潰瓦渣梁殺大將親  
督勁兵往救之斬獲甚衆晉兵部右侍郎兼僉都御  
史總督三邊軍務二歲中虜凡三薄塞遣大帥董一  
奎趙訶等擊走之尋遣雷龍等出長城二百里至白  
城子搗其巢大破之會流賊郭孟振鈔掠秦晉勢張  
甚徵兩省兵平之凡斬首虜七百餘級鹵馬牛羊輜  
重一萬六千有奇晉右都御史改宣大山西總督時  
本朝分省人物考 卷一百 六十一 山西二

俺答者虜酋之最雄黠者也而中國叛人趙全輩實  
傳翼之全居古豐州屋居佃作招亡命數萬號曰板  
升導虜入塞故邊庭無歲不中虜國家懸賞格得全  
等一人賞千金拜官都指揮會俺答愛孫把漢那吉  
者有所恨挾其妻比吉等叩關請降崇古喜曰虜事  
入吾彀中矣屬閩帥厚擲之疏請于上封把漢爲指  
揮使俺答偵知把漢所在大舉兵薄城下索馬堅壁  
清野坐困之而陰部署兵馬扼塞處相持數日虜稍  
稍引退卽縱兵尾擊之伏軍四面起虜腹背受敵一  
日七戰所殺虜過當虜氣大沮知不可以戰得把漢

矣乃使人來言曰天朝歸我孫者且欵塞然殊無意  
執全等乃盛陳兵出把漢視之則把漢者已易綬纓  
佩印綬帶金瑩然洋洋無歸意指謂虜使曰此儿上  
物也 聖天子寬之若此此不足購趙全等耶因遣  
將軍田世威等往諭意俺荅且感且泣願悉如命而  
請貢馬通市世稱外藩力疏請于朝得 俞旨於  
是虜果執全等九人易把漢去既獻俘 闕下 上  
降勅封俺荅為順義王諸酋拜官有差崇古親詣弘  
賜堡宣 上威德定貢市則諸夷羅拜龍帷奉表稱  
謝貢馬五百有九歲以為常其互市視宣大準事竣  
本朝分省人物考 卷一百 李一 山西二

穆皇帝大悅祭告郊廟御皇極殿宣表受賀自辛未  
迄于今邊鄙不聳完室家保首領省軍興費不貲功  
甚偉焉是年進太子少保兵部尚書在鎮五載以協  
理戎政召還明年加少保未幾告歸又十二年而卒  
享年七十有四訃聞詔贈太保謚襄毅子祭九壇遣  
中書舍人營葬廕子為國子生三為錦衣千戶一  
楊俊民

楊俊民字伯章號本菴蒲州人襄毅公博之子也嘉  
靖庚戌進士授戶部主事值虜薄都城主廩餼繕城  
守分布賊有方略識者趨之尋調禮部員外郎中有

詔賜戚里黃門趣之宜給俊民曰此內賜也非禮官  
所得與宜於迎和門頒之 上聞而是其言隆慶戊  
辰督學河南刻二程全書置贍學田祀鄉先哲忠義  
節烈者士斌斌興起轉本省參政時新鄭柄國鄆陵  
劉生者新鄭甥也傲不受課倍扶之除其名其兄大  
中丞揭有司請祀于鄉揭嘗有手刃一子惡其刻忍  
黜弗錄萬曆改元入為太僕少卿丁父憂起補原官  
轉太常少卿戊寅轉大理尋擢僉都御史撫治鄆陽  
辛巳進副都御史移鎮山東壬午 皇太子生廕一  
子入太學其年陞兵部右侍郎丁母憂起戶部右侍

本朝分省人物考 卷一百 李一 山西二

郎督理漕河巡撫鳳陽凡三歷重鎮所至斥貪殘損  
徭賦實戶口詰兵戎諸所興除務計地方之便所不  
便者即詔條日下一切停閣忤權勿顧也撫卹二年  
積羨八萬五千餘金適議罷卹撫預條善後七事防  
之東土閒田請輕其租聽民占墾期以數年易草萊  
為沃壤丁亥改兵部左署部事會議虜王嗣封俊民  
言欵未可遽罷惟內脩守備而外勒西虜使盡還巢  
申定市額使無溢索溢索而罷未晚也議遂決戊子  
壽宮成以督役勞陞正二品俸賜一品麒麟服己丑  
協理京營念營兵驕惰請選三天營備兵充總協標

下令足三千人以資彈壓報可是冬陞戶部尚書總督倉場未幾寧夏卒戕主帥叛勾虜直薄潼關朝廷發大兵討之輸將未半而朝鮮中倭患復發大師東矣當是時東西用兵各數百萬芻糗迫于星火前後徵調七年餉不足議增鹽筴議拜爵免罪議勸輸議借漕糧議轉山東粟補苴百方僅無乏絕而 皇太子出講長公主婚 仁聖太后喪兩宮災費皆不貲無一不仰給者甲午中州大侵人相食所發帑使銀粟又數十萬九邊年例益誦而求增無已內庭非時之索若增取滇金及趣辦鋪宮珠寶等費復不貲且

本朝分省人物考 卷之四十五 山西 本主

張四維

張四維字子維號鳳馨蒲州人嘉靖己酉舉山西第二癸丑成進士選庶吉士讀書中秘獨取累代典故

及四方興除利弊反覆研析華亭徐文貞雅以公輔期之越八年 莊皇帝改元以實錄大典成晉右春坊右中允充經筵日講官已遷諭德侍讀晉吏部右侍郎教習庶吉士萬曆乙亥晉禮部尚書兼東閣大學士入贊機務丁丑纂修 穆廟實錄成加太子太保累贈少師吏部尚書中極殿大學士前後廢子者四方江陵秉政法令苛急如東溫薪海內訶訕是年江陵急因密疏請下寬大 詔罷一切法令不便者其正首揆僅期月耳而當鼎革之會廣主澤厚元元楚儉壬舉遺佚凡舊為江陵抑弃者循次拔用由是公論大明中外清肅未幾以父憂歸里以乙酉冬疾卒訃聞諭祭十三壇遣官營葬官一子尚寶丞贈太師謚文毅

本朝分省人物考 卷之四十五 山西 本主

晉應槐

晉應槐字植吾號念冲洪洞人嘉靖丙辰進士授中書舍人擢吏部主事歷文選郎中條定選規按籍陞授無能輕重其間即華亭相有所私亦不得也故事銓吏秩滿率自舉鄉人以代時同鄉有大司馬以其子請弗應比擢太常寺少卿則大司馬晉冢宰矣脩前卻請運判稍遷廣平同知久之轉河南僉憲值河

北礦賊大開密遣一將率勇士二十人佯為賈客深入賊壘用間擒其魁十餘人餘黨解散已遷河西固原備兵副使覈廩藏革影役積糧籍清守支課鹽收簡將卒通牧地脩河堤一切利弊皆若觀火丁內艱歸復除湖廣副使首按侵奪屯田者置之法刊屯約四章擢叅政分守湖北榮府承奉死干醜理官受賄幾脫免竟坐如法晉長楚泉景王府第以府僚羣飲燬于火而罪樵採者七人毅然起曰罪在官而以小民償之吾何忍竟釋七人罪抵其官歲當鄉試江陵相介學使者請其子笑曰不見翟相國之雙鳳鳴乎

汾州府志 卷之十 五十五 山西

休矣已而擢拜右僉都御史巡撫寧夏靈州將為兇卒所殺邊庭震動以靜鎮之而以密計擒撲其首惡地方安堵未幾以楚事被彈章銓部議以原秩調用南京竟謝事去卜築于北溪居曰漁樵坊曰澹泊齋日無思環清流周茂樹日手黃庭一編偃仰其間著漁樵莊說無思軒盟以自廣還鄉年僅五十優遊林下者二十五年七十有五而卒

單應元

單應元字德芳馬邑人母方姓夢神人持一果色正赤如柿芳香喫人授之曰以此為而子彌月乃生登

嘉靖乙丑進士授歷城令歷城巖邑賦訟旁午至則應手輒辦時察民所疾苦孳孳務拯其急開田北山下因湖為渠教民灌溉治東山塗徑之險又者以便車馬至今賴之獨耻趨事上官撫臺某性剛復用擊斷立威郡縣所具城旦書連者多斃杖下應元非重辟皆罷遣全活甚眾某檄縣徵贖金千閱籍僅數十金以報某大恚一日聞書私以書函金饋某適邑尉值庭下尉舉篋不勝書委而金見某慙咎尉數十託他事逐尉去尉創甚應元屬醫調護厚遺之某謂其背已而私尉也徧伺陰事無所得會奏最當徵召力

汾州府志 卷之十 五十五 山西

從中沮之乃遷南京刑部主事尋轉戶部員外調兵部車駕司郎中主郵傳符驗達官貴人求請無虛日悉按例謝絕之不少徇出守河南南府府治居天下樞冠蓋四集時有禁不得用傳留滯益多而民益擾至則酌定經費客無停軌供億之累移教屬縣汰冗役禁株訟勸農與學闈郡不嚴而化妖民許天宮左道惑眾眾趨之懼其亂也設方略擒之亂止嵩山有銀礦民緣為奸利椎埋擊殺有司莫敢問密遣捕盜人易服入賊所別伏健卒於要地以待八人潛伺賊

縣崖間掩其不備擒之從間道出既遠賊眾始

覺駭而潰散嵩洛之間以寧申子遷四川副使分巡  
叙瀘諸郡境接獠夷民俗龐雜時獠婦某謀作亂帥  
劉訶知其狀請兵之應元曰獠所恃積聚耳第募健  
兒燔其巢此一卒之力豈足勤衆帥從之獠婦果寢  
其謀亡何移備兵延綏甃治神木鎮羌諸城堡以固  
封守開永清等處荒田以贍屯卒覈諸將領私役士  
以裁冗餉疆事犁然以飭已調備兵長沙盜駕舟出  
沒衡湘間卒不能捕益乘其勢顛越人于貨下令哨  
船皆建大旗其上哨卒以號衣爲識分番巡緝所往  
來停船處津吏署狀馳報卒不得逞盜乃息轉苑馬  
寺卿分巡平涼值歲大稔牧卒坐馬死不能償逃者  
迥半而部使者下追補之令甚急應元曰馬與人孰  
其今乃欲驅生人償死馬乎屬各監暫寬督促急招  
無流亡部使者以非初指奏令致仕歸應元曰失一  
官而活數千人歸可矣驩然就道抵家未數月而卒

張夢鯉

張夢鯉字汝化號龍池蒲州人嘉靖丙辰進士歷兵  
部郎中擢開封知府至則首褫隸人不籍名者累百  
人晨起坐堂皇剖決立斷狡胥無所緣爲奸郡故饒  
財賦賦所有奇羨吏前白故事以佐公需怒笞之悉

本朝分省人物考

卷十

本七

山西

附入歲會中邑令進贖銀笑而却之曰乃公無用此  
爲也悉徙實廩廩有大盜譁于獄閭兵來赴援者匝  
墻外日暝睥睨不敢動手劔而入曰敢後者死衆擁  
入盜皆伏誅時新鄭方貴所示風旨藩臬大夫皆風  
靡有扶溝令爲新鄭黨所愬新鄭重怒待之乃力白  
其無他新鄭大不憚而卒無如之何然以治行卓異  
秩滿不遷久之備兵靖邊初邊議貢市文武吏多以  
不廉失虜心否者以漢財物啖虜恣縱之名曰羈縻  
比至立畫機宜卽以市權充市賞不至費縣官一金  
事聞賜金有差而諸邊時方事虜顧虜至輒憂芻粟  
悉摘發其乾沒者置於法邊庫悉清虜之盟也議者  
謂吾且以其暇脩守備乃盟日久備益日弛雖功令  
與斬首虜同功然多用虛文相冒無實者夢鯉所築  
鎮邊新障百二十里蓋至今稱雄邊起學宮親爲邊  
人師帥彬彬比於內地晉山西叅政治田賦條官會  
之議置積受輸諸轉置惟隸役任歲省富民數十萬  
計陞江西按察使取訟師詢得其主名數十人捕治  
之訟事衰息復陞山西布政使屬有鑄錢之役曰是  
不可急急則銅價騰踴條具八事絮爲令所鼓鑄文  
質周廓而錢法大行久之拜都御史巡撫順天再撫

本朝分省人物考

卷十

本八

山西



甘肅順天外備邊內撫三輔悉裁抑諸不急費歲省  
 征徭累十二萬已悉取積逋盡蠲之三輔民大蘇會  
 虜炒蠻寇古北口遣裨將李如楨等擊破之獲首虜  
 捷聞 詔賜白金文綺東虜土蠻以五萬騎犯遼部  
 裨將楊粟等擊破之捷聞再賜白金文綺益爵一級  
 以是威鎮諸虜間虜以十萬衆欲窺薊偵薊有備遂  
 巡不敢入移攻遼又赴援遼再破之又再賜白金文  
 綺而戚將軍繼光時爲大將守薊所與議兵間同異  
 輒瞋目諍不下已而策果奇中將軍亦穆然心折也  
 尋入爲大理寺正卿宣言廷尉與比部御史臺共執  
 法耳何知形迹論不當者輒反數月所計弊登中者  
 千餘贖大辟囚以羅織下獄者全活甚衆時江陵相  
 貴倨甚伉直無所詘江陵目攝之或謂宜遜謝奮衣  
 起曰吾不能徒步勤造請若廷尉湯也遂謝病歸生  
 平爲人嚴重孝友與人交無城府然非公事不一見  
 縣大夫仕宦三十年無異寒素以萬曆丁酉卒年六  
 十有五

邵光先

邵光先字子孝號文川長治人嘉靖己未進士令上  
 海用治最徵拜御史按貴陽首發大中丞奸賊及豪

貢不法狀繼按楚窮治弱藩徒黨置之重辟諸宗欽  
 手擢大理寺丞晉少卿尋晉右僉都御史巡撫延綏  
 時虜求內附定貢議虜數要市賞劃爲定額鎬錄不  
 得溢予歲費大省已條奏善後四事乘暇繕邊垣一  
 千五百里至今賴之移鎮陝西增置守將清理芻糧  
 邊地肅然轉左副都御史協理院事丙子閱視薊遼  
 保定邊務所上將吏殿最一準於工實晉兵部右侍  
 郎廕一子國子生辛巳以母憂歸服除起原官總督  
 如故以邊勞晉兵部尚書廕一子入太學丁亥晉太  
 子少保前後在制府八年宣示恩威申嚴約束務以  
 大義折虜謀服其心而間出機權制其變故八年間  
 東接金明西連張掖延袤數千里封守堅完吏民安  
 堵無異時烽燧舉兵連不解之禍萬曆己丑在鎮  
 聞父喪一慟輒僵不能起距生五十有七已耳訃聞  
 詔贈太子太保予祭四壇命行人董葬事視常典有  
 加焉

王家屏

王家屏字忠伯號對南山陰人其始生也祖石溪公  
 方假寐夢有仙仗擁金童自雲中下覺而乃生有異  
 質童時授書一再過輒成誦甫十三補邑學生成隆

本朝分省人物考

卷一百

李九

山西二

本朝分省人物考

卷一百

李

山西三

慶戊辰進士選庶吉士授翰林院編修同纂修 世宗實錄辛未分校禮闈萬曆改元同修 穆宗實錄乙亥充經筵日講官雅擅經術善講解每進講禮度從容音節洪亮 上每改容聽之從洗馬晉宮詹歷陞翰林院侍讀學士掌院事尋教習庶吉士改吏部右侍郎乙酉以吏部左侍郎兼東閣大學士入內閣忝與機務與太倉王公錫爵同麻而拜五月召對煖閣偕同官議處章奏扈 駕視壽宮 賜織金飛魚羅金椰瓢諸物至大峪山召對幄次丙戌以風霾偕同官條上數事請寬梓楠減型器罷水田 上嘉納

本朝分省人物考 卷十 山西二

之是歲以丁內艱歸當推閣臣 上不允虛席以待比禫除手詔起禮部尚書兼東閣大學士遣行人卽其家召之以四月入朝踰時未得謁見值萬壽節乃上疏曰臣入京踰三月矣尚未獲一瞻天表奉玉音臣惟堂陛之交惟有朝講軍國之政惟有章疏今朝講久輟典禮並廢矣聖壽屆期捧表入賀者雲集尚可端居大內不一出乎章疏頻留綱紀漸弛矣 皇儲虛位上書力請者鱗次尚可留疏禁中不蚤定乎臣願早臨朝寧無違祝聖之期畢發封章首下建儲之議 上覽疏感動爲再御門始面恩 上目屬人

庚寅元日召對毓德宮 上擁皇長子令閣臣諦視諭以保愛之指請諭教 上領之疏請冊立不報四月以災異上疏言今天鳴地震星隕風霾川竭湖涸之變疊見四方水旱癘疫交發累歲外患未休軍餉積缺邊腹並潰兵農俱困而議論紛紜罕持大體簿書詳致祗飾彌文綱維廢弛名實蔽混徒蒿日刻心而不能效一臂亦安用臣爲哉用是自列罪狀冀賜罷歸奏入得 旨慰留再上疏曰 皇上靜攝之旨屢形傳諭臣子之心豈能自安幸而 聖體康豫而不能朝夕獻替導主德于緝熙卽或 聖體違和懼者一也 皇太子冲容中外繫心國本莫定羣情危疑此臣之夙夜憂懼者二也 廷深密之中侍從僕御之事喜怒過當則 聖性累 和平訶責太嚴則羣小震於摧壓此臣之夙夜憂懼者三也臣抱此憂懼之衷兼遭災危之會揣循才力既不能有濟于時積累精誠又無由感通于 上此臣所以內愧尸素不能頃刻自安者疏入不報已乃以冊立事諸司疏章累百 上益厭之一日文書官李浚口傳諭旨如科道等衙門不來讀擾便於明年冬傳旨冊立如

本朝分省人物考 卷十 山西二

再來煩瀆直待十五歲冊立復上疏云臣復奉 諭旨竊幸元良之建斷自宸衷冊立之期振於來歲臣當喜色以歡傳諸臣亦即當誦指而供俟矣第恐口傳天語宣布未周不如親發給音播告尤速謹擬傳帖一道伏望裁發施行所有再來瀆擾直待十五歲之說容臣默示 聖意戒諭諸臣似未可入之傳帖遂擬帖附浚入奏度不得請即令關門吏馳報禮科禮部浚出果傳旨云札子不必用而部科回話疏已上矣 上雖不憚然止奪部科俸而儲議遂決自是廷中無復言建儲者明年八月主事張有德以造辦

本朝分省人物考

卷一百

七

山西

錢糧請 上震怒罪有德責輔臣附和改冊期遲三年已而侍郎黃鳳翔以忤旨放歸言官羅大紘鍾羽正等並以爭議冊期蒙譴科臣李獻可等又以請豫教降罰有差乃封還御批力請寬宥其疏云獻可等輕冒臣等何敢僭為解釋但疏稱冊立之典可以少緩而待來年諭教之期不可少停而虛今日則其意乃在請諭教非請冊立也乞憫狂愚特從矜宥疏入未報會有申救獻可者皆獲譴復上疏曰頃科臣李獻可等降罰之旨臣不揣封還揭請未允而諸臣申救者又已得罪兩日之內嚴旨疊出奪俸謫官投荒

削籍甚之廷杖雷霆橫擊風日淒陰原其釁端則自臣揭救獻可始是臣惜諤諤之一士而反累濟濟之羣英爭降罰之輕刑而反構放逐之重譴也望 皇上將臣特賜罷免以示首事之愆仍召還降謫諸臣以釋株連之累不報又上疏云臣遭遇 聖明具員輔弼既不能婉導密視防君志未萌之欲又不能明諍顯諫扶乾綱將壞之樞曠職鯨官久當退避所以逡巡未去徒以被恩高厚毫髮靡酬庶幾殫竭愚忠漸次匡正乃今數月之間請朝講不報請廟饗不報請元旦受賀不報請大計臨朝不報犬馬微誠不能

本朝分省人物考

卷一百

七

山西

感回天意已具見於此矣至於升儲大典九廟之神靈共屬萬方之想望惟殷冊立之期或可少待而豫教之舉委宜蚤圖科臣所言未為差謬謹呵一出遠近驚疑使道路之猜議橫生宮闈之讒構交作循省虛庸終慙匡救若復依違保祿渙忍苟容死且有餘戮焉願亟賜罷歸俾全晚節辭愈直切 上溫旨慰留復上疏曰伏荷天言切諭謂沽名逸卧大非人臣之義所宜且念贊襄有年當以幾務之艱為慮華袞鈇鉞總屬皇恩雨露雪霜何非至教惟是孤忠獨立之身抱下愚不移之疾俯循深痼恐非數日之假可

痊望乞生全寔以一朝之褫為幸上不報至三月廷  
試辭免讀卷官賜玦之命始下疏辭有云情依依而  
戀主頻回弃婦之頭心惛惛以憂時橫灑孤臣之涕  
至辛丑東朝遂建聞之喜甚曰聖主如天四時寒燠  
自有節序老臣慙矣為齋沐表賀 上遣行人持羊  
酒銀幣存問官其子湛初為中書舍人癸卯病夢與  
馬文莊詠獻芹曝詩覺能舉其句及病甚寢語皆公  
家事也計聞謚文端

### 趙三聘

趙三聘字天民號任齋河津人生而韶秀童時里胥

本朝分省人物考

卷五

七五

山西二

攝更夫者闕于門諸兄走匿聘獨往見令婉變盤辟  
容止甚都令奇其狀試以文立奏詫曰異才也賜之  
筆札而厚遣之更夫事得解年十四補邑諸生登隆  
慶戊辰進士授益都令改江都丁母憂回起補獻縣  
凡三領縣皆麗郡冠蓋如雲簿書山委出則戴星入  
則設燎窮日夜之力應之館無留賓案先宿牘嘗眾  
謁上官問及鄰邑疑獄令噤不能對聘代對之甚悉  
上官偉其材凡旁近縣獄無不移以論報者前後疏  
薦十九能聲日益上聞而勞亦日積寢病咯血矣聘  
之為令也其大指在拊循百姓振救其蓄害而不為

苛瑣江都苦徭賦力行條鞭法民便之獻縣苦河溢  
為隄源導委俾水有所歸民無墊溺中州苦盜行保  
甲法什伍相伺盜以日衰擢守禹州六年寬于御民  
嚴于操下墨吏猾胥銖兩之奸不少貸檢故府圖籍  
編次州志以備信史入拜司農郎值鑿輿謁山陵中  
貴人騎而從者部當宿芻藁以待畫地為域按次給  
之迄事無譁者監九門鹽法日與大璫共事儼然以  
正臨之諸胥隸蝨蠹其中者撻剔殆盡監餉遼左帑  
金漕粟應手輒發曾不淹時士氣倍厲廣寧北有牽  
馬嶺道迫隘騎過必下或議開之以便乘障聘曰此  
一綫之路正以限虜開之不虞延虜以入乎後虜果  
從其地內犯眾乃服其識以功贈金者三增秩俸者  
一已丑擢四川副使備兵川東會其子已成進士官  
檢討喜自慰曰吾乃今可以休矣遂移疾歸歸而構  
閒閒亭于郊園携賓友觴咏其中翛然適也享年六  
十有五而卒

### 衛瑛

衛瑛平陽洪洞人擢鄉進士謁選真定通判平易循  
雅事無專成人未之奇也兩遷至開封知府銳意修  
政務在全安小民始得其所開封為東南要衝且在

本朝分省人物考

卷五

七六

山西二

省下賓客車從輻輳百事填委瑛既視事一切不急之費獨省十五六民咸便之撫按官或有所下令度不可常行卽入具白狀從容陳說故上司初以爲難直以始諒其忠信不妄也當是時天下郡縣爭爲媚調所在張飾輿馬伏謁道傍唯諾必謹百姓利病率不爲陳甚至匿水旱不以聞惟恐失名譽其苞苴暮夜益潰濫不可言瑛獨以平正自持直而不挺謹災告窮用紓民力或有所忤譴譴時至輒徐然曰吾以惠人爲本耳寧卹其他乎由是上下咸稱其賢治行爲天下最然終以無援竟不得遷居開封九年以河南叅政致仕瑛在官不以妻子自隨歲所支俸錢皆付庫吏掌籍衣服車馬非敝不更造至今汴民猶誣思之

補遺

王矩

王矩平陽府人景泰中知辰州府剛方有守正直不阿盡心民事而尤拳拳于學校病劇有私饋之金者矩曰吾平生無私至此改節豈全歸乎得正而斃吾願畢矣比卒笥貯圖書數卷此外無長物也士民走吊哭奠者如市至今人尚稱述之

劉紳

劉紳字文翔山西平陸縣人正德六年進士由行人選四川道御史清軍山東巡按陝西刷卷京畿嘉靖初以加 獻帝徽號抗疏陳諫廷杖致仕

王佐

王佐垣曲人正德中知西平縣會賊猝至佐乃嚴備禦日夜視城與僚屬誓以死守旣而城陷佐帥衆猶巷戰力盡被害事 聞贈光祿少卿 命有司立祠祀之仍廕一子入監

本朝分省人物考 卷一百

七十八

